

Library of The Theological Seminary

PRINCETON · NEW JERSEY



FROM THE LIBRARY OF THE
REVEREND WILLIAM PARK ARMSTRONG, D.D.



SCD
208

W. P. Munster

1510.
INSACROSANCTVM
Euangelium Domini nostri Iesu
Christi secundum Marcũ, Com
mentariorum lib. VI. per Hein
rychum Bullingerum.

ACCESSIT operi præfatio De Iesu Christo pontifice maximo,
& rege fidelium summo regnante in ecclesia
sanctorum,



I E S V S.

Hic est filius meus dilectus, in quo placata est anima
mea. Ipsum audite. Matth., 17.

TIGVRI APVD FROSCH, AN. M. D. LIIII.



De Iesu Christo Pontifice Maxi-

mo & Rege fidelium summo, regnante in ecclesia sanctorum, ad indu-
strum uirum Christophorum Froschouerum typographum
& ciuem Tigurinum, H. Bullingeri in Commen-
tariis suorum libris ad Euange-
lium secundum Marcum

P R A E F A T I O.



VONIAM apostolorum scripta, euangelistarum maxime, in hoc tota sunt, ut euincant & demonstrent Iesum esse Christum, id est unctum, reuera Pontificem Maximum, et Regem summum omnium sanctorum, explicabo in praesenti paucis quomodo Christus sit unctus Pontifex & Rex maximus omnium fidelium adeoque coeli & terrae dominus. Pertinet enim haec explicatio plurimum ad sanum euangelicam & apostolicam, adde & prophetica doctrinae intellectum.

Initio inquirendum uidetur quanam sint sacerdotum siue summi pontificis officia, deinde quomodo ea congruant domino nostro Iesu Christo, & quomodo ipse sit ecclesiae dei pontifex maximus. Sacerdotum primum munus erat docere, deinde orare & intercedere apud deum pro populo, item offerre pro peccatoribus & hos expiare a peccatis. Ac oportuit eos esse sanctos, qui alios sanctificabant: sicuti fusius exponitur per Leuiticum, & in epistola ad Hebraeos. De uestitu sacerdotali & quae summus pontifex in lege peculiaria habuit, nolo nunc disputare, ne liber fiat ex Praefatione. Porro de domino nostro Iesu Christo Moses in Deuteronomio, Stephano & Petro authoribus, Prophetam, inquit, suscitabit uobis dominus deus uester de fratribus uestris mei similem. Audietis eum iuxta omnia quaecumque loquutus fuerit uobis. Futurum est autem ut omnis anima, quae non audierit prophetam illum, exterminetur e populo. Quia ergo dominus noster propheta est, adeoque prophetarum princeps, docuit certe. Docuit autem uoluntatem patris sui, a quo missus erat, quae uidelicet salutis indispensandae & ueri cultus dei ratio sit, quis, qualis, & quantus sit deus, qualisque erga homines, rursus quid deo debeant homines, & quae sint officia pietatis. Ac docuit quid haec, & omnia, quae ad perfectam religionem et ad salutem nostram absolutissimam pertinent, perfectissime planissimeque: quia Messias uel unctus domini est. De quo in euangelio legis, Messias ubi uenerit docebit uos omnia. Nec ipse docuit solus, delegit insuper sibi apostolos 12. & discipulos 70. quibus huiusmodi mandatum dedit, Ite in orbem uniuersum, & praedi-

Officium sacerdotum.

Christus Iesus ecclesiae catholicae sacerdos.

Christus doctor.

cate euangelium omni creaturæ, qui crediderit & baptizatus fuerit, saluus erit, &c. Et iterum, Docete eos seruire omnia, quæ ego præcepi uobis. Denique illos ipsos suos legatos spiritu suo instruxit, per quem ipse, licet corpore assumptus in cælos, loqueretur per ora apostolorum & ministrorum in ecclesia, adde & in cordibus omnium fidelium ad finem usque sæculi. Ideo Ioannes apostolus dixit, Vos quod audistis ab initio in uobis permaneat. Si in uobis permanerit quod audistis ab initio, & uos in filio & patre permanebitis. Et unctio quam uos accepistis ab eo, manet in uobis: & non necesse habetis ut quisquā doceat uos, sed sicut ipsa unctio docet uos de omnibus, uerax est & non mendacium. Proinde Christus pontifex noster, uerbo & spiritu suo manet in ecclesia, & operatur, docet & agit per ministros in fidelibus. Nam & Paulus, Deus erat in Christo, inquit, mundum reconcilians sibi, non imputans ei peccata sua: & posuit in nobis sermonem reconciliationis. Itaque nomine Christi legatione fungimur, tanquam deo hortante uos per nos. Rogamus pro Christo, Reconciliemini deo. En, deus instituit ministerium uerbi, & ministros uoluit suos tanquam legatos haberi, per quorum ora ipse ueluti summus princeps & pontifex maximus resonat. Ista itaque quæ prædicamus, ait apostolus, de parta salute per Christum & oblata nobis uita æterna, non aliter à nobis audire & excipere debetis, quàm si ipse coram astatet Christus. Nam nos pro Christo fungimur legatione, adeoque Christus per nos uos adhortatur, ac dicit, Reconciliemini deo. Orthodoxe ergo S. Augustinus Tract. in Ioan. 30. Nos sic audiamus euangelium, inquit, quasi præsentem dominum, nec dicamus, O felices qui illum uidere potuerunt. Quia multi in eis qui uiderunt, etiam occiderunt: multi autem in nobis, qui non uiderunt, crediderunt. Quod enim pretiosum sonabat de ore domini, & propter nos scriptum est, & nobis seruatum est, & propter nos recitatur, & propter posteros recitabitur donec sæculum finiatur. Sursum est dominus: sed etiam hic est ueritas dominus. Corpus enim domini in quo resurrexit uno loco esse potest, ueritas eius ubique diffusa est. Dominum ergo audiamus, & quod ipse donauerit de uerbis eius, &c. Hæc August. Ad hunc autem modum in uerbo suo per spiritum & ministros suos in ecclesia fidelium pontificali munere fungitur dominus noster Iesus Christus, docens ubique omnes homines quotidie, ut & pie uiuant, & tandem ad ipsum transferantur in regnum patris sempiternum. Nec est ut homines alium sibi substituant pontificem, Christi uicarium, qui leges condant, & doctrina ex scrinio pectoris sui deprompta gubernet ecclesiam, Christus est & manet pontifex in æternum, qui uerbo et spiritu suo sancto per fideles suos ministros nihil sibi ipsis extra uerbum dei permittentes, gubernat ecclesiam.

Christus mediator
inter
cessor.

Idem dominus noster Iesus Christus unicus & solus est in ecclesia fidelium apud deum patrem mediator, qui intercedit pro peccatoribus.

Solus

Solus enim nouit omnia, etiā corda, & mortaliū abstrusiſſima. Solus po-
teſt omnia, quia benediſſi dei filius eſt. Solus miſericordiē & fidelē ponti-
ficē agere poteſt, quia per omnia fratribus ſuis ſimilis effectus, uerus eſt
deus & homo uerus. Solus ergo inter deum & homines ſequeſtrem po-
teſt agere, & intercedit apud deum fideliffime. Ideo enim in cœlos ad de-
xteram patris aſcendit, ut nunc ſemper appareat in conſpectu dei, & in-
tercedat pro nobis. Iccirco apoſtolus, Chriſtus eſt, inquit, qui mortuus
eſt, imò qui & ſuſcitatus eſt, qui etiam eſt ad dexteram dei, qui & interce-
dit pro nobis. Et iterum, Habentes ergo pontificem magnum, qui pene-
trauit cœlos leſum filium dei, teneamus profeſſionem. Non enim habe-
mus pontificem, qui non poſſit condolere infirmitatibus noſtris, ſed ten-
tatum per omnia, iuxta ſimilitudinē, abſq; peccato. Accedamus ergo cū
fiducia ad thronum gratiæ, ut conſequamur miſericordiā, & gratiam in-
ueniamus ad opportunum auxilium. Et iterum, Cum Chriſtus maneat
in æternum, perpetuum habet ſacerdotium, unde & ſaluos facere ad ple-
num poteſt qui per ipſum adeunt deum, ſemper uiuens ad hoc, ut inter-
pellat pro illis. Huc pertinet etiam illud Ioannis, Si quis peccauerit, aduo-
catum habemus apud patrem, leſum Chriſtum iuſtum. Et ipſe eſt propi-
tatio pro peccatis noſtris, non pro noſtris autem tantum, ſed etiam pro
totius mundi. Proinde fungitur etiā hodie dominus pontificali munere
intercedens apud patrem pro omnibus nomen eius inuocantibus. Imò
irreligioſum eſt alium & non ſolum Chriſtum cōſtituere interceſſorem
apud patrem. Non licebat olim niſi in ara thymiamatis ſacrū adolere thy-
miamata. Conſtat autem aram noſtram eſſe Chriſtum dominum, thymia-
mata uero preces ſanctorum. His adde quod de confeſſione & uſu thy-
miamatis legis Exodi 30. Quod ſi ſuffimentum aliquod uobis parare uul-
tis, ne feceritis talem confeſſionem, qualis illa eſt. Sanctū enim domino
erit. Quicūq; talem fecerit ut eam olfaciat, excindetur è populo ſuo. Ne-
phas eſt ergo ullis ſupplicare creaturis. Omnes enim preces noſtræ deo
patri, per filium, offerendæ ſunt, neq; ullo alio interceſſore apud patrem
quàm filio uti debēt fideles. Nam & apoſtolus, Per ipſum, inquit, offeri-
mus hoſtiam laudis ſemper deo, hoc eſt fructum labiorum conſitentium
nomini eius. Quid quod ipſe dominus leſus in euangelio dixit, Amen
amen dico uobis, quæcunq; petieritis patrem in nomine meo, dabit uo-
bis. Haſtenus non petiſtis quicq; ſub nomine meo, Petite & accipietis,
ut gaudiū ueſtrū ſit perfectū. Habemus ergo uerū pontificē leſum Chri-
ſtum, qui aſcendit in cœlos, in uerum utiq; tabernaculum, ubi cōſedit ad
dexteram maiſtatis, ſanctorum, ut Paulus ait, λειτουργὸς miniſter. Ibi enim
omnium ſanctorum, id eſt fidelū, negotia expedit, nunquā feſſus, nun-
quam deficiens, nunquam exhaustus. Quoniam in illo inhabitat omnis
plenitudo deitatis corporaliter, & in illo ſumus cōpleti; ut aliū iam pon-

tificem, alium intercessorē, alium qui negotia nostra agat apud patrem, Christo substituere non modo peccatū sit, sed et piaculum grande. Nam qui humilitatem prætexunt, ideo se alios intercessores apud deum quærere dicentes, quod peccatis polluti, ad Christum accedere non ausint: & incarnationis mysterium non intelligunt, & suam prodū ignorantiam. Ideo enim incarnatus est, ut nobis aditū aperiret ad ipsum deum patrem: testante apostolo, Cum habeamus libertatem adeundi in sanctā per sanguinem Iesu, ea uia quam dedicauit nobis recentem ac uiuentem, per uelamentum, id est per carnē suam. Et iterum, Debit Christus per omnia fratribus similis reddi, ut misericors esset & fidelis pontifex, in his quæ apud deum forēt agēda ad expiandū peccata populi. Nam ex hoc quod ipsi contigit tentatum esse, potest & ijs qui tentantur succurrere. Sicut ergo solus pro officio pontificali suo intercedit pro peccatoribus, ita solus expiat & purgat à peccatis, non intercessione aut precibus tantum, sed et sanguine. Produunt ergo suam ignorantiam cum dicunt quidam, ideo se diuorum preces & cōmendationes ambire, quod peccatis polluti in conspectum Christi prodire non ausint. Quali uero abluantur precibus diuorum aut sanguine diuorum, Nisi uera fide & humilitate in cōspectum summi pontificis, qui pro ipsis intercedat apud patrem, et purget eos sanguine suo, prodeant, licet ad rauim usq; clament, nunquam tamen exaudientur, imò in æternum peribunt. Necq; liberabūtur ab interitu illo suo, per ullam quantumuis præcellentem creaturam. Christi pontificis nostri hæc gloria est, qui licet corpore in coelis habitet, omnia tamen sanctorum in terris, per omnes ecclesias, negotia fidelissime apud patrem expedit.

Christus sacrificium uerum & unicum expiat ecclesiam.

Iam quia dominus noster pontifex maximus est, sacrificat etiam, purgat, expiat, atq; iustificat ecclesiam catholicam. Nam catholicus pontifex est: ergo pro omnib. sacrificauit. Quid uero sacrificauit? Sacerdotes quidem ueteres, qui typum gessere Christi, illud sacrificauerūt quod acceperunt à populo. In eo autem his Christus similis factus est. Quod enim à populo (pro quo sacrificat) id est à nobis, accepit, id ipsum obrulit. A nobis accepit carnem & sanguinem, id est uerum hominem, proinde semet ipsum obtulit pro nobis, mortuus in carne uidelicet. Nā diuinitas mortis expers est. Ipse tamen qui uerus deus est & homo, pro nobis oblatus est, ideoq; corpus & sanguis ueri filij dei illa ipsa oblatio, hoc sacrificium est, non pecorum carnes aut sanguis, quo expiatur ecclesia: ut idem sit & sacerdos & sacrificiū, plurimumq; hic discriminis sit inter Christū & ueteres pontifices, sicut & in alijs. Id quod diui Pauli uerbis explicabimus. Non in manufacta, inquit, sancta ingressus est Christus, exemplaria uerorum, sed in ipsum coelum, ut appareat nunc in cōspectu dei pro nobis: non ut sæpius offerat semetipsum, quemadmodum pontifex ingreditur sancta singulis annis per sanguinem alienum. Alioqui oportuisset illum sæpius

ſæpius paſſum fuiſſe à condito mundo. Nunc autē ſemel ſub cōſumma-
tionem ſæculorum ad proſtigationē peccati per immolationē ſuiꝑſius
apparuit. Et quatenus illud manet homines, ut ſemel moriātur, poſt hoc
autem iudicium : ita & Chriſtus ſemel oblatus eſt ut multorum peccata
rolleret, ſecundario abſqꝫ peccato conſpicietur iꝯs qui illum expectant in
ſalutem. Et iterum, Chriſtus accedens pontifex futurorum bonorū, per
maius & perfectius tabernaculū, nō manuſactum, id eſt, non huius ſtru-
cturę, neqꝫ per ſanguinem hircorum & uiculorum, ſed per proprium ſan-
guinem ingreſſus eſt ſemel in ſancta æterna redemptione reperta. Item,
Omnis quidem ſacerdos aſſiſtit quotidie ſacra peragens, & caſdē ſæpius
offerens hoſtias, quæ nunquam poſſunt auferre peccata. Hic uero una
oblata pro peccatis uictima perpetuò ſedet ad dexteram dei, id quod ſu-
pereſt expectans, donec reddantur inimici ipſius ſcabellum pedum eius.
Intelligis, opinor, ex minime obſcuris apoſtoli uerbis, pontificē noſtrū
leſum, non offerre, neqꝫ offerri quotidie. Cum enim filius dei ſit, homo
uerus, & purus, ſemel duntaxat oblatus eſt, nec offertur amplius. Vnica
enim hoſtia omnia peccata abſtulit. Nam ſemper efficax eſt ad expianda
peccata, licet non repetatur. Atqꝫ iccirco deſierunt ſacrificia in paſſione
& immolatione Chriſti ſacerdotis noſtri; iterum dicente apoſtolo, Te-
ſtificatur autem nobis & ipſe ſpiritus ſanctus, nimirum cum prædixerit,
Hoc eſt teſtamentum quod condam erga illos, poſt dies hos, dicit domi-
nus, dans leges meas in corde illorum, & in mentibus illorum inſcribam
illas, & peccatorum atqꝫ iniquitatum illorum non recordabor amplius.
Porro ubi horū eſt remiſſio, ibi nulla eſt amplius oblatio pro peccato.
Pleniſſimam ergo peccatorum remiſſionem & expiationem habet eccle-
ſia in morte et oblatione ſummi pontificis ſui Chriſti, qui licet nō im-
oletur amplius, quotidie tamen, quinimo in ſingula momenta purgat, ex-
piat atqꝫ iuſtificat credentes in nomen eius. Iccirco pontificali ſuo munere
utitur quotidie & ſingulis momētis. Eccleſia item aliam expiationem
iuſtificationem, atqꝫ purgationem peccatorum non optat, non quærit,
nō curat. Nouit enim ſe pleniffime expurgatam eſſe ſanguine filij dei ſa-
cerdotis & pontificis ſui maximi. In myſterijs cœnæ ſanctæ peragit me-
moriā ſemel oblatis corporis leſu, & agit pro expiatione gratias. Et quem
admodum fructus ueterum ſacrificiorum fide percipiebatur, non exter-
na tantum manducatione aut cōmunionē : ita fide etiamnum percipitur
fructus ſacrificij ſacerdotis noſtri Chriſti in eccleſia ſanctorū. Qui uero
uicarios Chriſto ſacerdoti ſubſtituūt, qui quotidie filium dei ſacrificent,
in pontificem & pontificatū Chriſti, maxime impij ſunt. In lege dei præ-
cipitur, Nullus homo ſit in tentorio conſtitutionis, cum pontifex ingre-
ditur ad expiandū in ſanctuario. Soli enim Chriſto hæc gloria & gratia
in ſolidum reſeruata eſt: neque is ullo eget uicario, cum in momenta pro

officio suo pontificali omnes accedentes purget atq; expiet iustificetq;. Huc iam pertinet illud prophetæ, Quamquam iniuriam nullam fecerit, & dolus non fuerit in ore eius, dominus tamen uoluit ipsum infirmando atterere, ut ubi posuerit animam suam hostiam delicti, uideat semen, proroget dies, & uoluntas domini prospere cedat in manu eius. A labore anima eius uidebit & satiabitur: & cognitione sui multos iustificabit iustus seruus meus, quorum iniquitates ipse baiulabit. Atq; ad hunc quidem modum ad finem usq; sæculi pontificali suo munere utetur dominus noster, cum omnes fideles quotidie uirtute sacrificij semel oblati purificet, expiet atq; iustificet in ecclesia.

*Christus sancti-
ficat & conse-
crat.*

Adde his quod dominus noster Iesus Christus non tantum sanctus est, sed et sanctus sanctorum, sicut appellauit Daniel, sanctum denique illud preclarissimum, sicut dixit Gabriel, ipsa inquam totius orbis sanctificatio, sicut nominauit apostolus Paulus. Atq; hic rursus multis nominibus antecellit cum summo pontifice omnes sacerdotes Leuiticos. Ideo propheta cecinit in carmine mystico, Amas iustitiam, impietatem odis, propterea unxit te deus, deus tuus unxit oleo lætitiæ præ consortibus tuis. Christus enim dominus noster plenitudinem spiritus accepit, nullibi ullo delibutus legitur oleo, sed ipsa re significata per oleum, spiritu sancto. Quo nimirum illud Ioannis pertinet, Non ad mensuram dat deus spiritum filio. Pater diligit filium, & omnia tradidit in manum eius. Neque sibi soli gratiam hanc reseruat. Unguentum enim illud bonum & pretiosum, quod capiti ueri pontificis infusum est, defluit & in barbâ, & in extremos uestimenti eius lumbos. Nam dominus noster Iesus Christus sanctificat nos, per spiritum suum, per quem confert nobis fidem & charitatem, efficitque ut simus omnes sacerdotes Christi coram deo patre, consecrati per pontificem maximum. Ideo enim Ioannes apostolus dixit, Iesus Christus testis est fidelis primogenitus mortuorum, & princeps regum terræ, ipse dilexit nos, & lauit nos à peccatis nostris per sanguinem ipsius, et fecit nos reges et sacerdotes deo et patri suo. Beatus quoque Petrus apostolus, Christus, inquit, est lapis electus, pretiosus & uiuus, ad quem accedentes ueluti uiui lapides ædificemini, domus spiritualis, sacerdotium sanctum, ad offerendum spirituales hostias, acceptabiles deo per Iesum Christum. Vos enim estis genus electum, regale sacerdotium, gens sancta, populus acquisitus, ut uirtutes illius prædicetis qui est tenebris uos uocauit in admirabilem lucem suam. Sacrificant ergo fideles in ecclesia per Christum summum pontificem consecrati sacerdotes, ac sacrificant spirituales hostias deo patri per Christum, sua inquam ipsorum corpora, & omnia quæ possident, offerunt deo preces suas, laudes & gratiarum actionem, orant pro fratribus. & impetrant, non peccantibus ad mortem, dei gratiam. Atq; ad hunc modum summum agit pontificem Christus in ecclesia, quæ quicquid habet sanctimoniam summo pontifici suo acceptum refert. Ille enim in euangelio dixit, Ego pro eis sanctifico me-
ipsum,

ipsum, ut sint & ipsi sanctificati per ueritatē. Proinde omnia summi pontificis munia obit et exercet dñs noster Iesus Christus uel hodie in ecclesia sanctorū, manetq̃ sacerdos in æternū, unicus sanctorū pontifex fidelis, perfectus, optimus, maximus. Hæc autē de Christo Iesu pontifice maximo sanctorū, & sacerdotio eius perpetuo in ecclesia fidelium hucusq̃ perstrinximus. Ex quibus id principio intelligūt fideles, quod Christus dominus perpetuò ecclesię suę præsens est, & q̃modo præsens est, quod is sit unicū ecclesię suę caput, quod uitā, sanitatē, iustitiā, sanctificationē, & omne bonū distillat atq̃ infundit in corpus, in quo uiuit & agit, à quo nunquā recedit. Deinde intelligit stupendā esse blasphemiam, Christi hæc primā & reuera maximā gloriā, homini tribuere, adeoq̃ antichristū esse q̃ se haberi uult pro summo pōtifice Christi uicario. Nunquā reliqt suā ecclesiā in terris pōtifex max. Christus, neq̃ uncq̃ deferet: nullo ergo illi opus in ecclesia uicario. Ipse oīa pōtificis munia obit et perficit fidelissime.

Consideremus nūc & regis munia potissima, uidcamusq̃ quomodo *Regis & principum munia.* Christus Iesus dominus noster rex sit sumus, populi dei princeps & monarcha, optimus, maximus, æternus, inuictissimus, potentissimus. Regis est regere & gubernare suę fidei creditū populum, hunc liberare, seruare & defendere ab interitu. Hoc autē efficiunt reges legū latione, iudicijsq̃ iustis partim, partim armis & uirtute gladij. Proinde promulgat & condit leges equas, iudicat, audit causas, pronunciat & fert sententiā iustam rex. Idem habet geritq̃ gladium, quo & suos defendit, iustosq̃ asserit, & hostes repellit, iniustosq̃ conscindit atq̃ reprimat.

Dixit sanē dominus, Regnū meū non est hinc. Fugit deniq̃ cū ipsum *Regnum meum nō est hinc, excutitur.* populus regē creare uellet, Ioan. 6. Cæterū neq̃ ijs uerbis, neq̃ alijs in locis negauit absolute se regē esse: non negauit se regnum habere in terris. Nam habet regnum in ecclesia sanctorū, quæ in terris agit. Negauit autē se in terris aliorū regū more & ratione, ut uocāt, huius sæculi regnaturū. Eligunt, creātur & coronant̃ reges huius sæculi ab hominib. Christus uero nihil potestatis aut dignitatis regię ab ullis accipit hominib. Nā in carmine Dauidis mystico, dicit pater dñi nostri Iesu Christi, Ego uero cōstitui regē meū super Zion montē meū sanctū. Recensebo decretum (iam inducitur filius loquens) Dñs dixit ad me, Filius meus es tu, ego hodie genui te. Postula à me (ait iterū pater) daboq̃ gētes ut sint hæreditas tua, & terminos terræ, ut sint possessio tua. Sceptro ferreo confringes eos, &c. Habēt reges terreni sua palatia, suas metropoles, ac urbes, præfecturasq̃ suas. Christus uero nullū in terris habet palatiū, nullā metropolim. Ascēdens em̃ è terris in cœlos, lōge maiora & præstātiora cōsequutus est. Cœlū em̃ Christi regia est, metropolis est Ierusalē cœlestis, nō terrena, nō sanguinaria et impura Roma: urbes eius sunt regna mūdi: præfecturę, plage orbis. Præterea reges huius sæculi parāt plerūq̃ regna sua armis, et parata

defendunt armis. Habent itaq; exercitus, sed cōtra quos præualet uis humana, Christi regnū ut armis non paratur, ita neq; defenditur armis, sed protectione altissimi. Exercitus Christi deniq; inuictus est, contra quem nō præualent ne ipsæ quidē inferorū portæ. Regna huius sæculi ferè utuntur pompa, & laudantur ex splendore & luxu. Huius uero in regno Christi nihil inuenias, imò contraria. Iudicia deniq; Christi iusta sunt, hominum regum plærūq; iniquissima. Erit iustitia, inquit Isaias, cingulum lumborū eius, et fides baltheus feminum eius. Ergo regnū meū, ait dominus, nō est hinc. Imò per humilitatē et crucē intrauit rex noster in gloriā patris sui. Nōne oportuit pati Christum, ait ipse Christus, & intrare in gloriā suā? Daud qui Christo prætulit typū, principio eijcitur in exiliū, fit opprobriū hominū, & abiectio plebis, tandē uero post multas ærumnas & calamitates, emergit in regnum florentissimū. Ideoq; dominus noster humilē prębuit semetipsum, sicut apostolus loquitur, factus obediēs usq; ad mortem, mortē autē crucis: quapropter & deus illū in summā exaltulit sublimitatē, ac donauit illi nomē quod est supra omne nomen, &c. Ideo uero & Zacharias dixit, Dicite filiæ Zion, Ecce rex tuus uenit tibi humilis mansuetus & sedens super asinā. Hanc humilitatē cum non intelligunt aut recte æstimant Iudæi, aliū nescio quem Messiam expectant, & uerum propter humilitatē cōtemnunt, cum uel ex unico Daudidis uersu, De torrente bibet, propterea exaltabit caput, mysteria regni Messię iam olim, nisi cæci esse mallent, perspexissent clarissime. Regna rursus sæculi minime diuturna sunt, quantumuis enim fortia, illustra & ampla sint, mox tamen dilabuntur & intereunt. Porrò regnum Christi ut nullis circūscribitur limitibus, ita etiam æternum est. Dabit illi dominus deus, ait ad Mariam angelus, soliū Daud patris sui, regnabitq; super domum Iacob in eternū, & regnī eius non erit finis. Vidit apud Danielē potentissimus rex atq; monarcha Nabuchodonosor, per insomniū statuam ingentem, quam tandē lapis cœlitus demissus contriuit, ipseq; mons ingens factus, impleuit totā terram. Ac Daniel interpretatur somnī mysteriū, docetq; statuā monarchiarū orbis gerere typū, Assyriacæ nimirū & Babyronicæ, Medicæ, Persicæ, Macedonicæ & Romanæ. Regnantibus uero regibus principib;ue Romanis, lapis, id est Christus dei filius, cœlitus descendens in uterum uirginis, incarnatus & homo factus est, mortuus & sepultus, ascendensq; in cœlum, regnum in orbe terrarū excitauit. De quo Daniel, Temporibus, inquit, regum istorū, deus cœli regnū cōdet, quod æternis temporibus non destruetur, nec imperium eius alteri populo relinquetur. Cōminuet & finiet omnia ista regna, ipsum uero æternum stabit. Sic inquā regnū Christi non est hinc. Oportet item regem nostrum non modo hominē esse uerū, sed et deum uerum, immortalem, æternum, qui omnia norit, omnia possit, ubiq; sit, omnibus per orbem adsit.

adfit. Ergo sicut alij reges à sapientia & prudentia cōmendantur, ita hic noster ipsa sapientia est, uerbū & consilium patris eterni: quippe de quo diuinus uates præcinit, Puer natus est nobis, & filius datus est nobis, cuius imperiū erit super humero eius (nimirū quia non deponet illud, neq̃ alterius in humeros inijciat) & uocabitur nomen eius Admirabilis, Consiliarius, Deus, Heros fortis, Pater æternitatis, Princeps pacis. Proferet imperiū & pacē sine cariturā, Super solium Dauidis, & super regnū eius sedebit, ut instauret & fulciat illud iudicio & iustitia, ab hinc usq̃ in æternū. Et sanè ubi dominus noster Iesus Christus natus esset sub Cæs. Augusto: Crucifixus autem, mortuus, & sepultus, tertia item die excitatus à mortuis, & sublatus in ccelū sub Cæs. Tiberio, mox cœlitus regnare cœpit in ecclesiā, quam in hisce terris apostoli Christo ex omnib. gentibus per totum terræ orbem congregarunt. Pugnarūt quidem Romani principes cum Christo nolentes hunc regnare in mundo, sed uicit tandem Christus. Excisa est Roma & flammis concremata, defeceruntq̃ in occidente Romani principes & imperatores, regibus Gotthorum & Vandalorum Athalarycho, Genserycho, & Totila de sanguinaria urbe supplicium sumentibus. Atq̃ ita etiam statua egregie est comminuta. Tunc autem per totum terræ orbem prædicata ueritate euangelica, regnabat in toto terrarum orbe, etiam in medio inimicorum suorum Christus, idem regnabit in ecclesiā fidelium, in hisce etiam terris, superato demum & conculcato Antichristo ad consummationem usq̃ sæculi, deniq̃ inde quoq̃ in æternum usq̃ regnabit in gloria & regno patris sui æterni.

Ergo quia rex est dominus noster Iesus Christus, nomotheta est, legibus æquis & utilibus regnū suū, id est ecclesiā instruens atq̃ gubernans, *Christus legislator est.* Ita enim legis apud Isaïam, Erit postremis temporibus mons domus domini præparatus in uertice montium, & editior erit cunctis collibus, confluentq̃ ad eum omnes gentes, & proficiſcentur multi populi, dicentes, Adeste, & ascendemus in montē domini, & ad domum dei Iacob, & docebit nos de uijs suis, ambulabimusq̃ in semitis eius: quoniam de Zion exhibit lex, & uerbū domini de Hierusalē. Ius dicet inter gentes, arguetq̃ populos multos. Eadem uerbotim repetijt & Michæas. Neq̃ uero de ulla alia lege loquuti sunt sancti prophætæ dei, quā de euāgelica & apostolica. Hæc enim plene instruit ecclesiā de omnibus quæ ad pietatem pertinet, quomodo uidelicet seruus & subditus Christi se gerat erga deum et erga proximos, adde & erga semetipsum. Vanissimi enim sunt, qui clament nō omnia pietatis capita ab ipso domino Iesu ac apostolis eius nobis esse tradita atq̃ relicta, & ideo multijugis hominū legibus esse opus. Cicero sanè felicē putauit rempub. cum paucis cōtenta legibus, legibus duntaxat Tabularum 12. uteretur. Nemo ergo putet leges regis nostri nimis esse angustas, Sicut enim modo dicere cœperam, uerum dei cultum

plenissime tradunt, internum & externum hominem perfectissime for-
mant: officia denique præscribunt parentibus, liberis, coniugibus, domi-
nis & seruis. Præcipiunt de recto, iusto, legitimoque facultatum terrena-
rum usu, de contractibus. Decernunt multa contra avaritiam, fraudes,
furta, cædes, luxum & iniurias. Formant præterea magistratus, ac subdi-
tis officia præscribunt. Charitatem & æquitatem ante omnia inculcant,
quibus omnia comprehendunt officia, Paulo dicente, Qui diligit alterum,
legem expleuit: domino item in euangelio testante, Omnia quaecumque
uolueritis ut faciant uobis homines, talia & uos facite illis. Hæc enim est
lex & prophetæ. Ac illa quidem sententia Alexander Seuerus Romanus
imperator adeo delectatus legitur, ut & in palatio et in publicis operibus
præscribi iuberet. Proinde nihil deest rerum necessariarum ecclesiæ, quam
Christus rex, princeps & dominus abundantissime legibus instruxit,
easque spiritu suo per ministerium uerbi firmissime retinet in ecclesia, ipsi
hanc per spiritum suum gubernans.

*Christus iudi-
cat.*

Sed & iudicis, id est ueri regis officio fungitur in ecclesia dominus no-
ster Iesus Christus: id quod nolim duntaxat intelligi de extremo iudicio,
quo ueniet in nubibus cœli iudicaturus uiuos & mortuos, sed de quoti-
diano iudicandi munere. Audit enim rex Christus quotidie & singulis
momentis querelas sanctorum suorum. Nam deus est, licet homo sit, ui-
det ergo et audit omnia. Dum ageret in terris, cogitationes aduersariorum
suorum adeoque corda eorum inspexit. Sciuit quæ uentura erant & præ-
dixit. Remota à se longissime quasi præsentia uidit. Extra urbem consti-
tutus Hierosolymorum, uirum nondum baiulantem hydriam, discipulis
suis depinxit, quem hi intro euntes iam nunc baiulare cernebant, sicuti
adumbrarat dominus. Hæc autem nondum clarificatus potuit & fecit, cla-
rificatus ergo, & receptus in gloriam, nihil earum rerum nescit quæ gerun-
tur. Licet enim corpore suo agat in cœlis, demittit tamen ueluti clarissi-
mus sol, diuinitatis suæ radios in terras, ut nihil ipsum fugiat aut lateat.
Idem benignus & beneuolus est, qui diligenter & libenter suorum causas
audit, imò priusquam exponant prænouit. Non enim difficilis est, nihil
in eo morositatis. Dum ageret in terris neminem non amicissime excepit,
ac muneribus onustum dimisit. Multo magis nunc benignus, facilis, mu-
nificus & liberalis est, cum in gloria & maiestate patris beneficentissimi
cōsudet. Vnde apostoli omnes homines ad ipsum ceu obuium, apertum
& largissimum omnis boni fontem inuitant, ut ex eo ad satietatem omnes
hauriant omnia cordis desideria, inque huius sinum ut patroni fidelissimi,
omnes querelas effundant. Neque enim uota & desideria suorum dunta-
taxat audit, sed & iudicat iuste, pronuncians, decernens atque sententiam pro-
ferens sanctissimam. Isaïas enim, Solium, inquit, præparabitur in benefi-
centia, sedebitque super eo in ueritate, in tentorio Dauidis, iudicans, inqui-
rens

rens iudicium, & accelerans iustitiam. Ergo mature iustos & bonos asserit, iniustos & malos punit rex noster. Longanimitatis est, nō negligentiae si quando tardius ad uindictā descēdere uidetur. Non euaserūt impij & uiolenti iram iusti uindictis, si quando tardius puniuntur: quemadmodum idem iudex iustus, iustorum non obliuiscitur, quantumuis grauius & diu opprimantur. Clamat diuina uox, Dicite iusto quod bene ipsi futurum sit, siquidē fructu studiorum suorum fruetur. Vae autē impio, malo, quoniam secundum opera manuū suarum rependetur ei. Quemadmodum autē nunquā dormit rex ecclesiae Christus, ita nulla ipsi praeualet uis. Conterit reges & regna, & quicquid in orbe firmum & excellēs est. Priusquā enim uenit in mundum & carnē nostrā assumpsit, regnum Syriae attriuit, regnum Israēliticum coërcuit, ac regem Assyriorum potentissimum cum ualidissimo exercitu ad internicionem delens, cecidit. Notissima haec sunt ex prophetia Isaiae, Sed & incarnatus dominus noster, & in humilitate adhuc super terras constitutus, suos potentissime asseruit, aduersarios autem repressit & fudit. Nemo enim ignorat quanta uirtute proruentem cohortem in horto oliuarum, ut ipsum caperent, prostrauerit, & inermes discipulos à furore ludæorum liberauerit: quanta item uirtute omnem aduersariam potestatem fregerit, ipsumq; sathanam & Belzebub dæmoniorum principem spoliatum regno supplantarit. Porro in ccelos receptus & clarificatus, regia officia iam longe potentius exercuit, & adhuc exercet in ecclesia. Nam apostolos suos, à principibus sacerdotum & senioribus conclusos in carcerē, per angelum suum liberauit, sicut & Petrum. Herodem autē Agrippam, qui Iacobum Ioannis fratrem truncharat capite in publica concione apud Cæsaream per angelum suum ita afflixit, ut phthiriasi foedissimo morbo cōsumptus, horribiliter deficeret. Suppeditat autem liber Actuum apostolorū innumera huius generis exempla, ex quibus discere licet potentissimum regem nostrum, suam ecclesiā fidelissime tueri, & iniquos impiosq; hostes eius horrendis modis disperdere. Nā non inermis et imparatus est rex noster Christus, tametsi nullum gerat gladium ferreum. Habet enim exercitum inuictū, innumeras scilicet angelorū legiones. Cæterū unus angelus legitur ante Hierosolymorum moenia Assyriorum occidisse centena & octoginta quinque millia. Atqui regi nostro ministrant angeli millies mille, ac decies mille myriades ante ipsum stant. Habet rex noster mandatis suis obedientem Behemoth, cuius robur & potentiam uix multis absoluit iustissimus uirorum lob. Deniq; seruiunt regi nostro omnes creaturae. Eius imperium & dicta reuerentur omnia elementa mundi. Est enim deus sabaoth, praeses ille & motor omnium astrorum. Huius nutu cōmouentur, colliguntur & operantur omnes impressiones igneae, aqueae & aëriæ. Hic rex noster fulgurat & tonat, totumq; nutu suo cœlū concutit. Idem habet in

sua potestate omnis generis morbos, quos iusto suo iudicio in terras effundit, uel à terris aufert. Vtitur opera dæmonum atq; armis hominum. Regnāte Nerone Cæs. uolente ita Christo principe & imperatore summo, conscriptus est fortissimus ex toto penè terrarum orbe exercitus, ac duce Vespasiano ductus est cōtra sanguinariū populum Iudaicū, in uindictam sanguinis sancti sanctorū, deniq; sanctorum dei prophetarū apostolorum & martyrū, effusi à gente hac incredula & rebelle. Idem rex & princeps noster Christus, Gotthos, Vuandalos, Alemānos, Francos & Longobardos contra sanguinarium Romanorum imperium excitauit: qui in uindictam sanguinis innoxij sanctorum Christi martyrum, imperium illud exciderūt funditus, ut post nomen inane nihil supersit reliquū ueteris gloriæ & maiestatis. Idē in diē nouos reges & duces fortissimos excitat, per quos & suos tuetur, & hostes suos proculcat. Ceterū ubi uenturus est in extremo illo iudicio suo, iudicare uiuos & mortuos, tunc omnium illustrissime potentissimeq; regiam suam maiestatem toti mundo & omni carni declarabit, suos uidelicet cultores fideles omnes in cœlos ad seipsum transferēs, contemptores autē suos & hostes populi sui omnes præcipitās in tartara. De quo diuinus apostolus in hæc uerba scripsit ad Theffaloniceñ. Iustum est apud deum reddere his qui affligunt uos afflictionem, & uobis qui affligimini relaxationē nobiscū, cum reuelabitur dominus Iesus de cœlo cum angelis potentiae suæ, cum incendio flāmæ, qui infligit ultionem ijs, qui non nouerunt deum, & qui non obediunt euangelio domini nostri Iesu Christi, qui pœnam luunt, interitum æternum, à facie domini & à gloria fortitudinis illius, cū uenerit ut glorificetur in sanctis suis, & admirandus fiat in omnibus credētibz, quod fides habita sit testimonio nostro erga uos in die illo. Proinde iudiciaria potestate & munere regio non tantum in extremo die utetur, licet tunc omnium potentissime utetur: sed exercet illud in singula momenta, dum fidelibus suis adest & consulit, aduersarijs sese opponit, eosq; proterit. Est itaq; Christus rex ecclesiæ suæ, in qua regnat, potētissimus, qui uidelicet potest omnia, qui adest omnibus, qui nō delassatur ullis laboribus, neq; ulla frangitur uirtute aduersaria. Idē iustissimus rex est. Nam nullas accipit in iudicio personas, nulla munera, iustissime iudicat, pauperem non negligens, neq; parcens opulento.

*Solus Christus
monarcha est.*

Huic regi summo, iustissimo, clementissimo, potentissimo & æterno debēt merito & possunt tutò credere & obedire omnes homines. Nam in uno hoc & solo omnia inueniūt quæ à sanctissimo & absoluto omnibus numeris rege requiruntur. Hic monarcha est, & manet in æternum. Nullum sibi substituit uicarium. Ideoq; regni inuasor est, quisquis se regis Christi in terris uicarium esse iactitat: factiosi & defectores sunt, qui inuasori atq; tyranno adhærent. Id quod nolim sic intelligi, quasi Christus rex

Itus rex omnes in terris reges regnis suis exuat, neminemq̃ in terris por-
rò regnare uelit. Etenim rex est regū Christus, & dominus dominantīū, *Christus est rex*
& princeps magnatū terræ: proinde habet sub se reges, principes & do- *regum.*
minos. Alioqui enim non esset rex regum. Cæterum reges, principes &
domini illi terreni, summi principis et monarchæ Christi uasalli & bene-
ficiarij sunt. Qui uero hoc non agnoscunt, & Christo regi se non subiici-
unt, dum regnant in terris, sentient aliquando iudicem seuerissimū. Por-
rò qui id agnoscūt, & Christo obediunt, hi omnia sua ex doctrina & spi-
ritu Christi instituunt: quæ impia & contra Christum recepta sunt abro-
gant, reseruant autem quæ Christo nō repugnant: breuiter, leges omnes
ad regulā Christi reformant, & seipsos unā cum regnis subiiciunt & de-
dunt Christo: quemadmodum Constantinus, Valentinianus, Theodo-
sius, & alij reges atq̃ imperatores fecisse leguntur. Sic autē monarcha &
rex regum Christus est atq̃ manet. Huc iam pertinet quod Dauid in car-
mine mystico regem Christum & regnum eius describens, tandemq̃ ad
principes orbis conuersus canit, Sapite ergo ô reges, erudimini iudices
terræ. Seruite domino in timore, & exultate cum tremore. Osculamini fi-
lium ne irascatur, & pereatis à uia, breui exardescet furor eius. Beati om-
nes qui sperant in eum. Dominus item apud Isaiam consolans ecclesiam
conquerentem de paucitate fidelīū, dicit, Ecce tollam ad gentes manum
meam, & ad populos signum meum erigam, & adferent tibi filios in gre-
mio, & filix tuæ in humeris portabuntur. Et erūt reges nutricij tui, & re-
ginæ eorum nutrices tuæ: uultu ad terrā demisso adorabunt te, & pulue-
rem pedum tuorū lingent, & scies quod ego sum dominus, et quod non
pudescant qui me expectant. Iecirco summus monarcha in orbe Christus
est, licet à multis ipsi regibus cōtradicator. Nam is est de quo Dauid rur-
sus cecinit in carmine mystico, Dixit dominus domino meo, sede à de-
xtris meis, donec ponam inimicos tuos scabellū pedum tuorum. Domi-
nus emittet uirgam tuæ potentix è Zion, dominare in medio inimicorū
eius. Dominus à dextris tuis, confregit in die iræ suæ reges. Iudicabit in
gentibus, & omnia plena cadaueribus erunt, conuassabit capita in mul-
tis regionibus. De torrente in uia bibet, ac propterea exaltabit caput.

Hæc hætenus diximus de uero nostro Melchizedek, de rege inquā
& pontifice domino nostro Iesu Christo, regnante in ecclesia, et plenissi-
me sanctos atque fideles perficiente, ut his nulla alia opus sit uirtute salu-
ifica, nullo pontifice alio, nullo intercessore alio, nullo sacrificio alio,
nullo propheta alio, nullo deniq̃ rege, principe, iudice, assertore, pro-
tectore & uindice alio. Regnat hic & uiuit in æternum, benignus, fa-
cilis, expositus, & liberalis erga omnes qui ipsum uera fide & spe ad-
eunt. Porrò regem hunc & pontificem copiosius describit euangelica
historia. Eadem plenius docet fidem, spem & charitatem, qua subiici-

mur & seruimus regi Christo, Ad ipsam ergo enarrandam nunc descendimus, ut breuitatem huius compendij de rege & pontifice Christo copiosiore farciamus expositione. Breuis quidem & parca est Marci expositio si spectes uerba, copiosissima uero & amplissima si sensum & spiritum pensites. Distinxi Explanationum siue Commentariorum opus in libros VI. ac breuitati & ipse in his studui, non ut pari felicitate cum S. Marco me breuiter dicere posse putem; sed quia Commentarijs in Matthæum æditis singula ferè copiosius enarraui. In præsentī satis esse putauī si totum historiæ contextum diligenter & pro mea facultate fideliter connecterem, obseruatisq; & cōsignatis locis potioribus ad Matthæum relegarem, Sed & pauci adeoq; nulli apud ueteres in hunc scripsere historicum, non aliam opinor ob causam, nisi quod explicato Matthæo & hunc explicatum esse putarent. Ego certe ex uetustis neminem uidi qui hoc euangelium enarrarit. Nam Theophylactus, alioqui nō indiligens interpres, ferè numeratur inter neotericos. Hieronymi commentarios, qui circūferuntur & ferè allegorias contexunt atq; neſciunt, putauit non sine grauib; rationibus D. Eras. non magis sapere Hieronymū quā forba ficum. Ex neotericis interpretibus nullum post beatæ memoriæ Zuinglium hætenus uidere contigit, nisi unicum hunc Eras. cuius uerbis & expositione ideo utimur frequēter, quod & doctus, perspicuusq; fuit interpres, & diligentissimus ueterum interpretum lector.

Has uero lucubrationes nostras tibi Froſchouere, dilectissime compater, dedico, idq; pro amore in te meo ac propter studium illud tuum ardens erga causam euangelicam, quam tu omnibus modis promouere contendis. Nullis enim laboribus, nullis sumptibus parcis, ut multis per orbem hominibus ueritas illucescat euangelica per typographiam, quæ salubri & admirando dei consilio ibi etiam prædicat, ubi prædicatores ac ministri Christi uel planè obticescunt, uel per tyrannidem prædicare nō possunt. Ac tua hæc fides singularisq; diligētia tibi tuisq; profuit hætenus non parū, deniq; non modicis laudibus ornauit te apud domesticos atq; externos. Tu uide ut tui perpetuò similis sis, ut pergas benefacere multis. Nam qui in finem usq; perseverat, iustam demum promeretur laudem. Gratia domini nostri Iesu Christi sit tecum. Tiguri Mense Augusto, Anno Domini M. D. XLV.

DE S. MARCO EVANGELI

STA ET OPERE EIVS EVANGELICO.



PETAT Epiphanius Salaminæ Cypri episcopus S. Marcū ē numero fuisse 70. *Marcus discipu-
lus Christi ē nu-
mero 70.*

discipulorum domini, qui uidelicet ipsum dominum Iesum in carne & uiderunt & audierunt. Id si uerum est, uidetur & illud uero nō dissimile quod Theophylactus refert Marcum hūc alio nomine appellatum fuisse Ioannem. Fuit ergo Marcus ex circumcisis, Hierosolymitanus ciuis, filius Mariæ illius, cuius mentionem faciunt Acta apostolorū in cap. 12. Proinde fuit & Barnabæ consobrinus siue patruelis cuius meminit & apostolus Paulus ad Coloss. cap. 4. Propter hunc nimirum, ut testatur Acta apostolorū, acriter inter se cōtenderunt Barnabas & Paulus, illo Marcum defendere ac secum ducente, hoc uero grauer repellere, Barnabæ iccirco aliquandiu adhæsit Marcus in munere & legatione euangelica apostolicæ, tandem coniunxit se Petro apostolo. *Marcus discipu-
lus S. Petri apo-
stoli.*

Nam S. Hieronymus ipsum Petri & discipulū & interpretem nuncupauit. Eusebius enim Eccles. hist. lib. 2. cap. 15. Fratres, inquit, Marcum Petri discipulum urgentibus orant precibus, ut ea quæ ille uerbo prædicabat, ad perpetuam eorum commonitionem habendam, scripturæ traderet: quo domi forisq; in huiuscemodi uerbi meditationibus permanerēt. Nec prius ab obsecrando desistunt quàm quæ orauerant impetrarēt. Et hæc fuit causa scribendi, quod secundum Marcum dicitur euangelium, Petrus uero ut per spiritum sanctum religioso se spoliari comperit furto, delectatus est, fidem eorū deuotionemq; per hæc confyderans, factumq; confirmauit, & in perpetuum legendam scripturam ecclesijs tradidit. Clemens in sexto dispositionū libro hæc ita gesta esse describit. Et illa hoc modo leguntur apud Eusebium. Hinc factū arbitror, quod quidam interpretum hunc historicum numerant inter illos, qui quæ tradunt ecclesijs ab alijs acceperunt: quibus id nimirū uidetur, quod & euangelica historia proditi legimus, dominū Iesum elegisse quidē discipulos LXX. sed peculiariter tamen mysteria regni dei aperuisse apostolis XII. Proinde Petri ex ætate potuisse restari de singulis dictis & factis Christi domini, quàm Marcum, licet & hic uiderit audieritq; ipsum dominum. Itaq; uisum est illis Marcum euangelica historia prodidisse ecclesiæ Christi illa quæ ipse partim uidit & audiuit, partim uero ab apostolis Christi, maxime autē Petro accepit. Ego uero ut negare non possum S. Marcum Christi & Petri fuisse discipulum, & à præceptore Petro didicisse audiscere quamplurima: ita rursus euangelicæ historiæ ueritatem & auctoritatem non possum deriuare, nisi à spiritu ueritatis: ex quo constat scripsisse Marcum, & docuisse Petrum, ut propter cōmunem spiritum nō minus credi debeat S. Marco discipulo aut apostolico, quā ipsi S. Petro magistro et apostolo. Alioqui et discipulos ē numero LXX. nō minus quàm ipsos apostolos XII. de Christo testificari posse, sed & plenam fidem mereri, illud manifeste arguit, quod ipse S. Petrus in Actis dum surrogandus erat in perditionem Iudæ locum alius apostolus, dixisse legitur, Oportet ut ex his uiris, qui nobiscū uersati sunt toto tempore quo dominus Iesus perpetuam uitæ consuetudinem egit nobiscum (siue ut linguæ sacræ idiomus habet, In quo intraui & exiui inter nos) exorsus à baptismo Ioannis ad eum usq; diem, quo receptus est à nobis, unusquispiam constituatur, qui sit unā nobiscū testis resurrectionis eius. Nihil ergo uilior aut leuior haberi debet à quoquam S. Marci testificatio, quod apostolicus non apostolus, & ē numero LXX. discipulorum, non ē choro apostolorum duodenario fuit. Cæterum assumpto euangelio quod ipse conscripserat, perrexerit in Aegyptum, & primus Alexandriæ Christum annuncians, constituit ecclesiam illustrissimam sanctissimamq;. Inde uero euangelij fulgor in uniuersam resplenduit Aphricam, in Pentapolim, Libyam, atq; cæteras Aphricæ partes. Excessit tandem Alexandriæ anno Neronis 8. à morte Christi domini trigessimoprimo, succedente sibi Aniano. Seruiuit ergo Christo pontifici & principi monarchæq; summo, ac castissimæ eius sponse ecclesiæ, annos plus minus 30. Quid quod relicto scripti sui monumento uel hodie seruit ecclesiæ, docendo ac testificando, seruieritq; donec sæculum finietur.

Ex æquo meretur fidē & apostoli & apostolici.

Quibus prædicarit & quos conuerterit S. Marcus.

De tempore quo euangelium scripsit S. Marcus nil certi habeo. S. Augustinus de Consensu euangelistarum appellat Marcum Matthæi pedissequum & abbreviatorem: iccirco euangelium Marci à multis Epitome euang. Matthæi appellatum est. Certe Marcus breuitati studuit, grauiusq; & maxime perspicua breuitate per 16. capita exposuit, quæ Matt. per 28 ca. copiose enarrauit. Theophylactus, Character, ait, euangelij secundum Marcum manifestus est, nihilq; habet obscuritatis, aut in quo mēs hæreat. Et ferè per omnia cum Matthæo eundem habet processum, nisi quod Matthæus diffusior est. Omnia illius uiuacissima quadam euidencia florent atq; uiuunt. Delectum quoq; adhibuit in ipsis rebus. Verbis utitur proprijs maxime & perspicuis. Ordine progreditur pulcherrimo & ad docendum appositissimo. Fucum secularis sapientiæ & loquentiæ nuspian rei per se alioqui splendidissimæ illi: tota dictio uiget spiritu sancti neneranda maiestate & eloquentia. De quibus recte indicabūtur quorum pectora spiritu sancto, quo auctore hoc scriptum est proditum, non destituuntur. Dominus Iesus illuminet nos omnes luce sancti sui spiritus, Amen.

Euang. Marci Epitome euang. Matthæi.

COMMENTARIORVM IN

EVANGELIVM SECVNDVM MARCVM.

LIBER PRIMVS.



VSPICATVR historiam euangelicam S. Marcus à baptismo & doctrina Ioannis Baptiste, indicans quid docuerit, quid de Christo domino testificatus sit, quomodo se gesserit, ac Christum dominum baptizari. His adiecit protinus quomodo unctus reuelatusq; sit Christus, quomodo tētatione graui sit exercitatus, postremo quomodo prodierit ac regnum dei prædicarit. Hic uero exhibet sibi ab initio protinus discipulorum & factorum suorum testes, uocans aliquot discipulos, quos formet orbis totius doctores, quando uenerat totum orbem ueritatis doctrina illuminaturus, atq; redempturus ex potestate peccati, mortis, inferorū, atq; Sathane. Illis subiungit maximum doctrinæ Christi effectum atq; uirtutem. Omnes enim stupent super doctrinam eius. Coercetur unò & eijcitur sathanas, qui Christo cū tremore cedit. Postea describitur ipse Christus et uirtus Christi omnipotens, ex factis. Omnes enim morbos curat, omnia mala pellit, peccata remittit, peccatores iustificat & restituit integritati. Suppeditantur interim uaria fidelibus exempla, in ijs qui Christum imploraturi opem accedunt, quomodo nos quoq; oporteat accedere ad Christum. Mox repurgat dominus ieiunia & ferias populi sui ab erroribus pharisaicis, interim & uires suas deponit, demonstrans se esse filium dei. Cæterum cum ad hunc modū satis se insinuasset suorum animis ut iam intelligere inciperent uirtutē Christi filij dei, ex ipsis designat duodecim, quibus prædicandi euangelij munus iniungit, eosdē & potētia edendorum miraculorū instruit. Deinde ostendit quod successus euangelij & miracula euangelica uirtuti diuinæ, non sathane aut magiæ sint tribuenda. Sed & suo exemplo indicat quales esse oporteat uerbi dei prædicatores, qui nimirū renunciarint carni & sanguini, & qui sint filij dei. Ex qua occasione protinus differit copiose de semine ex quo nascūtur filij dei, de auditu uidelicet uel auscultatione uerbi dei, de effectu, ui, successu & fructu uerbi dei. Quæ omnia elegantissimis inuoluta & cooperta parabolis proponit. Adiungit itē morbos uitia & pericula quibus obuoxiū est semē dei, ubiq; interim uirtutē Christi maximam prædicans.

CAP. I.



INITIVM EVANGELII IESV CHRISTI FILII DEI, sicut scriptum est in prophetis, Ecce ego mitto nuncium meum ante faciem tuam, qui præparabit uiam tuam ante te. Vox clauantis in deserto, Parate uiam domini, rectas facite semitas eius.

Insolitum auribus nostris loquendi genus orationem nonnihil reddit obscuram. Si ergo sic ordinaueris uerba euangelistæ, clarior erit sententia, Euangelium Iesu Christi filij dei ad eum modum incæpit, sicut scriptum est in prophetis. Vel, Euangelium Iesu Christi filij dei tale habuit initium, quale habiturum prædixerunt prophetae. Iam adde his quibus absoluiatur sensus. Prophetae uero, Malachias nimirum & Isaias, prædixerunt fore, ut præambulo quidam illustis proxime aduentui & prædicationi Christi domini præcurrat, qui in deserto prædicet & præparet uiam uenienti Christo. Venit ergo Ioannes Baptista, prædicans in deserto & uiam Christo præparans: qua re salutis humanæ & negotio per Christum absoluto redemptionis, euangelio inquam, initium dedit &c.

Titulus et argumentū operis.

Præfigit autem hoc modo operi titulum Marcus, & in titulo comprehendit argumentum operis. Titulus est, Euangelium de Iesu Christo dei filio. Argumentum est, Dicitur de Iesu Christo dei filio, quomodo saluos faciat credentes. Nam euangelium definiit Paulus potentiam esse dei ad salutē omni credenti. De Euangelio dixi in Commentarijs nostris ad Matt. & Ioan. Cōmendat ergo semetipsum orbi opus ex materiæ præstantia & dignitate. De filio dei contextitur historia, ac de uera salute & felicitate mortalium. Dei filio nihil præstantius habet hic orbis. Insitum autem est cunctis mortalibus ut felicitatem expetant; quæ ut spinosis disputationibus

sputationibus philosophorum inuoluta, & mendacijs obscurata imò surrepta est mundo: ita eadem apostolorum & euangelistarum simplicissima clarissima & uerissima doctrina proponitur adeoq; restituitur. Hic finis, hic fructus est huius historie euangelicæ secundū Marcum æditæ. Huc properet quisquis salutaria & maxima quæq; de Iesu Christo dei filio, rege summo & pōtifice maximo, quisquis de niq; ueram compendiarium & certissimam rationem consequendi ueram & æternam felicitatem audire & cognoscere cupit.

Marcus mox ab initio disertis uerbis Iesum Christum dominum nostrum ap^z *Christus Iesus* pellat filium dei, sicut & Ioannes postea fecit. Matthæus nuncupauit filium Dauid *dei filius*. Cum autem hæc scriberet Marcus, nondum uenena sua effuderant contra diuinitatem Christi, sathanæ progenies hæretici. Simpliciter ergo dei filium appellat dominum, non addens uerum, naturalem, substantialem, non adoptiuum, nuncupatiuum aut simile quidpiam: quæ postmodum ex contentione exorta & necessario adiuncta sunt. Ab initio enim cum dominus noster ab apostolis appellabatur dei filius, id omnes intelligebāt non de adoptato patris filio, sed genuino & uero naturali adeoq; cōequali patris filio. Nam nemini obscurū tunc erat, quam obrem ipsum in crucem egissent male grati Iudæi, nimirum quod sibi patris usurpasset gloriam. Apud Pilatum enim ante prætorium una uoce exclamabant omnes, Nos habemus legem, & secundum legem nostram debet mori: quia filium dei se fecit. Atqui gloriabantur omnes Iudæi se esse filios dei, nimirum adoptatos à deo. Itaq; Christo non id impingunt criminis, quod se appellasset adoptatum dei filium. Nam pro crimine non habebatur inter ipsos, imò gloriosum erat uocari filios dei: sed quia naturalem & consubstantialem se dei filium, patri æqualem per omnia esse prædicarat, & uere quidem prædicarat. Ab initio itaq; fideles simpliciter & recte intelligentes scripta & dicta apostolorum & euangelistarum, nihil dubitabant de uera filij diuinitate: quam postea impijs suis disputationibus in dubiū uerterunt spinosi hæretici. De quibus dictū est in euangelio Ioannis. Qui sapiunt docti & indocti, fidei ueritatem & simplicitatem tenentes, confitentur Iesum Christum & filium esse dei, & filium Dauidis, uerum inquam deum & hominem: abhorrent autem ab irreligijs disputationibus impijsq; & blasphemis assertionibus hæreticorum. Nisi enim dominus noster uerus & naturalis esset deus & homo, nunquam posset esse mediator inter deum & hominem, nunquam esset rex & pontifex omnium fidelium & saluator mundi.

Porro euangelij de Iesu Christo dei filio negotium, ab ipso cœpit Ioanne bapti^z *Euangelij negotium prædicatione Ioannis inchoatum est.* sta & prædicatione eius. Diserte enim Marcus, Initium, inquit, euangelij, prout scriptum est in prophetis. Sed & Petrus apostolus in Actis cap. 10. eius exordium inde deducit. Vbi sunt itaq; illi, qui contendunt Ioannem non fuisse euāgelistam, sed medium inter legem & euangelium? Illud rursus nemo sic intelligat, quasi ueteres ante Ioannem baptistam omni caruerint euangelio. Habuerunt enim euangelij promissiones amplissimas & splendidissimas. Caterum nobis præstitit quod illis promisit: unde reiecto & exhibito gaudemus euangelio: & Ioannes prædica-
bat iam nunc appropinquasse regnum dei, & medium astare quem uotis ardentissimis exoptauerint sanctissimi quiq; imò eundem demonstrauit digito adiectis simul hisce uerbis, Ecce agnus dei qui tollit peccatum mundi. Ac quo plus fidei inueniret expositio Marci, prophetarum uaticinia producit in medium. Gemino autem utitur testimonio, altero quidem sumpto ex Malachiæ cap. 3. altero ex cap. Isaia 40. Minatur dominus apud Malachiam Leuitis non bona fide suo fungenti
Exponitur Io. 3. eius Malach. 3.
bus officio grauissima quæq;, tandem uero & deiectionem de gradu, abdicatio-

nemq; officij & muneris sacerdotalis. Quibus addit dominum alios sibi delecturum ministros, qui in officio fideiores ac diligentiores sint futuri, apostolos nimirum, ac in primis legatum illum insignem, qui ipsum Messiam sit præcessurus, Ioannem baptistam. Verba prophetæ hæc sunt, Ecce ego mitto legatum meum, qui complanabit uiam ante me, subitoq; ad templum sanctum suum ueniet dominus, quem uos quæritis, & legatus fœderis quo uos delectamini. Ecce uenit, ait dominus exercituum. Quis uero diem aduentus eius sustinuerit? aut quis cum se conspiciendum præbet, consisteret? Est enim ueluti ignis excoquens, & ut berith fullonum. Sedebit itaq; excoquens & repurgans argentum, filios Leui mundabit, expurgabitq; eos ut aurum & argentum &c. Primum mittitur angelus, legatus inquam & præambulo Christi Ioannes, qui complanat & parat uiam Christo, per prædicationem præparans cerda fidelium ad recipiendum Messiam. Deinde subsequitur mox quasi insistentis ipsius Ioannis uestigijs ipse Christus, legatus fœderis, is nimirum qui sanguine fuso nouum & æternum fœdus inter deum & homines ferit, quem desyderant & quo delectantur omnes sancti. Venit autem in templum suum, in ipsam uidelicet sanctorum ecclesiam: in qua dum omnia iuxta patris sui uoluntatem reformat, Leuiticos etiam sacerdotes excoquit atq; repurgat ueluti argentum, deieciis plerisq; de gradu, & seruatis aliis quot certe opido paucis ad ministerium euangelicum prædicatoribus. Locum Isaïæ tractaui in Matth. cap. 3.

Baptizabat Ioannes in deserto, prædicans baptismum pœnitentiæ, in remissionem peccatorum.

Quid & quo= Exponit quomodo impleti sint sermones prophetarum, uidelicet quomodo
modo egerit Io- præambulo Ioannes uenerit, euangelij negotium incœperit, uiamq; præpararit
annes baptista. Christo principi. Baptizabat, inquit, Ioannes in deserto. Baptizabat autem ex
instituto dei aquis Iordanis homines Christianismo sese dedere uolentes. Vnde
& nomen baptistæ inuenit. Primus enim deo iubente homines aquis baptizauit,
& ita Christianismo dedit initium. Regas an tantummodo baptizauit? Sequitur,
Prædicans baptismum pœnitentiæ in remissionem peccatorum. Baptizauit
quidem aquis Ioannes, sed interim docuit, & auditores ad baptismum recipiendum
adhortatus est. Doctrina Ioannis duo habuit capita potissima, sicut & apostolica, nempe
Luce 24. Pœnitentiam & remissionem peccatorum. Docuit enim pœnitentiam, atq; suaserit
omnibus hominibus, ut se conuertant ad deum, agnoscant peccata, confiteantur ea deo,
& credant illa sibi per Christum esse remissa. De hac doctrina Ioannis plura require
ex tertio capite Matthæi, & Ioannis capite primo. Iunxit doctrinæ symbolum baptismi.
Baptismus. Baptismus signum est pœnitentiæ & remissionis peccatorum, quo deus
attestatur se credentibus peccata ablueri siue remittere, & quo nos pœnitentiæ per
omnem uitam agenda consignat atq; admonet. Commode ergo & recte qui prædicabat
pœnitentiam & remissionem peccatorum, simul conferebat symbolum pœnitentiæ &
remissionis peccatorum. Sic inquam prædicando & baptizando initium dedit euangelio.
De Baptismo dixi apud Matth. in cap. 3.

Et egrediebantur ad eum tota Iudæa regio ac Hierosolymitæ, & baptizabantur omnes ab illo in Iordane flumine, confitentes peccata sua.

Fructus prædicationis Ioannis. Sequitur quomodo populus exceperit prædicationem noui illius præconis
& euangelistæ. Non enim caruit fructu suo uerbum dei per ipsum prædicatum.
Accur

Accurrunt ergo confertim Iudæi & Hierosolymitæ omnes, bona nimirum populi portio, ex omnibus Iudææ partibus ciuibusq; Hierosolymitanis, & baptizabantur ab ipso. Simul autem confitebantur peccata sua. Respuit enim baptismum qui nulla sibi purgatione ablutioneq; opus esse credit. Ergo hoc ipso quod baptizabantur, palam testificantes confitebantur se esse peccatores, quibus purgatione criminum esset opus. At Ioannes addebat credentes per Christum purgari à peccatis. Ego enim, inquit, baptizo aqua, ille autem baptizabit uos spiritu sancto & igni: Christus inquam uere à peccatis purgat & spiritum sanctum cōfert. Huic ego uos præparo. Plura requirere ex 3. cap. Matthæi.

Erat autem Ioannes uestitus pilis camelinis, & zona coriacea circum lumbos suos, uestebaturq; locustis & melle syluestri.

Adumbrat hæc mores doctoris huius euangelici. Permultum enim refert *Mores euangelici ei doctoris.* quibus moribus præditus sit doctor ueritatis, ne uidelicet uita improba deiciat, quod sana alioqui extruxerat doctrina. Proinde uita & mores Ioannis baptistæ per omnia respondebant doctrinæ. In uestitu enim & uictu hominis mores relucet maxime. Verum is parabilis fuit, frugalis & temperans; fuit itaq; tota hominis uita sanctissima temperantissimaq; per omnia. De his copiosiora dedi in tertio capite Matthæi.

Et prædicabat dicens, Venit qui fortior est me, post me, cuius non sum idoneus, ut procumbens soluam corrigiam calceamentorum eius. Ego quidem baptizaui uos aqua: ille uero baptizabit uos spiritu sancto.

In genere dixit Marcus Ioannem prædicasse, iam etiam quid prædicarit populo *Ioan. bapt. Christi prædicat.* Io subiungit, Prædicauit Christum Iesum, & in ipso remissionem omnium peccatorum: quippe cum sit omnipotentis dei patris omnipotens filius, Messias uerus, cui nul a potest creatura quantumuis sancta & excellens, conferri. Deinde sedulo adhortatus est uenientes ad pœnitentiam, exposita uel significationeq; baptismi, quod conferebat. Reliqua pete ex 3. cap. Matthæi, & primo capite euangelij secundum Ioannem.

Et factum est in diebus illis, ut ueniret Iesus à Nazareth Galilææ, & baptizaretur à Ioanne in Iordane. Et statim cum ascenderet ex aqua, uidit diffindi cœlos, & spiritum tanquam columbam descendantem super illum. Et uox edita est e cœlis, Tu es ille filius meus dilectus, in quo placatus sum.

Omnia quæ hucusq; dixit & fecit Ioannes, in hoc dixit & fecit, ut plebem Christi *Reuelatur populo Iesus Christi.* præpararet, adeoq; absoluerat iam suum officium, nec restabat aliud, quam ut ipse dei filius iam ueniret, à Ioanne populo digito monstraretur, totiq; mundo reuelaretur à patre. Id uero quomodo factum sit præsentibus describit S. Marcus, Venit, inquit, Iesus à Nazareth uiculo Galilææ, in quo fuerat nutritus atq; educatus; uenit inquam humilis, nullo comitatu, ut qui uis e plebe, & inter peccatores, ac ad baptismum uenit. Baptizatur enim à Ioanne, atq; corpori omnium credentium inferitur, ne dubitemus illum omnino esse nostrum. Deinde sanctificat Christianum baptisma iam antea etiam diuina institutione sanctificatum, docens sacramenta non esse contemnenda aut etiam negligenda. Vbi autem baptizatus esset & iam in hominum frequentia ex Iordane ascenderet, inungit

Christus unctus tur inauguraturq; à patre, & testimonio patris cœlitus edito reuelatur declaraturq; orbi quis sit, & quid per ipsum habeant credentes. Vidit enim Ioannes (nam ad Ioannem baptistam referendum esse uerbum Vidit, docet euangelista Ioannes in capite primo) diffundi cœlos & spiritum sanctum in specie columbæ cœlitus descendere, & capiti Iesu insidere. Ita inungebatur inaugurabaturq; regno & sacerdotio, signo uisibili, qui alioqui plenitudinem spiritus habebat. Edita uero cœlitus uoce dei patris declarabatur, quis sit hic unctus siue Messias, & quid ab ipso & in ipso habeamus, reconciliationem, gratiam dei, pacem, iustitiam & uitam. Sed quid attinet de singulis exactius disputare, cum copiose de ijs differuerim Matth. 3. & Ioan. 1.

Et continuo spiritus illum expellit in desertum, & erat illic in deserto dies quadraginta, & tentabatur à sathana, eratq; cum feris, & angeli ministrabant illi.

Vnctionē sequitur tentatio.

Baptismus Christi & unctioem, non delicia & uoluptas, sed grauis & periculosa sequitur tentatio, ut hinc disceremus quid expectent, qui nomina sua in baptismo huic dederunt principii. Oportuit illum præterea qui uenerat seruaturus credentes, & probari per omnia & uincere in omni- bus. Hæc explicata sunt à nobis in quarto capite Matthæi. Matthæus enim plenius tentationem hanc depingit. Addit Marcus dominum uixisse inter bestias siue feras, quo significare uoluit dominum quadraginta diebus & noctibus plane abstinuisse ab omni confortio & solatio hominum; ne uidelicet nos quoq; pigeat, si ita tulerit casus & gloria dei flagitarit, degere cum feris: quemadmodum & Heliam fecisse legimus & prophetas Hebr. 11. cap.

Postquam autem comprehensus esset Ioannes, uenit Iesus in Galilæam, prædicans euangelium regni dei, & dicens, Impletum est tempus, instatq; regnum dei: resipiscite & credite euangelio.

Prodit Christus.

Prodit nunc dominus cui Ioannes uiam aperuerat, ut regnum dei prædicans, ipse iam in electis regnare inciperet. Notatur ante omnia tempus & locus. Tempus, Vbi in uincula coniectus esset Ioannes. Locus, Galilæa. De utroq; dictum est Matthæi capite quarto. Porro in genere dicit quid prædicarit docueritq; Christus dominus, Euangelium regni, lætum haud dubie nuncium de Regno dei,

Quid prædicauit Christus.

nampe quomodo participes fiamus regni dei, ut dum hic uiuimus in terris, regnet in nobis Christus, & ubi hinc soluerimus, quomodo in regnum dei recepti regnemus cum illo in sæcula sæculorum. Non autem contentus est Marcus scopum & summam consignasse prædicationis domini, quinimo formulam certam prædicationis eius statim subiungit, certè ut ex una æstimemus alias omnes. Interim uerbotim non commemorauit omnia quæ dixit, sed potissima ac prima capita: quorum quatuor hic consignantur. Primum, Impletum est tempus. Dependet hoc ex promissionibus ueteris testamenti. Lex enim & propheta certum aliquod tempus designarant in quo salus omnium credentium perficeretur per incarnatum & mactatum dei filium. Daniel enim à Gabriele archangelo audit, Septuaginta hebdomades præfinitæ sunt populo tuo & urbi tuæ ad consummandum scelus, & perficiendum peccata, & expiandum iniquitatem, & ad iustitiam sempiternam adducendum, & obsignandum uisiones & prophetas, & ungendum sanctum sanctorum. Iam uero, Hoc, inquit Christus, tempus impletum est. Ex eo sequitur secundum, quod ipsum etiam explicat primum, Instatq; regnum dei.

Instat regnum dei.

Per Christum enim aperitur credentibus aditus ad patrem in regnum dei, denique

que regnat deus super terram quoque spiritu, ui & uerbo suo in medio fidelium suorum. Omnia ergo quæ de salute & uita æterna, de iustitia sanctorum, de regno dei in hoc seculo, prædixerunt prophetae, iam nunc instant, inquit, & exhibentur atq; complentur per Christum. Docuit itaque quos per Christum thesauros habeamus. At dicat aliquis, Quomodo illorum fiunt participes homines? Sequuntur duo residua capita, Tertium, Resipiscite. Quisq; in semetipsum descendat, qualis sit corruptus peccator & damnatus ex seipso, agnoscat, confiteatur peccata, deniq; ab ijs auersus conuertatur ad misericordiam dei. Sequitur enim quartum, quo absoluitur tertium, Et credite euangelio. Tamen si sentitis uos esse peccatores & iusto dei iudicio damnatos, attamen ne desperaueritis in peccatis uestris. Credite euangelio annuncianti quod deus propter peccatores filium unigenitum misit in mundum, ut omnis qui credit in eum non pereat, sed habeat uitam æternam. Credite ergo in filium dei saluatorem mundi. Fide percipite dona dei, fide coniungamini deo. Locis ergo communes quos tractauit in suis concionibus dominus Iesus hi sunt, Impletio scripturarum, Veritas uerbi dei, Regnum dei & liberatio filiorum dei, Agnitio confessioq; peccatorum, ac poenitentia. Fides in filium dei, Euangelium &c. Hinc discant euangelici concionatores formare conciones suas sacras: & quid sit legitime prædicare euangelium Christi. Obseruanti enim diligentius, apparet Ioannis baptistæ, Iesu Christi & Apostolorum eius doctrinam eiusdem esse generis, ueramq; euangelij prædicationem. Omnes enim poenitentiam & remissionem prædicarunt in nomine Christi. Hæc est uera infallibilisq; & salutaris prædicatio ueritatis. A qua si quis aberrauerit sentiet iudicem seuerissimum.

Resipiscite.

Credite euang.

gelio.

Euangelica

conciones.

Cum ambularet autem iuxta mare Galilææ, uidit Simonem & Andream fratrem eius, iacentes retia in mare. Erant enim piscatores, & dixit eis Iesus, Sequamini me, & faciam ut efficiamini piscatores hominum. Ac protinus relictis retibus suis, sequuti sunt eum. Et progressus illinc paululum, uidit Iacobum filium Zebedæi, & Ioannem fratrem eius, qui & ipsi in naui reconcinnabant retia, statimq; uocauit illos: & illi relicto patre suo Zebedæo in naui cum mercenarijs, sequuti sunt eum.

Venerat sanè filius dei saluandis omnibus illuminandisq; unde uoluit ea quæ docebat, non tantum ad Iudæos & pauculos aliquot pertinere homines, sed ad omnes. Deligit itaq; dictorum & factorum suorum testes, quos sibi adhibet & familiarissima constringit conuersatione, ut hi tandem in orbem terrarum egressi, quæ uiderant & audierant à domino, testificantes annuntiarent apud omnes gentes. Commode ergo & suo in loco mox à doctrina Christi, commemorat S. Marcus uocationem quorundam apostolorum. De qua consule Matth. in quarto capite.

Deligit Christa
suos testes.

Et ingrediuntur Capernaum: & statim sabbatis ingressus in synagogam, docebat, & stupebant super doctrina eius. Docebat enim eos, tanquam auctoritatem habens, & non sicut scribæ.

Pertinent & hæc ad locum doctrinæ, & indicant quanta cum sedulitate oporteat prædicare euangelium, quod tanta cum diligentia & fide prædicauit ipse dominus. Imò hoc præ cæteris Marcus sibi peculiare habet, quod creberrime incutendum euangelium.

*Veritas aucto-
ritatem habet.*

eat Iesum dominum nostrum docuisse. Delegit autem sibi Capernaum ciuitatem flagitiosam, ne quis putaret gentem sceleratam prædicatoribus esse fugiendam. Tempus uero omne aptum & idoneum est prædicationi euāgelicæ, sed sabbatum in primis, quod diuinitus propter cultum dei retinendum, est inuentum. Ita locus quoque quilibet idoneus est prædicationi si res & necessitas sic postulet; uerum synagoga aut templum omnium appositissime conuenit. Indicatur quoque quā effica-
cax fuerit doctrina Christi. Sic enim illa omnibus commendatur prædicatoribus, ut spretis constitutionibus & doctrinis hominum, illam unice complectantur & ecclesiæ tradant. Sic enim & ipsi cum auctoritate docebunt. Plura require de Capernaum & synagogis ex quarto capite Matthæi, & de auctoritate doctrinæ Christi ex fine capituli septimi apud Matth.

Et erat in synagoga eorum homo obnoxius spiritui immundo, & exclamauit, dicens, Eia quid rei nobis tecum est Iesu Nazarene? Venisti ad perdendum nos? Noui te quis sis, nimirum, ille sanctus dei.

*Quis & quantus
Christus,
quid nobis con-
ferat.*

Declarat Marcus quis & quantus sit Christus, & quid nobis conferat, idque ex uirtutibus, ostendit item quantus sit effectus euangelij Christi. Pellitur uirtute Christi per euangelium sathanas, liberanturque & purgantur fideles per Christum. Hic respuit testimonium sathanæ tametsi uerum sit: partim ut doceat nos nihil prorsus tribuere sathanicis responsis & factis, tametsi in speciem ueris & non malis. Mendax enim est & author mendacij: nec alio fine quā ut decipiat dicit & facit quæcunque dicit & facit. Partim ut inde collique scat dominum nihil habere confortij cum sathana, neque illius ulla in re egere auxilio. Pinguius terim Marcus mores sathanicos simulationemque artificiosam, quo minus neceat sanctis cognitus. Hic ex substantia sua spiritus appellatur: ex ingenio autem atque moribus impuris, immundus spiritus. Tanta uero Christi uirtus est etiam dum adhuc agentis in humilitate, ut uictum sese ipsi subiiciat sathanas. Simulat se innoxium, & multa Christo concessurum, modo & ipse in aliquam partem regni admittatur, non eiciatur prorsus. Ita enim & hodie inuenias, qui euangelicis multa & magna concedant, modo hi rursus polliceantur se non omnia religionis exacturos adiuuum. Sanctus ille dei nimirum Christus est sanctificans totum genus mortaliū, in lege & prophetis promissus. Danielis capite nono.

Et increpauit illum Iesus, dicens, Obmutesce, & exi ab eo. Et cum laniasset cum spiritus immundus, exclamassetque uoce magna, exijt ab eo. Et obstupuerunt omnes, ita ut rogarent inter se, dicentes, Quid est hoc? Quæ doctrina noua hæc? Quia cum auctoritate etiam spiritibus immundis imperat & obediunt ei, Emanauit autem fama eius statim in totam undique regionem Galilææ finitimam.

*Sathanas nō au-
diendus sed cal-
candus est.*

Suo exemplo docet dominus nulli pio blanditias uerborum sathanæ mirandas esse, simulata beneficia indulgentiamque blandam nullatenus admittenda. Nam dominus magnifica quædam prædicantem de ipso increpat, ac Obmutesce, inquit, & exi de eo. Proinde renunciant diabolo per omnia fideles, nec aliud cogitant, dicunt, faciunt, quā ut eiciantur & calcantur quæcunque sunt diabolica. Nam cum diabolum appello, ipsam uim sathanicam intelligo, omnes artes, omnia

nia instituta, omnem impuritatem & consecrationem sathanicam. Vbi autem uidet se uel aliqua in parte harere non posse, rursus redit ad ingenium, ingentiq; clamore uociferans dilaniat hominem, simul autem excedit. Coactus enim non sponte excedit: uirtute uidelicet Christi superatus. Sed & specimen exhibet suae uirtutis, si dijs placet, quid uidelicet expectent ab ipso cultores eius, ut discerantur tandem. Nam quod blanditur, quod haeret tenacius, & amplius haerere cupit, in hoc facit ut tandem te in suam ipsius redigat potestatem atq; excruciet misere. Hodie quoq; cum nullum sibi apud multos restare locum uidet reliquum, tamen si aliquandiu non insuauiter blanditus sit, demum tandem in furorem uersus tartareum, horrendum clamat, & sceleratissimis consilijs ac suggestionibus suis, pertractos in suas partes principes uiros, insingat ad persecutionem grauem sanctorum, qua multi dilaniantur boni uiroi. Ceterum gaudeamus in hoc furore sathanico. Simul enim atq; dilaniat nos, excedere cogitur, & se uictum & uinctum praebere Christo. Obsupuerunt ad grande miraculum turbae attonitae, ac colligunt Christum amplius quiddam esse quam hominem: quemadmodum reuera deus erat. Colligunt doctrinam eius esse diuinam. Nam cum auctoritate imperat, inquit, spiritibus impuris: suo prope iussu & propria potestate non precibus, non incantationibus, sed propria auctoritate, eiicit omnem tyrannidem sathanicam. Emanat rumor tanti miraculi in uicinas Galilaeae regiones, ut iam etiam gentiles admirarentur doctrinam & opera domini. Haec itaq; in hoc facta sunt, ut totus orbis admiraretur bonitatem & potentiam dei & saluatoris nostri Iesu Christi, ut admiratione salutari ad ipsum pertrahamur omnes & credamus in ipsum, quod uenerit in mundum dominus & saluator omnium, doctor ueritatis & sanctimonie, destructurus regnum diaboli, excitaturusq; regnum dei in hoc saeculo, ex quo tandem nos trahaturus sit in regnum patris aeternum.

Et protinus e synagoga egressi, uenerunt in domum Simonis & Andreae, cum Iacobo & Ioanne. Socrus autem Simonis decumbebatur febricitans: & continuo dicunt ei de illa. Et cum accessisset, crexit eam, apprehensa manu eius, & reliquit eam febris ilico, ac ministrabat eis.

Publico beneficio in synagoga publice exhibito ei qui uexabatur a daemone innotuit pijs dominus: iam domestico quoq; beneficio ipsi innotescit, & uirtutes suas depromit in hoc, ut proleceat ad fidem omnes homines, omnibusq; declararet quantus sit. Opera uero ac beneficia dei perfectissima sunt, ideo non tantum febribus haec liberatur, sed insuper incolumis & uiribus integris discumbentibus ministrat. Tractauit hanc historiam apud Matt. in cap. 8.

Postquam autem aduersperauit, cum occidisset sol, adferebant ad eum omnes male habentes, & qui a daemonijs agitabantur. Et ciuitas tota erat congregata ad ostium. Et sanauit multos, qui laborabant uarijs morbis: & daemonia multa eiiciebat: nec sinebat loqui daemonia quod ipsum nossent.

Haecenus specialibus quibusdam beneficijs uirtutem suam declarauit dominus, iam in genere & cumulo quodam beneficiorum demonstrat se fontem esse diuinae uirtutis, qui non possit exauriri, sed plenus sit perpetuo & omnibus ad omnia desideria explenda per omnia sufficiens. Non defatigatur benefaciendo:

non impeditur ulla temporis incommoditate. Vesper enim cum iam occidisset sol, curat omnis generis morbos. Hæc autem magna cum admiratione omnium fecit dominus : quippe cum ad osiũ domus Petri tota ferè ciuitas Capernaum esset collecta, uideretq; stupenda miracula, & audiret clamores & testimonia sathanica, quæ tamen dominus ihs ex causis respuit atq; contempsit, quas paulo ante anno rauimus. Theophylactus putat ideo multos dixisse Marcum non omnes : quod non omnes crediderunt. Illa uero communia quoq; Marcus cum Matthæo habet: quem consulas licebit in cap. 8. Erasmus annotauit in nōnullis Græcis exemplaribus legi, Quod nossent ipsum Christum esse. Præterea Græcum sermonem esse ancipitem, Non passus est eos hoc proloqui quod agnoscerent Iesum. Siue, Non passus est eos omnino loqui, propterea quod agnoscerent Iesum esse Messiam: ne id ante tempus effutirent.

Et mane multa adhuc nocte, cum surrexisset egressus est. Et abiit Iesus in desertum locum, ibiq; orabat : & prosequuti sunt eum Simon, & qui cum illo erant. Et cum inuenissent eum, dicunt ei, omnes te quærunt. Et ait illis, Eamus in proximos uicos, ut & ibi prædicem. In hoc enim egressus sum. Et prædicabat in synagogis eorum, in tota Galilæa, & dæmonia eiiciebat.

*Orat dominus
Iesus.*

Theophylactus, Postquam sanauit ægros, inquit, secessit, docens nos, ne quid ad ostentationem faciamus : sed & si quid boni fecerimus, studeamus illud occultare. Precatur autem, ostendens deo offerendum si quid boni fecerimus, & dicendum ad illum, quod omne gloriosum & bonum superne ad te descendat. Neque enim ipse oratione indigebat. Hæc ille. Prætulit nobis præterea exemplum, quo docet sanctos tum quoq; assidue orare cum res feliciter habere uidentur. Docet matutinum tempus precibus esse aptissimum: ac suo exemplo illos pudefacit, qui bus uolupte est in multam lucem stertere : nunquam aut raro sacros cœtus adire.

*Præstantia prædi-
cationis euang.*

Quamquã uero sancta & salutaris sit oratio, surgit tamen ab ea, & ad prædicandum se confert, ubi intellexisset ab apostolis plurimos desyderio teneri prædicationis euangelicæ. Inde uero colligimus prædicationis euangelicæ præstantiam necessitatem & utilitatem maximam : quippe quæ rebus alioqui sacratissimis antefertur. Quid quod ipse dominus, In hoc egressus sum, inquit, ut prædicem. Nam cœlitus in terras uenit ut uerbo ueritatis & prædicatione euangelica orbem errorum tenebris inuolutum illustraret, & morte sua indebita à commerita liberaret genus mortalium. Ideo frequentissime docuit, nec aliud fecit crebrius libentius diligentiusq;. Hoc si paulò diligentius expendissent heremitæ & monachi quidam, haud dubie tantum non tribuissent suo otio & solitudini. Christus dominus in heremo orauit & orauit feruentissimis ad deum precibus, contemplationibusq; diuinis proculdubio præ cæteris mortalibus omnibus in cœlestia subuectus, patrem glorificauit: sed breuissimo quidem id tempore fecit, reliquum omne quod supererat prædicationi impendit euangelicæ instruendisq; rudibus. Proinde unus Athanasius, unus Augustinus, aut alius fidelis uerbi dei præco, multis & innumeris etiam probis anachoretis atq; monachis præferendus est. Doceamus ergo per omnes ecclesias euangelium Christi fideliter. Expelletur sathan uirtute & prædicatione Christi certissime ex pectoribus improborum hominum. Obeamus modo strenue ac constanter ipsum domini opus. Non deerit nobis qui se semper nobis affuturum promisit.

*Heremite &
prædicatores
conferuntur.*

Et

Et uenit ad eum leprosus orans eum eiꝰ genua flectens ac dicens illi, Si uis, potes me mundare. Iesus autem intime misertus, protensa manu, tetigit illum: & dicit ei, Volo, mundus esto. Quod cum dixisset, statim reliquit eum lepra, & mundatus est. Et comminatus ei, statim amisit illum, dicitꝰ ei, Vide ne quid cuiquam dicas: sed abi teipsum ostende sacerdoti, & offer pro emundatione tui quæ præcepit Moses in testimonium illis. At ille egressus cœpit prædicare multa & diuulgare rem, ita ut iam non posset Iesus palam introire in ciuitatem, sed foris in desertis locis erat, & ueniebant ad eum undiqꝰ.

Alia historia declarat nobis beneficium ac uirtutem Christi domini. Simul autem præscribit qua fide & animi humilitate accedamus ad Christum; ea nimirum qua hic leprosus accessit. Tractaui hanc historiam apud Matthæum in capite octauo, inde require. Prædicat autem leprosus beneficium Christi. *Laudanda semper dei bonitas.* Laudatur enim à gratia & pijs hominibus perpetuo domini bonitas. Nec peccauit hic leprosus contra mandatum domini, dicentis, Vide ne quid cuiquam dicas. Nam addendum uidetur, Priusquam te sacerdotibus ostenderis; ne forte sacerdotes audientes te mea uirtute purgatum, per inuidiam de puritate tua insyncerius pronuntient. Ergo ubi res explorata esset per sacerdotes, horumqꝰ accessisset calculus, tum demum de prædicare cœpit Christi uirtute se esse purgatum. Quæ res tantam illi apud omnes opinionem peperit, ut iam præ hominum frequentia affluentiaqꝰ non posset more solito ingredi urbes, sed cogeretur in desertis locis uersari. Vbi tamen non cessabat aut ociabatur, sed concionabatur strenue & benefaciebat indefesse. Nam undiqꝰ ueniebant ad eum. Tali applausu & frequentia exciperemus & complecteremur etiam hodie Christum per euangelij prædicationem ad nos redeuntem; cæterum contempra prædicatione ueritatis ad spectacula inania effundimur, & circulatorum nugas tantum non admiramur. Præterea nullos audis conculcatos & contritos per frequentiam auditorum euangelij: at audis ac legis non paucos perijisse per confertam & sese mutuo conculcantem turbam, ad oscula pedum conspectumqꝰ beatissimi, si dijs placet, patris, ad idoleorum quoqꝰ communionem seu cœtum proruentem. Quæ certe conuincunt animos nostros erga ueram religionem non tepidos modo, sed planè frigidos esse.

Et iterum intrauit Capernaum post dies aliquot: & auditum est quod in domo esset, & protinus congregati sunt multi, adeo ut iam nō essent capiendis, nec illa loca, quæ erant circa ianuā, & loquebatur eis sermonem. CAP. II.

Præparatio fit ad sequentem historiam certe insignem, qua declaratur Christus & peccata remittere & grauissimos deploratosqꝰ hominum morbos curare, adeoqꝰ dominum esse omnipotentem, curatorem animarum & corporum. *Christus dominus omnipotens.* Congregatur itaqꝰ diuina prouidentia & uirtute Christi ingens populi uis in lacustri & celebri urbe Capernaum: qua præsentē & spectante paralyticum curat. Operabatur enim ingens miraculum multorum testimonijs prædicari. Oportebat item beneficium amplissimum in frequentia populi magna misero præstari, quo multorum animi ad fidendum Christo permouerentur. Priusquam tamen miraculum ederet & beneficium conferret misero, loquebatur cœtui seu frequentiae hominum sermonem, hoc est prædicabat uerbum dei. Verbo mox coniunxit uirtutem, opere ipso probans se id præstare plenissime quod pollicebatur sermone. Docet autē suo exemplo prædicatione uerbi dei nihil salubrius utiliusqꝰ habere eccle

fiam Christi. Confirmatur item fides nostra in promissiones diuinas, qui uidemus palam opere impleri, quod uerbo dei nobis promittitur. Ne ergo dubitemus de uerbi dei certitudine. Erasmus annotauit tantam fuisse hominum frequentiam, ut iam non caperent ne ea quidem, quae erant iuxta ianuam loca. Ut intelligas domum adeo fuisse refertam, ut ne uestibulum quidem & partes ostio uicinae caperent turbam.

Et ueniunt ad eum ferentes paralyticum, qui a quatuor portabatur. Et cum non possent illi appropinquare praeter turba, detexerunt tectum (aedium) ubi erat, perfossoque (tecto) funibus demittunt grabbatum in quo paralyticus decumbebat. Cum autem Iesus uidisset fidem illorum, ait paralytico, Fili, remittuntur tibi peccata tua.

Fides iustificat.

Diligenter describitur fides accedentium ad Christum, ut haberent sancti exemplum in ecclesia quod imitarentur. Fide enim dei beneficia promissionesque accipiuntur. Nam sequitur protinus effectus fidei maximus. Videns enim Iesus fidem illorum, dicit paralytico, Fili remittuntur tibi peccata tua. Proinde fide iustificatur sancti, id est absoluuntur a peccatis & pronunciantur iusti. Sic enim pronunciat euangelium. Quid ergo nos damnant pro haereticis quibus dolet id nos fidei tribuere quod ipsum euangelium tribuit? Caetera pete ex Comment. in 9. ca. Matt.

Erant autem quidam illic de scribis sedentes, & cogitantes in cordibus suis, Cur hic sic loquitur blasphemias? quis potest remittere peccata nisi solus deus?

Christus remittit peccata.

Murmure occasionem praebent domino usum & uim huius beneficii siue miraculi explanandi. Non agnoscunt pharisaei in Christo ullam diuinitatem, itaque offenduntur audientes ipsum remittere peccata. Recte enim remissionem peccatorum diuinae duntaxat potentiae attribuunt. Nos quoniam Christum uerum deum & hominem esse credimus, recte ipsum peccata nobis remittere profiteamur. Homines quantumuis sancti & docti peccata non remittunt, sed remitti uel remissa esse docent in Christo per fidem. De his in Matth.

Et protinus ubi cognouit Iesus spiritu suo, quod sic cogitarent apud sese, dixit illis, Quid ista cogitatis in cordibus uestris? Vtrum est facilius, dicere paralytico, Remittantur tibi peccata: an dicere, Surge, & tolle grabbatum tuum & ambula? Ut autem sciatis filium hominis habere potestatem in terra remittendi peccata, ait paralytico, Tibi dico, Surge, & tolle grabbatum tuum, & abi domum tuam. Et statim surrexit, sublatoque grabbato, egressus est in conspectu omnium, adeo ut stupeficerent omnes, & glorificarent deum, dicentes, Nunquam talia uidimus.

Reipsa & demonstratione euidentissima ostendit dominus sibi plenam esse potestatem remittendi peccata. De hac copiosiora pete ex Comment. in Matt. Memorabilis sane demonstratio est, quae recte expensa fidelem quemuis in fide remissionis peccatorum ualde confirmat. Beneficium & uirtutem Christi id maxime commendat, quod obstupescens populus deumque glorificans, testatur talia se non uidisse unquam. Quae explicans Paraphrastes, Caeteri, inquit, quotquot aderant insolito miraculo stupefacti, glorificauerunt deum, qui talem potestatem dedisset homini, ut simplici uerbo & peccata condonaret, & morbum insanabilem adimeret, ingenue confitentes, inter omnia quae narrarentur a sanctis superioribus peracta, aut quae suo saeculo uidissent a sanctis uiris fieri, nihil huic factio simile extitisse.

Idem

Idem beneficij Christi magnitudinem & præstantiã egregie prædicans, Considerandum est & illud, ait, quanta fuerit largitas Iesu in condonandis peccatis. Cum enim ait, Condonantur tibi peccata, relaxat uniuersa. Nec ulla meritorũ præteritorum mentio, nec ulla sacrificiorum aut satisfactionis exactio, tantũ fiduciæ sit mentio. Satis est uenisse ad pedes Iesu, Satis sacrificauit, qui se illi cũ plena fiducia ostendit, nullũ illi gratius holocaustoma. Totus sibi displicebat ille paralyticus, & male sibi conscius, & miserabili corporis morbo oppressus. Tota spes erat in potenti bonitate Iesu. Ille totũ restituit, quia totum Iesu medico cõmisit. Nõ reputabat quàm esset immedicabilis morbus, tantum cogitabat, quàm potẽs, quàm bonus esset medicus cui sese concredebat. Et mox, Si te pudet apud medicũ hominem, aut si quid diffidis, qui fortassis cognitum morbum exprobraturus sit potius quàm subleuaturus, noli calare morbum tuum apud Christum, qui neminem traducit, sanat omnes, & sanat gratis, ut tibi quoq; contingat quod contigit paralytico, &c.

Et egressus est rursus ad mare, omnisq; turba ueniebat ad eum, ac docebat eos. Et cum præteriret Iesus, uidit Leui Alphæi filium, sedentem ad telonium, & ait illi, Sequere me. Isq; surgens sequutus est eum. Et euenit cum accumberet in domo illius, multi etiam publicani et peccatores simul discumbebant cum Iesu, & discipulis eius. Erant enim multi qui sequuti fuerant eum. Et scribæ ac pharisæi cum uidissent eum capientem cibum cum publicanis & peccatoribus, dicebant discipulis eius, Quid est quod cum publicanis & peccatoribus edit ac bibit? Hoc audito, Iesus ait illis, Non opus habent qui ualent medico, sed qui male habent. Non ueni ad uocandum iustos, sed peccatores ad pœnitentiam.

Docendi beneficium ac officium rursus repetit, adeoq; & inculcat Marcus, ut *Doctrina euan* restetur ecclesiæ sana doctrina nihil posse utilius & melius obtingere. Cæterum *gelij.* beneficio præstito Matthæo approbat dominus se uenisse saluandis peccatoribus, ac posse uelleq; & remittere peccata & integritati plene restituere. In Matthæo exhibetur nobis exemplum quomodo uocati, & credentes dignos pœnitentia fructus edant. Reliqua petantur ex 9. cap. Matth.

Et discipuli Ioannis ac pharisæorum ieiunabant, ueniuntq; & dicunt illi, Quare discipuli Ioannis & pharisæorum ieiunant, tui autem discipuli non ieiunant? Et ait illis Iesus, Num possunt filij thalami nuptialis, dum cum illis sponsus est ieiunare? Quandiu habent secum sponsum, non possunt ieiunare. Venient autem dies cum auferetur ab eis sponsus, & tunc ieiunabunt in illis diebus. Et nemo assumentum panni rudis adsuit uestimento ueteri, alioqui aufert supplementum eius nouum à ueteri, & peior scissura fit. Et nemo mittit uinum nouum in utres ueteres, alioqui rumpit uinum nouum utres, & uinum effunditur, & utres percunt: sed uinum nouum in utres novos mittendum est.

Quia dominus edit & bibit cũ peccatoribus, & crebro inuitatus ab amicis epula *Hypocritis* tur, uideri poterat doctrina & religio Christiana luxum quendã fovere: obijciunt *dammatur.* ergo discipuli Ioannis & pharisæorũ quæstionẽ de ieiunijs, ac domino occasionem præbent, doctrinam sanam de castigatione corporis, & uerum ieiuniorũ usum tradendi, contra tetricam pharisæorũ doctrinam & hypocriticũ & uanum eorum ie-

iunium. Hæc diligētius & copiosius tractata inuenies apud Matth. Illud minutius est quàm annotare cōueniat, Filios thalami nuptialis eos significare qui interfunt nuptiis, aut cognati affinesq; quorum sunt nuptiæ. Parabolis omnia uestit, non ut obscuret rem, sed ut ornet atq; illustret.

Et accidit ut transiret sabbatis per segetes, & cœperunt discipuli eius inter eundum uellere spicas, & pharisæi dicebant ei, Ecce cur faciunt sabbatis quod non licet? Et ipse ait illis, Nunquam legistis quid fecerit Dauid cum egeret, & esuriret ipse & qui cum eo erant? quomodo ingressus sit ædem dei sub Abiathar principe sacerdotum, & panes propositionis comederit, quos non licet edere nisi sacerdotibus, & dederit etiam ijs qui secum erant? Et dicebat illis, Sabbatum propter hominem factum est, non homo propter sabbatum. Itaq; dominus est filius hominis etiam sabbati,

Quemadmodum erroneam pharisæorum doctrinā circa ieiunia reiecit, ueram tradidit; ita nunc ferias repurgat à pharisæicis superstitionibus, ac uerum docet sabbatum. De quo abunde disputatū arbitror in 12. cap. Matthæi. Abiathar cuius hic fit mentio Achimelech erat filius. Pater uero, non filius, Dauidi concessit panes propositionis. Itaq; antonomasia quadā filij nomen patri tribuitur: quod illius memoria in rebus Dauidicis est celebrior: uel pater fuit binominis. Sed in huiusmodi leuiculis rebus nihil periclitantur uera pietas & religio. Aedem dei appellauit locum in quo fuit tabernaculum uel arca domini. Alioqui nullum erat adhuc Dauidis sæculo extructum templum, quod mortuo Dauide, Solomon filius extruxit.

Abiathar filius
Achimelechi
pontificis.

CAP. III.

Et introiuit iterum in synagogam, & erat ibi homo arefactam habens manum, & obseruabant eum an sabbatis sanaturus esset eum, ut accusarēt illum. Et ait homini habenti manum arefactam, Surge in medium. Et dicit illis, Vtrum licet sabbatis benefacere an malefacere, animam seruare an occidere? At illi tacebant. Et cum circumspexisset eos iratus cum ira, condescēs super cecitate cordis eorum, dicit homini, Extende manū tuam. Et extendit: & restituta est manus illius sanitati ut altera.

Sabbatum.

Pertinet hæc historia ad superiorem quoq; locum de recto usu feriarum. Præcipitur quidem à deo religiosum ocium, at nō prohibetur beneficentia, imò præcipitur & ipsa: ut iam religiose sabbatū custodierit qui beneficium proximo præstitit. Eadem historia describitur à S. Matthæo in cap. 12. In Phariseis exemplū est pertinacis inscitiae & malitiæ. Vbi enim intelligerent ex uerbis Christi se esse captos in quameuncq; tandem inclinarēt partē respondendo, obstinate tacēt. Si enim respondissent sabbatis non licere præstare beneficium, ipsa rei absurditate erāt refutati. Si respondissent licere, sibi ademissent calumniandi occasionē. Propter hanc malitiam ualde excandescens dominus, iratoq; uultu ipsos intuens, ac tacitus illos uelut increpās, significabat quàm ipsi doleret insanabilis malitia. Debet autem pastoris ira dolore esse temperata, ne quid hic peccetur affectu prauo. Cæterū Animam seruare an occidere, dixit iuxta sanctæ linguæ proprietatē, pro eo quod est, hominē seruare uel occidere. Quisquis autem perire sinit, quē seruare potuit, occidit. Rursus uero ingens beneficiū misero conferens dominus, primo declarat quàm sit potens & bene-

& beneficus: deinde benefaciendo omnes ad se quodammodo inuolat, ut uenientes ad ipsum uera fide, bona percipiamus æterna. Nam iussu Christi manum extendit miser, iam æque instructam & sanam sicut erat illa, quæ hæcenus fuerat integra. Sic omnia obediunt & subsunt uerbo Christi. Sic omnia potest & operatur deus uerbo sue potentie.

Egressi uero pharisæi, statim unâ cum Herodianis consilium inibant aduersus eum, ut illum perderent. Iesus autem cum discipulis suis secessit ad mare, & ingens multitudo à Galilæa sequuta est eum, & ab Iudæa & ab Hierosolymis & ab Idumæa & trans Iordanem, & qui circa Tyrum habitabant ac Sidonem, hominum multitudo magna, qui cum audissent quæ faciebat, uenerunt ad eum.

Tenebræ huius mundi non ferunt claram euangelij lucem, sed fugiunt & execrantur, imò cum possunt perditam uolunt. Videre hoc licet in Pharisæis, qui & celeri gradu sese proripiunt e synagoga, & coniungunt sese Herodianis, quos alioqui oderant cane peius & angue. De Herodianis (de quibus & 8. cap. nonnulla adijciemus) uariant sententiæ, qui fuerint. Videntur fuisse magistratus Galilææ ab Herode ordinati, potentes, nobiles, uersuti, aulici & rebus præfecti moderandis. Huiusmodi homines ferè odiunt doctrinam euangelicam, quam sentiunt suis aduersam esse moribus, quam denique suspectam habent quasi nouationes ferens, tumultus seditionesque excitet. Libenter ergo operam suam impendunt pharisæis, ut communi auxilio & consilio excindatur ueritas euangelica. Idem hodie quoque fieri uidemus. Multi enim ex principibus, magistratibus, & nobilibus conspirant cum episcopis & monachis in excidium ueritatis; in quo pulchre ipsis conuenit, licet internecino aliàs odio inter se ipsos dissideant. Theophylactus de Herodianis hæc tradit, Herodiani uel milites erant Herodis, uel hæresis quædam nuper orta, quæ docebat Herodem esse Messiam, eo quod in ipso Iudaicorum regum successio finem habuisset, idque iuxta prophetiam Iacob, qui uaticinatus fuerat tunc uenturum Christum, quando deficeret princeps ex tribu Iuda. Cum igitur Herodis tempore nullus regnaret princeps ex tribu Iuda, sed Herodes alienigena regnaret, opinati sunt quidam hunc esse Messiam, &c. Plura de his dicemus cap. 8. Marci. Iesus suo nos exemplo docens cedendum nonnunquam impiorum peruicaciæ, secedit ad mare seu lacum. Hic autem innumera hominum uis confluit ad ipsum, non solum à Galilæa, uerumetiam à Iudæa & finitimis regionibus. Quo declaratum est adeo non decedere ueritatis prædicationi per consilia & insidias principum impiorum, ut accedat magis. Proinde licet cum episcopis conueniant procures huius sæculi consultaturi quomodo excindant ueritatem euangelicam, quanquam fugiant iam & occulant se multi uiri boni, nihilominus tamen confertissima Christum insequitur turbæ. Veritas enim & uirtus Christi, quæ in mundo non est obscura, semper plurimos attrahet sua præstantia auditores admiratoresque, rumpantur ut ilia mundo.

Et iussit Iesus discipulis suis, ut nauicula sibi deferuaret, propter turbam ne ipsum premerent. Multos enim sanauerat, ita ut irruerent in eum, quo illum rangerent quotquot affligebantur.

Vbiq; nos suo exemplo docet dominus. In præsentiarum cum commodius & minore cum molestia agere potest, asperiores molestioresque non asciscit uiuendi more iusta.

dum. Iubet ut nauiculam ei adhiberent, uel ut lembus ipsi seruiat, usibusque eius parata sit: *Sass sy jm ein schiffin rustind.* Confutatur ergo his quorundam Stoicismus, qui in neglectu corporis quandam constituunt pietatem: contra quos & apostolus Paulus egit in 2. cap. ad Coloss. Paraphrastes, Dominus, inquit, benignus ac diues in omnes, neminem nec à doctrina sua, nec à sanitatis beneficio submouebat. Tātus autem erat ardor multitudinis ob aueritatem sanitatis, ut alius aliū protruderet, ac uir irumperent ad Iesum, ut eum uel contingerent, quando solo etiam uestis cōtactu pellebantur morbi. Nec ullum erat uel hominum uel morborum discrimē apud potentem iuxta ac benignum medicum. Quicumque quibuscumque malis tenebantur, protinus liberabantur, modo cōtigisset ipsum adire Iesum. Atque id etiam uidemus hodie iuxta spiritum fieri. Ex totius orbis nationibus quā multi, quibus uitis obnoxii confugiunt ad Iesum, & fiducia cōtactu sanantur: Denuo ergo depromit hic uires suas dominus, & inuitat nos omnes ad fidendum ipsius bonitati atque potentia. Porro flagella morbos dicit. Plurimum enim ad sanitatem animarum morbi corporum conducunt, flagellante homines deo, quasi filios patre.

Et spiritus immundi cum illum uidissent, accidebant ei, & clamabant, dicentes, Tu es filius dei. Et uehementer interminabatur eis, ne se manifestum facerent.

*Omnia nobis
donata sunt in
Christo.*

In præcedentibus uno uerbo infinita comprehendit beneficia, ut uel inde colligeremus omnia nobis donata esse in Christo, per quem si credimus, saluemur: iam paucis ostendit Christi uirtute fractam esse omnem huius mundi potentiam, etiam sathanicam. Procidunt enim coram ipso immundi spiritus, quo toti mundo fiat manifestum, sathanam per Christum esse uictum. Proinde nihil uirtutum amplius habet sathanas in fideles. Christus enim communione sui uirtutem suam communicat sanctis. Ac pudendus error illorum hic reuelatur, qui nolunt fateri Iesum Christum esse dei filium. Maligniores enim ipso sunt diabolo, qui hic manifeste confitetur Iesum esse dei filium. Iesus autem non ferens ab impijs prædicari spiritibus, aut ante tempus reuelari, interminatur illis ut taceant. Neque id nouum est. In lege enim prohibet dominus, ne ueritatem exquiramus à mortuis, ne quam fidem tribuamus magicis artibus, nimirum à diabolo profectis, perque diaboli uim efficacibus, dei permissione.

Et ascendit in montem, ac uocat ad se quos uoluit ipse, & uenerunt ad eum. Et designauit duodecim ut essent secum, & ut emitteret eos ad prædicandum, utque haberent potestatem sanandi morbos, eiciendi que daemonia. Et imposuit Simoni nomen Petrus, & Iacobum filium Zebedæi, & Ioannem fratrem Iacobi, & imposuit eis nomina Boanerges, quod est filij tonitruu, & Andream, & Philippum, & Bartholomæum, & Matthæum, & Thomam, & Iacobum Alphæi filium, & Thaddæum, & Simonem Cananitem, & Iudam Iscarioten, qui & prodidit illum.

*Designantur
doctores orbis.*

Non uult prædicari à diabolo dominus, indicat ergo nunc à quo cupiat uelique prædicari, ab apostolis uirisque apostolicis. Præterea quia ex his quæ hæcenus dicta sunt, patuit Christum esse lucem, uitam, doctorem, & saluatorem, ut omnibus appareat ipsum esse omnium credentium lucem & saluatorem, designat in orbem mittendos apostolos, qui apud omnes homines testificentur Christum saluatorem esse omni credenti. Ascendit autem in montem designaturus apostolos, et orat, ut doceat nos quoties doctores ecclesiæ

ecclesię ordinādi sunt orare. Sic enim fecisse et apostolos testantur *Acta apost. cap. 1.* & 15. Et accersit ad se nō quosuis ē multitudinē, sed quos ipse uoluit, quosq; ad hoc munus elegerat, & qui placuerunt. Velle enim in scripturis non raro usurpatur pro placere. Qui autē placeant exprimitur 1. Tim. 3. Proinde nemo eligat eos qui Christo displicent. Venientes autem ad eū pręferunt nobis exemplum obedientię. Nemo quidem sua sponte & inuocatus currat, sed qui legitime fuerit uocatus, obtemperet uocationi dei, ne ipsi usuueniat quod longē rebelli. Duodecim designat apostolos, quia per numerum duodenarium non semel in lege & prophetis apostoli sunt pręfigurati. Sed & in certum finem designat. Principio ut essent secum: id est, ut essent testes diciorum & factorum Christi. Deinde ut abunde instructi magisterio Christi & spiritus sancti, exirent in orbem terrę, ac prędicantes euangelium, credētes conuertant ad Christum. Postremo ut beneficijs Christi nomine exhibitis, testificarētur efficiacem esse prędicationē euāgelij & omnia posse Christum, ad quem homines adducunt. Porro apostolorum nemina propter falsos apostolos recensentur, ut sint noti ueri. Filij duo Zebedęi, Iacobus & Ioannes cognominantur Boanerges, nimirum *Filij tonitruū.* פנאי ופנאי filij fremitus atq; tumultus: quam appellationem indepti sunt à donorum Christi pręstantia. Tonitrua & fulgura isti sunt loquuti, concusserunt totum orbem, multo potentiores & uiuidiores in dicendo & agendo multis Periculis & Tullijs. Theophylactus, Filios, inquit, tonitruū nominat filios Zebedęi, ut pręcipuos prędicatores, & maxime theologos. Idem: Assumitur & Iudas, ait, in apostolum, ut discamus quod non propter futuram malitiam alicuius, aspernetur deus quempiam mala operaturum, sed propter præsentem uirtutem honore quem dignum censet, etiam si postea malus sit futurus. Per hos duodecim, ait Paraph. paucos, obscuros, illiteratos, imbecilles, uisum est domino totum innouare mundum, ne quam laudis partem in cœlesti negotio sibi uindicaret humana uel sapientia uel potentia.

Cumq; uenissent in ædes, conuenit iterum turba tanta, ut non liceret illis uel panes edere. Quod cum audissent qui ad illum attinebant, exierunt ut prehenderent eum. Dicebant enim, Mente alienatus est.

Exemplo suo docet dominus quantam oporteat in docendo adhibere diligentiam. *Diligenter docenda pietas.* A cibo ad prędicandum properat, sicut & Ioan. cap. 4. cibi prorsus obliuiscitur, testificans se habere cibum quem non uideant discipuli. Sequentium uero duplex affertur sententia ab interpretibus. Prior, Cum cognati domini audirent quę doceret, & uiderent quę in diem faciebat miracula, non intelligentes illa diuinę in ipso esse nature, surorū cuiđā tribuebant. Et cum cognati essent, putabant sui esse officij mentis impotem, & à spiritu quopiam arreptum, uinculis coercere. Aderant itaque manus infanti auxiliatrices illaturi. Atq; iuxta hunc sensum facile colligeret quilibet, quid de sapientia cœlesti iudicet crassa hominis caro. Pro infanis habet, quicunq; cum mundo infaniente non ineptiūt. Sapientes putat, qui coram deo stulti sunt, stultos qui sapientes sunt. Posterior, Dominus labore confectus domum redijt, ut hic nonnihil respiraret, ac cibum capiens, nouis sese repararet laboribus. Verum populi cupientis audire uerbum dei importunitas, id non permisit. Dominus enim ubi illorū animaduerteter ingens desiderium, neglecto cibo & posthabita mensa, ad docendum se contulit. Hic discipuli domini & qui eius partes sequebantur, inferebāt domino manus & retrahebant à labore, uulgo tumultuanti respondentes, laboribus fractus nimis mente alienari poterat. Iuxta eam sententiā locus Marci sic legi poterat, Qui ad eum attinebant, uel qui circa eum fuerunt ut audirent, exierunt uiq; eum abduxerunt, dicētes, Extra se uenit (fatigatus scilicet labore nimio) siue in synopim poterat cadere.

Ita uero doceret locus modum adhibendum esse & in laboribus, ne quid nimis, ac naturæ quoque suum illud esse persoluendum, ut qui dona dei accepit, & prodesse potest ecclesiæ, diu profit, nec ante tempus sese conficiens dona dei perdat.

Et scribæ qui ab Hierosolymis descenderant dicebant, Beelzebul habet, & per principem dæmoniorum eiicit dæmonia. Et ad se uocatis eis, per parabolas loquebatur illis, Quomodo potest satanas satanam eiicere? Et si regnum aduersus sese diuisum fuerit, non potest stare regnum illud. Et si domus contra semetipsam diuisa fuerit, non potest stare domus illa. Et si satanas surrexit aduersus semetipsum ac diuisus est, non potest stare, sed finem habet. Non potest quisquam uasa fortis, ingressus in domum illius, diripere, nisi prius fortem uinxerit, & tum demum domum eius diripiet. Amen dico uobis, Omnia remittentur filiis hominum peccata & blasphemiae, quibus blasphemauerint: at qui blasphemiam dixerit in spiritum sanctum, non habet remissionem in æternum, sed obnoxius est æterno iudicio. Dicebant enim, Spiritum immundum habet.

Regnum dei uenisse, & Christum omnia sua agere potentia diuina. Pharisei graues ueritatis hostes omnia domini dicta & facta calūniabantur, omnibusque modis contendeant regnum dei nondum uenisse, alium Messiam esse expectandum. Cumque populus ex signis miraculisque colligeret uenisse regnum dei, pharisei clamabant illa uirtute diabolica fieri. Dominus ergo obiectionem illam maledicam & calumniosam quasi fumum ipsis in oculos impellens, & contrarium probans, Si in uirtute diaboli, inquit, diabolum eiicio, quid aliud sequitur, quam quod diabolus contra semetipsum bella gerat, atque ideo regnum eius interciderit, adueneritque regnum dei? Nam inductione quadam ostendit interire regnum, quod intestino secum bello dissidet. Verum pluribus illa tractaui in Matth. cap. 12. In presenti ex opposito infert, Nunc autem non eiicio sathanam uirtute sathanæ, sed uirtute diuina adeoque propria. Non enim potest quisquam uasa fortis, &c. Postea ostendit quam graue sit peccatum blasphemare doctrinam ueritatis, illamque nolle admittere, ac ueluti hæreticam damnare. Ac reuera pertinent illa omnia ad negotium uerbi dei. Solent enim multi successum uerbi domini diabolo, & miracula magicę tribuere. At dominus demonstrat illa esse ex deo.

Et ueniunt mater eius & fratres, & foris stantes, miserunt ad eum qui euocarent eum: & sedebat turba circa eum, dicuntque ei, Ecce mater tua & fratres tui foris quærunt te. Et respondit eis, dicens, Quæ est mater mea & fratres mei? Et cum circumspexisset in circuitu circum se discipulos sedentes, ait, Ecce mater mea & fratres mei. Qui enim fecerit uoluntatem dei, hic frater meus & soror mea & mater est.

Renunciandum affectibus. Pertinet & hæc historia ad negotium uerbi dei. Nam suo exemplo docet dominus concionatores omnibus renunciare affectibus carnalibus, & unicum modo deum spectare in functione prædicandi. Ostenditur & effectus uerbi dei saluberrimus, quod credentes siue obedientes efficiat filios dei, fratres & cohæredes Christi. Cetera per ex 12. cap. Matth.

CAP. IIII. Et iterum coepit docere iuxta mare, & congregata est ad eum turba multa, ita ut nauim ingressus, federet in mari, & tota turba iuxta mare in terra erat, & docebat eos per parabolas multa.

Docebat iterum qui non inueniebat quod maiore cum dei gloria & hominum utilitate

litate poterat facere. Ac amat dominus ecclesiam sermonis euangelici doctrinæq; pietatis auidam. Ideoq; ob frequentiam turbę sese comprimentis conscendit scaphā, unde uelut è suggesto doceret turbam in littore condensatam.

Dicebatq; illis in doctrina sua, Audite, Ecce exijt seminator ad seminandum, & accidit inter seminandum, ut aliud quidem caderet iuxta uiam, ueneruntq; uolucres cęli, & comederunt illud: aliud uero cecidit super petrosam, ubi non habuit terram multam, & statim exortum est, quod non haberet altitudinem terrę, sole autem exorto ustum est, & eo quod non haberet radicem, exaruit: & aliud cecidit in spinas, & succreuerunt spinę, ac suffocauerunt illud, & fructum non dedit. Et aliud cecidit in terram bonam, & dabat fructum succrescentem & augescentem: & adferebat aliud triginta, & aliud sexaginta, & aliud centum: ac dicebat illis, Qui habet aures ad audiendum, audiat.

Dixit in fine cap. 3. de effectū uerbi dei, de fratribus Christi & filiis dei, consequenter ergo pulcherrimo ordine subiūgit doctrinam de semine dei, & modo ac ratione generandi. Id quidē pura & nuda primū parabola proponit, deinde eandē exponit.

Cum uero esset solus interrogauerunt eum hi qui circum illum erant cum duodecim de parabola: & dicebat illis, Vobis datum est nosse mysterium regni dei, illis autem qui foris sunt per parabolas omnia fiunt, ut uidentes uideant & non cernant, & audientes audiant & non intelligant, ne quando conuertantur & remittantur eis peccata. Et ait illis, Nescitis parabolam hanc, & quomodo omnes parabolas intelligetis?

Interfatione hac occasionem prebent domino explicandi parabolam, & differendi interim qui sint capaces uerbi dei. Increpat autem suorum tarditatem dominus, qui apertam & ualde simplicem parabolam non intelligunt. Interim subinducat alias quā plurimas plus habere difficultatis. Hęc autem excitant fideles ad attentionem diligentiam atq; assiduas preces quibus tandem impetremus sensum exercitatum & peritum in mysterijs domini.

Seminator ille sermonem seminat. Hi uero sunt qui iuxta uiam (dicuntur) ubi seminatur sermo, & cum audierint, confestim uenit sathanas, & auferit sermonem qui seminatus est in cordibus eorum. Et hi sunt similiter qui in petrosa semen excipiunt, qui cum audierint sermonem, statim cum gaudio accipiunt illum, & radicem non habent in se, sed temporarij sunt, deinde de coorta afflictione, aut persequutione propter sermonem, cōfestim offenduntur. Et hi sunt qui in spinas semen excipiunt, hi (inquam) sunt qui sermonem audiunt, & sollicitudines sæculi huius, ac deceptio diuitiarum, ceterarumq; rerum cupiditates introcūtes, suffocant sermonem, ac redditur infructifer. Et hi sunt qui in terram bonam semen exceperunt, qui audiunt sermonem & suscipiunt, & fructum afferunt, (ita ut) aliud (granum afferat) triginta, aliud sexaginta, aliud centum.

Hęc est elegans & perspicua parabolę expositio, Cuius enarrationem posui in 13. cap. Matthæi.

Et dicebat illis, Nunquid lucerna incenditur, ut subter modium ponatur, aut subter lectum? Nónne ut super candelabrum ponatur? Non est enim quicquam occultum, quod non palàm futurum sit, neq; factum est secretum, sed ut in propatulum ueniat. Si quis habet aures ad audiendum, audiat.

*Omnibus datū
uerbum dei ad
illuminationē.*

Pertinent & hæ duæ parabolæ ad negotium uerbi dei. Priore ostēdit uerbum dei non paucis esse datum, sed omnibus, unde illud nō oporteat Iudæis tantum prædicari, sed omnibus gentibus. Proinde, lucerna est uerbum dei; quod & Dauid testatus est Psal. 119. Lucernæ autem confertur has ferè ob causas. Principio ob puritatem cœlestem. Deinde ob illuminationem & effectum. Postremo ob elegantiam & serenitatem conscientiarum. Porro Candelabrum ipsa est diuini uerbi propagatio uel prædicatio. Annunciatur enim euangelium in domo dei & regno Christi, ecclesia, ut omnes uideant quid agant. Atq; huius quidem rei typum olim gessit aureum illud in tabernaculo candelabrum. Posteriorē docet nolle se quicquam uerbi & doctrinæ suæ occultari & latere. Nam suo tempore uult proferri omnia. Vnde Paraphrastes, Nūc quidem multa cælamus multitudinem, inquit, quoniam nondum est capax; & si esset, nondum aduenit tempus; uerum ubi tempus aduenerit, nihil est inter uos tam absconditum, quod tum non sit patefaciendum, neq; quicquam tam arcanum, quod non sit palàm omnibus prædicandum. Non enim oportebit ullis rebus ab euangelij propagatione deterreri, sed omnibus posthabitis, hoc unum erit noctes ac dies agendū. Postremo auditores excitat omnes ad attentionem & diligentiam epiphonemate quodam, dicens, Cum autem tanta sit dei fides & diligentia in tradenda philosophia cœlesti, quantam oportet esse diligentiam sedulitatēue uestram, ut quod uobis traditum est fideliter, rursus fide optima propagetis quàm latissime.

Non uult uerbum suum latere dominus.

Et dicebat illis, Videte quid audiat. Qua mensura metimini, eadem mensura dabitur uobis. Et adiicietur uobis qui auditis. Qui enim habet, dabitur illi, & ab eo qui non habet, etiam quod habet auferetur.

*Adhortatio ad
audiendum uerbum dei.*

Subiicit dominus breuem, sed euidentissimam adhortationem ad studium uirtutis ne frustra audiamus uerbum Christi, neue dispensent uerbum dei maligne, qui ad functionem prædicandi sunt uocati. Videte inquit, quid audiat, & ne frustra audieritis. Neq; satis fuerit audisse, nisi & uitā componamus ad ea quæ audiuius, alijsq; tradamus diligenter quæ ut traderemus accepimus. Adducit sententiam generalem, à comodo & incommodourgens. Si, inquit, nunc audieritis me uobis consulentem, audiam & uos inuocantes nomen meum; non audiam autem uocantes si meam neglexeritis doctrinam. De eo plura legis Prouerb. 1. cap. Et 28. cap. Qui declinat aures suas ne audiat legem, eius oratio erit execrabilis. Rursus, Si parci, inquit, uerbi mei dispensatores fueritis, parcus ero in donis dispensandis. Sin largiter effuderitis quod credidi uobis, munificus ero in cōferendis donis amplissimis. His addit aliam sententiam & ipsam amplissima dona strenuis dei seruis pollicentem, Et adiicietur uobis qui auditis. Eam rursus alia illustrat, Qui enim habet dabitur illi, & ab eo, &c. De ea sententia dixi apud Matth. in 13. cap. Paraphrastes, Qui habet, inquit, nec habet sibi tantum, sed alijs impartit quod habet, ei tanquam bonæ fidei dispensatori adiicietur ut abundet. Qui uero non habet (non habet autem qui thesaurum defossum apud se seruat) non solum non erit ditior, uerum etiam hoc ipsum, quod uni sibi uidebatur habere, tolletur ab eo, &c.

Et dicebat, Sic est regnum dei, quemadmodum si homo sementem iaciat in

ciat in terram ac dormiat, atq; exurgat nocte ac die, segesq; germinet, ac surgat in altum, ipso in scio. Vltro enim terra fructum gignit, primum herbã, deinde spicam, deinde plenum frumētum in spica. Cum autem productus fuerit fructus, statim immittit falcem, quoniam adest messis.

Ex quatuor illis seminum generibus, quorum iam meministi in seminatore parabolâ, repetit aut resumit quartum illud bonum & fructificans, ac præsentem parabolâ ostendit, quomodo fructificet semen uerbi dei, cuius item uirtute fructificet, & quod præmiū uirtuti sit paratum. Non protinus, inquit, simul atq; seminatum est semen, enascitur & in segetem assurgit; sed interualla habet & auctibus siue incrementis quibusdam assurgit. Sic fructificat etiam uerbum dei iactum atq; susceptum in cordibus fidelium. Grandescit enim auctibus quibusdā uirtus. Nam ut nemo protinus perfectus nascitur artifex, ita nemo euestigio in omnibus uirtutibus perfectissimus est. Deinde crescit & fructificat semen absq; opera agricolæ, solius dei uirtute dantis incrementū. Exurgit enim seges in scio agricola, ipso interim noctu dieq; dormiente & exurgente aliudq; agente. Ita apostolus, Non est aliquid, ait, qui rigat, aut qui plantat, sed qui incrementum dat deus. Sed & uirtuti & bonis fructibus suum paratum esse præmiū, inde claret, quod messis quoq; instat, & uenit tandem, in qua colliguntur fructus. Messis enim iudiciū est. In iudicio colliguntur fideles in æterna tabernacula; palæ traduntur exurendæ igni inextinguibili. Pertinet & aliò illa parabola. Iubet enim dominus ministros creditum semen agro committere domino, successum committere deo. Iudicaturum hunc certò orbem, ubi ipsi fuerit uisum. Nostrium enim non est sollicitos esse quid euenturum sit, & quando: nostrum est credere deo, ipsius obedire mandatis, & omnem illi euentum committere.

Et dicebat, Cui assimilabimus regnum dei? aut qua collatione confereamus illud? Est sicut granum sinapis, quod cum seminatum fuerit in terra, minus est omnibus seminibus quæ sunt in terra, & cum seminatum fuerit, exurgit, & euadit maius omnibus oleribus, & profert ramos magnos, ita ut possint sub umbra eius aues cœli nidificare.

Enarraui hanc parabolam apud Matthæum in cap. 13. Theophylactus, Paruus quidem, ait, sermo fidei. Nam si credideris in Christum, saluaberis. Vide qualis sermo: tale est granum sinapis. Nam prædicatio missa super terram, dilatata est & creuit, ita ut uolatilia cœli, id est omnes sublimes scientia & sensu in ipsa habitent. Quot enim sapientes relictæ sapientiæ gentilium, in prædicatione requieuerunt? Maxima igitur fuit prædicatio & magnos ramos fecit. Vnus enim apostolorum ad Indiam, alius ad Romam, & alius in aliam partem terræ diuisi sunt ut rami.

Et talibus multis parabolis loquebatur eis sermonem, prout poterant audire. Sine parabola autem non loquebatur eis. Seorsim autem discipulis suis exponebat omnia.

Paraphrastes hæc S. Marci uerba sic explanauit, His atq; alijs id genus multis parabolis dominus Iesus rudi crassoq; populo proponebat imaginem futuri successus euangelici, sermonem suum ad illorum captum attemperans: nihil autem illis tum loquebatur, nisi per inuolucra parabolarum, quod nōdum essent nudī sermonis capaces. Etenim si dixisset se breuē à Iudæis occidēdum, sed mox reuicturum, gloriāq; suam per uniuersum orbem sparsurum, sic ut qui tum omnium infimus uidebatur, intelligeretur totius mundi princeps: ut nulli mortalium quantumuis sublimi quies

aut tutum esset receptaculum futurum, nisi sub ipsius ramos confugeret, nemo sermonem neque tulisset neque credidisset. Et tamen expediebat hæc ueluti per somnium meminisse, ut post ex ipsa re agnoscerent, quid sibi uoluissent parabola. Apostolis autem secreto colloquio declarabat quis esset arcanus sensus parabolarum omnium quas dixerat.

Erat illis in die illo cum aduerserauisset, Transeamus in ulteriorem ripam. Et dimissa turba assumunt eum ita ut erat in nauis: sed & aliæ nauiculæ erant cum illo. Et oritur procella uenti magna, & fluctus irruebant in nauim, ita ut illa iam impelleretur. Et erat ipse in puppi super ceruical dormiens, & excitant eum, dicuntque ei, Præceptor, non est tibi curæ quod perimus? Et excitatus increpauit uentum, dixitque mari, Sile, obmutesce. Et conqueuit uentus, factaque est tranquillitas magna. Et dixit illis, Quid timidi estis adeo? Quis fit ut non habeatis fiduciam? Et affecti sunt timore magno, dicebantque inter sese, Quisnam hic est, quod uentus & mare obediunt ei?

Imago tempestatis magnæ.

Habet seges sua uitia & morbos suos, subiecta est tempestatibus atque periculis. Sequitur ergo imago quædam tempestatis maximæ: indicatur quid agant qui in turbis & tempestatibus huius sæculi uersantur, iubentur supplices Christo accidere. Solus enim is est qui tempestates ecclesiæ obortas placide tranquillat. Erasmus in suis Annotationibus, Quod tum exhibuit Iesus, inquit, id hodie in nobis agitur. Quam periculose indormiunt hodie puluillis ac ceruicalibus huiusmodi præfules & pontifices quidam horum temporum? Periclitatur uniuersus populus, nec est qui Christum excitet in illis profundissime dormientem. Imò nolunt excitari, & habent qui somnum hunc pestilentissimum foueant, occinentes ad aurem blando susurro, euge euge. Expergiscere tandem optime Iesu, ne pereamus. Ea copiosius exequitur in Paraphrasi. Et nos plura in hanc historiã dedimus apud Matth. in cap. 8. Interim maxima nobis commendatur atque prædicatur Christi gloria atque potentia. Compescit hic uerbo omnium sequissima elementa, aquam & uentos furentes. Dominus ergo est cœli & terræ omnipotens, cui qui fidunt nunquam confundentur.

COMMENTARIORVM IN

EVANGELIVM SECVNDVM MARCVM.

LIBER SECVNDVS.



PRÆCEDENTE libro multa de Verbo dei disputata sunt. At huius unicus & certissimus scopus est Iesus saluator mundi, & fides in ipsum. Ergo ut illustrius esset nomen Christi saluatoris, & fides in ipsum commendatior omnibus sanctis, tres nobiles historias subiungit in cap. 5. Marcus, quibus & potentiam atq; uirtutem Christi illustrat, & fidem in Christum docet. Postea redit iterum ad uerbum dei & prædicationem uerbi. Inducit enim dominum in patria sua docentem, qui & populi sui ingritudinem acriter inculcat. His pulchre subnectit ablegationem discipulorum ad munus prædicandi, atq; præcepta quibus abeuntes instruxit. Iam & obedientiam diligentiamq; discipulorum attingit. Mox connectit illustrem S. Ioannis baptistæ historiam, in qua proponitur egregium exemplum boni & cordati concionatoris, & quis fuerit eius exitus. Rursus ad consolationem ministrorum suorum, & ad instructionem omnium fidelium, pascit turbas in deserto dominus, liberatq; in lacu periclitantes. Ita enim testificatur dominus se esse cibum fidelium, se esse pastorem summum, se dare pastores, se liberare inuocantes ipsum ex omnibus periculis, inq; tranquillum deducere portum. Et hæc quidem hactenus de Doctrina ueritatis: subiungitur illis à Marco de traditionibus humanis tractatus. Eas cauere & fugere docet dominus. Relictis tamen mox doctoribus humanarum traditionum, conuertitur ad populum, & huic exponit quæ sit uera animi puritas, quis scopus doctrinæ pietatis, ut purgetur mens hominis. Postremo docetur exemplo Syrophœnissæ uera in Christum fides, docetur quanta sit domini uirtus atq; bonitas.



Tuenerunt traiecto mari in regionem Gadarenorum, egressoq; CAP. V.
ei de naui, statim occurrit ei monumentis homo spiritui immun-
do obnoxius, qui domicilium habebat in monumentis. Et ne ca-
tenis quidem quisquam poterat eum ligare, propterea quod cum sæpe
compedibus & catenis uinctus fuisset, discerptæ essent ab illo catenæ, &
compedes essent comminutæ, neq; quisquam ualuisse illum domare. Et
semper die ac nocte in montibus, & in monumentis erat clamans & con-
cidens se ipsum lapidibus.

Quod Iohannes apostolus ostendit per conciones domini sacras, id reliqui tres per Opera Christi. mirifica efficacissimaq; opera Christi demonstrant, Christum esse dominum rerum om-
nium, cui subiecta sunt mundus, diabolus, peccatum, morbi, calamitates, uita et mors:
& quod dominum illud omnibus euangelio obsequentibus conceditur à liberatore
Christo per fidem. Prima hæc historia docet Christum esse uictorem sathanæ: cuius
uires atq; sæuitia multis declarat, in hoc ut uincens ipsum robur & potestas fiat il-
lustrior. Consideret interim quilibet quæ feeda sit seruitus seruire principi, imò tyran-
no diabolo, qui subditos sibi infandis diuexat modis. Reliqua perant ex 8. ca. Matt.

Cum uidisset autem Iesum eminus, cucurrit, & adorauit eum, & cla-
mans uoce magna, dixit, Quid mihi rei tecum est Iesu fili dei altissimi? Ad
iuro te per deum ne me torqueas. Dicebat enim illi, Exi spiritus immun-
de ex homine. Et interrogabat eum, Quod est tibi nomen? Et respondit,
dicens, Legio mihi nomen est, quia multi sumus. Et precabatur eum mul-
tis, ne ipsos emitteret extra regionem. Erat autem ibi iuxta montes grex
porcorum magnus, qui pascebantur: & precabantur eum omnes dæmo-
nes, dicentes, Mitte nos in porcos, ut in eos introeamus. Et permisit eis

statim Iesus. Et egressi spiritus immundi, ingressi sunt in porcos. Et ferebatur grex per præceptum in mare. Erant autem eorum ferme duo millia, & suffocati sunt in mari.

*Virtus Christi,
& malitia sathane.*

Hic maxime elucescit uirtus Christi, quæ tam facile profligat legionem, quam unicum. Declaratur & sathanæ malitia. Paraphrastes enim, Tanta, inquit, erat dæmonis malitia ut grauissimus esset ipsi cruciatus, si iam non liceret cruciari miserum hominem. Sentiebat autem Iesu uocem efficacem & omnipotentem, cui uolens non lens parere cogeretur. Jam mihi confer an non similis affectus sit in hominibus qui iam ad extremum malitiæ deuenierunt; quibus uoluptati est alijs uel suo etiam malo malefacere; & si coerceantur à licentiâ facinorum, uehementer animo discutiuntur. Maxima quoque sathanæ temeritas audaciâque obseruanda uenit. Audet impurus filium dei adiurare per deum. Audet idem per impura impiorum, hæreticorum, & magorum ora facerrima proloqui uerba; audet obtestari magna cum authoritate. Sed pii floccifaciunt; sicuti & omnium sanctorum caput Christus, obtestantem auersatur & expellit. Ne itaque terreant nos adiurationes magorum; ne decipiant nos obtestationes hæreticorum. Huiusmodi artibus conatur sathan regnū semel occupatum retinere. Nobis contra perseverandum est in spe & fide firma domini nostri Iesu, nec cessandum ab oppugnatione donec expellamus sathanā. Extra regionem mittere uidetur diabolus pro eo accepisse, quod est e regione hac aeris in tartarum & caliginem sempiternam dare præcipit. Aut certe cupiebat dux impuræ legionis per agros regionis Gadarenæ impie & libere uagando latrocinari & diuexare homines; sicuti hucusque fecerat opera hac in re utens dæmoniaci. Nemo autem cogitans diabolos spiritus esse, mirabitur quomodo in uno homine legio hære potuerit diabolorum. Et quamuis spiritus sint, loco tamen certo non carent. Nam ubique non sunt. Id quod ex eo potest colligi, quod precantur ne efficiantur ex illa regione. Verū de illis, de quibus scriptura non differit operose, subtilius disputare, & omnes causas, modum & formas indagare uelle, hominis curiosi magis quam pii est.

Porrò qui pascebant porcos fugerunt, & renunciauerunt in ciuitatem & in agros. Et egressi sunt ad uidendum quod acciderat, ueneruntque ad Iesum, & uident illum qui à dæmonio uexatus fuerat sedentem ac uestitum, & sanæ mentis eum qui habuerat legionem, & extimuerunt. Et narrauerunt illis qui uiderant qualia euenissent ei qui dæmonium habuerat, & de porcis. Et rogare cœperunt eum, ut discederet de finibus ipsorum.

Hæc amplificat miraculū, & commendat historiæ ueritatem. Primo quidem ipsi porcorum pastores rem gestam in ciuitate & uiculis agri diuulgant. Ad ipsorum nuntium effunditur ad Christum ingens populi turba. Deinde qui spectaculo adfuerant necdum recesserant à domino, rursus ab initio narrabant illis qui procurrerunt, omnem rei gestæ historiam, de legione eiecta, de porcis demersis in lacum. Plura require ex 8. cap. Matth.

Cumque ingressus esset nauim, rogabat illum is qui à dæmonio fuerat uexatus, ut esset cum illo. Iesus autem non permisit ei, sed ait illi, Abi domum tuam ad tuos, & annuncia illis quanta tibi dominus fecerit, & misertus sit tui. Et abiit, & prædicare cœpit in Decapoli, quanta sibi fecisset Iesus, & omnes mirabantur.

*Gratitudo
laus dei.*

Discedit dominus ab ingratis & crassis hominibus, qui pluri faciebant porcos quam celestes

cœlestes thesauros. Interea non offenditur multorum ingratitudine qui sanitatis beneficium acceperat à domino. Videns enim suæ sanitatis authorem abire, rogat ut liceat ipsi in illius esse comitatu. Sic uero typum prætulit pijs, docens quomodo se gerant qui acceperunt beneficia dei. Dominus autem maluit illum habere præconem quam comitem: quod id magis expediret multorum salutem. Abi, inquit, in domum tuam, & ad cognatos & amicos tuos, qui norunt qualis hæcenus fueris, & annuncia, id est, prædica, celebra laudibus beneficium & misericordiam tibi præstitam à domino. Quilibet autem nostrum hoc ipsum sibi dictum putet quod homini huic iniungitur. Misericordia sua saluauit nos, & in diem beneficia ingentia confert nobis munificus dominus. Pro his nunquam cessamus agere gratias, laudemus semper misericordiam dei, hortemur & alios ad fiduciam ueram, ut & ipsi ad fontem omnium gratiarum accedentes saturentur omni bono. In hunc finem autem subiungitur & obedientia fidelis liberati huius hominis. Abijt enim homo ille iussis obtemperans Iesu, ac per Decapolim (de qua dictum est Matthæi quarto) prædicauit Iesu potentiam ac beneficentiam. Ac narratio eius fidem apud illos facile inuenit, quod antea plerisque eius regionis hominibus notus fuisset, & nunc cernerent ipsum integra uti sanitate. Sapientissime ergo egit dominus qui noluit illum in suum asciscere comitatum, in quo suspectum multis fuisset illius testimonium. Obedimus ergo & nos benefico seruatori, & laudemus ipsum, quoniam bonus, quoniam in æternum misericordia eius.

Et cum traiecisset Iesus nauim rursus in ulteriorem ripam, cōuenit ad eum turba multa, & erat circa mare. Et ecce uenit quidam principum synagogæ, nomine Iairus, & cum uidisset eum procidit ad pedes eius, & precabatur eum multum, dicens, Filiola mea in extremis est (oro) ut uenias & imponas illi manus, ut salutem consequatur & uiuat. Et abiit cum illo, & sequebatur eum turba multa comprimebantque eum.

Præmittitur occasio tertij beneficii siue miraculi. In Iairo suppeditatur nobis exemplum fidei suadentis accedere Christum in omnibus nostris necessitatibus. Præstruitur ad secundum miraculum & beneficium accessus commemoratione irruentis turbæ & comprimentis dominum. In hac enim frequentia & angustia enititur ad contactum saluatoris mulier quæ profluuium sanguinis laborabat, cæterum mox ea à fluxu sanguinis liberatur. Interim egregie dixit ille, beneficentiam homines allicere ut solet magnes attrahere ferrum. Delectatur dominus hominum frequentia. Benefacit omnibus: nec exhauritur interim perennis ille gratiæ & uirtutum fons. Accurramus ergo & nos, ut inde satiemur.

Et mulier quædam quæ laborauerat profluuium sanguinis annos duodecim, fueratque multa perpeffa à compluribus medicis, & insumperat omnes facultates suas, neque quicquam adiumenti senserat, sed plus detrimenti acceperat, cum audisset de Iesu, uenit in turba à tergo, & tetigit uestimentum eius. Dicebat enim, Si uel uestimenta eius tetigero, salua ero. Et confestim siccatus est fons sanguinis eius, & sensit corpore quod sanata esset à flagello. Et statim Iesus in semetipso cognoscens uirtutem ex sese prodijisse, conuersus in turba, aiebat, Quis tetigit uestimenta mea? Et dicebant ei discipuli ipsius, Vides turbam undique prementem te, &

dicis, *Quis me tetigit?* Et circumspiciebat ut uideret eam quæ hoc fecerat. Mulier uero timens & tremens, sciens quid in se accidisset, uenit & accidit ei, dixitq; ei omnem ueritatem. Ille autem dixit ei, *Filia fides tua te seruauit: uade cum pace & esto sana à flagello tuo.*

Christi maxima uis.

Docet nobilis & lepida hæc historia, Christum esse omnium infirmitatum morborumq; dominum atque potentem, qui sua uirtute sanat omnes & corporum & mentium morbos. Ergo quod circumstantiæ tam diligenter describuntur, quod per integros annos 12. morbo sit afflicta, quod à medicis multa sit perpeffa, quod omnes facultates nequicquam erogarit medicis, quod deterius etiam habuerit post medicinam sumptam, ualde nobis commendat atq; laudat Christi potentiam qui nullo negotio desperatum pepulit morbum. Mulier uero exemplum nobis fidei suppeditat in Christum efficacis. Diffidebat iam medicis, imò desperat de omni humano præsidio, omnem spem suam figit in Christum, qui ipsius fide delectatus, liberauit illam à morbo longe fœdissimo. Tanta uero erat fidei fiducia ut apud se cogitaret, si liceat uel simbriam uestis dominicæ attingere, liberabor à morbo. Non tribuebat ullam uim uesti, sed Christo tota confidebat, cuius uim tantam esse credebat, ut uel minimum in illo, adeoq; infirmitas (ut sic dicam) eius, plus possit quàm uniuersa medicorum ars & potentia mundi potentissima. Ideo uero ne quis uesti quicquam attribueret, sequitur Iesum cognouisse ex sese prodijisse uirtutem. Prodiit autem uirtus à Christo non à loco in locum transiens, sed manens immota & minime imminuta in Christo; communicatur uero alijs; quemadmodum etiam doctrina prodiit è docentibus traditurq; discipulis, ut interim docens nihil amiserit. Theophylactus per allegoriam hoc postremum explicans, *Tesigit, inquit, uestem Christi, hoc est carnem eius, & sanata est. Qui credit eum esse incarnatum deum, is est qui tangit uestimentum eius. Singulariter fidei ueræ uirtus explicatur hac historia, illa semper retinet timorem & cum tremore & reuerentiâ ambulat in uisjs domini. Cætera pete ex 9, capite Matth.*

Adhuc eo loquente, ueniunt à principe synagogæ qui dicerent, *Filia tua mortua est, quid ultra uexas magistrum?* Iesus autem protinus audito sermone qui dicebatur, ait principi synagogæ, *Ne metuas, tantummodo crede. Et non permisit quenquam se consequi, præter Petrum & Iacobum, & Ioannem fratrem Iacobi: & uenit in domum principis synagogæ, uidetq; tumultum ac flentes ac eiulantes multum. Et ingressus ait illis, Quid tumultuamini & ploratis? Puella non est mortua, sed dormit. Et irridebant eum. Ipse uero ciecitis omnibus, assumit patrem & matrem puellæ, & eos qui cum ipso erant, & ingreditur eò ubi puella decubebat, & prehensa manu puellæ, ait illi, Talitha cumi: quod est, si quis interpretetur, Puella, tibi dico, surge. Et statim surrexit puella & ambulabat. Habebat enim annos duodecim. Et inuasit eos stupor magnus: & interminatus est eis multum, ne quisquam rescisceret hoc: & iussit ut daretur ei quod ederet.*

Christus uita est credentium.

Tertia historia euidentis admodum & præclara, docet apertissime Christum Iesum esse dominum uitæ & mortis, adeoq; sua uita omnes reuocare credentes ad uitam, qui per peccata fuerant mortui, eorundem corpora & in fine mundi ex mortuis

etis excitare posse. Proinde quod seruuli nunciant puellulam mortuam, quod aderant de more lamentantes totaꝑ domus ploratibus perstrepebat amaris, argumenta erant uere mortuam esse puellam: unde clarius elucescit maxima Christi uirtus, mortuam nullo negotio reuocantis ad uitam. Metuimus misere mortem omnes. At misit nobis pater cœlestis medicum & principem uitæ potentissimum, cui si nos credamus permittentes nos totos potentissimo, à ui mortis liberare potest. Si quis ex India aut Aethiopia ueniens polliceretur sese certis & probatis medicamentis mortem uel depellere, uel quo tardius ingruat, uel minus in nos seuiat efficere posse, quanta quæso hominum uis ad talem acceleraret medicum? Accurramus ergo fide uera cum Iairo ad uerum & cœlestem medicum, ad principem illum uitæ & mortis. Efficiet enim certò ut morientes non moriantur, si quis spectet animarum immortalitatem, & corpora quoque ipsa somno duntaxat consopiantur ad tempus. Rursus enim in fine mundi resurgent ad uitam & gloriam sempiternam. Territant quidem & ad desperationem impellunt ferè spectra & terribulaimenta uaria, suadentia morituros periturosꝑ nos. Ceterum in omnibus tentationibus subinde reuocanda mente domini uox, Ne metuas: tantummodo crede. Non potest fallere & mentiri ueritas aeterna. Qui iubet credere, credentem non potest fallere. Reliqua require apud Matthæum in cap. 9. Porro recitat Marcus uerbis Syriacis ut D. Hieronymo uisum est, quod dominus puellæ mortuæ dixit, non ut Magis formulam præberet incantandi, sed ut ostenderet dominum nullo negotio neq; inuocatione alterius dei, imò uirtute propria mortuam reuocasse in uitam. Hieronymus quædam disputat de uocibus illis peregrinis ac earum interpretatione, de optimo interpretandi genere ad Pammachium.

Et egressus est illinc, uenitꝑ in patriam suam, & sequuntur eum discipuli sui. Cumꝑ adesset sabbatum, cœpit in synagoga docere: multiꝑ audientes obstupuerunt, dicentes, Vnde huic hæc? & quæ est hæc sapientia, quæ data est illi? & tam potentia facta (quæ) opera eius efficiuntur? Nónne hic est ille faber, filius Mariæ, frater autem Iacobi & Iosæ & Iudæ, & Simonis? Nónne & sorores eius hic apud nos sunt? Et offendeabantur in eo. CAP. VI.

Rursus docet dominus, qui illuminaturus & redempturus mundum uenerat. Docet dominus Ergo doctrina aliud non habet præstantius ecclesia Christi. Est enim animæ cibus, regula uitæ, & lucerna illuminans oculos. Sed & circumstantias diligenter attingit omnes, iccirco easdem non nihil illustrare operæpretium est. Ac principio quidem omnibus debemus ex charitate & humanitate beneficentiam, in primis autem patriæ. Cui qui non benefacit, hominis nomine indignus est: qui damno afficit, diabolus est. Deinde docuit in synagoga siue in cœtu dominus. Tamen si enim priuatim singulorum sit uerbum dei, uoluit tamen dominus ab initio prædicari maxime in ecclesia sanctorum. De synagogis dictum est apud Matthæum. Iam omne tempus cultui dei est idoneum, sabbatum tamen peculiariter cultui est destinatum, in quo cocant sancti ad preces & doctrinam pietatis, deinde etiam ab omni uanitate & re praua cessent, uirtutibus operam dent. Docuit autem ac interpretatus est dominus scripturam, Isaïæ locum è 61. cap. enarrans, ut est apud Lucam in capite quarto. Reliquit autem ministris suis & exemplum & institutionem, quid & ipsi tractent & tradant in concionibus sacris, Christum & quæ uidelicet per Christum dedit nobis pater cœlestis, tradant autem ex scripturis, quæ plene omnia Christi

*Tituli in docen-
tibus.*

myſteria comprehendunt. Sequitur quem do populus ad prædicationem ueritatis afficiatur. Miratur quidem, ſed offenditur interim. Externa quærit, genus, ſtemmata, pompam, titulos, & ſtrepitum huius ſæculi, quæ cum non inuenit, contemnit. Cæterum his externis ut non innititur prædicationi ueritatis, ita iſſdem non uult commendari. Sed & hodie quæq; multi magni faciunt titulos & pompam in doctõibus. Sed nihilo faciunt prudentius quàm Nazarethani. Reliqua pete ex Matth. cap. 13. & Lucæ 4. Item de Fratribus Ieſu Matth. 12. cap. Paraphraſtes, Cum, inquit, doceret in ſynagoga Ieſus, apud multos hoc ipſum eleuauit illius authoritatem, quod iuxta carnem notus eſſet. Nouerant tenues parentes, & humilem domum, unde prædierat: de patre cœleſti, deq; de mo æterna, unde noſtra cauſa deſcenderat, ne per ſc̃nium quidem aliquid ſuſpicabantur. Nouerant artem paternam qua Ioseph familiam alebat, quam primis annis & ipſe Ieſus exercuerat. Erat autem faber lignarius, opificio uidelicet congruente ei, per quem pater cœleſtis mundum hunc uniuerſum fuerat olim fabricatus. Per fabrum conditum eſt genus humanum: per fabrum decuit & reſtitui. Et reliqua. Idem in Annotat. Intelligimus de minum & patris ſui, ait, legalis exercuiſſe artem. Cur enim hoc reſuſſet noſtra cauſa dei filius, qui ne crucem quidem reſuſſet: neq; Paulum, tantum uidelicet apoſtolum, puduit opera manuaria parare quo uiſitaret &c. Offendebantur autem uilitate Chriſti, & reſiliebat à doctrina eius.

Dicebat autem illis Ieſus, Non eſt propheta contemptus, niſi in patria ſua, & inter cognatos, & in familia ſua. Et non poterat ibi uirtutem ullam eſdere, niſi quod paucos infirmos, impositis manibus ſanauit, ac mirabatur propter incredulitatem eorum. Obibat autem uicos undiq; circumiacentes, docens.

*Nolle dei eſt
non poſſe.*

Expoſui hæc apud Matth. in cap. 13. Alij uero non inepte, Non potuit, pro, Non uoluit, exponunt. Cum enim omnipotens ſit filius cum patre, nolle eius eſt non poſſe. Poſſe quidem omnia, ſed ideo non uult omnia. Vult ea quæ bona ſunt, & quæ contra uerbum eius non pugnant. Errant ergo qui ex omnipotentia dei colligunt quiduis, quaſi id etiam fecerit quod contra uerbum dei eſt, neq; fecit unquam. Ordine agit dominus. At indigni erant prepter incredulitatem Nazarethani, quibus dominus multa conferret beneficia &c. Iterum autem inculcat ebambulante Chriſtum dominum ac docuiſſe, quo uidelicet altius inſigat decendi munus.

Et accerſit duodecim, cœpitq; eos emittere binos, ac dabat illis potestatem aduerſus ſpiritus immundos, præcepitq; eis, ut ne quid tollerent in uiam, niſi uirgam ſolum: non peram, non panem, non in zona æs, ſed calciarentur ſandalijs, & ne induerentur binis tunicis. Et dicebat eis, Vbi cunq; introieritis in domum, illic manete, donec exeatis illinc. Et quicunq; non receperint uos, neque audierint uos, exeuntes illinc, excutite puluerem, qui eſt ſub pedibus ueſtris, in teſtimonium illis. Amen dico uobis, tolerabilius agetur cum Sodomis aut Gomorrhis in die iudicij, quàm cum ciuitate illa.

*Apoſtoli aman-
dantur ad docen-
dum.*

Appoſitiſſime poſt cencionem ſaluatoris ſubneſcit S. Marcus ablegationem diſcipulorum ad munus prædicandi. Iam enim tempus erat ut quos hæcenus ſuo exemplo docuerat & ad prædicandum deſtinarat, iam periculum facere iuberet.

Omnia

Omnia explicata sunt apud Matth. in cap. 10. inde require. Paraphraſtes hunc Marci locum egregie explicat, quem ſi legeris certe non citra fructum legeris.

Et egreſſi prædicabant ut reſpiſcerent: & dæmonia multa eiſciebant, ungebantq; oleo multos ægros & ſanabant.

Præceptis dominicis adiungitur obedientia fides & diligentia apoſtolorum, *Obedientia & ut implorato dei auxilio illa ipſa factis exprimere annitantur quotquot uocati ſunt fides apoſtolorum.* Eiſciebant dæmonia uirtute Chriſti, quem prædicabant, & in ipſo renouationem uitæ. Vbi uero innouatur homo, per ſpiritus ſanctum innouatur, accedens ſathanas locum præbet regi Chriſto, qui uenit in mundum ut regnum et opera diaboli diſſoluat. Vngebant ægros oleo, nimirum iuxta inſtitutionem Chriſti. Haud enim ueriſimile eſt apoſtolos quicquam tentafſe aut feciſſe quod non prius iuſſerit Chriſtus. Vſi autem ſunt oleo apoſtoli ſicuti dominus manuū impoſitione, *vinxerunt ægros apoſtoli.* ſputo & luto: ſignificans utiq; uirtute diuina non medicamine humano morbos curari. Itaq; adhibebant oleum apoſtoli, ſignificantes ſpiritus ſancti uirtute (per oleum enim frequenter in ſcripturis ſignificatur ſpiritus ſancti gratia) curari, quos curabant ipſi. Ideo uero non protinus ſequitur oleum eſſe ſacramentum, id eſt ceremoniam Chriſtianorum perpetuam, beneuolentiæ dei erga nos teſtimonium &c. ſicuti eſt Baptiſmus & Cœna domini. Alioquin multa poſſent ſacramenta fingi in eccleſia, etiam ſputum & lutum, &c. De loco Iacobi quinto capite diſputauim in Commentarijs ad epiſtolam Iacobi.

Hæc audiuit rex Herodes (innotuerat enim nomē eius) dicebatq; Ioannes ille qui baptizabat reſurrexit à mortuis, & propterea uirtutes agunt in illo. Alij dicebant, Helias eſt. Alij uero dicebant, Propheta eſt, uel tanquam unus ex prophetis. Cum audiſſet autem hoc Herodes dixit, Cui ego præſcidi caput, Ioannes iſte eſt, ipſe ſurrexit à mortuis.

Priusquam hitoriā de Ioanne exituq; & fine eius narret Marcus, præmittit quod fama nominis Ieſu ualde inclaruerit in mundo, adeo ut & regi Herodi & aulæ Herodianæ innotuerit. Adiungitur uariatum eſſe ſententijs nimirum in uulgo & turba. Præmonet autem fideles ne offendantur ſi forte uariæ ſint de euangelica doctrina & Chriſto ſententiæ. Pergendum nihilominus in aſſertione ueritatis certæ & indubitatæ. Reliqua pete ex principio cap. 14.

Nam ipſe Herodes miſſis ſatellitibus prehenderat Ioannem, & uinxerat eum in carcere propter Herodiadem uxorem Philippi fratris ſui: quia duxerat eam uxorem. Dicebat enim Ioannes Herodi, Non licet tibi habere uxorem fratris tui. Herodias autem inſidiabatur illi, cupiebatq; occidere illum, nec poterat. Herodes enim metuebat Ioannem, ſciens eum uirum iuſtum & ſanctum, & obſeruabat eum, auditoq; eo multa faciebat, & libenter eum audiebat. Et cum dies opportunus accidiſſet cum Herodes in natalitijs ſuis cœnam faceret primatibus ac tribunis & primoribus Galilææ, cumq; introſſet filia ipſius Herodiadis ac ſaltaſſet placuiſſetq; Herodi ac ſimul accumbentibus, rex ait puellæ, Pete à me quicquid uis, & dabo tibi, iurauitq; illi, Quicquid petieris à me, dabo tibi uſque ad di-

midium regni mei. At illa egressa dixit matri suæ, Quid petam? Illa uero dixit, Caput Ioannis baptistæ. Et ingressa statim cum festinatione ad regem, petiuit, dicens, Volo ut protinus des mihi in lance caput Ioannis baptistæ. Et dolore affectus rex propter iusiurandum eosque qui secum accumbebant, noluit eam reijcere. Et confestim rex missis spiculatoribus iussit inferre caput eius. At ille abiit, & decollauit eum in carcere, & attulit caput eius in lance, deditque illud puellæ, & puella dedit illud matri suæ. Quo audito discipuli eius uenerunt, & sustulerunt cadauer eius, posueruntque illud in monumento.

Nobile proponitur omnibus uerbi dei ministris exemplum in Ioanne baptista, quem imitentur sinceritate fidei, puritate doctrinæ, zelo dei & uirtutum, libertate in dicendo, fortitudine & constantia in agendo. Nec pluri faciant suæ famæ existimationem uitæque incolumitatem, quam iuuat illud excellens ministerium, præclarum inquam ueritatis præconium, confessionem dei, laudem uirtutum & scelerum grauem accusationem condemnationemque. Reliqua quæ in illustri hac historia ueniunt obseruanda, tractaui apud Matthæum in capite decimoquarto.

Et congregantur apostoli ad Iesum, & renunciauerunt ei omnia, & quæ egissent quæque docuissent. Et ait illis, Venite uos soli seorsim in desertum locum, & requiescite paululum. Erant enim qui uenirent & abirent multi, ac ne cibum quidem capere uacabat. Et contulit se in desertum locum nauigio seorsum.

*Semper recur-
rendum ad
Christum.*

Consultissime redeunt iam ad saluatorem apostoli, prædicatione euangelica perfecta, à quo legati abierant prædicatum. Semper enim recurrendum est ad Christum, à quo proficiscuntur omnia. Huic nos & omnia nostra probanda deferre oportet. Qui mundo placere cupit Christi obliuiscitur capitis, uocationi suæ parum aut nihil prorsus respondet. Neque hic nobis si quid per nos egregie geritur, tribuendum. Omnis laus & gloria Christo agenti bona & præclara per nos deferatur. Ac rebus quidem bene strenueque gestis per apostolos, auocat ipsos ad iocum solitarium, in quo frequentia hominum aliquandiu non turbarentur. Requies enim iusta conceditur sanctis labore delassatis. Neque enim probantur deo qui immodicis sese ante tempus conficiunt laboribus, atque eo modo sese utilitati publicæ ueluti subducunt. Paraphrastes addit & aliud, Non datus est secessus, inquit, ad uoluptatibus laxandum animum, sed ad secreta precatione uegetandum renouandumque spiritus uigorem mox recursuris laboribus. Nam doctore euangelico sanè quàm leuis debet esse cura corporis. Porro qui fungitur apostolico munere, quoniam cum infirmis & firmis, cum doctis & indoctis, cum bonis & malis rem habere cogitur, fieri non potest quin interdum ab illa perfecta tranquillitate mentis nonnihil labefacetur. Id quoties accedit ad secretas & intentissimas preces, ad purissimam rerum coelestium contemplationem animus est traducendus, ut mox uegetior factus ad iuuandum proximum redeat.

Cumque uidissent eos abeuntes turbæ, agnouerunt eum multi, & itinere pedestri ex omnibus ciuitatibus concurrerunt illuc, & præuenerunt eos, conueneruntque ad illū. Et egressus uidit turbam multā Iesus, & intus misertus

desertus est eorum, quia erant uelut oues non habentes pastorem. Et cepit illos docere multa.

Commendatur hic nobis ardentissimum studium audiendi uerbum dei, quod *Ardens studiū* fidelis turba nunquam non pari zelo exprimere contendit. Qui negligunt uerbi dei *audiendi uerbi dei.* predicationem, ex deo non sunt, sicuti ipse dominus Iesus pronunciat apud Ioan- nem in cap. 8. Iesus quoque ualde delectatus pio uulgi studio, prodit ad turbam & in- time misertus eius, quod negligeretur à Phariseis, lupis uerius quam pastoribus, ipse ueri pastoris officium præstitit, ac turbam fideliter docuit. Vnde iterum claret doctrinam sanam, synceram & fidelem, primariam & præstantissimam esse functio- nem in officio doctoris episcopi siue pastoris. De hac re quædam inuenies & in fine cap. Matth. 9. & 14.

Cumque iam multum diei præterisset, accesserunt ad eum discipuli eius, dicentes, Desertus est locus, & iam multum temporis effluxit, dimitte illos ut abeant in circumiacentes uillas & uicos, emantque sibiipsis panes: nam quod edant non habent. At ille respondens dixit illis, Date uos illis quod edant. Et dicunt ei, Euntes emamus ducentis denarijs panes, & demus il- lis quod edant. At ille dicit eis, Quot panes habetis? Ite & uidete. Et cum cognouissent, dicunt, Quinque & duos pisces. Et præcepit illis ut discum- berent omnes, distributis conuiuijs in uiridi gramine. Et discubuerunt di- uisi per uiridaria, centeni & quinquageni. Et cum accepisset quinque pa- nes & duos pisces, sublati in cælum oculis, benedixit ac fregit panes, de- ditque discipulis suis, ut apponerent illis, & duos pisces diuisit omnibus. Co- mederuntque omnes & saturati sunt, & sustulerunt fragmentorum duode- cim cophinos plenos & de piscibus. Erantque qui comederant circiter quin- que milia uirorum.

Re ipsa ostendit se uerum esse pastorem missum in hunc mundum ad saluandas *Summus pastor* oues, & ad ordinandos toti orbi pastores, qui cibo ex manibus domini sumpto pa- *alios ordinat* scant ad finem usque sæculi gregem sanguine Christi redemptum. Plura require ex *pastores.* decimoquarto capite Matthæi, ubi hanc historiam enarraui copiosius. Marcus sin- gulariter designat miraculum quod è duobus piscibus tanta populi uis satiata sit, a- deoque & plurimum de ijs superfuerit. Credamus ergo ubique deo, qui sperantes in se non negligit, & omnia quæcunque uult, & hominibus salutaria gloriæque eius conue- nientia sunt, facit. Consolantur hæc ualide credentes uerbo dei, non tantum mini- stros, qui hic uident cuius degant sub patrocínio, & quis sit pastor summus uere o- ptimus maximus.

Et statim coegit discipulos suos conscendere nauim, & præcedere, transmissio mari, Bethsaidam, dum ipse dimitteret turbam. Et cum dimissis- set eos, abiit in montem ad orandum. Cumque aduersperauisset, erat nauis in medio maris, & ipse solus in terra, uiditque eos laborantes in remigando. Erat enim uentus aduersus eis. Et circa quartam uigiliam noctis uenit ad eos ambulans super mare, & uolebat præterire eos. At illi ut uiderunt il- lum ambulantem super mare, putauerunt spectrum esse, & exclamauerunt, Omnes enim uidebant eum, & conturbati sunt, & statim locutus est cum eis,

dicítq̃ eis, Bono animo este, ego sum, ne terreamini. Et ascendit ad illos in nauim, & conqueiuit uentus, & supra modum uehementer stupeſcebant apud ſeſe & admirabantur. Non enim meminerát panum: erat enim cor eorum occæcatum.

Beneficio máximo aliás coniungit aliud æque ingens & præſtans, quod periclitantes in undis præſentiq̃ proximos exitio eripuerit. Hoc maniſeſtiſſime demonſtrat ſe omnes inuocantes poſſe ex quouis etiam deſperatiſſimo eripere periculo. Sed expoſuimus hæc apud Matthæum in cap. 14. Adijcitur in præſenti à S. Marco, Non enim meminerant panum: erat enim cor eorum excæcatum. Quo rationem reddit cur ita obſtupuerint diſcipuli, quia nec retinebant firmiter, nec expendebant ſatis diligenter beneficia miraculaq̃ domini: illud etiam quod præterita die multiplicatis panibus deſignarat. Id uero inde erat quod corda ipſorum eſſent occæcata obduſa q̃ caligine inertię & ſtupiditatis humanæ. Si diligenter expendiſſent, quantæ fuerat uirtutis tantam multitudinem tantulo ſaturare cibo, eidem diuinæ potentiæ tribuiſſent, & per fidem ſanam cum gratiarum actione agnouiſſent inceſſum corporis dominici ſuper aquas, & liberationem illam ex inundatione aquarum prodigioſam. Claret item unde exoriatur incredulitas & craſſities humani pectoris, ex occæcatione cordis. Cor autem hominis occæcatur rebus varijs, affectibus humanis, incuria & inertia, indiligentiâ & affectuum perturbatio- ne: ſicuti apoſtolis uſu ueniſſe ueriſimile eſt. Excæcat & ſathanas, ſicuti apoſtoli teſtatur, 2. Corinth. 4. Neq̃ eſt ut cauſas excæcationis ſemper reiſciamus in deum. De qua re aliás.

Et cum traieciſſent, uenerunt ad terram Genezareth, & appulerunt. Cumq̃ egreſſi eſſent è nauí, continuo agnouerunt eum, & percurrentes totam undiq̃ regionem illam, cœperunt in grabbatis eos qui male habebant, circumferre (eò) ubicunq̃ audiebant illum eſſe. Et quocunq̃ introiſſet in uicos aut in ciuitates aut in uillas, in plateis ponebant ægros: & precabátur eum, ut uel ſimbriam uestimenti eius tangerent. Et quotquot tangebant eum, ſalutem conſequebantur.

Omnium ſaluator Chriſtus.

Omnium ſaluator eſt Chriſtus. Ergo non tantum liberat apoſtolos periclitantes in lacu procellis obortis ſæuiente: ſed medetur omnium morbis, omnium inquam eorum qui ipſum accedunt per fidem. Innotuerat iam beneficium mulieri ſanguinis profluuió laboranti à Chriſto præſtitum. Iam ergo cupiunt omnes ſimbriam ſaltem uestimenti contingere. Quare non commendatur nobis uestis Chriſti, ſed eximía illius potentia ac fides in ipſum. Paraphraſtes, Quotquot contingebant Ieſum ſanabantur quocunq̃ genere morbi tenebantur. Illi fidentes contingebant ſimbriam uestis, quæ poſtea ceſſit hiſ qui crucifixerant eum, & leuabantur morbis corporum, quanto magis adnitendum eſt omnibus, ut Ieſum ipſum contingant animo, & ſanentur à morbis animorum? Nihil ualet contactus ſine fide. Nudum Ieſu corpus contrectabant qui impegerrunt alapas, qui uinciébant, qui flagellabant, qui ſuffigebant in crucem, neq̃ cuiquam horum profuit contigiſſe. Legis euangelium, contingis quidem Ieſum: ſed legis ut reſellas, aut legis oſcitanter, fruſtra contingis Ieſum. Lege ſyncera fiducia, mox ſanaberis. Sed deprecandus eſt Ieſus, ut liceat contingere. Fruſtra contingit, quem ille non contingit prior &c. Conſule cap. Matth. 14.

Et

Et conueniunt ad eum pharisæi & quidam e scribis, qui uenerant Hierosolymis, & cum uidissent quosdam ex discipulis eius, communibus manibus, id est illotis, edere panes, incusabant. Nam Pharisei & omnes Iudæi, nisi crebro lauerint manus, non capiunt cibum, obseruantes instituta maiorum: & à foro (uenientes) nisi loti fuerint non edunt. Et alia multa sunt quæ susceperunt seruanda (nempe) ablutiones poculorum & urceorum & æra mentorum & lectorum. Deinde interrogant eum pharisæi & scribæ, Quare discipuli tui non uiuunt iuxta ritum traditum à maioribus, sed illotis manibus edunt panem?

Disputationi de uerbo dei & doctrina sana, subiungitur tractatus de Traditionibus humanis. Initio indicatur quales fuerint traditiones Phariseorum, idque præ alijs euangelistis diligenter & copiose exponit. Deinde quid obiecerint domino, enumerat. Quæ omnia explanauimus apud Matth. in cap. 15. Traditiones hu-
manæ.

At ille respondens, dixit illis, Bene uaticinatus est Isaias de uobis hypocritis, sicut scriptum est, Populus hic labijs me honorat, cor autem eorum longe abest à me. Frustra autem colunt me, docentes doctrinas, præcepta hominum. Nam omisso præcepto dei, seruatis constitutionem hominum, ablutiones urceorum & poculorum, aliaque his similia facitis multa.

Confutat his traditiones hominum, prophetico probans testimonio illas nihil facere ad cultum dei. Nec placere deo qui traditiones hominum obseruant: imò has impedire uerum dei cultum inducereque neglectum uerbi dei. Id quod consequentibus clarissime demonstrat.

Et dicebat illis, Pulchre reiicitis præceptum dei, ut constitutionem uestram seruetis. Moses enim dixit, Honora patrem tuum & matrem tuam: & qui maledixerit patri uel matri, morte moriatur. Vos autem dicitis, Si dixerit homo patri uel matri, Corban, quod est, dono quodcumque ex me (tu) iuuaberis. Et præterea non sinitis eum quicquam facere patri suo, aut matri suæ: & irritum facitis uerbum dei per constitutionem uestram, quam tradidistis. Et similia multa facitis.

Euincit exemplo euidentissimo leges humanas antiquare & in obliuionem abducere leges diuinas. Ironiam autem respicit quod ait, Pulchre reiicitis &c. סָבָן Syriace significat donum, uel oblationem. Reliquisse uidetur uocem Syram, quod tunc cum Marcus scriberet omnibus esset notissima, sed & in usu olim fuisset sacerdotibus. Fortassis petierunt hunc ritum postulandi & colligendi pecunias in gazophylacium, ex lege. De qua re consule Exodi 30. & 36. cap. item 4. Reg. 12. Quod sub finem appendit, Et similia multa facitis, suam quoque habet emphasim. Ne quis enim domini uerba de unico hoc exemplo interpretaretur, similia omnia comprehendit. Cauendæ ergo sunt omnes hominum traditiones & fugiendæ. Reliqua pete ex Matth. cap. 15.

Et cum aduocasset ad se totam turbam, dicebat illis, Audite me omnes & intelligite, Nihil est extra hominem introiens in eum, quod pos-

fit eum inquinare, sed quæ de homine procedunt, illa sunt quæ inquinant hominem. Si quis habet aures ad audiendum, audiat. Et cum introisset in domum (se motus) à turba, interrogabant eum discipuli eius de similitudine. Et dicit illis, Siccine & uos intelligentia caretis? Nondum intelligitis quod omne foris introiens in hominem, non possit eum inquinare? Quia non intrat in cor eius: sed in uentrem, & in secessum exit expurgans omnes cibos. Dicebat autem, Quod ex homine exit, illud inquinat hominem. Ab interioribus enim è corde hominum malæ cogitationes procedunt, adulteria, stupra, homicidia, furta, auaritiæ, fraudes, dolus, impudicitia, malus oculus, conuitia, superbia, stultitia. Omnia hæc mala ab internis procedunt, & inquinant hominem.

Quæ sit uera puritas.

Perseuerant & pergunt in sua prauitate & corruptione Pharisei, auersus ergo ab ipsis utpote cæcis & cæcorum ducibus, conuertitur ad simplicem plebeculam, ac ipsam parabola quadam instituens, docet, quæ uera puritas, & quis scopus ueræ doctrinæ, Pietas. Ea enim ad omnia utilis est, & complexu quodam sacro continet omnes uirtutes. Caterum Cor affectuum uoluntatisq; sedes est, quem admodum Renes cupiditatum. Et quod de corde & natura purgante dicit dominus, tale est, Quod ingreditur in os, non transmittitur in cor, sed in stomachum, mox in uentrem; inde si quid impurum est, excernitur in secessum, ut uescienti sit omnis cibus purus, natura repurgante quod impurum est. Enumeratio autem scelerum & uitiorum cognita est uel ex Paulinis epistolis. Malus oculus inuidus est animus adeoq; ipsa inuidia. In oculis enim ipse relucet animus hominis. Sed & Matth. 20. capite ponitur malus oculus pro animo liuido. Plura pete ex Matth. capite 15.

Et inde surgens abiit in confinia Tyri & Sidonis, & ingressus domum neminem uoluit scire, nec potuit latere. Cum enim audisset de eo mulier, cuius filiola habebat spiritum immundum, uenit & accidit ad pedes eius. Erat autem mulier Græca, Syrophœnissa genere, & rogabat eum ut dæmonium eijceret è filia sua. Iesus autem dixit ei, Sine prius saturari filios. Non est enim honestum sumere panem filiorum et obijcere catellis. At illa respondit & dicit illi, Etiam domine: nam catelli quoq; comedunt sub mensa de micis filiorum. Et ait illi, Propter istum sermonem uade: exijt dæmonium è filia tua. Et cum abiisset domum suam, reperit dæmonium exijisse: & filiam iacentem super lectum.

Fides radix puritatis.

Veræ puritatis pietatisq; fundamentum & uirtus est fides in dominum Iesum. Nobile ergo exemplum fidei præstantissimæ in Syrophœnissa adiungitur. Sed & bonitas atque potentia Christi, in quem tendit fides nostra, suis pingitur coloribus. Interim & uocatio gentium adumbratur, summaq; fide & diligentia inquiruntur perditæ oues domus Israël. Reliqua tractaui in decimoquinto capite apud Matthæum.

Et rursus egressus de finibus Tyri & Sidonis uenit ad mare Galilææ per medios fines Decapolis, & adducunt ei surdum impeditumq; ad

ad loquendum, & precantur eum ut imponat illi manum.

Aliud additur à S. Marco beneficium, quo declaratur uirtus & bonitas Christi, *Curat dominus commendatur & fides studiosis pietatis, qua participes efficimur bonorum cœlestium. Misericordia illi furdus & mutus diaboli potentia permissioneque dei in eam incidit.* rat calamitatem in qua nunc diuexabatur. Adducitur autem ad Iesum, quem precantur ut ipsi manus imponat. Ergo ad Christum accelerandum est, quoties nos uel animi uel corporis mala premunt. Solus enim ille benignus & omnium potens, manus suas omnibus imponens se inuocantibus, uirtute sua medicatur. Diabolus quidem occupat in homine auditum præcipue, sensum sapientiæ, ut nolit audire homo ea quæ sancta sunt rectaque. Mox & linguam occupat, quam impedit ne & ipsa rite suo defungatur officio. Inde uero in factis & dictis deprehenditur extrema corruptio; quam non sanauerit ullus alius quam Christus dominus.

Et cum abduxisset eum à turba seorsum, misit digitos suos in aures eius & sputo emisso, tetigit linguam eius, ac suspiciens in cœlum, ingemuit, & ait illi, Ephphatha, quod est, aperire. Et statim apertæ sunt eius aures, & solutum est uinculum linguæ eius, ac loquebatur recte.

Potentia diuina sanat afflictissimum Christus. Nihil enim non potest qui unius essentia & potestatis est cum patre. Adhibet mundo contemptibilia, & reuera nihilominus sanat, ne uidelicet dubitaremus illum nos per mortem crucis à morte æterna liberare. Subducit miserum à turba. Oportet enim submoueri e mundo & e prauis mundi exemplis seu contagio & corruptione potius extricari eos quos seruare debet dominus. Seruandorum auribus immittit digitos, uirtute utique diuina & spiritus sancti opera aperiens cor & mentem ut ea audiant quæ salutaria sunt. Saluiam imponit linguæ. De eo Paraphrastes, In proximo est salus, inquit, quoties salua cœlestis sapientiæ, quæ ipse est, ex ore patris altissimi prodiens, dignatur animi nostri linguam contingere, ut sapiant nobis ea quæ dei sunt. Neque enim absque hoc humore fit gustus; & humana salua uiciata peruersum habet iudicium. Hæc salua non tantum linguam soluit, uerum etiam oculos aperit cæci nati, quoties admixta terræ oculis inuagitur, cum salua philosophorum & phariseorum magis exoculet. Propterea autem atque aures & linguam Christus contigerit aperiantur illæ atque soluitur hæc. Audimus enim libenter quidem ueritatem, & loquimur ea quæ recta sunt, quæ utique faciunt ad laudem & gloriam dei proximerumque salutem. Suspiciens uero in cœlum, nobis indicat, unde omne donum atque bonum proficiatur, & unde bona nobis dari posulemus. Habitauit in ipso omnis plenitudo deitatis corpora iter dum ageret in terris, eratque fons uitæ & salutis, subduxit se tamen mundo & ascendit in cœlum, ut in cœlos subleuaret animos omnium nostrum. Ingemiscit ut ostendat se esse pontificem qui possit compati infirmitatibus nostris. Deinde ut doceret nos dona cœlestia gemitibus & ardenti petere desiderio. Commemorabat Marcus Syram uel Hebræam uocem שָׁפָּח, quod uerbum graue est significationem habens transitiuam: quasi tu dicas, Præsta te apertum, siue fias apertus. Videtur autem relictum à S. Marco ut intelligeremus dominum in curandis morbis nullis conceptis incantatorum more uerbis, sed maxime uulgaribus esse usum. *Hinc enim qui uis iam colligit uirtutem sanandi non fuisse uerborum, sed uirtutis & potentia Christi, qui propria sua ui iubet, & quod iubet simul etiam effectum præbet.*

Ac interdixit eis ne cui dicerent. Sed quo magis ille eis interdixerat, eò magis ac amplius prædicabant, & supra modum stupebant, dicentes, Bene omnia fecit: & facit ut surdi audiant, & muti loquantur.

Theophyl. Docemur, inquit, hoc loco, quod quādo benefacturi sumus, non plausus uel celebritates ex beneficijs quæramus. Ergo quod beneficium & potentiam domini tantopere prædicant, nihil peccant contra uerbum Christi, qui alibi gratitudinem poscit & nos uirtutem & beneficia dei prædicare iubet. Eximia uero laus & soli deo competens est omnia bene facere, perfecte, absolute, ut nihil desit prorsus. Eximia uis est, cui nihil quantumuis potens sit obstiterit quo minus quod uult efficiat. Declarant hæc Christum dominum æterni & omnipotentis dei patris æternum & omnipotentem esse filium, Cui laus & gloria semper.

COMMENT.

COMMENTARIORVM IN

EVANGELIVM SECVNDVM MARCVM

LIBER TERTIVS.



VIA potissima uirtus Christianorum fides est, Marcus subiungit quædam quibus fidem piorum uerbis & factis Christi docet iterum atq; confirmat, medicans affectui qui fidem ualide obturbat, curamq; præsentium rerum adeoq; ipsam diffidentiam alte inserit. His coniungit exemplum incredulitatis pharisaica, ostendens incredulitatem scelus & nephas esse maximum. Præcipit suis ut sibi caueant à fermento phariseorum. Mox cæco oculos reddit, ut uel inde appareat quis reddat pijs oculos animi. Subiungitur deinceps confessio nis ueræ fidei Christianæ exemplum. Vbi dominus permulta disserit de fidei mysterijs, quomodo nobis parata salus per mortem suam: disputat & de abnegatione sui siue de mortificatione carnis. Subiungitur his transfiguratio domini, ut hinc gustum habeant uitæ futuræ quicunq; præsentem contemnuunt. Postea egregio demonstratur facinore Iesum esse Messiam mundi saluatorem, qui è potestate diaboli uenerit liberaturus credentes, qui precibus & ieiunijs contra illius insidias inuigilant. Iam etiam modestiam animi humilitatemq; suis commendat, monens interim ne quem damnemus, aut reuellamus protinus: ubi & de scandalo & correctionis necessitate atq; usu disputat.



IN diebus illis, cum turba admodum multa esset, nec haberet quod C A. VIII. manducarent, accersitis ad se Iesus discipulis suis, ait illis, Intime mihi serueor turbæ, quia iam triduo manent apud me, nec habent quod edant: & si dimisero eos ieiunos domum suam, deficient in uia. Quidā enim ex eis è longinquo uenerunt. Et responderunt ei discipuli sui, Vnde istos quis poterit hic satiare panibus in solitudine? Et interrogabat eos, Quot panes habetis? Illi uero dixerunt, Septem. Et præcepit turbæ discumbere humi. Et acceptis septem panibus, cum gratias egisset, fregit, deditq; discipulis suis ut apponerent: & apposuerunt turbæ. Et habebant pisciculos paucos: & cum benedixisset, iussit apponi & hos. Comederunt autem, & saturati sunt, ac sustulerunt quæ superfuerant, fragmentorum septem sportas. Erant autem eorum qui comederant ferme quatuor millia: & dimisit illos.

Semper ueretur caro nostra se desituendam aliquando rebus corpori ad uictum uiuæ *Nihil de fore re tamq; necessarijs: unde est quod plariq; uerbo dei ac concionibus sacris fœde negle*rum necessaria estis omnē suam operā impendunt lucro & augendis rebus: dominus Iesus re ipsa *rum pijs.* Iam docet studiosis uerbi dei sinceratq; conspicuis pietate nihil unquam defuturū rerum ad uictum & necessitatē pertinentium. Et quod maxime infirmitatē nostrā subleuat, ac fidē instruit fulcitq; illud est quod intime nostri miseretur, neq; semper finit iusti animam esurire. Fame quidē fuerat nonnihil exerciti hucusq; uerū nunc etiam exaturat, ne deficerent in uia. Porro benedixit dominus, ut nobis exemplū præferat. Orandus enim dominus pro benedictione, & cum benedixerit, agēdæ sunt gratiæ. Saturat ille ad plenum credēs uerbo eius, & adeo, ut supersit plurimum. Est enim fons inexhaustus bonorum & copiacornu abundantissimum. Cætera pete ex Mat. *Dominus pascit cap. 14. & 15.* Paraphrastes docet & pie hæc à corporali cibo ad spiritalē deflectens, *spiritualiter* dicit, Felix cōuiuium ubi famelica turba discumbit iussu Iesu. Id sit quorū populus uerbo. audis sermonis euangelici conuenit in basilicam, auditurus Iesum per os boni concionatoris loquentem. Nam multi non alio animo ueniunt in sacrā cōcionem, quā quo uulgus solet uenire in theatrum spectaturū prophanam fabulam. Qui uult saturari panibus Iesu, discumbat oportet, idq; super terram. Compositis affectibus huc

*Religiose uten-
dum est donis
dei.*

ueniendum est. Non merentur hunc cibum qui supini residēt in lectis pharisaice philosophicæq; doctrinæ. Quid superbis terra & cinis? Quid intumescis inani philosophia? Quid confidis his rebus in quibus non est salus? Agnosce te ipsum, derice te in terram, unde prodisti. Conquiescāt in te cupiditates carnis, & satiaberis cibo Christi. Et mox, Nō est efficax hominis sermo, nisi prius cōtrectatus Christi manibus. Habes eloquentiam, habes philosophiam, habes ingeniū, habes cognitionē sacrorum uoluminum, legum & pontificij iuris. Quicquid habes prius trade manibus Christi, consecret ille quod habes, frangat ille, iamq; non uelut tuum, sed ab ipso acceptū & traditum, appone populo. Sunt enim qui frangant panē scripturę diuine, non ut oportet, detorquentes eam ad cupiditates hominum, non ad uoluntatem Iesu. Iesus enim sic frangit ut saturetur multitudo famelica, non ut principum ambitioni aut avaritiæ seruiatur. Quisquis ad quæstum, ad humanam gloriā, ad alias cupiditates humanas docet euangelium, nō accipit panes à Christo fractos. Et iterum. Vt autem saturi discamus ab euangelico conuiuio, faciant doctores quod fecerunt apostoli, faciatq; populus quod fecit illa multitudo. Quid fecerunt apostoli? Sicut acceperant à domino, sic apponūt turbæ, nihil hæsitantes, nihil disputantes. Multitudo item quæta nihil eb murmurans accipit, boniq; consulit quod datur. Itaq; factum est ut non solū saturati sint omnes, uerum etiam septē sportæ impletæ sint fragmentis reliquiarū quę saturis superfuerant. Quocq; magis demireris, qui comederant usq; ad saturitatem erant ferme quatuor hominum milia. Nimirum hæc est opulentia sermonis euangelici. Quoties accedit superbus doctus, multo disciplinarum, multo literarum, multo legum & constitutionum apparatu instructus, sic ut undiq; exuberet, clamitans non sufficuum dicenti tempus, concionem non esse capacem rerum tam sublimium, sese obrui copia & ancipitem fieri unde debeat ordiri, nōne fieri uidemus ut concio discedat famelica? Tantum abest ut quicquam supersit. Item, Est & hoc aliquid, feliciter discere à conuiuio Iesu. Sic autem dimittuntur qui gratias agunt, qui ipsius beneficia recondunt in animo, & concoquunt quod acceperunt, qui domum reuersi ueluti saginatōre corpore factis exhibent quod didicerunt. Tantum ille.

Et mox ingressus in nauim cum discipulis uenit in partes Dalmanutha. Et egressi sunt pharisæi cœperuntq; disputare cum illo, quærentes ab eo signum è cœlo, tentantes eum. Et cum ingemuisset spiritu suo, dicit, Cur natio hæc signum inquirir? Amen dico uobis, si dabitur generationi huic signum. Et relictiis illis ingressus rursus nauim, discessit in ulteriorem ripam.

*Incredulitatis
typus.*

Exemplū incredulitatis (quæ fidei opponitur) suppeditāt nobis pharisæi. De quo dixi apud Matth. in cap. 15. Ingenium enim & natura incredulitatis in præsentiarum adumbratur. Simulat se ueritatem curare, sed quæstionibus intermī intricat purā & simplicem ueritatem, &c. Maximū uero flagitiū esse incredulitatem, illud maxime euincit quod dominus propter illam toto suo ingemiscit spiritu, imo inquā pecciore, uel ita testificās nihil perinde deo aduersum & hominī noxiū esse atq; incredulitatis pestem. Videmus item deū humana calamitate & incredulitate impiorū non delectari. Est enim amator hominū, & qui uult omnes homines saluari, ac ad cognitionem ueritatis uenire. Ideo ingemiscit grauiter dominus, cum malitiā cernit pereuntis in peccatorum sordibus turbæ pharisaicæ. Accedit ad hæc admirabilis loquentis affectus, Amen dico uobis, inquit, si dabitur generationi huic signum. Similis loquutio, Si introibunt in requiē meam. Est enim aposiopesis pathetica cum indignatione negantis,

negantis, & sub deuotione quadam pernegantis se illud quod petitur facturum. Præterea relictis illis discedit, ergo incredulitas pellit à nobis beneficium & clementem dominum, non sponte quidem discedentem, sed nostra culpa repulsum. Dalmanutha regio, quæ & Magdalum, sita uidetur inter lacum Genezar & Tabor montem. August. de Consensu euangelistarum putat eiusdem regionis plura esse uocabula, addens hoc loco quadam exemplaria pro Dalmanutha habere Mageda. Et Eras. annotauit quendam Græcum codicem habere μαγδαλά.

Et obliti fuerant sumere panes, nec plus quàm unum panem habebant secum in naui. Ac præcepit illis, dicens, Videte, caute à fermento pharisæorum, & à fermento Herodis. Et disputabant inter sese, dicentes, Panes non habemus. Quare cognita, Iesus dicit illis, Quid disputatis quod panes non habetis? Nondum animaduertitis, nec intelligitis? adhuc occæcatum habetis cor uestrum? Oculos habentes non cernitis? & aures habentes non auditis? & non meministis quando quinque panes in hominum quinque milia fregi, quot cophinos fragmentis plenos sustulistis? Dicunt ei, Duodecim. Cum autem septem in quatuor milia, quot sportas ex reliquijs fragmentorum tulistis? Illi uero dixerunt, Septem. Et dixit illis, Quis sit ut non intelligatis?

Historia hæc duplicem habet usum. Principio indicat usum atque fructum superioris miraculi, nempe dominum suis cultoribus nunquam deesse, sed abunde prospicere, proinde omnem eis ponendam esse diffidentiam. Porro ualde succēset nostræ stupiditati dominus, cum is per frequenter & crebro ingentia præstat immeritis beneficia, quæ interim parum aut nihil obseruamus. Non inuenias alium locum in historia euangelica, quo dominus apostolorum crassitiem acrius obiurgarit. Sic autem excitat omnium nostrum mentes, ueternumque excutit ne semper simus ignaui. Quid, inquit dominus, solliciti estis quod ingentem uim panum uobis non parauistis in uia cum? Non de negligentia hac in re uos obiurgabo, sed de crassitie cordis & nimia rerum corporalium cura. Tot præceptis instituti, tot exemplis edocti, toties admoniti, nihil dum animaduertis, nihil uel intelligitis. Mirum est in tanta euangelij luce uos adhuc habere cor, id est mentem occæcatam tenebrisque inuolutam. Mirum est oculos habere uos atque aures, ijs tamē uti nolle, adeoque nihil uel uidere uel audire. Bis iam oculis uestris ingens exhibitum est miraculum. Bis saturauit ingentem populi multitudinem pauculis panibus; an non inde oportebat colligere, nihil unquam de fore rerum necessariorum pijs? Ipsi testes estis quot de reliquijs sportas sustuleritis. An non de quinque panibus sportas sustulistis duodecim, & de septem panibus cophinos septem? Sanè. Res in aperto & cōperta est. Quis ergo sit ut toties & tot modis edocti, nondum intelligatis curam istam de uictu & rebus corporalibus & inanē esse & parum piā? Deinde defleuit dominus à corporali cibo ad spiritualem, & monet suos, sibi caueāt à doctrina pharisæica & Sadducæorum. Fermētum enim & doctrinam significat falsam, ex qua nascitur hypocrisis, ipsa denique oritur ex hypocrisi: de qua dictum est Matth. 16. & conuersationem prauam atque corruptam, de qua Paulus 1. Corinth. 5. ca. Doctrina pharisæorum merito confertur fermento. Nam acerbis reddebat conscientias & inflabat homines spiritu superbiæ. Herodiani uidentur fuisse homines aulici, Galilææ rectores atque magistratus, qui in doctrina Sadducæis resurrectionē negantibus adheferint. Quos enim Herodianos appellat hoc loco Marcus, Matthæus uocat

Offenditur dominus nimis cura rerum temporalium.

Cauendum à doctrina pharisæica

Herodianis.

Sadducæos. Et certe aula Herodis Sadducæorum dogma non grauatim recepit, quæ aliàs uiuebat impurissime. Qui resurrectionem mortuorum negant, nō possunt non diffluere libidinibus. Huiusmodi fœda portenta erant Herodiani, quorum princeps Herodes erat, adulter, incestuosus, ebrius, sanguinarius, ambitiosus, & parricida. Proinde uoluit dominus suos diligenter admonere ut cauerent sibi à nocentissimis pestilentissimisque malis, ab hypocrisi, & licentia carnis, quæ uacat omni timore numinis. Illa ferè ad dextram, hæc rapit ad sinistram. Hodie uideas hæc ipsa hominum genera grauius piorum imminere ceruicibus, & ecclesiam impetere. Hæc enim irreputant iustitiarum monachi, & qui uidentur esse homines spirituales, reuera autem hypocritæ sunt. Illac irruunt impuri & Epicurei uiri, principes, nobiles, aulici, ciues, plebei, & agrestes, qui quærunt licentiam carnis, deum non metuunt, resurrectionem negant, iuxta concupiscentias carnis uiuunt impurissime. Ab utrisque uero nisi diligenter caueas, actum erit de uita & incolumitate tua.

Et uenit Bethsaidan, & adducunt illi cæcum, & obsecrant eum ut illum tangeret. Et apprehensa manu cæci, eduxit illum extra uicum, & cum expuisset in oculos illius imposuissetque illi manus, interrogabat illum an quid uideret; & recepto uisu, dicebat, Video homines, quoniam uelut arbores cerno ambulantes. Deinde rursus imposuit manus super oculos illius, & fecit ut uisum reciperet. Et restitutus est, ac discernebat dilucide omnes. Et ablegauit illum domum suam, dicens, Neque in uicum ingrediaris, neque dixeris cuiquam in uico.

Dominus illuminat cæcos.

Facto illustri declarat dominus Iesus, se illum esse qui & corporis & animæ cæcitatem tollat, oculosque restituat. Tangit & expuit in oculos cæci, ut omnibus appareat nihil ipsum commune habere cum magis, neque se conceptis sanare uerbis, sed uirtute diuina, quæ tametsi hominem assumpserit, nihil tamen amiserit uirum, imò contulerit plurimum carni assumptæ. Theophylactus, Expuit, inquit, in oculos cæci, & manus imponit, ut discamus nos quod sermo diuinus efficax sit. Manus enim operationis symbolum est, sputum autem sermonis, eò quod sit ex ore. Eduxit autem extra uicum, ut doceret nos fugere consortium incredulorum. Lique enim ex ii. cap. Matthæi, Bethsaidan incredulitate rebellionemque infamem fuisse. Ergo oculos perpetuò figere in incredulorum & multitudinis exemplum, efficit ne aliquando aperiantur. Nam qui ideo se non peccare putat, quod ea facit quæ uulgo fieri uidet, de eius actum est salute. Cæterum ubi in oculos cæci expuisset dominus, interrogat hominem, ecquid uideat? Hic cæcus oculos hactenus clausos attollit, ac dicit, Video quidem homines, sed liquide non possum iudicare de illis; obscurius enim cerno, perinde atque solent qui eminus cernunt arbores, magnitudinem illarum utcumque uidentes, sed de forma & specie non ualentes iudicare. Et fortè uiderat hic cæcus, priusquam oculorum aciem amiserat. Rursus ergo admouit manum oculis cæci dominus, ut plene ipsum restitueret. Mox autem ille clare uidit omnia. Perfectissima enim sunt opera domini. Theophylactus, Quia cæcus ille, ait, perfectam fidem non habuit, ideo non statim ipsum restituit, sed sensim. Pro fidei enim magnitudine & sanitas datur. Ac reuera ut fides augmenta habet crescitque, ita per interualla nobiscum agit dominus. Paraphrastes, Iesus, inquit, qui nutu poterat sanare quemlibet cæcum, non statim restituit hominem, ut discipulis suis formam exhiberet, quantum opere laborandum sit, priusquam ad ueræ cognitionem queant adduci, qui in errore iam inueterauerunt. Qualis erat gentium cæcitas, quæ tot sæculis simulachrorum

Fides augmenta habet.

rum cultum pro magna pietate fuerant amplexæ; qualis erat Iudæorum, qui superstitionem à maioribus acceptam, cui tot annos assueuerāt, non poterāt relinquere, &c. Illud autem in primis obseruandum uidetur, quod adducentes cæcum, obsecrant dominum. Pijs enim assiduusq; precibus in omnibus uotis nostris fatigandus est dominus. Postremo prohibet dominus cæco, ne ingrediatur uicum, neq; cuiquam dicat quicquam de beneficio accepto. Vel ut doceat nos modestiam, & ne inde effieramur si aliquando uisum recepimus. Vel ut doceret deo nihil commertij esse cum perfidis & incredulis, ideoq; cauere nobis ab incredulorum consortio.

Et egressus est Iesus & discipuli illius in uicos Cæsareæ Philippi, & in uia interrogabat discipulos suos, dicens illis, Quem me dicunt homines esse? Illi uero responderunt, Ioannem Baptistam, & alij Heliam, alij rursus unum de numero prophetarum. Et ipse dicit illis, At uos quem me dicitis esse? Respondens autem Petrus, dicit illi, Tu es ille Christus. Et interminatus est eis, ne cui dicerent de se.

Subiungitur planius exemplum ueræ uisionis & confessionis fidei, nempe quid sancti uideant oculis illis animi, & quid confiteantur, id nimirum quod Petrus. Hæc *Quid uideant illuminati,* historiam copiose tractaui apud Matth. ex cuius 16. cap. requiras licet.

Et cœpit docere eos, oportere filium hominis multa pati, & reprobari à senioribus summisq; sacerdotibus ac scribis, & occidi, & post tres dies resurgere. Et aperte sermonem loquebatur. Et apprehēdit illum Petrus, cœpitq; increpare eum. At ille conuersus & intuitus discipulos suos increpauit Petrum, dicens, Abi post me sathana: quoniam non sapis quæ dei sunt, sed quæ sunt hominum.

Aperit suis plenius dominus qua ratione parta sit salus hominibus, per mortē & resurrectionem Christi, si uidelicet uera fide credamus illa pro nobis facta ad uitam, nobis per gratiam dei æternam cedere. Nam filius dei traditus in mortem pro nobis, uiuificat credentes: iuxta illud, Panis quem ego dabo, caro mea est, quam dabo pro mundi uita. Erasmus nō infeliciter triduum post quod resurrexit Christus explicās, *De triduo quo dominus resurrexit.* Nodus, inquit, hic bifariam explicari potest, Primum si tertium diem numeremus non à morte saluatoris, sed à tota passione, quæ cœpit pridie pasceus, cum iam iniretur consilium de cōprehendendo Iesu, cum uenderetur, cum tæderet ac mœreret. Siquidem passionis summā uidetur & ipse Marcus suis uerbis cōplecti. Et cœpit, inquit, docere eos quod oporteret filium hominis multa pati & reprobari à senioribus summisq; sacerdotibus ac scribis, & occidi, & post tres dies resurgere. Sic enim recēsuit ut post tres dies ad totum sermonem qui præcessit referri possit, nō tantū ad id quod erat postremum, occidi: quemadmodum proximo capite recēsuit, Filius hominis traditur in manus hominū & occidēt eum, & occisus tertio die resurget. Hic quoniam triduum numerat ab occisione, tertio die dixit, non post tertium diem. Alter modus est, si per synekdocham accipiamus factū post tres dies quod factum sit post tertium diem exortum. Quemadmodū & uulgo loquimur, Ab eo die cœpit odisse me, cum eodem die cœperit odisse. Et post eū diem desijt amare, cum eodem die desierit. Hæc ille, Marcus uero, Aperte, inquit, diserte & significanter nunc differebat de mortē & resurrectione sua, de quibus aliquoties submonuerat paulò obscurius. Ac conueniebat ea, in quibus est salutis nostræ ancora tutissima sacerrimaq; quàm significantissime explicari. Videtur autem indignum carni, ut patiatur moriaturq; dei filius, unde

Petrus audet dominum seducere à turba discipulorum, quasi rem magnam ipsi suggesturus. Hortatur autem ne se mortalibus & impijs hominibus præbeat illudendum atq; crucifigendum: imò increpat illum, quasi rem filio dei indignissimam proposuerit. Cæterum dominus Petrum redarguit acriter, & ostendit illum non recte sapere. De quare uide quæ dedimus in cap. Matth. 16.

Et cum ad se uocasset turbam unà cum discipulis suis, dixit illis, *Quicumq; uult sequi me, abneget semetipsum, & tollat crucem suam & sequatur me.* Nam quisquis uoluerit animam suam seruire, perdet eam: quisquis autem perdiderit animam suam mea causa & euangelij, hic seruabit eam. Quid enim profuerit homini, si lucratus fuerit totum mundum, & animæ suæ iacturam fecerit? Aut quid daturus est homo quo repenset animam suam? Quemcunq; enim puduerit mei ac meorum sermonum in natione hac adultera & peccatrice, pudebit illius & filium hominis, ubi uenerit in gloria patris sui cum angelis sanctis.

De abnegatione & mortificatione carnis.

Doctrinam fidei & redemptionis sequitur doctrina de abnegatione sui & mortificatione carnis, quæ sanè pertinet ad omnes, ideo cum discipulis ipsam quoq; ad se turbam uocat. Exposui hunc locum apud Matth. in cap. 16. Præterea requirit dominus abs quouis nostrum liberam, apertam, ingenuam confessionem, non modo Christi, sed & euangelij uniuersæq; doctrinæ Christianæ. His addit præmium & poenam, quo excitet ad studium pietatis ualidius. De eo lege quæ dedi in cap. 10. Matth. Mirificam uero & efficacem antithesim habet, quod saluator nationi adulteræ & peccatrici opponit ipsum hominis filium & sanctos dei angelos. Miser certe sit oportet qui his illos prætulit, non modo turpes homines, sed sceleratam ipsam. Utinam uero hoc altissime cordibus infixum, homines abstractos ab immundi mundi studijs, tenacissime sancto agglutinet deo.

CAP. IX.

Et dicebat illis, Amen dico uobis, sunt quidam inter eos qui hic stant, qui non gustabunt mortem, donec uiderint regnum dei uenisse cum potentia. Ac post sex dies assumit Iesus Petrum ac Iacobum & Ioannem, & subducit eos in montem excelsum seorsum solos, et transformatus fuit coram illis: & uestimenta illius facta sunt splendida, candida ualde, ueluti nix, quàm candida facere non potest fullo super terram. Et conspectus est illis Helias cum Mose, colloquebanturq; cum Iesu. Et respondens Petrus dicit Iesu, Rabbi, bonum est nos hic esse: & faciamus tabernacula tria, tibi unum, & Moysi unum, & Heliae unum. Non enim nouerat quid loqueretur: erant enim ex paruulati. Et facta est nubes quæ obumbravit illos. Et uenit uox e nube dicēs, Hic est filius meus dilectus: ipsum audite. Et repente cum circumspexissent, non amplius uiderunt quenquam, sed solum Iesum secum.

Specimen gloriæ futuræ.

Quia meminerat abnegationis sui, & mortificationis carnis, subdit nūc specimen futuræ gloriæ, paratæ illis qui præsentia contemnunt, mundum abnegant, & sectantur æterna. Historiam multis exposui apud Matth. in cap. 17. Splendida, candida ualde, dixit pro eo quod est, Ex insigni candore fuerunt relucētia. Mox enim additur similitudo sumpta à niue & fullonibus.

Porrò cum descenderent de monte, interdixit illis ne cui narrarent quæ uiderant,

uiderant, nisi cum filius hominis à mortuis resurrexisset. Ac uerbum hoc retinuerunt, inter se disputantes quid esset à mortuis resurgere.

Non potuissent recte & plene populis ante tempus mysteriū gloriæ Christi exponere discipuli; prohibentur ergo donec per spiritum sanctū plenissime informati, absolute de illa dicere possint. Præterea cum mox sequuta sit humiliatio crucis, quæ retulissent prædicationis suæ de transfiguratione domini fructū, nisi quod se exposuissent ludibrio impiorum? Disputant autem de eo quid sit à mortuis resurgere? Cum enim nondum plene intelligerent moriturum dominum, certe nouum nō erat quod nesciūt quid sit resurgere. Iam & spiritus domini plene docet nos resurrectionis Christi nostræq; mysteriū. Vnde hic unice nobis pro instructione erit implorandus. Non reijciuntur tamen à domino discipuli, quia in præcipuo hoc articulo hæret. Id quod consolatur nos. Cæterum non erat error illorum coniunctus cum malitia.

Et interrogabant illum, dicentes, Scribæ dicunt Heliam oportere uenire prius. Ille uero respondens, dixit illis, Helias quidem ubi uenerit prius restituit omnia. Et quomodo scriptum est de filio hominis, ut multa patiatur & contēnatur. Verum dico uobis Heliam uenisse; & fecerunt illi quæcunq; uoluerunt, sicut scriptum erat de illo.

De quæstione hac discipulorum disputatum est à nobis apud Matth. in cap. 17. unde ^{Helias & Messias} de si libet requiras. Quia tamen defectiua, atq; ideo obscurior paulò uidetur esse responsio domini, paucis reddemus sensum. Verum est, inquit, quod uulgo iactatur ^{Helias & Messias} uenturum Heliam ante Messiam & horribilem domini diem. Verum est quod Helias restituit omnia priusquam adueniat dominus. Verum est & illud quod scripturæ referunt de Messia fore ut contemnatur, & crucifixus moriatur. Ergo nihil erratur in his à scribis. Certa & constans est oraculorum fides. Vt autem creditis scripturæ uaticinanti de Helia, ita credere oportet eidem testificanti & de morte & ignominia Christi siue Messia. Cæterum in illo error est, quod Helias uenit orbī à deo exhibitus, ac scribæ etiamnum aliū expectant. Ioannes Baptista ille Helias est, meus præambulo quī sum uerus Messias. Atqui oppresserunt & occiderunt illum, neq; pro Helia agnouerunt: ita & me, sicut prædixit scriptura, illusum & cōtemptum crucifigentes abnegabunt, &c. Loquutioni, Fecerunt illi quæcunq; uoluerunt, respondet illud Germanicum, *Sy sind mit im v̄m̄gangen/ wie sy nun gwōllen habend/ nach irem lust vnd gfallen.* Proinde, Sicut scriptum erat de illo, magis ad Christum retulerim, quā ad Ioannem, qui fecerunt quidem sicuti uoluerunt; sed simili modo tractarunt & Iesum. Si de Ioanne exposueris postremam sententiā, pete sensum ex typo. Helias enim licet non sit cæsus, graui tamen persecutione est pressus, & contumelijs infandis adobrutus. Prætulit autem typum Baptistæ.

Et cum uenisset ad discipulos, uidet turbam multam circum illos, & scribas disputantes cum eis. Et protinus uniuersa turba, cum uidisset eum obstupuit, & occurrentes salutauerunt eum. Et interrogauit scribas, Quid disputatis inter uos? Et respondens unus ē turba dixit, Præceptor, adduxi filium meum ad te, habentem spiritum mutum, & quandocunq; eum corripueris, lacerat eum & spumat, ac stridet dentibus suis & arescit; & dixi discipulis tuis, ut illum eijcerent, & non potuerunt.

Rursus opere præclaro ostendit se esse Messiam uerum, qui uenerit in hunc mundum liberaturus nos à potestate sathanica. Docet autē fide opus esse ut regnet in nobis ^{Christus Messias} *est.*

At ille respondens ei, dicit, O natio incredula, quousq; apud uos ero? quousq; patiar uos? Adducite illum ad me, Et adduxerunt illum ad eum. Et uiso illo continuo spiritus discerpebat eum; & prolapsus in terram uoluebat spumans. Et interrogauit patrem illius, Quantum temporis est quod hoc accidit ei? At ille dixit, A puero, & frequenter illum & in ignem abiecit & in aquas quo perderet eum, Age, si quid potes, subueni nobis, intime misertus nostri.

Iesus autem dixit ei, Illud si potes credere. Omnia possibilia credenti. Et confestim exclamans pater pueri cum lachrymis, dixit, Credo domine, succurre incredulitati meae.

Palàm nunc exigit fidē dominus non à patre duntaxat pueri, sed à singulis nobis in negotiis salutis et diuinis. Bene uult deus generi humano, sed interim adiicit, Illud si potēs credere. Vult ergo seruire, sed per fidem. Ac quanta sit uirtus fidei ostendit adiecta sententia, Omnia possibilia credenti. Fides uero quoniam ex auditu est, auditus autem per uerbum Christi, Rom. 10. omnia intelligit & exponit fidelis non absolute, sed quæ uerbo dei comprehensa, quæ promissa sunt, & cum uoluntate, iustitia, ueritateq; dei non pugnant. Pater pueri fateretur se credere, sed quia sentit animi sui imbecillitatem, quæ obstabat quo minus tam solide crederet, quam credendum intelligebat, deprecatur culpam, poscens humiliter fidei augmentum & Christi domini misericordiam. Ac sentit quidem auxilium domini presentissimum. Id quod nos ualde consolatur. Quis enim nostrum non sentit imbecillitatem illam fidei? Sunt sanè non pauci, qui queruntur se quidem credere promissis dei, sed sentire interim multam animi frigiditatem, adeoque incredulitatem in credulitatē. Hi ergo ne despondeant animum, clament etiam cum lachrymis serio assidue & ex pectore, Credo domine, succurre incredulitati meæ. Imperfectissimū esse iudico, qui sibi putat deesse nihil: perfectissimum, qui sibi nihil fidit, totum autem sese conijcit in clementiam & misericordiam dei, suam culpam agnoscens, dei misericordiam implorans.

Cum uidisset autem Iesus turbam simul accurrere, increpauit spiritum immundum, dicens illi, Spiritus mute & surde, ego tibi impero, exi ab isto, & ne posthac ingrediaris in illum. Et cum clamasset, multumque discerpisset eum, exiuit. Et euasit similis mortuo, adeo ut multi dicerent, mortuus

mortuus est. At Iesus prehensa manu illius, crexit eum, & surrexit.

Irafcitur bonus & hominū amans dominus immūdo spiritui, hominis miseretur, *Christi uirtute* atq; imperio suo eijcit spiritum immundum, nec tātum eijcit, uerum etiam præcludit *eijcitur sathā* ei uitam, & ne unquam posthac redeat, præcipit. Domini ergo solius uirtute *n46.* eijcitur sathanas, & ne hominem occupet, efficit, imò ut expulsus nō redeat, tribuit. Videtur mortuo similis liberatus à dæmonio. Dolet enim carni renunciare mundo & diabolo. Neq; cedit hic facile nisi ijs nocuerit à quibus intelligit se pessundandū. Vbi uero manum suam nobis porrexerit dominus, surgimus, uel inuitis ipsis inferorū portis.

Et cum esset ingressus domum discipuli illius, interrogabant eum seorsum, Cur nos non potuimus eijcere illum? Et dixit illis, Hoc genus nulla re potest eijci, nisi per precationem & ieiunium.

Etiam hunc locum enarrauimus in Comment, nostris ad Matth. in cap. 17. Commendat locus nobis temperantiam & assiduum indefessumq; præcandi studiū. Quod non tam audire & recte intelligere, quàm rebus ipsis præstare conuenit.

Et illinc digressi iter fecerunt per Galilæam, nec uolebat ut quisquam sciret. Docebat enim discipulos suos, et dicebat illis, Filius hominis traditur in manus hominum, & occident eum, & occisus, tertio die resurget, Et illi non intelligebant quod dixerat, & timebant eum interrogare,

Proficiscebatur dominus Hierosolymam ad redimendum uictima corporis sui mundum à peccato, morte & inferis. Vetus interpretes legit, Prætergredebatur Galilæam: id quod nemo intelligat quasi declinarit Galilæam. Sentit enim Marcus illos clam aut celeriter & in transcurso uelutq; obiter fecisse iter per Galilæam, ita ut nec aperiret se usquam, nec commoraretur. Id quod Erasmus annotauit. Volebat ergo discessum suum latere Galilæos, frequentissimos suos auditores, ne impediretur accedentium semperq; aliquid posulantium frequentia. Licet enim pro ingenio naturæ humanæ mortem horreret, tanta tamen dilectione erga genus mortalium ardebat, ut dilectio desiderium rei alioqui tristissimæ inderet, ut iam magna cum delectatione ad mortis supplicium acceleraret, licet interim trepidaret ceu homo uerus. Frequenter autem passionis & resurrectionis suæ mysterium suis inculcat. Hoc enim redempti sumus. Vnde conuenit eius cognitionem prædicationemq; decantatam esse uulgatissimamq;. Certe apostoli non aliud commendarunt æque ecclesijs: ac apostolus Paulus diserte fatetur, nihil se scire aliud, quàm Iesum Christum, & hunc crucifixum. Quod isti nō intelligunt prædicationem longe manifestissimam, inde erat, quod de Messia & regno nescio quam carnalem conceperant in mentibus opinionem, & quod pro crassitie suæ non cupiebant intelligere, quomodo occisus resurgere posset. Et certe nisi renascamur cœlitus, difficulter intelligimus passionis & resurrectionis mysterium. Cetera pete ex 17. cap. Matth. Non audebāt interrogare, quia harebat adhuc animo Petri increpatio. Metuebant ne & ipsi exciperentur acerbius. Theophy. Vbiq; inquit, miraculorum operationibus interserit sermonem de passione, ut ne putent ipsum propter impotentiam pati.

Et uenit Capernaum, & cum uenisset in ædes interrogabat illos, Quid in itinere inter uos disputabatis? At illi silebant. Nam inter se disputauerant in uia, quis esset maximus. Et cum confedisset accersiuit duodecim, & dicit illis, Si quis uult primus esse, erit omnium postremus & omnium

minister. Et apprehensum puellum statuit in medio illorum, & cum cepisset illum in ulnas suas, dixit illis, Quisquis unum ex talibus puellis receperit nomine meo, me recipit: & quicumque me recipit, non me recipit, sed eum qui misit me.

Ambitio.

Ambitionis malum plurimum impedit & obturbat pietatis negotium, tollit ergo illud in presenti dominus, & inserit humilitatem atque modestiam. Cum rogarentur discipuli de argumento siue materia contentionis, pudore subitescabant. Nam & doctrina domini & exemplum, adde & propria ipsorum conscientia suggerebat ambitionis affectum in discipulis Christi peccatum esse grande. Nihilominus contemderant de primatu. Adeo uerum est quod dicitur & apostolos fuisse homines. Ceterum instituti uerbis & facto Christi, denique spiritu Christi, resipiscunt & factum deponunt. Locus hic expositus est apud Matth. in cap. 18. Paraphraestes pulchre domini uerba explicans, Acquum est mihi, inquit, charissimos esse qui mei sunt simillimi. Non aestimatur hic dignitas ex opibus, censu, potentia, fastu, & uolentia. Nam qui tales sunt, ut sunt regibus ethnicis simillimi, ita plurimi sunt apud eos pretij. Quemadmodum reges in primatibus suis sese uel honorari credunt uel lacerari, ita ego in regno euangelico in huiusmodi paruulis, quos ob innocentiam, simplicitatem, modestiam contemnit mundus, me uel honorari credo uel contumelia affici. Si quid nouistis me submissius, illum pro summate ducite in regno coelorum. Quod si neminem inuenietis, me primatem habete. Et ut quisque proxime accesserit contemptu rerum earum, quas in principum aulis affectant magnates, ita summam esse iudicate. Et reliqua. Hæc si expenderent qui hodie pro primatu summi pontificis (quem Papam faciunt, in contumeliam ueri pontificis summi Christi) tanquam pro focis & aris certant, non posset eos non pudere impiæ disputationis: nunc ex disputationibus suis quid querant, & quales sint domi apud se in animis suis, declarant. Talis haec genus non inuentus est qui humilitate & modestia æquet ipsum archetypum, manet ergo hic primas in ecclesia. In deligendis ministris ecclesiarum, omnium humillimi modestissimi ordinandi sunt, qui uidelicet proxime accedunt ad archetypi humilitatem. Atqui tales nullum sibi usurpabunt primatum, cum sciant se uocatos esse ad ministerium non ad dominium. Verum hæc ægre persuadeas hodie nostris primoribus, qui ethnicos principes fastu & pompa non dico æquant, sed superant etiam, superbiæque, ambitione & immodestia sua totum turbant terre orbem. Historiæ enim palam testantur quam multa & quam cruenta bella exorta sint ex Papæ & episcoporum ambitione atque superbia intolerabili & sathanica. De quibus aliàs & ab alijs dictum est.

De primatu summi pontificis.

Respondit autem ei Ioannes, dicens, Præceptor uidimus quendam nomine tuo eijcere dæmonia, nec sequitur nos, & prohibuimus illum, propterea quod non sequitur nos. At Iesus ait, Ne prohibeatis illum. Nullus enim est, qui si ædiderit uirtutem per nomen meum, possit cito male loqui de me. Qui enim non est aduersus nos, pro nobis est. Quisquis enim ad bibendum dederit uobis poculum aquæ, nomine meo, quod sitis Christi, amen dico uobis, nequaquam perditurus est mercedem suam.

Nullum reijciendum mox qui Christi nomen confitetur.

Cum tanti faceret pueros dominus, qui tamen iustitiã nondum faciunt, cum denique dixisset, Qui puellum recipit, me quoque recipit, nec me solum, uerum etiam ipsum patrem meum, dubitat Ioannes an promiscue omnes recipiendi sint qui quouis modo adiungunt se Chri-

se Christo: & quia cuiusdam prohibuerat per nomē Christi facere miracula, quod non esset de consortio & familia Christi, mouet quæstionē, & ait, Magister, cum emisisses nos ad prædicandum regnum dei, uidimus quendam in nomine tuo eiicientem dæmonia: & quoniam non erat nec de numero duodecim, nec de numero 70, discipulorū, sed planē alienus à nostro consortio, prohibuimus eum: modo autem cum audimus quæ nos doces de recipiendis puellis, dubitamus an consulte fecerimus. His paucis respondet dominus, Nullum reiiciendum, nulliq; prohibendum, ne quid Christi nomine tentet aut faciat, qui aliquā Christi cognitionem habet, & Christum confitetur. Est sanē ecclesia sanctorum communio, uerum sancti non protinus damnāt aut reiiciunt candidatos & infirmos in fide, qui uidelicet iam incipiunt Christū querere, aut initium iam aliquod religionis ueræ consequuti sunt, in multis tamen hæret adhuc, & præuariantur. Quin potius annuntiantur summa opum ui, ne nouitios absterreant, sed magis proliciant et prouehant ad perfectiora. Nouatiani & Cathari quondam in suam ecclesiam nō recipiebant nisi (sua opinione) purissimos: peccatores, imò & poenitentes non recipiebāt, ne contaminaretur sanctorum Nouatianorum consortium purissimū. Scilicet. Sed & Anabaptistę nostri uel hodie ita differunt de ecclesia, ut citius Vtopiam inuenias, & constituas Platoniam rempub. quā talem ecclesiā, qualem isti imaginantur. Quid quod ex euāgelicis non paucos inuenias, qui Principes & urbes aliquot euangelio quidem fauentes egregie, sed uita non respondentes per omnia, reiiciunt atq; damnant tanquam dei hostes. Verum dominus, Qui nō est aduersus nos, inquit, pro nobis est. Qui non obstitit euangelio, & cursum eius propter suos affectus remoratur aut interrumpit impeditq; sed magis fauet euāgelio, promouet eius cursum, & sustinet se doceri & increpari ex euāgelio, non pro hoste habendus est, sed pro amico. Interim uero nemo iubet te imperfectioribus adulari aut palpare, allentandoq; efficere ut semper infirmi maneāt, nunquā ad perfectiora aspirēt. Docemur ne quem nimia nostra seueritate adigamus ad desperationē, & ne ex amicis faciamus hostes. Id quod morosuli & rigidi quidā sanctuli solent. Dicit sanē alibi dominus, Qui nō est mecum, contra me est. Cæterum non pugnat ea sententia cum hac, Qui non est aduersus nos pro nobis est. Illic enim reuera de blasphematoribus et ueritatis osoribus loquitur, quos ne hac quidem cōmendat uel tuetur. Adijcit sententiam quæ superiora illustret, Quisquis ad bibendum dederit, &c. Docet autem beneficium quantumuis exile, præstitū tamen in nomine Christi, adeo non contemni ab ipso deo, ut munificentissime illud remuneret. Inde haud dubie colligi uult, bene & amplifice iudicandū esse de factis illorum, qui licet in multis Christū non exprimāt, aliquid tamē propter Christum & faciunt & patiuntur. Proinde error est uelle euangelij studiosos abijcere prorsus atq; abdicare, quod nō per omnia absoluti sunt. Neq; enim loco temporis aut personis alligāda est gratia Christi. Optat Moses ut nō solus ipse, sed multo plures, imò omnes prophetent, Numeri 11. S. Paulus, Attamē quouis modo, inquit, siue per prætextum, siue per ueritatem, Christus modo annuncietur. Frustra uero metuunt multi aliorum gloria suam nimis concupitam obscurari. Paraphrastes hunc euangelij locum ex integro sic enarrat, Iesus, ait, respondit, Istiusmodi nolite prohibere qui quocunq; modo conducunt euangelio propagādo. Non enim oportet esse fastidiosos in recipiendis his qui studēt rem euangelicam qualicunq; studio prouehere. Non est spectādum an sequatur nos, sed an prædicet nomen nostrū. Quod si inuocato nomine meo eiicit dæmonia, non facile potest de me male loqui. Quod si faciat, res ipsa redarguet eum. Dicetur enim illi, Qua fronte obtrectas nomini, quod in edēdis miraculis expertus es potens & efficax? Nolite facile suspicari eū malo animo facere, qui rem piam facit. Qui non repugnat euangelio, hoc ipso iuuat

Qui nō est mecum, contra me est.

euangelium, quod aduersas partes non adiuuat. Quisquis non aduersatur nobis, pro nobis facit. Noua res per omnem occasionem est promouenda, quam synceris animis uestra nihil refert, modo quocunq; pacio profit negotio quod agitis. Neq; enim solum hi mercedem ob euangelij negotium prouectum ferent, qui in nomine meo damina eiecerint, uerum etiam qui pro suis facultatibus uel minimum aliquod momentum attulerint, &c. Sententia de poculo aquae exhibitio explicata est & Matth. cap. 10. Ibidem dixi & de mercede & merito.

Et quicumq; offenderit unum ex pusillis, qui confidunt in me, melius foret illi si circumdaretur lapis molaris ceruici eius, & abijceretur in mare.

Etiam hunc locum exposui apud Matthaeum in cap. 18. Videri poterat dominus & minis absterre uoluisse, ne nimia seueritate morositateq; infirmos repellamus, ut despondentes animum euangelio prorsus renuncient, &c.

Quod si tibi offensioni fuerit manus tua, amputa illam. Melius est tibi mancum ad uitam ingredi, quam duas manus habentem abire in gehennam, in ignem inextinguibilem, ubi uermis illorum non moritur, & ignis non extinguitur. Et si pes tuus tibi offensioni fuerit, amputa illum. Melius est tibi ut ingrediaris ad uitam claudus, quam ut duos pedes habens, mittaris in gehennam, in ignem inextinguibilem, ubi uermis illorum non moritur, & ignis non extinguitur. Et si oculus tuus tibi offensioni est, erue illum. Melius est tibi ut luscus introcas in regnum dei, quam ut duos oculos habens, mittaris in gehennam ignis, ubi uermis eorum non moritur, & ignis non extinguitur.

Modus quo ca= ueri possit of= fenfio.

Ostendit iam dominus uiam & modum per quem possit caueri offensio. Expositionem eius pete ex 18. cap. Matt. De Gehenna & igne inextinguibili, & uerme semper arrodente, dictum est a nobis apud eundem Matth. in cap. 10. praecipue uero in 12. lib. Commentariorum nostrorum in Matthaeum, ubi de morte aeterna ac condemnatione disputo. Tertio autem eadem propè uerba de poena inferni aeterna repetit, non absq; ratione proculdubio. Sic enim uult confirmare & asserere poenas inferni sempiternas esse, non temporarias, quemadmodum nonnulli olim ex seipsis contra euangelium finxerunt. Non defuissent uerba domino si ea ipsi fuisset sententia, quam fingunt isti. Meminit & Isaias ignis huius & uermis semper arrodentis in cap. 30. & 66. Corrodunt & corrumpunt alioqui uermes ligna & carnes. Sed metaphora transfertur hic a corporalibus ad spirituales substantias, animas scilicet. Quod resuscitata corpora attinet, luent & ipsa interitum & supplicia nunquam finienda: quae qualia sint futura, nouit iustus dominus, qui similitudinibus & figuratis loquutionibus id nobis adumbravit, in quibus pij semper atrociora & grauiora concipiunt. In infinitum enim temporalia praecellunt aeterna, ita ut similitudines rerum terrerarum non plene assequantur supplicia perpetua.

Vnusquisq; enim igne salietur, & unaquæq; uictima sale salietur. Bona res est sal. Caeterum si sal insulfus fuerit, quo nam ipsum condietis? Habete in uobisipsis salem, & pacem habete inter uos inuicem.

Quam utilis et necessaria cor= rectio in eccle= sia.

Pertinent & haec ad superiora, & docent quam utilis & necessaria sit correctio ecclesiae. Obscurior est oratio propter allegoriam, qua condita est & ornatur, sed alijs collata scripturis amœna & explicabilis. Ignis inter alia in scripturis significat aduersitates, exercitationem & correctionem. Metaphora petitur a chirurgis, quibus moris est putre=

putrescentem aut redundantem carnem uisione curare, consumere, & uiuas atq; precentes medicinis nutrire. Cæterum quia sal à putredine & corruptione conseruat, sale positum uidetur pro seruare: ut sit sensus, Vnusquisq; enim correctione & mortificatione carnis à putredine corruptioneq; seruatur uindicaturq;. Est enim ratio quædam cur dixerit præstabilius esse si amputetur manus aut pes, eruaturq; oculus, hoc est si exerceatur correctio, compescantur affectus, rescindanturq; subinde scelestæ, quàm si his quidem integris fruticantibus & exultantibus tandem æternum subeundum sit supplicium. Nunc enim subiungitur, Vnusquisq; enim igne, id est aduersitate correctioneue, ueluti salitur & conseruatur. Respondet hoc Germanico nostro prouerbio, *was seert/das nert*. Adijcitur & alia sententia quæ hanc illustret & ornent, Et unaquæq; uictima sale salietur. Id quod sumptum est ex 2. cap. Leuit. & habet collationem ferme talem, Quemadmodum ingrata est deo uictima quæ offertur citra sale: ita non potest non insipidus esse & deo improbari homo, qui exors disciplinæ correctionisq;, pro ingenio carnis suæ uiuit. Nam in multis præuaricantur etiam sancti, ut nisi sal aspergatur carni, & adhibeatur uexatio, crux, exercitatio et correctio, computrescat caro ipsorum & foeteant coram domino. Subiungit ergo paucis laudes & commoda imò & necessitatem salis siue correctionis. Bonum, inquit, est sal. Correctio inquam & disciplina est ueluti thesaurus ecclesiæ. Nam bonum ponitur pro optimo & præstantissimo. Congruit cum hoc domini præconio, quod à doctis iactatū legimus, Humano corpori nihil esse utilius sale & sole. Plura pete de hac re ex Matt. cap. 5. Et hæc omnia applica ad disciplinam. Hæc usq; adeo necessaria est hominibus in ecclesia, ut si insulsum sit hoc sal, id est, si frigeat disciplina, actum sit de ornamento & condimento ecclesiæ. Vnde infert tandem dominus, Habete in uobis ipsi sale &c. Quod perinde est ac si dixisset, Si uobis cordi & curæ est pax publica & ecclesiastica tranquillitas, aduigilate ut uigeat inter uos disciplina & correctio. Nam ubi nulla est disciplina & correctio, ibi iurgia, lites, contumeliæ, iniuriæ, petulantia, dissidia & omnium uirtutum corruptela. Memorabilis est hic Marci locus, dignus qui ab omnibus uiris ecclesiasticis diligenter obseruetur. Sal ecclesiæ sunt episcopi ministriq; ecclesiarum. Hi si fuerint socordes, muti, negligentes, putredo occupat membra sensim, & perit tandem corpus ecclesiasticum: si uero asperserint sal membris computrescentibus, seruabunt ipsa.

Paraphrastes hunc Marci locum copiosissime enarras, inter alia, Quemadmodū, inquit, nulla uictima iuxta Mosi præscriptum legitima est, nisi quæ uel igni salitur, uel sale, uel utroq; ita quisquis euangelicam philosophiam uolet profiteri, necesse est ut igni purgetur ab omnibus humanis affectibus, & sale condidatur ne possit corrupti malorum contagio. Diluta & insipida est huius mundi sapientia, nec seruat hominem ab huius mundi corruptione, nec alios seruare potest. Atqui utrunq; præstare oportet doctorem euangelicum, ut & ipse sit incorruptus, & alijs eximat corruptelam. Non præstat hoc philosophorum sapientia, non phariseorum doctrina, sed sola philosophia euangelica, quæ ueritatis acrimonia emordet & consumit quicquid in homine est obnoxium corruptioni. Idem efficit ignis ille diuini spiritus, consumens ac repurgans ex animis omnes carnales affectus, & quodammodo transformans in deum quicquid corripuerit: ut qui prius affixi fuerant curis rerum terrenarum, nūc his contemptis rapiantur ad cœlestia &c. Et mox, Proinde ut possitis & persequutionum sæuitiam uincere, & omnes humanos affectus euangelij gratia contemnere, ut possitis & uestræ salutis consulere & quamplurimos ad salutem adducere, habeat in se quisq; uestrū sale euangelicum, & habete pacem & amicitiam inter uos mutuā. Sal faciet incorruptos, cōcordia faciet robustos & potētes. Vbi dissidia sunt, ibi non est sal euāgelicus. Vbi ambitionis morbus est, ibi nec pax est, nec sal. Et quæ sequuntur. Ex his quod uidetur uerbis domini maxime consentaneum esse delige.

COMMENTARIORVM IN

EVANGELIVM SECVNDVM MARCVM

LIBER QVARTVS.



VNC capitibus aliquot describit S. Marcus colloquia quædam selecta & illustria domini, de arduis & ad uitam sanctam recte componendam maximopere necessarijs, instituta, unde scilicet sancti discant quomodo se in mundo pie gerant. Et initio quidem disputat de coniugio, quod contaminatum pharisaicis traditionibus restituens integritati naturæ, repurgat. Deinde cum liberi sint coniugij fructus, secundo loco de illis agit, quid de ipsis quod salutem ipsorum atinet sentiamus, docens ipsos ad deum esse perducendos. Tertio loco ponitur, insigne domini colloquium cum adolescente opulento: ex quo uaria discuntur: æcum uidelicet summum esse bonum: quæ ad cælos uia pateat: quanta sit humana miseria & stultitia. Docet enim quàm difficulter diuites regnum dei ingrediantur. Post hæc differit de præmio uirtutum modestiæq; eorum qui præmia accipiunt. Mox suis inculcat passionis suæ mysterium. Ibidem innotescit in petitione iacobi et iohannis, quàm insoleseat caro. Nam hi duo petunt sibi dari à domino primatum in regno Christi: quos tamen sic compefcit ut alijs quoq; eximat ambitionem & inuidiam, inserat autem modestiam & humilitatem. Sicut & in historia Bartimæi fidem inculcat. Post hæc urbem Hierosolymorum regia ingrediens pompa, ostendit se esse uerum & expectatum Messiam, regem & sacerdotem populi dei. Idcirco pro officio suo eijcit è templo ementes & uidentes. Execratur mox sicum, in quo adumbrat tristitia Hierosolymorum: fata, atq; rursum docet fidem. Opponunt se illi pharisei & primates iudeorum, & interrogant qua auctoritate id faciat quod facit: quos opposita questione retundit ualidissime. Postremo annunciat ipsis iudicium dei, excidium uidelicet & reiectionem, quam sua culpa nulla dei morositate sint passuri.

CAP. X.



TCum inde surrexisset, uenit in fines iudææ, per regionem quæ est ultra iordanem, & conueniunt rursum turbæ ad illum, & sicut consueuerat rursum docebat eas.

Docendi munus
præstantissimū.

Rursum commendat nobis S. Marcus docendi ministerium, in quo constat docendum fuisse plus quàm assiduū. Vnde & illud denuo claret, ecclesiam non habere aliud præstantius salubriusq; prædicatione euangelica. Testatur enim Marcus domino perpetuam fuisse docendi consuetudinem. At illi optimarum rerum consuetudo fuit. Si quicquam fuisset melius in mundo, exercitasset & in illis se perpetuò. Commendatur etiam nobis diligentia & assiduitas populi sequentis dominum & cupientis auide audire sermonem uitæ, ut & nostram excitent diligentiam.

Et aducentes pharisei, interrogauerunt eum, An liceret uiro uxorem repudiare? tentantes illum. At ille respondens, dixit illis, Quid uobis præcepit Moyses? At illi dixerunt, Moyses permisit libellum repudiij scribere & repudiare. Et respondens Iesus dixit illis, Ad duritiam cordis uestri scripsit uobis præceptum istud: cæterum ab initio creationis masculinum & foeminam fecit illos deus. Propter hoc relinquet homo patrem suum & matrem, & agglutinabitur uxori suæ: & erunt duo in carnem unam. Itaq; iam non sunt duo, sed una caro. Quod igitur deus copulauit, homo ne separet. Et in domo rursum discipuli illius eadem de re interrogauerunt illum. Et dicit illis, Quicumq; repudiauerit uxorem suam & duxerit aliam, adulterium committit aduersus illam, Et si mulier repudiauerit ui-

rum

rum suum, & nupserit alteri, adulterium committit.

Enarrauimus hunc S. Marci locum apud Matthæum in cap. 19. *Obseruandum Monogamia cōmendatur.* autem pijs diligenter, quod uerbo legis, prophetarum & Christi diligentissime com mendatur, illud coniugium quod conflat uiro & fœmina, non uiro & fœminis, aut fœminis & uiro. Vñ hunc locum & S. Hieronymus in disputationibus suis. Nam ad Gerontiam de Monogamia, Primus, inquit, hominis creatura nos doceat plures nuptias refutare. Vnus Adam & una Eua, imò una ex eo costa separatur in fœminam; rursumq; quod diuisum fuerat nuptijs copulatur, dicente scriptura, Erunt duo in carnem unam: non in duas, nec in tres. Propter quod relinquet homo patrem & matrem, & adhærebit uxori suæ: certè non uxoribus. Et aduersus Iouinianum, Vna costa, ait, à principio in unam uxorem uersa est. Et erunt, inquit, duo in carnem unam: non tres neque quatuor. Alioqui iam non duo, sed plures. Primus Lamech sanguinarius & homicida, unam carnem diuisit in duas uxores. Fratricidium & digamiam eadem cataclysmi deleuit pœna. Rursus idem ad Saluinam de uiduita te seruanda, Scimus, inquit, honorabiles nuptias & cubile immaculatum. Etiam de paradyso expulsus Adam unam uxorem habuit. Primus Lamech maledictus & sanguinarius & de Cain stirpe descendens, unam costam diuisit in duas, & plantarium digamiae protinus diluuij pœna subuertit. Alia huius generis permulta apud hunc scriptorem reperias. Et quemadmodum dominus non mulieribus duntaxat, *Quod mulieribus interdicitur.* sed uiris etiam repudiò interdicit, eadem lege constringens utrosq; ita idem ille scriptor ad Oceanum scripturis consentiens, *Aliæ sunt leges, ait, Cæsarium, aliæ Christi: tur, uiris non aliud Papinianus, aliud Paulus noster præcipit.* Apud illos uiris impudicitiae frena conceditur, laxantur, & solo stupro atq; adulterio condemnato passim per lupanaria & ancillulas libido permittitur: quasi culpam dignitas faciat, non uoluntas. Apud nos quod non licet fœminis, æque non licet uiris, & eadem seruitus parí conditione censetur. Sed hæc hætenus.

Et afferebant ad illum puellos ut tangeret illos. Discipuli uero increpabant eos qui adducebant. Quod cum uidisset Iesus indignatus est, & dixit illis, Sinite puellos uenire ad me: ne prohibete eos: talium est enim regnum dei. Amen dico uobis, Quicumq; non acceperit regnum dei, tanquam puelus, haudquaquam ingreditur in illud. Et cum cepisset illos in ulnas, impositis manibus super illos, benedixit eis.

Require huius loci enarrationem apud Matthæum in capite 19. Pertinet huc Iosephus de Disciplina & educatione liberorum. Admonet enim locus ut omnes nostros *Institutio liberorum.* liberos deo consecremus aut adducamus, quo ab ipso benedictionem accipiant. Impius, rebellis & obstinatus maledictionem reportat pro benedictione. Quomodo autem instituendi sint liberi & qua imbuendi educandiq; disciplina, docuerunt plures alij.

Et cum exiret in uiam, accurrit quidam, ac genua flexit illi, & interrogabat eum, Præceptor bone, quid faciam, ut uitam æternam possideam? Iesus autem dixit illi, Cur me dicis bonum? Nemo bonus, nisi unus, deus. Præcepta nosti. Ne committas adulterium, Ne occidas, Ne fureris, Ne falsum testimonium dicas, Ne fraudes, Honora patrem tuum & matrem. At ille respondens dixit illi, Præceptor, hæc omnia seruauí ab adolescentia mea. Iesus autem intuitus illum, dilexit eum & dixit illi, Vnum tibi

deest. Abi quæcunq; habes uende, & da pauperibus, & habebis thesaurum in cœlo: & ueni & sublata cruce sequere me. At ille mœstitia affectus propter eum sermonem, discedebat dolens. Habebat enim possessiones multas.

Colloquium hoc domini & adolescentis uarium & multiplicem habet usum; quemadmodum uidere licet in huius libri quarti hypothesi. Singula reddita sunt in
Nemo bonus nisi solus deus. Commentarijs ad Matth. in cap. 19. Theophylactus non inscite quæstionem domini, Cur me dicis bonum? Nemo bonus nisi &c. explicans, Accessit hic dominum, ait, tanquam hominem & unum ex magistris. Ergo dominus ait, Siquidem ut magistrum me bonum esse putas, nullus homo bonus est, si cum deo conferatur: si autem ut deum me bonum esse censes, quid igitur magistrum me uocas? Et ita uerbis istis Christus mentem hominis illius sublimiorem uult reddere, ut ipse tanquam deus cognoscatur &c. Obseruandum & illud, dominum hic apud Marcum adijcere præceptis, Ne fraudes, unde intelligamus similia, paria, siue consentanea, & quæ ex præceptis dei consequuntur, dei esse præcepta. Nam hæc uerba, Ne fraudes, nusquam leguntur in Decalogo: consequuntur autem ex illis, Ne fureris, Ne falsum testimonium dicas. Prohibent enim hæc omnis generis dolos malos, imposturas, artes prauas & ex auaritia excogitatas, ac fraudes. Ideo Ne fraudes, adiectiuum est à domino tanquam expositio quedam diuini mandati. Quod sequitur, Iesus autem intuitus illum, *ὃς ἀπὸς τοῦ αὐτοῦ*, dilexit eum, non alium opinor sensum habet, quam dominum amice consuluisse ac excepisse in expensum adolescentis responsum, quod alius aliquis superciliosus phariseus multò excepisset asperius. Nam Paraphrastes, Iesus, inquit, intuitus adolescentem probæ indolis & latæ spei, qui non ista sibi fingeret nec sibi malitiose placeret, quemadmodum Pharisei, significabat sese etiam huius ætatis studio delectari. Itaq; præ se tulit quod eius affectu pio, licet imperfecto, delectaretur, ueluti exosculans spem indolis euangelicæ (quemadmodum enim in ea ætate rarum est, ita plausibile est studium pietatis) nos interim admonens, ut ubicunq; uiderimus aliquam indolem ac spem euangelicæ pietatis, ne sæuis obiurgationibus obruamus, & alienemus teneros animos: quemadmodum quidam nimium morosi literatores, qui bene nata ingenia, sua austeritate docent odisse literas: sed comitate prouehamus ad meliora, probantes studium sed interim ostendentes quo sit proficiendum. Reliqua pete ex Comment. ad Matth. Nam maximæ stultitiæ & miseriæ humanæ illud argumentum est, quod adolescens hic uix umbellas aliquot assequutus est, & audet tamen sibi usurpare perfectam uirtutum omnium laudem. Nam quod hic in præsentia priuatim designat, id manifeste facimus omnes, arrogantes nobis quorum umbras nunquam sumus consequuti.

Et cum circumspexisset Iesus, dicit discipulis suis, Quàm difficulter qui pecunias habent in regnum dei intrabunt. Discipuli uero obstupuerunt super uerbis illius. At Iesus rursus respondens, dicit illis, Filij, quàm difficile est eos, qui confidunt pecunijs, regnum dei ingredi. Illi uero supra modum stupebant, dicentes apud sese, Et quis potest salutem consequi? Intuitus autem illos Iesus, dicit, Apud homines impossibile est, sed non apud deum. Nam omnia possibilia sunt apud deum.

Diuitiarum periculum. Specialem & priuatam causam facit nunc generalem & publicam, adolescentis exemplum applicans omnibus diuitibus, ac indicans quanto cum periculo salutis

lutis æternæ opes terrenæ coniunctæ sunt, maxime si illis fidamus, hoc est, si in illas collocemus uitæ præsidium. De his disputauimus apud Matth. in cap. 19, unde si libet, horum enarrationem petas. Theophylactus, Non diuitiæ male sunt, inquit, sed qui illas habent digni sunt qui taxentur. Non enim illas habere oportet, id est detinere, sed eis uti pro necessitate. *χρηματι* enim, hoc est opes dicæ sunt possessiones, quia usui sunt hominibus & opem atq; auxiliū afferūt; ideoq; non detinendæ sunt. Qui ergo illas habent, & includunt, difficulter in regnum dei ingrediuntur &c. Sed & Marcus significanter dixit *οὐκ ἔστιν ὅτι λαμβάνωσιν*, id est fidos siue fretos. Peccatum enim non est habere siue possidere diuitias, sed illis nimium tribuere atq; confidere. Quod qui faciunt, illas includunt, neq; ijs ipsi utuntur pro necessitate, neq; alijs auxilio sunt, similes Hyperboreis gryphibus qui aurum in montibus custodire *αἰετῶν* dicuntur, cuius usum ut ipsi habent nullum, ita nullum alijs permittunt.

Et cœpit Petrus dicere illi, Ecce nos reliquimus omnia, & sequuti sumus te. Respondens autem Iesus, dixit, Amen dico uobis, nullus est qui reliquit domum, aut fratres, aut sorores, aut patrem, aut matrem, aut uxorem, aut liberos, aut agros, mea causa & euangelij, quin recipiat centupla, nunc in tempore hoc, domos & fratres, & sorores, & matres, & liberos, & agros cum persecutionibus, ac in sæculo futuro uitam æternam. Multi autem primi erunt postremi, & postremi primi.

Debetur sanè præmiū uirtutibus in præsentī sæculo & futuro. Nam & Abraham pater omnium fidelium, præmia accepit temporaria & æterna; sed interea humiles & modesti sunt fideles, iuxta illud apostoli, Qui stat, uideat ne cadat. Sed & dominus in præsentī, Multi, inquit, primi erunt postremi &c. Plura pete ex 19. cap. euangelij secundum Matth.

Erant autem in uia, ascendentes Hierosolymam, & præcedebat illos Iesus, erantq; pauescētī, & sequentes timebant. Et assumptis Iesus rursus duodecim, cœpit illis dicere, quæ sibi euentura essent, Ecce ascendimus Hierosolymam & filius hominis tradetur principibus sacerdotum & scribis, & condemnabunt eum ad mortem, tradentq; illum gentibus, & iludent illi, flagellabuntq; eum, & inspuent in illum, & occident eum, & tertia die resurget.

Proficiscebantur Hierosolymam, at ex uerbis domini & minis hostium Christi *Metuunt discipuli* si facile subodorabant quid esset futurum, & quod ipsis immineret magna persecutionis tempestas. Metuunt ergo sibi tanquam homines, ac sequebantur nihilominus præcedentem dominum, pauido tamen trepidoq; animo. Auxit metum discipulorum, quod disertis uerbis quid passurus esset exponit. Ac admonet frequentissima passionis in euangelica historia mentio, quod nihil sit salutari mortis dominicæ memoria salubrius, & cuius oporteat debeatq; homo fidelis frequētius meminisse. Maximum autem diuinitatis Christi & mortis spontaneæ argumentum est, quod tam graphice omnem supplicij modum describit prædicensq; edisserit. Eadem tractauimus Matth. cap. 20.

Et accedunt ad eum Iacobus & Ioannes filij Zebedæi, dicentes, Præceptor, uolumus ut quicquid petierimus, facias nobis. Ille uero dixit eis, Quid me uultis facere uobis? Illi uero dixerunt ei, Da nobis ut unus tibi à dextra,

& alter tibi à sinistra, sedcamus in gloria tua. Iesus autem dixit illis, Nescitis quid petatis. Potestis bibere poculum quod ego bibo? & baptismo quo ego baptizor, baptizari? At illi dixerunt ei, Possumus. Iesus autem dixit illis, Poculum quidem quod ego bibo, bibetis, et baptismo quo ego baptizor, baptizabimini: ceterum mihi sedere à dextra ac sinistra, non est meum dare, sed (ijs continget) quibus paratum est.

Caro aspirat ad honores.

Copiosissime enarrauimus hanc historiam apud Matth. in cap. 20. Testantur hæc quàm ferociat caro, & quanta cupiditate aspiret ad honores & imperia. Audierant iam iam quid, & quanta esset passurus dominus, uerum quasi nihil huius audissent, somniant regna & audiunt, Nescitis quid petatis. Hic lethargus plerisque uexat uel hodie, nil aliud in euangelio quærentes quàm temporalia. Cæterum dominus crucem & tribulationes pollicetur nobis. At ne sic quidem aperiuntur oculi hominum: id quod intelligitur uel ex sequenti historia.

Hoc cum audissent decem, cœperunt indignari de Iacobo & Ioanne. Iesus autem cum uocasset eos ad se, dicit illis, Scitis eos qui uidentur imperare gentibus, dominium exercere in illas: uerum non sic se res habebit inter uos: sed quicumque ex uobis uoluerit fieri magnus inter uos, erit minister uester: & quicumque ex uobis uoluerit fieri primus, erit omnium seruus. Nam & filius hominis, non uenit ut sibi ministraretur, sed ut ministraret, ac daret animam suam redemptionem pro multis.

Contra episcoporum imperia.

Eadem propemodum & ad uerbum leguntur apud Matth. in cap. 20. ubi pro uirili nostra enarrauimus. Mirari profecto quis posset, qua fronte sibi imperia & regna uendicent, qui pro ueris Christi & apostolorum successoribus haberi possulant, cum dominus tam diserte dicat, Non erit ita intra uos. Non ignoro quibus fucis hic utantur papæ propugnatores, quibus scortum illud suum Babylonicum pingant: sed nemo non uidet, quàm aperta sint uerba saluatoris. Non recipiunt commodam aliquam expositionem: sed simpliciter negant ex Christo esse imperium episcoporum. Episcoporum est docere, & exēplo uitæ sincero dominico gregi præire. Atqui fastus pompa & luxuria uitæ multos non sinit recte iudicare.

Et ueniunt Hiericho, cumque egrederetur Hiericho ac discipuli illius & copiosa turba, filius Timæi, Bartimæus cæcus sedebat iuxta uiam mendicans: & cum audisset Iesum Nazarænum esse, cœpit clamare & dicere, Fili Dauid Iesu, miserere mei. Et increpabant illum multi, ut taceret. At ille multo magis clamabat, Fili Dauid misere mei.

Fides.

Fide uera efficimur participes redemptionis & omnium donorum dei: cum ergo hæcenus de morte domini & redemptione nostra dixisset Marcus, subiungit iam historiam qua commendet fidem. Hanc tractaui in fine ca. 20. apud Matt. Theophylactus, Matthæus, inquit, duos cæcos narrat: & fieri potest duos quidē esse sanatos, hūc autē ex illis clariorem fuisse, cuius nunc mentionem fecit Marcus. Quilibet autem transferat in se personā cæci. Sumus enim animo & mente cæci: nisi ergo nostri mereatur Christus filius Dauidis, actum est de salute nostra. At huius misericordiam implorare oportet, & constanter quidem ac indefinenter. Multa sunt quæ auocant nos à spe & fide nostra, sed perseverandū in spe misericordiæ dei. Si differt diutius quod postulamus, in hoc differt, non ut neget, sed ut preces nostras quasi irritet.

Et

Et stetit Iesus, ac iussit illum uocari. Et uocant cæcum, dicentes illi, Bono animo esto, surge, uocat te. Ille uero abiecto pallio suo, surrexit, & uenit ad Iesum. Et respondens dicit illi Iesus, Quid uis faciam tibi? Cæcus autem dixit ei, Rabboni ut uisum recipiam. Iesus autē dixit illi, Abi, fides tua saluum te reddidit. Ac protinus recepit uisum: & sequebatur Iesum in uia.

Non respuit dominus clamātes ad se et sperātes in eius misericordia. Restitit ergo & benignum se exhibet misero. Vnica uero cōsolatio est cū uocamur ad dominum; *Properantē ad dominum.* Beati qui uocationē & uocantem agnoscūt. Cæcus hic exemplū præfert nobis quantā cum alacritate si quando uocamur accedamus ad dominum. Gestit, exilit, palliū abiicit, & ad Christum ceu exoptatissimū portum ancoramq̃ sacram accurrit. Paraphrastes, Hic, inquit, paulisper te remorabor, optime Lector, ut species cæci huius ac mendici alacritatē. Quoties tu uocaris ad Iesum, nec abiicis palliū, nec exilis, nec accurris ad uocantem, sed tergiuersaris, differs, hæsitās, causaris, torpescis in sordibus ac tenebris tuis, malens in sordido pallio stipem emendicare ab hoc mūdo, quā ab Iesu lucem accipere, quæ summam totius felicitatis complectitur. Quā est splendida uestis innocentia. Quā sordide palliatus est, qui libidine, qui auaritia, qui luxu, qui ambitione coopertus est. Quā abiecte mendicus est, qui ob uile commodū corporis supplex est huic mundo. Quā misere cæcus est, qui nec se nouit nec deum. Quoties autem ab ista miserabili calamitate uocaris ad Iesum, lecta aut audita doctrina euangelica, aut arcano quopiam spiritus afflatu attractus, cur non reiectis omnibus quæ remorari solent à tanta felicitate exilis ad spem uitæ melioris, cur non accurris summa cum fiducia ad Iesum, qui solus potest dare lucem & dare uult omnibus? Venit ad te Iesus, accersit, & tu grauaris illi uicissim occurrere? Ad mortem usq̃ contabescis in tenebris tuis, at non semper habebis transeuntem Iesum. Certe post mortem neminem uocat ad salutem, sed ad iudiciū. Hic transiens audit clamātem, Miserere mei, Hic restitit, hic uocat, hic illuminat &c. Post hæc dominus diserte tribuit *Fides sanat.* fidei sanitatem & omnem uirtutem. Sanctas quidem optis est gratuitum diuinæ misericordiæ; sed quia fide recipitur donum dei, hinc audit beatus cæcus, Fides tua te saluum reddidit. Fides & nos saluos reddit, non opera, non merita nostra. Nā diuinę misericordię & gratiæ gratuita est quod uiuimus. Porro iussus abire cæcus, sequitur Iesum in uia. Non rediit ad palliū & pristinam mendicitatem, sed oblitus omnium, sequutus est Iesum. Vbiq̃ enim fides, ibi est diligens studium uerbi dei ac sedula imitatio Christi. Fides enim primo omnium iustificat nos, deinde uero incitat nos et conseruat in obedientia legis Christi, nec ubi discedamus à uia Christi.

Et cum appropinquant Hierosolymis ad Bethphage & Bethaniam iuxta montem oliuarum, *C A P. XI.* emittit duos ē discipulis suis & dicit illis, Abite in uicum, qui ē regione uestri est, & statim ingredientes in illum, inuenietis pullum alligatum, super quem nullus hominum sedit, soluite eum, & adducite. Et si quis uobis dixerit, Cur facitis hoc? dicite quod dominus eo opus habet, & continuo illum mittere huc. Abierunt autem & inuenerunt pullum alligatum iuxta ianuam foris in biuio, & soluunt illum. Et nonnulli eorū qui illic stabant, dicebant illis, Quid facitis soluentes pullum? At illi dixerunt eis, quemadmodum præceperat Iesus: & sinebant illos. Et adduxerunt pullum ad Iesum, & iniecerunt illi uestimenta sua, seditq̃ super illum. Multi uero strenabant uestimenta sua in uiam; alij uero frondes incidebant ex ar-

boribus & sternebant in uiam. Et qui præcedebant quiq; sequebantur clamabant: dicentes, Hos anna, benedictus qui uenit in nomine domini. Benedictum, quod uenit regnum, nomine domini patris nostri Dauid, Hos anna in altissimis.

Christus pontifex & rex. Attingit tandem Hierosolymam, in qua erat holocaustum oblaturus pro peccatis totius mundi & redempturus credentes à peccato & morte. Priusquam autem sacerdos offerret, uoluit prius declarare se quoq; esse regem & liberatorem populi fidelis. Nam ideo regia pompa Hierosolymam ingreditur. Vnde & Theophylactus, Sape & aliàs, ait, uenit in Hierusalem, sed nunquam cum tanta claritate quanta nunc. Nunc enim quia passionis tempus aderat, quod ipse sibi præfinituerat, clarior uenit, ut si uelint, gloriam eius intelligant, & ex prophetis quæ de eo erant, agnoscant quod uerus sit deus: sin nolint, maior sit ipsorum condemnatio quod tam apertis noluerunt assentiri miraculis atq; argumentis. Reliqua quæ ad huius loci enarrationem pertinent petantur ex cap. Matth. 21. Mirus hic est in collatione Christi & summi, sed prophæti, pontificis. Eras. in Paraphr. huius loci, qui cupit, legat. Non autem de rege duntaxat fausta ominentur, sed & de regno, clamantes, Benedictum, quod uenit regnum, nomine domini, patris nostri Dauid. Fatentur & gratulantur quod dominus iuxta fili dem diuinorum oraculorum iam iam excitauit Dauidis regnum: hoc appellant benedictum, celebre, laudatum, faustum & felix. Ac reuera regnum Christi ueri Dauidis ecclesia est: hæc in nomine domini coit & colligitur: hæc beata & felix est in suo rege, in semine inquam benedicto, per quod benedictio iustitia & salus obuenit, auferitur autem maledictio omnibus credentibus. Est itaq; uaticiniū celebre in hac populi acclamatione; unde intelligimus quid nobis conferat rex noster Christus, benedictionem omnibus sæculis promissam.

Et ingressus est Hierosolymam dominus, et in templum. Et cum circumspexisset omnia, iamq; tempus esset uespertinum, egressus est Bethaniam cum duodecim.

Christus sacerdos uniuersalis ecclesiæ. Sacerdotum est inseruire templo cultumq; deo placitū in templo exercere. Quia ergo dominus sacerdos erat, pertinebat certe cura templi ad ipsum, ideo ingreditur nunc templum, ut hinc clareat ipsum & regem esse & sacerdotem. Gessit autem templum Hierosolymitanum, sicut ex 2. cap. Haggæi colligere licet, typum uniuersalis ecclesiæ. Alioqui enim sacerdotem templi Hierosolymitani agere haudquam potuisset dominus, qui erat de tribu Iuda, non de tribu Leuitica oriundus: proinde quod in præsentia agit, non agit ut sacerdos templi Hierosolymitani, sed tãquam sacerdos uniuersalis in mundo ecclesiæ, cuius est caput rex & dominus. Proinde circumspicit in templo omnia. Nihil enim latere & subterfugere potest omnisciū. Atq; regis & sacerdotis officium est diligenter inspicere cognoscereq; quid in regno quidue in templo fiat, quid recte & decenter, quid perperam & indecenter geratur. Id uero ubi mature & prudenter cognouisset, mox ea quæ praua erant deiicit, collapsa restituit, ipsaq; uera sacra restaurat. Discunt ex hoc summi regis & pontificis exemplo recte gubernatis suam ecclesiam, proceres rerum ecclesiasticarum politicarumq; primo experiri quid fiat in regno & ecclesia, item quàm recte uel prauè fiat, deinde ubi cognouerunt, praua demoliri & recta tueri atq; prouehere, Paraphrastes pie, Iesus, inquit, uelut instauraturus collapsam templi religionem, quæ tum maxime phariseis uidebatur florere, collustraui totum templum, obseruas si quid illic gereretur templo dei indignū: nō quod illi magnopere curæ fuerit quid in eo templo gereretur, quod

quod paulò post nouerat esse demoliendum: sed imagine quadam rei corporalis declarare uoluit, qualem uellet suam ecclesiã, quã ædificabat ex uiuis lapidibus. In his conuenit obambulare pontificem & circumspicere ne quid sit quod templum deo dicatum prophanet. Prophanat autem ambitio, quæstus turpis, auaritia, fraudulentia. Has abominationes non fert in templo suo dominus Iesus.

Quod tempus & ordinem rerum gestarum attinet, uideo contrauerti inter interpretes. Est enim qui existimet dominum ter eiecisse ementes & uendentes ex templo. *Dominus nō sc̃a* Principio in initio prædicationis euangelicæ, sicut commemorat Ioan. in cap. 2. *mel eijcit ement* Deinde illo ipso die quo ingressus est templum, cuius meminit Matthæus atq; *Lu= tes ex uendens* cas. Postremo die ab ingressu die postera, de qua historiam texit Marcus. Alij uero *tes de templo.* putant dominum non nisi semel ementes & uendentes profligasse è templo. Id quod fide & rationibus caret. Certum enim est ad minimum chananæcos illos, mercatores. in quã, bis eiectos esse à domino. Ergo uerisimile est postero die, sicuti Marcus aperire exprimit, eiecisse quos Matthæus & Lucas duntaxat eiectos tradunt, nulla ratione temporis obseruata. Apparet interim lectoribus euangelistas non conferentibus, simul atq; urbem ingressus fuerat, profligasse. Nisi malis Marcum miscere historiã, & post acta quædam posterioris diei, redire ad expositionem eorum quæ facta sunt prima protinus die, qua solenni exceptus est pompa. Vtuncq; uero res habeat, certum est nihil hic sibi repugnans & contrarium tradi. Vera enim certa & indubitata sunt quæ tradit fides euangelica. Certe si ter eiecit è templo mercatores, claret uel cæco quàm uelit à cœtibus ecclesiasticis alienam esse mercaturam & quæstum. Si semel & iterum profligauit, rursus ipso facto declarauit nolle ullos contrarius in æde sacra & in rebus ad religionem pertinentibus fieri. Atq; hic parum refert ultima eiectio facta sit primo uel secundo die. Certe neq; Matthæus neq; Lucas diserte contradixit Marco, primo uidelicet id factum esse die; ergo nec Marcus contradixit istis, licet dixerit eiectos esse mercatores postera die: iccirco nullum hic est periculum. Vtram enim sententiã amplexus fueris, nihil peccaueris.

Ad uesperam sub noctem reuersus est dominus in Bethaniã, haud dubie istas *Dominus ex ut* ob causas. Principio ut oraret. Nam quo uicinior erat mortì, hoc præcabatur arden- *be redit Betha=* tius & crebrius. Deinde quod in magnifica quidem, sed ingratiſſima urbe, non reperi- *niam.* rret hospitium. Timebat sibi quisq; ne pharisæorum in se odia excitaret. Subducunt ergo sese à Christi consortio, qui ei hætenus acclamarant, Benedictus qui uenit in nomine domini. Verum hæc est humana imbecillitas & miseria; hi sunt uulgi mores. De his plura dixi apud Matth. in cap. 21.

Et postero die cum exiissent Bethania, esuriit. Cumq; uidisset arborem ficu procul habentem folia, ueniebat, an uidelicet inueniturus esset aliquid in ea. Et cum uenisset ad illam, nihil inuenit nisi folia. Non enim erat tempus ficorum. Et respondens Iesus, dixit ficui, Ne posthac ex te in æternum quisquam fructum edat. Et audiebant discipuli illius, ueniuntq; Hierosolymam.

Adumbrat his pœnam & supplicium rebelli & ingratae imò perfidae Hieroso- *Supplicium ur=* lymorum urbi debitum, maledictionem inquam dei & irreparabilem interitum *bis rebellis,* excidiumq; ultimum. Ficus suaues progignit ex indole sua fructus: & Iudæi in hoc cœlitus fuerant uocati ut dulces pietatis, fidei inquam & charitatis fructus aderent, nunc uero speciem modo pietatis præ se ferebant, reuera hypocritæ erant

unde merito suo maximo maledictioni subiacent diuinæ, ne posthac sint gens & populus dei, quin magis excindatur ex terra, reliquiasque sint totius orbis exquilie & sordes. Sic legis in Isaia, Expectaui ut uinea mea proferret uvas suas, & ecce labruscas protulit. Expectaui iudicium, & ecce iniquitas: iustitiam, & ecce clamor. Ideo tollam sepcem eius ut depascatur, rumpam maceriam eius ut conculcetur &c. Isaia 5. Cæterum ne quis mysterium hoc sensumque secretiorem non uideret, inter alia commemorat Marcus, tunc cum hæc fierent non fuisse tempus ficorum. Quis enim nesciat arbores stata habere tempora quibus proferunt fructus? Quis ergo citra iniuriam ex arbore aliqua ante tempus postulauerit fructum? Proinde absurditate illa suorum mētes excitare uoluit ad perquisitionem maioris mysterij. Interea uero nullam iniuriam arbori creaturæ suæ irrogat creator & conditor uniuersi. Condidit hic omnia ad utilitatem & ministerium hominum. Cum itaque ad utilitatem hominum exarescit ficus, id facit ad quod destinata est. Seruit enim hominibus: atqui ad hoc condita est. Paraphrastes non infeliciter mysticum sensum recludens, Dominus Iesus, inquit, esurientissimus humanæ salutis, reperit fructum in arboribus infrugiferis, quæ nullam spem de se præbebant, in meretricibus, in publicanis, in peccatoribus, in ethnicis, in Chananæa, in Samaritis: in solis sacerdotibus scribis & pharisæis, qui dulcissimi fructus euangelici summam de se spem præbebant, nihil omnino fructus inuenit. Tenebant arcem religionis, obuersabantur in templis, tenebant legem ac prophetas, pallebant ieiunijs, proluxe orabant, dabant eleemosynas, quin & stolæ lataque phylacteria mirum quoddam pietatis studium præ se ferebant. Hæc nimirum erant folia uel ante tempus præcoccem fructum pollicentia. Sed dominus hoc docere uoluit, nihil esse deploratius impietate falsa religionis specie fucata. Hæc ficus meretur execrationem Iesu, ne quis foliorum pompa deceptus ex hoc hominum genere posthac speret ullum fructum suauissimæ charitatis euangelicæ. Similitudinem ficus aliam nec prorsus dissimilem huic inuenies apud Lucam in cap. 13. Facit ea ad illustrationem huius.

Et ingressus Iesus in templum, cœpit eijcere eos qui uendebant & emebant in templo, & mensas argentariorum, sellasque uendentium columbas subuertit: nec permittebat ut quisquam deportaret uas per templum. Et docebat, dicens illis, Nonne scriptum est, Domus mea, domus precationis uocabitur omnibus gentibus? Vos autem fecistis eam speluncam latronum.

*Non permittit
cuiquam ullum
uas deportare
per templum.*

Hoc uidelicet erat ueræ & fidelis sacerdotis officium, dei templum repurgare ab abusibus, prauis consuetudinibus, erroribus, prophanationibus & impietatibus. De ea re plura require ex 21. cap. Matth. Illud uero mirum est quod nulli per mittebat uel uas deportare per templum. Norunt autem qui uel à limine salutarunt literas sacras, uasa usurpari iuxta dialectum Hebraicam pro omnigenis instrumentis. Vas ergo instrumentum est quæstui & negotiationi deputatum atque idoneum. Atque ita discimus exemplo domini Iesu, uerorum pontificum & episcoporum esse, ne quid quantumuis humile & exile sit, ferant in templis Christianorum, quod aliquando quæstui est adhibitum, aut unde periculum est, fore ut aliquando per abusum seruiat quæstui & prophanationi nouæ: cuius generis in primis simulachra & quæcunque his connexa sunt esse credimus. Plura intelligit Lector quam calamus consequatur & comprehendat; nec opus est longo catalogo.

Nam

Nam de similibus idem est iudicium. Quod autem in testimonio prophetico adiicitur Omnibus gentibus, non fit citra causam insignem. Rursus enim submonet spiritus dei templum Hierosolymitanum prætulisse typum ecclesiæ per totum terrarum orbem dispersæ. *Templi ecclesiæ typus.* Alioquin enim Iudæis peculiariter seruiebat templum Hierosolymitanum: at prophætæ uerba loquuntur de templo quodam omnibus gentibus communi, de quo & uerba Haggei cap. 2. exponenda sunt. Recte ergo Paraphrastes, Non magnopere, inquit, curabat dominus illius templi, quod cum suis ritibus uolebat aboleri, puritatem: sed noui templi, cuius ipse futurus erat architectus, insignem nobis puritatem commendabat, subindicans interim & illud, merito sacerdotes, scribas & pharisæos submouendos à principatu religionis, qui ueterem etiam illam ac figuratam religionem suam auaritia, fraudulentia, simulatione, omniq; spurcitie genere contaminassent ac prophanassent. Nunquam legitur æque commotus Iesus, nunquam æque saeuisse. Quid faciturus esset si conspiciat suam sponsam ecclesiam, quam suo sanguine lauit, ut exhiberet sibi puram, expertem omnis maculæ ac rugæ, per episcopos ecclesiæ præfectos, omni turpitudinis genere prophanari, uiolari, conspurcari? Qui non solum pecudes & columbas, sed omnia sacra habent uenalia, quæ precio nec dari possunt nec emi. Conspicit haud dubie, tamen dissimulat, nec ideo poenam effugient tales, quia dei lenitas tolerat eos ad poenitentiam. Nescietur aliquando, nescietur terribilis ille funiculus, qui templi sacri uiolatores eiciat in gehennam. Hactenus ille. Theophylactus autem, Sunt, inquit, qui multas quoq; nummorum meas habent, qui administrant & dispensant ecclesiastica, & omnia propter auaritiam faciunt. Quoniam & sellæ uendentium columbas subuertuntur, hoc est pontifices uendentes spiritualia dona. Columba enim signat donum spiritus sancti: quod qui uendunt, à domino repelluntur à sacerdotio. Nam qui propter datum aurum ordinatur, à sacerdotio depositus est. Et reliqua.

Hoc audito scribæ principesq; sacerdotum, quærebant quomodo illum perderent. Timebant enim eum: quia uniuersa turba obstupescibat super doctrina eius.

Ita uero male gratus est mundus ingentibus dei beneficijs. Odit ex animo fideles & ueraces qui libere incusant inundi immundiciam: ideo & Christum non tantum odium pharisæi, sed & interficere quærent. *Ingratitudo.* Augebat inuidiam metus. Is oriebatur ex eo quod uiderent populum pendere à sermonibus Iesu, qui derogabat ipso rum & authoritati ac doctrinæ, ac proinde etiam quæstui. Accusabat ipsos rea conscientia. Sentiebant uera docere & uera amplecti plebem, se autem esse hypocritas impositores & præuaricatores: metuebant ergo dominum. Deinde metuebant quod ex ardenti studio amorq; plebis erga dominum intelligerent haud laturos impune, si quid iniuriarum irrogassent domino. De hoc metu annotauimus quædam in finem 21. cap. Matth., sicut & de authoritate doctoris & doctrinæ Christi apud eundem cap. 7.

Et cum aduersperauisset egressus est Iesus e ciuitate, & mane præter euntes, uiderunt ficum aruisse radicitus: & recordatus Petrus, dicit illi, Rabbi, ecce ficus illa, quam execratus es, aruit. Et respondens Iesus, dicit illis, Confidite deo. Amen dico uobis, quicumq; dixerit monti huic, tollaris & mittaris in mare: & non hæsitauerit in corde suo, sed crediderit forte quæ dixerit, contingerit illi quicquid dixerit. Propterea dico uobis, Quæ

cunq; orantes petitis, credite uos impetrare, & contingent uobis. Et cum steteritis orantes, remittite si quid habetis aduersus aliquem, ut & pater uester, qui in coelis est, remittat uobis delicta uestra.

Fides.

Occasione accepta ab arbore arefacta, docet dominus fidem siue fiduciam in deū, & subindicat quanta sit uis fidei, qualem item deceat esse fidem, firmam utiq; indubitamq;. Consulatur Matt. cap. 21. ubi hunc locum enarraui. Submonet interim odis hominum adobritos, & iniurijs, calamitatibus, persecutionibusq; pressos, non posse eluctari nisi per fidem ueram. Fides, inquit apostolus & euangelista, est uictoria quæ uicit mundum. Præterea in tribulationibus mundi in insidijs confugiendum est ad deum, qui & assiduus pulsandus est precibus. Ita enim fecerunt cum Dauide omnes sancti patres & prophetae, ideoq; in præsentiarum commodissime de precibus siue oratione disputat dominus. In ea hæc obseruanda ueniunt. Principio oratio nem soli deo, non ullis creaturis offerendam. Solus enim omniscius & ubiq; præsens est, solus omnipotens est, qui quæ rogatur, præstare potest. Sed & beneficus est amatorq; hominum, qui quæ prosint, nouit, & utilia confert. Deinde citra fidem non ualere coram deo ullam orationem. Credere ergo oportet ante omnia. Sed quid obsecro? Accepturum te quod petis, id est deum tibi bene uelle, ideoq; illud daturum quod utile & bonum tibi esse nouit. Alioqui enim constat non raro huiusmodi esse uota nostra, & quæ cum uoluntate dei pugnant, & si concederentur officerent, non proderent. Quia ergo deus natura bonus est, id nobis filiis suis dat, quod bonum esse nouit. Idq; de deo credendum est, dare illum non nisi utilia, iusta, bona. Ita uides uerbum domini, Quæcunq; orantes petitis &c. non absolute, sed per commodam aliquam interpretationem intelligendum atq; explanandum esse. Ac impiū plane foret, si quis quidlibet prætextu horum domini uerborum impetrare præsumeret. Pietas ubiq; adhibenda atq; in consilium uocanda uidetur. Postremo requirit ab orantibus dominus, ut condonent omnibus debitoribus delicta. Caterum dominus non remittit nobis nostra peccata in recompensationem eius quod nos remisimus. Nam ex gratia per Christum remittuntur nobis peccata: sincera fides magis requiritur a nobis. Charitas est ex fide, hæc condonat peccata. Vbi nulla est condonatio, ibi nulla charitas, ergo neq; ulla fides. Sequuntur illa ex nexu continuo, ut iusta condonatio sit signum siue argumentum ueræ remissionis peccatorum, quæ contingit nobis ex gratia dei per fidem. De his disputata sunt quædā in capite Matth. 5. 6. 18. &c.

Et ueniunt rursus Hierosolymam: & cum ambularet in templo, ueniunt ad illum principes sacerdotum & scribae & seniores, & dicunt illi, Qua auctoritate ista facis? & quis dedit tibi auctoritatem ut ista facias? Iesus autem respondens dixit illis, Quæram a uobis & ipse quiddam, & respondete mihi, dicamq; uobis qua auctoritate hæc faciam, Baptismus Ioannis est ex coelo erat, an ex hominibus? Respondete mihi. Et ratiocinabantur apud se, dicentes, Si dixerimus ex coelo, dicet, Cur igitur non credidistis illi? At si dixissent, ex hominibus, timebant populum. Omnes enim habebant Ioannem ut qui uere propheta fuisset. Et respondentes, dicunt Iesu, Nescimus. Et Iesus respondens, dicit illis, Nec ego dico uobis qua auctoritate hæc faciam.

Constantia.

Ut in insidijs & periculis persecutionum perstare & uincere possimus, non modicum momenti confert constantia & contemptus hostium dei, propter quorum iniurias & furores negotium & opus domini nequaquam negligamus oportet. Tamen si ergo

ergo non ignoraret hostium suorum consilia dominus, redit tamen nihilo minus in templum, ac docet. Id quod pijs omnibus est imitandum. Rursus uero excubandum diligenter, & in singula momenta noua expectanda certamina, quæ excipere oportet animo sobrio & prudenti, sicuti & dominum mox facere uidemus, dum à pharisæis petitur. Ea disputatio exposita est apud Matth. in cap. 21.

Et cœpit illis per parabolas loqui, Vineam plantauit homo, & circum C A P. XII. dedit sepem, foditq; lacum, & ædificauit turrin, & elocauit eam agricolis, & peregre profectus est. Et misit ad agricolas cum tempestiuum esset seruum, ut ab agricolis acciperet de fructu uineæ. At illi arreptum illum cæciderunt, ac remiserunt uacuum. Et rursum misit ad illos alium seruum, cui coniectis in eum saxis, caput contuderunt, & remiserunt contumelijs affectum. Et rursum alium misit, & illum occiderunt multosq; alios, hos quidem cadentes, alios uero occidentes. Itaq; cum unum adhuc haberet filium suum dilectum, misit etiam illum ad illos postremum, dicens, Reuerbuntur filium meum. Illi uero agricolæ dicebant inter sese, Hic est hæres, uenite, occidamus eum, & nostra erit hæreditas. Et arreptum illum occiderunt, & eiecerunt è uinea. Quid igitur facturum est dominus uineæ? Veniet & perdet agricolas, & dabit uineam alijs. An ne hanc quidem scripturam legistis, Quem reprobaucrunt lapidem ædificatores, hic factus est caput anguli. A domino factum est hoc, & est admirabile oculis nostris. Et quærebant eum comprehendere, & metuebant multitudinem. Sciebant enim quod aduersus ipsos parabolam dixisset. Et relicto illo abierunt.

Satis superq; satis inclaruit populi Israelitici & procerum eius incredula rebellio, *Pœnæ ingratis* Quò plura accipiebant beneficia, quo clarius instituebantur in doctrina ueritatis, & *incredulis* hoc indurescebant magis & contemnebant, imò persequébantur etiam ueritatem gra *debitæ.* uius, quam erroris interim non quibant reuincere. Tempestiue ergo nunc dominus & ingratam ipsorum crudelitatem protrahit, & commeritas commemorat pœnas, excidium uidelicet gentis & reiectionem perpetuam. Reliqua pete ex cap. Matth. 21. Relicto, inquit, illo abierunt. Prius recesserant ab eò mentibus, quæ omnium pestilentissima defectio est, iam & corporibus, quod ipsis & occasio & facultas cadendi decisset, sibiq; metuerent à plebe studiosa nominis Christi.

COMMENTARIORVM IN

EVANGELIVM SECVNDVM MARCVM

LIBER QVINTVS.

RESPONDET porro dominus mira cum maiestate ad quæstiones aliquot opido utiles & necessarias. Principio enim differit de magistratu, iubens ei quod debemus pendere. Deinde refutans Sadducæos, Valentinianorum & Marcionitarum patriarchas, asserit resurrectionem mortuorum, uitamq; futuri sæculi. Postea disputat perspicue de scopo & argumento totius scripturæ siue legis diuinæ. Præterea ipsis quoq; aduersarijs suis quæstionem proponit, qua demonstrat se esse Mesiam uerum, naturæ geminæ, uerum uiq; deum & hominem. Cæterum cum aduersarij sacerdotes inquam & scribæ, nulla ueritatis perspicuitate & euidentia mouerentur, sed sui similes perpetuò pergerent plebem & seducere corruptis traditionibus & inexplebili habendi cupiditate deglubere, admonet plebem donum ac præcipit ut caueant ipsorum doctrinam. Adhæc multa & magna ipsis impingit scelera, inter alia uero auaritiam & sacrilegia. Ne quis tamen frustra facultates ad conseruationem rerum ecclesiasticarum conferri putaret, ualde commendat cuiusdam uiduæ donum gazophylatio illatum. Postremo omnium, prædicit imò pingit excidium & ruinam templi Hierosolymorum splendidissimi, urbis antiquissimæ & orbis uniuersi. Adijcit & signa calamitatisq; quæ præcessuræ sint, significatrices inexplicabilium malorum. Et quoniam seruare nō perdere cupit genus mortaliū domini, hortatur omnes ad preces & uigiliam.

Mittunt ad illum quosdam è pharisæis & Herodianis, ut eum captarent sermone. Illi uero cum uenissent, dicunt ei, Præceptor sci-
mus quod uerax es, & non curas quenquam, non enim respicis personam hominum, sed reuera uiam dei doces, Licet censum dare Cæsari an non? Demus, an non demus? Ille uero cognita illorum simulatione, dixit illis, Quid me tentatis? Afferte mihi denarium, ut uideam. Illi uero attulerunt. Et dicit eis, Cuius est imago hæc & inscriptio? Illi uero dixerunt ei, Cæsaris. Et respondens Iesus, dixit illis, Reddite quæ sunt Cæsaris Cæsari, & quæ sunt dei deo. Et admirati sunt de eo.

Magistratus.

Mouetur quæstio de magistratu, & de eo quid ipsi debeamus. Dominus paucis eā absoluit. Magistratus sicut & uictoria à deo est. Deus ergo regna concedit, hic reges. & regna mutat, & cuicumq; uolet subijciēt gentē suam. Sic docuerunt Iere. in 29. cap. & Daniel in 3. Quia ergo gentem suam deus subdiderat Romanis Cæsaribus, his omnino parere debebant, isq; pendere quæ subditi solēt suis conferre principibus. Breuibus hanc quæstionem absoluit & apostolus Paulus, dum dixit, Omnis anima potestatibus eminentioribus sit subiecta. Item, Reddite omnibus quod debetur, cui tributum tributum, cui uectigal uectigal, &c. Reliqua pere ex 22. cap. Matt. Herodianos esse Herodis aulicos & Romanorum officiales, colligendisq; tributis præfectos uel hinc claret. Indepti sunt hoc nominis hinc fortassis, quod Herodes magnus à Romanis præfectus Iudæis tributum ab eis primus exegerit. Sed de his aliàs dictū est satis.

Et ueniunt Sadducæi ad illum, qui dicunt non esse resurrectionem, interrogaueruntq; eum, dicentes, Præceptor, Moses scripsit nobis, si cuius frater mortuus fuerit, ac reliquerit uxorem, & liberos non reliquerit, ut ducat frater eius uxorem illius, & suscitet semen fratri suo, Septem fratres fuerunt, ac primus duxit uxorem, isq; moriens non reliquit semen, & secundus

tundus duxit illam, ac mortuus est, & nec ipse reliquit semen, & tertius similiter. Et duxerunt eam septem, nec reliquerunt semen. Postrema uero omnium mortua est & mulier. In resurrectione igitur cum resurrexerint, cuius illorum erit uxor? Nam septem habuerunt eam uxorem. Et respondens Iesus, dixit eis, An non propterea erratis, quod non sciatis scripturas, neque potentiam dei? Cum enim à mortuis resurrexerint, neque contrahunt matrimonium, neque nuptum dantur, sed sunt uelut angeli qui in caelis sunt. Ceterum de mortuis quod resuscitentur non legistis in libro Moysi, quomodo in rubo loquutus sit illi deus, dicens, Ego ille deus Abraham, & deus Isaac, & deus Iacob, Non est deus mortuorum, sed uiuentium, Vos igitur multum erratis.

Hiscæ eleganter tractatur memorabilis quæstio de Resurrectione mortuorum, *Resurrectio* quam nos apud Matth. in cap. 22. explicauimus. Abutuntur quidam hisce domini uerbis, Sunt uelut angeli qui in caelis sunt, aduersus quos Epiphanius multis disputat contra hæreses lib. 2. tomo 1. ubi agit contra Origenianos.

Et cum accessisset quidam è scribis, & audisset eos disputantes, uideretque cum bene respondisse eis, interrogauit illum, Quod est primum omnium præceptorum? Iesus autem respondit illi, Primum omnium mandatorum est, Audi Israel, dominus deus noster, dominus unus est. Et diliges dominum deum tuum ex toto corde tuo, & ex tota anima tua, & ex tota mente tua, & ex rotis uiribus tuis. Hoc est primum præceptum. Et secundum simile, hoc est, Diliges proximum tuum ut teipsum. Maius his aliud præceptum non est. Et dixit illi scriba, Recte, præceptor, in ueritate dixisti unum esse deum, nec esse alium præter illum, diligereque eum ex toto corde, & ex tota intelligentia, & ex tota anima, & ex totis uiribus, ac diligere proximum ut seipsum, plus esse quam uniuerſa holocaustomata & uictimas. At Iesus cum uideret eum cordate respondisse, dixit illi, Haud longe abes à regno dei. Et nemo post illa, audebat ipsum interrogare.

Sed & hæc quæstio celebris est, sine cuius explicatione & intellectu sano parum *Scripturarum* utiliter uerſeris in sacris literis. Vnde Augustinus lib. de Doctr. Christi. 1. cap. 36. Quis *scopus dilectio*, quis, inquit, scripturas diuinas uel quamlibet earum partem intellexisse sibi uidetur, ita ut eo intellectu non ædificet geminam charitatem, dei & proximi, nondum intellexit. Quisquis uero inde talem sententiam duxerit, ut huic ædificandæ charitati sit utilis, nec tamen hoc dixerit, quod ille quem legit eo loco sensisse probabitur, non periculose fallitur, nec omnino mentitur, &c. Excitant hæc nos ad diligentiam & attentionem, ne hic & in re tanti momenti simus inertes & segnes. Ac Primum in præſenti Marcus appellat quod Matthæus dixit Magnum, id nimirum quod scripturæ fundamentum & scopus est, ad quem referuntur omnia. Adicitur enim alibi, In his lex ac prophetæ pendet. Enarrauimus hanc quæſtionem apud Matthæum in cap. 22. eò te relegamus Lector. Porro commodum in præſenti primum diſſerit de deo. Hic enim est in quem intendit figiturque dilectio, qui sicuti unus est, ita solus diligendus est super omnia. Secundum primo dicitur simile, et quod dilectione comprehenditur, et quod proximum diligimus propter deum. Addit, Maius his aliud non est, Excellit enim cha

ritas atq; adeo ut omnes uirtutes sine charitate nihil minus sint q̃ uirtutes. De qua re consulas licet Apostolum 1. Corinth. 13. cap. Caterum non citra causam & fructu repetitur uerba legis à legisperito. Ita enim sedulo nobis cōmendatur, imò inculcatur quod in lege dei est primum & potissimum. Obseruandū tamē quod scriba addit quædam que dominus non dixit, sponte autem sequuntur ex uerbis domini, scripturisq; consentanea sunt. Dominus dixerat, Audi Israel, dominus deus noster, dominus unus est. Id quod petijt ex 6. cap. Deut. Scriba uero dicit, Recte præceptor in ueritate dixisti, unum esse deum, nec esse alium præter illum. Atqui nō dixerat dominus, Non alium esse præter illum. Verum hoc consequitur ex illo. Vnum enim diuisionis & societatis expers est. Ita uero discimus explicare scripturas. Nam cum dicitur, Vnus deus, unus saluator, unus mediator, una hostia, perinde est ac si dixisset scriptura, nec alius præter illū, non alia hostia. Proinde unus tantundem pollet atq; solus. Sed age ubinam aut quādo dixit dominus Diligere proximum plus est quā uniuersa holocaustomata & uicimæ? Cum dixit, Maius his aliud præceptum nō est. Hoc enim scriba sic intelligit quod dominus dilectionē prætulērīt uel maximis uirtutibus. Ac tum quidem immolabantur holocausta & uicimæ ex mandato domini, necdū erāt abrogata. Ac proculdubio intellexit hic omnes ceremonias omnemq; externum cultū per has duas species. Et recte quidē domini uerba intellexit scriba. Nā non reprehenditur à domino. Subiungitur enim ipsum cordate respondisse, ideoq; dominū subiecisse, Haud longe abes à regno dei, testificans illū non male iudicare de rebus religionis, quod haud dubie perficeret, pleneq; regnum dei reciperet si fidem iungeret dilectioni, & per fidem in dilectione sese exerentē deo placeret. Neq; enim satis est ueram religionem intellexisse nisi eam exprimas fide & dilectione, germana religione congruis. Hic autem triumphat uictrix ueritas. Nemo enim audet porro interrogationibus tentare dominum. Interrogationibus quidem capere & populo ridendum exhibere dominū aduersarij instituerunt, sed præbebant domino occasionem interrogationibus illustrandi ueritatem confutandiq; corruptas pharisæorum doctrinas. Docebant hi externis cultibus constare religionē & recipi conferriq; salutem, dominus aliud hic tradit, ac tanta quidē euidentiā, ut aduersarij mirarētur, nihil habentes quod opponerent. Ita euenit ipsis & consequenti historia, siue congressu.

Et respondens Iesus, dicebat docens in templo, Quomodo dicunt scribe Christum esse filium Dauid? Nam ipse Dauid dixit afflatus spiritu sancto, Dixit dominus domino meo, sede à dextra mihi, donec posuero inimicos tuos, scabellum pedum tuorum. Ipse ergo Dauid uocat eum dominum, & unde filius eius est? Et plæraq; turba audiebat eum libenter.

Nuspiam relinquit docēdi officiū, hoc ipsum suo exemplo cōmendans omnibus pastoribus pijs, ut & ipsi doceant sedulo, etiā si insidiarū iniuriarumq; nullum uideāt finē. Quæstio domini legisperitis proposita explicatur in Commentarijs apud Matt. cap. 22. Quod uero plæraq; turba ipsum dominum libenter audit, conuincit prædicationem uerbi dei nunquam carere suo fructu, licet semper reperiantur qui contradicentes se opponant ueritati. Pauci ex eruditjs & principibus uiris credebant domino, plæraq; uero turba credebant domino. Hæc enim utpote simplex minus rapitur uehementibus grauibsq; illis affectionibus, ambitione, liuore & similibus. De principibus legis dixisse dominum, Quomodo potestis uos credere, qui gloriam à uobis inuicem accipitis? Cauemus ergo ne hisce nos mancipia præbeamus affectionibus.

Dicebat autem illis in doctrina sua, Cauete à scribis, qui amant stolari obambulare, & salutationes in foris, primasq; sellas in congregationibus,

& pri-

Nunquam sine
fructu prædica-
tur.

& primos accubitus in cœnis, qui deuorant domos uiduarum, idq̃ prætextu, ut qui longas preces faciant. Hi subibunt grauius iudicium.

Paraphrastes pulchre occasionem huius loci locumq̃ ipsum enarrans, Cum, inquit, dominus uideret turbam sanabilem, sacerdotes autem, scribas & phariseos detinere malitia tendere quo ceperat, cepit eos palam apud populum traducere, non ut illis obrectaret, sed ne posthac populum fallerent, detraxit illis falsę pietatis & sanctimonię personam. Iam enim tempus ita postulabat. Itaq; depromens suam illam doctrinam, id est liberam nulliq̃ palpantem, aiebat, Cauete ne uos fallat magnifica species scribarum & phariseorum. Non student uestre salutis, sed sue glorię. Cupiunt enim ut magni uideantur. Ambulant in uestibus ad talos usq; demissis, uenanturq̃ salutationes in foro, captantq̃ primorum sedilium honorem in confessibus, & in conuiuijs primum locum in accubitu. Et quę sequuntur. Reliqua quę ad huius loci enarrationem pertinent, pete ex Matth. 23. cap.

Et cum federet Iesus ex aduerso gazophylati, spectabat quomodo multitudo mitteret æs in gazophylatium. Et multi diuites mittebant multa. Et uenit quædam uidua pauper, misitq̃ minuta duo, qui est quadrans. Vocatisq̃ ad se discipulis suis, dicit illis, Amen dico uobis, uidua hæc pauper plus misit, quàm omnes qui miserunt in gazophylatium. Nam omnes ex eo, quod ipsis supererat, miserunt, at hæc ē penuria sua omnia quęcunq̃ habuit, misit, totam substantiam suam.

Dixerat modo dominus sacerdotes & phariseos ficta religione & pretextu prolixarum precum deuorare uiduarum domos, adeoq̃ pauperum substantiam, quibus forte commotus aliquis dixerit, Ergo cum uideam male perire opes ecclesiasticis hominibus collatas, & hos prauis artibus corradere undiq; unde luxuriēt, posthac nihil plane contulero ad ecclesiastica uectigalia; dominus dantes in præsentiarum non damnat simpliciter, sed interim quo animo dare oporteat ostendit. Contulit enim se in eam templi partem, in qua & opes asseruabantur ecclesiasticę, & homines munera sua conieiebant in arcē, ibi spectabat aduentantes muneraq̃ ferentes, inter quos diuites aliquot ingentia afferebant munera. Atq; hos non uituperauit. Nam Gazophylati usus non erat inuentum humanum, sed petitus ē lege domini. Locos si quis requirat inueniet Exodi 30. 2. Paralip. 24. Nehemię 3. & 10. cap. Conferebantur autem opes illę ad facta tectaq̃ templi, ad sacra deniq; ministeria, hoc est, ad conseruationem publicorum ædificiorum, ministrorum item & pauperum, ad sanctum inquam usum. Itaq; dandum quidem est, & qui dant bene faciunt. Dabant opulentiores apostolorum quoq; tēpore ad usus huiusmodi sanctos suas facultates, ut legitur in Actis Apostolicis cap. 4. 5. & 6. ex quibus alebantur ministri ecclesię & pauperes fideles. Cum enim propter confessionē Christi plures ē synagoga eijcerentur, fame pereundū his fuisset, nisi liberalitas Christianorum periclitantiū subuenisset inopię. Proinde si hodie quoq; exigat rei necessitas, dare debēt fideles opulentiores ad huiusmodi usus sacros. Cæterū cum ex regum, principum, nobilium, ciuiumue munificentia opes superant, etiam atq; etiā uidendum ne turpiter prodigantur, aut expilatione sacrilegorum hominum minuantur. Dispensandę sunt illę pro ecclesiarum necessitate utiliter, iuste & sancte. Porro uidua hæc, quę dat, animo dat benigno & liberali, datura proculdubio longe ampliora si potuisset. Requiritur ergo animus à dantibus, paratus & promptus. Apostolus enim 2. Corinth. 9. Hilarem datorē, inquit, requirit deus. Ac celebre est illud apud ethnicos prouerbiū, Munerū animus optimus. Atq; uidua

Quadrans.

hæc ex liberalitate illa animi sui cupiebat haud dubie & semetipsam impendere totam. Vnde dominus ex animo munus æstimans atq; commendans, Pro comperto, inquit, dico uobis, quod hæc uidua quamlibet tenuis (uerbis utor Paraphrastæ) plus dedit in gazophylatium, quàm ceteri omnes qui uidentur liberalissime dedisse. Nam ceteri dederunt ex eo quod ipsis abundabat. Multum dederunt, sed plus sibi seruauerunt. Hæc autem ex inopia sua facultates suas uniuersas largita est, nihil sibi reseruās. Non enim æstimat deus donariū ex modo rei, sed ex affectu mentis, &c. Donarium quod obtulerat erant minutuli nummi duo, qui conficiunt unum quadrantem. At M. Varro, Quadrans, inquit, est pars assis quarta, sicut sextans sexta pars, triens pars tertia. Certe minimi momenti fuit quod obtulit, ueluti si tu offeras cruciatum aut minutias leuiiores. Exhibet interim hæc historia & alia nobis dogmata, Principio quidem, deum quodlibet opus nostrum non metiri ex pretio magno, sed magis ex affectu pio & religioso. Deinde domino uel minutissima placere opera, si fiant per fidem, ex corde sincero & beneuolo. Nam apud Matth. in cap. 10. Quicumq; inquit, ad bibendum dederit uni ex pusillis his poculum aquæ frigidæ, tantum nomine discipuli, amen dico uobis non perditurus est mercedem suam. Habent itaq; & pauperes adeoq; mendici, quo seruiant deo, ut non possint sese excusare. Si non habes aurum, habes certe consolationem & officia, quouis pretiosissimo auro præstantiora. Si obistere non potes sceleribus quo minus patrentur, ne placeant tibi, contradicito, & moribus illa tibi displicere ostende. Coniicimus & ex illo Christum esse deum uerum, qui uiduæ mentem inspexit, ac quo animo fecerit, quod fecit, quantumq; possederit, ac dederit, uidit. Solus enim deus cordium est scrutator.

CAP. XIII.

Et cum exiret è templo, dicit illi quidam è discipulis ipsius, Magister, uide cuiusmodi lapides, & cuiusmodi structuræ? Et Iesus respondens, dixit illi, Vides has magnas structuras? Non relinquetur lapis super lapidem, qui non diruatur.

Excidium gentis perfidæ.

Tandem genti & populo pœnitere nescio, & contemnenti salutem æternam, excidium & interitum prædicat. Sperabant isti religione & sanctimonia templi se seruandos, sicut & Ieremiæ sæculo clamauerant, Templum domini, templum domini, templum domini: sed dominus uaticinatur etiam templum fore perdendum. Fusius de his dixi Matth. 24. cap.

Et cum federet in monte oliuarum è regione templi, interrogabant illum seorsim Petrus & Iacobus, & Ioannes & Andreas, Dic nobis quando hæc euenient? & quod signum erit quando hæc omnia sint consummandæ? At Iesus respondens illis, coepit dicere, Videte ne quis uos fallat. Multi enim uenient nomine meo, dicentes, Ego sum Christus, multosq; decipient. Cum autem audieritis bella & rumores bellorum, ne turbemini. Oportet enim (ea) fieri, at nondum finis. Insurret enim gens aduersus gentem, & regnum aduersus regnum. Et erunt terræmotus in singulis locis, eruntq; fames & tumultus. Initia dolorum hæc. Sed caute uos uobisipfis. Tradent enim uos in consilia, & in synagogas, cædemini, ac ad præfides & reges ducemini, propter me in testimonium illis. Et in omnes gentes oportet prius prædicari euangelium. Cum autem duxerint uos tradentes, ne solícite præcogitetis, quid dicturi sitis, neq; meditemini, sed quicquid

quid datum fuerit uobis illa hora, hoc loquamini. Non enim estis uos qui loquimini, sed spiritus sanctus. Traditurus est autem frater fratrem in mortem, & pater filium, & insurgent liberi aduersus parentes, ac morte afficient eos. Et eritis odio omnibus propter nomen meum. Qui uero sustinuerit usque in finem, hic saluabitur.

Interrogatus dominus de excidio templi & urbis Hierosolymorum, item de calamitatibus uenturis, & consummatione sæculi, ostendit multa enumeratione quæ præcessura sint, nimirum ut ex præcedentibus æstimemus consequentia, & singuli parent se quo consilire possint in die malo. Pertinent autem in his quædam peculiariter ad fata Hierosolymorum gentisq; Iudaicæ, quædam ad postrema sæcula propter similitudinem, quædam quidem ad discipulos primitiuamq; ecclesiã, quædam uero ad omnes omnium sæculorum ultimarum maxime homines. De quibus copiosius differui apud Matth. in cap. 24.

Porro cum uideritis abominationem desolationis, de qua dictum est à Daniele propheta, stantem ubi non oportet, qui legerit, intelligat. Tunc qui fuerint in Iudæa, fugiant in montes: qui uero fuerit in tecto, ne descendat in domum, nec ingrediatur ut quicquam tollat è domo sua. Et qui fuerit in agro, ne reuertatur retro ad tollendum pallium suum. Væ autem prægnantibus & lactantibus in illis diebus. Sed orate ne fiat fuga uestra hyeme. Erunt enim dies illi talis afflictio, qualis non fuit à primordio rerum conditarum, quas condidit deus, usq; ad hoc tempus, nec futura est. Et nisi dominus decurtasset dies, hauquaquã seruata fuisset ulla caro: sed propter electos quos elegit, decurtauit dies. Actum si quis uobis dixerit, Ecce hic Christus, ecce illic, ne credatis. Exorientur enim pseudochristi & pseudoprophetæ, & ædent signa ac prodigia ad decipiendum, si fieri possit, electos. Vos autem caute: ecce prædixi uobis omnia.

His fermè ad eam quæstionis partem respondet, qua de excidio Hierosolymorū fuerat rogatus. Sed & consilium dat fidelibus, quomodo se gerant in illis turbis. Consolatur item quos comprehendit & inuoluit malū, prædicens non admodum diuturnas fore calamitates, alioqui maximas & exemplo carētes. Hæc omnia copiose satis, opinor enarraui apud Matth. in cap. 24. ut iam nihil uideatur adijciendum amplius. Paraphrastes postrema illa non infelicitè enarrans, Tantum, ait, caute, ne pro me aliū Christum complectamini. Plus erit periculi ab impostoribus quàm à persecutoribus. Exorientur enim in illis diebus pseudochristi, qui sibi meū nomen meamq; personam falsò uendicabunt. Exorientur & pseudoprophetæ, qui fucata sanctimonie specie se mentientur esse prophetas, magicisq; prodigijs & dæmonū arte adumbratis miraculis imitabuntur prophetas ac me, sic ut eiusmodi præstigijs falli possint, si qua uis ualeret aduersus deum, etiam electi. Itaq; si quis uobis dixerit, Ecce hic est Christus, ne credideritis: aut si quis aliò reuocās dixerit, Ecce hic est, quemcunq; uobis locum demonstrauerit, quemcunq; speciem aut cultum, nolite credere. Christus enim ubi semel terras reliquerit, non poterit ostēdi digitis, sed in animis latebit, & ex his indicijs agnoscetur, si cuius uita referat Christi doctrinam. Cæterū in fine mundi Christus nō ueniet quemadmodum nunc uenit, sed subito præter omnium expectationem ostēdet sese, fulguris in morem è sublimi terribilis impijs qui conijcientur in

ignem aeternum, amabilis pijs qui uocabuntur ad cœlestis regni cōsortium. Vos igitur si incideritis in hæc tempora, cauete ne pro me, Christum aliquem emētutum amplectamini. Ecce prœdixi uobis omnia. Superest ut memineritis. Huc uero puto pertinere & illud Theophylacti dicentis, Quia impleuit quæ ad Hierusalem attinēt, incipit igitur nunc de aduentu Antichristi dicere. Quod autem dicit Tunc, ne intelligas quod quando fiunt ea quæ supra dicta sunt de Hierusalem, tunc inquā si quis uobis dixerit, ecce hic Christus, ne credatis, sed scito quod scripturæ proprietates hæc est. Sicut & Math. post genealogiam Christi dicit, In diebus illis aduenit Ioānes. Quibus diebus? num mox sequentibus post Christi natiuitatem? Non, sed indefinite. Sic igitur & hoc loco dicit Tunc, non quando Hierusalem desolata fuit, sed per tempus aduentus Antichristi, ne seducamini. Multi enim prætendent nomen Christi, &c.

Cæterum in illis diebus, post afflictionem illam, sol obtenebrabitur, & luna non dabit splendorem suum, & stellæ cœli decident, & uires quæ in cœlis sunt, concutientur, & tunc uidebunt filium hominis uenientem in nubibus cum potestate multa & gloria. Et tunc mittet angelos suos, & aggregabit electos suos, à quatuor uentis, ab extremo terræ usq; ad extremum cœli. A ficu uero discite similitudinem, cum ramus eius iam tener fuerit, produxeritq; folia, scitis prope esse æstatem. Sic & uos cum uideritis hæc fieri, scitote prope esse in foribus. Amen dico uobis, non præterierit natio hæc, donec omnia hæc facta fuerint. Cœlū & terra præteribunt, sed uerba mea non præteribunt.

De consummatione sæculi. Plenius & significantius per hæc disputat dominus de cōsummatione sæculi, deq; stupendis prodigijs ac moribus siue turbis iudicium extremū præcedentibus, simul etiam cum ipso concurrētib. Adumbratur & iudicij modus, describitur iudex, indicatur & mortuorum resurrectio. Nos rursus relegamus lectorem ad 24. Matt. *Iudicium & resurrectio mortuorum.* raphraestes breuiter & perspicue iudicium & resurrectionē mortuorum complexus dicit, His peractis subito uidebunt omnes qui uixerint, filium hominis nunc humilem & contemptum, emicantem in altissimis nubibus cum potestate multa & gloria patris & innumeris angelorum copijs. Tunc emittet angelos suos, qui nullum electum patientur abesse, sed omnes undiq; colligent, seu uiuos seu mortuos, subito in uitam reuocandos, omnia mystici corporis membra suo capiti aggregaturi, ut qui fuerant consortes afflictionum ob euangelium, consortes sint æternæ felicitatis. Nec refert quo deuolarint animæ piorum, quo proiecta fuerint corpora, reperientur ab angelis, & colligentur à quatuor mundi plagis, rursus à summo polo cœli usq; ad imum. Suo quæq; anima corpori iungetur, & suo capiti sociabuntur omnes pariter electi. His conformia tradēs Ioannes in Apocalypsi, Et uidi, ait, thronum magnum, candidum, & sedentem super eum, à cuius conspectu fugit terra & cœlum, & locus non est inuentus eis. Et uidi mortuos magnos & pusillos stantes in conspectu dei: & libri aperti sunt, & alius liber apertus est qui est uitæ, & iudicati sunt mortui ex his quæ scripta erant in libris secundum opera illorum. Et dedit mare mortuos, qui in eo erant, & mors & infernus dederunt eos qui in ipsis erant, & iudicatum est de singulis secundum opera ipsorum. Apoc. 20.

Solus deus nouit horam extremi iudicij. Diem autem illam & horam nemo nouit, ne angeli quidem, qui in cœlo sunt, nec ipse filius, sed solus pater. Quia uero curiositas hominū de ipsa die extrema extremeq; dici puncto sciscitari poterat,

poterat, quo uidelicet die, & quo dici articulo uenturus sit iudex, preoccupat ac dicit, hoc arcanū soli sibi reſeruaffe patrem. Hinc intelligimus noſtrum eſſe nihil porro indagare curioſius, ſed quoniam ſcimus uenturum illum diem, ut in ſingula momenta parati, illam expectemus. Quomodo autē ſolus pater norit, filius ignoret diem illā, expoſuimus apud Matt. in cap. 24. Quibus lucis & ueritatis gratia adiſcimus nō inuilia hæc ex 9. lib. cap. 4. Theſauri beati patris Cyrilli, qui cōtra Arianos & alios hæreticos contendentes filium patri non eſſe coequalē, diſputans, Vltimam diem, inquit, ignorare diſpenſando dixit, ut hominī quem aſſumpſit congruentia diceret. Hominis enim naturæ propriū eſt ignorare futura. Neceſſariū igitur eſt ad intelligendas recte ſcripturas, tēpora conſiderare in quibus dicta ſunt quæ ſcribuntur. Sic enim facile poterimus errores euitare, præſertim in uerbis ſaluatoris. Si ergo ante incarnationem humile aliquid dei filius dixiſſe inueniretur, ratiocinari quiſpiā ueriſimiliter forſan poſſet de deitate ipſius uerba fieri, ſin uero quādo caro factus eſt humano more loquitur, ut uere ſe hominē factum oſtendat, inconueniens eſt deitati ſuæ accommodare illa, quæ ipſe ut homo protulit, quod certe nemo facit qui diſpēſationis ſuſcipit modum. Nam ſi homo factus nō ſit, cuncta ut deus loquatur; ſin autem factus eſt homo, concedatur ut more hominū etiam loquatur. Et mox, Non oportet igitur propter hanc uocem ignorationem dei uerbo inurere, ſed potius miſericordiam eius admirari, quod nō recuſauerit propter nos ad tantam humilitatem deſcendere, ut omnia noſtra, & ipſam etiam ignorantiā humanam ſuſciperet. Et iterum poſt argumenta aliquot, Sed interrogandi hæretici ſunt, quid facient quando ſaluator dicitur eſuriſſe, ſituiſſe, laboraſſe ex itinere, dormiſſe ingreſſus in ſcapham, audebuntne dicere uerbum dei hæc eſſe perpeſſum: an hæc humanitati ſuæ attribuēt, & uerbum dei ab iſtis liberabūt? Sicut ergo uoluit tanquam homo fame & ſiti, cæterisq; huiuſmodi laborare, ſic etiam ut homo diem illum ignorat. Aliquādo enim ut deus, aliquando ut homo loquitur, ut & deum & hominē ſe uerum oſtendat. Vt deus dixit ad diſcipulos, Lazarus amicus noſter dormit, cum nullus ei nunciaſſet. Vt homo, cum ad ſores Lazari longo peractō itinere perueniſſet, interrogabat, Vbi poſuiſtis eum? Qui longe abſens mortuum eſſe ſciebat, quomodo iam præſens locum ignorabat ubi corpus Lazari erat? Non enim eſt ueriſimile illud cum ſciuiſſe, & hoc ignorare, ſed utrumq; ut deus ſciuit, & utrumq; ut homo ignorauit. Ita igitur diem illum etiam & horam, & ignorat & ſcit, alterum ut homo, alterum ut deus. Hæc Cyrillus hucuſq;.

*Diſtincta in
Chriſto naturæ
in perſona indi
uiſa.*

Cauete, uiſilate, & orate. Nescitis enim quando tempus ſit. Sicut homo qui peregre agit, relicta domo ſua, deditq; ſeruis ſuis poteſtatem, ac ſuum cuiq; opus, ianitori mandauit, ut uiſilaret. Vigilate igitur. Nescitis enim quando dominus domus uenturus ſit, ueſperi, an medio noctis, an in gallicantio, an diluculo, ne ſi uenerit repente, offēdat uos dormientes. Cæterum quæ dico uobis, omnibus dico, Vigilate.

Concludit hunc locum dominus, docens quid ſancti in hiſce turbis & expectatio ne iudicis & iudicij faciant. Cauete, inquit, ab illis, nimirum à quibus huc uſq; cauere iuſſi, à pseudoprophetarum impoſturis, ab inſyncera & corrupta religione, & ab omnibus ijs quæ doctrinæ ſanæ contraheniunt. Vigilate item animo præſertim & corpore, ne ſomnus aliquis ſathanicus mundi aut carnis abreptos, caligini noctis æternę immergat. Orate quoq; ut uires & facultates iuſtas ſuppetat ille, ſine cuius numine & auxilio nihil poſſumus ſancti, ſani & integri. Appēdit et cauſam quæ nos ad hanc diligentem excitet uiſiliam. Nescitis quando illud appetat tempus, in quo uel iudex de improuiſo ueniat, uel moriendum ſit nobis, reddendaq; ratio de omnibus dictis,

Docetur uigi-

Partes noctis.

factis atq; cogitationibus. Proinde in singula uigilandum erit **momenta, quando non** liceat uobis uel momento esse securis. His denuo connectit & elegantem parabolā. Vestra, inquit, res perinde habent atq; seruorum, qui à domino potestatem acceperunt administrandæ domus, inter quos ianitor in primis mandatum accepit uigilandi contra furem nocturnum. Quemadmodum ergo singuli suum faciunt officium, ianitorq; sedulo & peruigil excubat, ita à uobis quoq; requiro ante omnia diligentem & fidelem uigiliam. Discedo enim & ego corpore, rediturus rursus suo tempore in iudicium. Ac hic nullam præscribo diem certam, nullum definitum tempus indico, duntaxat edico me uenturum certissime, & incerto quidem tempore. Semper itaq; uigilate expectantes meum illum aduentum. Plura require de his ex 24. & 25. cap. Matth. *Partes noctis* nominat Vesperam, Mediā noctem, Gallicinium, & Diluculum. Caterum grammatici tradunt, ueteres noctem in hunc modum diuisisse, Occidente sole dicebatur uespera, ab eo tempore prima fax, deinde concubia & in tempesta, quod noctis est medium. Mox inclinatio noctis, deinde gallicinium, inde conticinium, cum & galli conticescunt & homines etiamnum quiescunt. Post hæc diluculum, quo rarescunt tenebræ, deinde mane clarum, &c. Intelligit per hæc omnia & singula temporis momenta. Rursus ne quis nihil ad se pertinere putaret quod discipulis dictum est, subiicit ueluti epiphonema quoddam, Quod uobis dico, omnibus dico. Quid? Vigilate. Id nimirum quod iam inculcauit toties. Merito semper sonat nostris in auribus uox illa domini, Vigilate. Ad singulos enim diserte dirigitur, & dicat nobis quid tota uita nostra agamus. Vita nostra militia est super terram: perpetuæ ergo excubiæ seruandæ sunt. Ita uero claudit bonam euangelicæ historiæ partem Marcus, quam Passioni & Resurrectioni præmittit. Quasi diceret, Quid uero pluribus porro opus? Audistis quid requirat à uobis dominus, tenetis quid agatis, perspicuum est quod omnium operum nostrorum rationem poscet supremus iudex uiuorum & mortuorum Christus, & quod omnibus uobis de omnibus dictis & factis reddenda sit ratio, uidete ergo etiam atq; etiam ne segnes & socordes, securi atq; negligentes sitis. Scitis quis uobis sufficiat uires bene & recte agendi. Intelligitis quid rectum sit, quid prauum. Sectemini ergo recta, fugite praua, orate deum omnis boni largitorem, ut uires recta faciendi conferat, quodq; reliquum est semper uigilate, expectantes in singula momenta redemptorem & liberationem uestram sempiternāq; uitæ requiem.

COMMENT.

COMMENTARIORVM IN

EVANGELIVM SECVNDVM MARCVM

LIBER SEXTVS.



DESCENDIT iam Marcus ad absolutam salutis nostræ perfectionem, nempe ad salutis sacrificij & redemptionis nostræ per mortem Christi, descriptionem, in qua primum recenset causas mortis, quod uidelicet attinet aduersarios Christi, sacerdotes inquam & iudam proditorem, qui cæcatus auaritia & inuidia uendidit uilissimo pretio dominum. Deinde commemorat extremam illam cœnam, in qua dominus acriter iude flagitium protrahens accusat, ac sacramentum & memoraculum nostræ redemptionis instituit. Inde egreditur in montem oliuarum, in itinere differt de graui illo offendiculo, quo collapsuri sint discipuli, Petrus in primis. In monte uero suppliciter orat patrem, discipulos autem dormitantes excitat. Interim accelerat cum cohorte sacerdotum iudas, osculoq; tradit dominum, qui protinus à seclerum ministris capitur. In ea turba Petrus, exempto gladio, pugnat, nequicquam. At dominus uim iniustam hostium grauitè increpat. Sed abducitur uinctus ad summum pontificem. Pontifex protinus cogit consilium seniorum sacerdotumq; contra dominum. In eo inquiruntur falsi testes in exitum Christi, sed frustra. Consurgens autem summus pontifex, mortis causam questione ex Christo elicere cupit, ac rogat, num ipse sit dei filius Messias uerus? Quo annuente confirmanteq; fertur in ipsum protinus à toto consilio sententia capitalis. Interea uero negat dominum Petrus in atrio pontificis. Diluculo facto abducitur Iesus ad Pilatum præfidentem. At hic tentat expeririq; uariis, si cum quem innoxium esse intelligebat, liberare posset. Verum improbis populi uicibus clamoribus, flagellatum Iesum tradit militibus crucifigendum. Abducitur ergo in locum Caluarie, ubi inter duos latrones medius crucifigitur, uariisq; & tormenta & ludibria expertus, tandem expirat. Aeduntur mox supenda prodigia, quibus permotus Centurio, pronunciat Christum esse filium dei. Ad uesperam uero eius diei sepelitur decensissime à Iosepho uiro honesto & pio. Caterum tertia die resurgit ex mortuis, morte calcata. Id quod significauit mulieribus ad sepulchrum uenientibus exponitur ab angelo. Postea Marcus historiam suam de Christo cœptam breuibus absoluit, colligit atqueq; certa quedam argumenta seu euidentia testimonia, quibus approbet dominum uere resurrexisse ex mortuis. Postremo autem omnium exponit tria maxima religionis nostræ capita, ultimum uidelicet commissum domini, quo æconomiam ordinauit ecclesiasticam. Deinde Ascensionem domini in cœlos. Hinc fidem apostolorum domini exaltissimam & successum felicem. Ita enim singula exequuti sunt uti mandarat dominus, ac dominus cooperatus est ipsis, ut sanctissima mox in orbe emerferit ecclesia.



Rat autem pascha, & azyma post bîduum. Et quærebant summi sacerdotes & scribæ, quomodo eum per dolum comprehensum occiderent. Dicebant autem, Non in die festo, ne tumultus fiat populi.

Attingit mortis dominicæ alteram ex causis pendentibus uidelicet ex hominibus, sacerdotum inuidiam & corruptelam extremam. Plura huius negotij inueniet, qui uolet, apud Matth. in cap. 26. & apud Ioan. in cap. 11.

Et cum esset Bethaniæ in domo Simonis leprosi, accumbente eo, uenit mulier habens alabastrum unguenti nardi pisticæ pretiosæ, & comminuto alabaistro, effudit illi in caput. Erant autem qui indignabantur apud sese, dicentes, Quorsum facta est hæc unguenti perditio? Nam poterat hoc uendi pluris quàm trecentis denarijs ac dari pauperibus. Et fremebant aduersus illam. At Iesus dixit, Sinite illam, cur illi molestias exhibetis? Bonum opus operata est erga me. Semper enim pauperes habetis uobiscum, & quandocunq; uolueritis, potestis illis benefacere, me uero non semper habetis. Quod potuit hæc, fecit, præoccupauit ungere corpus meum

ad sepulturam. Amen dico uobis, ubicunque prædicatum fuerit euangelium hoc in totum mundum, etiam hoc quod fecit hæc, dicetur in memoriam ipsius.

Judas proditor. Altera mortis dominicæ causa attexitur, Judæ infelicis & perditæ inuidia & auaritia, quæ iam olim quidem fuerat in pectore sordidissimo, nunc autem occasione oblata inardescit magis ac erumpit. Illustrauimus hanc historiam pro nostra tenuitate in Commentarijs ad Matth. qui eadem totidem ferè uerbis annumerat, nisi quod Marcus paulò est copiosior. Theophylactus disputat hic de Marijs. Verba eius, si quis requirat, hæc sunt. Videtur quibusdam una esse Maria, sed non ita est. Nam duæ sunt. *Duæ Mariæ.* Vna quidem quæ apud Ioannem commemoratur & Lazari soror est. Altera quæ à reliquis tribus memoratur. Veruntamen attende & intelliges quod tres sunt. Apud Ioannem quidem una, apud Lucam alia, & apud duos illos adhuc una alia. Nam illa quæ apud Lucam commemoratur, meretrix erat, & in medio prædicationis Christi ad Christum uenit. Quæ apud Matthæum nominatur, tempore passionis, & non dicitur meretrix, &c. Caterum propter huiusmodi causas nequaquam arbitror contentionis funem esse ducendum, sicut & illorum proteruia merito improbat omnes bonis, qui mox pro hæreticis damnant, qui studio indagandæ ueritatis aliquid proferunt in medium de tribus Marijs, quasi ipsi demum hæc confinxerint, cum uideas & Theophylactum his, non calumniatoribus illis, accedere. Verum de his alij.

Et Judas Iscariotes unus è duodecim, abiit ad summos sacerdotes, ut proderet eum illis. Hoc autem illi audito, gauisi sunt & polliciti sunt ei pecuniam se duros. Et quærebat quomodo opportune illum traderet.

Absoluitur iam opere destinatum conceptumque ex inuidia & auaritia flagitium crudelissimum. Nam affectus consultor pessimus, qui ad occasionem oblatam hucusque delituerat, nunc aperta uia prorumpit in scelus. Abiit enim Judas præceps in exitum, atque dominum suum male gratus, imò impiissimus discipulus, uendit & prodit.

Ac primo die azymorum cum pascha immolarent, dicunt illi discipuli ipsius, Vbi uis ut profecti paremus, ut edas pascha? Et emittit duos è discipulis suis, & dicit illis, Ite in ciuitatem; & occurret uobis homo, fictile uas aquæ baiulans, sequimini illum, & quocunque ingressus fuerit, dicite patrifamilias, Magister dicit, ubi est diuersorium, ubi pascha cum discipulis meis edam? Et ille uobis ostendet coenaculum magnum, stratum, paratum, illic parate nobis. Et exierunt discipuli eius, & uenerunt in ciuitatem, & repererunt quemadmodum dixerat illis, paraueruntque pascha.

Descendit modo ad descriptionem cænæ salutaribus doctrinis refertissimæ, ante omnia indicans per quos, ubi, & quomodo parata sit. Lucas nominatim exprimit discipulos illos Petrum & Ioannem. Iubet ingredi urbem. Nam extra Hierosolymorum urbem nephas erat immolare pascha, Deut. 16. De prouidentia dei & mirifica prædictione domini, dixi apud Matth. 26. cap. Quemadmodum uero pascha non immolatur, ita non editur. Nam pascha est transitus seu transilitio. Hæc uero nec editur, nec sacrificatur. Illud autem quod memorie testificationisque gratia institutum est, agnus, & editur et immolatur. Solet enim scriptura signis rerum dare nomina. Id quod iam sæpe annotauimus.

Et cum aduersperauisset, uenit cum duodecim, cumque accumberent cederentque,

*Pascha editur
& immolatur.*

rentq̃, dixit Iesus, Amen dico uobis, Vnus ex uobis me proditurus est qui edit mecū. At illi cœperunt affici mœstitia, ac dicere illi sigillatim, Nunquid ego? Et alius, Nunquid ego? Ille uero respondens, dixit illis, Vnus ē duodecim qui intingit mecum in catinum. Filius quidem hominis abit, sicut scriptum est de ipso. Vx autem homini illi, per quem filius hominis proditur. Bonum erat illi, si natus non fuisset homo ille.

Primum quod in cœna agit dominus, increpat & protrahit indignum Iudæ faci- *Protrahitur cinus, si forte is in semetipsum descendens aliquid cogitaret de pœnitentia. Vtile e-* *scelus.* nim est in ecclesia per frequenter incusare scelera & obiurgare flagitiosos, si forte concedat ipsis dominus pœnitentiam. Perniciosissimum est uitij & facinoribus parcere & quodammodo palpare formidoloso silentio. Plura alia quoq; discuntur ex hoc loco, sicut uidere licet apud Matth. in 26. cap.

Et edentibus illis, sumpto Iesus pane, cum benedixisset, fregit, & dedit illis, ac dixit, Accipite, comedite, hoc est corpus meū. Et accepto poculo cum gratias egisset, dedit illis, Et biberunt ex eo omnes. Et dixit illis, Hic est sanguis meus noui testamenti, qui pro multis effunditur. Amen dico uobis, posthac haudquaquam bibam de fructu uitis, usq; ad diem illum, cum illum bibam nouum in regno dei. Et cum hymnum dixissent, exierunt in montem oliuarum.

Postquam abunde satis monuisset proditorē, & is non resipisceret, relinquit *Instituitur cœna illud suæ conscientia & deo suo iudicandum, ipse uero nihilominus in cœptis insti-* *dominica.* tutisq; diuinis pergit, ac modo instituit in locum paschæ, quod aboleuit, Cœnam mysticam, sacramentum corporis traditi & sanguinis effusi pro nobis, redemptionis nostræ memoraculum testimoniumq; atque eucharistiam siue gratiarum actionem, unā cum fœderatione. De quibus dixi in Commentarijs meis ad Matth. 26. cap. Recte autem Erasmus in Annotationibus suis, Benedicere, inquit, non est pingere gestu manus signum crucis, sed laudes deo canere, & uerba boni ominis dicere. Nam *Benedicere quid? & calix benedictionis quid?* non Eras. modo, sed & euangelistæ utuntur uocabulo gratiarum actionis. Vbi enim Marcus habet *ἁγιάζεις*, Matthæus, Lucas & Paulus habent *ἁγιάζεις*, quo uerbo & Marcus paulò post ipse utens dicit, Et accepto poculo *ἁγιάζεις*, cum scilicet gratias egisset, dedit illis. Quis ergo non uideat benedicere aliud non esse, quàm gratias agere & laudes deo canere? Sumptum est hoc ex ueteri idiomate. Quoties enim legas in Psalmis benedicendi uerbum pro celebrandi & gratias agendi accipi? Id quod propter eos tam diligenter moneo, qui uerbis prolatis nescio quam uirtutem tribuunt, eo quod Marcus dixerit dominum benedixisse, & Paulus appellet, panem & poculum, panem & poculum benedictionis: quasi uero non intelligamus id perinde ualere ac si dixisset, panem & poculum gratiarum actionis quibus gratias agimus, id est, in quorum celebratione & usu gratias agimus, sicuti & dominum uidemus gratias egisse, nulla autem pronunciasse uerba aut uerborum panem conueruisse in carnem. Verbis aliam uim quàm significandi, docendi, admonendi, testificandi, & quæ alia huius generis sunt tribuere, est incantationis crimen firmare. Proinde parum refert siue sentias apostolos primum quidem bibisse ex poculo, mox audisse quæ adiecit dominus, Hic est sanguis meus &c. quem sensum uidetur sequutus esse Marcus: siue sentias primum quidem pronunciasse dominum, Hic est sanguis meus &c. deinde uero bibisse poculo. Nihil enim uideo

periculi, nisi quod Papistæ fingunt cum sua illa consecratione. Certe si standum est *Tropus in uerbis* nudis euangelij uerbis, Marcus ait discipulos peculum bibisse mysticum, ante consecrationem. Si uero eum modum explicare libet per tropum (cui nihil reclamauero) nempe per hypallagen, siue hysterologiam, qua iustus ordo rerum gestarum turbatur, uel inuertitur, ut cum posterius factum aut dictum narratur, quod prius factum est, admissi sunt certe tropi in contextum uerborum cœnæ domini. Cur ergo damnantur à magistro in sententijs pro hæreticis, qui uerbum cœnæ, Hoc est corpus meum, explicant per tropum? Cur clamant nonnulli nullum tropum in uerbis cœnæ admittendum? An uero licet comminisci tropum in loco aliquo, & in simili non licet? Quid clarius, quàm quod de poculo iuxta literam, non de uino dicitur, quod sit & sanguis, & testamentum Christi? Lucas enim, Hoc poculum nouum testamētum, ait, in meo sanguine. At quis hæc non explicarit per synecdochen nisi qui poculum pro uino bibere malit? Hæc annoto paucis, ut uideant uiri boni & cordati, quàm inique nobiscum agatur hodie, qui troporum beneficio & auxilio quedam huius cœnæ mysticæ explicamus. Sed de his aliàs abunde satis disputatum est. Theophyl. arbitratur dominum non tantum precandi gratia exiisse in montem oliuarum, sed ne qua oriretur turba, si caperetur in urbe &c.

Et dicit illis Iesus, Omnes offendemini in me in nocte hac: quia scriptum est, Percutiam pastorem, & dispergentur oves: sed posteaquam resurrexero, præcedam uos in Galilæam. Petrus autem dixit illi, Etiam si omnes offendantur, non tamen ego. Et dicit illi Iesus, Amen dico tibi, hodie in nocte, hac, priusquam bis gallus cecinerit, ter abnegabis me. At ille uchementius dicebat, Imò si me oportuerit commori tibi, haudquaquã te abnegauerim. Similiter autem & omnes dicebant.

Petri temeritas. Prædicit iam in itinere discipulis quid sint passuri, & adhibet uaticinium propheticum, quod explicat. Addit & consolationem. Porro in Petro apparet humana & imbecillitas & arrogantia siue temeritas. Et quia hæc ualde displicet domino, coarctet illam uerbis & prædictione turpis abnegationis. Ter, inquit, negabis me priusquam gallus bis cecinerit: id est priusquam tertia noctis pars præterierit, ter me negauisti. De partibus noctis dixi aliàs. Nec solus Petrus pollicetur splendide, idem faciunt & cæteri, sed dilabuntur fuga, & ipsi negaturi dominum, si ita fors tulisset, ut in tales incidissent aduersarios, in quales inciderat Petrus. Sed hæc est fors humanæ imbecillitatis & miseriæ. Beatus qui agnoscit, humiliter sapit, sibi suisque uiribus minimum aut planè nihil tribuit, sed totus ab auxilio & misericordia dei dependet.

Et ueniunt in locum cuius nomen Gethsemani. Et dicit discipulis suis, Sedete hic donec digressus orauero. Et assumit Petrum, & Iacobum, & Ioannem secum, cœpitque expauescere & angi. Et dicit illis, Dolo afficitur anima mea usque ad mortem: manete hic & uigilate. Et progressus paululum, prolapsus est in terram, & orabat, ut si fieri posset, transfirer ab ipso hora: & dicebat, Abba pater, omnia possibilia sunt tibi, transfer poculum hoc à me: ueruntamen non quod ego uelim, sed quod tu. Et uenit & offendit eos dormientes: dicitque Petro, Simon, dormis? non potuisti unam horam uigilare? Vigilate & orate, ne incidatis in tentationem, Spiritus

tus quidem promptus est, at caro infirma. Et rursus digressus, orabat, & eundem dixit sermonem. Et reuersus inuenit eos rursus dormientes. Erant enim oculi eorum grauati, neque sciebant quid illi responderent. Et uenit tertio, dicitque illis, Dormite posthac, & requiescite. Sufficit. Venit hora, Ecce traditur filius hominis in manus peccatorum. Surgite, camus. Ecce proditor mei appropinquat.

Exponit porro quid gestum & dictum sit in itinere uersus montem oliuarum, præ *De pauore* fertim quomodo pauore correptus dominus secum luctarit. Fuit illi hæc lucta longæ *Christi domini.* grauissima. Marcus enim *καὶ ἀδύνατον*, cœpit, inquit, angere siue afflicteri, non tantum expauescere. Significat enim uox Græca impotenter angere mente, ita ut præ dolore ipsi creptus concidas, & quid agas nescias. Tam uidelicet uere uerum & naturalem hominem induit ipse dei filius nobis per omnia consubstantialis, qui uere & serio, non fecte neque leuiter sed grauissime indoluit & afflicatus est. Vnde non immerito ab Isaia propheta nuncupatus est uir dolorum. In his autem ærumnis & anxietatibus proxima confugit ad deum patrem tanquam in asylum tutissimum atque unicum omnium mœstorum afflictionumque consolatorem fidelissimum. Huic supplicat intentissime. Consule Comment, nostros in Matt. Ibi subindicauimus quosdam interpretum hæc domini uerba, Dormite posthac &c. sic enarrare, quasi dominus aliquid suis concesserit quietis, quos tamen in aduentu cohortis rursus excitauit dicens, Sufficit. Venit hora. Atque hunc sensum uidetur prima fronte exhibere Marcus, sed expensis collatisque omnibus uidetur dominus grauiter increpasse suos ac per ironiam dixisse Dormite &c. Ad quem modum & Theophylactus exponens dicit, Per ironiam hæc loquitur: quia sciebat uenire proditorem &c. Ceterum si quis omnino contendat permissu domini illos dormiuisse aliquantisper, non admodum reclamauero. Non enim uideo quid absurdi & impij ex eo sensu sequatur: imò commendabit nobis factum domini benignitatem diuinam sanctamque indulgentiam, qua fit ut in media infirmitate concedatur nobis aliquid, nec ad uiuum & rigide requiratur à nobis protinus indolentia Stoicorum.

Et continuo adhuc eo loquente accedit Iudas, qui erat unus de duodecim, & cum illo turba multa, cum gladijs & fustibus à summis sacerdotibus, & scribis & senioribus. Dederat autem proditor eius commune signum illis, dicens, Quemcumque osculatus fuero, is est, comprehendite illum & abducite caute. Et cum uenisset, protinus accessit ad illum, dicitque ei, Rabbi rabbi, ac de osculatus est eum. Illi uero iniecerunt in illum manus suas, & comprehenderunt eum.

Describit porro Marcus quomodo dominus post preces confirmatus & confortatus, alacri animo obuiam ierit morti & tormentis, proditus item traditusque ab intimo discipulo, captus sit à ministris non sacerdotum, sed scelerum. Omnia explicata sunt in Comment. ad Matth. Id uero sordidam & extremam Iudæ avaritiam arguit, quod tam anxie sollicitus est ne elabatur, Quemcumque, inquit, osculatus fuero, is est Iesus quaesitus à nobis, uos illi manus iniicite, & abducite caute, prudenter, exactaque custodia, ne uidelicet elabatur. Nam hinc conijcimus sacerdotes cauisse ne numeraretur pecunia, nisi Iesus esset comprehensus. Typum gerit Iudas omnium eorum qui in rebus quibuscumque respiciunt ad questum & ut numeretur pecunia, nulla inte-

rim habita ratione ullius sceleris, crudelitatis, atrocissima uero rei. Qui istiusmodi sunt, prefricuerunt frontem, nec porro erubescere norunt. Et quod ingeminat uocem Rabbi rabbi, significationem pre se fert animi ardentissimi impenseque magistrum diligentis uenerantisque. Tantum scilicet malum est hypocrisis, tantum malum est auaritia. Obstandum ergo principijs est, ne nos precipites in qualibet flagitia det maleuada & inexplebilis semper auaritia.

Vnus autem quispiam astantium, educto gladio, percussit seruum summi sacerdotis, & amputauit eius auriculam. Et respondens Iesus dixit illis, Tanquam ad latronem existis cum gladijs ac fustibus ad comprehendendum me: quotidie eram apud uos in templo docens & non comprehendistis me; sed ut adimpleantur scripturae.

Vincitur dominus.

Addit paucis Marcus quae acciderint in turba furiosa qua dominus uinctus est. Principio non tam feliciter quam animose pugnat Petrus; qui tamen mox reprimatur a domino. Explicata haec sunt in 26. capite Matth. & Iean. 18. cap. Nescio quam uere arbitretur Theophyl. Petri nomen non expressisse Marcum, ne nimium laudaret praeceptorem. Sed abundet quisque suo sensui. Deinde grauiter accusans obiurgat hostium uim iniustam, demonstrans ipsis quod contra aequum ius & iustas designent, quod faciunt. Quae & ipsa exposita sunt apud Matth. Abruptus uero sermo est, Sed ut adimpleantur scripturae; subaudiendum itaque, Haec fiunt a uobis, ut adimpleantur &c. Porro notum est loquutionis genus, Ut impleantur scripturae. Nam ministri sacerdotum non capiebant indignisque modis tractabant dominum, ut sic satisfacerent scripturae, quam uel ignorabant, uel cui non credebant. Sed diuina ordinatione sic gestae sunt res omnes ab aduersarijs domini, ut gerendas praedixerant prophetae. Diuersis autem mentibus accedebant, qui res hic gerebant. Nam alius aliud spectabat. Dominus uoluit ita genus humanum redimere. Iudas uoluit sibi parare pecuniam. Ministri uoluerunt ministerio suo sibi demereri dominos. Erant qui cuperent animi explere libidinem. Deus autem in his omnibus generis humani operatus est salutem, ordineque deduxit omnia aequissimo, bona merita coronans, iniusta facta iuste puniens, ubique ueritatem suam infallibilem liberans. Si uero quis locum requirat qui praedicat filium hominis capiendum a peccatoribus, occurrit cap. Isaiae 53. occurrit & illud Ieremiae à Threnis ex capite 4. Spiritus faciei nostrae Christus domini, captus est in retibus eorum; de quo nos dicebamus, In umbra eius uiuimus inter gentes. Reuera enim Christus dominus spiritus est faciei nostrae aut narium nostrorum, id est deus uerus per quem uiuimus, in quo sumus, is est respiratio ac refocillatio nostra. Sequitur enim, In umbra eius uiuimus inter gentes. Ligatus est itaque ut nos resolveret a reatu ac morte, uiuificaretque & conseruaret ipsi gloria in saecula saeculorum, Amen.

Matth. 11.

Et relicto illo, omnes fugerunt. Et unusquispiam adolescentulus sequebatur illum circumamictus sindone super nudum, & comprehenderunt illum iuuenes. Ille uero relicta sindone, nudus effugit ab illis.

Adolescens nudus effugit.

Maximi metus singulare exemplum hoc est, quod omnes discipuli fuga celeriter eaque turpi sibi ac uitae suae consulunt, in primis autem quod adolescens ille relicta in manibus persequutorum sindone, nudus est elapsus. Dubium autem est an nudo omnibusque uestibus detecto corpore, effugerit, an nudato modo corpore extrema ueste, utpote pallio ex sindone, ut interiore nihilominus tectus, euaserit. Id quod uerisimilius esse uidetur: praesertim cum legamus etiam dominum positus uestibus

bus suis lauisse pedes discipulorum, quod sanè honestas publica exponere iubet de externis modo uestibus, quas serè aliquid acturi depenimus, quo simus expeditiores. Ita apparet hunc quoq; iuuenem pallium aut tectorium suum reliquisse in comprehendentium manibus, quo & iactura uestis uitæ suæ consuleret, & ad fugam esset expeditior. Porro Sindon inter linea uestimenta numeratur à Polluce libro 7. estq; amictus ex lino Aegyptiaco: sic dicta, quia primum in Sidone urbe huiusmodi amictus fieri cœpit, ob id Tyria à Martiale dicta. Gregorius suspicatur hunc adolescentulum fuisse Ioannem: quod tamen non est uerisimile, maxime si historiam passionis descriptam à Ioanne excutias, in qua legis discipulum illum, Ioannem nimirum, introduxisse Petrum in atrium, quod notus esset pontifici. Si autem semel elapsus fuisset è manibus ministrorum, rursus ipsos nequaquam adiisset. Theophylactus, Hic, inquit, adolescentulus erat quidam è domo ubi comederant pascha. Quidam autem dicunt illum fuisse Iacobum fratrem domini, qui cognominabatur Iustus. Hic enim una duntaxat ueste per omnem suam uitam usus est. Hæc ille. Sed quia nihil ex his omnibus certi colligas, nihil certi quoq; pronuntiabis. Neq; admodum scire refert quis fuerit: neq; admodum splēdidum aliteret fructum si sciremus. Certè si utile & salutare nobis fuisset, non tacuisset spiritus domini, qui in alijs minoribus prodigiose etiam diligens est. Hæc imagine uoluit Marcus magnam ministrorum scuitiam describere. Sunt qui putent adolescentulum quendam ex urbe prodixisse cum discipulis, pij alicuius hominis filiolum: rursus autem cum cohorte, ut sit, prodixisse alios adolescentulos, qui ex scuitia maiorum & uinculis domini ferociiores facti, inuolarint in puerum illum apostolorum comitem; ideoq; scripsisse Marcum, adolescentes comprehendisse adolescentulum sindone amictum. Quod si hi sensum assequuti sunt, relinquitur in eo nobis documentum, quid apud iuniores possit seniorum exemplum, quodq; persequutione semel cœpta, etiam ad adolescentes & omnis generis sexum perueniat, nemini tandem parcatur, adeò ut & iuuenes ferociant in æquales suos, propter dissimilis studium religionis. Et certè quod tum adumbratum est in passione domini, completur etiam hodie plusquam atrociter.

Et abduxerunt Iesum ad summum sacerdotem, & conueniunt ad illum omnes summi sacerdotes, & seniores & scribæ. Et Petrus eminus sequebatur illum, donec uenisset in atrium summi sacerdotis: & sedebat unà cum ministris, & calefiebat ad lumen.

Viam sternit nunc ad describendas res in palatio sanctissimi & summi pontificis. Ad Caiapham enim, qui tum erat summus pontifex, deducitur. *Res gestæ in Curia pontificis.* Annas quod sacerdotio tum non fungeretur, causam eius suscipere excutere iudicareq; noluit. Cocunt autem in palatio pontificis omnes doctores monachi & senatores populi Iudaici. Amoris argumentum est quod Petrus sequitur dominum: timoris quod eminus sequitur: stultitiæ & incogitantia quod inserit se gregi aulicorum pontificis. Nam calefiebat unà inter ministros ad lumen, ad ignem inquam, qui ex effectulumen quoq; appellatur: quanquam Eras. annotet Ad lumen, referendum esse ad sedens, non ad calefaciebat. Siquidem lumen illum prodidit. Vide quæ annotauerimus in 26. cap. Matth. Si uero miraris cur Marcus dicat summos sacerdotes omnes conuenisse in palatio summi sacerdotis, audi Theophylactum dicentem, Cum lex præciperet unum esse pontificem per totam uitam, multi tunc erant, ementes uidelicet quotannis à Romanis magistratibus primatum. Pontifices itaque dicunt eos, qui tempus suum iam exegerant & pontificatum deposuerant. Præterea uideri po-

terant summi sacerdotes & illi esse, qui autoritate præpollebant.

Summi uero sacerdotes & totum consilium quærebant aduersus Iesum testimonium, ut morti eum traderent, nec inueniebant. Nam multi falsum testimonium dicebant aduersus illum: nec erant satis idonea testimonia. Et quidam assurgebant & falsum testimonium ferebant aduersus illum, dicentes, Nos audiui eum dicentem, Ego diruam templum hoc manufactum, & tribus diebus aliud non manufactum extruam. Et ne sic quidem satis idonea erant testimonia illorum.

Exponit paucis quid actum sit in palatio siue consistorio summi pontificis. Summum ius & iustitiam absolutissimam, summa iniuria exquisitissimaque iniustitia opprimere conantur. Verum quo magis premittitur uirtus, hoc enitescit fortius. Inclarescit ergo in hac actione iniusta, syncerissima Christi innocentia, quæ quidem nostra sit per fidem in Christum. Cetera pete ex Comment. in Matth. 26. Obseruabis autem quod Marcus ait, καὶ ἰδοὺ αἱ μαρτυρίαι αὐτοῦ, & æqualia uel paria (interpretis uertit idonea) testimonia non erant. Ergo non consenserunt: at ex discrepantia testimoniorum solet colligi falsitas & mendacium testium. Inæqualia ergo dixit falsa, & parum idonea iusta & euidentia. Obseruabis item testium impudens mendacium, quod conficiunt adiectis aliquot uerbis, quibus & uerba & sensum uerborum domini inuertit. Nihil enim dixerat de templo manufacto, nihil de extrucone, sed dixerat, Soluite templum hoc, & in triduo excitabo illud. Tanta uero erat domini innocentia, ut nullæ artes, nulla mendacia, nulla denique sacerdotum autoritas & uis, ipsam uel tantillum labefactare posset. Vicit ergo reuera in sacerdotum iudicio, qui uinci uidebatur. Concludens enim Marcus hunc locum, Quanquam multi contra dominum proferrent testimonia, nulla tamen uisa sunt satis idonea esse, propter quæ capitalis in ipsum ferretur sententia.

Et surgens summus sacerdos in medium, interrogabat Iesum, dicens, Non respondes quicquam? Quid isti aduersum te testificantur? At ille tacebat, neque quicquam respondebat. Rursum summus sacerdos interrogabat eum, & dicit illi, Es tu ille Christus, filius illius benedicti? Iesus autem dixit, Ego sum: & uidebitis filium hominis sedentem a dextra potentis, & uenientem cum nubibus cæli. Summus autem sacerdos dilaceratis uestibus suis, dicit, Quid præterea opus habemus tæstibus? Audistis blasphemiam, Quid uobis uidetur? Illi uero omnes condemnauerunt eum esse reum mortis. Et coeperunt quidam inspuere in eum, & obuelare faciem illius, & colaphis eum cædere, & dicere illi, Diuina. Ac ministri alapas illi impingebant.

Arte & uersutia elicit pontifex quod regerat in caput saluatoris condemnatus. Itaque Marcus narrat quæ fuerit causa ob quam condemnatus sit: & quid irrogatum condemnato, quantisper propter ueritatis confessionem salutarem affectus sit contumelijs ludibrijsque. Quæ cum explicata sint Comment. ad Matth. non est quod repetam. Adicio nunc saltem quæ Paraphrastes in hunc locum dedit. Ea sunt huiusmodi, Nunc considerandum est quibus modis in talibus consilijs tractetur ueritas euangelica, ubi sacerdos impius pro deo cupiens haberi, non fert prædicari gloriam filij dei: ubi scribæ tacent quod didicerunt ex prophetis: ubi primores populi conspirant cum templi primatibus: ubi adsunt ministri militesque conducti & ad omne scelus suapte malitia parati. Iam enim ueluti rite damnatum Iesum, quidam ex illis coeperunt

Testimonia
falsa.

Damnatur Christus
a sacerdotibus.

cceperunt conspuere; alij uelo obtegere faciem eius, & colaphis impactis dicere illi, Vaticinare quis te percussit, huiusmodi ludibrijs exprobrantes illi, quod se passus esset haberi prophetam &c.

Et cum esset Petrus in atrio infra, uenit una ancillarum summi sacerdotis, cumq[ue] uidisset Petrum calefacientem se, intuita illum, dicit, Et tu cum Nazareno Iesu fuisti? At ille negauit dicens, Non noui, neq[ue] scio quid dicas. Et exiit foras in uestibulum, & gallus cecinit. Et ancilla cum uidisset eum, rursum cœpit dicere his qui astabant, Hic ex illis est. At ille rursum negabat. Ac paulò post iterum qui astabant, dicebant Petro, Vere ex illis es. Nam & Galilæus es: & sermo tuus conuenit. At ille cœpit execrari ac deierare, Non noui hominem istum de quo dicitis. Et secundò gallus cecinit. Recor datu[s]q[ue] est Petrus uerbi quod dixerat illi Iesus, Priusquam gallus cecinerit bis, abnegabis me ter: cœpitq[ue] flere.

Quæ ad expositionem huius loci pertinent, exposui pro mea tenuitate in cap. 16. Matthæi. Nulla autem discrepantia est inter Matth. & Marcum, inter Lucam & Ioan. quod attinet ancillam, locum & modum abnegationis S. Petri. De qua re alij differuerunt fusillime; sed & attentus Lector facile componet omnes ut optime inter se conueniant. Cæterum Græce multo uiuidius efficax Petri pœnitentia animusq[ue] impen-
Pœnitentia Petri
 pense faucius exprimitur, quàm allequatur interpres Latinus. Nam legis, *καὶ ὠδὴν* = *tri uera.*
λαρ ἔκλαυε, & erumpens fleuit: aut prorupit in fletum. Nam *ὠδὴν λαυ* significat etiam impetum sumere ad aliquid agendum. Marcus ergo hac uoce affectum Petri quasi oculis contemplandum obiecit. Quasi dicat, Petrus expensa indignitate rei commissæ, grauitèr indoluit, atq[ue] mox in fletum prorupit uberrimum. Sic autem reliquit omnibus peccatoribus iustum uerumq[ue] pœnitentiæ exemplum.

Et confestim diluculo consilio inito summi sacerdotes cum senioribus CAP. XV.
 & scribis ac toto confesso, uinctum Iesum abduxerunt, tradideruntq[ue] Pilato. Et interrogauit eum Pilatus, Es tu ille rex Iudæorum? At ille respondēs, dixit illi, Tu dicis. Et accusabāt eum sacerdotes de multis. Pilatus autem rursum interrogauit eum, dicens, Non respondes quicquam? Ecce quàm multa aduersus te testantur. Iesus autem nihil quicquam respōdit amplius; adeò ut admiraretur Pilatus.

Narrat porrò Marcus quæ gesta sint cum domino coram præside Pilato, cui à Iu-
Acta apud Pilatū
 daïs non nisi capite plectendū offerebantur. Singula copiosius enarrata sunt apud *Matth.*
 Matth. atq[ue] Ioannem.

Cæterum in festo dimittebat illis unum uinctum, quemcunque postu-
 lassent. Erat autem qui dicebatur Barabbas, qui cum seditionis authoribus fuerat uinctus, qui per seditionem cædem patrauerant. Et cum exclamasset turba, cœpit postulare ut hoc faceret quod semper facere consueuisset. Pilatus autem respondit eis, dicens, Vultis dimittam uobis regem istum Iudæorum? Sciebat enim quod per inuidiam tradidissent illum summi sacerdotes. Summi uero sacerdotes concitauerunt turbam, ut potius Barabbam dimitteret ipsis. Pilatus autem rursum respondens, dixit illis,

Quid igitur uultis faciam ei quem dicitis regem Iudæorum? At illi rursum clamauerunt, Crucifige illum. Pilatus autem dicebat illis, Quidnam mali fecit? At illi uehementius clamauerunt, Crucifige eum. Pilatus uero uolens turbæ satisfacere, dimisit illis Barabbam, & tradidit Iesum flagellatum ad crucifigendum.

Conatus præsidis significatur, quo nitebatur innocentem & nihil mali meritum liberare, sed frustra. Vincebatur enim ab improbitate Iudaica. Deinde nō agebat ferior Pilatus tantaq̃ constantia quanta decuisset ac opus fuerat. Copiosiora inuenies apud Matth. & Ioannem.

Milites autem abduxerunt eum intrò in atrium, quod est prætorium, & conuocant totam cohortem induuntq̃ illum purpura, & circumponunt ei quam plexerant spineam coronam, coeperuntq̃ salutare illum, Aue rex Iudæorum. Et uerberabant illius caput arundine, & inspuebant in illum, positq̃ genibus illum adorabant. Et cum illuissent ei, exuerunt eum purpura, & induerunt illum uestibus proprijs, educuntq̃ eum ut eum crucifigerent. Et coegerunt prætercuntem quendam Simonem Cyrenensem, uenientem ex agro, patrem Alexandri & Rufi, ut gestaret crucem eius.

Notauit prius quid dominus passus sit à ministris Iudeorum in palatio pontificis, iam docet quid post condemnatum dominum à ministris ethnici præsidis, gētilibus inquam, in prætorio sustinuerit deniq̃ quomodo ductus sit ad supplicium crucis. De singulis disputatum est fusc apud Matth. & Ioan.

Et ducunt eum in Golgotha locum, qui est interpretatione Caluariæ locus, dederuntq̃ illi bibere uinum myrrhinum: sed ille non sumpsit. Cumq̃ crucifixissent eum, partiti sunt uestimenta eius, mittentes sortem super illa quis quid tolleret. Erat autem hora tertia cum crucifixerunt eum. Et erat inscriptio causæ illius inscripta, Rex Iudæorum. Cum eo autem crucifigunt duos latrones, unum à dextra, & alterum à sinistra eius. Et impleta est scriptura quæ dicit, Et cum iniquis deputatus est, Et qui præteribant conuiciabantur illi, mouentes capita sua, ac dicentes, Vah, qui demoliris templum, & in tribus diebus extruis. Serua teipsum & descende de cruce. Similiter & summi sacerdotes illudentes inter sese cum scribis, dicebant, Alios seruauit, seipsum seruare non potest. Christus rex Israelis descendat nunc de cruce, ut uideamus & credamus. Et qui crucifixi fuerant cum illo, probra iaciebant in eum. Cum uero facta esset hora sexta, tenebræ ortæ sunt super totam terram usq̃ ad horam nonam. Et hora nona clamauit Iesus uoce magna, dicens, Eloi, Eloi, lama sabachthani: quod est si interpreteris, Deus meus, deus meus, cur me deseruisti? Quod quidam astantium cum audissent, dicebant, Ecce Heliam uocat. Accurrit autem quidam & impleta sponsa aceto, impositaq̃ arundini, potum dabat ei, dicens, Sinite, uideamus an uenturus sit Helias ad deponendum eum. Iesus autem emissâ uoce magna, expirauit.

Describit

Describit diligenter quid post condemnationem factum sit in loco Caluariae, *Acta in loco Caluariae.* quomodo uidelicet Christus inter latrones affixus sit cruci: quid egerit & dixerit in cruce, quæ deniq; circa ipsum gesta sint, & quomodo expirauerit tandem. Tractata sunt hæc omnia apud Matthæum & Ioannem in Comment. nostris. Ibidem disputatum est & de hora 3. & 6. qua euangelistæ dominum crucifixum dicunt. A nostra interpretatione non multum dissensit S. Augustinus, qui Tract. in Ioan. 117. Quid est, ait, quod Marcus euangelista dicit, Erat autem hora tertia & crucifixerunt eum, nisi quia hora tertia crucifixus est dominus linguis Iudæorum, hora sexta manibus militum &c. Similia tradit enarrat, in Psal. 63. De tenebris Theophyl. Tenebræ factæ sunt, inquit, non in uno loco, sed super totam terram; & siquidem fuisset tempus *Tenebræ super totam terram.* eclipsis, potuisset quis dicere, naturale fuisse deliquium, nunc autem decima quarta fuit lunæ, quando iuxta naturam deliquium fieri impossibile est. Libet hic quoq; præstantis. Christi Iesu martyris & presbyteri Antiocheni, Luciani testimonium hæc de re inferre ex 9. libro Eccles. hist. cap. 6. Eusebii, neq; ingratum fore lectoribus puto si paulò altius repetiuero, Omnipotens deus, inquit, quem non nostris manibus fictum, sed cuius nos decebat esse figmentum, errores miseratus humanos, sapientiam suam misit in hunc mundum, carne uestitam, quæ nos doceret deum, qui cælum fecisset & terram, non in manufactis, sed in æternis atq; inuisibilibus requirendum. Vitæ etiam nobis leges, ac disciplinæ præcepta constituit, seruare parsimoniam, paupertate gaudere, mansuetudinem colere, studere pietati, puritatem cordis amplecti, patientiam custodire. Inde est quod ipse qui erat immortalis, utpote uerbum & sapientia dei, morti se præbuit, quo nobis in corpore positus patientiæ præberet exemplum. Sed nec nos sua morte decepit, quibus post tertium diem resurrexit, innocens, immaculatus & purus, ad hoc solum mortem suscepit, ut eam uinceret resurgendo. Quæ autem dico, non sunt in obscuro gesta loco, nec testibus indigent. Pars penè mundi iam maior huic ueritati astipulatur, urbes integræ: aut si in his suspectū aliquid uidetur, contestatur de his etiam agrestis manus, ignara figmenti. Si minus adhuc creditur, adhibebo uobis etiam loci ipsius, in quo res gesta est testimonium. Astipulatur his ipse in Hierosolymis locus, & Golgothana rupes sub patibuli onere disrupta. Antrum quoq; illud quod auulsis inferni ianuis, corpus denuo reddidit animatum, quo purius deinde ferretur ad cælum. Aut si adhuc uobis minus digna uidentur hæc, quæ terrenam substantiam gerunt, accipite etiam de cælo fidelem astipulatorem: solem uobis ipsum horum produco testem: qui cum hæc fieri per impios uideret in terris, lumen suum meridie abscondit in cælo. Requirit in Annalibus uestris, inuenietis temporibus Pilati, Christo patiente, fugato sole, interruptum tenebris diem. Quod si terræ, si cælo, si sanguini eorum à quibus ueritatem per tormenta perquiritis, fidem nō accommodatis, quomodo uerbis meis credetis? Hactenus ille, qui mox post testimonium Christo redditum in carcere propter Christum necatus est.

** Alias pati.*

Et uelum templi scissum est in duas partes à summo usque ad imum. Cum uidisset autem Centurio qui astabat ex aduerso illi, cum sic emisso clamore expirasse, dixit, Vere homo hic filius erat dei. Erant autem & mulieres è longinquo spectantes, inter quas erat Maria Magdalene, & Maria Iacobi parui, & Iose mater, & Salome: quæ etiam, cum esset in Galilæa, sequutæ fuerant illum, & ministrauerant ei: aliæq; complures, quæ simul ascenderant cum illo Hierosolyma.

*Cōsequuta mor-
tem domini.*

Commemorat iam quædam mortem domini consequuta, quæ & mortis præcium commendant morientisq; maiestatem. Mox à morte domini, ait Marcus, uelum templi, quod ea quæ Iudæi (uerbis titor Paraph.) habebant sacratissima à conspectu multitudinis separabat, scissum est à summo usq; ad imum. Cessant umbræ, simul atq; prodit ueritas. Nec erat necesse futurum, ut ullus sacerdos introiret in sancta, semel immolata uictima, quæ sola sufficeret pro expiandis totius mundi peccatis. Ponitur & illud inter miracula, quod magna uocè expirat. Solent enim morientes paulatim deficere, ita ut morti uicini ægre trahant anhelitum, tantum abest ut uocem ullam emittant. Sed & Pilatus miratur, paulò post referente Marco, si iam mortuus esset. Tamen si ergo sit homo uerus qui uere mortuus est, declarat tamen in ultimo uitæ articulo se amplius quiddam esse quàm hominem, deum scilicet uerum, uitæ & mortis dominum, qui cum libet animam suam ponat, quam & cum uult resumat. Sed uide quæ annotauerimus in Matth.

Et cum iam aduersperauisset quoniam erat parasceue, quæ est pridie sabbati, uenit Ioseph, ortus ex (ciuitate) Arimathæa, honestus senator, qui & ipse expectabat regnum dei, & cum audacia ingressus est ad Pilatum, & petijt ab eo corpus Iesu. Pilatus autem admiratus est, si iam mortuus esset: & accersito ad se Centurione, interrogauit illum, an iam dudum mortuus esset. Et re cognita ex Centurione, donauit corpus Iosepho: qui mercatus sindonem, depositum cum, inuoluit sindoni, deposuitq; cum in monumento, quod erat excisum in petra. Et aduoluit lapidem ad ostium monumenti, At Maria Magdalene, & Maria Iose spectabant ubi poneretur.

*Sepultura domi-
ni.*

Hæc omnia fuscè tractauimus apud Matth. & Ioan. ut non uideatur operæpretium ea non sine nausea lectorum repetere. Quod in fine commemorat Marias diligenter contemplasse ubi reponeretur corpus Iesu mortuum, uiam præstruit ad sequentem historiam resurrectionis. Mox enim ueniunt instructæ unguentis, uncturæ corpus domini, quod tamen resurrexerat, ut sequitur.

C A. X V I.

Et cum præterisset sabbatum, Maria Magdalene, & Maria Iacobi, & Salome, emerunt aromata, ut uenirent & ungerent eum. Et ualde mane primo sabbatorum ueniunt ad monumentum exorto sole, dicebantq; inter sese, Quis reuoluet nobis lapidem ab ostio monumenti? Et cum respexissent, uident lapidem esse reuolutum. Nam erat ualde magnus.

*Resurrectio do-
mini uera ex
mortuis.*

Sequenti capite describit ueram ex mortuis ueri corporis resurrectionem domini nostri Iesu Christi: quodq; alij fecerunt fusissime Marcus absoluit breuissimis, quod hæc paucula pro multis uiderentur satisfacere. Piæ mulierculæ ueniunt uncturæ corpus domini, ut fragrans maneat & ne quid foetidum oriatur ex putredine: ergo unguenta adhibent, quæ uim habent siccandi & humores corporis consumunt, quo uidelicet illud seruent incorruptum. Hoc quia non inueniunt, perspicuum est illud resurrexisse corpus quod computrescere potuerat. Notatur & tempus quando ierint ad sepulchrum, ut ex eodem & tempus resurrectionis æstimaremus. Prima sabbatorum, prima dies est in hebdomada, proxime sequens sabbatum, nimirum illa, quam nos ob resurrectionis memoriam appellamus Dominicam. Sed & alias monuimus sabbata appellari totam hebdomadam quæ duobus clauditur sabbatis. Paulò antequam uenissent ad sepulchrum, descenderat angelus

gelus de cœlo, reuoluerat lapidem ab ostio monumenti, ac resurrexerat dominus. Hinc est quod mulieres iam inueniunt reuolutum. Certum est & illud, abijisse milites deferuisseq; sepulchri custodiam. Nam his etiamnum præsens non tam libere accessissent mulierculæ.

Et ingressæ in monumentum uiderunt adolescentem sedentem à dextera, amictum stola candida, & expauerunt. At ille dicit eis, Ne expauescatis, Iesum quæritis Nazarenum, qui fuit crucifixus. Surrexit, non est hic. Ecce locus ubi posuerant illum. Sed abite, & dicite discipulis eius, & Petro, præcedit uos in Galilæam: illic eum uidebitis, sicut dixit uobis.

Edocentur nunc angelico testimonio uerum domini corpus uere ex mortuis resurrexisse. Cæterum mulierculæ ingressæ sepulchrum nescierunt surrexisse corpus. Apparet autem ipsum monumentum, id est capsam, quæ corpus reciperet conderetq; uestibulum ac antrum quoddam habuisse, quod sepulchrum inspicere uolentibus in intima antri parte constituto positoq; penetrare oportuit. Proinde uestibulum ingressæ, quod lapis ille ingens obstruxerat, uident pone sepulchrum aut corporis reconditorium, in intima antri parte angelum. Amictus hic erat ueste candida: qui color congruit triumphantibus iam nunc reuersis à uictoria. Ac mulieres pro imbecillitate sua expauescunt, re inexpectata percussæ. Neque rarum est homines ad angelorum conspectum subtrepidauisse. Angelus uero cum felicissimi nuncij adesset præco & testis, benignis uerbis attonitas alloquens consolatur, sicut olim quoq; fecerat cum pastoribus natiuitatem saluatoris eiusdem annuntiaret, ac dicit, Ne expauescatis. Omnia enim hic felicia sunt & fausta: nihil est quod terrerem incutiat aut metum. Mox exponit prior animi ipsorum consilium, quod reuelatione dei didicerat, cur scilicet aduenissent, ut Iesum crucifixum ungerent. Verum surrexit, inquit, non est hic &c. Animaduertendum autem diligenter angelorum dei sanctissimorum testimonio atque nuncio potissima redemptionis nostræ capita hominibus esse reuelata atq; annuntiata. Incarnatio enim domini annuntiatur uirgini per Gabrielem archangelum. Nunc uero resurrectionis ex mortuis resses sunt angelis ministri ueritatis, ut & mortem & resurrectionem domini unâ testificentur. Angeli ascendente domino in monte oliuarum apparent ac resificantur dominum Iesum ita & ad eum modum relicturum in iudicium, in quem modum modo discipuli uiderant ascendente in cœlum. Quod si non grauatim credimus iuratis testibus, quanto magis credi oportet angelis dei & ueritatis ministris? Porro studiose expressis circumstantiis docet angelus corpus domini uerum & illud ipsum quod in cruce pependerat, non aliud pro ipso, surrexisse ex mortuis. Id quod operæpretium fuerit paucis annotando colligendoq; obseruare. Principio Iesum, inquit, quæritis Nazarenum, illum nimirum cuius summo stipiti crucis affixum fuerat, Iesus Nazareus rex Iudæorum. Nam mox sequitur, Qui fuit crucifixus. De corpore ergo uero fit mentio: cum uerum & humanum corpus affixum fuerit cruci. Deinde quod in hac re primum & potissimum est subiungit, Surrexit. Quis obsecro? Iesus Nazareus surrexit, eo ipso corpore quo fuit crucifixus. Adiungitur & aliud, Non est hic. Cui mox adijcitur & alia probatio, siue demonstratio ocularis, Ecce locus ubi posuerant illum. Est autem uera ueri corporis humani proprietas esse in loco uno certo. Et quia domini corpus: quod ex mortuis resurrexerat, non erat amplius hic, ubi fuerat prius, consequens est, uerum corpus surrexisse, ac illud ipsum quod positum fuerat in sepulchro: deniq; consequens est illud ipsum resurgendo non amisisse corporis hu-

Angelus testifi-

catur de resur-

rectione domi-

ni.

Angeli euange-

listæ.

Corpus domini

uerum resurre-

xit ex mortuis.

mani proprietatem &, ut sic dicam, localitatem. Alioqui enim angelus non dixisset uere, Non est hic, Verum de his plura disputauimus apud Matth. Comment. lib. 12. Pertinet & illud ad ueritatem corporis Christi confirmandam quod sequitur mox, Præcedit uos in Galilæam. Motus enim ille localis ueritatem corporis ostendit. Illic eū, inquit, uidebitis, sicut dixit uobis. Illic inquā, in loco utiq; certo, uidebitis eum, non ut spectrum, sed ut uerum hominem. Hoc ipsum prædixit uobis. Nequit autem is qui ueritas est mentiri. Vere ergo resurrexit. Vbi autem prædixit se resurrecturum præcessurumq; discipulos in Galilæam? Dum Matthæo & Marco testibus subiens oliuarum montem diceret, Omnes offendimini in me in hac nocte: quia scriptum est, Percutiam pastorem, & dispergentur oues. Sed postquam resurrexero præcedam uos in Galilæam, Matth. 26. Marci 14. Cur uero tam significanter & expresse docuerint apostoli resurrexisse uerum domini corpus, & quis inde ad nos fructus

Mulieres resur-
rectionis testes. redeat, exposui in 12. Comment. ad Matth. libro. Illud rursus non uidetur negligendum, quod angelus tanta mandat diligentia ut mulieres discipulis annuncient resurrexisse dominum. Merebantur enim primæ resurrectionis uitæq; nunciæ esse, quæ moriente domino constanter adfuerant, delatumq; domini corpus in sepulchrum comitata fuerant. Præsertim uero iubentur annunciare Petro: id quod ineffabilem dei misericordiam & effectum poenitentiae insignem commendat. Negarat Petrus dominum, grauiter deliquerat in dominum: sed nihilominus per immensam dei misericordiam recipitur in numerum filiorum dei. Non enim sine poenitentia hæserat in commisso facinore, sed amare fleuerat, deserueratq; flagitiosum consortium, per quod illectus & abreptus fuerat in peccatum. Audimus autem nunc huic præ ceteris annunciamdam esse resurrectionem uiuificam. Colligimus hinc contra Nouatianos ueteres & novos ualere apud dominum ueram poenitentiam. Colligimus resurrectionis Christi participes esse omnes peccatores, qui non impoenitentes hærent in sceleribus.

Et egressæ cito, fugerunt à monumento. Tenebat autem illas tremor & stupor, neq; quicquam dicebant. Timebant enim.

Humana imbecillitas. Insigne exemplum exhibetur nobis humanæ imbecillitatis. Gaudium enim insolitum & nouum spectaculum attonitas reddebat. Non expectauerant quod eueniebat. Putarant enim se reperturas corpus domini saucium. Sed & oblupecebant ad angeli conspectum. Terror ingens obstabat quo minus quicquam amplius rogarent ab angelo, nec ullas ederent uoces, sed fuga sibi consulendum putarent. Vbi uero peruentum esset ad discipulos, ibi tandem quæ uiderant & audierant depromunt: sicuti clare indicatur apud Lucam in capite 24. In uisione angelica duntaxat obmutuerunt, non in uniuersum & apud omnes. Acceperant enim præceptum ab angelo annunciandi discipulis & Petro quod resurrexerit ex mortuis dominus. Infirmitas illa fidelium cōsolatur nos egregie. Discimus enim optimos quosque fluctuare nonnihil, fidemq; sua habere augmenta. Nemo ergo desperet ob imbecillitatem suam. Ac posset quidem dominus uno momento fidei plenitudinem conferre: uerum sinit nos fluctuare, quo inardescamus magis & precibus instemus feruentioribus.

Cum surrexisset autem mane, primo sabbati, apparuit primum Mariæ Magdalene, de qua eiecerat septem dæmonia. Illa profecta renunciauit his, qui cum illo fuerant, lugentibus ac flentibus. At illi cum audissent eum uiuere, ac uiuum esse ab illa, non crediderunt.

Abrupturus historiam euangelicam, colligit aliquot argumēta euidentia, quibus *Demonstratio* probet Iesum Christū uero corpore uere à mortuis surrexisse. Hæc uero, licet pati-
nes ueræ resur-
 cula, putauit pio Lectori, nihil aliud quàm ueritatem quærēti, sufficere abunde satis: *reditionis.*
 ut reuera sufficiunt. Primum omnium, inquit, rediuiuum sese exhibuit Mariæ Mag-
 dalenæ. Historiam ipsam plenius describit Ioānes apostolus cap. 20. Ait autem Mar-
 cus dominum Mane surrexisse, nimirum illucescente iam die tertia. Theophylactus
 refert ad sequentia, ideo sic distinguit, Cum surrexisset. Hoc loco punctum ponit, de
 inde subiungit, mane prima sabbati. Huius generis aliquid legas & apud Hierony-
 mum quæstione ad Hedibiam 3. Cæterū prior lectio magis mihi adlubescit. Tu deli-
 ge quæ uidetur appositissima. Certe nulla est discrepantia in cōsignatione temporis
 inter Mar. & Matth. Ad descriptionem personæ & beneficii commēdationem illud
 pertinet quod legitur dominus à Mariā eiecisse septem daemōnia. At septenarius nu-
 merus uim significat & multitudinem. Dæmon autem author est scelerum & calami-
 tatum. Eiecit ergo ex Maria septem daemōnia dominus, id est, liberauit illam à maxi-
 mis flagitijs & morbis grauissimis. Statuitur ergo hæc nobis exemplum gratiæ diui-
 næ atq; potentiæ, pœnitentiæ deniq; . Nemo desperet in peccatis aut uitijs animi cor-
 porisq; . Potentior est uirtus Christi quàm ulla uis aduersaria. Licet ergo bene spera-
 re de illius gratia. Obedientiæ porro fideiq; est quod renunciat discipulis surrexiss-
 se dominum. Quod illi lugent, nec credunt uera testificanti, infirmitatis & miseriæ
 nostræ exemplum est. De qua modo diximus.

Post hæc autem duobus ex ipsis ambulātib; apparuit, alia forma, eun-
 tibus rus. Et illi abierunt ac renunciauerunt reliquis, nec his crediderunt.

Secundum ponit argumentum & ipsum euidentē. Historia susce exponitur à beato
 Luca cap. 24. Dum duo isti in itinere essent ac Emaum proficiscerentur, cōiunxit se
 ipsis dominus, non iam usitata specie, sed alia forma utens. Non quod corporis sub-
 stantiam mutaret, & proprietates corporis annihilaret, sed oculi discipulorum tene-
 bantur ut ipsum non agnoscerent. Arbitrabantur enim ipsum esse uiaorem & pere-
 grinum. Vbi uero agnouissent ipsum ex fractione panis, redierunt Hierosolimam,
 ac discipulis quid uidissent, & certò essent experti, exposuerunt. Sed ne sic quidem
 inuenerunt fidem apud ipsos ullam. Videbantur ipsis narrare fabulam de speculo ali-
 quo. Nam difficilis creditu est uera corporum resurrectio, quam & Atheniēn. homi-
 nes alioqui sapientes, deridebant, Acto. 17.

Postea discumbentibus illis undecim apparuit, & exprobrauit ipsis in-
 credulitatem eorum & cordis duriciam, quod his qui ipsum uidissent resur-
 rexitum, non credidissent.

Tertia hæc est probatio resurrectionis dominicæ. Dubiū uero est an hæc sit pecu-
 liaris apparitio, an illa ipsa quæ eadem resurrectionis die sub uesperam est exhibita,
 cuius meminere Lucas in 24. & Ioan. in cap. 20. Ac uidetur quidem nō esse peculia-
 ris aut diuersa ab hac, præsertim cum res tam probe sibi congruant omnes. Lucas
 enim, Et ecce, inquit, duo ex illis ibant eodem die in castellum. Eodem inquam die *Collatio histo-*
 quo surrexerat, prima scilicet sabbati. Et mox, Et surgentes eadē hora regressi sunt *rie Mar. 16. Lu*
 Hierosolimam, & inuenerunt congregatos undecim & eos qui cum illis erant, &c. *ce 24. Ioā. 20.*
 Item, Dum hæc loquuntur stetit Iesus in medio illorum, & dicit eis, Pax uobis, &c.
 Ioannes uero, Cum, ait, uespera esset, die illo qui erat unus sabbatorū, & fores essent
 clausæ, ubi erant discipuli cōgregati, propter metum Iudæorum, uenit Iesus, stetitq;
 in medio, & dicit eis, Pax uobis. Hactenus ergo pulchre omnia congruunt. Conue-
 niunt & sequentia egregie. Lucas enim dicit, Expauēfacti uero & territi, existima-

bant se spiritum uidere. Et dixit eis, Quid turbati estis, &c. Et mox, Et cū hac dixisset, ostendit eis manus & pedes. Eadem legas apud Ioannem, sed breuius cōsignata. Rursus Lucas ait dominum discipulis aperuisse mentem ut intelligerent scripturas. Ioannes ait dixisse dominum, Accipite spiritum sanctum. Lucas iterū, Sic scriptum est, & sic oportebat Christū pati, & resurgere à mortuis tertia die, & prædicari in nomine eius pœnitentiam & remissionem peccatorum. Ioannes uero, Quorumcunq; remiseritis (inquit) peccata, remittuntur. Quibus nunc quoq; accinit Marcus, Et dicebat eis, Ite in mundum uniuersum, &c. Proinde uidetur eadem à tribus exponi historia, licet alius alio copiosius aut breuius rem gestam narret. Restat autem hic scrupulus aliquis. Nam Marcus & Lucas manifeste numerant undecim; at Ioannes postea commemorat Thomam tunc cum illa fierent, de quibus diximus, non adfuisse: cum autem constet Iudam perijisse, quomodo numeratur undecim absente Thoma? Scripserunt euangelistæ multos à resurrectione domini annos historiam rerum Christi, tum uero ab omnibus pro apostolo habebatur, uti reuera erat, Matthias. Hunc uero tum adfuisse uel ex illo claret, quod Lucas non tantū apostolos numerat, sed insuper addit, Et eos qui cum illis erāt. Nominatur à Matthæo Iudas proditor in historie contextu, priusquam prodidisset dominum. Quid ergo mirū si ipsis decem, undecimus apostolus annumeratur Matthias? qui ab ascensione demum domini allectus est in consortium duodecim, ut habetur Acto. cap. i. Quid quod tūc habebatur pro apostolo, & erat apostolus è numero duodecim, cum historia hæc scribebatur? Sed hæc iudicio p̄ij lectoris expendenda relinquo. Priusquam uero incredulitatem discipulorum accusaret ad uesperam, ea die rediuiuum sese exhibuerat, primum quidem Mariæ Magdalene, deinde alijs quibusdam mulieribus, hinc Simoni Petro, mox & duobus Emaum proficiscentibus. Atq; hi omnes bona fide cœtui discipulorum exposuerāt, quæ uiderant; ceterum dubitabant hi nihilominus de ueritate resurrectionis. Ad uesperam ergo eius dici adest iam dominus & increpat incredulitatem, imò duriciam cordis ipsorum, quod adhuc diffiderent tam apertis demonstrationibus. Quibus autem uerbis exprobrarit illis incredulitatem, non exprimitur. Leguntur quidem quædam huius generis apud Lucam in 24. cap. unde reliqua quæ non exprimuntur assequi mare licet. Discamus dominū ualde irasci succenserēue nostræ incredulitati, qui tam euidētia habemus testimonія resurrectionis carnis nostræ, & tamē adhuc hesitamus. Firmiter omnino credendū est quod tam certis firmisq; cōfirmatum est testimonijs.

Et dicebat eis, Ite in mundum uniuersum, & prædicate euangelium omni creaturæ: qui crediderit & baptizatus fuerit, saluus erit: qui uero non crediderit, condemnabitur.

Summa historię euangelicæ.

Hucusq; bona fide & mira breuitate exposuit S. Marcus, quæ dominus dixit & fecit ad eum usq; diem quo excitatus ex mortuis, mox assumendus erat in cœlum, id est qua fide & diligentia docuit mundum doctrinam uiamq; ueritatis & salutis, quæ contulerit miseris & indigis beneficia: quid item & quāta tormenta passus sit ut nos à morte & gehennæ tormentis eriperet; quomodo deniq; resurrexerit ex mortuis ut nobis plene uitam restitueret, iam uero ut salutem illam & omnia beneficia sua, non ad paucos, uel ad Iudæos duntaxat, sed ad ecclesiam, id est ad omnes & singulos fideles pertinere doceret, ultimo ultimum domini mandatum, apostolis datum commemorat, institutionem uidelicet siue ordinationem œconomix ecclesiasticæ. Præscribit enim modum per quem salus parta & oblata per Christum, omnibus innotescat hominibus, ac quo modo salutis in Christo participes fiant, qui salui esse cupiunt. Frustra enim audiuntur omnia illa quæ de Christi dictis & factis recitata leguntur,

leguntur, nisi intelligamus illa ad nos pertinere, nobis inquam peccata esse remissa per Christum, nos hæredes regni dei effectos esse per fidem in Christum. Dicit itaq; do-
 minus, Ite in mundum uniuersum, quibus terminos regni sui delineat, nullam gen-
 tem excludens. Neq; enim satis illi uidebatur dixisse, Ite in mundum, nisi addidisset,
 uniuersum; sed & uox Mundus suam habet emphasim, quæ nobis misericordiam dei
 immensam commendat, quippe quæ mundum totum in malo positum ex tenebris
 ad lucem uocare dignatur. Prædixerunt autem prophete etiam Christum per totum
 terræ orbem regnaturum. Dauid enim inducens patrem loquentem ad filium, ac di-
 centem, Postula à me, & dabo gentes ut sint hæreditas tua, & terminos terræ ut sint
 possessio tua. Idem pater apud Isaiam, Dedi te, inquit, in lucem gentium, ut sis salus
 mea usq; ad extremum terræ. Ideoq; dominus ascensurus in cælum ad apostolos di-
 cit, Ac eritis mihi testes non solum Hierosolymis, uerum etiam in uniuersa Iudæa Sa-
 mariaq; deniq; usq; ad extrema terræ. Testificatur hæc omnia satis clare regnum dei
 non ad paucos, sed ad omnes homines pertinere. Hæc de terminis regni Christi.

Deinde quid euntes faciant exprimit, finem utiq; missionis indicans modumq; ex-
 ponens, per quem omnibus uult innotescere hominibus, ac per quem fiant partici-
 pes salutis. Profecti, inquit, in mundum uniuersum, prædicate *εὐαγγέλιον*. Est autem *εὐαγγέλιον*
εὐαγγέλιον proclamo aut pronuncio, ac est præconum proprie, qui publicitus apud popu-
 lum uita uoce aliquid promulgant. Ac Paulus 2. Timothi. 1. appellat se præconem
 euangelij. Euangelij, ait, positus sum ego *εὐαγγέλιον*, præco inquam & apostolus, ac doctor
 gentium. Dicuntur autem præcones à præcinendo, eò quod uoce uita uel tuba prin-
 cipis uoluntatem annuncient, & quid faciendum sit populo significant. Proinde in-
 telligimus ex hac uoce potestate & maiestatem gloriamq; omnem uitæ & salutis esse
 dei solius regis regum, doctorum autem siue præconum ministerium duntaxat. In-
 telligimus deniq; in annunciatione uerbi non respiciendum ad præconem, sed ad il-
 lum potius cuius præco est, ad ipsum uidelicet deum qui præconem misit prædica-
 tum. Ita enim uidemus præcones principum reuerenter excipi à populo, propter
 principes & quia creduntur afferre principum placita.

Quid uero prædicare aut annunciare iussit hic princeps summus & rex regū ter-
 ræ? Euangelium. Sed quibus hoc annūciari uoluit? Omni creaturæ. Quæ quidem lo-
 quitio excellentiam quandam habet: quasi dicat dominus, Prædicabitis præstantissi-
 mum hoc à rege regum nūcium, omnium creaturarum principi, homini, neq; quen-
 quam putabitis indignum hoc præconio, ergo omni, inquit, creaturæ prædicabitis.
 Nam neminem excludit deus, nullam ætatem, nullum sexum, conditionem nullam:
 iubet omnibus omnis generis & status hominibus salutiferū proclamare euangelium.
 Habes iam modū per quem uult dominus salutem suam mūdo innotescere, per præ-
 dicationem uidelicet euangelij. De qua re pluribus agit Paulus Rom. 10. Caterum di-
 cat iam aliquis, Quid est euangelium? Sequitur in uerbis domini, Qui crediderit, &
 baptizatus fuerit, saluus erit: qui non crediderit, cōdemnabitur. Proinde euangelium
 est sermo siue prædicatio de Christo, nimirum quod credentes in Christū saluantur,
 id est à peccatis absoluti, & à diabolo morteq; æterna liberati, hæreditatē consequun-
 tur uitæ æternæ: rursus qui non credunt in filium dei, cōdemnantur. De hac re plura
 legis apud Marcum in cap. 1. apud Lucam item in cap. 24. deniq; Ioan. 3. & Roman.
 primo capite. Docemur his quoq; fidem esse per quā efficiamur hæredes uitæ æter-
 næ. Ea fides est merum dei donum, quam apostoli non dant, docent autem atq; exci-
 tant idq; suo modo. Tractatur id copiosissime in doctrina siue scriptis apostolorum.
 Summa uero omnium quæ diximus hæc est, Dominum uelle toti mūdo partem per
 Christum salutem innotescere per prædicationem euangelij, participari autem per fi-

Bona opera. dem in Christum. Proinde iustificamur nos per Christum in fide, Iustificati autem faciunt opera iustitiæ. Ita cōserta sunt inter se prædicatio euāgelij, Christi redemptio, fides, & studium iustitiæ siue bonorum operum.

Sacramentorū celebritas. Coniungitur his adhuc aliud in uerbis domini, Et baptizatus fuerit. Quibus licet paucis uerbis ordinatur in ecclesia sacramentorum celebritas, quæ fide præsentē admodum utilis est. Ideo enim præmittitur, Qui crediderit, deinde subiungitur, Et baptizatus fuerit. Alioquin non profunt sacramenta sine fide. Infantes quidem baptizantur in fide ecclesiæ, quia sunt in fœdere & gratia dei per Christum, quia etiam infantium Christus est, adulti uero baptizantur in fide quam profitentur. Ac reuera

Sacramenta non inutilia si delib. qui intelligunt se iustificari sola dei gratia per Christum in fide, baptismum non spernunt tanquam inutilem, quia certò norunt dominum non inutiliter dixisse, Qui crediderit & baptizatus fuerit. Crediderunt deo Eunuchus & Cornelius centurio ante baptismum acceptum, ac iustificati per gratiam dei in Christo & fide donum acceperant spiritus sancti, adeoq; sic erant sanctificati & adaptati ad regnū dei, ut si tūc excessissent ex hac uita, citra baptismum, hæredes fuissent uitæ æternæ, nihilominus dicebat Eunuchus ad Philippum, Ecce aqua, quid uetat, quo minus baptizer? Et Petrus cum effusum esset dei donum in Cornelium & familiam eius, dicit, Num quis prohibere potest, quo minus aqua baptizentur hi, qui spiritum sanctum acceperunt sicut nos? Acto. 8. & 10. cap. Idem uidere licet & in exemplo Christi, properantis ad baptismum Ioannis, qui cum dixisset, Mihi opus est ut abs te baptizer, & tu uenis ad me? Audit, Omitte nunc, sic enim decet nos complere omnem iustitiam. Proinde licet iustificetur sanctificeturq; homo sola gratia dei per fidem, non tamen ideo inutiliter petuntur & conferuntur sacramenta sanctis.

Quorsum instituta sacramenta cum gratiam non conferant. At dicat aliquis, Cum constet fideles gratia dei per Christum in fide sanctificari uel iustificari, & iustificationem uel sanctificationem non conferri demū exhiberiue per sacramenta, quorsum ergo instituta sunt sacramenta? Huic respondet apostolus Paulus in epistola ad Rom. ca. 4. ubi docet Abrahamum non iustificatū aut sanctificatum esse per circūcisionem, sed iustificatum fuisse fidei beneficio antequā fuisset circūcissus. Ceterum cum hac ratione uideri potuerant sacramenta dei euacuata, per occupationem subiungit mox, Et signū accepit circūcisionis, signaculum iustitiæ fidei quæ fuerat in præputio. Sunt itaq; sacramēta sigilla & oblationes, quod deus inuisibili gratia nos sanctificat si credamus. Nam per fidem efficimur cōsortes iustitiæ atq; donorum dei, ideo significāter dixit apostolus, Signaculum iustitiæ fidei, & nō tantum signaculum fidei, sed iustitiæ fidei, fidei inquā iustificantis, uel quod fides sit iustitia. Ergo iustificationem tribuere sacramentis, est contra finem & iustam sacramētorum institutionem pro ueritate mendaciū asserere. Commendatur autem hic nobis religiosus sacramentorum usus in ecclesia Christi. Ut enim uerbo & uiua prædicatione dominus per ministros dona & beneficia sua ecclesiæ exponit, ita per sacramēta eorum uerba uisibilia eadem oculis nostris subiicit, atq; quodammodo testificans, obsignat.

Baptismus. Cæterum Baptismus non hic primum institutus est, sicut quidā Anabaptistæ falsò docent, à Ioanne enim Baptista primum diuinitus est inuentus, nec alio baptismo quàm Ioannis, qui item dei ac Christi erat, ipse dominus Iesus est baptizatus: proinde repetitur hic baptismi institutum, iubeturq; dari omnibus in mundo creaturis, haud dubie infantibus atq; adultis. De Baptismo disputaui apud Matth. in cap. 3. De erroribus Anabaptistarum dictum est aliàs.

Gratia non alligata est sacramentis. Obseruandum est & illud, dici quidem à domino uerbis disertis, Qui crediderit & baptizatus fuerit, saluus erit: at non repeti in opposito membro, Qui non crediderit & non baptizatus fuerit, condemnabitur, sed duntaxat, Qui non crediderit (omisso baptismo)

baptismo) condemnabitur. In causa illud est haud dubie quod salus & gratia dei sacramentis non est alligata. Si enim obset necessitas quo minus sacramentis participare liceat, contemptus interim ordinationis dei & neglectus sacramentorum temerarius non accedat, moriaturque fidelis citra baptismum, credat autem uere in filium dei, nullum uidetur esse uitae periculum. Rursus autem non poterit inuisibiliter sanctificari (sicut & Augustinus testatur) qui uisibilia sacramenta contemnit. In summa, sicuti uerbo euangelij erudit electos dominus, ita ministerio & usu sacramentorum legitimo exercet electos, repraesentat atque obsignat sua dona & beneficia. Et haec tenus de Oeconomia ecclesiastica.

Porro signa eos qui crediderint, haec subsequuntur, Per nomen meum daemonia ejicient, linguis loquentur nouis, serpentes tollent, & si quid letale biberint, neutiquam nocebit eis, Super aegrotos manus imponent, & bene habebunt.

Haec quidem pertinent ad doctrinam euangelicam commendandam, quae eleganter enarrans Paraphrastes, Ne uero uestra praedicatio, inquit, fide careat, addetur & miraculorum uis, si modo adsit euangelica fiducia, & res ipsa miraculum poscat. Praecipua uis euangelicae gratiae in animis est, sed tamen ob incredulos & infirmos, haec quoque praesto erunt, ubi profectus euangelij requireret miraculum. Qui in me posuerint fiduciam, ejicient daemonia non in suo nomine, sed in meo, linguis loquentur nouis, serpentes abigunt, & si quid letale biberint non nocebit illis, aegrotis imponet manus, & bene habebunt. Haec cum in animis fiunt maius praestatur miraculum, sed occultum, Auaritia, libido, ambitio, odiu, ira, liuor, uenena morbique letales sunt animo, haec abigunt in nomine meo, idque facient perpetuo. Propter infirmos autem & ad credendum difficiles, nonnunquam fient & illa, ut homines crassi uideant in illis esse spiritum, humanis uiribus potentiores. Haec tenus ille. Proinde declarant nobis haec domini uerba quis sit effectus, quae uis & maiestas uerbi dei & fidei in Christum, Pellit diabolum, instruit & efficit linguis nouas, eripit ueneno suam uim, tollit omnis generis morbos. Ea si referamus, sicuti licet, ad animos hominum, sunt sane quotidie in animis omnium fidelium. Fide enim per uirtutem Christi ejicitur diabolus & calcatur, qui haec tenus infidelem pro sua rexerat libidine, lingua quae hucusque assueuerat mendacijs, blasphemijs, obscenitatibus atque obrectationibus plane alia iam facta, loquitur ueritatem, benedicat deo, casta est, neque unquam laxatur nisi ad aedificationem proximi. Porro si illa referamus ad corpus, fiunt ea per miraculum cum in doctoribus tum in ipsis discipulis. Fideles enim per uirtutem Christi, cui crediderunt, pepulerunt diabolum ac supplantarunt, linguis peregrinis loquebantur & discipuli domini, & discipulorum domini discipuli, Paulus excussit ex manibus suspensam uiperam in uicinum focum, nec nocuit ipsi uel tantillum letale uirus, sed & uenenata pocula propinata, & cibus ueneno corruptus, & a fidelibus Christi haustus nihil nocuit. Deferebant Hierosolymis aegrotos in plateas ut Petri umbra contingeret calamitosos, & restituti sunt. Acceperunt quidam S. Pauli sudariola, imposueruntque ipsa aegrotis, & protinus senserunt morbum esse depulsum. Testantur hoc Acta apostolorum, testatur idem historia ecclesiastica, testantur denique praesentia tempora, in quibus per fiduciam nominis Christi permulti admodum affecti & confracti morbis, denuo sanitati iuste restituntur. Caterum adhibentur diuinitus & fiunt signa per homines uirtute Christi, fidei praeranda gratia. Praedicant apostoli Christum esse dominum coeli & terrae, cui subiecta sint omnia, qui uenerit redempturus credentes, iam uero ut liquidum appareret omnibus auditoribus praedicationem hanc de Christo non esse uanam, eiecerunt praedica-

Signa subse-
quentia creden-
tes.

Signa fiunt fi-
dei gratia.

tores per inuocationem nominis Christi, diabolos, omnis generis morbos curarunt; ut uel ex opere omnes intelligerent, ueram, certam & indubitata esse euangelij prædicationem. Sunt itaq; signa hæc ueluti literæ quædam credentiales, ut uocant. Ideo mox sequitur, Confirmauit dominus sermonem prædicatum per signa subsequenteria. Vbi tamen non dissimulandum est signa effectum suum habere apud tractabiles & non apud impios contemptores. Hi enim filio dei reclamantes dicebant, Per Beelzebub principem dæmoniorum eiicit dæmonia. Nec semper fiunt signa, sed quoties deo uisum fuerit & necesse uidetur; unde signa facere non in arbitrio hominis, sed in dei uoluntate positum esse constat. Neq; enim fiunt illa uirtute humana, sed per potentiam dei. Ideoq; diserte dixit dominus, Per nomen meum eiicient dæmonia. Verum de his quoq; disputaui apud Matth. in cap. 10.

Itaq; dominus quidem postquam loquutus est eis, receptus est in cœlū, & confedit à dextera dei.

*Ascendit in cœ-
lum dominus.*

Alterum caput religionis nostræ maximum exponit his Marcus, quò tandē abso-
lutis rebus omnibus peruenit dominus Iesus, Receptus est, inquit, in cœlum. Pau-
cis uerbis exposuit scilicet quod Lucas multis enarrat euangelicæ historiæ cap. 24. et
Acto. cap. 1. De ascensione domini ad cœlos dixi in 12. lib. Comment. in Matt. & pri-
mo in Acta apostolorum. Addit & aliud, Et confedit à dextera dei, id est regnum in-
gressus omnium quæ in cœlo ac in terra sunt potestatem accepit, ut iam cœlitus re-
gnet in ecclesia sanctorum. Cæterum de Dextera dei, de Sessione Christi filij dei ad
dexteram patris, deniq; & de Regno Christi, dixi in 12. Comment. lib. ad Matth. &
in Præfatione huius operis. Proinde pauculis his annotatis, ad illa remitto.

Illi uero egressi prædicauerunt ubiq; domino cooperante, & sermonem
confirmante per signa subsequenteria.


*Apostolorum
Christi fides se-
dula.*

His commendatur nobis fides exactissima & diligētia indefessa apostolorum do-
mini. Egressi sunt, ait Marcus, nimirum sicuti præceperat dominus, Ite in mundum.
Et sicut ibidem mandarat, Prædicatē euangelium omni creaturæ; ita in præsentī dici-
tur, Prædicauerunt ubiq;. Omnia itaq; ita fecerunt sicuti iniunxerat dominus, relin-
quentes nobis exemplum, ut & nos omnia nostra, non ad nostrum arbitrium, sed ad
uolūtatem & præscriptum dei componamus. Sequitur autem fidelem operam, obei-
dientiam & diligentiam, successus felicissimus. Prædicarūt enim ubiq;, inquit, domi-
no cooperante, & sermonem confirmante per signa subsequenteria. Primum ergo gra-
tiam contulit insignem docentibus, deinde uero & auditores rapuit atq; transmuta-
uit. Operatur sanē agricola in cultura agri fideliter, sed nihil est qui rigat aut qui plan-
tat, nisi incrementum det deus adeoq; cooperetur. Ita frustra foris prædicat doctor
euāgelicus, nisi dominus intus corda rapiat transformetq; auditorum. Neq; ideo fru-
straneus est labor docentis foris uoce uiua. Nam Paulus, Fides, inquit, ex auditu est,
auditus autem per uerbū dei: rursus non ideo alligata est uiua operatio dei uerbo, ut
non possit deus quando, quomodo & quos uult, conuertere. Interim nostrum nō est
contēpta ordinatione dei legitima, occultos dei modos cōuertendi expectare. Nam
propheta clamat, Hodie si uocē eius audieritis, nolite obdurare corda uestra. Proin-
de foris sonante uerbo dei per prædicationem humanam, preces perpetuæ extollen-
dæ ad dominū, ut is cooperetur in cordibus hisq; insculpat spiritus sui impressione,
quod iam auribus suauiter intonat. Ideo uero & S. Paulus, Dei, inquit, sumus coope-
rarij, dei agricolatio, dei ædificatio estis, iuxta gratiam dei quæ data est mihi. 1. Cor. 3.
Proinde si quis uellet externum uerbū ministerium & operam hominum aspernari,
is nequaquā oculis spiritus sancti motibus rapietur. Nam dominus apud prophetā,
Ad

*De interno &
externo dei
uerbo.*

Ad hunc, inquit, respiciam qui est humili & fracto spiritu, & ad uerbum meum reuerentia quadam contremiscit. Est itaq; hæc ordinatio & œconomia in ecclesia dei per Christum instituta. Deliguntur nimirum ante omnia ministri & doctores, euangelici negotij periti. Deinde mittuntur tales ad homines, ut quæ didicerunt à Christo, alios doceant prædicatione euangelij. Hic ergo prædicatur à ministris euangelium. Sed interea cooperatur dominus & in ministris doctoribus, & in auditoribus. Illis enim confert dotes & facultates docendi, cōfirmat item sermonem prædicatum per signa subsequentiā. De quibus dictum est. His uero eandem confert in animis gratiam, ut credant signis & recipiant doctrinam totamq; uitam suam ad ipsam componant. Hinc uero nascitur fidelis Christo regi & sacerdoti ecclesia, fidelis omnium credentium cœtus, per totum orbem dispersus quidem corpore, adunatus autem spiritu, illa ipsa est ecclesia, quæ capiti Christo adhæret fide, spe & charitate, laudatq; bonitatem eius, donec ad ipsum transferatur in sedes uere beatas. Ecclesiam hanc multo cum labore & mira cum felicitate descripsit Lucas in Actis suis apostolicis, à quo pleniora petere licet.

HÆC autem tradidit hucusq; optimæ imò indubitatae fidei testis diuus Marcus de domino nostro Iesu Christo uero deo & homine, unico rege, sacerdote, & seruatore nostro, quæ scilicet dixerit & fecerit dum dispensationis diuinę negotium ab æterno decretum, absoluit. Nostrum fuerit, implorato dei auxilio, omnem spem nostram in illum figere, qui datus est nobis ad salutem, & qui annuntiatur nobis ad lucem uitæ sanctæ & æternæ. Faxit hic rex & pontifex noster, ut in ipso uiuamus æternum. Ipsi gloria in sæcula sæculorum, Amen.



IN ACTA APOSTOLO-
RVM HEINRYCHI BVLLIN-
GERI COMMENTARIORVM LIBRI
VI. ab autore recogniti ac
denuo iam recusi.

ACCESSIT HVIC OPERI SERIES ET DIGESTIO
temporum & rerum descriptarum à B. Luca in Actis
Apostolorum, eodem autore.

*HOC opere traditur amicè LECTOR. quæ fuerit Ecclesiæ sanctæ in-
fantia, qui auctus, quæ Ecclesiæ iustæ facies: quæ doctrina Apostolorum, qui
veteris Ecclesiæ ritus, quæ studia, quæ religio, fides doctrinaq; vera vel fal-
sa, vetus vel noua: qui veri vel falsi doctores, qualia verorumq; ingenia:
qualia sint mundi studia, qualis persequentium animus, successus, qualiaue
fata. Sed hæc omnia Elenchus versis aliquot folijs copiosius recensabit.*



I E S V S.

Hic est Filius meus dilectus in quo placata est anima mea,
ipsum audite. Matth. 17.

TIGVRI EXCVDEBAT CHRISTOPH. FROSCH.
A. VERVS, ANNO M. D. LXXXIII. f.



CLARISSIMO SENATUI POPVLOQUE FRANKFVRDIENSI

SI AD MOENVM, HEINRYCHVS BVLLINGERVS, Gratiam & vitæ innocentiam
à Domino.

HABVERVNT hoc sibi familiarissimum Prophetæ & Patres vetusti, ut libros suos non ijs modò inscriberent, quibus cū conuersabantur, sed ijs quoq; qui facie incogniti proculq; disiti alias terris inhabitabant: quorum exemplo fretus hosce Commentariorum libros vobis quoq; viri clarissimi fratresq; in Christo venerandi inscribere volui. Non quòd existimem Ecclesiam vestram nostra institutione aut commentatione de vera pietate egere: Habetis enim verbri ministros claros & in doctrina Euangelij laudatos: sed circumferenti oculos, quibus hoc argumenti maximè competere, vos primum occurrebatis quibus hoc multis nominibus videbatur congruere. Etenim exponit hic liber quomodo Euangelij fulgor in omnes gentes, terris ac populos conuscarit. Et vestra vrbs nobile omnino Germaniæ emporium ea hætenus fuit, è qua omnis generis auctores optimi, maximè autē vetusti in vniuersam penè Europam prodierunt: quorum opes & religio vera & littera bonæ melius cæperunt habere. Vt enim aliæ vrbes propter auctores & imprimendi, aut si quis malit typis scribendi, peritiam atq; diligentiam celebres sunt: ita vestra in propagandis illis longissimèq; in remotissimas quasq; Europæ oras deportandis multo clarissima est. Noluistis hætenus more quorundam imprudentium suppressione proscriptioneq; optimorum & librorum & auctorum ciuitatis vestræ gloriam libertatemq; obscurare. Quare & insignem pietatem & prudentiam omnibus alijs approbastis ciuitatibus. Si quidem destomachatur & Diuus Hieronymus in eos qui sua quoque ætate pro inepta morositate ob errores quosdam optimos simul & pijsimos aspernabantur auctores. Eius enim verba ad Tranquillum hæc sunt: Ego Origenem & nonnullos Ecclesiasticos scriptores Græcos pariter & Latinos sic legendos arbitror ut bona eorum eligamus vitemusq; contraria, iuxta Apostolum dicentem, Omnia probate, quæ bona sunt tenete. Caterum qui vel in amorem eius nimium, vel in odium stomachi sui prauitate ducuntur, videntur mihi illi maledicto prophetico subiacere, Væ his qui dicunt bonum malum, & malum bonum: qui faciunt amarum dulce, & dulce amarum. Non enim propter doctrinam eius praua suscipienda sunt dogmata, nec propter dogmatum prauitatem, si quos Commentarios in scripturis sanctis adidit penitus respuendi sunt. Cuius equidem sententiæ & præclarum illum Alexandria Dionysium fuisse author est in historia Ecclesiastica Eusebius. Deinde verò cum, nouæ Ecclesiæ incrementa, auctus & iustam faciem describat hoc opere Lucas, iterū vni prout alijs de licari commodius quā Ecclesiæ Frankfurdianæ, utpote quæ & ipsa Euangelicam amplexa sinceritatem palam capis nomen suum veritati dedere, & ad ritus veteris Ecclesiæ assidue. Demonstrabitur autem hoc libro vetustissimam veritatem esse, quam hodie terrarum quidam & malè sani homines dei æternalem fidem nouamq; nuncupant hæresim. Demonstrabitur præterea quanto cum periculo, & quibus cum hostibus, in veræ Ecclesiæ circo pro auita veritate non modo recuperanda, sed & retinenda pugnandum sit, quibus armis vincendum, quid pro nomine Christi patiendum, quemodo item impiorum artibus sit occursandum. Nam mirus est hac in re Lucas. Aiuunt poetarum principem Homerum in insigni opere suo describere voluisse boni viri officia & felicitis Reipub. faciem: ego verò multò verius dixerim hac historia Lucæ Christiani hominis munia & Ecclesiæ statum absolutissimum absolutissimè esse expressum. Et argumenti nobilitas relictasq; permoit ut in elegantissimum antiquissimūq; librum adornarem Commentarios. Accesserunt & fratrum preces, qui subinde cōquerebantur nihil aut certè paucula quæpiam in hunc nobilem nostrisq; temporibus accommodatissimum extare authorem. Querebar

ego multa mihi deesse quæ tantam rem tractaturo videbantur necessaria: expectaturum ergo donec alij harum rerum peritiores, quales nostrum seculum habet plurimos, prodirent & felicius hocopus enarrarent. Sed dum nemo interim prodit, vrgent illi, vt saltem talentum meum mihi à Domino creditum in fœnus exponam, alijs nihilominus liberum manere scribere maluit an silere: & hætenus quidem vicerunt. Accessit ad hoc quod vir incomparabilis D. Ioachim Vadianus communis patriæ nostræ Helueticæ decus, stipularetur ea se absoluturum, quæ essent geographica, quæ & Epitome adita præstitit. Et de ea quidem filere melius puto quàm parum dicere: quod vel nullis nemo facile expresserit eius operis pretium & vtilitatem amplissimam, eruditionem absolutam, & iudicium emunctissimum. Præterea suppeditata sunt à fratribus nonnullis dictata quædam quæ vir ille ante annos aliquot Christianis quibusdam auditoribus Sangalli dictauit, quibus me haud modice iuuari posse sperabam. Nec fefellit opinio. Eiusmodi enim erant, vt si recognouisset euulgassetque, haudquaquam hoc labore meo fuisset opus. Equidem aliquot iam annis speraueram id ipsum facturam. Nam ante annos aliquot id Metœnati meo omniumque studiosorum patrono D. Vuolphgango Ionero quondam Capellæ Tigurinorum Abbati, pollicebatur: sed illum ne præstaret, negotia quibus ducitur captiuus obstitere: hunc verò ne extorqueret præmatura mors præripuit. Nuper enim infauslo ad Capellas prælio fortiter pugnans occubuit. Si ergo nunc in hoc opere desyderentur plurima, ego vel hoc nomine venia dignus ero, quod in argumento difficili & grauissimo parū habuerim adminiculi, nisi ea quæ iam iam recē sui dictata. Nihil enim extat in hoc opus quod ego quidem sciam posse Erasmi Roterodami Germaniæ decoris diligentissimas & doctissimas lucubrationes, Annotata inquam & Paraphrases. Nam ex vetustis paucissima quædam supersunt. Chrysostomus enim pro more suo declamationibus deditus vel parcius Lucæ verba perstringit, vel recitando transit. At Bedæ Anglofaxonis, viri doctissimi annotamenta, aut si quis malit Scholia dicere, breuiora sunt, quàm quæ simplicioribus satisfacere possint. Quæ verò Iusti Ionæ titulo nuper euulgata circumferuntur, eiusmodi sunt, vt is crassa, quod dici solet, Minerua, vel lineis quibusdam ductis futurum opus adumbrasse videatur. Neque vidi si quid extet præterea. Quid autem vetustos mouerit, quod in hunc Lucæ tam egregium & vtilem librum nihil scripserunt, non satis constat. Forsan rei difficultatem horruerunt: quod si verum est, ego profecto stolidus sum, qui istud ausim, quod tanti viri horruerunt. Cæterum malui me fratrum gratia in apertum dare periculum, quàm extra periculum tot indies fratrum querelas audire. Si verò isti tam facile crediderunt argumentum esse, vt nulla copiosiori opus fuerit expositione, iudicabit diligens Lector, quàm verum hoc sit, vbi singula paulò diligentius expendit. Prima sanè fronte exposita esse videntur, quæ dilucida satis narrantur historia, sed si ad ipsa penetremus mysteria, longe plus in recessu habere dicemus, quàm fronte promittat. Equidē vt cunq; res habeat, nihil in hoc neq; laboris neque diligentia omisi: quin de candore & fidelitate mihi optimè sum conscius. Legi omnium quos habere potui expositiones, sed & aliorum nonnunquam recensui sententias, veterum tamen maxime: non quòd existimem in literas sacras hominum placita aut explanationes esse inferendas. Ex sacris enim, vel Hilario teste, simplex & genuinus sensus decerpendus idemque ipsis scripturis sacris, hoc est, regula fidei & charitatis, locis similibus aut dissimilibus, circumstantijs & rationibus, sed ex scriptura petitis, confirmandus est. Diuus quidem Hieronymus, cuius maxima interpretandi scripturas gloria est, non modò in Præfatione ad secundum in Micheam Commentariorum librum, sed ad ipsum quoq; Aurelium Augustinum, Ingenue fateor (inquit) me maiorum scripta legere & in Commentarijs secundum omnium consuetudinem varias ponere explanationes, vt è multis sequatur vnusquisq; quod velit. Atqui D. Augustinus Hieronymo respondens, Ego verò fateor charitati tuæ (inquit) solis eis scripturarū libris, qui iam Canonici appellantur, didici hunc honorem timoremq; deferre, vt nullam eorum authorem scribendo aliquid errasse firmissimè credam. At si aliquid in eis offendero literis, quod videatur contrarium veritati, nihil aliud quàm vel mendosum fuisse codicem, vel interpretem non assequutum esse quod dictum est, vel me minimè intellexisse, non ambigam. Alios autem ita lego, vt quantalibet sanctitate doctrinaq; præpolleant, non ideo rerum putem quia ipsi sic senserunt, sed quia mihi vel per illos authores Canonicos, vel probabili ratione, quòd à vero nō abhorreat, persuadere poterunt.

suerunt. Nec te misfrater sentire aliquid aliter existimo, prorsus inquam te non arbitror sic legi tuos libros velle tanquam prophetarum & Apostolorum, de quorum scriptis quod omni errore careant, dubitare nepharium est. Hæc Augustinus. Proinde nos aliorum expositiones tum maxime proculimus cum ipsos scopum attigisse crederemus: deniq; & in hoc protulimus, ne illi qui oraculi loco habent quod Lira, Hugo, Scotus atq; Thomas ille Aquinas prodidere, subinde calumniari possent explanationes illas quas nos conscribimus nuper esse domi nostræ natas. Aliàs quod veteres olim procestarunt, & nos semper in omnibus alijs opusculis nostris testati sumus, idem & in præsentiarum ingerimus hæc iudicanda iuuandi studio esse vulgata. Per me enim pijs Lectoribus expendere licet quid pium, quid necessarium, quid vtile, quid genuinum, quid asceticum, quid superuacaneum vel affectatum sit. Nolo enim meis scriptis vt Canonicis credi. Nolo sanctis & doctis huius cui hominibus præiudicare. Quod si alteri melius quippiam fuerit reuelatum, non inuidebo. Ego enim hac lege scribo, mihi vt integrum sit curta producere, obscurius dicta illustrare, inuoluta explicare, singulaq; rectius (si necesse sit) instituire. Cur enim mihi iam trigessimum agenti annum non liceat, quod Augustino plus quam sexagenario Retractiones scribenti veterano vique episcopo licuit? Scio equidem faciendi libros (vt propheta ait) nullum esse finem, & quod pœta dicit:

Scribimus indocti doctiq; pœmata passim.

Atqui hæc nostra in illum librum, in quem pauca extabant, non ingrata fore credidi, quibus & ad scripturas legendas incitare volui magis quàm humana commentatione à scripturis auocare. Cæterum quum omne incrementum solius Dei sit, hunc oramus vt ipse gloriam verbi sui quam habemus mille quingentis annis (totidem enim anni hoc MCCCXII. supra millesimum quingentissimum numerantur, ex quo de Zion exiit Lex, & verbum Domini de Ierusalem) inuitis omnibus aduersus omnes potestatibus quàm latissimè (vt hoc libro Lucas indicat) prouexit, & victrice virtute crearet, in finem vsq; quàm latissimè propages, in cordibus hominum confirmet, & ab impiorum manu asserat. Et vos quidem, viri clarissimi fratresq; in Christo venerandi, obtestor per Domini nostri Iesu Christi virtutem & aduentum eius, vt neglectis mundi minis, artibus & promissis, vni Deo per filium eius Iesum in vera fide secundum scripturas sanctas firmiter adherere pergatis. Paulus ille cælestis sapientiæ præco, Prædicatio mea (inquit) non erat in persuatorijs humanæ sapientiæ verbis, sed in ostensione spiritus ac potentie, vt fides vestra non sit in sapientia humanum, sed in potentia Dei. Reiectis itaq; commentis humanis fundamento Christo innitimini, quem nemo purius docere potest scriptura sancta. Multa sanè Christi nomine patienda esse tradit spiritus sanctus, sed qui perscuerauerit in finem vsq;, dicit Dominus, hic saluus erit. Fidunt alij in periculis sæderibus, armis, opibus, per se quidem minimè malis: vos autem Deo fidite, cui qui se verè credit in æternum non peribit. Dominus ille omnipotens, clemens & misericors per Christum Dominum fidem in vobis semper augeat, & quod cæpit confirmet, Amen. Tiguri

MCCCXV. Augusti. Anno à Christo nato

M. D. MCCCXII.

COMMENTARIORVM HEIN-

RYCHI BVLLINGERI IN ACTA APOSTO- LORVM INDEX.



ABRAMAE filij, Dei veri cultores 23
 Abraam Deo seruiuit digne absq; templo & ritibus externis 23
 Aboluitur à peccatis Christus & ministri, sed variè 33
 Aboluitur Iudæi non expectata satisfactioe 10
 Acceptio personarum nulla apud Deum 37
 Actorum liber non minima pars euangelicæ historiæ 1
 Actorum libri argumentū breue 1
 Actorum liber partim in Græcia, partim Romæ conscriptus 1
 Actorum libro semper honor maximus habitus est in ecclesiâ à sanctis 1
 Actorum liber Euangelio secundū Lucam iungendus 2
 Admonitio adiungenda consilio & illustrationi 10.b
 Aderant à Cornelio Petrus recusat 30.b
 Adulatio quæ regibus fit damnatur 41.b
 Adulatoribus aures nō prabēde 57
 Aegyptiorum stultitia inuenta sunt idola 60
 Aegyptij falsi prophetæ historia 77.b
 Aethiops an profectus fuerit vel gentilis, Candace reginæ 30
 Aethiopibus cum Iudæis familiaritas 30
 Aethiopes etiā legis & prophetarum sensum habuerunt 30
 Afflictionibus peruenitur ad felicitatem 50.b
 Arabus verbo & factis prophetat 75.b
 Ager nomen sortitur ex pretio & re gesta 5
 Agram negligere probro habitum apud Romanos 64
 Agrippæ augustum nomen multis fuit ceptum 40.b
 Agrippæ tres filiae 40.b
 Albis induuntur angeli, triumphatores, aulici 3.b
 Alexandri Cæsaris in impostorem quendam sententia & supplicium 44.b
 Amazias filijs Seli præcipitium indixit 4.b
 Ambrosius Symacho respondet de cultu malorum 40
 Amicitia dirimitur, si panis frangatur 51.b
 Amyclæ tacendo perierunt 82
 Amos prophetæ locus citatur & exponitur 25
 Ananias mittitur Saulus arcanorum

Dei institutione imbuendus 32
 Anacharis Scythæ querela de magistratibus 40.b
 Ananias ad exemplum corrumpit hypocritarum 17.b
 Ananias probitas, & magisterium in Paulum conuersum 78
 Ananias pontifex iniquus 79
 Anatli emata qua ratione templis inferuntur apud ethnicos & Iudæos 81
 Anaxias in adulatores diuini 42.b
 Angeli duo in albis Christo de cor-
 lis iterum venturo testes 3.b
 Angeli quomodo honorandi ex Augustino 13
 Angeli specie vocatur Cornelius ad Christi ecclesiam 35
 Angeli delegari hominibus à natiuitate pro custodia 41.b
 Anni historiæ Actorū tot descripti, quot capita habet hic Actorum liber 1
 Annorū numerus quadringentorū & quingentorum, de quo Paulus, quomodo sumendus 45.b
 Animæ hominū non oberrant post mortem extra corpus 41.b
 Antiochena ecclesiâ primitiæ gentium sanctissimæ 39
 Antiochenæ ecclesiæ laudes 43
 Antiochia libera, morigera, tutaq; ciuitas facie 51
 Apologia vititur Petrus ad superuenientes Iudæos coram gentibus cum quibus conuersabatur 36.b
 Apollo Pythius vnde dictus 57
 Apollo laudes multiplices 66
 Apollos pietati iunxerat eloquentiam 66.b
 Apostolis omnibus data est à Christo domino æqua potestas 9
 Apostolatui quis dignus in locū Iudæ proditoris substituendus 6
 Apostolica habitationis in monte Sion & apud cerdonem simplicitas 4.b
 Apostoli quibus linguis loquuti & intellecti 8
 Apostolorum quales fuerint prædicationes in ecclesiâ 9.b
 Apostolorum doctrina euangelica erat 10.b
 Apostoli soli non cedunt persecutioni Iudaicæ 27
 Apostoli docebant etiam in singulis domibus 20.b
 Apostolorum seculum iniquissimū probatur 39.b
 Ad apostolos & apostolicos viros pertinet quaestio de fide 52
 Apostolorum decreta præter scripturam falso iactantur 56
 Apostoli velles qua ratione excusantur 47.b

Apostolorum processus ad ecclesiā qualis 12.b
 Apostolorum & Nazæorum differentia dogmata 52
 Apostolicos quæ deceat sollicitudo 55
 Apostolicorum hæresis qualis 16.b
 Apostolorum patientia iuncta prudentiæ 58.b
 Apostolorum & presbyterorum discrimen & officium 50.b
 Aqua sacramentalis in baptismo 31.b
 Aquilas duos memorat historiæ 64
 Aratus quis, vnde, & quid scripserit 63
 Archelaus exulat Viennæ Galliarū 40.b
 Arcopagus quid & vnde dictus 61
 Argumentum signum est per quod fides fit rei alioqui dubiæ 2.b
 Argumenta resurrectionis Christi ibidem
 Aristotelis de Deo sententia 62.b
 Arma impiorū pro suis errorib. 33.b
 Arma pastoralia, gratia & verbum Dei 47
 Armis Romanorum Paulus bene usus est 82
 Artificij nihil noscens, vrbe excludendus 64
 Ascensionis Christi mysterium 4
 Ascensio approbata testimonijs clarissimis 3.b
 Ascensio Christi putatur facta in sabbato 4.b
 Ascensionis Christi locus quare designatur 4
 Atque nomine quæ intelligendæ prouincæ 56
 Athenienses præstant cæteris hominibus ut aquila aribus 60
 Athenienses superstitioniores reliquis idololatæ ibidem
 Atheniensium inconstancia 61
 Athenis cōsilia duo qualia fuerint 61
 Avariciæ lætalis aculeus 57.b
 Avarorū in veritate conuicta ibid.
 Aziax rex Amasorum 84.b
 B
Baptisma Ioannis & Christi quidam distinguunt 66.b
 Baptisma mentalibus oculis considerandum 31.b
 Baptisma Christi & Ioannis quo differant 3
 Baptizat Christus solus igne 3
 Baptizati adulti, paruulos suos non neglexerunt 10.b
 Baptismo recipimur in Dei ecclesiā, & Christo dedicamur 10
 Baptismus quid sit, & quibus debeat 38
 Baptisma doctrinæ docetur 66.b
 Baptismus

Baptismus initiatio populi Dei est 29
 Baptismus cur fidei succedere debeat 31
 Baptismus eunuchi ex fonte 31.b
 Baptismo interiore solus Christus baptizat per Dei gratiam & indulgentiam 67
 Baptismus vnus Christi & Ioannis 67
 Baptismus dandus etiam non credente potenti per aetatem ibid.
 Barnabam quare Iouem dixerint Lycaones 48.b
 Barnabas vir cōsolationis dicitur 37
 Barnabas qualis fuerit, & quomodo Paulum commendauit fratribus cunctabundis 17
 Bariehu & Elymas quomodo accipiendi nomina 44
 Beneficere est etiam valedicere 3.b
 Beneficia Dei patriarchis olim in veteri lege exhibita 45.b
 Beneficia à mundo pro maleficijs puniuntur 57.b
 Bertheensium laudatur fides & diligentia 59.b
 Bernice regina quæ fuerit, variatio auctorum diuersa sententiũ 86.b
 Blasphemia in Deum & veritatẽ tormentis & morte perniciosior 88
 Bona tribuuntur à Deo vno, à quo solo petenda, non à diuis 50.b
 C
 Caius Caligula reipublicæ Rom. pestis nocentissima 36.b
 Calceamenti solutio ad reuerentiã pertinet in veteri lege 24.b
 Candace reginis Archiopum commune nomen, nõ proprium habetur 30
 Canes apud Paulum apostolum qui dicantur 10
 Capnionis, qui idem & Reuchlinus, laus non indigna 34
 Carceris custos cōuertitur, docet, baptizatur 58
 Caro nostra in veritate resurget 2.b
 Caro Christi necessario translata in cœlum 4
 Caro Christi finita, quanquam clarificata 32.b
 Caro & sanguis ad verbum Dei reduntur attonita 31.b
 Caro & sanguis vsurpant regnum Dei in Christo 4
 Carnis affectus mors est, in spiritu vita 6.b
 Charitas nora celebris discipulorũ Christi 74.b
 Charondas cōsoludit de populo 40.b
 Charondas de incōstantia plebis 50
 Castitatis votum illicitum, non habentibus gratiam continendi, habentibus non vtile 81
 Castitatis votum aut stultitia aurim pietas 81
 Castor & Pollux quare relati in Deos 92.b
 Cœnæ mysticę signa & res quales 7
 Cœnæ dominica quomodo peragenda ritu apostolico 11
 Cœna Dominica in cœtu sacro ce-

lebranda 12.b
 Centurionis quale officium 35
 Centurio quomodo vir pius & religiosus siue quali fide 35
 Ceremonijs abusi sunt Iudæi 25.b
 Ceremonias Iudaicas perniciosas esse Christianis & mortiferas 51.b
 Ceremonias contemnit Paulus, Christo contentus 65
 Ceremonia liberæ Christianis permancant 72
 Cæsarea quæ & Turris Stratonis 35
 Cæsarea duplex Palæstinæ & Capadociæ 66
 Cæsarem Paulus appellat, non sine Dei providentia 86
 Christus veritas mentiri non potuit 2.b
 Christus quare moritur, resurgit, cœlos ascendit, & spiritũ misit 4
 Christus victor in cœlis, & pro nobis intercessor 4
 Christus qua forma abierit, & sic rediturus 4
 Christus secundum corpus non vbi quæ diffusus 4
 Christianę fidei maxima autoritas 5.b
 Christus crucifixus Conf. Rubellio Gemino, & Rufio Gemino 4.b
 Christus qua diligentia & fide à Petro prædicetur 8.b
 Christi anima quomodo ad inferos descenderit 9
 Christi meritũ mortuis quoq; profuit 9
 Christianæ rei summa 9.b
 Christum David quomodo nominat Dominum ibidem
 Christus à patre accipit promissum ibidem
 Christum damnarunt antistites religionis 15
 Christo illudi Iudæos Deus non patitur 15
 Christi vi sola & merito saluatur mundus 15
 Christi typus produciẽ Moses 24.b
 Christus vnice colendus & timendus 37.b
 Christus Iesus iustus, quia nostra iustitia 26
 Christus sedere dicitur & stare à dextris in cœlo 26.a.b
 Christus diuina generatione sempiternus est 31
 Christi Domini natiuitas, humilitas infirmitas, iustitia, pax, peccati satisfactio, patientia, gloria, diuinitas, crux, sepultura, hostia, resurrectio ex Isaia propheta 30.b.31
 Christiani de more primum dicebantur discipuli 32
 Christus viuit in suis & patitur ibid.
 Christus vt Romæ prædicetur à Paulo 39
 Christus in dextera patris sedens, Paulo videtur 32.b
 Christi mysterium varijs varie reuelatum gentibus 37
 Christi venturi fide saluati sunt ve-

terea 37
 Christianorum nomen primum Antiochiæ cœptum dici 39.b
 Christiani quare nominantur cultores Christi ibidem
 Christianorum quoq; affectus, turba, & motus 41.b
 Christiani negotij testimonium ex Psalmo 15. 46
 Christus quid orbi donarie 46
 Christianæ religionis capita recensita breuibus 53.b
 Christi diuinitas probata Tiberio, nou senatui 57.b
 Christo templum facere voluerant Seuerus & Adrian. Cæsares 57.b
 Christum verum esse Messiam Apostolus prædicat 59
 Christianæ doctrinæ aduersantur placita Epicureorum & Stoicorum 60.b
 Christus est per quem mundus restituitur 63.b
 Christus est lumen mundi ibid.
 Christus magnus Deilegatus in mundum ibid.
 Christum virum vocat Paulus, non sine causa ibid.
 Christus iudex constitutus mundi, etiam exterorum prænunciatoribus ibid.
 Christiani dicuntur probri gratia Nazaræi 83.b
 Christianum dogma nouũ non esse 88
 Cibi liberi sunt Christianis ad vescendum 36
 Circumforanei qui dicantur & quare 59
 Circumcisio testamenti sacramentum 23
 Circumcisione intelliguntur cærebra cuncta legalia 52
 Circumcisionis in locum succedit fides & timor Dei 53
 Claudij prophaniissimi imperium in porphanos 39.b
 Claudius mulierum amore attonitus, imperij & vitę obliuiscitur 40
 Cleophas Simonis auus ex matre Iosephi fuit nutritij Christi frater 4.b
 Clauis Apostolorum quales, & qui 47.b
 Clauis non habent qui peritia verbi Dei destituti sunt 47.b
 Clauis occultavis dicitur per errorẽ in sacerdotibus ibidem
 de Clauibus sententia D. Augustini ibidem
 Cohors Augusta primaria quare dicta 80.b
 Cohortes decem in legione ibid.
 Collegia habuerunt studioforum omnes gentes 7.b
 Colendi Deum ritus quis Deo placeat 84
 Communia omnia apud apostolos quomodo erant 12
 Commentaria hæc quare distincta in libros 1

Concordiæ author & cohabitator spiritus sanctus	7	ra impendenda	33	constitetur, non nouum	84
Côcordia & constantia in publico	12	Corporis & sanguinis mysteria quo modo celebranda	72	Dextera Dei exaltatus exponitur Christus	9.b
Concordia malorū bonis noxia	80	Creatura vbiq̃ creatori suo obse- quitur	3.b	Dextera Dei patris quæ & quomo- do dicatur	ibidem
Côcordia potissima res est in eccle- sia cum oratione & perseveran- tia	4.b	Creaturarum cultum vanū esse	49	Diuis homines virtutē arrogane & meritum	13
Confessio libera Pauli Iudæis causa fuit dissensionis	84.b	Credendum non facile, quiduis si- mulantibus	33.b	Diuis nostris vt probentur sacri- cia & cultus	49
Confitentur credentes peccata su- perflitionum suarum	68.b	Crucis infamæ mortis genêre, Chri- stus inter latrones	31	Diui non colendi sed imitandi pro- pter sanctimoniam	49
Confessio auricularis nō probatur ibidem		Crux Euangelium continuo sequi- tur	46.b	Diui omnem cultum in Deum diri- gi desiderant	49.b
Confrenda Deo peccata quomodo ibidem		Crucis Christi in factis occasio	51.b	Diaconi in ecclesia quales eligendi 21.b	
Coniugium sacerdotibus non inter- dicendum	75	Custodes Petri elapsi, cur à tyranno cæli	41.b	Diaconia quale ministeriū noret	21
Consiliū penitentiae ex scripturis captandum	10	Cultus Dei verus fit fide, spē, amore recti & iusti	23.b	Diaconorum in ecclesia prima or- dinatio	21.b
Consilium & impietas tyrannorum vitrea	15.b	Cultus hominum etiam diuorū improbatur	42	Dialecticæ qualis sit ratio	87
Consilia impiorum frustrantur à Domino	18.b	Cultus Dei constat innocentia & fi- de	89	Dianæ delubra argentea	69.b
Consilij sanis obsequi non minima felicitas	21.b	D		Diana triformis dicta	ibid.
Consilia non æstimanda personarū respectu	89.b	Dauidis facta & verba etiam de Christo accipienda	9	Diana venatrix vna, alia multimam- mia	ibidem
Consilia secreta principum celanda 32.b		Dare beatius quā accipere, contra monachos	74	Dianæ templum Democritus de- scripsit integro libro	ibid.
Consiliorum qualis autoritas & regula	52	Delubrum quid dicatur	69	Dianæ Ephesiae simulachrum cælo lapsum dicitur	70
Côsolatur suos Dominus in medijs angustijs	65	Demetrii improbū consilium	69.b	Dianæ loco celebrantur hodie de- Mariæ	ibidem
Confortium malum prorsus vitan- dum	10.b	Demon spectra multa affingere con- suevit impijs	41.b	Dicendi libertas in Apostolis, sicue apud gentes olim	15.b
Constantia consummatio omnium	2.b	Dæmonis artes deteguntur à Paulo	57	Dicendi artificium ex dialectica	87
Constantia vnde discenda in pericu- lis	14.b	Dæmonum verbis phaleratis & fu- cis non credendum	57	Diei extremæ articulus non curio- se rimandus	3
Consuetudinis prauæ vana persuas- io	50	Dæmones deorum hlij appellari ab Atheniensibus	61	Dierum peregrinationis Pauli sup- puratio	74.b
Conuersio peccatorum fit Dei mi- sericordia, non humanis tantum viribus	32	Descendit ad inferna, non habitum in Symbolo olim	9	Dionysius Areopagita an libros vul- gatos scripserit	63.b
Conuersionis Pauli modus	ibid.	Deuotione deuouimus nos, in ma- lam partem	8.b	Dysenteria morbus	92.b
Conuersio Pauli Agrippæ recitatur	88	Deuotiones impię artes sunt venan- di diabolo	ibidem	Disidium pontificiorum & euan- gelicorum	51.b
Correctione indurantur impij	32	Deus quomodo in homine, & in Deo quomodo sit homo	4	Doctores veritatis ingens beneficiū sunt Domini	30
Corinthus vrbs Achaie celeberrima	64	Dei voluntas plenissime reuelanda prædicitur à Ioel	8.b	Doctores pij præcipuum ornamen- tum ecclesiarum	43
Corinthus Græciæ lumen	ibid.	Deus vnus multis nominibus appel- latus à gentibus	48.b	Doctrinā dicitur alicubi baptismus	66.b
Cornelij & monachorum compara- tio	35	Deus sons aquarū viuientium, & co- piæ cornu bonorum	49.b	Doctrinā quæuis probanda scriptu- ris sacris	59.b
Cornelij confessio & gratiarum a- ctio	37	Dei vnus docetur religio, & cultus ab apostolis	ibidem	Dogma primarium Christianæ pie- tatis	51
Cornelij summæ quædam virtutes ibidem		Deus non habetur nisi ex Romano- rum legibus	57.b	Dogma nouum & impium excutit Paulus	84
Cornelium Petro Dominus præpa- rat, & Petrum Cornelio	35	Deus non nouus nec ignotus à Pau- lo prædicatur	61.b	Dolus nunquam inuentus in Chri- sto	31
Cornelij maiores, officium, pietas 34.b		Dei veri & vniūs assertor Paulus ibidem		Dominica dies dicta vna, id est pri- ma sabbatorum	72
Coronas quare Tertullianus dete- stetur	49	Deus mundi & omniū conditor	61.b	Domus nomine intelligitur tota fa- milia	56.b
Corpus Christi clarificatum, quo- modo intelligendum	2.b	Deum gentes cognoscere poruerūt ibidem		Domus vniuersa custodis carceris baptizatur	58
Corpus Christi tale resurrexit, qua- le possum fuit in monumento ex August.	2.b	Deo nostro debemus etiam animā	62	Donæ Dei non primum orbi data in die pentecostes	6.b
Corpus Christi an clausa ianua exie- rit, & Apostoli	19	Deum esse incircumscriptibile	62.b	Dormit qui mortuus in spe resur- rectionis futuræ	26.b
Corpori necessaria & moderata cu-		Dei virtus maxime relucet in homi- ne	63	Drusilla quæ & qualis Felicis vxor 85	
		Deus in homine quomodo	63	Durum contra stimulum calcitrare adagium expositur	32
		De Deo dicitur, Ex illo, per illum, & in illum omnia	36		Ecclesiæ
		Deum vnum qui & patrum, Paulus			

Ecclesiæ facies descripta per Lucam in Actis 1
 Ecclesiastica præfectura erat non hominum, sed turba subditorum 5
 Ecclesiastica munia quomodo obediunda 5
 Ecclesiæ præponendi sunt non nisi irreprehensibiles 6.b
 Ecclesiæ sancti mores qui fuerint ab initio 10.b
 Ecclesiæ vnam animam habens concorditer credit & docet 10.b
 Ecclesiæ vera & antiqua quæ sit, & quæ papistica 11.b
 Ecclesiæ ædificatur sanctimonia, non violentia 21.b
 Ecclesiæ colligenda ex Iudæis & gentibus 36
 Ecclesiæ gentium quomodo à Christo vocata obediunt 39
 Ecclesiæ suam Deus præmonet per prophetas de futuris malis 9.b
 Ecclesiæ primitiæ maxima afflictio 40.b
 Ecclesiæ ardentissime orat pro Petro dormiente 41
 Ecclesiæ est sanctorum communio, cæteris scilicet Christi fidelibus 54
 Ecclesiastica potestas sicut ædificationem 75
 Ecclesiæ visitatio episcopalis 66
 Electionis diuinæ euidencia 65
 Elymas cognominatus Bariesus 44
 Elymas quare diaboli filius dictus, pro Barichu 44.b
 Episcoporum præcipua & peculiaris functio 21.b
 Episcopus & diaconus quomodo differant 29
 Episcopi quale habeant testimoniū 56.b
 Episcoporum institutio & exhortatio 72.b
 Episcopi sunt ecclesiæ ministri, non domini 73.a.b
 Episcopi cogitent de sua sorte ibid.
 Episcopi nomenclatura ibid.
 Episcoporum auaritia & luxu notatur 74
 Episcopatus censentur magnarum opum accessione 74
 Ecclesiæ viri boni commendari possunt 66.b
 Ephesiorum periculose artes & sacrilegæ 68.b
 Errores in ecclesiis unde prodierint 5.b
 Error idololatrarum unde & qualis sicut & felicitas 49.b
 Error non est exemplo quouis stabi-
 liendus 56
 Euangelium animi dotes pollicetur non temporalia 3
 Euangelium secundum Lucam complèctitur facta & doctrinam Christi 2
 Euangelico negotio attinet baptis-
 mus & doctrina Ioannis 5.b
 Euangelica doctrina quæ dicitur 30.b

Euangelij prædicati virtus & sum-
 ctio 19.b
 Euangelium inuitis impijs diffundi-
 tur 18.b
 Euangelio non vtendum pro com-
 pendio seculari 29.b
 Euangelij fundamentum est, Chri-
 stum filium Dei esse 33.b
 Euangelij prædicatio insimulatur
 causa malorum in mundo 39.b
 Euangelio multi varie afficiuntur
 46.b
 Euangelij persecutorum ingenium
 & typus 47
 Euangelij prædicatio prolatio est et
 vsus clauium 47.b
 Euangelij prædicatores non terrea-
 tur facile minis 55.b
 Euangelium solatur trepidos & de-
 sperabundos 58
 Euangelij hostes maximi qui 59
 Euangelium non tollere magistra-
 tum 59.a.b
 Euangelio traduntur duo, peniten-
 tia & fides in Christum 72.b
 Euangelium non bene capiunt mun-
 di principes 79
 Euangelica narratio certissima est
 ibidem
 Eunuchus pro aulico 30
 Eucharistia priuatim in ædibus ce-
 lebrata ab episcopis 12
 Exemplariorum variatio in Actis 83.b
 Eutychis Fortunari restitutio 72
 Excidium Iudæis non conuertendis
 prædicatur 8.a.b
 Epicureorum hæresis de voluptate
 60.b
 Exorcistarum multa apud Philip-
 penses 68
 Exorcistarum ars Salomoni adscri-
 bitur à Iosepho ibid.
 Exorcistarum ars ab ecclesiasticis
 improbat 72.b
 Exorcistæ intenti ad lucrum & im-
 postores ibid.
 Externam culturam Deo non esse
 curæ 25.b

F

Faciendum prius, & sic docendū
 ne doctrinæ autoritas cassis opo-
 ribus destituatur 2
 Factionum præiudicia quid possint
 80.b
 Facultates hominum vt nomenen-
 tur 12
 Facultates propriæ quomodo à Chri-
 stianis possidendæ 16.b
 Fames propter Christianorum per-
 secutionem à Iudæis oborta 39.b
 Fastum detestantur Apostoli ponti-
 ficum templi 15
 Felix nihil præter mundū norat 35.b
 Felices largitiones, corrupta iudicia
 & auaritia damnantur ibid.
 Fæminæ non raro vel paucis impe-
 rant 30
 Fellis metaphora explicatur 29.b
 Festum ieiuniorum & iactantia 36.b
 Fidei virtus magna est ibidem
 Fides non prorsus tollit humana

præsidia 92
 Fides eadem in omnibus per mun-
 dum ecclesijs 10.b.11
 Fides catholica ubique prædicata ab
 Apostolis 10.b.11
 Fides nostra & patriarcharum ea-
 dem, ideo & salus eadem illis &
 nobis 15
 Fidei spiritus idem veteribus & no-
 bis 15.b
 Fides vera & antiqua quæ dicta Ste-
 phano 23
 Fides de Christo Domino summa-
 tum per Isaiam descripta 31
 Fide pertingitur ad virtutes, non
 contra 35.b
 Fides Cornelio de gratiæ Dei largi-
 rate donata ibidem
 Fidem non esse meriti humani 47
 Fidei ostium aperire, est fidem reci-
 pere 50.b
 Fide in Christum peruenitur ad cer-
 rissimam salutem 58
 Fides sincera profert vere bona o-
 pera ibidem
 Ad lumina gentes purgati orabant
 56.b
 Fratres consanguinei dicuntur He-
 bræis 5
 Fratres & sorores olim dicti, qui
 nunc Christiani 75
 Fugæ præsidium non semper inho-
 nestum 34
 Fuga Apostolorum non inutilis, sed
 necessaria 48.b
 Functio nes sæpe detestant sancti,
 sed sine pertinacia 32
 Furor populi raro sedatur vno ma-
 lo 27.b
 Futura non inquirenda à Pythoni-
 bus vel veridicis 57

G

Galatæ missa epistola diu ante co-
 scripta Actis 56
 Gallio quis & qualis fuerit 63
 Gallionis sectatores multos habet
 mundus 65.b
 Gamalielis consilium ex scripturis
 & sapiens 20
 Gentes omnes vocandæ in consor-
 tium salutis 6.b
 Gentium quoque Deus est Dominus
 35
 Gentium vocatio celebri initio au-
 spicatur 42
 Gentium declinatio quare olim ma-
 data nunc reuocatur 36.b
 Gentium mentes erigit, ne se cre-
 dant neglectas 37
 Gentes conuersæ ad Christum, &
 quantur Iudæis per Deum 38
 Gentes à societate populi Dei non
 arcendas 38
 Gentes pertinere ad gratiam Dei
 declaratur 38.b
 Gentes mundatas sanguine Christi
 vt Iudæi 38.b.39
 Gentes omnes Deus vult saluos fieri,
 & quomodo 47.b
 Gentes plures Deos & vnum credi-
 derunt 48.b

<p>Gentes ad Christum conuersæ non indigent legalibus 52</p> <p>Gentes ad Euangelium conuersæ per Petrum ibid.</p> <p>Gentes in deperditorum locum suscipiendas 53</p> <p>Gentes quoque ad populum Dei pertinent ibidem</p> <p>Gentes infames ab idololatria & scortatione 52</p> <p>Ceteris Iudæis in multis meliores 83</p> <p>Germania credidit fidei catholicæ tempore Iulianæ 11</p> <p>Germani non admittunt Deorum imagines ad formam humanam 60</p> <p>Gratiam Dei per Christum vtrorū gentes amplectuntur 47</p> <p>Gradus multi ad virtutem describuntur 32.b</p> <p>Gradus ad impietatem & idololatriam 48.b</p> <p>Græci dicuntur Iudæi nati apud gentes, non in Iudæa 21</p> <p>Græcæ lingua nota Aegyptijs, Aethiopibus & Iudæis 30</p> <p>Hebraea & Græcæ lingua necessaria de scriptis ecclesiæ 7</p> <p>Heraclides de laudibus laboris 64</p> <p>Hæresis deterior persecutione 51</p> <p>Hæresis contra salutem veram in solo Christo ibidem</p> <p>Hæresis vocabulū non semper fuit tam odiosum 84</p> <p>Hæresis dicitur confirmata de aliquo dogmate opinio ibid.</p> <p>Hæreticus quis dicatur ex Augustino 73.b</p> <p>Herodes quis fuerit qui Petrum comprehendit, & afflixit ecclesiā 40</p> <p>Herodiorum historia summarim descripta 40.2.b</p> <p>Herodes fortunam suam committit batææ 40.b</p> <p>Herodes stultè res administrat 42</p> <p>Herodis tyranni interitus manifestus Dei iudicio ibid.</p> <p>Herodis magni septem fratres 40.b</p> <p>Herodis impia pollicitatio 81.b</p> <p>Herodem imitantur coniurantes contra Euangelium ibid.</p> <p>Hieronymus de intercessionem sanctorum contraria scribit 91</p> <p>Historiæ Christi fructus promissionum Dei impletio 46</p> <p>Hybernare naues quid 89.b</p> <p>Hypocritæ semper in ecclesia 17</p> <p>Hypocritis author diabolus ibidem</p> <p>Hypocritæ Iudæi Euangelij persecutores 59</p> <p>Hominum ingenia varie ex verbo veritatis afficiuntur 10.b</p> <p>Homo cur conditus iuxta Anaxagoram 61.b63</p> <p>Homo conditus vt Deū cognoscat & veneretur ibid.</p> <p>Homo in omnium rerū theatro ibid.</p> <p>Homo quomodo Dei progenies 63</p> <p>Homicidium profligatissimum flagitium 92</p> <p>Hospitalitatis virtus & meritum 82</p>	<p>Horati⁹ de monachorum otio 64.b</p> <p>Horæ Iudæorum instar Babyloniorum supputantur 8</p> <p>Horæ orationis tertia, sexta & nona 35.b</p> <p>Hospitalitas Petri ad sanctos in exemplum 36.b</p> <p>Hospitalitas Christianorum maxime erga doctores 51.b</p> <p>Hospitū habenda ratio & cultus 64</p> <p>Hospitalitatis præmiū ingens 92.b</p> <p>Hospitalitas Mnasonis Cyprij 75.b</p> <p>Hostia pro peccatis mundi semel oblata Christus 31</p> <p>Huldrychus Zuinglius de baptismo Ioannis 67.b</p> <p>Humilitas Christi ex Propheta 30.b</p> <p>Humilitas ex paupertate Christi ibidem</p> <p style="text-align: center;">I</p> <p>Iacobus Alphæi, parvus, minor, iunior, & frater domini appellatur 4.b</p> <p>Iacobus maior frater Ioannis maxime Euangelij prece 40.b</p> <p>Iacobum quidam tertium confinxerunt 4.b</p> <p>Iacobus filius Mariæ Cleophae quomodo accipiendum ibidem</p> <p>Iacobus Zieglerus Landauus de Syria 23.b</p> <p>Iacobus Alphæi Hierosolymorum episcopus 41.b</p> <p>Iacobi epistola qualem operibus iustitiam tribuat 53</p> <p>Iacobus frater domini triginta annis Hierosolymis antistes 75.b</p> <p>Iacobus præcipit occiditur ibid.</p> <p>Iacobi consilium vt Augustinus declarat 76</p> <p>Iacobi decretum ad religionis conciliationem pertinebat 51</p> <p>Iactum facere est nauim alleuiare 90</p> <p>Iconij vrbs descriptio ex Stephano 48.b</p> <p>Idiotis Apostolis os dabatur, & sapientia inuincibilis 15.b</p> <p>Idololatriæ & gentilis erroris origo 48.b</p> <p>Idololatria diutissime durans 59.b</p> <p>Idololatria Deo execrabilissimum flagitium 60</p> <p>Idololatriam Athenienses colunt, Barbari detestati sunt ibidem</p> <p>Idolorum cultum vanum esse 63</p> <p>Ieiunium quale vt Domino placeat 43.b</p> <p>Ieiunium quatuordecim dierū quale 91.b</p> <p>Ignis baptismus quis sit 2.b3</p> <p>Ignis & aqua congruunt instituto Christi ibid.</p> <p>Hierosolyma religionis caput, & fons legis diuinæ 2.b</p> <p>Hierosolyma etiam gentiles adoranturi accedebant 30</p> <p>Hierosolymis celebris & generalis Iudæorum disperforū schola erat Christi tempore 7</p> <p>Iesum esse verum Deum 8.b</p>	<p>Iesum esse Christum, scripturis declarat Paulus 33.b</p> <p>Iesum asserit Christum esse promissum in lege & prophetis 45.b</p> <p>Imago Dei in homine per spiritum est 6.b</p> <p>Imago Dei oblata in homine per peccatum Adæ ibid.</p> <p>Imago Dei homo quatenus sit 63</p> <p>Imago nihil habet Dei ibid.</p> <p>Imaginum impius vsus 63.69.b</p> <p>Imagines tolli iubentur à Valente & Theodosio 53.b</p> <p>Imagines propugnatores conuincuntur erroris ibid.</p> <p>Impij aures ad veritatem obturant 26.b</p> <p>Impietas sola se violentia tutatur 14.b</p> <p>Infantes baptizandi 66</p> <p>Inferorum nomine intelligitur scilicet mors & sepultura 9</p> <p>Ingratitudo hominum in bene meritis 91.b</p> <p>Ingressi & egredi est conuersari cum hominibus 5.b</p> <p>Iniuriæ & neci fidunt aduersarij veritatis 80.b</p> <p>Invidia concepta non quiescit 65</p> <p>Ioachimi Vadiani optime meritū laudes 23</p> <p>Ioannes baptista primus & maximus Euangelicus prece 37</p> <p>Ioannes prædicauit omnium potentiam apud Christum esse 37</p> <p>Ioannis Marci qualis defectio 44.b</p> <p>Ioannis doctrina qualis fuerit 67.b</p> <p>Ioanni Hufio facta violentia & veritatis Constantiæ 80.b</p> <p>Iosephi pietas erat fides, patientia, castitas &c. 23.b</p> <p>Iouis eximia maiestas inter Deos 48.b</p> <p>Irenæi fidei catholicæ symbolū 10.b</p> <p>Ironia vehementem increpationem habens 79.b</p> <p>Isaiam profelycus legit, & credit intellectum 30</p> <p>Israelis semen non omne reiectum 46.b</p> <p>Iter Sabbatis mille passuum est 4.b</p> <p>Iudas Iacobij ob differentiationem Iscariotis dictus & trinominis est 4.b</p> <p>Iudæa interitus atrox & terribilis 5</p> <p>Iudas Galilæus quis & vnde fuerit 20</p> <p>Iudæi carne non spiritu circumcisi 26</p> <p>Iudæis oblata primum salus 47</p> <p>Iudæi mordicus adhærebant abstinentiæ à sanguine & suffocato 53</p> <p>Iudæos qua ratione pulsos Roma à Claudio 64</p> <p>Iudæi Paulo impingunt legis contemptum 65</p> <p>Iudaica execratio copiose describitur 93.b</p> <p>Iudæus sit Paulus Iudæis, vt omnes lucrifaciat 65.b</p> <p>Iudæorum nomen odiosum Romæ, Claudij edicto 57.b</p> <p style="text-align: right;">Iudæis</p>
--	--	---

Judæis odiosum gentiū nomen 78.b
 Judæi in bono raro consentiunt 80.b
 Iudices Barbari mitiores in verita-
 tis professores, quam nunc sint
 Christiani 84.b
 Iudicū tyrannicorū descriptio 63.b
 Iudicii terrore hortatur ad respi-
 sciendam 13.b
 Iudicium mundi præposterum 17.b
 Iugum seruitutis & oppressiōis ad
 patres 32.b
 Iulurandum in malo non seruand-
 um 81.b
 Iustissimus virorum Christus 30.b
 Iustitia orbiis Christi per fidem 31
 Iustificatio vnde sit, & quomodo nō
 ex lege 46
 Iusticiam vt Paulus prædicarēt 85
 Iustificatiōis & vitæ ordo vt habe-
 at 47
 Iulus centurio facili Pauli diuina
 prouidentia 84.b

L

Labor Pauli quatenus imitandus
 64.b
 Labor assiduus Pauli & fatigatio
 72.b.92
 Labor gloriæ pater 64
 Laboris laudes Heraclides scripsit
 Lycius 79
 Labor etiam casus delictijs præfere-
 dus ibidem
 Laborem semper comitatur volu-
 ptas ibidem
 Laborandum quomodo sit exemplo
 Pauli prædicatoribus 64
 Laborem quare Paulus voluerit ma-
 nibus 64.b
 Lapidandi mos Iudæis 26.b
 Laus propria permittitur, vbi de ca-
 pituli periculo agitur 79
 Legalia qua conscientia conserua-
 ra à primitiue ecclesiæ discipu-
 lus 76
 Lex Domini quando data in mon-
 te Sinai 7
 Lex tabularum complectitur fidem
 in Deum & vitæ innocentiam 24.b
 Lege non iustificati sunt patres, ne-
 que nos 52.b
 Legionis eiusdem militæ cohortes
 35
 Libertinorum collegia quæ dicta 22
 Libri Actarum et iudicia descriptio 2
 Libri mali & impij exuri possunt
 68.b
 Librorum bonorum incendium du-
 dum improbatum 68.b
 Lingua nihil peius aut melius 7
 Linguae philosophicæ gentiliū qua-
 les 7
 Linguarum cognitio necessaria vi-
 ris Apostolicis 7.b
 Lingua igneæ crudelitatem signant
 & feruorem 7
 Lyeonum fabulæ 48
 Lydia commendatur gratitudo &
 hospitalitas 57
 Lydia vocatur ad fidem 56.b
 Lucas medicus librum medicinalē
 animarum conscripsit, teste Hie-

ronymo
 Lucas cur non plura scripserit 1
 Lucas vnde dictus pictor ecclesiasti-
 cus 69.b
 Lucæ commendatio ab ingenio &
 libris duobus æditis 1
 Lucas cur non continuaret historiā
 93.b
 Lucas histerologia vititur 62.b
 Lucernæ in arde sacra ardent, non
 religionis gratia, sed vsus 72
 Luteri iniqui studium & æmulatio
 damnatur 29.b
 Lucretij impia aduersus prouiden-
 tiam sententia 60.b
 Lusense collegium protulit exorci-
 stas 68.b

M

Magistratus quatenus parendū 19
 Magistratus iure occidit blas-
 phemos 18
 Magistratus officium est defendere
 ab iniuria 77
 Magistratus quomodo maledicere
 non liceat 79.b
 Magistratus defensione vri possunt
 fideles 82
 Magia & magus quid & quales 28
 Magia naturalis, ceremonialis, The-
 urgia 28
 Magus quomodo veritatis præsidio
 superatus 45.b
 Mala Deus non diligit, quæ tamen
 ordinat 47
 Manahen vir celebris 43
 Mania laborare quid 89
 Manuum impositio symbolum auxi-
 lij diuini 92.b
 Mariæ indita multa nomina, vt olim
 Dianæ 70
 Martius pagus quid 61
 Marcus quo consilio reiectus à Pau-
 lo 55.b.56
 Matthias declaratus à Domino apo-
 stolus 6
 Maxillam percutienti vnā, quo-
 modo altera præbenda 79
 Maximiani tyranni moribus vermi-
 cularis 42.b
 Mercurius eloquentiæ Deus diuum
 interpres 49
 Messias positus in lucem omnium
 gentium 46
 Melitenfes Christiani facti 72.b
 Mentibus dubijs nauigauit Paulus
 89.b
 Militia sanctorū vita super terrā 89
 Militia cæli quæ dicatur 56
 Militiæ quoddam genus, non omni-
 no impium 25
 Milicium piorū leges & mores 34.b
 Militia Romana nostræ dissimilis
 35
 Minas impij cumulant, quas sancti
 contemnunt 16
 Minæ frustrantur contra veritatē 21
 Minorum hæresis in synagogis O-
 rientis 51.b
 Minister ecclesiæ sic incorruptis mo-
 ribus 6
 Ministerio verbi Deus vititur ad vo-

cationem fidelium 35.b
 Ministrare, sacrificare, & prædicare
 verbum Dei idem 43.b
 Miracula non tribuenda meritis vel
 virtuti sanctorum 13
 Miracula quid efficiant 27.b
 Miracula profunt sane docentibus
 doctoribus 51.b
 Misericordiæ operā commendand-
 ur exemplo Dorcadis 34
 Misericordia & charitas exerceenda
 in pauperes ecclesiæ 40
 Mystra sua Deus signorum prodie
 inuolueris 7
 Mystra Christianorum quomodo
 deprauata 72
 Mystrica sacra qualia Apostoli insti-
 tuerint in ecclesia 15
 Moloch & Melchom exponuntur 25
 Mons Sion & Sinai pro datione spi-
 ritus sancti & legis 7
 Mores sanctæ ecclesiæ doctrina, cō-
 munitio, panis fractio, & precatio-
 nes 15
 Miracula auspium Paulus temere
 facit 92
 Mors non metuenda episcopis 73
 Mortuus nunciatum esse Euangeli-
 um 11.b
 Mortuorum moderata cura non da-
 minatur 27
 Morte Christi vita reddita homini-
 bus 35
 Moses prophanis quoq; literis eru-
 ditus 24
 Moysi fides & zelus contra scelera
 ibidem
 Moysi homicidium excusatur ibid.
 Muliebris stultitia expellat satanæ
 contra pios 47.b
 Mundus veritatis prædicationem
 semper persequitur ibidem
 Mundum qui increatum vel creatū
 docuerint 61.b

N

Natiuitas Christi ex Isaia prophe-
 ra declaratur 30
 Nauigatio Pauli periculis et miserijs
 plena 89
 Nazæorum hæresis, quæ & Che-
 rinthi & Hebionis 51.b
 Nicenæ Synodi canon de coniugio
 sacerdotum 75
 Nicenæ Synodi secundæ irreligio-
 sa definitio 63
 Nicolaitarum vnde hæresis orta
 21.b
 Nomina procerum religionis Chri-
 stianæ 4.b
 Nomen Domini quomodo inuocan-
 dum 8.b
 Nomen Christi quomodo accipien-
 dum 33
 Negotatio per se non mala 56.b
 Nomen dei ineffabile & maiestatis
 plenum 61.b
 Nubes cæli symbolum est 3.b
 Numini nemo repugnauit secliter
 vnquam 32
 Nemelis ad astra vindex insolentis
 92

I N D E X

Obediētia Cornelij & legatio 35.b
 Obedientia qualis sit vrlcita sit 8.
 Odi pariter & negotij ratio extat c + b
 Oñes damnat Paulus, scribens Theſſalonicenſibus ibidem
 Omnium litterarium multum habet negotij ibid.
 Oraciones aliorum interrompere, vtariorum est 52.b
 Oculis cœlum intueri amantiū more 4
 Olivero monte sanguinem sudat, & in cœlum aſcendit Chriſtus 4
 Omnes reſpiſcere ſynecdochicè capiendum 63.b
 Opera Dei omnia plena ſapientiæ & beneficentiæ 18
 Opera bona ſponte ſequuntur verã fidem ibid.
 Ordine cuncta ſunt in eccleſia 3
 Orationibus auſpicandæ ſunt res n agrar in eccleſia 6
 Oratio eccleſiaſtica de quibus ſermanda 11.b
 Oratio eccleſiæ quomodo formanda 17
 Orandum pro victoria veritatis, vtrūque verbum fructeſcat 16
 Orandum in ſenariis, Saulis exemplo 32.b
 Orandiſ & tempus & locum libera Chriſtus fecit 35.b
 Oratio cum temperantia perpetuū ſunt Chriſtianorum exercitium ibidem
 Orantes exauſit Dominus Apoſtolos & ineluſos 58
 Orphici de Deo carmina & ſententiæ 52

P

Patientia Apoſtolorum cum gaudio pro veritatis verbo 20.b
 Patientia cuius inſtar ductæ ad mortem in Chriſto 31
 Patientia Chriſtiana qualis exhibita Apoſtoliſ 58.b
 Patientia Apoſtolorum iuncta prudentiæ ibid
 Patientia non omnis protinus Chriſtiana 79.b
 Patientia L. Catilinæ qualis 79.b
 Patientia media inter ſapientiam et ſententiam ibid.
 Patientiæ iungenda eſt prudentia cum conſtantia ibid.
 Panis ſacra ſymbolum Chriſtiani conſecrationis 11
 Panis & vinum quare ſacramenta inſtituta à Domino ſint in cœna 11
 Panis ſacra qualis fuerit Apoſtolorum temporibus in eccleſia ibid.
 Panis & vini ſyn bolo ſœdera ſignificentur 11.b
 Panis quomodo recte nominetur corpus Domini 11.b
 Paphnutius confeſſor aſſeruit matrimonium ſacerdotibus, cum ſuiſ ſec ſemper ecclẽs & ſacros 75

Paries dealbatus quid dicatur 79
 Paruulos etiam inhabitat ſanctus ſpiritus, ex Auguſtino 38
 Patrum mores & longa tempora nihil probant in religione 49.b
 Pauli nomen vbi & quando indicum Apoſtolo Saulo 44
 Paulus iam adoratus, nunc lapidatus Lycaoniæ 50
 Paulus diuina virtute ceu à mortuis reſuſcitatus 50
 Pauli & Barnabæ qualis diſſenſio 55
 Paulus cuius Romanus 58.b
 Pauli diſputationum ſons & materia, ſcriptura & Chriſtus 59
 Paulus quare fugiat perſecutione 59
 Paulus Athenis ſummis committitur philoſophis 60
 Pauli eruditiō & in verbis miraculū 60
 Paulus mordetur animo contra idololatriam 60
 Paulus fratrum auxilio ſuga ſibi conſulit 59.b
 Pauli brevis & erudiſſima oratio 61
 Paulus aliorum conſilio obſequitur 70
 Pauli auctoritas ex ſodalibus magnificis 71.b
 Paulus hodie quoque cum affectu de uoto legendus 64.b
 Paulo prædicuntur vincula ab Agabæ prophecia 75
 Pauli humilitas ad fratres & vicifim 74.b
 Pauli conſtantia ad pariendum pro proximo & verbo Euangiij 75.b
 Paulus ſacrificium pro ſe fieri perſecutus in templo 76.b
 Pauli ſtudio in ſuam gentem 78
 Paulus an pontifici maledixerit 79
 Pauli conſiliū contra Flariſæos & Sadducæos 80
 Paulum obſcitantē phariſæi, Sadducæos aggrediuntur ibidem
 Paulum afflictiū maxime dominus conſolatur ibidem
 Paulus fide ſaluatus eſt à coniuratoribus 82
 Paulus arguitur tumultus & ſeditionis 83.b
 Paulo obijciuntur tria accuſationis capita 83.b
 Paulus mitiore cuſtodia tenetur & libera 84.b
 Pauli conſolatio in nauigatione ex ſodalibus 89
 Pauli in periculis alacritas 90.b
 Paulus perſequitur Chriſtianos prius 88.b
 Pauli vocatio qualis ibidem
 Pauli prædicatio de Chriſti ſacramētis ex ſcripturis 88
 Paulus an ſeruo arreptitiuſ ſit dictus 88.b
 Paulini Nolani pietas ad egentes 17.b
 Paulina proſectio maritima ad Romanam 47
 Paulinæ doctrinæ ſcopus ad Agripam contra Saeducæos 83

Pauperes facile iuuari poſſent à non otioſis 16.b
 Pauperum cura mandanda ſanctis & fidelibus 40
 Paupertas cum infinitis diuitijs & otio maximo 81
 Pacem qua ratione Deus aliquando concedat eccleſiæ 34
 Peccatorum remiſſio non aquæ, ſed gratiæ Dei tribuitur 10
 Peccata omnium hominum in ſe tu lit Chriſtus 31
 Peccatorum remiſſio per fidem, non ex baptiſmo ibid.
 Peccatorum remiſſio per Chriſtū prædicata à Prophetis omnibus 37.b
 Pedum oſcula exegit olim Diocletianus, & nunc Papa 36.b
 Pœnitentia vera quomodo enaſcatur 12
 Pœnitentiam Iudæis Petrus prædicat 13.b
 Pœnitentiam ſuadet Paulus horrore iudicij 63.b
 Pœnitentia per Chriſtum aſſumenda docetur ibidem
 Pœnitentes vere iacturam rerum ſerunt ſponte 68.b
 Peregrinatio Pauli tertia cū Sila 55
 Peregrinatio Pauli quarta 71.b
 Perfidorum in Chriſtum pœna digna 46.b
 Pericula cur ſanctis prænuntiantur quandoque à Domino 75
 Perſæ ſtatuas idolorum abominantur 60
 Petrus non vult adorari 36.b
 Petrus cedit ſutori impij principis 41.b
 Petri oratio à Iacobo confirmatur teſtimonijs ſcripturarum 52.b
 Petrenſis carmen de diſcordia 70.b
 Phariſæi vnde dicti 87.b
 Phauſoni ſententia contra veridicos 57
 Philippus in Samaria an Apoſtolus vel diaconus 27.b
 Philippus in iominis ex officio 60.b
 Philippis geſta breuiter annuſciuntur 68.b
 Philippi mittuntur apoſtoli auxiliarij 28.b
 Philippi filix prochetantes, hoc eſt, deditur verbo Domini 75
 Philippus vnus vxoris maritus ibidem
 Petri Apiani tabula Geographica 89.b
 Pericula illabimur noſtra ſtupiditate & inertia ibid.
 Philoſophi hæreticorum patriarche 60.b
 Plato proſecit ex Hebræis ibid.
 Philoſophi irrident verbum veritatis 63.b
 Pythonis ſpiritus dictus ab Apolline Pythio 57
 Piſtor qualis fuerit Lucas 69
 Piſtura dicitur loquens poema ibid.
 Pij

R

Pietas in patriâ maxima virtus 34
 Pietas periculose infestatur à fidele
 religiosis 50
 Pietas non indiget legibus numero
 sis 50.b
 Pietas Pauli in patriam & gentem
 55.b
 Pietati aduersantur multa, sed à
 Deo defenditur 80.b
 Plato non solum mundū docuit crea
 tum 62
 Populi quanta infamia 77
 Popularis improbitas exitialis urbi
 bus 40.b
 Populus facile incitatur & terretur
 70.b
 Porta templi quæ & quare dicta fue
 rit speciosa 12.b
 Prædicatorum zelus & studia con
 tra hæreticos & magos 44
 Prædicationi Paulus insumpsit totam
 noctem 72
 Prædicatio Apostolica de Christo
 qualis 19.b
 Potentia nulla contra Dominū 41
 Principum studia in rebus & libris
 diuinis olim fuit 30.a b
 Principum humanitatis exemplum
 in Aethiope ibid b
 Principes boni plura exempla 44
 Principes iungat prudentiam huma
 manitati 82
 Principes humani sint, etiam nō re
 spiciant personas ibid.
 Progenies Dei quare homo dicatur
 36
 Prophetare quid dicatur 8
 Prophetæ dicuntur Christus propter
 officium 14
 Prophetæ dicuntur aliquando E
 uangelistæ 43
 Prophetiam non aspernandam, sed
 plurim audiendas sententias 45
 Prophetæ dicuntur Iudas & Silas,
 qui de ceteros sacerdotum 54.b
 Prophetarum falsorum auaritia &
 perfidia 73.b
 Profelyti qui dicti Iudæis 8
 Protagoras virbe pulsus ab Atheni
 ensibus propter idola 60
 Promissa Dei Christus exhibuit 3
 Providentia Dei efficacissima in o
 pere mortalium 80
 Psalmi secundi argumentum 46
 Pueros constat ab Apostolis bapti
 zatos 56.b
 Purgatio Dei per fidem est, & acqui
 ritur 62
 Publius sanitati restituitur ob hospi
 talitatis fidem 92.b
 Purgatio non semper intelligitur ab
 immunditijs 76 b
 Purgatio externa magni fit ab lypo
 critis 77

Q

Quæternio militum quomodo ac
 cipiendus 40
 Quæstiones discipulorum curiosæ
 & inutiles 30
 Quinquagesima quomodo à Domi
 ni resurrectione sit numeranda 7

Regnum Dei ad gentes transfe
 rendum 93 b
 Reges etiam nunc Domino seruiūt
 cum tremore 82.b
 Reges legibus prohibere possunt &
 debent ibid.
 Regnum Dei duplex, cœleste & ter
 renum 3
 Regnat Deus in corde fidelium 3
 Regnum Israelis carnale desideraba
 nt etiam Apostoli 3
 Regnum Messie augustissimum am
 plificationibus prophetiis præ
 dictum 4.b
 Regnum fidelium Deus curabit suo
 modo & tempore ibid.
 Regnum Christi veteres agnouerūt
 vt nos 9
 Regnum Christi per Euangelij præ
 dicationem 31
 Religio Christiana in spiritu consi
 stit 4
 Religio vera non templo vel cere
 monijs atrox 23
 Religionis veræ summa & auctori
 tas 54 b
 Religioni paternæ consecratur
 tota domus 56.b
 Religiosi antiquitus dicti qui 61 b
 Religionis causa conditus homo
 62.b
 Remissio peccatorum quatenus ba
 ptismo tribuatur 30.b
 Respectus nullus est personarum
 penes Deum 37
 Resurrectio per solum Christum
 nobis speranda 84
 Resurrectio mortuorum à Paulo tra
 ctatur 87.b
 Reuerentia decet seruos Dei, sed
 moderata 36.b
 Romanorum nomen & gloria ser
 uat gloriæ Dei ibid.
 Romæ nullum simulachrum annis
 CI X. 60
 Romanorum taxatur auaritia 85
 Romani non temere veribus lupæ
 aliti 85
 Romanos sæpe Paulus propitios ex
 pertus est 93
 Romæ quid Paulus egerit cum lu
 dæis ibid.
 Romanæ Ecclesiæ fideles multi 93

S

Sabbato diuinis rebus omnino in
 sistendum 45
 Sacerdos sempiternus & patientiæ
 exemplar Christus 31
 Sacerdotes quoque fidei iugo colla
 sul dunt 21.b
 Sacerdotali loco nemo se indignus
 ingeret 5.b
 Sacerdotes ordinatur conscientia
 pulcherrima ibid.
 Sacrificij nomine dicitur comme
 moratio sacrificij vniuersi 11
 Sacrum nihil habendum est quod

homines extulerunt 62
 Sacramentaria aleolis in baptismo
 31.b
 Sacrificium Deo gratissimum, salut
 elæctorum intendere 43.b
 Sacrificia externa vane Deo offerū
 tur 62
 Sacrilegium & sacrilegi qui dican
 tur 71
 Sacrum Christianorum quo loco
 habendum, & quomodo celebra
 dum 11
 Salutis quæ sit via certissima 58
 Samaritæ quo pacto Spiritum san
 ctum credentes acceperint 29
 Samuels exultatio faciebatur præ
 stigium 63.b
 Sancti homines mortui non colen
 di ex Augustino 13
 Sancti mortui non legendi à Chri
 stianis ex Cypriano 27
 Sancti tunc qui ex fidelibus sunt, il
 luc in per gloriam 53
 Sanctus vere Dominus supplicat,
 impios ex ore 42.b
 Sanctus Deus exerceat tribulationes
 contra periculum 83 b
 Sancti totum Deum in hac vita inuo
 cant non diuos 90.b
 Sancti tunc intercessio quomodo
 improbetur ibid.
 Sanguinis Christi effusio omnium
 peccatorum est ablutio 11.b
 Sanguine qua ratione & quamdiu
 abstinetur à Christianis 53
 Sanguis & suffocatum qua ratione
 prohibita ad esum ibid.
 Sanitatis beneficium non sanctis,
 sed Domino tribuendum 13.b
 Sapientia humana cogitur obstupe
 scere ad diuinam 8
 Satisfactio pro peccatis nostris per
 Christum 31
 Saulus antesignanus persecutionis
 Iudæicæ contra Apostolos 27
 Saulus se totum Domino dedicat 33
 Saulus comprobatur se Christi verū
 discipulum 34
 Scortationis nomine intelligitur
 illicitæ Veneris species 53.b
 Scripturam expositione indigere
 30.b
 Scripturas legitime exponendi re
 gula ibid.
 Seditio non tunc prædicatores cō
 tra vitia docentes 19
 Seditio pessima rerum oritur ex re
 bus, moribus & vitijs hominum
 pessimorum 48
 Seditiones mouent veritatis hostes
 & fidei ibid.
 Seditio non ex veritate, sed falsa do
 ctina exoritur 51
 Seditioni cur se Paulus immiserit
 70.b
 Seditio venenum dicitur cluratum
 ibid.
 Seditio Epheli quali oratione miri
 gata 74

INDEX.

Seditionum authores qui	60	Spiritus sancti donati Apostolis cau-	ibid.	Templa ad verum Dei cultum nis-	ibid.
Seditionis crimen à se Paulus ame-	83.b	Spiritus sancti dona qualia in Apo-	ibid.	Templum Dianæ Ephesæ quale &	69.b
Seditiosi Iudæi Asiatici contra Pau-	76.b	Spiritus sanctus significatur & com-	ibid.	Templum Paulus non polluit vel	84
Seditio & discordia quantum malū	70.b	paratur igni	ibid.	Templum Paulus non polluit vel	84
Septuaginta animæ Jacob quomodo	23.b	Spiritus Dei non nisi Dei seruis cō-	8.b	Templum Paulus non polluit vel	84
accipiendæ	23.b	fertur	8.b	Templum Paulus non polluit vel	84
Sepultura Christi in specioso mau-	31	Spiritus Christi vita est & eviden-	9.b	Templum Paulus non polluit vel	84
soleo	31	tia meriti Christi	9.b	Templum Paulus non polluit vel	84
Sergius proconsul insulæ quomodo	43.b	Spiritus sancti donum accipi, quo-	10	Templum Paulus non polluit vel	84
ad fidem conuersus	43.b	modo intelligendum	10	Templum Paulus non polluit vel	84
Sergij Pauli proconsulis prudentia,	44	Spiritus sanctus Deus esse notatur	17.b	Templum Paulus non polluit vel	84
nolentis edisse incognita	44	Spiritus sanctum datum obedienti-	19 b	Templum Paulus non polluit vel	84
Sermonis mitigatio Pauli ad Athe-	61.b	bus ipsi	19 b	Templum Paulus non polluit vel	84
nientes pagina	61.b	Spiritus sanctum accipere varie di-	28.b	Templum Paulus non polluit vel	84
Seruitas Apostolica cum lenitate	29.b	citur in scripturis	28.b	Templum Paulus non polluit vel	84
in Petro	29.b	Spiritu sancto missio testatur Deus	38	Templum Paulus non polluit vel	84
Sicarij qui dicantur	77.b	gratiam suam ad gentes	38	Templum Paulus non polluit vel	84
Sichem quomodo possessa à patriar-	23.b	Spiritus Dei non semper externo	ibid.	Templum Paulus non polluit vel	84
chis	23.b	proditor signo	ibid.	Templum Paulus non polluit vel	84
Signorum vsus Deo aptus ad homi-	7	Spiritu Paulus ducitur in functioni-	73	Templum Paulus non polluit vel	84
nes	7	bus suis pagina	73	Templum Paulus non polluit vel	84
Signis sæpe tribuitur quod est si-	10	Squamarum allegoria multiplex	33.b	Templum Paulus non polluit vel	84
gnati	10	Stephani absoluta oratio	22.b	Templum Paulus non polluit vel	84
Signa miraculorum non omnibus	48.b	Stephanus exprimit Christi exem-	26.b	Templum Paulus non polluit vel	84
profunt pagina	48.b	plum, orans pro inimicis	26.b	Templum Paulus non polluit vel	84
Similem semper Deus ducit ad si-	59	Stephanus malo nodo malum quæ-	26	Templum Paulus non polluit vel	84
milem	59	siuit cuneum	26	Templum Paulus non polluit vel	84
Simon de vico Cana, inde Zelotes	4.b	Stephani visio qualis	26.b	Templum Paulus non polluit vel	84
dictus, dicitur consobrinus Do-	28.b	Stolicorum hæreses de condolentia	60.b	Templum Paulus non polluit vel	84
mini	28.b	Sumptuaria lex etiam apud Corin-	64	Templum Paulus non polluit vel	84
Simon illustis magus	28.b	thum habita	64	Templum Paulus non polluit vel	84
Simon etiam non credens bapti-	29.b	Superstitiosi qui dicantur	61.b	Templum Paulus non polluit vel	84
zatur	29.b	Supplicandum vni Deo per Chri-	90.b	Templum Paulus non polluit vel	84
Simniaca hæresis nocentissima in	ibid.	stum	90.b	Templum Paulus non polluit vel	84
Ecclesia	ibid.	Syrtes duæ in litore Africano	89	Templum Paulus non polluit vel	84
Simonis ficta pœnitentia	44.b			Templum Paulus non polluit vel	84
Simonis & Elymæ magorum com-	53			Templum Paulus non polluit vel	84
paratio	53			Templum Paulus non polluit vel	84
Simulachra caueant Christiani, do-	60			Templum Paulus non polluit vel	84
cente Iacobo	60			Templum Paulus non polluit vel	84
Simulachra quo loco habita varijs	63			Templum Paulus non polluit vel	84
gentibus pagina	63			Templum Paulus non polluit vel	84
Simulachrum vbi est, ibi nulla reli-	61			Templum Paulus non polluit vel	84
gio	61			Templum Paulus non polluit vel	84
Simulachra ad repræsentandū De-	61			Templum Paulus non polluit vel	84
um non idonea	61			Templum Paulus non polluit vel	84
Simulachrorum religionem vnā	61			Templum Paulus non polluit vel	84
esse docet Paulus	61			Templum Paulus non polluit vel	84
Sibyllæ Cumeæ prophetia de re-	64.b			Templum Paulus non polluit vel	84
surrectione mortuorum	64.b			Templum Paulus non polluit vel	84
Synagogæ veteris occubitus ad er-	34 b			Templum Paulus non polluit vel	84
tum Euangelij	34 b			Templum Paulus non polluit vel	84
Socordix increpatio per exemplū	72			Templum Paulus non polluit vel	84
& miraculum	72			Templum Paulus non polluit vel	84
Sono & linguis Deus perstringit	7			Templum Paulus non polluit vel	84
auditum & visum	7			Templum Paulus non polluit vel	84
Sortiri quomodo & ad quid licitum	6			Templum Paulus non polluit vel	84
	6			Templum Paulus non polluit vel	84
Sortium vsus multiplex in scriptu-	ibid.			Templum Paulus non polluit vel	84
ris	ibid.			Templum Paulus non polluit vel	84
Sortiendi genus quoddam infame	ibid.			Templum Paulus non polluit vel	84
ibid.	ibid.			Templum Paulus non polluit vel	84
Spermologus qui dicatur secundū	60.b			Templum Paulus non polluit vel	84
Budæum	60.b			Templum Paulus non polluit vel	84
Spiritus sanctus non defuit veteris	6.b			Templum Paulus non polluit vel	84
testamenti sanctis	6.b			Templum Paulus non polluit vel	84
Spiritus sanctus quomodo datus	ibid.			Templum Paulus non polluit vel	84
dicatur	ibid.			Templum Paulus non polluit vel	84

T

Tabernaculū testimonij ad quid	25
institutum	25
Tabitha qua ratione Dorcas inter-	34
pretatur	34
Tarsus Ciliciæ vrbs insignis	77.b
Tarsus Ciliciæ Antiochiæ serē vi-	39
cina	39
Tarsenses ciuitate donatos	58.b
Tauri in sacrificijs louis grati cum	49
coronis	49
Templi cura prætori commissæ vel	14.b
magistrarui	14.b
Templi religio perperam obiecta	22.b
Stephano & Ieremiæ	22.b
Templo carentes, Domino nihilo-	25.b
minus placuerunt	25.b
Templum & hostias externas Deus	ibid.
non motatur	ibid.
Templi Iudaici quanta gloria, etiā	30
apud gentes	30
Templa instituta ob cœrū & oratio-	35.b
nem commodiorem	35.b
Templa decorum extra vrbes	49
Templorum vanam esse religionē	62
Templum prophetae quid sit	84.b
Templum Dei mundus est totus	62

V

Vadianus felix regionum deserti	89.b
Vadimo	89.b

I N D E X.

Vadimonium & Vades Latini qui dicti	59.b	Veritatem persequitur fucata religio	ibid.	dentium	15
Valerius Publicola vir optimus	50.b	Veritas libere dicenda & constanter	65	Vocationes sanctorum ad munus Ecclesiasticum	31.b
Vas electiois Paulus, quo nemo charior vel nobilior	33	Veritatis hostes quomodo tractandi	68	Vocat Dominus gentes varijs modis	34.b
Venti contritus quid significet in die pentecostes	7	Veritatis victoria contra aduersarios Pauli	83.b	Votum Pauli de capitis tonsura	65.b
Ventus Typho, Furor aquilo, Celas nauigantium præcipua est pestis	65	Veritatis multa est confidentia	ibid.	Vouendi non omnis ratio Deo placet	10.b
Verbi externa administratio non commendanda	52	Vestis confectio plangentium habitus	49	Votum quid	ibid.
Verbum Dei viuificum non contemnedum	46.b	Via capitur pro disciplina & religione	32	Vota non nisi vni Deo nuncupari licet	81
Verbum Domini quomodo accedendum, vt cum fructu audiat	37	Viatores, lectores, virgarum gestatores, idem	59	Votum est pollicitatio libera & de nobis possibilibus	80.b
Verbum Domini ardentius audiendum	38	Vias Domini inuertere Elymas, quomodo intelligatur	44.b	Votum non præiudicat melioribus occurrentibus	ibid.
Verborum Dei vsus religiosus & impius	68	Viperæ venenata natura	92.b	Vouendum quod sit in nostra potestate	81
Vergilij Maronis de Deo sententia	62.b	Vicis distinguitur ciuitas, qui in vias, quæ in domos	32.b	Vouere quod non sit contra Dominum	ibid.
Veritas ingrata orbi	93	Vitia quomodo cognata virtutibus	79.b	Votum Deo gratum quod iuxta eius præscriptum	ibid.
Veritas religionis consistit in Deo & veritate	5	Victimæ Christianorum in Apostolica Ecclesia	11.b	Votum stultum est quod non vosti Deo gratum	81
Veritas nunquam predicatur sine fructu copioso	10	Vidua in sacris egenæ dicuntur & calamitose omnes	21	Vota diuis nuncupata à Deo sunt aliena	ibid.
Veritate ostenduntur qui viuunt ex superstitione	14	Viduas à stultis votis arcendas docet Apostolus	82	Vota an sint omnia præstanda	81.b
Veritatis præcipui persequutores qui	ibid.	Vindex Deus est sanguinis seruorum suorum	41.b	Vota agnita quam iniusta, sunt defendenda	ibid.
Veritas Domini semper vincit	14.b	Virtus summum bonum apud Stoicos, qua ratione	60.b	Vota superflua fororum Christianorum	81
Veritas simplex & perspicua	15	Virtuti suus quoq; modus est	79.b	Vota monastica contra Deum vt sint	81
Veritas & in Deum fides iniusta in Petro	41	Viri optimi dotes quæ sint	66.b	Votum errori iunctum & sceleri nõ ligat	81.b
Veritatis prædicatio sui semper est similis & constans	19.b	Visio duplex Ananiæ & Sauli	32	Votum septuaginta quale	ibid.
Veritati ante omnia innitendum	33	Visiois multa in scripturis genera	35.b	Vouete & reddite exponitur	ibid.
Veritatem non horrere lucem	45	Visio Petri de linciamine exponitur allegorice	ibid.	Votum in veteri Testamento erat cum sacrificio	ibid.
Veritas semper patitur persequutores	44	Vitio dea est iudiciorum	92.b	Vouendi ratio abrogata cum sacrificijs	ibid.
Veritatem sequitur inuidia	46.b	Vmbra Petri an & quomodo miraculum ædidit	18.b	Vrbibus maioribus prædicant Apostoli Euangelium	59
		Vita commendanda Domino Iesu	26.b	Vultus animi speculum	22.b
		Vno in Christo salus consistit cre-		Vxores habuerunt & filias Petrus & Philippus	75.b

DE AVTHORE, INSTITV- TO ET RATIONE HVIVS

OPERIS, AD LECTOREM

Præfatio.

CONSTAT Diuum Lucam professione fuisse medicum, natione Syrum, patria Antiochenum, amani & tersi ingenij virum, qui à restaurata per Apostolos vera religione, ijs, Paulo in primis adhæsit, quo & præceptore vsus, tandem duos de Evangelica historia libros conscripsit. Alterum quidem de Actis & doctrina Christi in partibus Achaie & Bæotiae, vti ab ijs didicerat, qui cum Christo conuersati fuerunt, adidit. Alterum verò de Actis ac doctrina Apostolorum Romæ conscripsit, dum in vinculis teneretur Paulus, non audita iam referens, vt superiori, sed visa, idque mira energia, grauitate, & elegantia. Merito itaque maximus honor huic operi semper esse habitus. Hieronymus enim, Acta (inquit) Apostolorum nudam quidem videntur sonare historiam, & nascentis Ecclesiae infantiam texere, sed si noverimus scriptorem eorum Lucam esse medicum, cuius laus in Euangelio esse, animaduertemus pariter omnia verba illius animæ languentis esse medicinam. Neque verò ab his admodum absunt D. Erasmi verba de hoc opere testantis: Quid quæso hæc historia aliud esse, quàm Euangelij pars, eaq; meo iudicio non minima? Siquidem illic describitur granum frumenti solo conditum, hic describitur enatum ac suas paulatim aperiens ac proferens opes. Quod ni per Lucam cognouissemus, quibus modis Christus reliquerit terras, vbi, quo loco, quibus modis aduenerit promissus ille spiritus, quibus inijs cæperit Ecclesia, quibus rebus polluerit, quibus creuerit rationibus, nonne bonam Euangelij partem ignorassemus? Rectè itaque Beda, Hic (inquit) non solum vsque ad resurrectionem assumptionemq; Domini perduxit narrationem, vt ceteri, verum etiam deinceps quæ per Apostolos gesta sunt, quæ sufficere credidit ad ædificandam fidem legentium seu audientium, ita scripsit, vt solus eius liber fide dignus haberetur in Ecclesia de Apostolorum actibus narrans, reprobatis omnibus qui non ea fide qua oportuit, facta dictaq; Apostolorum scribere ausi sunt. Sed & Ioannes Chrysostomus mirantibus quæ factum sit, vt Lucas historiam Apostolicam non omnem ad finem vsq; sit persequutus, aut singulorum gesta singulis non descripserit libris, pulchre respondet, Hæc quidem sufficiebant his, qui modo animum volunt aduertere, Commendatio
authoris &
operis.

Audiemus enim in breui hæc historia totam pietatis summam esse comprehensam. Audiemus quæ fuerit Ecclesiae infantia, qui auctus, quæ Ecclesiae iustæ facies, quæ doctrina Apostolorum, qui veteris Ecclesiae ritus, quæ studia, quæ religio, fides, doctrinaq; vera vel falsa, vetus vel noua, qui veri vel falsi doctores, qualia virorumque ingenia, quæ artes, qui mores: item qualia sint mundi studia, quales persequentium animi, successus, qualiaue fata. Breuiter, videbimus miram Ecclesiae faciem, sed prorsus absolutam, nunc quidem in summa tranquillitate euetam florere, mox inter turbas hæresum & persequentium, in pericula abiectam, mire angi & fluere, Deum vbique opitulari, itaque Ecclesiam in ipsa oppressione seipsa subinde speciosiore emergere. Quicquid enim ad salutiferam cognitionem & ad pietatem excolendam necessarium esse, quicquid à primarijs Apostolis, Petro ac Paulo in primis, vel egregiè dictum vel sapienter & pie factum esse, id absolute & plene hoc libro traditum esse. Totidem autem annorum historiam texit, quot capita habet, octo videlicet & viginti. Si enim Tiberius viginti quatuor annis regnauit, decimo octauo regni eius passus esse Christus, restant igitur anni sex. his adde C. Caligula quatuor, Claudij verò quatuordecim, & ex Neronis imperio annos quatuor, & habebis annos viginti octo. Nam secundo Neronis anno, Paulus Romam vinctus venit & biennium in libera custodia exegit. Hæc verò paucis de auctore & opere præsentis delibare volui: nunc quod nostrum institutum attinet, nulla alia

Cur non plura
scripserit Lucas.

Argumentum
libri.

Anni huius
historie.

P R A E F A T I O.

De Commen-
tarijs.

Libri primi ar-
gumentum.

caussa Commentarios nostros in libros distinximus, quàm quòd hæc diuisio nonnihil ad perspicui-
tatem historie facere, deinde & studiosorum memoriã videretur adiuuare, qui minimo negotio
totam intelligent, ediscuntq, si in certos locos diffusam colligant. Facilius enim & certius cogno-
scimus, quæ certis designatisq, in locis, ceu in artum certumq, numerum compacta collocataq, con-
templamur, quàm quæ in longum latumq, diffusa neque exacte videre neque memoria completi
possumus. Proinde totum opus in sex partiti sumus libros. At primo hoc, quo quinque priora ex-
ponimus capita, tractamus discessum Christi, & Ecclesie primordia: nempe quomodo Apostoli pro-
missum Patris expectantes, spiritum acceperint, huius auspicijs & robore Ecclesiam congregarint,
quid & quomodo Christo testimonium dederint ac veram religionem prædicarint, quomodo Ec-
clesiam hanc nouam Christi sponsam Christo iniuarint, instituerint, duxerint, quibus imbuerint
ritibus, quibus denique studijs intenti vicerint tot minas & aduersariorum artes. Hic videre est,
qui sint impiorum mores, quæ sutela, quæ sanctorum patientia & victoria. Ve-
rum satis iam præfati, videamus quæ sit authori
in præsentem historiam
præfatio.

COMMEN-

COMMENTARIORVM IN ACTA APOSTOLORVM

LIBER PRIMVS.

P R A E F A T I O.

SUPERIORE quidem volumine diximus Theophile, de omnibus quæ cœpit Iesus tum facere tum docere, usq; ad eum diem, quo assumptus est, posteaquam mandata dedisset Apostolis (quos elegerat) per Spiritum sanctum.

HÆC ad ea usque verba, Congregatis ergo illis in locum vnum, præfationis vice sunt ab autore præfixa. Non enim vulgariter historiam sacram texit Lucas, sed doctissimè, adeò vt optimis quoque prophanæ historiæ scriptoribus possit conferri, licet ipsa dictio non sit usque adeò superstitiose exulta, pura tamen est, grauis ac elegans. Hisce verò posteriorem librum pulcherrimè necit priori, ceu epilogo & anacephalæosi potitima primi libri repetens. Duos enim libros (vti diximus) de Euangelica historia conscripsit, qui rectius committerentur, quàm quod vulgari more, Ioannis Euangelio interposito, interrumpuntur. Priorem autem quem de vita Christi conscripsit, partitur hic in Facta & Doctrinam. Per facta autem intelligit beneficia, miracula & gesta historica. At per doctrinam dogmata, decreta, sermones, & disputationes varias cum varijs habitas. Proinde non est quod multis hic disputemus faciendum ne prius doctori Ecclesiastico quod docet, an docendum quid facias. Agnoscimus sanè elegantem illum ac piam D. Hieronymi ad Fabiolam sententiam, Prius faciamus & sic doceamus, ne doctrinæ auctoritas cassis operibus destruat. Sed quæque suis in locis si dicantur, quadrant. Vera quidem sunt illa, sed non in loco. Porro Lucas historicos suos libros eidem dedicauit Theophilo. De quo multi disputant proprium an commune nomen sit, episcopi vel magnatis alicuius, an commune omnium veritatis & Dei studio forum? Et verisimilius est id quidem epitheton esse pij lectoris: quanquam nō defint qui proprium alicuius viri nomen esse asseuerent, sed parum retulerit quid hic quisq; sequatur. Sanè Theophilus sonat amans Dei, Ein fründ oder liebhaber Gottes.

De omnibus.) Hic querit Ioannes Chrysostomus, cum Ioannes scripserit impossibile esse vt omnia Christi possint scribi, quomodo Lucas dicere potuerit de omnibus? Et respondet, Atqui non dixit omnia, sed de omnibus. Perinde ac si quis dicat summatim & in genere: aut de omnibus loquitur quæ necessaria sunt. Atq; in eandem sententiam exponit etiam Beda. Omnia igitur quæ necessaria sunt, vt de Apostolorum gestis & Christi in primis credantur scianturque literis prodita sunt sacris. Quid ergo ogganniunt pontificij?

Vsq; ad eum diem.) Paulò confusior ordo est in receptis codicibus Latinis: vetus interpres expressius & simplicius vertit, Vsq; in diem qua præcipiens Apostolis per Spiritum sanctum quos elegit, assumptus est. Vnde rectè monet Beda longum texti hyperbaton. Sentit enim Lucas se priori libro complexum quicquid Iesus & dixerit & fecerit egregie, ad eum usq; diem, quo assumptus est, prius tamen conuocatis Apostolis & cōmonitis, vt Hierosolymis expectaret promissum Patris. Proinde crediderim synchresin hanc sic explicari posse: Superiori potissima libro quæq; & factorū & dictorum Christi Domini ad eum usque diem persequutus sum, quo ille in cælum assumptus est, posteaquam Apostolis (quos elegerat) de Spiritu sancto præcepta dedisset, aut præcepisset. Itaque *ὅτι πρὶν μὲν ἀπολῆναι* positum arbitror pro *πρὶν πνεύματος ἁγίου*. Et Chrysostomus hunc locum exponens, Per Spiritum præcipiens (inquit) hoc est, spiritualia ad illos verba loquutus, nihil autem humanum, rem claram aliquanto obscuriorem reddit. Nam Lucas nihil aliud intellexit, quàm illud ipsum mandatum, quòd paulò post clarius exponet, ne Hierosolymis discedant, sed Spiritum expectent. Hoc inquam mandatum de Spiritu dedit.

Quibus etiam seipsum exhibuerat viuentem, posteaquā supplicio fuisset affectus: idq; compluribus argumentis, dum per dies quadraginta conspicitur ab illis, ac loquitur eis de regno Dei.

De resurrectione & clarificatione.

Ad epilogum superioris libri pertinent & illa argumenta, quibus Dominus veram corporis resurrectionem Apostolis comprobavit. De quibus satis Luc. 24. Ioan. 20. 21. & 1. Corinth. 15. cap. scriptura testatur. Quod autem nos legimus, quibus seipsum exhibuerat viventem, id longè viuidius Græce est, *παρίστανει*, id est, ob oculos statuerat. Hoc enim emphasim habet. Et quæ nos argumenta, Græci vocant *τεκμήρια*. Hæc à Rhetoribus ponuntur inter probationes artificiales, de quibus Fabius in 5. Cicero in Partitionibus *τεκμήριον* vocat propriam rei notam, nos argumentum, quod signum est per quod fides sit rei alioqui dubiæ. Cuius generis videri poterat demonstratio manuum ac pedum, fixura clauorum insignium, contactus quoque lateris, esus item piscis & faui mellei. Huc accedit & temporis circumstantia, dies nempe quadraginta. Quæ omnia tam grandia sunt & certa, ut vecors prorsus fuerit qui de resurrectione corporum dubitaret. Videas hodie inter eos quoque qui in doctorum numero recenferi volunt, nescire plures quale sit corpus clarificatum. Statim enim atque inuisibilem quampiam rem adeoque & incorpoream demonstrare volunt, corpus Christi clarificatum proferunt, huiusque collatione mendacia sua confirmant. Quasi verò clarificatum corpus, corpus esse desinat, & in spiritum vertatur. Quod si verum esset, quæ iam esset corporis resurrectio? Secus de hac re iudicauit Scriptura, secus iudicauit Tertullianus, Irenæus atque Augustinus. Corpus ergo clarificatum corruptibile corporis exiit, at non ipsum corpus ac substantiam prorsus abiicit aut in spiritum vertit, sed in melius mutat, manente interim corporis siue carnis substantia. Idem præscribunt & Definitiones Ecclesiasticæ cap. 6. ubi legis, Si resurgere dicitur quod cadit, caro ergo nostra in veritate resurgit, sicut in veritate cadit. Et non secundum Originem immutatio corporum erit, id est, aliud nouum corpus pro carne, sed eadem caro corruptibilis quæ cadit, tam iustorum quam iniustorum, incorruptibilis resurget, quo vel pœnam sufferre possit pro peccatis, vel in gloria æterna manere pro meritis. Sed hæc causa satis diligenter à veteribus aduersus Valentinianum tractata est. Et Augustinus de Agone Christiano cap. 24. Nec eos audiamus (inquit) qui negant tale corpus Domini surrexisse, quale positum est in monumento. Si enim tale non fuisset, ipse non dixisset post resurrectionem discipulis, Palpate & videte, quoniam spiritus carnem & ossa non habet, sicut videtis me habere. Sacrilegum est enim credere Dominum nostrum, cum ipse sit veritas, in aliquo fuisse mentitum. Hæc in transcurso, propter eos maximè annotamus, qui se vicisse credunt, cum obijciunt, corpus clarificatum in Cœna edi. Non enim nunc dicimus, quod ita à verbis quoque consecrationis exciderunt, quæ sunt: Hoc est corpus meum, quod pro vobis traditur. Quis enim vnquam credidit impassibile corpus, quale clarificatum est, posse tradi, hoc est mori? Hæc illorum præclara victoria. Huc tandem delabimur contentionis studio. Simplex alioqui veritas est & exposita mentibus fidelium, at intricata & obscura in animis arroganter pro gloria & utilitate sua litigantium.

Vide 1. Cor. 15.

De regno Dei.) Regnum Dei secundum dispensationem vel nostri respectu duplex est, cœleste & terrenum. Differuit ergo de vira beata, de immortalitate & felicitate perpetua, denique quomodo per prædicationem Euangelicam corda piorum parari possint ad aduentum sancti Spiritus, ut Dei templū fiant. Sic enim & in hisce terris regnat Deus in cordibus fidelium per fidem innocentiam & puritatem. Sic inquam apud Apostolos de regno Dei per quadraginta istos dies continuos disseruit, adeoque & animos eorum ad aduentum Spiritus sancti parauit. Hactenus verò huius libri posterioris præfationem prioris; anacephalæosin pertinere credimus.

C A P V T I.

Congregatis verò illis in idem loci præcepit eis, ne discederent Hierosolymis, sed ut expectarent promissum Patris, de quo, inquit, audistis ex me: quoniam Ioannes baptizauit quidem aqua, vos autem baptizabimini Spiritu sancto post dies hosce non multos.

PER Epanaphoram denuo in manus sumit, quæ strictius in fine superioris libri tradiderat. Iterum enim copiosiusque exponit præceptum illud de Spiritu sancto, & quomodo cœlos ascenderit Dominus. Igitur posteaquam terras (inquit) deserere & cœlos repetere statuisset Dominus, prius cōuocat discipulos, utpote charissimis (ut fieri solet) maxima quæque commendaturus ostensurusque quid posthac faciant. Hic ergo præcipit ne Hierosolyma discedant, sed Patris promissum expectent. Hierosolyma enim Prophetarum vaticinio constituta erat, ut religionis esset caput ac fons, unde ad omnes alias gentes manaret lex diuina. Consulatur super hac re Isaias in secundo, & Micheas in quarto cap. Porro ipsum Dei donum Spiritum sanctum vocat promissum Patris, & propter prophetiam veterem, quæ est apud Isaiam in 44. apud Ieremiam 31.

Ezech.

Ezech. quoq; 16. item apud Ioel in 2. & suam ipsis pollicitationem quæ extat Ioannis 14. & 16. Sic enim plurima adducit ceu à pronuntiatis testimonia, vt illorum mentes confirmaret. In primis vero euident est sanctissimi Baptiste testimonium. Is iam olim dixerat se aqua tantummodo baptizare, Christum verò Dominum spiritu baptizaturum. Ideo tamen nemo contemnat baptismum Ioannis. Idem enim est cum baptismo Christi & Apostolorum. Baptizarunt enim Apostoli aqua in nomen Christi. Baptizauit & Ioannes equa in venturum. Vana ergo sunt quæ disputantur à nonnullis de discrimine baptismi Ioannis & Christi. Interim alij rectè distinxerunt inter baptismum aquæ & ignis. Igne enim solus Christus baptizat. Solus enim confert Spiritum sanctum. Et ignis baptismus aliud nihil est, quàm donum sancti spiritus, quod post aliquot dies copiose super discipulos effudit, dicente Luca, Visæ sunt dissecitæ linguæ velut igneæ, seditq; super singulos eorum & repleti sunt omnes Spiritu sancto. Dicitur autem ignis baptismus ad imitationem aquæ baptismi. Et hæc duo elementa instituto Domini pulchre congruunt. Nam vt aqua vel hodie purgamur, ita olim igne lustrabatur fontes. Et res visibiles significantur per signa visibilia. Habuit ergo Ioannis quoq; baptismus qui aquæ erat sumum mysterium, quemadmodum & Apostolorum, vt non sit ideo contemnendus quod aquæ baptismus dicitur. Significat enim eum qui tingitur absolui & ablui à peccatis, sed per Christum. Hic enim solus absoluit. Abluit & minister, sed suo more. Christus est perfectio, is confert Spiritum sanctum, seruat conscientias, & imaginem dei in nobis restituit.

Illi igitur vbi conuenissent, percontabantur illū, dicentes: Domine, num in tempore hoc restituis regnum Israel?

Dominus de Spiritu disserit, illi carnem malunt. Stultam enim ingerunt de futuro Israelis carnalis imperio opinionem, quam omnibus eius gentis hominibus imis infixam fuisse pectoribus, & *Carnale Israelis regnum.* verba matris filiorum Zebedæi, & Cleophæ apud Lucam in 24. cap. testantur. Sperabat enim Iudæorum gens omnem rerum summam ad se fore deuoluendam, figurata Prophetarum oratione aut propria verius oscitantia decepti. Prophetæ enim amplissimis verbis augustum illud Messie imperium describentes, imprudentibus occasionem dedere carnalia hæc cogitandi & sperandi. Verum longè aliud fuerat Prophetarum institutum, quod tamen (communi genere dicendi) amplificationibus, hyperochis, allusionibus, alijsq; id genus ornamentis suffigurarunt. Id cum illi non expenderent in fædum illum errorem deuoluti sunt, in quem & hodie quidam deuoluuntur, qui contendere & licta occidente pugnare malunt, quàm pietatem promouere. Graphicè verò adumbratur vt sese humana mens erga dei præcepta gerat, quid caro nostra in veritatis negotio quærat. Quid verò multis opus? Euangelium animi bona pollicetur, nos opes, voluptates, honores, carnem malleamus. Rectissimè ergo in hunc locum Chrysostomus, Non volebant (inquit) sese conijcere in pericula, sed respirare potius ac refocillari. Idem & hodie in multis videre est, qui olim omni conatu Euangelium cupiebant promotum, non alia causa quàm quod ad rem attentiores pro re sua fore putarent: nunc cum tribulatio pro voluptate irrepit, & carnalia magis abneganda quàm ambigenda esse audiunt, Illud ne præclarum hoc (inquiunt) Euangelium? Speraueram Gygis anulum esse inuentum, at nunc video malorum glomos in medium esse positos. Hi aut non perstant, aut non sincero animo in euangelio agunt, quia non sincera mente veritatem susceperunt. Oculi enim ipsorum prauus est. Est aliud etiam hominum genus, minime malitiosum, & tamen affectibus hisce carnalibus deditum, qui malent impios omnes & verbi dei hostes simul esse profligatos, cæcos, attritos, pietatem contra assertam & in pace ac tranquillitate res fidelium citra crucem florere. Conqueruntur tales de temporum iniuria, sed cum tempore tamen discunt quod per crucem pateat aditus ad vitam. Perstant ergo & sub inde ad saniora perueniunt. Quemadmodum & Apostoli sequentibus à vana spe ad meliora transferuntur.

Dixit autem ad illos: Non est vestrum nosse tempora & articulos temporum, quos pater in sua ipsius constituit potestate: sed accipietis virtutem, posteaquam Spiritus sanctus aduenerit super vos, & eritis mihi testes, non solum Hierosolymis, verum etiam in vniuersa Iudæa, Samariaq;, deniq; vsq; ad extrema terræ.

Quemadmodum enim vbiq; curiosas & inutiles discipulorum quæstiones, in locum aliquem *Curiose & inutiles quæstiones* communem digrediens, salubri quopiam dogmate elusit Dominus: sic hoc quoq; loco carnalem affectum & quæstionem inutilem omniscientia & inculpabili administratione prouidentiaq; Dei re- *nes.* tradit. Sic ad matrem filiorum Zebedæi primatum filijs petentem dicit, Nescitis quid petatis: & pro- *tinus de suscipienda & ferenda cruce disserit.* Ad Cleopham verò querula voce dicentem: Nos spe-

rabamus eum esse illum qui esset redempturus Israel, dixit, O stulti & tardi corde ad credendum omnibus quæ in Prophetis scripta sunt: & protinus ex Prophetis disputat de redemptionis mysterio. Rursus ne Apostoli in Euangelio curiosi rimarētur articulum extremæ diæ, ait istam horam post patrem nemini esse cognitam: deinde ad vigilantiam hortatur & sobrietatem. Ita hic quoq; paucis illorum retrudit quæstionem, & anxios reijcit ad Spiritu- sancti institutionem. Longum enim & in commodum fuisset paranti discessum, stultam de carnali restitutione Israelis opinionem conuelleret: ergo paucis, Administrationem rerum (inquit) ipsam inquam administrandi occasionem & oportunitatem Deo permittite, vos vestra curate. Ille non deerit præmissis, restituet regnum Israeli, sed suo modo, loco, ac tempore. Vos interim expectate Spiritum sanctum, nihil solliciti quomodo Deus fidem suam præstet. Observandum verò illud quod in hunc locum annotauit Erasmus, καὶ ποτὶς hoc loco plus quiddam esse quàm *καὶ ποτὶς*. Hoc enim propriè esse quoties de genere seu modo spaciòne temporis agitur, veluti seculum, annus, dies, mensis, hora. Illud autem articulum ipsumq; momentum ac punctum (vt aiunt) in quo res sit agenda. Et sanè duo sunt quæ anxios mirè sollicitant torquentq;, quando nam, id est, quo tempore, siue quàm breui cupita res sit restituenda: deinde qua oportunitate, quòue modo aut consilio. De utroq; non vult suos esse sollicitos. Hoc enim omne in manu, hoc est, administratione Dei esse, qui & satis tempestiuè ac opportunè minimoque negotio res quasuis expediat, quas pro gloria nominis sui & Ecclesiæ esse nouit. Id verò nobis quoque dictum putemus, qui de successu rerum & futuris præ modum curiosi & anxij sumus, at de pietate & vitæ sanctimonia nihil solliciti. Age itaque permittamus conditori rerum, tempus quo quæq; agat, & oportunitatem siue medium per quod commodè quæq; agat, nos interim pletati studeamus. Promouebit ille gloriam suam, vindicabit Euangelium, sed & impios verbi hostes profligabit eo tempore modo ac consilio quo illi visum fuerit. Hic quid nostra retulerit quando, aut quomodo id futurum sit? Aduigilemus potius ne & nos simus impij vel hypocritæ, ambulemus in iustitia coram ipso, expectantes in patientia & vera animi constantia Domini redemptionem, qui sperantes in se nunquam deseruit. Id verò in primis venustum est, quod dicit, Accipietis virtutem: id est, robur. Alludit enim ad pusillanimitatem imbecillitatemque illorum. Quasi dicat: Hæc verò quæstio aliunde non proficiscitur, quàm ex imbecilli animo, quod carnalibus imbutum opinionibus, prorsus in diuinis laborat negotijs: dabo itaque Sanctum spiritum vt is vos sanet, instituatur, absoluat, roboret. Id vbi factum fuerit, eritis mihi testes, sentietisque quale nam regnem Israelis futurum sit, spirituale nimirum, in quo vos non reges eritis, sed testes redemptionis per crucem meam, quam nò modò Iudæis, sed & omnibus prædicabitis in circumitu gentibus, vsque ad extrema terræ. Sic enim loquutus est Dominus, Dabo te in lucem gentium, vt sis salus vsque ad extrema terræ, Isaïæ 49. Cæterum Gentibus non prædicarunt Euangelium priusquam Petrus nobili visione vocaretur ad Cornelium. Ibi verò clarius & copiosius disputatur de vocatione Gentium.

Consolatio.

Atq; hæc loquutus, videntibus iisdem, in altum sublatus est, & nubes subduxit illum ab oculis eorum.

καὶ ταῦτα εἰπὼν, ὑψήσθη ἀπὸ τῶν οὐλῶν. Nec plura loquutus, benedixit, id est, valedixit suis, & cælos ascendit, idq; eis insipientibus. Nubes autem suscipiebat ipsum. Hoc enim signum erat ipsum in cælum ferri. Nam nubes cæli symbolum est, dicente Propheta, Qui posuit in nube ascensum suum. Sed & in monte sancto obumbravit eum nubes lucida. Et Beda interpret, Vbiq; creatura (ait) suo creatori præstat obsequium. Astra indicant nascentem, patientem obnubunt, nubes recipiunt ascendentem, redeuntem ad iudicium concomitabuntur.

Quumq; essent defixis in cælum oculis, eunte illo, ecce viri duo adstiterunt illis, amicti vestibus albis, qui & dixerunt: Viri Galilæi, quid statis intrantes in cælum? Hic Iesus qui assumptus est à vobis in cælum, sic veniet quemadmodum vidistis eum euntem in cælum.

De ascensione Domini.

Maximum est ascensionis Domini mysterium, maxima vis, proinde rem grandem maximis, multis & multò certissimis approbatam oportuit testimonijs. Primo ergo hæc sunt in conspectu discipulorum, vt & ipsi nil dubitarent, & alijs certiores forent testes. Deinde apparent angeli, quos ob assumptam speciem viros vocat. Cæterum duo apparent. Nam in ore duorum aut trium stabit omne verbum. Apparent autem albis vestiti. Nam ad sepulchrum quoque dum resurrectionis testes essent, fulgurante veste comparent. Quin & ipsum Dominum Iesum candida veste comptum cernebant discipuli, dum transformaretur in monte sancto. Et candida veste cincti in triumpho equis albis vehantur victores Romani. Color ergo candidus victoriæ, clarificationi & imperio consecra-

consecratus est. Iam cum angeli adhibiti fuissent dominicæ conceptioni, natiuitati, passioni, resurrectioni, non potuerunt non interesse ascensioni. Sic autem loquuntur illi de ascensione Domini ad discipulos, Viri Galilæi. Discipulos autem è loci vocabulo, veluti dignitate, robore animæ et constantia præminentes compellant. Quid enim alio qui opus erat eos audire cuius erant patræ, cum id nequaquam ignorarent? Hinc ceu expositulantes sollicitudinemque apostolis improperantes, non citra Emphasim addunt, Quid stans intuentes in cælum? Quid apud Græcos viuendus est, *ἡ ζωὴ ἐν τῷ κόσμῳ*. Porro quod hic dixit *ἡ ζωὴ ἐν τῷ κόσμῳ*, id paulo superius dixit *ἡ ζωὴ ἐν τῷ κόσμῳ*. Est autem *ἡ ζωὴ ἐν τῷ κόσμῳ* fixis & immotis (vt inquit Erasmus) obtueri oculis, amantium more. Iam sequitur assumptionis testimonium, *ἡ ζωὴ ἐν τῷ κόσμῳ*. Hic ille Iesus, nempe qui à vobis in cælum assumptus est corpore visibili & vero, ad eum prorsus modum redibit, *ἡ ζωὴ ἐν τῷ κόσμῳ* quemadmodum vidistis abeuntem. Id est, in eadem forma carnis (vt Beda ait) atque substantia veniet iudicaturus, in qua venerat iudicandus, cui sanè immortalitatem dedit, naturam non abstulit. In quam sententiam & D. Augustinus (ex quo ille verba sua transcripsit) ad Dardanum de præsentia Dei cap. 2. Memoriter recole (inquit) & fideliter tene Christianam confessionem, quoniam Christus resurrexit à mortuis, ascendit in cælum, sedet ad dexteram patris, nec aliunde quam inde venturus est iudicare viuos mortuosque iudicandos: & sic venturus est illa angelica voce testante, quemadmodum ire visus est in cælum, id est, in eadem carnis forma atque substantia, cui profecto immortalitatem dedit, naturam non abstulit. Secundum hanc formam non est putandus vbique diffusus. Cauendum est enim ne ita diuinitatem astruamus hominis, vt veritatem corporis auferamus. Non est autem consequens, vt quod in Deo est, ita sit vbique vt Deus. Nam & de nobis veracissima scriptura dicit, Quod in illo viuimus, mouemur, & sumus, nec tamen sicut ille vbique sumus, sed aliter homo ille in Deo, quoniam aliter & Deus in homine proprio quodam & singulari modo. Vna enim persona Deus & Homo est, & vtrunque est vnus Christus Iesus, vbique per id quod Deus est, in cælo autem per id quod homo est. Hæc Augustinus, quem fortassis Sacramentarium esse conuiciabatur quidam, quibus placet ibi quoque iuxta humanitatem esse Christum vbi est secundum diuinitatem. Sed nemo est vel modice in sacris versatus literis & harum interpretibus, qui non ad pudendum illum errorem obstopescens vociferetur, Contendendo certe amittitur veritas. Nunc quod attinet mysterium ascensionis Dominicæ, Sept. Tertull. de resurrectione carn. Christus (inquit) sequester Dei atque hominum appellatus, ex vtriusque partis deposito commisso sibi, carnis quoque depositum seruat in semetipso, arrhabonem summæ totius. Quemadmodum enim nobis arrhabonem spiritus reliquit, ita & à nobis arrhabonem carnis accepit, & vexit in cælum pignus totius summæ, illuc quandoque redigendæ. Securi estote caro & sanguis, vsurpatis & cælum, & regnum Dei in Christo. Quod si verum est (vt sanè aliter habere non potest) iam peccata hominum expiata sunt, cælum apertum est, spes immortalitatis confirmata est. Victor quoque Christus ecclesiam suam tueri potest, nec quisquam est qui posthac electos damna re possit. Christus enim victor is est, qui cælos ascendit, qui ad dexteram patris sedet, & intercedit pro nobis. De qua re copiosius ad Roman. 8. ad Hebr. 5. 7. 8. 10. & Ioan. 14. Præterea necessarium erat vt caro Christi auferretur ex hoc mundo, vt tota religio in spiritum dirigeretur, & vt animi fidelium à terrenis ad cælestia, vbi Christus est, erigerentur. Hæc tamen verò pertingit Corollarium istud ad superiorem magis historiam pertinens quam ad præsentem: quæ iam sequuntur peculiariter præsentis sunt instituti. Nunc enim audiemus quid actum sit posteaquam terras corpore deseruerat Dominus, & quomodo discipuli se ad donum Spiritus sancti pararint suscipiendum, item quomodo Spiritus sanctus sit missus.

Mysterium ascensionis.

Vide quid in cælis agat Christus. Ioan. 16. Coloss. 3.

Tunc reuersi sunt Hierosolymam à monte, qui vocatur Oliueti, qui abest Hierosolymis iter sabbati

Pia mens neque grauatur, neque tardat diuinis obsequi præceptis. Nihil ergo morantur, nihil disputant, sed eò redeunt quo redire & spiritum præstolari præceperat Dominus. Faciamus nos quoque summo studio, alacritate læta & accurata diligentia quodcumque ille facere præcepit. Porro loci nomen exprimitur, è quo cælos ascendit, non modo ob historię fidem, sed ob mysterij etiam sublimitatem. Siquidem vt humanæ imbecillitatis maximè, erga nos amoris argumentum adderet, in eodem oliuarum monte cum morte colluctans sanguinem deludat. Iterum ergo cælos ex eodem migrat, vt certum diuinitatis exhiberet specimen. Etenim hoc ipsum iam olim prædixerat apud Ioan. in sexto fore vt ex ascensione ad cælos intellecturi essent ipsum esse filium Dei. Hinc in superiori historia legimus, Et adorato eo redierunt Hierosolymam. Præterea indicatur & loci distantia, Iter sabbati. De quo copiosius disputauit D. Hieronymus quæstio. ad Algasia. 10. Aiunt autem esse spatium bis mille passuum. Eo quod Ioannis duodecimo scribatur Bethania à Hierosolymis abuisse stadijs

quindecim, quæ tamen in latere montis oliuarum sita sit. At quindecim stadia paulò minus efficere quàm passuum duo millia. Videtur hoc totum ex ijs enatum verbis Moseos, quæ Exod. decimo-sexto in hanc extant sententiam, Maneat vnusquisque apud semetipsum & nullus egrediatur de loco suo die septimo. Diuus Chrysostomus. Mihi videtur hæc (inquit) in sabbaro gesta fuisse. Alioqui non ad istum modum indicasset interuallum loci. Quod quam verè dixerit deprehendes si à resurrectionis die quadraginta numeraueris dies. At resurrectionis dies in vigesimum Martij incidit, si modo Tertulliani computatio non fallit, quæ est Christum crucifixum esse Coass. Rubellio Gemino & Rufio Gemino, mense Martio, temporibus paschæ, die VIII. Calend. April. quæ apud nos est Martij vigesima quinta. Sed hæc obiter.

Et cum introissent, ascenderunt in cœnaculum, in quo habitare solebant, Petrus inquam & Iacobus, & Ioannes, & Andreas, Philippus & Thomas, & Bartholomæus & Matthæus, Iacobus Alphæi, & Simon Zelotes, & Iudas Iacobi frater.

Non huc atque illuc magna quædam iactantes discurrent, sed sese intra domus penetralia reconduunt, donec adsit tempus & occasio benefaciendi. Habuerunt autem certum designatumq; locum, in quo dum Hierosolymis agerent habitabant, cuius hic fit mentio. Nemo enim sanus de honestissimis crediderit viris (quod de balatronibus credimus) omnium perreptasse ædes. *ἡμετέριον* verò ædior est in ædibus locus, Latini cœnaculum vocant, non equidem locum in quo cœnatur. Festus enim cœnaculum vocat domus superiora ad quæ scalis ascendebatur. Orientalibus vero suus fuit in construendis domibus mos. Germani vocaremus *dicloben* / *die winden* oder *den saal*. Locum inquam in ædibus patentiore & aliquanto ampliore. Sed vide lector quātenui ædificio, & omni magnificentia carenti contenta fuerit apostolica simplicitas. Nihil tale videas hodie in horum (vt videri volunt) sequacibus, quibus non sufficit vel Priami regia, vel ambitiosa Babyloniorum structura. Nominatim autem recensentur religionis Christianæ proceres, quod multum referat istorum nouisse nomina, qui primarij nobis dati sunt à Deo veræ pietatis antistites. De singulis qui plura velit legat apud D. Hieronymum in eolibello quo numerat scriptores ecclesiasticos, cui studiosus aliquis reliquorum apostolorum, qui nihil scripsere, vitam & interitum adiecit. Hoc annotandum videbatur de tribus postremis.

IACOBVS Alphæi fuit filius, Simonis & Iudæ frater, quem Mar. in 15. paruum cognominat, nimirum ad differentiam maioris, hoc est senioris, qui Hierosolymis occubuit, & frater Ioannis fuit. Minorem vetustas iustum & ipsæ sacræ literæ fratrem Domini appellauere. Hic Hierosolymorum fuit episcopus, cuius acta meminerunt & Paulus in Gal. tandem verò è pinna templi præcipitatus è viuus excessit. Beda hoc loco eos redarguit, qui tertium quendam confinxere Iacobum, quasi is qui Iustus & frater Domini appellatus fuit, alius fuerit à Iacobo Alphæi. Ostendit enim vnum duntaxat fuisse Iacobum, qui & Alphæi, & Iudæ, & Iustus, & frater Domini sit nuncupatus. Mater huius matertera fuit virginis, Maria Cleophe vel à patre, vel familia Cleophe dicta, quæ & Iacobi nonnumquam dicitur, Iacobi inquam mater.

SIMON cognomento Chananæus, idem est qui & Zelotes, ortus è vico Cana, in quo Dominus aquam in vinum conuertit. Et Cana auctore Hieronymo interpretatur zelus: hinc nimirum Simon Zelotes, & ob patriam & ob feruentem zelû dictus est. Hic ab antiquis scriptoribus dicitur consobrinus Domini. Egessippus enim tradit Cleopham Simonis ex matre auum, Iosephi nutritij Domini fuisse fratrem.

IVDAS, ob differentiam Iscariotis, Iacobi dictus est, non vtique pater aut filius, sed frater. Hic apud Euangelistas trinominis est. Nam & Lebbeus, & Tathæus cognominatur.

Hi omnes perseuerabāt vnanimiter in deprecatione & obsecratione cum mulieribus, & Maria matre Iesu, cumq; fratribus illius.

Concordia & Constantia. Vide sanctissimum optimorum hominum consortium. Vide in his quid possit consummatrix omnium constantia. Vide vt illi sese ad Spiritus sancti aduentum parent. Discamus ergo & nos potissimas in Ecclesia res esse Concordiam, Orationem, & Perseuerantiam, hisce parari corda ad Spiritus sancti maxima dona. Rectissime ergo & elegantissimè Paraphrastes, Nunc vide (inquit) quid hic agatur, Non rixis aut fabulis otiosis teritur tempus, sed erant omnes vnanimiter perseuerantes in lacris precationibus. Non est Ecclesia Christi, vbi non est vnanimitas. Non sunt Deo gratæ preces, vbi non est faaterna concordia. Nec meretur audiri, nisi qui perseueranter orauerit. Idem orat Euange.

Euangelica cōgregatio. Vbi alius orat opes, alius optat mortem inimici, alius longeuitatem, alius regnum, alius aliud, ibi non est ecclesiastica deprecatio. Fratres autem (ne quis forsan miretur) consanguineos Domini ex more Hebraico dixit. De quo plura D. Hieron. aduersus Heluidium,

Et in diebus his exurgens Petrus in medio discipulorum, dixit (eratq; turba nominum simul fere centum viginti)

Pergit historia pingere quid à discessu Domini ante aduentum Sancti Spiritus ab Apostolis gestum, & quomodo Matthias in locum Iudæ Iscariotis electus sit. Caterum non caret mysterio quod dixit, Exurgens Petrus in medio discipulorum. Commedatur enim viri humilitas. Non enim solus apud se arrogantia tumens ecclesiasticas res pro voluntate disposuit, sed in medio fratrum egit quæcunque egit. Neque enim conuenit vt ecclesiastica munia & quæ totius Ecclesiæ sunt, paucorum dispenfentur libidine, sed æquum est vt ea bonorum vnanimi consensu & iuxta scripturarum administrentur præscriptum. Neque verò & illud æquum fuerit si quis iam sibi quæque arripiat munia. Nam Apostolus, Omnia (inquit) decenter & secundum ordinem fiant. Oportuit ergo vnum aliquem certo ordine res necessarias agere. Prodit itaque Petrus, qui reliquis hactenus semper extiterat & ardentior & in rebus agendis aptior feliciorq;. Chrysostomus, Tum temporis (inquit) præfectura non honos erat, sed cura subditorum, &c. Annotandum & hoc *ἡ τοῦ ἁγίου ἐκκλησίας ἐκκλησία*, id est, Erat autem turba nominum, nouum esse loquendi genus. Turba enim ponitur pro numero, & nominum pro nominatim, Vnde es was die ganz sal namhaßig by hundert vnd zwentziggen. At veritas religionis non consistit in multitudine, opibus, pompa & viribus mundi, sed in Deo & veritate eius. Vnus Michæas, vnus Helias, vnus Ieremias repugnauit & rpgibus, & potestatibus, & sacerdotibus, & toti plebi. Christus quoque Dominus apud Lucam in 12. Noli (inquit) timere pusille grex, quia complacitum est patri vestro dare vobis regnum suum. Vide 1. Corinth. 1. & 2. Capite & 2. Thess. secundo Capite.

Viri fratres, oportuit impleri scripturam hanc, quam prædixit Spiritus sanctus per os Dauid de Iuda, qui fuit dux his, qui comprehenderunt Iesum, quia cooptatus erat in numerum nostrorum, & sortitus erat patrem ministerij huius. Et is quidem parauit agrum ex mercede iniquitatis, suspensusq; crepuit medius, & effusa sunt omnia viscera eius. Et innotuit omnibus habitantibus Hierosolymis: ita vt appellaretur ager ille lingua illis vernacula **Aceldama**: hoc est, ager sanguinis.

Status orationis hic est. Quandoquidem Iudas officio & numero excidit apostolico, necessarium est vt alius in locum eius interrogetur. Illud autem in tota oratione potissimum est obseruandum, quod Petrus totum hoc quod agit non humano consilio agit, sed diuinæ scripturæ impulsu. Quod si hoc primarius ille Apostolorum fecit, quid nobis faciendum putatis? Ergo quæ ciuilia sunt, ciuilibus, hoc est iustis & æquis discutiantur legibus: quæ porro religionis & Dei, sanctis scripturis. Petrus maximam huius orationis partem narratione absoluit, quam tamen scripturis & probabiliorum & gratiorem reddit. Exponit enim quomodo Iudas exciderit: & ne quem offenderet casus irreparabilis, committigat scripturarum lenimine. Sic etenim in fati fuisse. Non equidem quod Iudas diuino consilio ad prodicionem nolens compulsus sit, sed quod proditor diuina flagitante iustitia merito punitus sit. Historiam verò quam hic retexit legere est in superiori libro Euangelicæ historiæ, & apud Matthæum in 27. Ego certe crediderim exitium Iudæ à Luca hic propterea copiosius esse expositum, quod in superiori libro id transiens hunc in locum vsque referuarit. Et notius quidem illud est, planiusque quam quod multis sit exponendum. Sunt tamen quædam non prorsus transilienda, nempe, quod hinc claret omnibus æquam fuisse apostolis potestatem, quod dixit, Sortitus erat partem ministerij huius: si enim partem quisque sortitus est, nemo sanè totum id est rerum summam obtinuit. Deinde Merces iniquitatis posita est pro mercede iniqua, **schemate** Hebræo. Significauit autem pretium sanguinis. Et hoc sanguinis pretium agro nomen dedit, qui vernacula hoc est Hebræa siue (quod Hieronymo placet) Syra lingua אֶרֶץ דָּמָא dicitur. Videtur autem nomen compositum esse ex דָּמָא, quod significat agrum vel fundum, אֶרֶץ vel דָּמָא, quod est sanguis. Ager enim ex pretio & re gesta nomen sumpsit, in hoc, ne nephandum facinus vnquam ex hominum excideret memoria, vtque exemplum foret omnibus hominibus quantum nephas flagitium ac piaculum patrent qui pretio accepto vel humanum fundunt sanguinem, vel veritatem sanctam produnt. Caueamus ergo nobis non modo à prodicionibus, sed à largitionibus quoque,

Exitium Iudæ.

Quid enim non potest fallax auri rutilus color? Quò non impellit cupida hominum corda? Munera vel sapientium excæcant oculos. Ex illis pullulant proditiões, patriæ desertio, pauperum oppressiões, similitates, bella, cædes. At innoxium sanguinem non inultum transit Dominus. De qua re copiosius Numeri 35. & Ezech. 22. &c. Iam verò expende mihi quam graphice atrox & terribilis pingatur Iudæ interitus. Iudas ob venditum auro Dominum, obq; innocentem & nuper Domini effusum cruorem suspensus crepuit medius. Quod siue intelligas de præcipitio, siue de suspendio à trabe, narum retulerit. Plerique hætenus credidimus Iudam sibi laqueo fregisse gulam, sed huic loco magis consonum est, infelicem præcipitio dissiliisse. Hoc etenim Græcanica videntur innuere, quæ sic habent, *ὁ πρῶτος γενόμενος ἐν ἀκροσυσμῶσι*, id est, & pronus siue decliuis fastus crepuit medius. Et *πρῶτος* quidem pronus vel præceps dicitur. Quo verbo si gestum & habitum laqueo præfocati expressit, iam sequentia non quadrabunt, Et crepuit medius. Quam sententiam Germanice appositius reddemus, vñd *zerſchmätteret vñ cinanderen*. Tale supplicij genus irrogauit Amazias filijs Seir, vt legimus 2. Paral. 25. Iudæi enim cæperunt hostium decem millia, & adduxerunt ad præruptum cuiusdam petræ, præcipitaruntq; eos de summo ad præceps, qui vniuersi crepuerunt. Quod si eodem mortis genere extinctus est Iudas, non sefellit diuinitio. Iam & Matthæo clarius scripsit Lucas. Matthæus enim dixit, Laqueo se suspendit, pro eo quod est, sibi ipsi mortem consciiuit, Lucas autem mortis genus pinxit. Et Germani dicimus ei laqueum esse paratum, cui ante fores subsistit præsentaneum exitium. Interim verò non nego Matthæi verbum *ἀπὸ τοῦ ἑαυτοῦ* appositius reddi strangulauit. Parum igitur retuler (quod iam monui) laqueo an præcipitio infelicem abrupit vitam. Certe periit & quidem misere. Proinde peribunt omnes quotquot auro vendidère patriam, aut veritatem prodiderunt, aut inopes oppreſſerunt, aut veritatis studiosos relegarūt in exilium, aut deniq; parricidijs commacularunt omnia. Nisi credamus Deum vel iniustum vel impijs esse amicum.

Scriptum est enim in libro Psalmorū: Fiat cōmoratio eius deserta, & non sit qui inhabitet in ea: Et episcopatum eius accipiat alter.

Hic tandem scripturæ verba recenset, quæ in orationis initio cæperat allegare: ita verò recenset quasi in vno loco aut Psalmo scribantur, cum testimoniū ex duobus sit petrum. Nam prior pars testimonij, nempe hæc, Fiat commoratio eius deserta, & nemo sit qui eam inhabitet: sumpta est ex Psalmo 68. & per typum tribuitur Christo & genti Iudaicæ, quæ propria periit perfidia, dicente Domino, Ecce relinquetur vobis domus vestra deserta. Porro per Caragogam id quod generale est peculiariter Iudæ aptatur, qui & ipse perfidia sua excidit ne esset Apostolus. Sequitur deinde pars altera testimonij sumpta ex Psalmo centesimo octauo. Neque verò alia ratione aptatur Iudæ proditori, quam ea qua superius. Nam David ea aliàs aduersus ingratos vsurpat. Breuiter duo hisce testimonijs voluit probata. Prius, quod Iudas propria esset perdendus malitia. Posterius, quod alius esset in locum abdicati reiectiq; surrogandus. Quibus iam commode infer.

Oportet igitur vt ex his viris, qui nobiscum versati sunt toto tempore, in quo intrauit & exiuit inter nos Dominus Iesus exorsus à baptismo Ioannis ad eum vsq; diem, quo receptus est à nobis: vnus quispiam constituatur qui sit vnà nobiscum testis resurrectionis eius.

Quia (inquit) scriptura iubet, vt alius in deperditi substituat locum, agè dispiciamus quis huic negotio satis idoneus sit: & obiter exponit quisnam videatur esse idoneus. Is nimirum, qui Dominum Iesum, hoc est, gesta & dogmata eius vniuersa probe norit, & testis istorum esse possit. Vnde nos colligimus eos demum iustos esse veritatis Euangelicæ & sanctæ Dei Ecclesiæ testes ministros ac prædicatores, qui docti in pietate, alios quoque verè docere possunt. De qua re plurima Paulus 1. Timoth. tertio, & Titum 1. Superioribus sæculis inaugurauerunt nobis Suffraganei (quos vocant) indoctissimos quosq; agalones, nepotes, vapas, ambubaias, qui Euangelicæ doctrinæ nunquam per omnem vitam viderant vel apicem vel præliminarem titulum. Inde verò nobis tot in Ecclesiam errores deriuati sunt. Cæterum maxima est fidei Christianæ autoritas, vt pote quæ nobis à testibus est exposita, qui non modo audita, sed etiam visa ac expertissima retulerunt. Hoc ipsum & Petrus & Ioannes primarij restantur apostoli. Hic in 1. cap. 1. ille verò in 2. cap. 1. Porro ingredi & egredi more Habraico posuit pro tota vitæ conuersatione. Vnde Erasmus sensum probe reddens vertit, Qui nobiscum versati sunt toto tempore, quo Dominus Iesus perpetuam vitæ consuetudinem egit nobiscum. Neque illud nobis hic transeundum, quod doctrinam & baptismum Ioannis negotio inclusit Euangelico, contra istorum placitum qui doctrinam Ioannis separant ab Euangelio. De quo dicemus in

De uocatione
ad episcopatū.

cemus in cap. 10. & 19. & resurrectionem posuit pro toto Euangelij negotio, partem potissimam pro ipsa re tota. Incumbit enim Euangelij prædicatio, vt Paulus in 1. ad Corinth. 15. ostendit, in resurrectionem tota.

Et statuerunt duos, Ioseph, qui vocatur Barsabas, qui cognominatus est Iustus, & Matthiam.

Non eligunt nisi optimos & sanctissimos viros. Alter enim à vitæ sanctimonia Iustus cognominatus est. Meminerimus Episcopum irreprehensibilem esse debere. Statuerunt autem, hoc est, ceteros designarunt, designatosq; in Ecclesiæ conspectum statuerunt. Quod utiq; ideo tam diligenter & caute gerebatur ne quis ad sacerdotalem locum indignus obreperet. Hinc Cyprianus martyr Epist. lib. 1. Epist. 4. Scriptura (ait) instruit & ostendit ordinationes sacerdotales non nisi sub populi assistentis conscientia fieri oportere, vt plebe præsentem vel detegantur malorum crimina, vel bonorum merita prædicentur, & sit ordinatio iusta & legitima quæ omnium suffragio & iudicio fuerit examinata. De Iosepho autem Barsaba nihil certi produnt sacræ literæ, coniecturas habent veteres, de quibus iam non est dicendi otium.

Et facta precatone, dixerunt: Tu Domine, qui corda nostri omnium, ostende vtrum elegeris ex his duobus, vt accipiat sortem ministerij huius & Apostolatus, vnde præuaricatus excidit Iudas, vt abiret in locum suum.

Rem grauem & arduam summa cum honestate ac diligentia perficiunt. Primo inquiruntur docti & sancti aliqui, qui rerum Christianarum sint gnari. Deinde compertos Ecclesiæ proponunt, vt irreprehensibiles esse probentur. Nō autem quicuis per se, licet rerum Christi probe gnarus, officium hoc ambit, sollicitat & cupit, sed vocari citra arrogantiam aliorumq; inuidentiam, sententiam Sancti Spiritus vtrinque ex æquo expectant, vter tandem ex duobus eligatur. Atq; hic demum preces fiunt. Maxima enim vis est orationis. Nos certe hinc discimus res quasuis in Ecclesia graues, oratione auspicandas ducendasq; esse. Nam citra Domini auxilium & assensum nihil feliciter ceciderit. At is oratione fleuitur. Nos equidem ex habitu exteriori iudicamus homines, & fallimur æpissime. Dominus corda intuetur. Hunc ergo præcantur, vt eum designet quem huic negotio norit esse aptum, è quo Iudas excussus abiit in locum suum, id est, se suisq; moribus dignum. Proditor enim cū esset, inter honestos, minister tam sancti cœlestisq; ministerij, recenseri non debebat. Siquidem ad coruos ac inferos pertinebat, domicilium omnium eorum qui auro corrupti & iustitiâ & veritatē produnt.

Et dederunt sortes eorum, & cecidit fors super Matthiam, & cooptratus est ad numerum vndecim Apostolorum.

Non temere sortiuntur, sed super consignatis & viris optimis, præmissa quoque oratione: vnde iam impossibile erat, vt fors aberraret. In quemcunque enim istorum cecidisset, non aberauerat: interim verò sorte opus erat, quæ certum designaret, quæ & ipsa à Deo agi creditur. Sortiri enim aliud non est quàm aliquid sorte decernere vel constituere, veluti cum nos sorte agros & possessiones paternas diuidimus. Neque aliud genus magis à dolo fraudēue alienum est. Hinc ipse Deus iussit terram promissam sorte diuidere, Numeri 33. Quin & Pontifices sorte designabantur ac reges. Nam Saul sorte electus est, voluntate Dei prius consultata, per quam latens Saul populo indicatus est: ad cuius rei imitationem hic quoque Matthias eligitur. De hoc genere dixit Propheta Prou. 16. In finem dei ciuntur sortes, at à Deo iudicium earum proficiscitur. De eadem pluribus Fenestella de Magist. Rom. tit. de Procons. & Cælius Antiqu. lib. 12. cap. 18. Lucianus quoque in dialogo qui Erotimus inscribitur. Quod ergo omnibus à constitutione mundi sanctis licuit, idem nobis quoque licet, sortiri. Est sanè & illud sortiendi genus infame & prohibitum in lege. Hoc euentus quærimus de rebus futuris, quales erant Vergilianæ. Harum author extitit Numerius Prænестinus. Illas verò damnat lex Leuit. 19. & Propheta Isaia in 8. Illius studiosi nominantur sortilegi, obseruatio autem sortilegium. De hoc genere plura habet Cicero, in 2. de Diuinatione. Crinitus quoque lib. de Horæst. discip. 22. cap. 3. & Polydorus Vrbinas de inuent. rerum, lib. vlt. Rite ergo peractis omnibus accepta dataq; sorte, hac ipsa declarauit Deus Matthiam sibi placere. Hic itaque declaratus Apostolus vndenarius numero duodecimus est additus. Porro certus hic ille ac consecratus numerus testium; expectat nunc sanctum Dei spiritum, quo imbuti Christianam religionem per vniuersum diffeminent orbem. Arator Romanæ Ecclesiæ diaconus, qui Acta Apostolorum hexametro carmine reddidit

De sortē:

dit, allegoriam concionat ex duorum electorum nominibus, docens humanam iustitiam esse reiectam, humilitatem vero Euangelicam approbatam. Quod si quis versus requirat hi sunt.

*Constituere duos Ioseph cognomine Iustum,
Matthiamq; Dei paruum, quod nomen aut aiunt,
Hebræo sermone sonat, humilemq; vocando
Comprobat, O quantum distant humana supernis
Iudicijs, parui merito transcenditur ille
Laude hominum qui iustus erat.*

CAP V T II.

ET cum complerentur dies pentecostes, erant omnes vnanimiter in eodem loco: & factus est repente de cœlo sonitus, tanquam impetu venientis flatus vehementis, & repleuit totam domum, vbi erant sedentes. Et visa sunt illis dissecræ linguæ velut igneæ, seditq; super singulos eorum, ac repleti sunt omnes Spiritu sancto, cœperuntq; loqui alijs linguis, prout spiritus ille dabat eloqui illis.

De spiritu sancto.



ANDEM subtextitur ipsa Actuum Apostolorum historia, quæ vt auspicijs Sancti Spiritus gesta, sic ab eodem quoque cœpta est. Nunc enim describit quomodo impletæ sint de Spiritu sancto promissiones cum Christi tum Prophetarum, quomodo spiritus orbi datus sit, qui est veritatis doctor, salutis arrha, pax & animarum gaudium. Cum enim Spiritum sanctum dicimus datum, de donis spiritus loquimur. Deus enim incircumscriptibilis alijs humanis pectoribus concipi quidem, sed concludi non potest. At dona eius secundum mensuram & beneplacitum eius pectoribus nostris infunduntur. Principio autem videntur paulò copiosius exponendæ esse causæ donati Spiritus sancti. Maximum enim est huius doni mysterium, dispositio mirabilis, & consilium Dei sanctissimum. In præsentiarum duas huius doni causas ostendemus. Prior talis est, Primus homo conditus erat ad imaginem & similitudinem Dei, quæ imago non potuit esse in alia re, quam in spiritu, Deus enim spiritus est, caro non est. Spiritus autem vita, innocentia, ac sanctimonia est. Cum ergo peccasset Adam imago hæc in misero oblitterata est, potissimas vero caro obtinuit, adeoque totus homo caro factus est, testante scriptura, Non discepiabit spiritus meus cum homine in æternum, quia caro est. Porro affectus carnis mors est: in solo ergo spiritu vita est. Proinde si homo vitæ restituendus, & Dei illa in homine per carnem oblitterata, reparanda erat imago, hoc non alio pacto fieri potuit, quam restituto nobis spiritu diuino, in quo imago Dei est. Cæterum in maleuolam (vt ait Propheta) animam spiritus Dei non ingreditur: proinde coinquinatam prius expiari oportuit. Hic igitur considerandum nobis mysterium Christi, per quem omnia expiata & restituta creduntur, Christus ergo moritur, vt peccata mundi expiaret. Resurgit, vt certam nobis spem & immortalitatis, & quod peccatum & mortem vicisset, faceret. Deinde cœlos ascendit, vt omnium se probaret Dominum. Inde verò Spiritum sanctum super omnem carnem mittit, nimirum vt iam per hunc restitueremur innocentia ac felicitati pristina, reparareturque illa in nobis Dei imago, atque ita æternæ vitæ essemus participes. Hæc ad hunc modum iam olim tradidit & Paulus, maxime in 4. ad Ephes. & 3. ad Col. Cap. Hic verò nolo quisquam cogitet Veteris testamenti sanctos patres ac Prophetas ab hac salute exclusos esse. Nam & ipse Petrus testatur in ipsis habitasse spiritum Christi. Proinde loquimur hæc secundum temporis dispositionem. Finge enim patrem esse qui duos habeat filios, quorum senior moriatur superstiti adhuc patre, qui demum & ipse moriens omnem substantiam iuniori hæreditate relinquat. Nam in mortuis duntaxat ratum est testamentum. Iam verò quis tam stupidus, qui credat seniore, eò quòd parentis mortem non viderit, iunior autem paternis substantijs iam liberalius perfruatur, vel non fuisse hæredem vel filium? Sanè licet morte interceptus sit, & temporum iniuria parentis mortem non luxerit, nihilominus & filius & hæres erat, & parentis facultatibus olim vivebat. Ita nos quoque vnus patris sumus filij. Veteres quidem fratres nostri excesserunt priusquam moreretur Dominus, nihilominus donis benigni patris, vt veri hæredes æternæ vitæ, abundanter potiti sunt. Nos vero qui à Domini nostri morte sumus, nunc quidem bonis cœlestibus abundantius perfruimur. Nam perfecta morte testatoris, testamentum iam valet. Valebat sanè & antea, sed nunc ipsa bona dispensantur, sicut dispensanda fuerant ordinata.

An veteres spiritum sanctum habuerint.

ordinata. Posterior huius doni causa hæc est. Implera erant tempora, proinde omnes gentes vocanda in confortium salutis. Hic ergo oportebat ad huc negotium institui Apostolos varijs donis, ne nova doctrina protinus rejiceretur; & proinde non ita accipi debet hoc negotium, quod nunc primum dona fidei, spei & charitatis orbi donata sint, sed quod aucta, quod Apostolis Domini futuris ad omnes gentes nuncijs collata sit linguarum & rerum peritia, fortitudo, magnanimitas agendi ardor & felicitas, item facultas designandi miracula. Id quod effuso Spiritu sancto factum est. Huc enim pertinent præcipue promissiones Christi de Sancto Spiritu. Hæc in transcurso, iam redimus ad historiam. Duo notat iuxta morem historicum, quo tempore, quoque in loco missus fuerit Spiritus sanctus. Porro tempus multa in se habet mysteria. Equidem non numeramus cum Iudæis ab immolato Tempus. gno, sed à resurrectione dominica dies quinquaginta. Iudæi autem primitias frugum hac offerebant Domino. Nam ipsa in messim incidebat. Ergo apud nos quoque, cum messis esset multa, operarij autem pauci, emisit Dominus spiritum suum ut hoc instructi discipuli fructum colligerent ex omnibus gentibus, eumque offerrent Domino. Quinquagesima item die egressionis filiorum Israel ex Ægypto, data est lex Domini, auctore Hieronymo ad Fabiolam de Mansio. po. Dei, Mans. 12. Eadem ergo die oportuit conferri Spiritum sancti, diuinæ legis & expositorem & effectorem 2. Cor. 3. Huic iam facit & locus ipse. Nam ut lex in monte Sinai lata, sic spiritus in monte Zion est dono missus. Locis. Sic enim futurum prædixerant Prophetæ, ut lex esset profectura de Zion, & verbû Domini de Ierusalem. Cæterum in monte Sinai audiebatur tarantare cantus, tonitruus fragor, cernubantur fulminum flammæ terrificæ, & quicquid humanas potuit concutere mentes: quæ quidem omnia potentiam Dei significabant & vindictam (alij ad legis terrorem nescio quem referunt) illis nimirum paratam, qui legem Dei contemnerent. Itaque oportebat & hic quædam apparere spectra, sed quæ illis forent minus terrifica. Audimus equidem sonitum tanquam impetu venientis flatus vehementis, sed eo significatur doctrinam Sancti Spiritus mira felicitate & successu incredibili per vniuersum orbem fore propagandam, neque quenquam tam fore potentem qui eius impetu resistere possit. Sic enim videmus ventum mira celeritate & nemine obistente, totum perflare orbem. Apparent & igneæ linguæ, linguarum & eruditionis gratiam, auctoritatem & feruorem doctrinæ ecclesiasticæ notantes, ut nunc Apostolicis viris quadrantius conueniat, quod alij tribuerunt Pericli, non verba illos modo sed fulgura tonitruaque sonare. Est & illud maxime obseruandum, quod scribit, Erant omnes vnoanimiter in eodem loco. Vbi enim pectus rixis ira & inuidia liuidum est, ibi nullus Spiritui sancto locus residuus est. Si quidem vnitatis & concordie auctor, vnitatem non quamuis nec vulgarem, sed diuinam arctissimamque requirit. Raro autem Deus mysteria sua absque signis & inuolucris proponit. Id enim poscit & maiestas eius & nostra imbecillitas. Maxima enim mysteria sapientissimi quique symbolis & inuolucris cõrecta orbi proposuerunt. Deus ergo ipse ipsissima sapientia, sua quidem sub signis proponit, sed ita ut sese rebus nostris maxime accomodet. Humanis enim diuina vestit. Non quod Deus humanis rebus sit circumscriptibilis, sed quod diuina per humana exposita nobis sint magis intelligibilia. Quis enim sanæ mentis dixerit Spiritum sanctum columbam, vel ventum, vel linguam, vel ignem esse? Nihil enim in Deo sensibile: attamen notiora sunt nobis illa inuisibilia, si exponantur & suffiguntur per hanc visibilia, nec quælibet, sed quæ naturam rerum exponendarum quam propriissime (quantum quidem humana referre possunt diuina) exprimant. Et sanè sono & linguis ignitis duos voluit Deus nobilissimos perstringere sensus, auditum atque visum. Sonus enim aures ferit. Ignis vero visum afficit. Ita olim in cœna mystica, serfus rebus visibilibus percellere voluit, pane videlicet & vino. Hæc autem non sunt caro & sanguis Christi naturalis, sed magis sacramentalis. Referunt autem nobis verum corpus pro nobis in cruce fractum, & sanguinem verum pro nobis effusum. Itaque voluit hic quoque Dominus signis quibusdam capere sensus nostros & virtutem Sancti Spiritus indicare. Nam sicut ventus totam terram perflat, abdita quæque penetrat, complexionemque homini mutat. Ita spiritus Domini omnia implet, profundissima scrutatur & mentes hominum mutat. Ignis quoque purus est, limpidus, simplex, quædam corpora clarificat, quædam prorsus absumit: ita & Spiritus sanctus. Nec caret mysterio quod in linguarum De linguis. comparat specie. Nam in Euangelio Marci promiserat Dominus Apostolos breui nouis loquuturos linguis. Hanc promissionem dato Sancto Spiritu præstat. Et lingua quidem ut nihil peius, sic melius nihil. Atque hæc quidem non erant carneæ, sed igneæ: quo notatam credimus simplicitatem & puritatem doctrinæ Apostolicæ, agendi quoque ardorem. Habebant & gentium Philosophi linguas, sed mendaces, vafra, adulatrices, impuras & frigidissimas, soli Apostolici viri igneas habent. Hæc denique fuerunt dissectæ propter donorum diuersitatem. Sed & hæc ipsa signorum expositio mox in ipsius historici verbis sequitur. Cæperuntque loqui alijs linguis, prout spiritus dabat eloqui illis. Præterea indicat hic locus quam necessaria sit Apostolicis viris linguarum cognitio. Non potuerunt Apostoli ter-

rarum esse doctores, nisi linguas prius didicissent. Hinc etiam Aur. Augustinus excellentissimus Ecclesie doctor, lib. de Doct. Chri. 2. cap. 11. ac 12. multis demonstrat linguas, Hebræam in primis & Græcam, quibus utraq; testamenta exarata sunt, cum primis esse necessarias: imò eo loci ostendit varias sacrarum literarum interpretationes versionesq; in alienas linguas opido esse vtilis, eaq; sensum magis adiuuare quam impedire. Nostri vero qui neq; linguarum studiosi sunt, neq; classicorum scriptorum quicquam degustarunt, mox atq; diuersam in verbis magis quam sensu Bibliorum interpretationē viderint, fidelissimos protinus interpretes proditoris & hæreseos insimulant, imò & linguarum studium ceu prophanum exhibant, sophisticas autem nenas omnibus commendant: cum interim idem ille August. eodem de Doct. Chri. lib. 31. non humanitatis studia, aut linguas in sacris doceat vitandas, sed sophisticas argutias.

Erant autem Hierosolymis habitantes Iudæi, viri religiosi ex omni natione earum, quæ sub cælo sunt. Is rumor cum increbuisse, conuenit multitudo, & confusa est quod audiret vnusquisque lingua sua illos loquentes. Strupabant autem omnes, ac mirabatur, dicentes inter sese: Nōne ecce omnes isti qui loquuntur, Galilæi sunt? Et quomodo nos audimus eos sua quisq; lingua in qua nati sumus? Parthi & Medi, & Elamitæ, & habitatores Mesopotamiæ, Iudææq; & Cappadociæ, Ponti & Asiæ, Phrygiæ & Pamphiliæ, Aegypti & partium Libyæ, eius quæ est finitima Cyrenæ, & aduenæ Romani, Iudæiq; & proselyti, Cretes & Arabes, audimus eos loquentes nostris linguis magnifica Dei.

De scholis.

Sunt qui viros istos putent ob festi celebritatem conuenisse. Quid si credamus Hierosolymis celeberrimam fuisse scholam, in qua lex diuina cum ciuibz Hierosolymitanis tum exteris etiam Iudæis sit publica lectione tradita. Varijs enim calamitatibus factum, vt gens Iudaica in omnem penè terrarum orbem dissecta, Hierosolymam tamen regni & ipse suæ metropolim rediret, sed & suos legis cognoscendæ discendæue gratia mitteret: quemadmodū olim veteres gentium suos Athenas, nos nostros vel Lutetiam vel Agrippinam Coloniam literarum discendarum gratia mittebamus. Opinionem hanc iuuant quæ, clarius traduntur in huius operis cap. 6. de Libertinorum & Exterorum collegio: item apud Ioan. in 1. & Matth. cap. 15. Vterq; enim ita scribit de Phariseorum (quos miserat Hierosolyma) moribus quasi de nostris hæreticæ prauitatis scripsisset inquisitoribus. Quin & Paulus Apostolus Tarso Ciliciæ oriundus, ciuis Romanus, Hierosolymis ad pedes Gamalileis operam impendit literis sacris. Neque verò hoc nouum cuiquam videatur. Nulla enim gens vnquam tam fuit infelix, vt religionis suæ & tuendæ, & propagandæ gratia non egregia instituerit ac aluerit collegia. Cum olim ipse Deus Israelis institueret Rempub. primas Leuitico dedit collegio. Hoc enim religioni & doctrinæ consecratur. Apud Danielelem legimus Babyloniæ regē suos habuisse Chaldæos, in quorum numero erat & Daniel. Porro apud Mosen legimus Aegyptiorum regem suos quoque coluisse Magos. Romani pontificum & augurum habuere collegia. Non ergo mirum est, si gens Iudaica suos quoq; habuerit legum consultos ac scribas, id est, in sacris eruditos, qui in rebus dubijs certa dederint responsa. Hoc enim & Herodis tempore legimus factitatum. Nam dum hic rogasset quonam loci nasciturus esset Messias? Scribæ ex Prophetarum oraculis locum designarunt Bethleem. Proinde quod Romanis erant Auruspices qui ex libris respodebant Sibyllinis: id Iudæis Scribæ erant, qui respondebant ex libris Prophetarum. Quod si plura huius generis annotare licet, iam secula nostra comprobarunt quanta sit vis collegiorum talium. Videmus enim quò monachorum colluies & vniuersitatum scholæ Romanam religionem prouexerint. Oportet igitur, & nos si saluam volumus religionem Christianam, studia linguarum, sacrarum & humanarum literarum disciplinas excolere, iuuare, prouehere. Nam licet spiritus promissus sit, qui omnia doceat, attamen strenue laborantibus promissus est. Si enim sapientiam (inquit Solomon) vt aurum quæsieris, inuenies. cui vero pileum hætenus imber compluit aureos? Labore, studio, & indefatigata diligentia paratur aurum. Proinde & sapientia cælestis non otia, sed laborando paratur. Habet præterea Dominus media quædam, quibus in cœtu suorum omnia ordine agit. Cæterum hoc loco contentur Apostolorum choro schola Hierosolymitana, ita tamen vt humanis diuina longe præstent, adeoque hæc nihil prorsus ad illum habeat. Hinc toties ingeminatur doctos Hierosolymitanæ academix prorsus obstupuisse. Cogitur enim omnis humana sapientia ad diuinam obstupescere, quod in speciem tam minutum synapi granum tantas de se exerit vires. Ad amplificationem huius pertinet quod mira verborum exaggeratione tot linguæ, gentes, ac populi nominatim perstringuntur. In quo hoc tantum

tantum annotandum videbatur quod Hebrei (authore Erasmo) Profelytos, hoc est אֲרָאָם eos dixere qui diuersæ factionis nati in ius Mosæ legē recepti essent. Hic quoq; disputatum est de linguarum miraculo, an singuli singulariter ac distincte cuiusvis gentis linguam sint loquuti: an verò sua vten-tes natia, quæq; gens suam intellexerit? Et posterius hoc tanquam probabilius factum esse, video placuisse plurimis, nempe quod Apostoli hoc loco non Latine, Græce, vel Arabice loquuti sint, sed Iudaice, hic vero quamuis gentem in hac suam propriam intellexisse. Postea vero factum, ut in alias atq; alias regiones commigrantes, ijs vti sint linguis, quibus eius regionis homines utebantur. Arabibus ergo Arabice loquutos, Græcis Græce, &c.

Stupebant autem omnes, ac mirabantur inter se, dicentes: Quid nam vult hoc esse? Alij autem iridentes, dicebant: Musto expleti sunt isti.

Typus est rerum futurarum, semper fore in Ecclesia viros, qui simplici mente nō intellecta quæ rant, illis autem se manifestaturum Dominum. Rursus alios futuros, qui omnia diuina contemnant, ac conuijs incessant. Idem enim illi hic quoq; faciunt, qui Apostolos ebrietatis & infantie infimulant. Similia multa habes in Euangelio Ioan. cap. 6. 7. 8. 10. 11.

Stans autem Petrus cum vndecim, extulit vocē suam, ac loquutus est eis: Viri Iudæi, & qui habitatis Hierosolymis vniuersi, hoc vobis notum sit, & auribus præcipite verba mea: Non enim sicut vos existimatis, hi ebrij sunt, quum sit hora diei tertia. Sed hoc est, quod dictum est per Prophetam Iohel: Et erit in nouissimis diebus, dicit Deus, effundā de spiritu meo super omnē carnem. Et prophetabunt filij vestri, & filia vestra, iuuenes vestri visiones videbunt, et seniores vestri somnia somniabunt. Et quidem super seruos meos, & super ancillas meas in diebus illis effundam de spiritu meo, & propheta- bunt, & dabo prodigia in cælo superne, & signa in terra inferne, languinem, & ignem, & vaporem fumi. Sol conuertetur in tenebras, & luna in sanguinem, antequam veniat dies ille Domini magnus atq; illustris. Et futurū est, ut omnis quicumq; inuocauerit nomen Domini, seruetur.

Bonus gregis pastor constanti animo prodit, occasionem ex tumultu capiens prædicandi Christi, & expurgandi se suosq; de calumnia, rursus exponendi per propheticum oraculum, factum il- lud de quo illi mirabantur. Adiungit autem Lucas Petro vndecim, ne quis principatum cogitaret, aliosq; Petro inferiores crederet. Cæterum prima orationis pars agnoscit genus Iudiciale. Nam apo- logetica est. Posterior didactica siue demonstratiua est. Nam expositione docet Iesum esse Christū. Iam & breui, sed commodo utitur exordio. Argumentatur item à tempore. Tertia diei est, ergo ebrij non sunt. Quæ argumentatio non valeret, si illi horas more nostro digessissent. Babylonios enim imitati Iudæi, horas vnā cum oriente sole auspicabantur, adeo ut nunc tertia apud illos nobis vel ad nonam, vel octauam incidat. Cuius quidem rei aperta extant, signa apud Matthæum in 20. cap. Plura apud Gellium & Macrobiū de diuisione diei. Inde autem liquet Christum Dominum hora diei nostræ duodecima in crucem suspensum, expirasse tertia. Nam ut sexta illorum nobis duo decima est, sic nona, tertia est. Ergo qui ebrij sunt, ad vesp̄eram ebrij sunt. Nondum autem erat ves- per, ergo valebat argumentatio. Locum autem produxit ex 2. Ioelis cap. Quo nos primum discimus Apostolos etsi donati iam essent Spiritu sancto, non fuisse præfactos aut temerarios: sed faciles & graues, qui omnia sua probabant scripturis. Sic enim rebus gestis aptabant veterem scripturam: ut in Mathematicis solet demonstrationi oculari vel practicæ aptari theoria & agendorum regula. Imò libere ausim vetus testamentum vocare theoricam, quod typum & Prophetarum oracula atti- net, nouum practicam. In hoc enim re ipsa completur, quod spiritu & typo ibi præfigurabarur. Quod vero Ioel futurū prædixerat, id hic fit. Vtus est autem effundendi verbo ad significandam muneris largitatem. At Prophetare non modo significat res diuinas denuntiare & exponere, sed diuinas quo que res agnoscere. Ita hæc vox apud Ieremiam quoq; usurpata, dum ipse futurum prædiceret, ut co- gnitio Dei prorsus esset vulgaris futura. Hic vero Ioelis locus potissimum accommodatus est rebus præsentibus, testimonium præbens rei præsentis, quod multi nunc prophetarent. Et notanter dixit, Effundam de spiritu: & non, Effundam spiritum. Neq; enim diuina à vobis substantia potest cir- cumscriptiue comprehendī, sed conferuntur donz tantum Spiritus sancti secundum mensuram. De quibus 1. Cor. 12. Deinde sufficiente diuisione notat cognitionis plenitudinem, & quod nullum ge-

Oratio Petri.

nus hominum ab hoc munere exemptum sit, quo minus accipiat. Huc enim pertinent visiones, prophetia, & somnia, iuvenes quoque, senes, filij & filia. Deus enim olim sese reuelauit vel somnijs, vel visionibus. Significauit ergo plenissimam reuelationem voluntatis Dei. Deinde equidem super seruos, &c. per repetitionem siue Anadiplosin Hebraicam idem repetit, quod antea dixit, quo certiora essent omnia: quasi dicat, Et sane certissime ista præstabo. Iam ad expositionem superiorum pertinet & hoc quod dixit, Super seruos. Non enim quibuscumque, sed seruis Dei confertur spiritus. Porro sequentia, Et dabo prodigia sunt qui referat ad tempora Christi, propterea quod in morte eius sol obscuratus, & in cruce sanguis eius effusus sit. Sunt alij qui Crasin hic fieri dicant primi & posterioris aduentus, ad posteriorem vero spectare prodigia. Ego vero crediderim omnia prophetæ simplicissima esse. Prophetauit enim de Assyriorum irruptione in Iudæam, de victorij Senacherib & crudelitate eius in populum exercenda increpauit Iudæorum peccata, sed & liberationem ab hoste & eius interitum prædixit, consolans reliquias. Ibi vero occasionem accepit vaticinandi de regno Christi, & missione spiritus sancti. Hoc absoluto redit ad pœnam, ac dicit, Ceterum priusquam hæc diuina & augusta veniant, oportebit vos purgari & excindi igne & gladio: quæ per amplificationem effert: vt Isaias quoq; in 13. cap. Babylonij excidium. Iam vero Petrus postea quæ eò per occasionem delatus esset, vt Prophetæ verba de Spiritu sancto adduceret, neq; illud omittere voluit, quod de pœna quoq; impiorum adiunctum fuit, veluti ex obliquo significans, excidium æquale illis quoq; futurum, si pergant impietate maiores suos sequi. Adiungit, & illam Christianæ religionis sententiam primariam, Omnis qui inuocauerit nomen Domini saluus erit. Hinc vero occasionem accipit differendi de religione Christiana. Nam inuocandi verbo totum pietatis negotium complexus est.

Viri Israelitæ, audite verba hæc: Iesum Nazarenum virum exhibitum à Deo erga vos virtutibus & prodigijs, & signis, quæ fecit per illū Deus in medio vestri, sicut & ipsi scitis, hunc definito consilio & præscientia Dei traditum, quum accepissetis per manus iniquorū, crucifixum interemistis, quem Deus suscitauit solutis doloribus mortis, quatenus impossibile erat teneri illum ab ea. Dauid enim dicit de eo: Prouidebā Dominum coram me semper, quoniam à dextris est mihi, ne commouear. Propter hoc lætatum est cor meum, & exultauit lingua mea: insuper & caro mea requiescet in spe. Quoniam non derelinques animā meā in inferno, nec fines vt sanctus tuus videat corruptionē. Notas mihi fecisti vias vitæ, replebis me iucunditate cū facie tua.

*Prædicatio
Christi Aposto-
lica.*

Transitionis formula est: nunc enim pergit docere quomodo nomen Domini inuocari possit, nimirum vera in Christum fide, quem probat verum esse Messiam Dei filium, idque resurrectionis, ascensionis & regni potissimum argumento. Docet autem expositione argumentosa, ita contextens Christi historiam, vt nihilominus scripturarum robore contradicentes conuincat, & peccatum Iudæis ob oculos reuocet. Nam Euangelium scelera quoque accusat. Summa vero expositionis hæc est. Deus exhibuit nobis filium, hunc crucifixistis, sed Deus excitauit eum, & dedit ei nomen, quod est supra omne nomen. Tandem vero huius expositionis fructum subiungit, cum rogantibus consilium, respondet, Resipiscite, &c. Virum vocat Dominum per Catachresin, vel propter humanam naturam, vel ex more Hebraico, quibus **אדם** hominem significat. Quod autem à Deo sit orbi datus, expositionis est. Ad probationem pertinet quod subdit, Prodigia & signa. Nam ista probant Iesum esse à Deo, sicut patet Ioan. 3. 5. 10. cap. Non enim humana virtute, sed diuina sunt patrata. Id quod iterum subiicit, Quæ fecit per eum Deus, id est, ipsa diuina virtus. Rursus ne quis offenderetur cruce & proditione eius, ea quidem diuino tribuit consilio. Oportuit enim diuinæ satisfieri iustitiæ. Denique ne impietas excusationem inueniret, & obijceret, Si hæc consilio Dei gesta sunt, ergo proditor Iudas & parricidæ Iudæi, consilio Dei obsequuti, nihil peccarūt, protinus impios vocat & malitiam omnium nostrorum accusat, qui vel suffragio vel vlla alia re in culpa fuerant quod Iesus esset cruci suffixus. Hinc vero per resurrectionē quoq; crucis aufert scandalum, & sic probans Iesum esse Christum. Resurrectione enim vel in primis probatur Christi diuinitas. Quemadmodum videre est ad Roman. 1. & Ioan. 20. Crediderim ergo Deum hic iterum pro diuina vsurpari natura. Porro dolores mortis scriptura, authore Ioanne Chrysof. vocat pericula mortis. Hoc ipsum ergo videtur hic dixisse Petrus quod in Romanis Paulus, Christus excitatus à mortuis, non amplius moritur, mors illi amplius non dominatur. Impossibile enim erat, vt filius Dei computresceret, qui primogenitus ex resurrectione esse debebat. Id quia dubiū apud istos erat mox loco Prophetæ confirmat, qui est

qui est in Psal. 15. In hunc si plura pararem actum agerem. Ipse enim Petrus testimonium, quantum quidem rei præsentis fatis est, adaptat.

Viri fratres, quandoquidem licet libere dicere apud vos de patriarcha Dauid, quod & defunctus est, & sepultus est, & sepulchrum eius est apud nos usque in hodiernum diem. Propheta igitur quum esset, & sciret quod iureiurando iurasset sibi Deus, futurum ut de fructu lumbi ipsius, quantum ad carnem, Christus exoriretur, ac sederet super sedem eius, præsciis loquutus est de resurrectione Christi, quod non derelicta sit in inferno anima eius, neque caro eius viderit corruptionem. Hunc Iesum suscitauit Deus, cuius omnes nos sumus testes.

Principio utitur præmolitione siue exordiollo, auditorum à se indignationem auertens, & opinionem fallam eximens qua hæc tantum de Dauid exponebant. Dicit ergo: Hæc vero de Dauid non tantum sunt intelligenda, sed magis de Christo qui secundum carnem filius Dauidis erat. Probatio. Equidem Dauid mortuus est, & sepulchrum eius apud nos est, quo fit ut proprie hæc illi non possint competere. *Quia* vero spiritu futura præscituit, & filij sui regnum perpetuum fore vidit, magna confidentia hæc de resurrectione Christi vaticinatus est, cuius regnum non potuisset dici perpetuum si ipse rex morte esset absumptus. Recte itaq; Non delegata est ad infernum anima eius, neque corpus eius computruit. Vnde nos conijcimus, veteres non minus agnouisse mortem resurrectionem & regnum Christi quam nos. Porro ut non nihil de descensu Christi ad inferos dicam, video negotium multis tam fuisse arduum, ut parum eius sint assequeuti. D. August. de præsentia Dei ad Dar. cap. 2. hunc locum Petri citans, censet animam Christi reuera descendisse ad inferos, sed nihil passam esse. Sunt qui apud inferos animam Christi non nihil passam esse imprudenter satis asseuerent. *Quia* enim (inquiunt) peccatum originale non modo corpus occidit, sed & animarum quoq; cruciatum induxit, oportuit quidem corpus Christi mori, sed & animam eius non nihil cruciari, ut totum viuificaret hominem. At non viderunt miseri, sublata causa morbi, sublatum esse & morbum, & proinde cruciatum quoq; morbi. Peccatum causa est pænæ mortis ac damnationis. Hoc sublato necessarium est & mortem, & cruciatum pænæ esse sublatum. Atqui peccatum morte Christi expiatum est, nihil ergo erat à morte dominica, cuius gratia pateretur anima Christi. Errarunt ergo fœdissime qui Christi animam arbitraueri non nihil esse passam. *Quasi* vero sanguine suo non omnia expiarit peccata. Nam si aliquid passa est, propter peccatum passæ est, ergo nondum expiarat peccatum & proinde inefficax fuerat hostia Christi salutaris. Id qui dicit indignissime blasphematur meritum passionis Domini. Videtur autem longe facilius & certius superesse ratio, qua ex hac difficultate eluitemur, nempe, si scripturarum more per inferos intelligamus mortem ac sepulturam. Sic enim legimus Genes. 44. scriptum, Morietur pater noster & deducunt famuli tui canos eius cum dolore ad inferos. Canos autem dixit senile corpus, at inferos sepulturam. Imò si probe expendamus hunc ipsum Dauidis locum quem Petrus citauit, videbimus posteriorem particulam, Nec times ut sanctus tuus videat corruptionem, adiectam esse per exegesis. Hac enim exponere voluit quid intellexerit per hanc loquutionem, Non derelinques animam meam in inferno, id enim pollere, quasi quis dicat: Non permittes ut corpore extincto sepultoq; simul & vita interierit, cum & ipsa caro resurgere debeat. Nam & *האש* non tantum significat tartarum, supplicij locum, sed & sepulchrum ac foueam. Germanus diceret: *Du wirst nun seel mit lassen in der grüben gestäcken.* Ad hanc sententiam facit & illud quod Cyprianus testatur hæc verba Descendit ad inferna, non haberi in symbolo Romano, ac ne ab Orientis quidem ecclesijs addi. Vnde apparet ab ijs tandem adiectam esse particulam, qui aduersus Valentinianorum hæresim expresse corporis veram mortem exprimere voluerunt. Cumq; non satis clarum videretur, Mortuus & sepultus est, protinus ad euidentiore rei expositionem adiecerunt, Descendit ad inferna: hoc est, reuera mortuus & sepultus est, atq; ita etiam sepultus ut solent, de quibus dicimus, Descenderunt ad inferos, id est, mortui sunt. Et hæc quidem altera ratio est, qua hic non dissolui potest. Superest & altera, ut per inferos intelligamus mortuos, sicuti per superos intelligimus viuos. Deinde vero enallagen capiamus in verbo descendendi, ita ut quod de persona Christi videtur dici, de ipsa re, hoc est, redemptionis vi intelligamus, nempe mortuis quoque profuisse meritum mortis Christi. Nam hoc est descendere Christum ad inferos. Sic etiam indies ad nos descendit Christus, in virtute utique non in persona. Et quoties obsecro personam Christi pro ipsa ponimus redemptione, iustitia & vita? Hæc descendit (loquimur autem per Ethologiam) ad defunctos patres sanctos. Et hanc sententiam fulciunt duo in priori Epistola Petri testimonia. Prius est, Christa

De descensu Christi ad inferos.

Ezech. 16.

stus in spiritu abiit, & spiritibus qui erant in carcere prædicaui. En habet Christum abiisse in spiritu. Quis verò Christi spiritus nisi vis, vita & euidentia meriti Christi? Sed abiit (dicitis) quod persone est. Atqui hæc per Ethnologiam dicta esse probamus ex posteriori testimonio quod extat in 4. cap. sic, Nam in hoc mortuis quoq; (*ἐκ νεκρῶν*) prædicatum est Euangelium. Ecce quod in 3. cap. spiritum dixerat, hic Euangelium vocat, & quod superius extulerat, in quo abiit & prædicaui, hic planius effert, Mortuis nunciatum siue prædicatum est Euangelium, id est, vis redemptionis Christi mortuis patribus sanctis profuit. Ita non necesse erit inquirere, An anima Christi (quæ tamen in manibus erat patris) ad resurrectionis usq; punctum inferos, limbum, siue tartarum descenderit? quid ibi fecerit? an quicquam ibi passa sit? Superuacaneæ enim quæstiones sunt. Illa verò quæ nos proposuimus, pio Lectori expendenda proposuimus. In his tamen & similibus vt nihil temere asserimus, ita prorsus nihil contendere volumus, & iam ad historiam nostram redimus. Hunc Iesum (inquit) suscitauit Deus: quæ sanè clausula huius disputationis illatio est. Hanc denuo firmat testium copia, dicens, Cuius nos omnes sumus testes. Nam in 10. refert se vnà cum Apostolis cæteris à resurrectione comedis cum Domino.

Dextera igitur Dei exaltatus, & promissione Spiritus sancti accepta à patre effudit hoc, quod nunc vos videtis & auditis.

De regno Christi.

A resurrectione transit ad ascensionem & regnum Christi sempiternum. Nam hisce iterum ostendit Iesum esse Christum, iisdemq; eluit scandalum crucis. Dicens autem, Dextera igitur Dei exaltatus, ad superius respexit testimonium Psalmi, Quoniam à dextris est mihi ne commouear. Et Dextera absolute posita est, vt siue ad dexteram siue per dexteram intelligamus exaltatum. Si per dexteram intellexerimus, iam dextera virtus & robur Dei est. Sin ad dexteram, iam Dextera sedes est beatitudinis. Sic enim scribit Aurelius Augustinus de Agone Christi. cap. 25. Dextera patris est beatitudo perpetua, quæ sanctis datur. Sicut Sinistra eius reuersissime dicitur perpetua miseria, quæ impijs datur. Vt iam non in ipso Deo, sed in creaturis hoc modo quo diximus intelligatur dextera & sinistra. Quia corpus Christi, hoc est Ecclesia, in ipsa dextera, hoc est in ipsa beatitudine futurum est, sicut dicit Apostolus, Et simul nos sedere fecit in cœlestibus. Hæc Augustinus Nemo autè offendatur quod audit Christum à patre accepisse promissum. Accipit enim vt homo secundum dispensationem. Deinde verò Spiritum sanctum mittit sicut Deus & homo. Procedit ergo spiritus à patre & filio. Et effusum donum Sancti spiritus palàm testatur Iesum esse verum Dominum. Pulchrum autem est illud quod in orationis fine ad Spiritum sancti missionem redit, à qua orationem cœperat. Priusquam tamen clauderet, hoc addendum erat.

Dextera Dei.

Non enim Dauid ascendit in cœlos, sed dicit ipse: Dixit Dominus Domino meo, sede ad dextris mihi, donec ponam inimicos tuos scabellum pedum tuorum.

Non absolute dicit Prophetam Dauid cœlis exclusum prorsus esse damnatum, sed ne quis locum Psal. 25. vel nō satis firmum crederet, vel de Dauide dictum intelligeret, præuenit, & ostendit locum Dauidi non proprie competere. Id autem facit subiecto dilucidior loco ex Psal. 109. quem & ipse Christus citauit apud Matthæum in 22. In eo Dominus primo loco pater est, secundo filius, quem Dauid vocat Dominum suum propter assumptam ex lumbis suis carnē. Pater ergo Deus, Domino Iesu Christo nato ex semine Dauid, dicit, Sede à dextris meis. Non igitur de Dauide hæc quoq; Psal. 15. sed de Domino Iesu Christo intelligenda sunt, qui antequam sedem patris sui Dauid in æternū regnabit super domum Iuda.

Certo sciat ergo tota domus Israel, quod Dominum & Christum fecerit Deus, hunc Iesum, quem vos crucifixistis.

Tandem vela colligit & infert rei Christianæ summam, Christum Iesum crucifixum verum esse Dominum & mundi redemptorem, quod & ipse Deus fecerit, hoc est, declarauerit, quod Christus sit Dominus & saluator.

Hinc verò conijce Christiane Lector, quales fuerint sanctorum Apostolorum prædicationes, nō utiq; de reliquijs & cultu sanctorum, de referuatis & satisfactionibus, de votis, de monachatu, de primatu Petri, idolis ac misis: sed de peccato, iustitia, & vita per Christum restituta, in quo omnis salus sit & plenitudo. Protinus autem sequetur & institutio de virgē innocentia.

His autem auditis, compuncti sunt corde, & dixerunt ad Petrum ac reliquos Apostolos: Quid faciemus viri fratres?

Verbum

Verbum Domini penetrantius est quouis ancipiti gladio, Das gieng jnen durch jr hert. Nam scelerum & proditiōis sibi consilij, maximū eos pudebat flagitij. Verum salutare ad veritatem compungit: exitiale verò indurescere. Vera pœnitētia nascitur ex cognita veritate per Spiritū sanctum, qui & spem inijcit pectoribus, & omnem desperationem excludit. Hinc hoc loco interrogant, Quid faciemus? Cain contrā aiebat, Peccatum meum maius est, quàm quòd veniam consequatur.

Peccantia,

Petrus ait ad illos: Delictorum pœnitentiam agite, & baptizetur unusquisque vestrum in nomine Iesu Christi, in remissionem peccatorum, & accipietis donū Spiritus sancti. Vobis enim facta est repromissio, & filiis vestris, & omnibus qui longè sunt quoscunque aduocauerit Dominus Deus noster.

Consilium ex scripturis capiunt, & fructum prædicati cognitiq; Christi indicant. Non autem iubent pecunias extorqueant, indulgentias redimant, Romam & Compoliestam petant, cucullam induant, cereos offerant, aras extruant, idola consecrent, hostias cedant, vota & supplicationes suscipiant: sed vno verbo rem amplissimam suadentes, dicunt: Resipiscite, hoc est, mentem & mores immutate odite scelera: iustitiam diligite: credite filio Dei: deserite studia viarum vestrarum, ac benefacere discite. Augusta enim poscit Deus, nos stulta quædam perpetuò obtrudimus. De qua re multis apud Ieremiam Dominus in 7. 11. 15. Isaias quoq; in 1. Quò mihi (inquit) multitudo victimarum vestrarum? Quin potius iudicatis pupillo & viduè, &c. Ninive reuera resipiscebat & salua permāsit. Ierusalē sub Zedechia varijs incumbens ceremonijs, reuera non resipuit: ergo funditus perijt. Vobis Gott hülffe Fein züglen noch verfleiben/man müß rächet from syn. Baptismo autem recipimur in Ecclesiā Dei, & Christo dedicamur. Præcepit ergo illis vt baptizarentur, hoc est, suavit vt in Ecclesiam Christi transeant, alias religiones deserant, imò sese Christo consecrent Seruatori, in eo enim esse peccatorum remissionem. Non enim elemento aquæ siue signo tribuitur peccatorum remissio, sed gratiæ Dei & toti mysterio Sacramenti, id est, fidei in Christum. Frequentissimū tamen est vt signis tribuatur, quod signati reuera est. Et cum de baptismo loquimur, non de pura modo aqua, sed toto Dei instituto loquimur, Vnde rectè appellatur Lauacrum regenerationis, aqua mundificans, & peccata nostra ablans. Sacramenta enim inuisibilis gratiæ visibilia signa sunt. De qua re aliàs satis disputatum est, & in 8. cap. quædam dicentur. Accipere autem donum Sancti spiritus, non ita debet intelligi quasi illi contra Spiritus sancti operam solliciti de salute & corde fuerint compuncti, sed augmentum fidei notauit, quod gradibus quibusdā increuit. Addit præterea stimulos, quibus ad iustitiam sectandā incitet, Vobis (inquit) promisit Deus Spiritum suum, & gratiam suam: nec vobis tantum, sed & filiis vestris pollicitatione sempiterna. Ne ergo indignos vos rebus tam grandibus feceritis. Sunt tamen qui hæc verba, Omnibus qui longe sunt: de gentium vocatione exposuerint. Cæterum non est verisimile quod Petrus, qui 10. demum cap. didicit, hoc Testamentum non minus ad Gentes quàm Iudæos pertinere: hæc de Gentium dixerit vocatione. Addit præterea, Quoscunque aduocauerit Dominus, ne electio Dei negaretur, & Iudaico, hoc est, carnali semini, omnis tribueretur gloria. Hæc autē de consilio habuimus Apostolico, quo didicimus quid agere conueniat peccatoribus, & quod longè aliā rationem in præscribendo pœnitentiæ modo Apostolici sequuti sint, quàm hodie soleat Pontifex Romanus ille, non Simonis Petri, sed Simonis Magi vicarius.

Baptismus,

*Non expectato
satisfactione ab
soluit.*

Alijsq; verbis plurimis testificatus est, & exhortatus est eos, dicens: Seruiemini à generatione ista praua.

Summa rerum capita & quantum satis erat pijs mentibus annotarunt historici sacri, non singula verba, sed rerum duntaxat substantiam. Porro institutioni, consilio, hortationiq; iungit admonitionem, quæ tam necessaria est, quàm semel paria tueri. Nam & Christus apud Mattheū post institutionem copiosissimam, quam per 5 6. & initiū 7. cap. tradiderat, tandem iubet suos sibi à falsis cauere prophetis. Ideo & Petrus ad exemplū præceptoris hortatur candidatos religionis Christianæ, à praua sibi caueant generatione, Vobis der bösen verfertten judyt, *enclitic* enim malignus est, versipellis, importunus ac tortuosus. Hoc verò nomine dignatur blatterones istos Iudæos, quos Paulus alibi vocat canes, inimicos crucis Christi, mendaces, malas bestias ac ventres pigros. Illos ipsos Ioannes Baptista & Christus genimina viperarum vocarunt. Prophetæ quoq; varijs dictis notarūt. Cauendum ergo prorsus consortium malum. Parum certè fermenti totam corrumpit massam. Et qui claudo cohabitāt (vt proverbio fertur) & ipse subclaudicare discit. Hic Dominus prohibuit ne sui cum impijs vllum ferirent fœdus. Quod cum Solomon negligeret, tamen si mortalium sapientissimus esset, interijt. Caueamus itaq; ne nimia cum impijs & verbi Dei hostibus familiaritate inita, velut contagio infecti, aut imbecilles aut prorsus morbidī concidamus.

Admonitio,

Qui ergo libenter acceperunt sermonem eius, baptizati sunt, & accesserunt in die illo animæ circiter ter mille.

Siquidem hilarem (vt ait Apostolus) datorem requirit Deus. Nec tamen tollitur hoc loco disciplina & correctio Christianorum. Iniustus enim lex posita est. Baptizati sunt autem quod nemo fidelium ordinationem Domini quantumuis humilem contemnunt. Quod si quæras, An verò aquæ sit emundatio? Nego. Ergo superflua, dicis. Nego. Nihil enim superfluum instituit Dominus. Voluit autem hominem Sacramento sibi etiam externo astringere. Voluit donum & beneficium inuisibile certa quadam ratione sub sensum reuocare, & per species siue signa visibilia suo modo mysterijs scilicet peculiari & fidelibus noto exhibere. Caterum non sequitur, Qui libenter obsequuti sunt verbo, baptizati sunt: ergo paruuli baptizandi non sunt. De adultis enim loquitur historicus, qui ubi baptismo tincti fuerint, & audierint Deum eiam paruulorum, hoc est, seminis sui esse Deum, mox paruulos quoque ad baptismum offerunt. De quo alibi copiosius disputatum est. Obserua autem maximum & felicissimum primæque incrementum Ecclesiæ, & quod sine fructu copioso nunquam prædicatur veritas. Ter mille hominum accedunt. Dominus enim dederat incrementum semini verbi sui, quod ministerio Apostolorum disseminarat vt saluum faceret populum suum.

Erant autem perseverantes in doctrina Apostolorum, & communicatione, & fractione panis, & precationibus.

De moribus
sanctæ Eccle-
siæ.

Apostolorum
doctrina.

Irenæus.

Iam verò collecta per verbum Dei Ecclesiæ, mores sanctæ Ecclesiæ describit. Rectè autem annotauit Erasmus, quatuor à Luca potissimum recenferi, Doctrinam, Communionem, Fractionem panis, & Precationes. Primo enim loco posuit Doctrinam, nec quamuis, sed Euangelicam. Proximo mutuam charitatem. Nam *κοινωνία* usurpatur hoc loco sicut ad Heb. 13. pro rerum diuisione & mutua beneficentia. Sequitur enim protinus, Possessiones & substantias vendebant ac diuidebant, &c. Tercio ponitur symbolum illud sacrum Christianæ conspirationis. Quarto autem loco oratio sancta. In hisce autem rebus sacratissimis ac summis perseverabant. Non enim subinde nouas cudebant leges, sed in veritate semel tradita & confessa perseverabant. Constantia enim colophonem imponit rebus cæptis, quæ sine hac prorsus vanæ sunt. Iam verò, vt de singulis singulariter & paulo copiosius disseramus, non potuit Apostolorum doctrina fuisse alia, quàm Euangelica, quam scilicet acceperant à Domino, & quam Prophetæ veteres literis commiserant sacris, & quam nos profitemur in Symbolo, quod Apostolorum vocant. Sic enim dicit Paulus ad Romanos, Paulus Apostolus segregatus in Euangelium Dei, quod ante promiserat per Prophetas suos in Scripturis sanctis, de filio suo, &c. Quin in hoc ipso Petri sermone ceu paradiigmate vidimus qualis fuerit Apostolorum doctrina, ex Scripturis videlicet petita sacris, & viuo Christi Spiritu expositis: nec aliam per integrum hunc librum audiemus. Ipsi quoque veteres Irenæus & Tertullianus scriptoribus Ecclesiasticorum longè vetustissimi non plura capita Christianæ religionis, hoc est, Apostolicæ doctrinæ constituunt, quàm nos numeremus in Symbolo Apostolico. Atque huius quidem rei ex vtroque clarissima proferam testimonia. Irenæus ergo aduersus hæreses lib. 1. cap. 2. & 3. Ecclesiæ (inquit) per vniuersum orbem vsque ad fines terræ seminata, & ab Apostolis & à discipulis eorum accepit eam fidem, quæ est in vnum Deum patrem omnipotentem, qui fecit cælum & terram, mare & omnia quæ in eis sunt. Et in vnum Iesum Christum filium Dei, incarnatum pro nostra salute. Et in Spiritum sanctum, qui per Prophetas prædicauit dispositiones Dei, & aduentum, & eam quæ est ex Virgine generationem, & passionem, & resurrectionem à mortuis, & in carne in cælos ascensionem dilecti Iesu Christi Domini nostri, & de cælis in gloria Patris aduentum eius, ad recapitulanda vniuersa, & resuscitandam omnem carnem humani generis: vt Christo Iesu Domino nostro, & Deo, & saluatori, & regi, secundum placitum Patris inuisibilis, omne genu curuetur, cælestium, terrestrium, & infernorum, & omnis lingua confiteatur ei, & iudicium iustum in omnibus faciat. Spiritualia quidem nequitie & angelos transgressores arque apostatas factos & impios & iniustos, & iniquos & blasphemos homines, in æternum ignem mittat. Iustis autem & æquis & præcepta eius seruantibus, & in dilectione eius perseverantibus, quibusdam quidem ab initio, quibusdam autem ex poenitentia vitam donans, incorruptelam loco muneris conferat, & claritatem æternam circundet. Hanc prædicationem cum acceperit & hanc fidem, quemadmodum prædiximus, Ecclesiæ, & quidem in vniuersum mundum disseminata, diligenter custodit, quasi vnam domum inhabitans, & similiter credit ijs, videlicet quasi vnam animam habens & vnum cor, & consonanter hæc prædicat & docet & tradit, quasi vnum possidens os. Nam etsi in mundo loquelæ dissimiles sunt, sed tamen virtus traditionis vna & eadem est. Et neque hæc quæ in Germania sunt fundatæ Ecclesiæ aliter credunt, aut aliter tradunt, neque hæc quæ in

quæ in Hiberis sunt, neq; hæ quæ in Celtis, neq; hæ quæ in Oriente, neque hæ quæ in Ægypto, neque hæ quæ in Lybia, neque hæ quæ in medio mundi sunt constitutæ: sed sicut Sol creaturæ Dei in vniuerso mundo vnus & idem est, sic & lumen, prædicatio veritatis, vbique lucet, & illuminat omnes homines, qui volunt ad cognitionem veritatis venire. Et neque qui valde præualet in sermone, ex hijs qui præsent ecclesijs, alia quàm hæc sunt dicet, Nemo enim super magistrum est, neque infirmus in dicendo deminorauit traditionem. Cum enim vna & eadem fides sit, neque is qui multum de ea potest dicere amplius, neque is qui minus, deminorat. Hæc Sole clariora vetulus ille sanctus Dei martyr & Lugdunensis Episcopus, scripto post se reliquit. Tertullianus vero quem beatus martyr Cyprianus Carthaginensis Episcopus, magistrum vocabat, in Præscriptio. Hæret. Regula (inquit) fidei est, vt iam hinc quid credamus profiteamur, illa scilicet qua creditur vnum omnino Deum esse, nec alium præter mundi creatorem, qui vniuersa de nihilo produxerit per verbum suum primo omnium emissum: id verbum filius eius appellatum in nomine Dei, varie visum Patriarchis, in Prophetis semper auditum: postremo delatum ex Spiritu Patris Dei & virtute, in virginem MARIAM, carnem factum in vtero eius, & ex ea natum, egisse IESVM CHRISTVM, exinde prædicasse nouam legem, & nouam promissionem regni cælorum, virtutes fecisse, sedisse ad dexteram Patris, fixum cruci, tertia die resurrexisse: in cælos ereptum, sedere ad dexteram Patris, misisse vicariam vim Spiritus sancti, qui credentes agat: venturum cum claritate ad sumendos sanctos, in vitæ æternæ & promissorû cælestium fructum, & ad prophanos iudicandos igni perpetuo, facta vtriusq; partis resurrectione cum carnis restitutione. Hæc regula à CHRISTO vt probabitur instituta, nullas habet apud nos quæstiones, nisi quas hærefes inferunt, & quæ hæreticos faciunt. Hæc Tertullianus de Doctrina Apostolorum. Vbi verò vlla istorum hic mentio, quæ nobis ceu Apostolica obtrudunt hodie Pontificij?

Germania statim post Christum passum Evangelium recepit.

Tertullianus.

Hæretici.

Cōmunicatio quæ secundum locum obtinet è charitate Christiana est, & officia Christiana instituit, & opera misericordiæ habet. De quibus copiosissimè Dominus apud Matth. in. 5. 7. 25. ca. Item apud Ioan. in 13. Paulus quoq; ad Rom. 12. & 13. Item Ioannes in sua Canonica.

Cōmunicatio.

De fractione verò panis qualis apud illos fuerit, doctissimè exposuit Erasmus in Paraphrasi, dicens: Itaque qui se iunxerant numero discipulorum, perseverabant in doctrina Apostolorum, atq; in sumendo symbolo fœderis nunquam rumpendi, quam illi communionem vocabant. Id à Domino traditum erat huiusmodi. Frangebatur panis, & ex eo CUIQUE dabatur particula, atq; hoc agentes in memoriam Dominicæ passionis, agebant gratias diuinę benignitati, qui per vniū filij sanguinem ipsos expiaisset à peccatis, qui per eiusdem indebitam mortem ipsos coaptasset in hereditatem vitæ æternæ. Hæc Erasmus. Ex his autem videre est qualia Apostoli sacra mystica instituerint Ecclesiæ, non utiq; alia quàm quæ in vltima Cœna à sancto præceptore acceperant. Nam & Paulus alibi de hoc sacro, Ego (inquit) accepi à Domino quod & tradidi vobis: ergo quod à Domino acceptum aut traditum non est, à nemine posthac tradi debet. Si enim non licuit Apostolis Spiritu Dei imbutis, aliud tradere, quàm quod Dominus tradiderat, certè ne nobis quidem licebit. Maneamus ergo in primitiua huius sacri institutione, vt in eundem locum conuenientes, & beneficia Dei recolescentes cum peccatorum confessione, laude Dei & gratiarum actione quotquot credimus edamus sacrosanctum illum panem corpus Christi mysticum, bibamusque vinum sanguinis sacrosancti Sacramentum. Hoc enim instituerunt atque celebrant Apostoli, Missas Papisticas nescierunt. De qua re satis in Epistolam ad Hebræos. Nolo autem offendatis Lector Christiane, quod audis Lucam maluisse hoc sacrum Christianorum fractionem panis nominare, quàm sacrificium corporis Christi. Noluit enim errori ansam subministrare Spiritus sanctus veritatis doctor. Commemoratio enim est sacrificij semel peraeti, non ipsum sacrificium. Commemoratio item ac symbolum corporis veri, non ipsum corpus, nisi quantum attinet vnionem sacramentalem, & mysterium, siue significationem. Sic enim rectè nominamus panem corpus Domini. Quanquam ergo mysterium nostrum non augustiore nomenclatura quàm Fractio panis, dignatus sit, tamen nemo imaginabit, hunc sacrum panem nihil aliud esse quàm panem, quem & domi suæ in prophana mensa comedat. Hic enim noster mysterium habet, & à Christo Domino in priuatos & peculiare usus est institutus, nempe ad significandas res maximas, ad congregandam vniendamque Ecclesiam, & ad percellendos sensus etiam exteriores sensu cælestium donorum. Cernit enim visus in symbolis Dominum, fidei repræsentatione, cernit inquam fractionem & mortem eius, cernit effusum sanguinem in vino. Auditus autem lætatur promissionibus & verbis Cœnæ tam amicis. Neque verò & tactus & gustus in hoc sacro gaudij prorsus expertes sunt. Neque verò defunt nobis rationes certæ & præclaræ, ob quas non aliam, quàm panis & vini creaturam ad hanc rem repræsentandam delegerit Dominus. Panem enim pascimur. Vino lætificantur corda nostra. Quia ergo carne Christi

De fractione panis.

Cur maximum Christianorum sacrum vocant fractionem panis.

spiritualiter manducata pascimur, & sanguine Christi pro nobis effuso ad verum animi gaudium peruenimus: nihil erat quod huic mysterio perinde responderet pane & vino. Præterea cunstat sanguine Christi abolita esse omnia veterum sacrificia: proinde necessum erat ut hoc maximum sacrificium aggrediens prius testaretur, sanguinem suum fufum, & corpus suum oblatum, ita sufficere ad expianda omnia omnium hominum peccata, ut posthac non foret opus ullum pro peccatis in sacrificio effundere sanguinem. Hoc ergo clarissimis verbis contestans, dicit, Hoc est corpus meum, quod pro vobis traditur. Hoc poculum nouum testamentum in meo sanguine, qui pro multitudine effunditur in remissionem peccatorum: quæ deinde clarius & euidentius exponit Paulus ad Hebræos 10. Hisce iam signa siue symbola adiecit, non utique sanguinolenta, ut apud veteres Circumcisionis & Paschæ fuerant, sed amica & familiaria homini, panem & vinum, quæ sanguinem non habent, in hoc ut consummationis essent sacramenta & testimonia quòd omnis sanguis pro peccato cessarit, & in Christo iam omnis plenitudo sit. Superest & alia (ni fallor) longè amœnissima & sacratissima verissimaq; causa, cur panem ad hanc rem elegerit: hæc, Voluit Dominus totam Ecclesiæ multitudinem in vnum coadunare corpus. Ad quam rem significandam nihil potuit inueniri pane & vino quadrantius. Solebant enim apud veteres maxima quæque fœdera panis & vini confirmari symbolo. Testes in hac re adduco ipsum Apostolum Paulum in 1. ad Cor. cap. 10. Deinde Lo. Cœlium, qui lect. antiqua. lib. 15. cap. 15. Panis (inquit) prægustatus ritus Macedonico sanctissimum erat coenatium pignus. Et panis illa prægustatio ita gentis condito more, nimirum parabilis victus, frugalitatis insigne documentum erat. Iam & Erasmus in symbola Pythagoræ scribens, Panem (inquit) ne frangito, admonet non dirimendam esse amicitiam: propterea quod antiquitus amicitia pane conciliabatur. Vnde & Christus princeps noster distributo pane perpetuam inter suos amicitiam consecrabat. Proinde non conuenire frangit id per quod amici conglutinantur. Hactenus de fractione panis.

Oratio.

Iam & oratio quartum occupat locum, de qua multa & Veterum & nostrorum præclara extant opuscula. Paraphrastes, Addebant (inquit) puras preces, quibus rogabant, ut regnum Domini Iesu indies latius propagaretur, ut illius gloria per vniuersum orbem inclaresceret, ut illius voluntati ubique obtemperaretur, ut qui fidem Euangelicam semel essent professi, sacra doctrina cœlestiq; gratia quotidie proficerent ad meliora, atque ita concorditer inter ipsos viverent, pacem habentes cum fratribus, ignoscentes iniuriam, si quid esset per humanam fragilitatem admissum: pacem habentes cum Deo, qui se misericordem præbet ijs, qui se misericordes exhibent proximo, ut quotidiano numinis auxilio confirmati, subsisterent aduersus omnes satanæ incurfus, donec post longa certamina daretur æternum præmium. Hæc tum erant victimæ Christianorum. Annotauimus & nos quædam de Oratione in 15. cap. ad Roman. Hinc verò liquet quæ sit VERA, ANTIQVA ET APOSTOLICA ECCLESIA, nimirum ea quæ hisce est moribus, quibus hanc videmus præditam, in qua primas tenet doctrina veritatis, fundata in sacris literis, ex qua deinde accusantur scelera, in qua & pœnitentia & peccatorum remissio prædicatur. Nam ubi hæc non sunt, sal videlicet, ignis, & increpatio scelerum vehemens, oleum quoque & medela vulnere leniens, ibi non est vera Ecclesia. In hac est & baptisumus & fractio panis, oratio & communio, siue charitas. Vbi ergo hæc videris ne dubitaueris veram esse Christi Ecclesiam. Huic autem sententiæ subscribit Lactantius lib. Instit. 4. cap. vltimo. Pontifex Romanus suam traditionem vocat Apostolicam, & suū cœtum sanctam Ecclesiam. At quàm verum hoc sit, deprehendes si illam præsentem contuleris. Nihil autem istorum pure apud eū inuenias, quæ hic in moribus Apostolicæ Ecclesiæ recēsentur. Nam pro doctrina Apostolorum colit traditiones humanas. Pro pœnitentia & peccatorum remissione per Christum, indulgentias vendit pro auro, Baptismi verò mysterium crudeliter persequitur, dum cultores veritatis, ad quam baptisumus obstringit, proscribit. Fractionem panis abrogauit, & loco eius sacrificos & Missas orbi obtrudit. Orationes obscurauit, & venales prostituit. Sed & misericordiam & communionem turbauit. Idola enim statuas & parietes ad luxum vestiuit, monachorum greges, episcoporum ac sacerdotum turmas, telluris inutile pondus, instituit, qui prætextu religionis optima terræ deuorant, diuites quoque & pauperes hæreditate paterna, diuorum cultu, donis, anniuersarijs, testamentis ac votis, fraudant. Videant ergo quid agant, qui Ecclesiæ sanctum nomen subinde iactitant, ut à moribus veræ Ecclesiæ, mores dissimilimos habent.

Quæ vera Ecclesia.

Obortus est autem omni animæ timor, multaq; prodigia & signa per Apostolos addebantur.

Anima ponitur pro homine, cui vel impio oboritur stupor, vel propter miraculorum admirationem, vel propter constantiam piorum, felicitatem atq; successum rerum.

Omnes

Omnes autem qui credebant, erant coniuncti, & habebant omnia communia. Possessionesq; & substantias vendebant, ac diuidebant illa omnibus, prout cuiq; opus erat.

Græcè legitur *ἅπαντες τὸ αὐτὸ*, quod ad verbum sonat, erant in vel ad vnum, magisque pertinet ad animorum coniunctionem quàm localem & corpoream. Mox enim sequetur Apostolos per singulas domos fregisse panem. Non ergo semper vno in loco coaliti vivebant, sed certis tantùm horis in cœtum conueniebant, hoc dissoluto quiq; ad se redibat. Itaq; coniunctio illa animorum erat, ex qua nascebatur beneficentia & rerum communicatio siue diuisio. Sequitur enim, Et habebant omnia communia: nimirum iuxta tritum prouerbum, Amicorum omnia communia. Sunt qui hæc ad cōmunionem Platonice trahunt, qua & proprietatem (vt vocant) negant, nec quenquā saluari posse credunt, qui propria possideat. Cum tamen id falsissimum esse hic ipse qui mox sequitur locus manifestissimè conuincat. Sic autem sequitur: Possessionesq; & substantias vendebant, ac diuidebant illa omnibus prout cuiq; opus erat. Ex quibus verbis plane liquet, quod communio ista nihil aliud fuerit quàm voluntaria communicatio siue diuisio. Nam vendebant ait: ergo propria erant quæ vendebant. Quis enim probus aliena vendiderit? Diuidebant præterea, ergo rerum Domini erant, neq; ita communes erant opes, & quisq; quod liberet raperet. Nam unicuique prout opes erat diuidebat venditor, aut cui id credidisset. His autem notis nihil potest dici clarius. Proinde non traditur hoc exemplo confusio rerum & Reipub. vel legum de emptione & venditione, de locatione & mutuo neglectus, sed charitas & misericordia docetur, nempe vt amicos nobis paremus de iniqua mammona, ne pecunias vel luxu concoquamus, vel stulti philosophi Cratetis more abijciamus, sed in pauperes dispensemus, vt in cœlis copiosum thesaurum inueniamus. De hac re pluribus in cap. 4. Alij dixerūt, hoc loco non statui nobis legem, sed magnum recenseri perfectionis exemplum, quod qui imitetur, idem cum his sanctissimis Dei viris accepturus sit præmium: qui non inuitetur (in enim neminè fraudet, & auarus non sit, sed beneficus in omnes) nihil peccare penitus.

Κτήματα, hoc est, possessiones, propriè vocauit fundus, prata, agros, iugera, & vineta, & cetera vnde mater, *ἡσὶν vnde γὰρ.* *ἄργ. & χρ.* verò, hoc est, substantiam, aurum & argentum, *gold, gält* vnde Heinot. Nam hæc diuisione comprehensa est omnis hominum facultas.

Et quotidie perdurantes vnanimiter in templo,

Iterum commendatur nobis constantia & concordia, quæ duo nobis, si florere volumus, in primis sunt necessaria. Perseuerantia videlicet in bono, & vnanimitas inter nos ipsos, & in rebus agendis omnibus. Concordia enim parua res crescunt, discordia maximæ dilabuntur. At constantia rerum agendarum neruus est & anima. Porro in templo agebant, ne quis conspirationem putaret, & vt potestati discerent clancularias conuentiones vitandas, ac cœtus publicos esse laudabiles.

Concordia & constantia.

& frangentes per singulas domos panem, inuicem sumebant cibum cum exultatione & simplicitate cordis laudantes Deum.

Hic fractio panis non accipitur pro sacro symbolo vt supra, sed pro hospitalitate & liberalitate in esurientes præstita. Sic enim legimus apud Isaiam in capite 58. Frange esurienti panem tuum. Hoc ipsum poscunt circumstantiæ. Sequitur enim *καὶ ἅπαντες ἐκ τῶν οἰκῶν*, id est, sumebant cibum: siue sumebant inuicem cibum. Quod nolim de opiparis instructisque intelligas conuiuijs, quasi illi se mutuis refocillarent cupidjs, sed quod tenuiores ditiorum alébantur liberalitate. Nam *καὶ ἅπαντες* est ab alio sumere, vel participem esse. Atque id quidem illi faciebant non coactè aut versuto animo, quod hic plerunque fieri solet, sed libere & cum exultatione in vera cordis simplicitate, sic enim præcepit Apostolus: Qui impertit in simplicitate, & qui miseretur in hilaritate, Romanos 12. & 2. Corinth. 9. Laudabant vtrinque Deum, ac gratias agebant pro donis eius ac beneficijs. Atque hæc erat vere sancta Dei Ecclesia. Videtur autem hic locus, de fractione panis in ædibus priuatis veteribus Romanis Episcopis ansam dedisse quod hospitibus, episcopis & presbyteris Eucharistiam solenniter transfuserunt: id quod de ipsis Irenæus apud Eusebium testatur libro Ecclesiasticæ historiæ 5. capite 24. Item quod in eadem Roma auctore Hieronymo in Apologia pro Lib. Aduers. Iovinian. Eucharistiam quisque domi suæ sumere potuit. Vnde nimirum apud nos inoleuit, vt infirmis deferatur in ædes panis Eucharistiæ. Verum audiuimus de hac fractione panis Lucam in præsentiarum nullam mentionem facere. Carent igitur exemplo, qui necessitatem in hac re inducunt. Certè ipse Dominus publicam & festiuam instituit gratiarum actionem in cœtu solenniter celebrandam. Quod ipsum & ex Pauli verbis colligi potest, quibus conuiuium publicumq; Corinthiorum epulas inculcans, dicit, Quam conuenitis in eundem locum, iam nō licet Dominicam cœnam edere, eò quod

Eucharistiæ priuatim in ædibus celebrata.

vnusquisque pergit priuatam cœnam instituere: & hic quidem esurit, ille verò ebrius est. Nnm sanè domos non habetis ad edendum & bibendum? &c. Ecce Paulus cœnam nostram celebrare iubet in loco aliquo celebri & in cœtu sacro. Deinde hanc separat ab epulis & cœnis prophanis. Nam has in ædibus priuatis exhibere iubet: at cœnam sacrâ in cœtu publico celebrare poscit, idq; remotis omnibus alijs mensis, certè vt cum suma fide ad cœleste accumbamus conuiuium. Sed hæc obiter.

Et habentes gratiam apud omnem plebem.

Synecdoche est. Nam non poterant nisi optimis placere. Nam malis nemo bonus citra iustæ laudis periculum placere potest. Quod malis nihil nisi malum probetur.

Dominus autem addebat, qui salui fierent, quotidie congregationi.

Nam sine augmento diuino perit omne semen verbi Domini in cordibus humanis. Neq; quicquam ad Christum peruenerit, nisi cœlestis pater traxerit.

C A P V T III.

SImul autem Petrus & Ioannes ascendebant in templum ad horam precationis nonam. Et quidam vir, qui erat claudus ex vtero matris suæ, baiulabatur, quem ponebant quotidie ad portam templi, quæ dicitur speciosa, vt peteret eleemosynam ab introeuntibus in templum. Is quum vidisset Petrum & Ioannem ingressuros in templum, rogabat vt eleemosynam acciperet.

I V S Capitis initio describitur occasio alterius istius nobilissimæ per Apostolos orationis, qua habita multorum mentes ad fidem Christi conuersæ sunt. Hæc autem est rei gestæ occasio. Petrus & Ioannes vnà in templum ascendunt, humiles & tenues, nullis equis vecti aut satellitio stipati, vt nunc solent qui titulū mentiuntur Apostolicum. Ascendunt autem ad horam diæ nonam, quæ nobis est (iuxta superiorem rationem) tertia postmeridiana. Videntur enim sabbatorum dies apud illos more nostro in horas fuisse diuisi, ad quas deinde sacros celebrarint conuentus, in quibus & orauerint & legem Dei audierint. Ascendunt ergo ad templum vt frequenti populo Christum prædicent. Hic verò suppetat Deus maximam agendi occasionem. Nam claudus quidam pro foribus templi sedens, & miraculo & concipi occasione dedit. Porro Epitafis, qua miseriam hominis multis modis videmus intentam, commendat nobis diuinam virtutem, quæ rebus fessis desperatisq; subuenit. Putauerim autem speciosam templi portam ab ornatu & ædificio dictam esse, qualis & nobis fuere artificiosis arcubus excisæ, mit schönen portal. Horodes enim non æstimandis sumptibus incredibiq; magnificentia templum spacio octo annorum erexit, additis porticibus vario opere visendis, sed & portis templi magnitudine & artificibus adeò præstantibus, vt hæc sit vulgo speciosa appellata. Claudus ergo diuina agente prouidentia, eleemosynam à Petro (pro more suo) postulat.

Defixis autem in eum oculis, Petrus cum Ioanne dixit: Aspice in nos. At ille intendebat in eos, sperans se aliquid accepturum ab eis. Petrus autem dixit: Argentum & aurum non est mihi: quod autem habeo, hoc tibi do. In nomine Iesu Christi Nazareni surge, & ambula. Et apprehensa manu eius dextra, erexit eum.

Petrus non oblitus verbi Domini, quicquid istis feceritis mihi fecistis, ideoq; se à Deo rogari, imò potius commoneri sentiens, in miserum oculos defigit, sentiens instare tempus quo gloria filij propagaretur. Ne ergo quid præstigij admissum videretur, dicit, Intuere nos. Id quum faceret miser aliquid se accepturum sperans, Petrus subdit, Quod tu poscis, id in mea potestate non est. Neque enim aurum, neq; argentum (weder gold noch gält) possideo. Non enim voluit me Dominus dispensatorem esse terreni thesauri, sed cœlestis. Quod ergo habeo, id est, id quod mihi commissum est, tecum participo, ac iubeo te surgere, non meo, sed Christi Iesu nomine & virtute, cuius ego negotium ago. Vnde nos discimus Apostolicam vitam longè lateq; dissidere ab eius qui se Petri mentitur vicarium. Non enim aurum argentumue possidet Petrus, nedum regna. Hic verò ad miraculum vtiq; optimis terræ perfruitur. Neq; verò mendicitas hic probatur, sed hoc potius traditur, quod pius animus thesaurum in hac terra non corradi: id quod & Christus docuit Matth. 6. Quin potius ille nihil se possidere credit, licet possideat multa: id quod in Paulo videre est 1. Corinth. 7. Philippen. 4. Deinde

Deinde ex hoc loco discimus Iesum esse Dei filium. Nam huius nomine confertur salus, de quo copiosius paulò post.

Protinus autem consolidatæ sunt plantæ illius ac tali. Et exiliens stetit, & ambulabat, intrauitq; cum illis in templum, inambulans & saliens ac laudans Deum.

Protinus creatura creatori paret. Surget enim miser à morbo incurabili, iam non aliquantulum sed prorsus curatus. Quæcunque enim Deus facit, bene facit. Sanatus autem Deum laudat, & specimen nobis exhibet gratitudinis: ne quis Deo ingratus suæque sorte non contentus, vel non referat gratias, vel omnipotenti obmurmuret.

Et vidit eum totus populus ambulantem ac laudantem Deum. Agnoueruntq; illum, quòd ipse esset is, qui ad eleemosynam federat ad Speciosam portam templi. Et impleti sunt admiratione & stupore super eo quod contigerat illi. Quum teneret autem qui sanatus fuerat claudus, Petrum & Ioannem cucurrit totus populus ad eos in porticu, quæ appellatur Solomonis, stupefactus.

Faciunt illa ad amplificationem negotij. Quod autem interpret vertit, Quum teneret autem, &c. Significantius erat, Præualente autem (*πρωτεύοντι*) claudu aduersus Petrum. Notat enim importunas claudi laudes, quas Apostoli non ambiebant. De porticu Iosephus.

Quo viso, Petrus respondit ad populum: Viri Israelitæ, quid miramini super hoc, aut nos quid intuemini, quasi nostra virtute aut pietate effecerimus vt hic ambularet?

Duo habet hæc oratio. Primum apologeticum est. Nam principio plebis remouet errorem, quo illa miraculi gloriam hominibus tribuebat Apostolis. Docet ergo omnem gloriam esse Christi. Secundum suaforium est. Nam laxis habentis exhortatione effertur, monetq; peccatum suum aduersus Deum in proditione Christi commissum agnoscant, pœnitentiam agant, Christum suscipiant, qui sit benedictio orbis. Et hæc altera est oratio Apostolica de religione Christiana, summa cum auctoritate dicta. Iam vt de primo primum dicamus, Cum miraculo conspecto plebs (vt fit) Apostolos tantum miraretur. Nam plures videndi Lazari gratia quàm Christi olim quoq; adueniebant, amolitur omnem à se admirationem, & in vnum Christum omnium mentes conuertit. Et quia duo sunt, *Aduersus cultū diuorum.* virtus videlicet & meritum, quibus homines permoti diuis seu magnis aliis hominibus res diuinas tribuimus, vtraq; hic è medio tollit, & cum indignatione quadam dicit, **Quid miramini super hoc, aut nos quid intuemini,** *ut idia diuinitati inuertiā,* quasi propria potentia nostræ merito seu pietate effecerimus vt hic ambularet? Iam per subiectionem intelligendum. Non ira habet. Mox enim subdit, quomodo habeat res, Deus Abraham, &c. At nos hinc colligimus falli istos omni modo qui miraculorum operationem vel meritis, vel virtuti sanctorum tribuunt, aut ex miraculis olim per Deum ministerio sanctorum patratis colligunt, diuos ceu auxiliares esse inuocandos colendosq;. De qua re simile omnino exemplum habebimus in cap. huius libri 10. & 14. Quanquam non crediderim inutile fore, si Augustini quoque super hac re annotarim sententiam, is in libro de Vera religione capite 55. Non sit nobis religio (inquit) humanorum operum cultus. Meliores enim sunt ipsi artifices qui talia fabricantur, quos tamen colere non debemus. Non sit nobis religio cultus hominum mortuorum. Quia si pie vixerint, non sic habentur vt tales quæ rant honores, sed illum à nobis coli volūt quo illuminante lætantur meriti sui nos esse conseruos. Honorandi ergo sunt propter imitationem, non adorandi propter religionem. Si autem male vixerint, vbicunq; sint non sunt colendi. Et paulò post. Honoramus angelos charitate, non seruitutē, nec eis templa construimus. Nolūt enim se sic honorari à nobis. Quia nos ipsos cum boni sumus, templa summi Dei esse nouerunt. Rectè itaq; scribitur hominem ab angelo prohibitum ne se adoraret, sed vnum Deum sub quo ei esset & ille conseruus. Paria penè lib. aduersus Faust. 20. cap. 21. & de Ciuit. Dei, lib. 22. cap. 10. & in 8. cap. vlt.

*Simulachra
intelligit.*

Deus Abraham, & Isaac, & Iacob, Deus patrum nostrorum glorificauit filium suum Iesum, quem vos tradidistis, ac negastis in conspectu Pilati, quum ille iudicasset eise absoluendum. Vos autem sanctum & iustum negastis, & postulastis, vt virum homicidam donaret vobis, authorem verò vitæ interfecistis, quem Deus suscitauit à mortuis: cuius nos testes sumus,

& per fiduciam nominis eius, hunc quem videtis & nostis, consolidauit nomen ipsius, & fides quæ per eum est, dedit ei integritatem istam in conspectu omnium vestrum.

Iam indicat à quo authore miraculum sit profectum, & in quem finem patratum. Non (inquit) prædicamus vobis nouum Deum, sed Deum patrum nostrorum. Prædicamus autem quod hic miserit filium suum quem patribus promisit: quod autem filius Dei sit, præsentis miraculo comprobauit. Vos enim ignominia affecistis sanctum & innoxium, ergo per Deum hunc glorificari oportuit. Id quod hoc miraculo fecit. Interim verò antithesi quadam obiter amplificat peccatum eorū, & adeo clarè vt nihil possit dici clarius. Dein iterum redit, & ex effectu fidei in Iesum Christum declarat virtutem Christi: quasi dicat, Credidimus nomini filij Dei, id inuocauimus super misero, credidit & imple, itaque reualuit. Proinde Christus filius Dei est, cuius virtute hic miser sanitati restitutus est. Vnde iam liquido claret cuius sit sanitatis beneficium, non vtique hominis per quem agit Deus, sed ipsius Dei qui agit. Vnde iam denuo liquet, quis inuocandus sit, salutandusque; pro valetudine prospera vel conseruanda, vel reparanda. Pertinent ergo miracula omnia ad gloriam Dei propagandam. Hodie contra religionis sanæ sensum peruertuntur à multis, dum ad cultum diuorum & idololatriam confirmandam prædicantur, sed eo modo nihil conducunt ad gloriam Dei promouendam, at marsupium avaris sacrificiis probè faciunt.

Scopus miraculorum.

Et nunc fratres scio, quod per ignorantiam fecistis, sicut & principes vestri. Deus autem quæ prænuntiauerat per os omnium Prophetarum suorum, Christum passurum, impleuit sic. Pœniteat vos igitur, & conuertimini, vt deleantur peccata vestra.

Remissio peccatorum.

Quod Petrus audierat aliquando, Tu conuersus confirma fratres tuos: id sanè hoc loco diligenter præstat. Nunc enim occasione accepta eo quod dixerat istos Christum negasse & prodidisse, ad pœnitentiam & suscipiendum Christum animat. Neque verò peccatum istorum quod iam iam seneriter obiurgarat, nunc quidem dissimulat, sed benignitate ad pœnitentiam inuitat. Nam concedentis vox est. Scio quod per ignorantiam fecistis: quasi dicat, Scio inquam quid ad hæc respondeatis, nimirum nesciuisse vos Iesum fuisse eum qui erat, Christum. Ago verò ita habeat res dum modo sic impleuerit ea Dominus, quæ prædixerat per Prophetas, filium nempe totius orbis fore victimam. Iam verò cessit quidem mors Christi in bonum toti orbi, sed vos peccastis innoxium tradentes. Cæterum spes est condonationis ac salutis, modo respiscatis. Iam infert, Pœniteat igitur vos & conuertimini, vt deleantur peccata vestra. O ergo immensam Dei bonitatem, quæ ne illis quidem negat gratiam qui filium sibi occiderunt. Quis posthac desperauerit? Hinc ergo prædicanda est populis pœnitentia, conuersio & peccatorum remissio: de qua & Ezech. cap. 18.

Vt quum venerint tempora refrigerationis à conspectu Domini, & miserit eum qui ante prædicatus est vobis, Iesum Christum, quem oportet quidem cœlum accipere usque ad tempora restitutionis omnium, quæ loquutus est Deus per os omnium sanctorum suorum à seculo Prophetarum.

Duo hic sunt animaduertenda. Primum, Mancam esse orationem, quæ sic possit sarciri, Vt seruetur quum venerit tempus refrigerij. Secundum, Tempus refrigerij per Synecdocham dici de extremo iudicio, quod salutiferum erit pijs duntaxat. Dicit autem, Nunc quidem prædicatur aduentus eius humilis & gratiosus: tunc verò aderit ultor & iudex. Curate ergo ne vobis appareat ultor. Sic enim à iudicij terrore hortatur ad pœnitentiam: id quod & Prophetæ solent dum expositis, imò ob oculos positos pœnis impios ab impietate reuocant. Rursus ne quis iudicij diem propediem affuturam crederet præoccupat, ac dicit: Priusquam veniat ea dies, oportet Christum in cœlos assumptum cœlitus regnare, hostes suos conficere, & omnia quæ de regno Christi in Gentibus & alijs rebus futuris usque ad iudicium prædicta sunt, fieri. Paria legere est apud Paulum in 2. ad Thess. capite secundo.

Moses quidem ad patres dixit: Prophetam suscitabit vobis Dominus Deus vester de fratribus vestris, mei similem: Audietis eum iuxta omnia quæcunque loquutus fuerit vobis. Futurum est autem, vt omnis anima quæ non audierit Prophetam illum, exterminetur è populo.

Diuino

Diuino munit testimonio quod proposuerat, probans Iesum esse Christum, quem qui non audierint, perdendi sint. Maxima autem erat apud Iudaeos Moſis authoritas, quod vel ex 5. Ioan. cap. liquet ergo vnico eius contentus testimonio, tandem ſummatim ceteros allegat. Hoc autem ſummiſit ex Deut. 18. cap. Annotandum verò quòd Chriſtus propheta dicitur propter officium. Natura enim eſt filius Dei, ſecundum carnem natus ex fratribus ſuis, hoc eſt, ſemine Abraham & Iſac. 2. Idem ipſe meditatione ſimilis factus eſt Moſi. Filium ergo proponit nobis pater in Teſtamento nouo, & ait: Hic eſt filius meus dilectus, in quo placata eſt anima mea, ipſum audite. Et Baptiſta, Qui incredulus eſt filio, non videbit vitam, ſed ira Dei manet ſuper eum, Ioan. 3. 8. 1. Ioan. 5.

Quin & omnes prophete à Samuele, ac deinceps quotquot loquuti ſunt, etiam annuntiauerunt dies iſtos.

Paucis verbis dicit, Omnes Prophetas Moſen (qui, vt Homerus poetarum omnium oceanus, ſic ipſe omnium Prophetarum fons eſt) ſequi, & ſimilia de Chriſto ſcribere. Nam Dauid in Pſalmis pluriſima, Iſaias in poſtremis ſui operis capitibus, Ieremias in 23. 31. Dan. in 9. Ezechiel quoq; in locis pluribus de hoc Chriſti negotio ſcripſerunt. In primis autem Haggeus & Zacharias.

Vos eſtis filij prophetarum ac teſtamenti, quod teſtatus eſt Deus erga patres noſtros, dicens ad Abraham: Et in ſemine tuo benedictionem conſequentur omnes familiae terrae.

A dignitate & vocatione Dei hortatur. Quasi dicat, Si iure gloriamini vos eſſe Prophetarum filios, age verbis Prophetarum credite. Si teſtamentum vobiſcum pepigit Deus, pactis oro ſtate. Hæc eſt autem teſtamenti ſumma: In ſemine tuo, id eſt, Chriſto (interprete ad Galatas Paulo) ſaluabuntur omnes Gentes. Ergo ſi in Chriſtum credideritis, filij teſtamenti, hæredesq; cœleſtium bonorum eritis. Porro hinc liquet vnicum modò eſſe Teſtamentum, vnã vtriuſq; populi ſalutem & Eccleſiam. Ipſe verò omnia clariùs exponens ſubdit:

Vobis primum Deus, cum ſuſcitauit filium ſuum Ieſum, miſit eum benedicentem vobis: ita vt vnusquiſque veſtrum conuerteret ſe ab iniquitatibus ſuis.

Suſcitandi verbo reſpexit ad Moſis vaticinium, Prophetam ſuſcitabit vobis Dominus. Hoc autem dicit, Eſdem vobis præſtitit Deus, ergo veſtrum fuerit vt & vos fidem præſteris. Miſit ille filium ſuum: veſtrum eſt, vt ſaluatorem ſeſe vltro vobis offerentem ſuſcipiatis. Venit enim vt ſaluet & vt opera diaboli diſſoluat. Credite ergo & conuertimini à peccatis veſtris. Seruite ei in timore & iuſtitia, &c. Lucæ 1. Titum 2. Hæc illa altera eſt Apoſtolica prædicatione: ad quam ſi quorundam probes conciones, videbis quid commentitium, & quid in ijs ſit verum.

C A P V T IIII.

LOquentibus autem illis ad populum, ſuperuenerunt illis ſacerdotes ac magiſtratus templi, & Sadducei, moleſte ferentes, quòd docerent populum, & annuntiarent in nomine Ieſu reſurrectionem ex mortuis: & iniecerunt eis manus, poſueruntq; eos in cuſtodiam in poſterum diem: nam erat iam veſpera.

ACTENVS primordia fidei deſcripſit, quomodo Eccleſia coierit, creuerit & vixerit, item quid docuerint Apoſtoli, quos Eccleſiae ritus tradiderint, & quæ ſit veritatis potentia: nunc verò deſcribetur quomodo mundus ad veritatem ſit animatus, nimirum vt Chriſtus prædixerat Ioan. 15. & 16. Veritas enim, vel iuxta Comici ſententiam, odium parat, Obſequium amicos. Deſcribitur ergo hic prima Eccleſiae ex veritatis prædicatione oborta perſequentio. Beati verò qui perſequentionem patiuntur propter iuſtitiam, horum enim eſt regnum cœlorum. Illi autem perſequentionem in veritatis amantes ab initio mouerunt, qui veritatis videri volunt. Hi interturbant res ſacras perrumpuntq; violentia. Quod enim nos legimus ſuperuenerunt, Græcè ſignificantiùs legitur *ἐπιβίασαν*, id eſt, ingruerunt, *ὅς* habens ſüberſallen/ Sacerdotes inquam, magiſtratus templi & Sadducei. Sacerdotes autem dixit quorū intererat pietatem fouere. Magiſtratus quoq;

Qui persequuntores.

templi, cuius in primis erat verum Domini templum tueri. Admonet enim Erasmus magistratus esse singularis numeri. Nam Græcè est ἡγεμὼν τοῦ ἱεροῦ, hoc est, Dux templi. D. Chrysostomus exponit, Dux militum templi. Beda testatur se in quadam ædificatione legisse, Prætores templi. Reuera apparet ex 4. Regum 10. cap. cuiusdam templi curam tutelamq; fuisse commissam, qui sub signis suis certam haberet militum manum, quæ & templum tueretur & turbas si quæ orirentur, disiceret. Eiusmodi verò militum grex à nobis nominatur, Sic schirmmer. At ipse imperator, Der Tempeluegtr vñ schirmmeren hauptmann. Cæterum cum tales alantur ex superstitione, minus mirandum est, si infensi etiam sint veritati. Sadducæi autem quales fuerint refert Iosephus in 18. Antiquitat. cap. 2. Habebant enim & Iudæi suos monachos, vestitu, cultu, & dogmatibus dissidetes. Prorsus enim tunc talis erat synagogæ facies, qualis hodie Ecclesiæ est, in qua proceres Ecclesiastici suos habent milites suumq; satellitium. In hac videas varias monachorum sectas inuicem hostiliter dissidentes. Videas item illis inter se mutuo admodum conuenire, vbi veritas extinguenda sit, quibus tamē per omnem vitam nunquam probe conuenit. Hic verò omnes conspirant, & auxiliares copias iungunt, atq; in veritatem mouent, timent enim suis compendijs aliquid decessurum: pro ventre itaque & vana gloria tanquam pro aris & focis decertaturi profiliunt. In primis autem malè habebat pōtifícios istos, quēd Apostoli docerent, & in templo quidem docerent. Nam sibi sic vendicarant docendi functionē Pharisæi, vt veritas humanis inuentis pontificumq; authoritate oppressa emergere non posset. Non enim alij quā coniuurati docebant. Illud autem docebant, quod ex auarorum traditione acceperant. Non secus atq; rasi nostri oleoq; delibuti solent, qui non ferrent si quis fide nondum data prædicare pergeret. Non quōd iustam damnemus vocationem, & manuum impositionem, quam scimus esse sanctam ac necessariam. sed abusum & vota impia damnamus. Apostoli verò misierant. Ideoq; non erat opus vt ab impijs mitterentur, imō impium est si quis fide impijs data mittatur ab impijs. Dolebat & illud quod resurrectionem Christi prædicarent. Illum enim damnant, illius gloriam extinctam cupiebant. At resurrectione astruebatur Christi victoria, tradebaturq; & animæ immortalitas, & corporum resurrectio, sed & vitæ nouitas & restitutio morum: quæ omnia offendeant cum homines sceleribus dætos, tum Sadducæos in primis resurrectionem prorsus abnegantes. Ergo iniiciunt illis manus, nondum cruore Christi repidas. Nihil enim habet impietas, nisi violentiam quo se tueatur. Non cognoscit verum, non discutit causas, sed insidias struit, carcerem appellat, certè vt terrore supplicij multos ab Euangelio Christi absterreat. Miro quoq; modo accelerat: nisi enim crudelibus ausis obstitisset nox, iam protinus extinxissent innoxios. Hinc autem liquet nonam apud istos horam nobis fuisse tertiam vespertinam.

Docendi functio.

Multi verò eorum qui audierant sermonem, crediderūt, & factus est numerus virorum circiter quinq; millia.

Patientia sanctorum.

Veritas Domini semper vincit. Hic enim aliquot millia accedunt, contemptis omnibus magnatum minis. Ergo nihil proficitur tyrannide, sed quo magis premitur veritas eo magis enitescit. Non enim poterant excidere sancti quoties cogitabant, Si crucifixus reuixit, & claudus reualuit, certè ne mors quidem aut cruciatus corporis perdere poterit: quid igitur timeremus? Id nobis quoque in periculis cogitandum, & ex istis discenda est constantia. Apostoli verò eam noctem in carcere exegerunt, crucem Domini portantes, & exemplum omnibus pijs præbentes, quod per multas tribulationes oporteat ingredi in regnum Dei. Nec illud mysterio caret, quod primo periculo non eximuntur, secundo demum eximuntur. Nam ex posteriore capriuitate eduxit eos Angelus. Hic nemo educit. Annotandum & hoc, ambiguum esse an numerus circiter quinque millium iam veluti de nouo accreuerit, an duo millia prioribus tribus millibus (quorum mentio facta est in 2. cap.) addita, tantum constituent numerum.

Factum est autem postero die, vt congregarentur principes eorum, & seniores, & scribæ Hierosolymis, & Annas princeps sacerdotū, & Caiaphas, & Ioannes, & Alexander, & quotquot erant de genere pontificio. Et cum statuisent eos in medio, interrogabant: Qua virtute, aut quo nomine fecistis hoc vos? Tunc Petrus repletus Spiritu sancto, dixit ad eos:

Mira antithesi opponit paucis crucifixi discipulis idiotis, miseris & coram mundo prorsus despectis hominibus, fastum & sapientiam mundi, potestatem & quicquid in orbe præclarum ac potens est. Hinc magno verborum pondere titulos nescio quid magni spirantes recenser, dicens principes, senatores, scribæ, ac docti Hierosolymorum omnes, conuenere, Annas, Caiaphas, Ioannes, Alexan-

Alexander, & quotquot erant de prosapia pontificia, vas non priesterlichem stammen was. Hos *Pompa mundi.* autem omnes viros autoritate, opibus, opinione vulgi & hypocriti graues, tenues & contempti nostri piscatores Petrus & Ioannes vincunt atque confundunt. Nam stultitia infirmitasque Dei sapientior ac fortior est sapientia mundi. Neque est sapientia, fortitudo aut consilium vllum contra Dominum. Ad fastum ac terrorem pertinet & illud quod victos in medium statuunt, ipsoque agendi habitu teritant, ac velut è tripode dicunt: An vos soli sapitis? An verò tam celebrem conuentum primorum in religione virorum contemnitis? Fastum enim, multitudinem assecularum & diuturna tempora, mores auitos, vestes denique, supercilium, ac titulos admiratur mundus. Sed Apostoli Spiritu sancto repleti, fastum, id est, huius mundi stultitiam contemnunt, constantes permanent, & spiritu Dei docti, vultu alacri & intrepido, cordate respondent.

Principes populi & seniores Israel, si nos hodie examinamur de eo, quod benefecerimus homini infirmo, qua ratione iste saluus factus sit: notum sit omnibus vobis, & toti plebi Israel, quòd per nomen Iesu Christi Nazareni, quem vos crucifixistis, quem Deus suscitauit à mortuis, per hunc iste additus coram omnibus vobis sanus.

Nihil adulatur Petrus, sed magistratum interim non fraudat honore iusto. Ex paucis quidem, que simplicibus & perspicacissimis ad obiecta respondet. Veritas enim simplex est & perspicua, meritisque bidus sermo pharisei & fucus poscit. Interrogant illi non ut discerent, sed ut imprudenter caperent in verbis, vel bene facta & diuina virtute patrata ceu magica columbarerentur. Cordate ergo nec minus prudenter respondet Petrus, & docet claudum Christi virtute esse sanatum, qui vnica orbis salus sit. Et hic orationis status est. Initio autem oblique ferit illorum conscientias, cum dicit, Examinamur de eo quòd homini benefecerimus. Quasi dicat, Magistratus non debebat terrori esse bene merentibus, sed male agentibus, adeò ut hactenus còsueuerint examinari facinorosi, nunc eo res redijt, ut innoxij, imò benefici examinemur propter beneficia: vrcumque verò id habet, quando scire cupitis cuius virtute ille sanatus sit: scitote quòd virtute Iesu Christi, illius inquam (obserua emphasim) quem vos crucifixistis. Deus enim non passus illi illud, & gloriam eius aboleri, excitauit sepulcrum, & dedit illi nomen quod est super omne nomen. Id quod nos hac ipsa re præsenti utique restitutione claudi comprobamus.

Hic est lapis ille, qui reiectus est à vobis ædificantibus, qui factus est caput anguli: nec est in alio quoquam salus. Nec enim aliud nomen est sub cœlo datum inter homines, in quo oporteat nos saluos fieri.

Rursus ne quid desiderarent, & verba velut temerarij & male sani hominis contemnerent, adhibet robur scripturæ, quo & mortem & gloriam Christi perstringit. Nam reiectio significat crucem. Reiecerunt autem ædificantes, hoc est, docentes. Siquidem antistites religionis damnarunt Christum, qui Lapis ex visione Danielis & prophetia Isaie dicitur, nimirum propter firmitatem, & quod omnes qui ei repugnant, velut molarum lapide conteruntur. Angularis verò lapis cognominatur, propterea quòd vtrunque gentem Iudeorum videlicet & gentium in vnam concludit Ecclesiam. Solent enim angulares duas compingere in ædificijs parietes. Licet ergo reiectus sit, tamen denuo exaltatus vtriusque gentis Saluator factus est: ut nunc in hoc vno salus consistat credentium. Nec enim (inquit Petrus) est in alio quoquam salus. Qua exclamauit omnia semel tolluntur, quibus hactenus salutem tribuimus, Vota monastica, Missæ, Idola, Merita, Indulgentiæ, Diuorum cultus, in quibus omnibus nulla est salus. Sequitur enim apertior sententia, NEC ENIM ALIUD NOMEN EST DATUM INTER HOMINES, IN QVO OPORTEAT NOS SALVOS FIERI. Atqui nomen in hac sententia pro virtute ponitur: ut sit sensus, Deus nullum medium obijci proposuit per quod saluentur homines quàm nomen, vim & meritum Christi. Sed o Deus bone, quàm diu delituit hæc sacrosancta doctrina. Tot enim blasphemijs & erroneis doctrinis obscurata & violata iacuit, ut Christi mysterium paucissimis cognitum fuerit. Nec prætereundum censui quod Beda in hunc locum annotauit, scribens, Si nullo alio, sed in Christo tantum mundi salus est, ergo & Patres veteris Testamenti eiusdem redemptoris incarnatione & passione saluati sunt, qua nos saluari credimus & speramus. Et si enim Sacramenta pro temporum ratione discrepent, fides tamen vna eademque concordat. Et diuus Augustinus de Præsentia Dei ad Dardanum capite decimoseptimo: Antiquis (inquit) iustis aliquid occultum erat, quòd tamen & illi eadem fide salui fierent quæ fuerat suo tempore reuelanda. Non enim audemus fideles temporis nostri præferre amicis Dei, per quos nobis ista prophetata sunt, cum Deum Abraham, & Deum Isaac, & Deum Iacob ita se Deus

esse commendat, ut hoc dicat suum nomen æternum. Et Apostolus, Habentes (inquit) eundem spiritum fidei propter quod scriptum est, Credidi propter quod loquutus sum; & nos credimus propter quod & loquimur. Nō diceret eundem, nisi & illorum idem ipse esset spiritus fidei. Sicut autem illi quando idem Sacramentum occultum erat credebant Christi incarnationem futuram, sic & nos credimus factam. Et à nobis autem & ab illis futurus expectatur ad iudicium eius aduentus. Non est enim aliud Dei mysterium, nisi Christus in quo oportet viuificari mortuos in Adam. Quia sicut in Adam omnes moriuntur, sic in Christo omnes viuificabuntur. Hæc Augustinus. Cerrè hic Petri locus multò est fecundior, quàm quisquam assequi possit. Quare hunc pio Lectori diligenter pensandum relinquo.

Videntes autem Petri in dicendo libertatem ac loānis, compertoq; quòd homines essent illiterati & idiotæ, admirabantur, & agnoscebant eos, quòd cum Iesu fuissent; hominem autem videntes stantem cum eis, qui sanatus fuerat, nihil poterant contradicere:

Libertas dicendi.

Dicendi libertas vel apud Gentes magno in precio fuit. De qua re videre est Erasmi Chiliades. Hinc autem discant episcopi & verbi Dei ministri, ne ipsi quicquam in veritate Dei prædicanda vel metu intermittant, vel fauoris studio prætereant, sed cœlestem veritatem liberè & intrepidè doceant, more tamen Apostolico absq; scurrilitate & procaci maledicentia. Illiterati mittuntur ad prædicandum (ut ait Beda) ne fides credentium, non virtute Dei, sed eloquentia atq; doctrina fieri putaretur: ut Apostolus ait, Non in sapientia verbi, ne euacuetur crux Christi. Idiotæ enim dicebantur, qui propria lingua naturaliq; scientiæ contenti, artes & literarum studia nesciebant. Siquidem Græci *ἰδιώται* proprium vocant. Plura huius generis inuenias in 1. ad Cor. cap. 1. & 2. Neq; tamen mirandum quòd hostes verbi nihil possunt contra Apostolos. Dixerat enim Dominus, Dabo vobis os & sapientiam, cui resistere non poterunt omnes qui aduersantur vobis, Luc. 21.

Iussis autem illis concilio secedere, conferebant inter sese, dicentes: Quid faciemus hominibus istis? Nam conspicuum signum æditum esse per eos, omnibus habitantibus Hierosolymis manifestum est, nec possumus inficiari.

Simile in omnem modum consilium habemus Ioannis 11. hoc est, consilium amens, temerarium, & prorsus perturbatum. Et sanè talia oportet esse omnia omnium principum consilia, quæ ex humanis oriuntur adfectibus, & contra veritatem instituuntur Euangelicam. Videbant illi quid verum, quid iustum, sed cedere volebant. Nam suis timebant compendijs. Atqui rarò benè cedunt eiusmodi consilia. Impietas enim tyrannisq; vitrea est, quæ dum ridet coruscâtq; frangitur.

Sed ne ampliùs diuulgetur in populum, minaciter interminemur eis, ne posthac loquantur in nomine hoc ulli hominum. Et accersitis illis, præceperunt, ne omnino loquerentur, neq; docerent in nomine Iesu.

Temeritas humana.

O impudentiam: proscribunt quod erroris convincere con possunt. Ostultitiam & temeritatem postremâ, quasi verò veritas & cœlitus regnâtis vis à humana possit opprimi proterua. En mihi stolidos homines, qui mortuum in sepulchro non potuerunt retinere, illi iam rediuivum & cœlitus regnantem insectari & proscribere tentant. Verùm id nostri quoque solent, qui minis, edictis, idque genus alijs officijs, veritati incommodare quidem tentant, sed parum proficiunt. Hic dicunt, *μὴ φθίγγετε αὐτόν*, id est, ne hiscatis quidem aut tantillam de Christo vocem emisieritis. Ita & nostri Bullas & Edicta sesquipedalibus verbis conscripta, & omnigenis conuitijs turgentia euomunt. Nolūt enim nomen Christi annuntiari, qui suum nomen quærunt. Et hæc quidem est mundi vœsania.

At Petrus & Ioannes respondentes, dixerūt ad eos: An iustum sit in conspectu Dei vos potius audire quàm Deum, iudicâte. Non enim possumus, quæ vidimus & audiuius, non loqui.

Sed hæc est Christiana constantia, Deo potius quàm hominibus obedire. Venustum est autem illud quod per concessionem quandam ipsos actores asciscunt iudices. Ipsi (inquiunt) iudicabitis, si modo verum fateri velitis, vos ipsos hoc vestro præcepto de silenda veritate præscripto, toto errare cœlo. Quomodo enim poterimus nos id quod verum & compertum esse nouimus tanquam falsum & dubium transire? Quis obsecro sanæ mentis hoc aut exegerit à quoquâ, aut præstiterit etiam si præstari possit? Hic autem videre est quanta sit fidei nostræ certitudo.

At illi

At illi additis minis, dimiserunt eos, nihil inuenientes, quæ ratione punirent eos propter populum: quia omnes glorificabant Deum super eo quod acciderat. Annorum enim erat amplius quadraginta homo, in quo ædum fuerat signum istud sanationis.

Impij vero quasi mare feruens, quod quiescere non potest, minas cumulant. Apostoli contra firmæ fide minas contemnunt, & in cæpta confessaque veritate pergunt. Atque hic inferit Dominus *Dominus suos conseruat.* impiorum pectoribus timorem populi, Deus enim medijs quibuldam suos seruat ad gloriam nominis sui: ubi illi visum fuerit, protinus eos ad se recipit nemine obstante. Plures enim tum erant Christiani cum Petrus caderetur, quam nunc sint: verum tunc suo defunctus erat officio. Et plebs ipsa quæ raro aliàs sapit, hic sapiebat, spiritu Dei imbuta: quocirca veritati tenaciter hærebat, permota etiam nonnihil insigni miraculo, ad cuius robur id quoque faciebat, quod annorum numerus tantus erat. Si enim natus erat annos quadraginta, & ab utero matris claudus fuerat, certe quadraginta annis claudus fuerat.

Dimissi autem venerunt ad suos, & annunciauerunt quæcunque sibi principes sacerdotum & seniores dixerant. Qui quum audissent, vnanimiter attollebant vocem ad Deum, dixeruntque:

Hactenus expositum est quid mundus aduersus veritatem molitur: rursus quanto nixu inter opprimentium turbas enitatur veritas: nunc exponetur quomodo in turbis hisce sese gesserit Ecclesia. Vnde nos quoque discemus quid in tentatione sit agendum. Confugiunt autem ad tutissimum omnium miserorum asylum, deum, hunc indefensis pullant precibus. Nihil enim tam efficax est, atque oratio Ecclesiæ vnanimis. Cæterum quod Acta apud senatum Ecclesiæ exponunt, argumento est quod & nobis licet toti Ecclesiæ ea exponere quæ commodo aut incommodo esse possint Ecclesiæ nostræ: vt interim seditionis nemo accusare possit.

Domine tu es Deus, qui fecisti cælum ac terram, mare, & omnia quæ in eis sunt, qui per os Dauid pueri tui dixisti: Quare fremuerunt gentes, & populi meditati sunt inania? Adstiterunt reges terræ, & principes conuenerunt in vnum aduersus Dominum, & aduersus Christum eius. Conuenerunt enim vere aduersus sanctum filium tuum Iesum, quem vnxeras, Herodes simul & Pontius Pilatus cum gentibus & populis Israel, ad faciendum quæcunque manus tua, & consilium tuum prius decreuerat vt fierent.

Iam ipsam quoque orationem, quam ad Deum habuit Ecclesia, format. Scopus orationis est. *Oratio Ecclesiæ.* Petit Ecclesia vt Deus virtute sua conseruet veritatem, ministros veritatis confirmet, ac Ecclesiam vniuersam protegat. Auspicatur autem à Dei omnipotentia quæ rebus conditis patefacta est, & quæ recte expensa fidem in Deum animat. Hoc autem dicit Ecclesia, Potentissimus es ô Domine Deus, & potentiam tuam rebus conditis ita declarasti, vt nulli prorsus dubium sit, quin nemo sit mortalium, qui tibi resistere possit. Adis ergo nobis ne prorsus pereamus, qui aliàs probe nouimus absque tribulatione regnum filij tui esse non posse. Primus enim ille passus est, nec aliter tamen quam Propheta Dauid prædixerat, neque vero & aliud nos vel hodie perpetimur quam quod idem ille prædixit, fore vt aduersus veritatis Euangelijque negotium optimates quique sint pugnaturi. De loco Psalm. 2. non est quod agam pluribus, expositionem subiecit Ecclesia. Et ne quis Deum impotentem esse suspicaretur propter impiorum violentiam, subiungit, quod ea omnia non impiorum artibus, & vi, sed diuino patrata sint consilio.

Et nunc Domine aspice in minas eorum: & da seruis tuis, vt cum omni fiducia loquantur sermonem tuum: manum tuam porrigendo in hoc, vt sanatio & signa, & prodigia ædantur per nomen sancti filij tui Iesu.

Hic demum absoluitur oratio: iam enim petunt. Nihil autem pro sua, sed tantum pro Dei gloria petunt. In primis autem vt verbum veritatis fruticescat. Tu (inquiunt) qui iam iam filium exaltasti, & ad dexteram tuam exaltasti, istorum quoque minas infringe: & præsta vt & veritas vincat, & serui veritatis tuæ cum dicendi libertate, tum agendi potentia spectabiles efficiantur. Neque frustra orarunt. Sequitur enim:

Et quum orassent illi, motus est locus in quo erant congregati, & repleti sunt omnes Spiritu sancto, & loquebantur sermonem Dei cum fiducia.

Dixerat enim Dominus: *Quicquid petieritis à patre in nomine meo dabit vobis.* Constantior est autem Deus, quam qui mentiri possit, vel Ieremia teste in 32. & 33. Sed & in 15. cap. huius operis audiemus oratione fidei neruum & omne Herodis robur esse fractum: terram quoque in 16. Paulo & Sylā in carcerem conclusis, fuisse commotam. Beda, Indiciū auditiæ precis (inquit) tetramotu percipiunt, quatenus agnoscerent terrena sibi corda esse cessura. Chrysost. Audi Prophetam (ait) *A facie Domini mota est terra, à facie Dei Iacob.* Et facit Deus etiam per maiorem terrorem & ad fiduciam illos inducens post magnas illas minas, & ad libertatem maiorem exercens. Huc pertinet quod mox sequitur, *Repleti sunt Spiritu sancto, id est, Spiritu sancto animati sunt adeo, ut iam loquerentur liberrime verbum Domini.*

Multitudinis autem credentium erat cor vnum, & anima vna,

Idem ferè dicit quod superius in cap. 2. dixerat. Porro de ijs dicitur quod vnum cor & animam vnam habeant quibus inter se optime conuenit. Germani pari utimur schemate quū dicimus, *Es ist ein hertz vnd ein gmüt.* Vel, *Es ist ein lyb vnd 3wo seel.* Quāuis hoc posterius paulò sit diuersius. Quod autem hæc ad hunc modum de arctissima coniunctione & charitate intelligi debeant, intelligitur ex consequentibus.

nec quisquā aliquid eorum quæ possidebant, suum esse dicebat: sed erant illis omnia communia. Et virtute magna reddebant Apostoli testimonium resurrectionis Domini Iesu, & gratia magna erat super omnes illos. Neque enim quisquam egens erat inter illos. Quotquot enim possessores agrorum, aut ædium erant, vendentes afferebant præcia eorum quæ vendita fuerant, & ponebant ad pedes Apostolorum. Distribuebatur autem singulis prout cuique opus erat.

Omnia erant communia.

Sic inquam coniuncti erant ut amici solent, quibus omnia sunt communia, opes, fortunæ, & quicquid est rerum quæ ad vitæ usum pertinent. Communio autem hæc (ut in 2. cap. monuimus) non erat talis qualem Catabaptistæ vellent, sed ius & proprietas possessionis manebat in dominio possidentis, cæterum ea quæ possidebat non ita possidebat, ut solent qui proprietatis nomine gaudent, ac velut soli terram inhabitaturi proprietatem rerum sectantur, sed veluti communes omnium opes ceu dispensatores asseruantes, liberaliter impartiebantur. Vnde fiebat ut nullus esset apud eos egens. Iam sequitur declaratio, Locupletes enim vendebant possessiones suas, & pretio iuuabant in opes. Neque vero hic quisquā (quod probe obseruabis) quantum volebat accipiebat, sed vnicuique prout opus erat distribuebatur. De qua distributione plura in 6. sequentur. Diuus Augustinus de moribus Ecclesiæ catholicæ contra Manichæos lib. 1. cap. 35. de hac eadem re docte disputans, *Quid* (inquit) *calumniāmini quod fideles & iam baptismate renouati procreare filios & agros ac domos pecuniamque vllum possidere non debeant? Permittit hoc Paulus.* Nam quod negari non potest fidelibus scripsit. Post multorum quippe vitiosorum annumerationem qui regnum Dei non possidebunt, Et hæc quidem fuistis (inquit) sed abluti estis, sed sanctificati estis, sed iustificati estis in nomine Domini Iesu Christi, & in spiritu Domini nostri. Ablutos proculdubio & sanctificatis nemo nisi fideles, & eos qui huic mundo renunciauerint intelligere audebit. Sed quoniam ostendit quibus scripserit: videamus utrum his illa permittat. Ita enim sequitur: *Omnia mihi licita sunt, sed non omnia expediunt: omnia mihi licita sunt, sed ego sub nullius redigar potestate.* Esca ventri, & venter escis. Et quæ sequuntur. Nam reliqua 6. & pleraque 7. cap. prioris ad Corinth. subiungit. Idem in libello de hæresibus ad Quiduultdeum in Apostolicorum titulo eos recenset inter hæreticos, qui illicitum aiebant, ut Christianus proprias possideret facultates. Hos enim Encratitis iungit. Ex istis omnibus autem discimus charitati studere, & communicationis non obliuisci. Hoc certe nemo ierit infitias, nullos apud nos quoque fore egenos, si externarum fortunarum fideles essemus dispensatores, & si quisque suam prouinciam strenue obiret. Quotus enim quisque nostrum esset otiosus? Pauci ergo essent egentes, qui liberalitate nostra ditissime posseni nutrirī. Nutriuimus olim impensis communibus tot monachorum Chiliades, tot denique impostorum myriades, quid quod omnia templa ad luxum, imò miraculum usque ornauimus? Ergo si cordi nobis esset pietas, minimo negotio consuli posset egenis. Verum ad idololatriam instruendam omnes eramus promotissimi, nunc

Mores nostri seculi.

vero

vero pauperum nemo miseretur. Et quod hisce inferitur Apostolos resurrectioni Domini magna virtute dedisse testimonium, virtus eo loci non modo pro miraculorum potentia, sed & pro auctoritate & libertate cum agendi, tam dicendi vsurpatur. Resurrectionem quoque hic pro toto Christi negotio posuit, ut in 1 Capite.

Ioses vero, qui cognominatus est Barnabas ab Apostolis: quod est, filius consolationis, Leuites, Cyprius genere, quum haberet agrū, vendidit eum, & attulit pretium, & posuit ad pedes Apostolorum.

Peculiare boni viri exemplum est, cui mox opponit pelsimi Ananiæ paradigma. Et animi constantia liberalitasque priori cognomen indidit latum. Nam ex ipsa re dictus est Barnabas, quasi tu dicas, Filius refocillationis, id est, vir cōsolationis. Germanus diceret, *Zin trostlicher/redlicher*: vel, *Trosthart/sicut Nyhard/Leonhart*/id est, ditissimus & prorsus Leoninus. Hebræi eiusmodi suo more filios dicunt: ut filius perditionis, pro perditissimo. Proinde non abs re credit Beda allegoriam verbis inesse, quoties scriptura sacra nomina rerum vel personarum cum interpretatione ponit. Merito enim filius inquit consolationis vocatur, qui p. æsentia contemnens spe futurorum consolatur. Nec caret mysterio, quod pecunias ad pedes abiecit Apostolorum. Id vero carmine explicans Arator dixit:

*Ponitur ante pedes, non sacris dedita dextris,
Destitit debere probant quod tangere vitant,
Calcandumq; docent quod subdunt gressibus aurum,
De quo terrene veniunt ad pectora curæ.
Consimili nectitur humo.*

Ad præsens Barnabæ exemplum plurimum facere videntur, quæ referunt hystoriæ de Paulino episcopo Nolano. Is enim dum Barbari Nolam diruerent, Domine (inquit) non excutier propter aurum & argentum. Vbi enim omnia mea sint tuis. Idem ille pro captiuis redimendis omnem censum consumpsit. Authores Ambro. Officio. lib. 3. Cap. 28. Augusti. de Civitate Dei lib. 1. Cap. 10. & Paulus Diaconus. Matth. 6.

C A P V T V.

Vir autem quidā nomine Ananias cum Saphira vxore sua vendiderat possessionem, & seposuerat de precio, conscia etiam vxore sua, & alla tam partem aliquam ad pedes Apostolorum posuit.

MO C ipsum est illud versutissimi hominis Ananiæ paradigma, superiori ex diametro oppositum. Nunquam enim tam felix & purgata fuit Ecclesia, ut in ea non esset hypocrisis & mali. Quādo & in duodenario electoq; Apostolorum choro inuentus sit proditor. Oportebat autem inter prima Ecclesiæ initia seuerum aliquod ædi facinus, ne lenitas doctrinæ Apostolicæ apud hypocritas & palam impios prorsus veniret in contemptum. Raro itaq; & horribili exemplo perit Ananias: cuius peccatum graphice primo describitur, secundo interitus. Peccatum autem reuera vnum erat, diffidentia quidem, sed auaritia & hypocrisis tectum. Volebat enim ille (nostorum more) duabus sedere sellis, & illustris haberi in Ecclesia, cuius rei gratia, partem facultatum offerebat: & tutus interim esse, si res sinistras cederent Apostolicæ: hinc enim alteram facultatum partem condidit, ut tum suppeteret vnde viueret. Typus est omnium hyperitarum & versutorum hominum, qui cum corde sint duplici, nihil sinceri agant. Oculum enim impurum habent, qui gloriam humanam & compendium periturum spectat.

Dixit autem Petrus: Anania, cur impleuit satanas cor tuum, ut mentire-
ris Spiritui sancto, & fraudares de precio agri?

Nihil enim opertum quod non reueletur. Dominus enim reuelat seruis suis hominum malitiam, ut eam accusent, & ad poenitentiam hortentur. Petrus ergo peccatū Ananiæ spiritu Dei olfaciens ipsum grauissime accusat. Et principio quidem ostendit authorem instituti sui non esse spiritum Dei bonum, sed satanam: deinde hoc ipsum hypocrisim & excogitaram referre malitiam, quod tantum scelus ex versutia (vel conscientia teste) faciens, ex spiritu Dei factum videri vellet. Hinc per interrogationem, imo admirationem indignabundam effert orationem, & ait: Cur impleuit satanas cor tuū, ut mentire-
ris Spiritū sanctū? Sic enim habet codex Græc⁹, *τίνα δὲ αἰτία τοῦ πνεύματος τοῦ ἁγίου*. Cæterū Latine Seuerum ex-
emplum. Hypocrisis ex
diabolo.

dicimus eos religionem mentiri, qui mentiendo, id est, simulando religiosi videri volunt. Mentiebatur ergo Spiritum sanctum, quod simularet se spiritu Dei bono facere, quod tamen spiritu malo incitante patrabat. Atqui Græcis frequentissimum est ut accusatiui ponantur pro datiu. Rectè igitur legimus, ut mentieritis Spiritui sancto. Quemadmodum paulò post exactissime expositum legimus. Non mentitus es hominibus, sed Deo. Sed quod nam illud mendacium? quæ illa impostura est? Fraudare de pretio agri. Simulare inquam quod omnem substantiam insumperis in egenorum alimoniam, cum interim partem optimam ex diffidentia tibi ipsi referuaris. Vbi clarissime vides diffidentiam iunctam esse auaritiam vnà cum hypocrisi: à quibus malis si quis sibi cauerit magnam animi serenitatem libertatemque acquirit.

Nōne prorsus tibi manebat, & venundatus in tua erat potestate? Quare posuisti in corde tuo rem istam? Non es mentitus hominibus sed Deo.

Verba Græca Hebræam referunt anadiplosin ac epitasin *ὁ Χρὶς τίποτ' αὐτῷ ἔπειρε*, id est, Nōne manens tibi manebat, hoc est, verè ac prorsus tibi, nemine reclamante, manebat? Amplificat enim peccatum miseri, idque gradibus duobus. Primo, Nemo cogebat vendere. Secundo, Et si vendideras, nemo cogebat te pretium adferre. Nam seruare totum licebat. Ex quibus verbis duo colligimus. Prius vnum atque idem peccatum gradibus crescere & seipso subinde grauius fieri. Posterius, communionem primitiæ Ecclesiæ, neque coactam fuisse, ut ille qui non omnia vendidisset & pauperibus dedisset Christianus non esset, neque talem qualè hodie somniant Anabaptistæ Manicheorum soboles. Iam per acerbam obiurgationem subiungit, **Quare posuisti in corde tuo rem istam? Quod locutionis genus Germani ita efferimus, wie hast du das nun dō:ffen in dem hertzen nemmen?** Quoties monemus rem vel turpiorem, vel sceleratiorem esse, quam quæ in hominis debeat incidere pectus. Iam vero addit pondus, Non es mentitus hominibus, sed Deo. Deus enim cordium scrutator est. Hominibus quidem citra negotium imponimus: at Deum ipsum nemo decipere potest. Arduum est autem illud quod audimus eos qui seruis Dei in negotio fidei ac religionis mentiuntur, non hominibus, sed ipsi Deo mentiri. Est & hoc à multis diligenter obseruatum, quod hic dicitur, Non es mentitus hominibus, sed Deo. Inde sic colligunt, Ananias spiritui mentitus est, & Deo mentitus est: ergo Spiritus sanctus est Deus.

Aduersus Macedonum.

Audiens autē Ananias hæc verba, collapsus expirauit. Et ortus est timor magnus super omnes qui audierunt hæc. Surgentes autem iuuenes amouerunt eum, elatumque sepelierunt.

Hypocrisis puniuntur.

Deus iustus vindex animaduertit in scelera impiorum. Corruit ergo Ananias, neque verbis, neque execratione Petri fusus, sed propria malitia, per iram Dei, prostratus. Nihil enim Petrus illi imprecatus erat incommodi, sed peccatum eis duntaxat protraxerat ac accusarat. Cæterum huic protenus aderat iusta Dei vindicta, proinde concidebat rea conscientia. Neque verò hic quicquam agebatur de iactura pretij, sed de hypocrisi, auaritia, ac diffidentia. Voluit enim hoc exemplo declarare Dominus quantopere ipsi displiceat hypocrisis quorundam hominum, qui specie & facie Christiani sunt, at ipsa re impostores, ac diuinarum rerum contemptores. Hinc vero omnia tam graphice sunt depicta ut rem quis agi magis quam exponi putare possit.

Intercessit autem ferme horarum trium interuallum, vxor quoque ipsius nesciens quod factum fuerat, introiuit. Respondit autem ei Petrus: Dic mihi, num tanti agrum vendidistis? At illa dixit: Etiam, tanti. Petrus autem ait ad eam: Cur conspirastis inter vos, ut tentaretis spiritum Domini? Ecce pedes eorum, qui sepelierunt virum tuum, ad ostium adsunt, & efferent te. Confestim autem concidit ad pedes eius, & expirauit. Ingressi autem iuuenes, repperunt illam mortuam, & extulerunt ac sepelierunt iuxta virum suum.

Interitus impiorum.

Simili exemplo extincta est & Ananiæ vxor Saphira. Non enim abs re putauit vetustas periosam esse malorum amicitiam. Reperit Deus aliquando nocentes, nec cuiquam parcat impio. Ac ipsa impietas & hypocrisis supra modum impudens est, nec minus audax. Cordate enim respondet Saphira & sine fronte mentitur, usque adeo, ut vel cordato imponere possit. Sed nō mouetur prudens simplicitas impiorum ac hypocritarum grandiloquentia: neque ipse Deus fucum, sed veritatem respicit. Igitur mendacem & impudentem Saphiram fundit. Iam vero expende an non etiam ipse Deus vinculis astringat arctissimis, quos in verbo veritatis & per obiurgationem ligauerint verbi veritatis

ritatis ministri. Hinc itaque conijce quæ sit vis & administratio clauium. De quibus commodius alibi dicitur. Colligimus item ex hoc loco à magistratura iure occidi blasphemos & maleficos homines. *Magistratus iure occidit blasphemos.* Hæc enim puniendi ratio cuius hic meminit scriptura veluti extraordinaria est: licebit ergo ordinaria in fontes animaduerrere. Et spiritus Dei non minus agit in Christiano magistratu dum solitis puniendi utitur instrumentis, quam egit in Petro utente insolitis, nempe verbis. Occidere est occidere, punire est hoc quod dicitur quodcumque fiat modo quocumque instrumento. Sed Apostoli (ais) non sunt vsi instrumentis vulgatis. Nec tu utere, si verbi tantum ut illi geris officium. Verum ut concedis benefacere qui vocati sunt ad munus medicum, quum sanant ordinarijs medijs, etsi Apostoli curarint morbos extraordinarijs nempe verbis: ita agnoscere quoque cogeris benefacere magistratus quum puniunt blasphemos, aduersantes sanæ doctrinæ, & sceleratos instrumentis suæ vocationis, nempe gladio, sicut Apostoli suis, id est, verbis. Iam ut non peccant magistratus cum suo funguntur officio, ita non peccant ministri verbi, cum illos admonent sui officij.

Et ortus est timor magnus super vniuersam congregationem, & super omnes qui audiebant hæc.

Scopus huius facinoris est, ut timeamus Dominum, & in veritate coram illo ambulemus. Nam etiam si hypocritæ superbia ad cælum vsq; (ut ait Sophar) ascenderis, & caput eius nubes attigerit, tandem tamen quasi sterquilinum peribit: & qui viderant eum, dicent, Vbi est? At qui Dominum timeverint, & in veritate permanserint in æternum, non peribunt, Job 20. Omnes (inquit Lucas) qui audiebant hoc facinus, timebant. Audiamus & nos, ergo timeamus.

Per manus autem Apostolorum ædebantur signa ac prodigia multa in populo. (Et erant vnanimiter omnes in porticu Solomonis. Cæterorum autem nemo audebat se coniungere illis, sed magnificabat eos populus; magis autem accrescebat credentium Domino multitudo virorum simul ac mulierum) ita ut in plateas exportarent infirmos, & ponerent in lectulis ac grabatis, ut venientis Petri vel vmbra obumbraret aliquem illorum. Conueniebat autem & multitudo vicinarum ciuitatum Hierosolymā, afferens agros ac vexatos à spiritibus immundis, qui sanabantur omnes.

Ordo sermonis est hoc in loco paulo perturbatio: Complanandus ergo siue subintellectis aliquot vocibus, siue interposito parætheseos signo, quod ut simplicius ita magis generatim esse videtur. Si vero propterea horreas parenthesim quod Græci eam non habeant, iam necesse est intelligas neminem efferre ad Apostolum ægrotos potuisse nisi credentes, & ideo scriptum esse, Creuit credentium multitudo, ita ut in plateas exportarent infirmos. Aliàs enim inabsoluta erit oratio. Nisi ille enim habebit hoc membrum. Ita ut, cui hæreat siue respondeat. Verum per parenthesim (ut dixi), absolue ris hæc commodissime. Nunc autem iterum describit miracula Apostolorum diuina virtute facta, cætus, concordiam, credentium incrementa, ac prophanorum hominum stuporem ac timorem. Congregabantur ad preces & verbi diuini prædicationem non in recessu aut abdito loco, sed in celeberrima Solomonici templi parte, in porticu videlicet. Non enim locus per se, credentes polliuit, *Ingressus in templum.* sed loci superstitio ac abusus Ingrediebantur illi templum, sed religioni non fidebant, nec sacrificabant. Imo legimus Romæ & Alexandriæ vetera dæmonum delubra per sanum verbi Dei, precum, & sacramentorum usum in Dei consecrata esse oratoria. Vnde iam non ipsi loco per se quidem quicquam tribuitur sanctimonix, quum dicimus sacra templa, & Ecclesiam Dei sanctam, sed propter res sacrosanctas, quas in ipsa peragit Ecclesia sacrosancti nomē indipiscitur. Quis enim impune prophanarum ædem siue palatium senatorium? At quis tam vācor, qui credat hoc quicquā præstare cæteris ædificijs? Ergo harum rerum æstimatio ex vsu & abusu, nō ab externa pendet specie. Nemo ergo miretur quod in templo conuenerunt Iudaico. Cæterum in publico isto cætu primas tenebat vnanimitas ac concordia. Cū enim omnis congregatio ecclesiastica congregatur ad audiendum verbum Dei, ad celebrandam eucharistiam, & ad offerendas puras preces Domino: hæc autem omnia citra charitatis vinculum subsistere nequeant, haud iniuria tam diligenter monetur cætum istorum prorsus fuisse vnanimem. Hæc item concordia & sanctimonix studium auctoritatem apud prophanos quoque parauit credentibus. Non enim minis aut tyrannide aut hypocriti vera paratur auctoritas, *Auctoritas quibus rebus paratur.* sed iustitia & charitate: quæ cum inter istos essent præcipua, nihil mirum quod exteri & impuri se non auderent inungere cætionem tam sanctæ. Faciebat & ad hanc rem nonnihil seuerum Ananix exemplum. Quisque enim verebatur, ne forsā simili interiret supplicio. Porro de miraculis non est

Vmbra Petri. quod pluris agam hic, quando iam satis constat, vel ex tertio huius libri capite, quod omnis virtus miraculorum Dei est, non hominis, per quem secundum dispensationem apud nos agit. Per solem administrat orbi celestis pater lumen eximium: at quis tam stolidus, ut huius rei gratia censeat solem esse colendum? Vnus enim Deus colendus est, qui omnia operatur in omnibus, cuius tanta est potentia ac gloria, ut eius vmbra efficacior ac robustior sit omni robore humano. Huc enim pertinet quod de Petri vmbra refertur. Non enim credendum est, quod vmbra hominis tam fuerit efficax, sed quod virtus Dei quæ se secundum dispensationem nobis minutis rebus ita insinuat, egregia ista effecerit. Nam & in Euangelio virtuti Dei absolute tribuitur quod simbria vestis Christi videbatur ascriptum. Palam enim dicit Dominus, Tetigit me aliquis. Nam & ego sensi virtutem ex me exisse. Alij hic de vmbra Petri disputantes mire se torquent, & aiunt illud verbum Domini hic esse completum, quod ad discipulos apud Ioannem dixit, Amen amen dico vobis, qui credit in me, opera quæ ego facio & ipse faciet, & maiora his faciet. Certe nos ex ijs & similibus prodigijs discimus Deum ut omnipotentem, sic mire benignum esse qui & possit & velit omnes & animi & corporis tui morbos curare, modo ipsi fidas, & ipsum iuoces, adores & colas. Huc enim trahunt Apostoli cum doctrina sua tum miraculis. De qua re in 3. cap. dictum est.

Exurgens autem princeps sacerdotum, & omnes qui cum illo erant, quæ est factio Sadducæorum, repleti sunt æmulatione, & iniecerunt manus in Apostolos, & posuerunt eos in custodia publica.

Recte censuit vetustas virtutem comitem habere inuidiam. Videmus enim impijssimos mortaliū Phariseos ac Sadduceos nulla neque sancta constantia neque veritate diuina permoueri, neque prodigijs territari, sed æmulatione adeo superari, ut innoxios iam in publicā ceu in publico crimine deprehenso ponant custodiam. Atque hæc iam in 3. capite audiuius esse impiorum arma. Sed ô miseram religionem, quæ non potest aliter defendi, quam pessimorum nebulonum armis, & tyrannorum iniuria atque rapina.

Sed angelus Domini per noctē aperuit ianuas carceris, eductisq; illis, dixit: Ite, & stantes loquamini in templo populo omnia verba vitæ huius. Illi vero cum hæc audissent, intrauerunt diluculo in templum ac docebant.

Propheta Prouer. 16. Cor hominis (inquit) deliberat de via sua: Dominus vero promouet gressus suos. Impij ergo constituerant vinculis & carcere prædicationem coercere Euangelicam, sed Dominus longe aliud instituerat: coruumq; deludit hiantem. Nam ut verbum Dei alligari non potest, ita ipse Deus ministros verbi sui non potest non tueri & à periculis eripere. Nemo ergo post hæc vincula ac carceres timeat. Si Deo visum sit, eripere poterit: sin minus, attamen saluabit. Impij sane percipiunt veritatē sileamus, atqui Deus, Ite (inquit) & stantes prædicate omnia verba vitæ huius. Euangelium autem est verbum vite, testimonium præbens de Iesu Christo, qui est via, veritas & vita. Iam sancti malunt præcipienti Domino obedire quam minis tyrannorum obsequi.

Adueniens autem princeps sacerdotum, & qui cum eo erant, conuocauerunt concilium & vniuersum seniorum ordinem filiorū Israel: miseruntq; ad carcerem qui adducerent eos. Cum autem venissent ministri, nec reperissent illos in carcere, reuersi nunciauerunt, dicentes: Carcerem equidem inuenimus clausum cum omni diligentia, & custodes foris stantes ante ianuas: cum aperuissemus autem, neminem intus reperimus. Ut autē audierunt hos sermones, & sacerdos, & magistratus templi, principesq; sacerdotū, ambigebant de illis, quid nam hoc futurum esset. Adueniens autem quidam, nunciauit eis: Ecce, viri quos posueratis in carcere, sunt in templo stantes, ac docentes populum.

Supra modum incunda est hæc historia, qua ceu in tabula spectandum proponitur quam vana sint hominum aduersus Deum & veritatem eius consilia, quam facete item frustretur ille maximos etiam orbis procerum conatus. Hoc futurum præuidit Propheta, & iccirco cecinit, Ut quid frenant Gentes? cur vana moliuntur populi? Concursum reges orbis, & principes in vnum coeunt aduersus Dominum & Christum eius. Rumpamus (inquiunt) vincula eorum, & lora eorum à nobis projiciamus. At qui cælos habitat Dominus ridet ad ludum eos. In ira ac furore suo conturbat eos.

Quid

*Deus frustrat
consilia impio-
rum.*

Quid autem potuit huic vaticinio quadrantius aptari, quam quod hoc in loco descriptū audimus? Principes videlicet maxima grauitate confidere, consultare, viſtosq; in medium ſtatuendos vocare: quos interim è vinculis eduxerat Dominus, itaq; principes deluſerat, qui tamen mire anguntur vt-pote perplexi (hoc enim poteſt verbum *διημιπες* ambigebant) & inopes conſilij, & hoc ipſo omnium ſtolidiſſimi quod ab incepto non deſiſtebant, qui contra veritatem nihil auſpicate ac feliciter incipiebant. Verum hic eſt omnium contra veritatem occæcatorum mos. Quo enim minus proficiunt, hoc magis ſeſe in procinctum Martis expediunt. Hic quoq; habes quod illis opponas qui captioſa quæſtione interrogant, quomodo verum corpus Chriſti ad diſcipulos clauſis peruenire potuerit ianuſ? Nā vt iam non dicam nullibi extare quod per clauſas perſerperit ianuſ hoc tamen vicifſim ab illis ſci re cupio, quomodo carcere clauſo Apoſtoli, qui ad veſperam in illum erant poſiti, nunc ad auroram potuerint in templo concionari? Quid ſi reſponderint, Angelum ianuſ aperuiſſe carceris, & eduſtos in templum ſtauiſſe, quid prohibebit quo minus id quoque Chriſto exhibitum credam, de quo ſcriptum eſt, Et angeli accedebant & miniſtrabant ei? Quid obſecro nodum quærimus in ſcirpo? An vero cuiquam ſuadebit pietas, vt contentionis gratia in dubium verrat rediuiui corporis Chriſti veritatem, qua labefactata, neceſſarium eſt & corporis noſtri labefactatam eſſe reſurrectionem? Quafi vero corpus clarificatum exuta carne & in phantaſma verſum, ita corpus ianuæ tranſeat, vt ſolent radij ſolares vitrum tranſparere. Sed redimus.

*Chriſti corpus
per clauſam ianuam.*

Tunc abiit magiſtratus cum miniſtris, & adduxit illos ſine vi: Timebant enim populum, ne lapidarentur. Et cum adduxiſſent illos, ſtatuērunt in concilio.

Semper enim ſuos defendit Deus, vt impij non noceant quando volunt, ſed quando ipſi viſum fuerit. Interim media quædam ordinat per quæ ſuos ſeruat. Turpe autem eſt quod principes plebem plus timent quam Deum, ſed impij non credunt Deum, ergo Deum non requirunt, terrenis ac viſibilibus tantum mouentur. Sed & ipſa rea conſcientia, impietatis ſenſu tranſfixa non ſinit tantum nocere quantum aliàs cupit impietas. Exiſtit enim è ſerena conſcientia ſerenitas & confidentia, è nubiſa vero horror atq; pauor. Nam recte dixit poeta, Timet mali ſibi conſcia mens.

Et interrogauit eos princeps ſacerdotum, dicens: Nōne etiā atq; etiam præcipimus vobis, ne doceretis in nomine iſtor? Et ecce repleſtis Hieroſolymam doctrina veſtra, & vultis inducere ſuper nos ſanguinē hominis iſtius.

Probe reſert iſtorum hominum tumentem grandiloquentiam. Nōne (inquit) præcipiendo præcipimus vobis, id eſt, acriter, & ſumma cum ſeueritate præcipimus vobis vt à prædicandi, id eſt, *Impiorū gramma diloquentia.* tumultuandi functione abſtineretis? Tria enim impingunt Apoſtoliſ. Primum, quod ſenatus conſultum & ſcribarum edictum & violarint & contempſerint. Secundum, quod prædicatione nominis Chriſti plebem ſeduxerint. Tertium, quod tumultum & cædes in ſenatum deriuare inſtituerint. Atqui ipſi in ſeſe ſuſceperant omnem Ieſu Chriſti ſanguinis vindictam, clamantes, Sanguis eius ſuper nos & ſuper filios noſtros: nunc vero id innoxijſ impingunt, quod ipſimet fecerunt vere omnium mortalium nocentiſſimi. Hoc ipſum hodie quoq; obijcere ſolent pijs omnes veritatis Dei hoſtes. Cum enim obiurgantur peccata eorum & pœna nuntiatur ſcleribus debita, protinus clamant, Seditiouſum eſſe, & ſanguinis ſitientem prædicatorem. Hi videre volunt quod ſcleribus ſuis in ſua capita iam olim prouocarint gladium Domini. Non enim is inducit ſanguinem innoxium in tyrannos, qui iram ac vindictam Dei tyrannis paratam nuntiat, ſed ipſemet tyrannus qui ita agit, vt iuſtitia Dei in iuſtitiam impij multam non poſſit tranſire. Id cum ita habeat, nec quenquam lateat, nihil ad hanc peculiariter reſponderet accuſationem, ſed ad alias duas deſcendit, in quibus & tertiam videbis incluſam.

Reſpondens autem Petrus & Apoſtoli, dixerunt: Obedire oportet Deo magis quā hominibus.

Apologetica eſt hæc oratio Petri. Primo enim diluit quod obiecerat contemptum ſenatus conſulti, ſic autem diluit vt dicat magiſtratuſ quidem parendum eſſe, ſed in negotijs ciuilibus & ad vitæ uſum pertinentibus. At in negotijs Dei Deo magis obediendum eſſe quā hominibus. Cauſſam autem præſentem eſſe diuinam, quocirca ipſa religione adactos eſſe vt diuina plus quam humana ſpectarent. Inde vero nos diſcimus quatenus magiſtratuſ obediendum & quatenus non ſit obediendū. Obediendum quidem quoties ea præcipit quæ cum religione noſtra non pugnant. Nam ſi impia iubeat, nemo parere debet. De qua re pluribus diſputat Paulus ad Rom. 13.

Deus patrum nostrorum suscitauit Iesum, quem vos interemistis, suspēdentes in ligno. Hunc principem & seruatorem Deus exaltauit dextera sua, ad dandam pœnitentiam Israël, remissionemq; peccatorum, ac nos sumus ei testes horum quæ dicimus: insuper autem & Spiritus sanctus, quem dedit Deus obediētib; ipsi.

*Predicatio
Christi.*

Deinde vero summam prædicationis de Christo exponit, ex qua deinde appareret quod neminem seduxissent, nec in quenquam deriuassent innoxium sanguinem. Pœnitentiam enim (inquit) & remissionem peccatorum prædicamus per Christum, non seditiones. Et nihil prorsus hic de religione Christiana dicit, quod non dixerit in superioribus duabus orationibus. Constans enim & semper sui similis est prædicationis veritatis, nisi fortassis hæc videantur annotanda. 1. Palam hoc sermone describi sacrosanctæ & ineffabilis Trinitatis perfectionum. Nam patris fit mentio, & filij suscitati à patre, & Spiritus sancti donati obediētib; ipsi. 2. Suscitandi verbo denuo ad vaticinium Moïsis Deut. 18. allusum esse, De qua re dictum est in cap. 3. Deinde verò Christum principem ex Michæ quinto cap. & saluatorem ex Isaïæ Prophetia vocatum esse. 4. Clarissime hic repeti quod dixerat in Euangelio Dominus, Sic oportebat Christum pati & resurgere à mortuis tertio die, & prædicari in nomine eius pœnitentiam ac remissionem peccatorum in omnes Gentes, initio facto ab Hierosolymis. Euangelium enim partim accusat peccata, suadet vitæ immutationem, & innocentiam docet, partim vero consolatur & remissionem peccatorum pollicetur per Christum. Porro ipse Dominus in Euangelio Ioan. 15. ira de se testaturos prædixerat spiritum & Apostolos, quemadmodum hoc loco eos testari videmus. Sed & illud non caret mysterio, quod dicit spiritum sanctum datum esse obediētib; ipsi. Nam hoc ipso ferit conscientias optimatum, monens repugnantibus & veritati obstitentibus non conferri donum Dei spiritum sanctum. Id quod & Propheta præuidens dixit, Nisi credideritis, non intelligetis. Interim autem expende mihi, amice lector, quales fuerint Apostolorum conciones siue orationes de vera religione habitæ, & quantum disideant à quorundam magno sese venditantium orationibus, quæ non nisi de diuorum cultu, humanis traditionibus & ceremonijs sunt institutæ. Vnicum Christum prædicabant Apostoli, traditiones istorum nesciebant. Omnis ergo perfectio & plenitudo in Christo Iesu constituta est, quæ ut non potest aliunde disci quam ex prophetica & apostolica doctrina, ita non potest vlla alia re hauriri quam fide in Christum vera ac sana.

Hæc autem cum audissent, diffecabantur, & consultabant ut interficerent illos. Surgens autem quidam in concilio Phariseus, nomine Gamaliel, legis doctor, in precio habitus apud totum populum, iussit ut paulisper secederent foras Apostoli.

Gamaliel.

Diuerſa describuntur hominum ingenia. Diuersimode enim ex verbo veritatis afficimur: quæ quidem diuersitas non oritur ex doctrina veritatis, sed ex animorum inæqualitate. Impij ergo hoc loco nihil aliud quam cædem parant, & sanguinem sitiunt innoxium. In causa erat animi peruersitas & crudelitas. Gamaliel pro prudentia sua & animi modestia longe aliud decernit. Illi in templo laniandis pecudibus assueti, de sanguine & laniena differunt. Hic vero scripturis & lege Dei assuetus à crudelitate retrahit, & sapienter consulit. Habet enim Deus ministros suos vel in impiorum medio, quorum opera ad defendendum suos vitur. Qualem hoc loco videmus fuisse Gamaliel, cuius quidem authoritas magna fuit non tantum apud externos Iudaicæ religionis cultores, sed apud nostros quoque. Meminerunt enim eius non citra insignem honoris prærogatiuam Doctores ecclesiastici. Nam ipse Paulus in 22. huius libri capite fatetur se ad pedes huius Gamalilis perdidicisse legem. Hinc D. Hieronymus eius mentionem facit in Catalogo scriptorum Ecclesiasticorum. Imò Chrysostomus, & post hunc Beda ex authoritate Clementis Alexandrini aiunt Gamaliel fuisse in fide Apostolorum socium. Minus ergo mirandum est quod tam cordate Apostolorum causam agit. Sequitur enim.

Dixitq; ad illos: Viri Israëlita, attendite vobis super hominibus istis, quid acturi sitis. Ante hos enim dies extitit Theudas, dicens se esse aliquem, cui ad hæsit numerus virorum circiter quadringentorum, qui occisus est: & omnes qui credebant ei, dissipati sunt, & redacti ad nihilum. Post hunc extitit Iudas Galilaus in diebus professionis, & auertit populum multum post se, & ipse periit, & omnes quotquot paruerant ei, depressi sunt.

Suaſorij

Suaforij generis oratio est, multum habens eruditionis, prudentiæ & lenitatis. Nam ab exemplorum inductione persuadere conatur, ne in hac causa sint præcipientes & temere ferantur in Apostolos. Nihil autem magis mouet cum rudium tum prudentium animos quam inductio exemplorum; potissimum si ea quæ proferuntur nupera sint, qualia erant præsentia. Priusquam vero consilij sui statum aperiret mira prudentia exempla præmittit, vt deinceps maiori securitate summam consilij sui subiungere posset, quam si ab initio protinus nudis proposuisset verbis, ac dixisset, Abstinete ab hominibus istis & finite illos, proculdubio parantem dicere non audiuisset. Nunc itaq; dissimulato hoc animi consilio, prius exordiolo à rei grauitate sumpto attentionem excitat auditorum, dicens, Viri Israëlitarum, diligenter quæso expendite quid statuatis de hominibus istis. Deinde vero causam sic auspicatur, vt aliquouq; nescias in quam partem sit inclinaturus. Protinus enim in medium producit Theodæ exemplum. Porro hic Theodas, quem Græci codices vocant Theodan, multos Iudæorum excitauit, vt arreptis facultatibus suis, se sequerentur. Nam cum Magus esset & impostor egregius, Prophetam se Dei magnum iactabat, prodigiosa etiam pollicitans, se quippe mandatum vt Iordanis funderetur fluuius, quo facilior esset transitus. Mox itaq; adhæsit illi (vt fit) maxima virorum copia, eorum inquam qui suarum rerum profusi, alienarum vero apperètes, homines erant consecrati, alieno ære depressi & prorsus conclamati: quos demum Fadus Iudææ præfectus, cohorte equitum immissa, disiecit, & partim quidem cæpit, partim vero trucidauit, duce inter primos sectione capitis mulcato. Meminit huius Iosephus Antiquitatum lib. 20. cap. 4. Idem in cap. 5. libri eiusdem, item lib. 18. cap. 1. de Iuda Galilæo historiam texens, refert quomodo is ex oppido Gamalas oriundus, & Gaulonites siue Gablæus cognominatus, Saduchum quendam Phariseum sibi iungens, ingentem inter Iudæos seditionem suscitauit. Negabat enim tributum Cæsari pendendum, & tributum aliud nihil esse dicebat, quam integram seruitutem. Huius ergo rei gratia Cyrenius & Copinius, viri consulares, Roma in Syriam venientes, Iudam quidem extinxerunt, sectatores vero eius oppresserunt, & descriptionem totius prouinciæ instituerunt, cuius & Lucas meminit in priore Euangelicæ historicæ lib. cap. 2. ἀπογραφὰς enim qua voce vitur hoc loco Lucas & descriptionem & professionem significat, diuerso tamen respectu. Prostantur enim qui dant omnia, sed describunt qui accipiunt & censent. Nam in his & capitum numerus expenditur, & facultates cuiusq; æstimantur. In re militari nomina dare dicuntur milites, dum censentur, siue (vt hodie dicunt) monstrantur. Cæterum hæc Gaulonica secta supra modum afflixit res Iudaicas. Nam etiam si Iudas seditionis & prauis dogmatis author, extinctus esset, nihilominus serpebat latius malum perniciosum, adeo vt & Christi temporibus verteretur quæstio, An Cæsari iure diuino deberetur census? Denique tiberius Alexander, qui in præfectura Syriæ Cuspis Fado successit, Iacobum atq; Simonem & ipsos Iudæi Galilæi filios, hæc ipsam ob causam, & quod peruersum dogma mordicus tenerent, crucifigi imperauit. Inuenias & hodie eius hæreseos affectas, qui dicant neq; Decimas, neq; Census, neq; Tributa deberi. Inuenias item alios, qui soluenda esse censcant, sed nullo iure deberi asseuerent, Verum impostores sunt, digni qui & Theodæ & Iudæ & Dolitheï & Spartaci uant supplicia. Nos enim didicimus magistratui soluenda esse ea quæ magistratus sunt, Deo item quæ Dei sunt.

Prudens Gamalileis oratio

Theodas.

Iudas.

Et nunc dico vobis, abstinete ab hominibus istis, & finite illos. Quoniam si est ex hominibus consilium aut opus hoc, dissoluetur: Sin ex Deo est, non potestis dissolvere, ne quando & Deo repugnare reperiāmini. In huius autem sententiam pedibus itum est à cæteris:

Iam vero totum consilium & exemplorum vim colligit in dilemma validissimum. Itaque enim ista exempla ita produxit, vt nescieris in quam partem inclinare destinarit: nunc ergo palam animi sui propositum reteggit, & ait: Quocirca cum ita habeant res, viri clarissimi, vt quæq; impietas semetipsam destruat, ego sanè consulo nihil seuerius cum hominibus istis esse tentandum. Atq; hic commodum locum habet dilemma, quod veluti ratio ac causa huius consilij ad hunc modum subiungitur: Aut ex hominibus est quod isti agunt, aut ex Deo. Si ex hominibus est, id est, si ex adfectibus humanis profectum est, iam dubio procul sua sponte dissipabitur. Quorsum ergo nobis opus anxios esse in re non necessaria? Si verò ex Deo est, iam inuiolabile est. Frustraneum ergo foret etiam si nihil non tentaremus. Quis enim cum superno numine belligerari? Neque enim prudentia, sed stoliditatis, temeritatis, item non roboris est, curari quod perficere non possis. Atq; vti nam hoc consilij amplecterentur nostrorum temporum tyranni, qui ferro & flamma Euangelij segetem deuastare conantur. Pollicentur sibi breui nescio quam lucem orituram. Cæterum hoc ipsum suis quoq; pollicebatur olim & blasphemus ille Porphyrius, iam ante mille ducentos annos infeliciter extinctus. Is

inquam pollicebatur Christianam religionem non amplius duraturam quam per trecentos & sexaginta annos. Post hoc enim fore exterminandam. Sed falsus est, & salua hoc usque per mansit veritas. Quocirca nihil solidi consequentur & nostri quantumvis clamitent nuperam Euangelij fidem ac decennalem (vt aiunt) religionem breui excindendam. Non enim ex humana traditione, sed ex diuinis oraculis didicimus religionem nostram. Vnde iam certa fide cognouimus quod contra hanc ne portæ quidem inferorum præualebunt. Et quidem in mundo veritatis nomine afflictionem patimur: sed uiuit qui mundum vicit. Porro quod Latinus interpretes vertit. In huius autem sententiam pedibus itum est à cæteris, Græcus codex habet *ἡ τῆς ἀληθείας ἀσπίς*, id est, paruereunt siue obtemperant illi.

& cum aduocassent Apostolos, cæsis præceperunt, ne loquerentur in nomine Iesu, & dimiserunt eos.

Tyrannis.

Vel ita paruereunt consilio Gamalielis, non vt in totum abstinerent ab Apostolis, sed iam quidem à cæde sibi temperarent. Vel istud apud illos senatores vsitatum fuit, quod apud quosdam respublicas vsitatum videmus, vt pauci oligarchæ tyrannide sua perrumpant, quantumuis id communibus aduersetur iussu. Hi ergo animi sui expletes libidinem innocentes Christi seruos flagris cædunt, deinde ne posthac Christum prædicent percipiunt. Hoc enim solet impietas. Audi ergo quid contrà conetur pietas.

Et illi quidem ibant gaudentes à conspectu concilij, quod digni habiti essent, vt pro nomine eius contumelia afficerentur. Et quotidie in templo & in singulis domibus non cessabant docere & annunciare Iesum Christum.

Patientia.

Adeo non exanimarunt robusta constantiaq; Apostolorum pectora minæ tyrannorum & dira supplicia, ut magis animarint. Gaudentes enim ibant à conspectu concilij, eo quod digni habiti essent, qui pro nomine Christi contumelia afficerentur. Iam enim salutifera præceptoris in memoriam redibat commonitio, dicentis: Productos in synagogas flagris cædent vos. Beati autem estis, cum in sectati fuerint vos homines propter me. Gaudete & exultate, quoniam merces vestra multa est in cælis. In hac ergo spe sancta pergunt annunciare nomen Domini Iesu, nobis in exemplum, nec vnquam cōmitteremus, vt tyrannorum minis & iniurijs fracti veritatem desereremus. Annotandum & illud, Apostolos non modo in templo, sed in singulis domibus ita poscente persecutionis procella, docere, ne quis putaret verbum Domini loco alligatum, sed hinc quisq; colligeret administrationem verbi iuxta Ecclesiæ & temporum rationem prorsus liberam esse.

COMMENTARIORVM IN ACTA

APOSTOLORVM LIBER II.

PROEMIUM.

HACTENVS primitiua Ecclesiæ ortum, infantiam, & quibus creuerit auctibus, enarrauimus: quæ nunc sequuntur pericula ferme sunt de certis quibusdam maximisq; ædita viris. Primum enim se offert D. Stephani historia, graphice depingens, quantum ille fuerit in asserenda veritate, & quam constanter occubuerit pro nomine Christi. Sequuntur Philippi diaconi gesta: quæ ille magna quidem felicitate in Samaria cepit, & cum Æraria Candaces reginæ, & in vrbibus maritimis multo felicissime absoluit. Ab his tractabitur admirabilis Pauli ad Apostolatū conuersio. Postremo exponuntur multa Petri præclara facinora, & quæ in vrbibus maritimis, & quæ cum Cornelio Centurione, deniq; in vinculis quoq; Herodianis designauit. Quo loco & Iacobi Apostoli interitus, Vocatio item gentium, Antiochenæ Ecclesiæ ortus & incrementa, necnon & totius orbis fames describetur. Hæc enim omnia in vnum librum coniungere placuit, quæ iam pro virili secundum gratiam mihi à Deo datam enarrabo.

C A P V T V I.

IN diebus autem illis crescente numero discipulorum, ortum est murmur Græcorum aduersus Hebræos, eò quod despicerentur in ministerio quoti-
diano viduæ ipsorum.

Duplici

DVPLICI nomine refert creuisse numerum discipulorum. Primo, ut notaret frustra-
neas esse minas quas aduersum veritatem et aculantur impij. Nam in illis ipsis (inquit)
diebus, quibus & atrocissime morabantur principes: & Apostoli flagra essent experti, cre-
uit credentium numerus, nouis subinde discipulis ad Ecclesiam proruentibus. Secundo,
ut multitudini commode attexeret murmur, quod ut proprium omnibus hominum turbis, ita raro
inuenias vel credentium cœtum, in quo omnibus pro voto satisfieri potuerit. Nam *φιλαυτία* cupiditas & inuidia, quantumvis bene gesta, vel in suspicionem rapiunt, vel prorsus vitiant. Neq; vero
causa murmuris aliunde nata erat, quam ex istiusmodi affectibus humanis. Nā cum egenis, id quod
in 4. audiuius, de communibus Ecclesiæ bonis, prout cuiq; opus erat, distribueretur victus, suspi-
cabantur quidam hunc indigenis liberalius, suis vero, hoc est, exteris parcius suppeditari. Hinc vero
inæqualitatem atque ex favore manantem accusabant distributionem. Hoc illud murmur, *ὁ γογγυσμός*
murmur non simplex, sed omnino virulentum erat, *ὅς τὸν θεὸν ἐβωβήκει*. Proinde miror quid in re
apertissima mouerit quosdam, ut hæc exposuerint de ministerio, id est, officio ac seruitio quodam,
quod Apostoli Hebræorum muliereculis delegarint, ad seruiendum sibi in rebus ad vitæ vsum ac ne-
cessitatem spectantibus. Verum imposuit istis fortasse ministerij vox & viduarū significatio. *διακονία*
enim non semper significat ministerium quo alteri seruius, sed & beneficium quo afficimur, itaq;
suppeditationem, siue subministrationem dicere possumus. Atque ita etiam vertit Latinus inter-
pres in 2. ad Corinth. 9. *ἵνα ἡμεῖς ὑπὸ τῆς διακονίας τῆς ἡς τοὺς ἀγαπᾷτε*, &c. id est, Cæterum de subministratione
quidem, quæ fiat in sanctos, &c. Ita iam sensus huius loci hic erit. Murmurabant Græci quod despi-
cerentur, id est, negligerentur (*ὅς αὐτοὺς ὑπερθεωρεῖν οὐκ ἐβόησαν*) in quotidiano subsidio pauperes eorum,
nec haberetur horum tam diligens ratio, atque Hebræorum. Nam viduæ in sacris absolute non
nunquam citra sexus significationem ponuntur pro egenis & calamitosi: ut videre est in Prophe-
tis, qui quoties monent viduis & pupillis esse subueniendum, calamitosos, & humano præsidio de-
stitutos quosque intelligunt. Et Dominus in Euangelio dicens: Væ vobis, quia comeditis domos
viduarum: non sexum notauit tantum, sed miseræ simplicisq; plebeculæ census ac facultates intel-
lexit, quas illi religionis prætextu in sua colligebant ratiocinaria. Et *χήρα*, unde est *χήρα*, id est vidua, si-
gnificat orbo, destituo, & bonis quibusuis priuo. Et viduare priuare est. Viduitas vero calamitas quæ
bonis priuauit. Hæc ad hunc modum tradunt linguarum magistri. His absolutis explicandus est *Græci*,
& ille nodus qui hic de Græcis à quibusdam necitur, qui nam illi esse potuerint: cum satis constet
Græcos, id est, gentes in Ecclesiam Dei hoc tempore nondum fuisse admittas. Atqui non necessa-
rium erat nodum in scirpo querere. Non enim scripsit Lucas, Ortū est murmur *ἐν τῇ ἐκκλησίᾳ*: sed *ἐν τῇ ἐκκλησίᾳ*,
quasi quis dicat factionis Hellinistarum. Intelligit enim Iudæos qui non erant in Iudæa nati, sed ap-
ud gentes, ad quas fuerant vel exilio, vel alio casu deportati, iam verò Hierosolymam cōmigrarant,
vel certe profelytos. Locus autem hic in speciem sterilis re ipsa mire fecundus est. Hinc enim disci-
mus res Ecclesiæ nunquam fuisse tam felices & emunctas, ut nihil vitij in ijs repereris. Vbi ergo *si*,
nunc sunt qui protinus atque nāuum aliquem in tanta populi multitudine cernunt, mox etiam to-
tam Ecclesiam damnant? Sunt & alia his similia multa quæ hinc colligi possunt.

Cæterum duodecim illi, quum iussissent adesse multitudinem discipulo-
rum, dixerunt; Nō est placitum, ut nos derelicto sermone Dei, ministremus
mensis. Circumspicite ergo fratres, viros ex vobis spectate probitatis septē,
plenos Spiritu sancto & sapientia, quibus delegabimus hoc negotij. Nos ve-
ro deprecationi & administrando sermoni incumbemus.

Turbæ ac querelæ plebis nulla alia re melius pacantur componunturque, quam si male facta *Murmuris re-*
melius coniungantur, & inordinata in meliorem redigantur ordinem: aut si rebus olim bene insti-
tutis citra focordiam & interruptionem bene utamur. Cum ergo hic nonnihil ordinis desideraretur
in dispensandis opibus ecclesiasticis, quod certi nō essent rebus gerendis præfecti, Apostoli cōsulant
certos designatosq; dispensationi esse præficiendos. Id autē non faciunt propria autoritate, sed con-
uocant totam discipulorum multitudinem, ne sibi Ecclesiæ dictaturam viderentur vendicare. De-
inde coram tota Ecclesia initio se excusant, cur non ipsi hoc negotij in sese suscipiant: inde vero vi-
am commonstrāt, qua rebus seipsis consuli possit. Excusatio hæc est: *οὐκ ἐσμὲν ἀξιοὶ*, id est, non est eiusmodi
ut nobis placere possit, aut quod suscipere conueniat, ut derelicto neglectōue prædicandi munere,
ministremus mensis. Posuit autem *mensas κατὰ μίσθον* pro rebus ad victum pertinentibus. Porro
ratio per quam rebus præsentibus consuli possit hæc est. Diligenter expendite (inquiunt) vobisum
qui nam sint in Ecclesia viri huic negotio accommodi. Sunt autem accommodi qui spectatæ probi-
tatis, sapientiæ, prudentiæue non vulgaris, ac pie religiosi, hoc est pleni Spiritu sancto sunt. *Depre-*
ordinatio.

Functio episcoporum.

hens ergo talibus, septem ex illis deligite præcipuos, qui hoc officij, facultatum videlicet Ecclesiasticarum dispensandi, in se suscipiant. Nos interim non indulgebimus otio, sed ea curabimus quæ & utiliora & magis nostri officij erunt. Orabimus enim pro Ecclesiæ salute & felicitate, deinde & administrando sermoni inuigilabimus. Hinc autem videre est quæ sit sanctio sana, peculiaris & præcipua episcoporum. Non præcipitur ut illi nullam gerat pauperum curam, quorum interim Paulum viderimus gessisse accuratissimam: sed à dispensatione rerum terrenarum (nisi quantum ad vitæ necessitatem attinet) & administrandi officio submonentur. Melioribus consecrantur. Tamen si enim cuiuspiam videri poterat utrumq; & prædicandi & dispensandi officium ab eodem citra alterius damnum administrari posse, vanum tamen & contemnendum non est quod dixit Petrus: Non conuenit ut derelicto sermone Dei, ministremus mensis. Putauit enim sapientissimus Apostolus verbum Dei vnâ cum hac functione feliciter administrari non posse. Quid nos ergo tam claræ veritati oggannimus? Quin potius audiamus Paulum similia percipientem & dicentem: Incumbe lectioni & doctrinæ, hæc exerce, in his esto, ut tuus profectus manifestus sit in omnibus. Attende tibi ipsi & doctrinæ, persiste in his. Id si feceris te ipsum seruabis, & eos qui te audierint. Videmus & Prophetam Ieremiâ omnibus se vitæ negotijs animum huc illucq; distrahentibus, extricasse, precibus autem pro populo & verbo Domini prædicando, totum dedisse. Certe si rem sanctam (quid enim sanctius quam in opum gerere curam?) propter rem sanctiorem obire noluerunt Apostoli, quid respondebunt qui agriculturæ, piscationi, ludo, venationibus & mercaturis ita inuoluuntur, ut minimum temporis precibus, & sacrarum studio literarum, & prædicandoq; Dei verbo impendant? Nō inepte dicitur à vulgo, Qui duabus simul rebus operâ impendit, neutrum absoluit, & utrumq; tandē deperdit. Conculcissimū igitur fuerit, ut quisq; quam norit & ad quā vocatus sit, in hac sese exerceat arte. Iā quod electione diaconorum attinet, plana sunt omnia, maxime si ij conferantur quæ Apostolus de diaconis scripsit in 1. ad Timoth. 3. cap. Breuiter, diaconos conuenit esse *μαρτυρούμενους*, id est, boni testimonij, & spectatæ probitatis viros, quibus nulla possit impingi auaritia, impostura aut rapina. Scribit *Ælius Lampridius* nobilis historicus in vita Alexandri Severi, Christianos hoc moris habuisse, ut si quem ministrum Ecclesiæ ordinare voluissent, eius nomen publice proponerent, si forte in eo esset culpabile quod ab officio indignum repelleret. Conuenit præterea Ecclesiæ ministros plenos esse Spiritu sancto. Nam ex hoc est fides, veritas, misericordia, diligentia, & cura, potissimæ ministrorum dotes. Conuenit & sapientes ac prudentes esse, ne parum exercitati & imperiti rerum, negligant atque deperdant opes ecclesiasticas.

Electio & probatio veterum qualis.

Et placuit hic sermo coram tota multitudine. Et elegerunt Stephanum virum plenum fide ac Spiritu sancto, & Philippum, & Prochorum, & Nicanorem, & Timonem, & Parmenam, & Nicolaum proselytum Antiochenum. Hos statuerunt in conspectu Apostolorum, & quum orassent, imposuerunt eis manus.

Sanis obsequi consilijs, non minima est felicitas. Et hominibus spiritu Dei imbutis obsequi, est ipsi Deo obsequi. Nihil autem temere & citra maximam agunt reuerentiam fideles, sed cum timore & inuocatione numinis, cumq; grauitate præcellenti. Huc enim pertinet manuum impositio, de qua *Eusebius Ecclesiæ* disserui in 6. cap. Pauli ad Hebræos. Cæterum sunt qui dicant ex hoc Nicolao postmodum ortam esse hæresim, quæ ex ipso autore Nicolaitarum appellatur. Quod si verum est, nemo est qui non videat, cœtui bonorum semper immixtos fuisse pessimos quosq;, quorum tamen consortio boni non sint commulcati. De qua re multis egit Aurel. August. in opere quo Petiliani respondit epistolæ.

Et sermo Dei crescebat, ac multiplicabatur numerus discipulorum Hierosolymis valde, multaq; turba sacerdotum obediebat fidei.

Iterum monemur creuisse negotium fidei, adeo ut etiam sacerdotes acerrimi veritatis hostes, si dei iugo colla subderent. Nemo ergo propter peccata sua desperet. Si enim sacerdotibus illis locum poenitentiae concessit Dominus, quibus damnatio filij Dei fuit gratissima, quis post hac facile desperauerit? Et coniectura est istos integritate Ecclesiæ Apostolicæ permotos credidisse libentius. Sanctimonia ergo ædificatur Ecclesia, non violentia. Quod enim robur humanum erigit, hoc ipsum & robur humanum deijcit. Ex hoc item loco denuo constat, Apostolos non suum, sed Dei sermonem prædicasse. Id quod vehementer pugnat cum illorum impudentia, qui in diuinis humana quærent, neque hoc contenti, quo ferocius blasphemant, hominum traditiones diuinis æquant, atque vtinam non anteferebant etiam.

Porro

Porro Stephanus plenus gratia ac fortitudine, ædebat prodigia & signa magna in populo.

Descripta iam ordinaria vocatione & institutione diaconorum, auspicatur nunc historiam Stephani elegantissimam quidem illam & fructus plenam. Præmittit autem in hac personæ descriptionem. Stephanum fuisse virum veracem, fidelem & firmum, plenum Sancto spiritu, id est, omnibus præclaris & sanctis dotibus ornatum, atque ob hæc plenum gratia, id est, prorsus gratum acceptumque hominibus pijs, ac impijs verendum maximè propter inuictum animi robur. Huc accedebat miraculorum virtus, quæ spectabilem alijs multò efficiebat illustriorem.

Exortî sunt autem quidam è synagoga, quæ appellabatur Libertinorum, & Cyrenensium, & Alexandrinorum, & Cilicum, & Asianorum, disputantes cum Stephano, nec poterant resistere sapientiæ & spiritui, qui loquebatur.

Semper enim virtus ad se inuidiam trahit, vt Cæcias nubes. Nec pietatem ferre potest impietas. Coniurant itaque in veritatem collegia Libertinorum, & Cyrenensium, &c. Libertini autem dicuntur Latinis (& Lucas *Λιβερτινῶν* dixit) qui iulla seruitute manu missi sunt. Hinc verò colligimus Synagogam fuisse Hierosolymis alteram, quæ aduenis instituta esset, vt Cyrenensibus, Alexandrinis, Cilicibus, & Asianis, quam Libertini, hoc est, manumissi, & è peregrinis huc regionibus Hierosolymam studendi sacras literas gratia profecti, ingressi sunt. Iam vero & alteram forte ingeniorum & indigenarum coniectura est. Lyranus glossam interlinearem citans, Libertinos falso putauit à regione dictos esse, cum id nominis palàm doceat Valla conditionis esse. Videas hodie in nostris illis Academijs, quas Vniuersitates vulgus appellat, diuersa quæque pro diuersitate & hominum, & regionum constituta esse Collegia. Hoc enim nobilibus, illud pauperibus ac plebei, istud verò Germanis, hoc autem Gallis siue Scotis esse institutum. Coniunctis ergo viribus Libertini consilio coniunferuntur in Stephanum, quem tamen iccirco superare non potuerunt, quod Dominus dixisset: Dabo vobis os & sapientiam, cui non poterunt resistere omnes qui aduersantur vobis. Quia autem doctiores & spectabiliores erant aduersarij Stephani, hoc maior & illustrior victoria viri & veritatis.

Tunc subornarunt viros, qui dicerent: Audiuius eum dicentem verba contumeliosa in Mosem ac Deum.

Quod veritatis præsidio efficere non possunt impij, hoc tentant offitijs & sycophantijs. Hæc semper fuit eritque (vt illi arunt) procedendi via aduersus veritatem Euangelicam & ministros eius: vt quorum synceram doctrinam iustis causis opprimere non possunt, illorum famam liuore denigrent, & quæ sanctè & verè docuerunt mendacijs & sutelis adulterent. Sic enim hodie impingitur nobis quoque blasphemia in Deum, dinorum contemptus, sacramentorum proculcatio, bonorum operum proscriptio, Ecclesiæ sanctæ contemptus, & omnium bonarum rerum odium. Sic illi armati coram misera & plus nimio stulta ac credula plebecula in Euangelicos (vt vocant) inuehuntur, inuidiam & nobis, & causæ iustæ parantes innoxiosque traduentes.

Commoueruntque plebem & seniores, & scribas, atque inuadentes corripuerunt eum, & adduxerunt in Concilium, statueruntque falsos testes, qui dicerent: Homo iste non cessat loqui verba contumeliosa aduersus locum sanctum hunc & legem. Audiuius enim eum dicentem: Iesus Nazarenus iste demolietur locum hunc, & mutabit instituta quæ tradidit nobis Moyses.

Huc enim spectant hominum istorum conatus vt commoueant plebem, vtque fœuiat ignobile vulgus. Cæterum hoc falforum testium adminiculo impetrant. Et falforum testium impudentia semper perierunt optimi quique, sed & ipse saluator Christus sub falsis testibus crucifixus est. Solent autem falsi testes, vel prorsus mentiri, & adserere factum esse, quod reuera factum non est: vel nonnihil de suo alluere, vt iam oratio & longè aliud habeat institutum, & multò sit grauior: vel simpliciter dicta peruerrere & adulterari. Quæ omnia crediderim in hac Stephani accusatione facta esse. Ille fortassis dixerat Deum non probare ceremonias, sed nec ipsum Mosem lege lata voluisse quod Pharisæi docebant, sed fidem & vitæ innocentiam prædicari cum à lege, tum à Prophetis, quibus nisi crederent, Iesum Christum, qui legem impleisset, & ceremonialia in melius mutasset susceperent, ac mores mutaret, breui excoendos fore propter peccata, nihil obstante vel ipso templo, vel ceremonijs.

Hæc enim summa est religionis, & summa eius prædicationis, quam ipse quoque Dominus Hierosolymorum urbi annuntiat. Cum itaq; Stephanus magistrum imitans paria inculcaret, illi simpliciter & bene dicta peruerterunt, dum de suo quædam affingunt, & in plerisq; metiuntur impudentissimè. His adde quæ Jerem. 26. cap. scripta sunt, & lucem clarissimam habebis. Nam ut tunc Ieremiam accusabant propter templi religionem neglectam, ita nunc quoq; Stephanum in ius protrahunt propter templi religionem violatam. Ieremias docuerat, Non proderit templi religio, nō proderunt hostiæ, non ceremoniæ ullæ: peribitis vnā cum superstitione vestra, nisi prorsus conuertamini, & derelictis hisce stultulis, seruiatis Deo in vera fide, iustitia, iudicio, æquitate, veritate, vitæq; sanctimonia. Hæc potissimum legis in cap. 7. 11. & 15. Hic autem nemo dicebat, Accusat scelera nostra, suadet iustitiam, culpatur superstitionem, auaritiam quoque sacerdotum, regis & principum tyrannidem prodit. Horum nihil audiebatur. Sed vnanimi voce clamitant, Reus est mortis homo iste, quoniam aduersus urbem istam prophetauit. Itaq; templi religionem & urbis sacræ prætexunt reuerentiam, nequitiam dissimulant. Et quid obsecro vel hodie aliud quàm Ecclesiam, constitutiones sanctorum patrum, auitos mores, sacrum sacerdotalem ordinem, tot annorum tempora, tot regnorum consuetudines, tot monachorum ordines nobis obijciunt pontificij? Quasi verò ista omnia omnipotenti & soli sapienti Deo ac veritati eius perpetuæ constantissimæq; præiudicare possent. Cur non potius agnoscunt scelera sua, & aiunt? Blasphemi sumus, sacrilegi, scortatores, impij, qui vniuersam religionis faciem vertimus in forum. Id accusant isti hostes nostri Euangelici, qui pœnitentiam nobis & remissionem peccatorum non nisi per Christum prædicant. Sed hæc hætenus.

Et intuentes eum omnes, qui sedebant in Concilio, viderunt faciem eius tanquam faciem Angelī. Dixit autem princeps Sacerdotum: Num hæc ita se habent?

Relucet in ipso vultu mentis innocentia. Verè enim dicunt vultum animi esse speculum. Nulla enim re quantumuis præclara permouetur inuidi mens. Pergit ergo sacerdotum princeps, & ait: Num hæc ita se habent? Non quod cuperet verum experiri, sed quod aliquam saltem iudicij speciem exhiberet, ne vis non ius videretur esse quod cum Stephano agere constituerant. Atque hoc veritatis hypocrisis prauum est ingenium.

CAP V T VI.

AT ille ait: Viri fratres & patres, audite. Deus gloriæ apparuit patri nostro Abraham, quū esset in Mesopotamia priuſquā moraretur in Charran, & dixit ad illum: Exi de terra tua & de cognatione tua, & veni in terram quamcunq; monstrauero tibi. Tunc exit e terra Chaldaeorum, & habitauit in Charran. Et inde postquam mortuus est pater eius tranſtulit illum in terram hanc, in quam nunc vos habitatis. Et non dedit illi hæreditatem in ea, ne vestigium quidem pedis, & repromisit illi eam se daturum possidendam, & semini eius post ipsum, cum non haberet filium. Loquutus est autem Deus sic, quòd futurum esset semen eius inquilinum in terra aliena, quodq; seruituti illud subiecturi essent, & male tractaturi annis quadringentis. Et gentem, cuiusq; seruiuerint, iudicabo ego, dixit Deus. Et post hæc exhibunt, & seruient mihi in loco hoc.



DERIQUE hanc Stephani orationem, quantumuis longa sit, inabsolutam tamen credunt, quod Iudæorum tumultu & obstrepentium clamoribus impeditus, ordine non potuerit dicere quæ volebat. At ego prorsus absolutam existimo. Maxime quod Catastrophen ad finem adiectam habet. Post longam enim sacrarum rerum expositionem tandem istis finit, Duri ceruice & incircuncisi corde, &c. Iam quod alij hanc orationem obscuram esse queruntur, id ex eo est, quod ad nullum certum relata scopum temere vagari ac defiuere videatur. Quod si ita haberet, iam vel hoc ipsum satis magno argumento esset, orationem à Stephano non fuisse absolutam. Cæterum ad certum est directæ scopum, qui etiam si in ipsius orationis frontispicio clavis verbis more oratorio non exprimitur, ex ipsis tamen accusationis capitibus colligi potest. Iudæi impingebant ipsi blasphemiam Dei, eò quòd & legem cōtemplisset, & templi religionem violasset. Hæc accusationis

Scopus huius orationis.

accusationis summa. Ad illa ergo respondēs, expositione historica, sacris exemplis comprobat, quod fides in Deum & ante legem & in lege, Deo, non ceremoniæ, placuerit: & quod ipse Deus patribus apparuerit, & cum eis commercium habuerit absq; templo: quocirca veram religionem non affixam esse neq; templo neque ceremonijs, sed fidei in Deum. Quod cum ita habeat, iam satis étlicaciter liquere, quod neq; in Deum neque in legem eius, neq; in locum sanctum quicquam deliquerit. Hæc omnium summa est. Ex qua etiam nos discere possumus quæ sit vera, antiqua & indubitata fides: mirum ea, quæ vni Deo per Christum nititur, nullis autem ceremonijs, creaturis, aut vllis commentis fidei humanis. Idem traditur & in II. ad Hebræos cap. quod eiusdem cum hac oratione argumenti est. Iam verò ipsa scripturæ exempla paucis perstringemus propositoque nostro aptabimus. Exordij locum occupant hæc verba, Viri fratres & patres audite. Quæ quidem Paraphrastes sic exposuit, Viri quotquot adestis vel genere fratres, vel ætate atque autoritate patres, qui patienter audistis calumniantes, audite & veritati patrocinantem. Atque sub hæc protinus ipsam auspicatur causam à nomine Dei, dicens: Deus gloriæ, id est, Deus gloriosus, purus & sanctus, celebris & iustissimus, hoc ipso perstringens aduersarios, qui ipsum blasphemiam in Deum insinularant. Palàm enim hic fatetur Deum, neq; alium fatetur quàm Deum patrum, neq; sine honorifica nominis appellatione. Deinde verò primarij in vera religione viri Abrahæ, cuius illi se filios esse iactabant, exemplum producit in medium, quomodo is è patrijs euocatus sedibus migrarit in terram peregrinam, atque in hac mira longanimitate, confusus Dei promissionibus expectarit Deum. Quæ omnia fusius describuntur Genes. 12. & 15. In hoc autem hæc adduxit Stephanus, vt videas Abrahamum virorum iustissimum Deo placuisse seruissq; & absque templo & sine ceremonijs. Siquidem obedientia eius, fides, spes, constantia ac patientia, longanimitas & rerum terrenarum contemptus, reuerentia quoq; numinis in eo probatur laudaturq; in scripturis. Veram igitur pietatem in ijs non externis illis quæ miratur caro consistere. Hæc autem ad negotium præsens sufficere videntur. Quæ præterea de terra & fide promissionis dicenda erant, absoluius olim in II. capite ad Hebræos. Quæ autem de Melopotamia & Charris annotari poterant, præstitit D. Ioachimus Vadianus celeberrimæ Sangallensis vrbis Cōsul prudentissimus vir, vt imaginibus, pietate & multijuga eruditione clarissimus, ita in rebus ad Cosmographiam spectantibus, nostri æui, omnium etiam doctiorū iudicio, facillè primus. Is enim in gratiam itudioforum, ad importunas postulationes nostras, Epitomen locorum, quorum mentio fit in sacris, potissimum autem noui Testamenti libris, summa eruditione, diligentiaque incredibili conscripsit, è qua tu cætera quoq; quæ huius professionis sunt haurire poteris. Porro quatenus conueniat Stephano & Mosi in expositione historica de morte patris Abrahæ, ante vel post emigrationem facta, intricatius & prolixius est, quàm conueniat hisce inseri Commentarijs. Certè planiora sunt quæ hic recenset Stephanus. Moses enim Hyterologia vsus esse videtur. Sed copiosissimè de hac re disputarunt præcipui Ecclesiæ doctores, Hieronymus in Traditione super Genesim, & D. Aurelius Augustinus libro de Ciuitate Dei 16. cap. 15.

Vera et antiqua fides.

Abrahæ pietas.

D. Ioachimus Vadianus.

Et dedit illi testamentum Circumcisionis, atque hic genuit Isaac, & circumcidit eum in die octauo, & Isaac genuit Iacob, & Iacob genuit duodecim Patriarchas.

Circumcisio non est ipsum testamentum, sed Sacramentum testamenti. De quo alibi. Pepigit Dominus sempiternum fœdus cum Abrahamo & posteris eius, Gen. 17. At in hoc nulla mentio templi vel ceremoniarum, sed fidei in Deum ac innocentiam. Ego (inquit Dominus) sum Deus ille Schaddai siue Saturnus, omnium rerum saturitas siue sufficientia. Ambula tu coram me, & esto integer. Proinde in fide & integritate consistit vera pietas. Quòd Circumcisio addita est, in hoc factum est, vt sub hanc religionem obligarentur omnes posterij, nec illi vnquam crederent se alia re quàm fide in Deum saluos futuros. Id quod Paulus ad Romanos 4. doctissimè tractat, è quo loco plurimum & roboris & perspicuitatis huic accedet, si vtrunq; inter se diligenter contuleris. Iam verò ne filij quidem Abrahæ, patres nostri Isaac & Iacob, secus Deum coluisse quàm patris Abrahæ religione, certū est. Hinc Stephanus nihil de ijs quàm circumcisos esse testatur. Per hoc enim constat, quòd Deum patris sui Abrahæ, cultu & religione ita coluerint, vt Circumcisionis significatio præscripsit.

Testamentum.

Et Patriarchæ inuidia moti, Ioseph vendiderunt in Ægyptum. Et erat Deus cum eo, & eripuit eum ex omnibus afflictionibus eius, & dedit ei gratiam & sapientiam coram Pharaone rege Ægyptiorum. Et constituit eum præfectum super Ægyptum, & super totam domum suam. Venit autem famines in vniuersam terram Ægypti & Chanaan, & afflictio magna, nec in-

ueniebant cibos patres nostri. Cum audisset autem Iacob esse frumenta in Ægypto, misit patres nostros primum. Et cum iterum misisset eos, agnitus est Ioseph à fratribus suis, & innotuit Pharaoni genus Ioseph. Misso autem nuntio Ioseph, accersuit Iacob patrem suum, omnemq; cognationem suam in animabus septuagintaquinq;. Et descendit Iacob in Ægyptum, defunctusq; est ipse & patres nostri,

Stephanus.

Copiosius exponitur hæc historia à Mose in 1. lib. cap. 37. & ab eo vsque ad 42. Ex quibus tamen omnibus hoc certo constat Iosephum omnis sapientiæ, constantiæ & temperantiæ exemplum, nullis ceremonijs, nullo in templo, nullisue hostijs demeruisse Deum, sed fide, patientia, castitate, & vitæ integritate. Præclarum enim est quod ad petulcam procacemq; heri sui uxorem, castitatem adolescentis sollicitatem, dicebat, Quomodo facerem hoc magnū malum, & peccarem in Deum meum? Proinde verus Dei cultus subsistit in fide, veritate, amoreq; recti & iusti. Cæterum quod Lucas ex Stephani sententia septuaginta quinque animas numerat, videtur sequutus esse LXX. interpretes, vel quod esset profelytus, vel quod illa versio Ecclesijs esset vulgata. Fortassis numerarunt Græci & nepotes Ioseph. Nam Hebraica veritas numerat animas septuaginta, Gen. 46. De Lea nempe 33. de Zilpa 16. de Rahelē 14. & de Silha 7. hoc est in summa 70. Quod autem eodem loco numerantur tantum 66. videtur vitiata esse scriptura. Si enim Iosephū his addas cum filijs duobus, colliges tantum animas 69. At si Dinam addas, habebis 70. Verum si in catalogū veniunt & fæminæ, quo loco numerabimus Sarah? Aut quid etiam reponemus Er & Onam, qui mortui sunt in terra Chanaan? Et sanè fieri potest, vt librariorum incuria nobis multam in numeris obscuritatem pepererit.

& translati sunt in Sychem, & positi sunt in sepulchro, quod emit Abraham pretio argenti à filijs Emor filij Sychem.

Hæc quæ superuacanea videri poterant intertexuit, vt constantiam fidei patrum notaret, qui tametsi ne vestigium quidem pedis in pollicita essent consequuti terra, at tamen in ipsa tanquam consequta sepeliri voluerunt, certi quod hæreditate obuentura esset posteris. Atque hoc erat sperare in ipso etiam funere. Iterum autē hic nectitur nodus indissolubilis. Stephanus enim velut ad alia properans, historiam nonnihil confundit. Constat enim neq; Abraham, neq; Isaac, neq; Iacob ipsum in Sychem, sed in spelunca agri duplicis, qui est iuxta Hebron, & quem Abraham ab Ephron filio Seor Hethæo quadringentis siclis emerat, sepultum esse, teste scriptura Genes. 23. & 49. Sed fieri potuit vt scriptori in mentem venerit ille ager, quem Iacob emit ab Emor patre Sychem, cuius meminit scriptura Gen. 33. Et sanè scriptores Ecclesiastici sensum maluerunt referre quàm verba. Neq; verò pietati quicquam decedit, etiamsi in proprijs nominibus personarum & locorum nonnulla inueniatur commutatio aut etiam confusio. Diuus Hieronymus in calce libri de Optimo interpretandi genere ad Pammachium, nodum hunc quidem nectit, sed non soluit, Lectoremq; suspendit. Iacobus Zieglerus Landauus, vir multis animi dotibus præclatus, existimat Abraham emisit hunc agrum prope Sychem sepulchrum sibi suisq;, dum inter initia vocationis ad terram appulisset Chanaan, sed postea varijs iactatum casibus, reliquisse agrum emptum, quem deinde post annos plus minus centum & decem Iacob à Mesopotamia reuersus, propter memoriam aui Abrahæ recuperarit, vt nunc idem ager bis emptus intelligatur, martyrq; antiquioris meminerit. Sunt alij qui ex autoritate D. Hieronymi asserant non ipsum Iacob, sed filios suos Patriarchas in Sychè esse translatos: sed Iosephus 2. libro Antiquitat. cap. 8. in Hebron sepultum fuisse perhibet. Multò ergo verisimiliores sententiæ sunt quas paulò retulimus. Iudicent Lectores.

Cum autem appropinquaret tempus promissionis, de qua iurauerat Deus Abrahæ, creuit populus, & multiplicatus est in Ægypto, donec exortus est alius rex, qui non nouerat Ioseph. Hic circumueniens genus nostrum, afflixit patres nostros, vt exponerent infantes suos, ne fortis essent virales.

Crux.

Ista verò nihil peculiariter faciunt ad rem præsentem, sed interponuntur ad integrandam expositionis & historiæ seriem. Nisi forsitan crucis & patientiæ locos attingere, & illorum tyrannidem occulta collatione voluit protrahere, quorū libini iam subiectus, mortis expectabant sententiam. Nam sicut olim rex Ægyptius veræ pietati contrarius innoxios opprimebat, ita nunc quoq; procures populi Iudaici tyrannidem exercebant in innocuos. Cæterum vt Pharaon hac re nihil aliud quàm præproperum

properum exitiū in suum sibi caput concitauit, ita istos quoque nihil aliud tyrannide sua effecturos, quā ut otius in se iram Dei prouocent. Locus ē quo hæc mutauit Stephanus, extat Exod. 1.

Eodem tempore natus est Moses, & fuit gratus Deo, qui nutritus est tribus mensibus in domo patris: Expositum autem illum, sustulit filia Pharaonis, & nutriuit eum sibi vice filij. Et eruditus est Moses in omni sapientia Ægyptiorum, & erat potens in factis & in dictis.

Exposita religione Patriarcharum, qui ante legem latam vivere, & Deum sine templo & ceremonijs, fide & vitæ puritate coluerunt, transcendit iam ad ipsum legistatorem Moysen, & paucis perstringit, quæ fuerit viri pietas, quæ legis per eum latæ vis, quodue ceremoniarum per ipsum institutarum ingenium. Cæterum ad auctoritatem viri doctrinæque eius in primis facit, quod diuina prouidentia mirabiliter seruatus est & ē Nilo extractus: mirabilis autem institutus, adeoque in omni Ægyptiorum disciplina institutus, utpote ad gerendas res maximas destinatus. Ergo tum quidem eum iam excessisset ex ephebis potens erat cum in dictis tum in factis. Meminit enim Eusebius singularis doctrinæ & eruditionis Moyses, libro de Præparatione Euang. 8. cap. 2. Porro D. Augustinus de Doctrina Christiana libro 2. cap. 40. ex hoc loco multis ostendit, Christianis licere, ut philosophorum imbuantur doctrinis, ijsque ad religionem nostram purgatis aptatisque utantur. Et post multa, Quid enim aliud (inquit) fecerunt multi boni fideles nostri? Nonne aspicimus quanto auro & argento & veste suffarcinatus exierit de Ægypto Cyprianus doctor suauissimus & martyr beatissimus? quanto Lactantius? quanto Victorinus, Optatus, Hilarius, ut de viuis taceam, quanto innumerabiles Græci? quod prior ipse fidelissimus Dei famulus Moses fecerat, de quo scriptum est, quod eruditus fuerit in omniscientia Ægyptiorum. Hæc Augustinus. Plurima huius generis legere est apud diuum Hieronymum in Epistola ad Magnum vrbis Romæ oratorem. Historia autem quam hic delibat Stephanus, extat apud Moysen Exod. 2.

Pietas Moysis.

Prophana sententia.

Ut verò expletum est ei quadraginta annorum tempus, subiit in cor eius, ut inuideret fratres suos filios Israël. Et cum vidisset quendam iniuriā affici, defendit eum, & ultus est vicem eius qui affligebatur, percussit Ægyptio. Existimabat autem intelligere fratres suos, quod Deus per manum ipsius daret salutem illis. At illi non intellexerunt. Et sequenti die conspectus est illis litigantibus, & redegit eos in concordiam, dicens: Viri, fratres estis, cur vos inuicem ladtis? Cæterum is qui iniuriā faciebat proximo, repulit eum, dicens: Quis te constituit principem ac iudicem super nos? Nunquid interficere me tu vis, quemadmodum interfecisti heri Ægyptium? Fugit autem Moses ad dictum hoc, & factus est aduena in terra Madian, ubi genuerunt filios duos.

Historia scribitur Exodi secundo cap. Et Paulus ad Hebræos 11. doc ipsum Moysen factum clarius hunc locum explanat, hisce verbis, Per fidem Moyses iam grandis renuit vocari filius filij Pharaonis, potius elogens simul malis affici cum populo Dei, quā temporarijs peccati commodis frui, maiores arbitratus diuitias probum Christi, quā Ægyptiorum thesauros. Respectum enim habebat remunerationis. Proinde fide, misericordia & charitate, cuius instinctu & scelera puniuit, & oppressos subleuare desiderauit, superno numini etiam absque templo & hostijs seruiuit. Quod autem eadem attinet, ne quis ea offenderetur tanquam crudeli facinore, ipse Stephanus præoccupans, dicit: Existimabat autem intelligere fratres suos, quod Deus per manū ipsius daret salutem illis. Quasi dicat, Quod Moyses contra Ægyptium egit, non in hoc egit ut generale exemplum cædendi præscriberet omnibus, sed ut peculiare quiddam populo suo præfiguraret, nempe, se eum esse à Deo designatum, per quem Ægyptij tandem essent perimendi, Israëlita verò redimendi. Prognostica enim ac portenta siue præiudicia non ut exempla proponuntur imitanda, sed ut futura nuntient, authoritatemque ijs concilient per quos agenda sunt.

Homicidium Moysis.

Et expletis annis quadraginta, apparuit illi in deserto montis Sina angelus Domini in flammeo incendio rubi, Moyses autem ut conspexit, admiratus est visum. Porro cum accederet ut attenderet, facta est ad eum vox Domini: Ego sum Deus patrum tuorum, Deus Abraham, Deus Isaac, & Deus

Iacob. Tremefactus autem Moses, non audebat attendere. Dixit autem illi Dominus: Solue calceamentum pedum tuorum. Locus enim in quo stas, terra sancta est. Vidi, vidi inquam, afflictionem populi mei, qui est in Ægypto: & gemitum eorum audiui, & descendi ut eruam eos. Nunc venito, & mittam te in Ægyptum.

Solue calceamentum.

Pertinent hæc ad vocationem Moysi, atq; ad ipsam auctoritatem & viro & doctrinæ parandam. Apparuit autem ipsi Dominus & conuersatus est cum ipso iterum absque templo & ceremonijs. Vocauit item se Deum Abraham, Isaac & Iacob, hoc ipso veterem comprobans religionem, qua patres sancti citra templum & ceremonias, ipsi seruierunt. Idem afflictionem vidit autrui & omnibus modis afflicti populi Israelitici. Vidit inquam nullis istis ceremonijs demonstrantibus, aut ad miserandum demerentibus: sed ipsa misericordia sponte miserente. Illud quoque in primis observandum traditor, quod Moses in colloquium Dei non prius admittitur, quam solnisset pedum suorum calceamenta. Non iubetur templum extruat, hostias cedat, ceremonias instituat, sed ut calceamenta de pedibus soluat, hoc est, carnalibus exutis affectibus in fide & animi integritate ad Deum accedat. Proinde vera pietas in znimi integritate consistit. Porro alij satis diligenter adnotarunt quod mons Sina sanctus, hoc est, augustus propterea sit appellatus, quod in ea sancta Dei lex sit lata. Quod autem rubus ardet nec tamen flamma consumitur, absoluta perfectio & (ut ita dicam) omnisufficiencia Dei significatur, quæ non diminuitur quantumuis abunde se nobis impartiat. Significatur & Dei populus, qui in medio afflictionum flammis non perit.

Hunc Mosem quem negauerunt, dicentes: Quis te constituit principem & iudicem? hunc, inquam, Deus principem & redemptorem miserat per manum angeli, qui apparuerat illi in rubo. Hic eduxit illos, ædens prodigia & signa in Ægypto, & in rubro mari, & in deserto annis quadraginta. Hic est Moses, qui dixit filiis Israel: Prophetam suscitabit vobis Deus vester ex fratribus vestris, similem mei, illum audietis.

Typi Christi.

Iam verò interfert quædam de Mose quæ per typum de Christo sunt intelligenda. Sic enim conueniebat, ut etiam Prophetarum typos & testimonia de Christo produceret. Typus est quod Moses Israelitis obmurmurantibus, à Deo datus est in principem & redemptorem. Nam Christus reuerax & redemptor missus est ad domum Israel, quæ neglecto ipso clamauit, se nescire regem, agnoscere autem Cæsarem. Sed & miracula Moysi designabant verum Messiam maxima quæq; facturum. Id quod Euangelistæ per Christum ostendunt esse completum, in primis verò Ioannes in 6. & 10. cap. De testimonio Moysi Christo præstito, & ex Deut. 18. petito, diximus Act. 5.

Hic est qui fuit in congregatione in solitudine cum angelo, qui loquebatur ei in monte Sina, & cum patribus nostris, qui accepit sermonem viuum ut daret nobis; cui noluerunt obedire patres nostri, sed repulerunt, & auersi sunt corde suo in Ægyptum, dicentes ad Aaron: Fac nobis deos qui præcedant nos. Mosi enim huic qui eduxit nos de terra Ægypti, nescimus quid acciderit. Et vitulum fecerunt in diebus illis, & obtulerunt hostiam simulachro, & latabantur super operibus manuum suarum.

Lex tabularum.

Hic propius accedit ad propositum, & refert quomodo lex lata sit. Nihil autem adhuc dicit de ceremoniarum lege, sed de Decalogo siue lege tabularum, in qua nihil reperias quod non habuerint prius Patriarchæ vetusti. Tota enim tradit amorem Dei ac proximi, fidem nempe in Deum, & vitam innocentiam. Rectè ergo vocata est à Stephano verbum vitæ. Virtus enim, vita & perfectio legis est Christus ad iustificationem omni credenti. Priusquam tamen ad ipsos legem detulisset Moses stolidissimi moræque impatientissimi iamiam peccarant, externum peregrinumque cultum excitantes. De quo diximus ad Romanos 1. Historia porro extat apud Mosem Exod. 32. cap. Cæterum in hoc iam accusat omnem illum externum cultum, quem Israelitæ subinde comminiscebantur, & magni pendebant, neglecta interim fide & vera animi pietate, quam ipse Deus præscripserat. Ad quam rem vehementius & copiosius exprimendam plurimum faciebat testimonium Amos mutuatum ex cap. 5. quod ad hunc modum subiungit:

Conuertite

Conuertit se autem Deus, & tradidit eos, vt colerent militiam cœli: sicut scriptum est in libro prophetarum: Num victimas & hostias obtulistis mihi annis quadraginta in deserto, domus Israel? Et suscepistis tabernaculum Mo loch, & sydus Dei vestri Rempham, figuras quas fecistis ad adorandum eas. Et transferam vos vltra Babylonem.

Conuersio Dei non aliter hic vsurpatur, quàm ad Rom. 1. cap. Tradidit eos in reprobū sensum, & . Et per Militiam cœli intellexit signa zodiaci, planetas, sydera & omnis generis stellas, quæ omnia Achab & Achaz & Manasse summa coluere reuerentia. Rursus ne Iudæi obijcerent se ipsos quoq; im probare idolis exhibitas hostias, protinus prophético præoccupat testimonio, hoc ipso comprobans à Deo cū aras tum hostias vnā cum externo & carnali cultu vniuerso prorsus esse proscripta, reie- cta & damnata. Malle enim illum obedientiam & vitæ pietatem quàm victimas. Ita autem loquitur apud Prophetam Dominus, Odi & proieci festiuitates vestras, & non capiam odorem cœtuum ve- Locus Prophee-
te tractatus. strorum. Quòd si attuleritis mihi holocaustomata & munera vestra, nō accipiam, & vota pinguium vestrorum non respiciam. Aufer à me tumultum carminū tuorum, & cantica lyræ tuæ non audiam. Quin potius effice vt reueletur quasi aqua iudicium, & iustitia quasi torrens fortis. Num victimas & donarium obtulistis mihi in deserto per annos quadraginta, o domus Israel? Et portabatis scenam re- gis vestri, effigiemq; simulachrorum vestrorum (nempe) sydus Dei vestri, quæ vobis effecistis. Ego etiam captiuos vos ablegabo vltra Damascum, ait Dominus, qui nomen habet Domini exercituum. Hæc iuxta veritatem Hebraicam translata habentur. Lucas autem paulò diuersius citauit. Græcis e- nim scribens sententiam Prophetæ recitat fermè ijs verbis, quæ habentur etiamnum in sacris Græ- corum libris: cum tamen verisimilius sit martyrem apud Hebræos dicentem, Hebraica veritate fuisse vsum. Porro quod sensum attinet, Minatur Amos Iudæis exitium postremum, nisi mutant vitæ in- stitutum profligatissimum. Dicit autem eos qui calamitatibus in patria non fuerint oppressi, longis- simè abducendos fore in captiuitatem, non vtiq; in Damascū, quæ Iudæis in propinquo erat, sed vlti- rius. Quod Stephanus augendi causa dicit, Vltra Babylonem. Id quod euētus postea comprobauit, quū abducerentur ad remotissima Mesopotamiæ. Per occupationē verò dicit sacrificia eorum non e- reptura ipsos ex impendentibus malis, quippe quæ sint nausæ Domino. Neq; enim Deū curare cul- tū externum, sed animi potius integritatem. Id aut probat ex anteactis. In deserto (inquit) non petij mihi offerri sacrificia, idq; per annos quadraginta. Quinetiā quod pleriq; citra numinis reuerentiā Ierem. 7. degentes circumtulistis tabernaculum meum, perinde estimo ac si scenam idolorū circumtulissetis. Proinde in captiuitatem deducam vos. In hoc autem testimonio regem & Deum illorū vocat idola, sicut & Isaias in 8. dicēs: Quum esurierit irascetur, & maledicet regi suo, & Deo suo. Alij putarūt Mo loch idolum Ammonitarum intelligendum esse, de quo 1. Paralip. 20. Hebræis enim vox est מולכ quam Aquila, authore Hieronymo, vertit מלך. Significantius autem verterunt Symachus & Theo- dotio, Regis vestri. Lucas Hebraicam vocem reliquit, sicut & LXX. Item pro כרס LXX. posuerunt כרס, quam vocem & Latina nostra exemplaria reliquerunt. Habent enim, Et sydus Dei vestri Rem pham. Aquil. & Symachus Hebræa voce vsi sunt in sua interpretatione. Theodotio δὲ σάββατον, id est, ob- scuritatem interpretatus est. Hebræorū quidā exponit pro pistorio opere, placentis videlicet effigie Dei præferētibus, quas immolauerint, sicut apud Ieremiam in 7. כרס quidam stellam sabbati, hoc est, sydus Saturni, quod etiamnum sermone Persarum & Ismaelitarū dicatur כרס. Etymon voca- buli aduersionem significat, quod magis conuenit Marti quàm Saturno, si aliquem ex planetis signi- ficat. Alij Luciferum intelligunt. De vtroq; Plin. in 2. cap. 8.

Tabernaculum testimonij fuit patribus nostris in deserto, sicut ordinaue- rat illis, loquens ad Mo sen, vt faceret illud secundum formam, quam viderat. Quod & induxerunt, qui successerunt, patres nostri, cum Iesu in posses- sionem gentium: quas expulit Deus à facie patrum nostrorum, vsq; ad dies David, qui inuenit gratiam coram Deo, & petijt vt inueniret tabernaculum Deo Iacob.

Præoccupatio est. Ne enim illi dicerent: Quid verò in externum cultum ita debaccharis, nōne ipse Deus nobis in deserto & tabernaculum, & externum instituit sacerdotium? Respondet enim: In- stituit quidem tabernaculum, sed tabernaculum testimonij, & ad formam illius quod in monte viderat deformatum. Nam Dominus non in hoc instituerat, vt in ipso tota pictatis summa subsisteret, sed vt tabernaculum testimonij esset, testimonij inquam quod ipse futurus esset Deus illorum, ipsi vi-

cissim populus, si modo in fide & integritate coram ipso ambularent, Leuit. 26. 2. Cor. 6. Deinde verò cum ipsa scriptura palàm testetur Exod. 25. hoc visibile tabernaculū ad alterius tabernaculi. formam fuisse deformatum in monte, quis tam stupidus vt non videat visibile tabernaculum non aliud esse quàm vmbra verorum bonorum, quæ in cœlis sunt, vbi Christus est, assidens ad dexteram Patris, & semper intercedēs pro nobis? De qua re copiosius ad Heb. 8. ibi enim exponitur hic locus. Rursus, Si summa pietatis in tabernaculo & externo cultu constituta erat, iā religio tabernaculi & institutū eius nequaquam fuerat mutandū. Constat autem mutatū esse. Nam Solomon neglecto tabernaculo, templum ædificauit. Proinde in externis non est sita constans ac certa pietas. Hoc ipsum admonet idem ille Paulus in Heb. cap. 7. Constat & illud ex illa expositione historica, quod vetusti sancti patres omnes, Adam, Abel, Enoch, Noe, Abraham, Isaac, Iacob & Ioseph Deum absque tabernaculo coluerunt: item quod Moyses ipse, Aaron, Iosue, Iudices, sancti, denique ipse magnus Dei Propheta Samuel & inclytus Israelitarum rex Dauid Deo gratissimus, Deo placuerunt absq; templo. Nam Solomon primus ædificauit templum. Ex quibus omnibus iam liquebat templi religionem multo esse recentiore, quàm illi stolidi ceremoniaistæ videri volebant.

Solomon autem ædificauit illi domum: sed excelsissimus ille, non in manu factis templis habitat, sicut Propheta dicit: Cœlum mihi sedes est, terra autem scabellum pedum meorum. Quam domum ædificabitis mihi, dicit Dominus: aut quis locus requietionis meæ est? Nōne manus mea fecit hæc omnia?

Templum.

Iam & illud ostendit, ne templum quidem ipsum hoc esse quod illi contendebant. Quin ab ipso Solomone non in aliud erat institutum, quàm vt esset domus orationis, quod planissimis verbis expressum est 3. Reg. 8. At illi summam pietatis in religione templi cōsistere docebant, clamantes, Templum Domini, templum Domini. Eum ergo errorem hic refellit Martyr, euidentissimo Isaiæ testimonio, ex 66. cap. mutuato. Tractat autem eo loci hoc ipsum Isaias quod Ieremias in 7. Docet enim vterq; Deum non morari templū, hostias, & externa: quin potius contemptis ijs, requirere pietatem, immutationem viræ. Verba Isaiæ multo clarissima sic habent, Hæc dicit Dominus: Cœlū sedes mea, terra autem scabellum pedum meorum. Vbi stabit igitur domus illa quam ædificabitis mihi, & vbi est locus ille in quo quiescere possum? Quum hæc omnia fecerit manus mea, & inter ea quæ facta sunt computetur, ait Dominus. Ad quem autem respiciam? Ad eum qui est humili & fracto spiritu, quiq; contremiscit ad sermonem meum. Porro qui bouem immolat, quasi qui hominem occidat. Qui mactat pecus, quasi qui canem iugulet. Qui munus offert, quasi suillum sanguinem offerat. Qui autem thuris recordatur, perinde facit ac si scelera collaudet. Hæc omnia isti elegerunt, & anima eorum his vijs & abominationibus delectata est. His iam adde Ieremiæ verba è 7. ca. super quæ D. Hieronymus, Præcepit autem (inquit) & tunc populo Iudæorum, & hodie nobis, qui videmur in Ecclesia constituti, ne fidutiem habeamus in ædificiorum splendore, auratisque laquearibus & vestitis parietibus marmorum crustis, & dicamus: Templum Domini, templum Domini, templum Domini est. Illud enim templum Domini est, in quo habitat vera fides, sancta conuersatio, omniumq; virtutum chorus. Hæc Hieronymus, qui paulò post, Quid enim (ait) prodest audacter ingredi limen domus Dei, erecta stare ceruice, & non solum cor, sed & manus habere pollutos furto, homicidio, adulterio, periurio, sacrilegio, & cultu deorum quos nescias? &c. Errât ergo turpissimè qui tantas expensas in templorum structuras effundunt, & ex pauperum cruore sudoreq; luxum augent Ecclesiarum, arbitantes se gratificare Deo, cum ipsum magis prouocent ad iram. Non autem damnamus verum & frugalem templorum vsum, sanè accommodatissimum prædicationi verbi Dei, orationibus & Sacramentorum dispensationi: sed Iudaicas templorum superstitiones, imò & gentilitias, qua & ornatui fidere cœpimus, & lapides & ligna ornauimus, non modò improbamus, sed execramur etiam. Consulatur Lactant. Institut. lib. 2. cap. 7. & 27. huius libri caput, in quo plura fortassis de templorum religione dicemus. Ex his aut quæ hætenus proposita sunt, didicimus plurima per exempla cūm piorū, tum impiorum, auram & veram religionem non in externis, siue templorum cultu, siue ararum extructione, siue oblationibus alijsq; id genus nugis, sed in pectore, in fide & sanctimonia vitæ consistere. Ita enim coluere Dominum sancti omnes quotquot ante legem & in lege vixerunt. Nam quod pauculas quasdam attinebat Ceremonias à Mose traditas, ipsæ quidem ad præscriptum tempus, & vt vmbra essent futurorum bonorum, erant traditæ. Vnde iam constat istos ijs esse abusos fœdissimè, qui ceremonijs fisci, clamarunt, Templum Domini, templum Domini, interim verò fidem & animi pietatem ipsas inquam res neglexerunt, vmbra coluerunt. Atq; hic iam locus & occasio erat vela colligendi, & inuehendi in impios. Sequitur ergo:

Duri

Duri ceruice, & incircuncisi corde & auribus, vos semper Spiritui sancto resistitis: sicut patres vestri, ita & vos. Quem Prophetarum non sunt persequuti patres vestri? Et occiderunt eos, qui prænuntiabant de aduentu iusti illius, cuius vos nunc proditores & occisores fuistis: qui accepistis legem per dispositiones angelorum, nec seruastis.

Quasi dicat, Sed quid hæc frustra infidelibus ingero? videtis in quibus rebus vera consistat pietas, sed videre non vultis. Viderunt olim hoc ipsum & patres vestri (de impijs autem hoc & stultis ceremonialistis intelligit per Synecdocham) sed veritati & sanctis Prophetis resisterunt. Hoc ipsum facitis & vos. Venit enim filius Dei, annuntiavit vobis veritatem, iustitiam & pietatem eo prorsus modo, quo futurum prædixerant Prophetæ, at hunc ferre non potuistis, sed gentibus traditum crudeliter trucidastis. Nunc verò legem, Deum & templum iactatis, cum tamen templi religio vos non sit ereptura ex malis impendentibus. Deum enim contemnitis, & legem eius prorsus conculcatis. Nam perfectionem legis, ipsum Christum Dominum, indies persequimini & blasphematis. Sic autem reor sit in eos accusationis capita, ad quæ hætenus satis doctè, piè, verè & cordate respondit. Hinc autem conijce, annon absoluta sit oratio. Pulchrè enim finis redijt ad principium, caput ad circulum. Quod autè paulò videatur obscurior, breuitas scriptoris in causa fuit, cui satis erat summa quæq; annotasse responsonis vestigia, quæ si quis ardentius sequeretur, & diligentius scrutaretur, citra negotiū totum orationis inueniret contextum. Illud autem in primis venustum & euident est, quod conceptis & ex scriptura petitis cōiunctis in impios vltima hac Catastrophe inuehitur. Duri ceruices enim & incircuncisos corde & auribus per oppositionem eius loci dixit, qui Deute. 10. sic legitur: Circumcidite præputium cordis vestri, & ceruicem vestram ne induretis amplius. Vt nunc Stephanus aliud nihil dixerit quàm hoc, Gloriamini vos circuncisos esse. iactatis præterea legem Dei, cuius auditores sitis, ad vos enim missos esse Prophetas, sed si mores vitæ vestræ expendantur, reuera incircuncisi estis, & omnino tales, quales pinxit Isaias 6. Auribus audietis, & non intelligetis, & c. Christus item Matthæi 23. dicens: Væ vobis Scribæ & Pharisei, quia ædificatis sepulchra Prophetarum, & c. Porro Christum Iesum propterea vocat Iustum, quod ipse sit iustitia nostra. Ieremiæ 13. & 1. Cor. 1. Et verbū resistendi (*ἀντιτεταγμένον*) miram habet elegantiam. Nondū enim institutis sacrificijs sua spōte sacrificabant. Institutis autem sacrificijs secus agebant quàm instituta erant. Iam verò cum morte Christi antiquata essent, illi mordicus sacrificare pergebant. Tales videas vel hodie multorum impiorum animos esse, vt qui olim p̃faffos (quos vocant) confessionem articularem cane peius & angue oderint, Nilas quoq; vota, monachos, indulgentias, atq; totum Romanæ imposturæ forum, contempserint iam ista omnia reuocare, tueri, & proprio (vt aiūt) sanguine asserere velle. Sed verū hic quoque asserere oportuit, quod proverbio dicitur, Similes habēt labra lactucas. Obserua item amice Lector dicendi libertatem, & seuerius etiam accusandi scelera auctoritatem omnibus viris Ecclesiasticis hoc Stephani exemplo suppeditatam esse. Nam malo nodo malus quærendus est cuneus. Habet tamen obiurgatio Ecclesiastica suam modestiam, & plus grauitatis quàm scurrilitatis aut male-dicentiæ.

Perfidia.

Peruersi mores impiorum.

Audientes autem hæc, diffecabantur cordibus suis, & stridebant dentibus suis in eum.

Eius, hoc est, effigies & simulachrum proponitur hominum impiorum veritateq; irritatorum. Nam quò fidelius proponitur veritas, hoc impudentius excandescunt impij.

Quum autem esset plenus Spiritu sancto, intentis in cælum oculis, vidit gloriam Dei, & Iesum stantem à dextris Dei. Et ait: Ecce video cælos apertos, & filium hominis stantem à dextris Dei.

Rectè dixit Ioannes Apostolus, fortiorem esse qui est in sanctis, quàm qui in mundo. Non enim terruerunt plenum Spiritu sancto hominem minæ & infanientium 'annæ. In primis autem peculiaris raræque consolatio contingit martyri plus nimio in pericula coniecto. Siquidem cœlesti visione roboratur. Nam cum in media morte & irruentium turba omnem spem in Deum viuum collocaret, & oculos animi in eum intenderet, è quo omnis salus nostra manat, protinus diducit se cælum, ibiq; maiestas diuinæ gloriæ ipseq; Dei filius, cui iam ferebat testimonium, martyri apparet. Nam etiam ista corporaliter gesta videri poterant, ipse tamen fidei sensus flagitat, quod talis omnino fuerit visio, qualem Dominus Isaiæ exhibuit, Isa. 6. Sed & ipse locus in quo agebantur causæ, nimirum obseptus & conclusus vndiq; deniq; ipsa fidei virtus, & quod hic nulla est necessitas videndi corpus

Visio Stephanum roborat.

Christus stat ad dexteram.

Domini corporaliter, suadent hanc non esse rem gestam, sed visionem (vt aiunt) mentalē. Quanquam non magnopere super hac contenderim. Quod autem videt, hoc prapropere nuntiat. Ecce (inquit) video cælos apertos, & filium hominis stantem à dextris Dei. Quo dicto & iudicium coarguit iniuriam, & omnes eos consolatur, qui vel in fide decedunt, vel veruatis nomine patiuntur. Hi enim omnes audiunt cælorum regiam esse apertam, regnare in ea Dominum Iesum, & ita quoque vt nostri meminerit familiariter. Huc enim pertinet quod dicit eum stare à dextris, quem aliàs scriptura refert sedere. Sedendi enim habitus regnantium est: at standi ad occurrendum & auxilia ferenda accinctorum. D. Hieronymus in Epistola (si modo titulus non fallit) qua de ijs disserit, quæ Deo in scripturis tribuuntur, Deus (inquit) stare dicitur, cum nos infirmos, id est, suam creaturam ad pœnitentiam ac conuersionem patienter sustinet. Poterat ergo Stephanus videri sic loquutus coram Iudæis, non tam quod Christo ferret testimonium, ipsumque sentiret auxiliatorem fore, quàm quod restaretur Deum paratum esse ad dandam misericordiam ijs qui pœnitentia compuncti ad se conuerterentur.

Exclamantes autem voce magna continuerunt aures suas, & impetum fecerunt vnanimiter in eum.

Impij obturant aures.

Impij clamoribus res suas agunt, ad arma protinus prosiliunt. De ijs in hunc modum scripsit Propheta Psalm. 57. Impij in corde concinnant nequitiam, & in terra manus ipsorum ad rapinam extendunt. Alienantur ab vtero, errant à ventre, loquentes mendacium. Furor eorum par est anguium furori, & sicut aspis surda obturant aures suas, quæ non audit vocem incantatorum, quantumcunque doctè incantent.

Et eiec'tum eum è ciuitate, lapidabant, ac testes deposuerunt vestimenta ad pedes adolescentis, qui vocabatur Saulus.

Mos lapidandi.

Hoc fit ex more gentis Iudaicæ. Lapidandos enim ex vrbe exturbabant, at vbi ad supplicij locum peruentum esset, testes vt ad cædem essent paratiores, exuebantur vestibus, deinde primi primos iaciebant lapides. Sic enim scriptum est Leuit. 24. Educ blasphemum extra castra, & ponant omnes qui audiuerunt manus super caput eius, & lapidet eum populus vniuersus. Porro mentio Pauli non citra maximam vtilitatem inseritur. Docetur enim pœnitentia, & Dei inenarrabilis misericordia. De quibus paulò post.

Et lapidabant Stephanum inuocantem ac dicentem: Domine Iesu suscipe spiritum meum. Positis autem genibus, clamauit voce magna: Domine, ne statuas illis peccatum hoc.

Constantia Stephani.

Hysteronproteron vel Epanaphora est. Redit enim ad id quod iam dixerat Stephanum fuisse lapidatum, & amplissimis verbis modum lapidationis, & quomodo se martyr Dei in periculo mortis gesserit exponit. Principio neq; iurgatur, neque maledicit, sed summa modestia Deum inuocat, huic vni animam commendat. Deinde in genua prouolutus orat pro inimicis suis, ne insanientibus hanc cædem imputet. Quibus admodum expressit Domini nostri exemplum. Hic enim in crucem adactus clamat: Pater, remitte illis, quia nesciunt quid faciunt. Deinde, In manus tuas commendo spiritum meum. Discamus ergo magna animi constantia & patientia mortem semel in nos grassaturum infraeto perferre animo. Qui in Christum credit, de morte transit ad vitam. Discamus vitam & animam nostram in manus commendare Domini Iesu, qui mortem fregit, vita & resurrectio est omnium sibi fidentium, & se in extrema necessitate inuocantium. Stulti sunt qui Diuos inuocant. Neq; Stephanus vel Zachariam vel Naboth ante se lapidatos inuocabat, sed tantummodo sanctum Domini nomen Iesu.

Et cum hoc dixisset, obdormiuit.

Dormit iuxta idioma scripturarum, qui mortuus est spe resurrectionis future. Omnis enim qui dormit, expergiscitur. Et qui in fide mortuus est, in fide saluatur olim suscitandus. Hoc ipsum testatur & Didymus Alexand. apud Hieronymum ad Minerium & Alexandrum. Hactenus autem de Stephano virtutis perfectissimo exemplari, qui tametsi misero & indigno mortis genere interierit, tamen perpetuo viuunt, & gloria eius nequaquam interibit.

Saulus autem consenserat in necem eius:

Σαυλος illorum vnus erat quos apprime affecerat, & quibus admodum placuerat supplicium viri. Hæc autem adiunguntur ceu præparamenta ad consequentem Pauli historiam.

CAPVTVIII.

FActa est autem in illo die persecutio magna aduersus Ecclesiam, quæ erat Hierosolymis, & omnes dispersi sunt per regiones Iudææ & Samariæ, præter Apostolos.



V V M semel exarsit populi furor, rarò vno aliquo malo sedatur. Iudæi ergo nihil saturati effuso martyris innocenti sanguine, quin latius grassantur. Solet enim impietas crudelitasq; veluti gradibus quibusdam, subinde seipsa animosior, ad summa còlcendere. Videas itaq; hoc in loco completum esse quod in Euangelio futurum prædixerat Dominus Ioan. 16. Fuga autem, quam Dominus apud Matth. in 10. permiserat, consulunt sibi multi. Soli Apostoli propterea non cedunt, quod prius oportebat in hac Hierosolymorum vrbe ad miraculum & ad superstitionem vsq; prædicari Euangelium, vt ex hoc & misericordia & iustitia Dei toti orbi innotesceret. Misericordia quidem quod Deus supra modum longanimis, miseram ꝑ lebem satis tempestiuè satisq; diligenter vocarit ad pœnitentiam. Iustitia verò, quod frustra non punierit immerentes, sed pessima quæq; commeritos, pessimè, & summa cum æquitate perdiderit. Hac inquam causa noluit nunc quidem Apostolos excedere, reliquos autè omnes (quod non crediderim carere Synecducha) dispergi voluit, sed non citra egregiam veritatis ac religionis frugem.

Curauerunt autem vnà Stephanum viri religiosi, feceruntq; planctum magnum super eum.

Nemo sanæ mentis damnauerit moderatam & iustam mortuorum curam. Quis enim probauerit Scythicæ gentis morem, quæ nullas impendit corporibus honores? Humanitatis est cum honore corpus demortui sepelire. At superstitionis sacra instituire. Proinde modum adesse volumus, & ne quid superstitione fiat, aut fidei contrarium. Quis enim istuc probauerit? Siquidem & Paulus ad Thessalon. Nolo autem (inquit) vos ignorare fratres de his qui obdormierunt, ne doleatis, quemadmodum & cæteri qui ipem non habent, &c. & D. Cecilius Cyprianus sermone de Mortal. 4. Nobis quoq; (ait) quoties reuelatum est, quàm frequenter atq; manifestè de Dei dignatione præceptum est, vt testarar assiduè & publice prædicarem, fratres nostros non esse lugendos accersiuè Dominica de seculo liberatos, quum sciam non eos amitti, sed præmitti, recedentes præcedere, vt proficiscentes ac nauigantes desiderari eos debere, non plangi. Nec accipiendas esse hic atras vestes, quando tibi indumenta alba iam sumperint. Occasionem non dandam esse gentibus, vt nos merito ac iure reprehendant, quod quos vivere apud Deum dicimus, vt extinctos & perditos lugeamus, & fidem quam sermone & voce depromimus, cordis & pectoris testimonio reprobemus. Spei nostræ ac fidei præuicinatores sumus. Simulata, fucata, ficta videantur esse quæ dicimus. Nihil prodest verbis proferre virtutem, & factis destruere veritatem. Hæc Cyprianus. Proinde in hunc locum D. Ioannes Chrysostomus. Nondum illi (inquit) qui plangebant erant perfecti. Rectius tamen D. Hieronymus super obitu Bleisillæ ad Paulam, Planctus ille in Actis (inquit) super Stephano habitus, non in plangentium exanimatione, sed in pompa funeris & exequiarum frequentia intelligendus est. Iam & in Ieremia videmus plerosque funerandi ac exequiarum ritus pertinuisse magis ad viuorum consolationem, quàm ad mortuorum salutem. Dolebat ergo non immerito plerisque, quod tantum in religione propugnatorem amisissent. Frequentes ergo aderant fideles, & sanctum Dei martyrem nõ transferebant, aut (vt dicunt) canonizabant, sed sepeliebant. Iam ergo frequentem illam turbam plebis, planctum dixit per Metalepsim aut Catachresim. Apparet autem hæc exequias ante proscriptionem & fugam illam fuisse exequutas. Commiscet enim historiam nonnihil hoc loco Lucas. Aut certè hinc claret non omnes aufugisse, proinde per Tropum esse exponendum, quod dixit omnes esse dispersos præter Apostolos.

Saulus verò deuastabat Ecclesiam, per singulas domos intrās, trahensq; viros ac mulieres, tradebat in custodiam.

Iam redit ad hoc quod dixerat, factam esse persecutionem magnam, & adumbrata Pauli tyrannide modum ac rationem, imo simulachrum afflictionis, seu hypotyposi statuit ob oculos. Saulus (inquit) antesignanus erat huius persecutionis. Nam is non modo in deprehenso grassabatur, sed & in ædes illorum irruebat, qui huius religionis essent insimulati. Id quod de se exponit Paulus, dom causam suam ageret coram rege Agrippa, dicens: Et multos sanctorum ego carceribus inclusi, & dum occiderentur detuli sententiam. Quæ cum luce sint clariora, sanè mirandum est quid Lyra-

Pauli tyrannis.

num & nōnullos alios adegerit, vt apologiam pro Paulo scribere tentarint, quasi Paulus ceperit quidem plurimos, neminem autē occiderit. Quasi verō obsecrū sit quod mox in 9. sequetur: Saulus autem adhuc spirans minas & cædem aduersus discipulos Domini. Ergo qui Dauidem homicidam nō reiecit, idem Apostolum Paulum reuocare potuit, vt eum toti orbi exhiberet Euangelicæ gratiæ & exemplar & præconem, 1. Timoth. 1.

Illi igitur dispersi peragrabant, annuntiantes sermonem Dei.

Vide quā facite fallat Dominus impiorum consilia. Impij in hoc assituerāt persecutionem, vt veritatem opprimerent Euangelicam, sed ea ipsa persecutio cedit in maximam Euangelij frugem. Prius enim in paucis certisque vrbibus prædicabatur Euangelium, nunc verō quā latissimè propagatum in multis gloriosum coruscat & vrbibus & regionibus. Ad hunc modum videmus subinde amarioribus dulciora misceri à Domino, ne sancti se desertos esse suspicari possint. Nondum autem prædicabatur Gentibus Euangelium. Id quod in 11. cap. clarius explicabitur.

Philippus autem peruenit in ciuitatem Samariæ, ac prædicabat illis Christum.

Quemadmodum hucusq; Stephani historiam peculiariter descripsit, paucis quibusdam de comuni Ecclesiæ statu interiectis: ita nunc quoque pauculis de Petro & Ioanne insertis, Philippi dun-
Philippus diaconus. taxat gesta ad 9. vsque caput describet. Video autem à multis dubitatū esse, Philippum ne hic Apostolus vnus è numero duodenario, an diaconus fuerit è numero septenario ab Ecclesia electorum. Et Polycrates quidem & Clemens apud Eusebium Ecclesiast. hist. lib. 3. cap. 11. videntur hæc de Apostolo intelligere. Nisi fortassis Apostoli nomen (quod vero similis est) non redegerint in numerum duodenarium. Nam ex consequentibus, & ex 21. cap. clarissimè patebit hunc non fuisse Apostolum è numero duodecim, sed diaconum, qui tamen assumpto Apostolatus munere, & deserta diaconatus functione Apostolus dici cæpit. Atq; huius nobiscum sententiæ est D. Hieronymus in dialogo aduersus Luciferianos. Obseruandum autem est, quòd Apostoli ac ministri Christi aliud nihil prædicant quā CHRISTVM & SERMONEM DEI. Deinde quòd etiā Samariæ prædicant, quod ipse iusserat in discessu suo vltimo, vt liquet Acto. 1.

Intendebant autem turbæ his, quæ à Philippo dicebātur, vnanimiter audientes & videntes signa quæ ædebat. Spiritus enim immundi è multis qui ab illis tenebantur, exibant, clamantes vocem magna. Multi autem paralytici & claudi sanati sunt. Et factum est gaudium magnum in illa ciuitate.

Miracula. Hoc ipsum est quod scribitur Marci 16. Illi autem egressi, prædicauerunt vbiq; Domino cooperante & sermonem confirmante per signa subsequētia. Non autem faciunt fidem miracula, id quod supra quoq; annotauimus. Alias enim credidissent impij quoq; Iudæi: sed adhibentur à Domino vt curiosæ carni non nihil respondeant & veritatis verbo viam sternant. Denique ad verbum veritatis clamant dæmones, contrā verò gaudent & lætantur fideles. Nam Euangelio expellitur expugnaturq; huius seculi princeps: peccatores autem spem recipiunt, itaq; gaudent. De morborum generibus scripsere Medici, de paralyfi verò Cælius Læst. antiq. lib. 3. cap. 22.

Vir autem quidam nomine Simoni, qui ante in ea ciuitate artem exercuerat magicam, ac gentem dementauerat Samariæ, dicens se esse quempiam magnum, cui auscultabant illi à minimo vsq; ad maximum, dicentes: Iste est virtus Dei, quæ vocatur magna. Auscultabant autem ei, propterea, quòd multo tempore magicis artibus dementasset eos. Cum verò credidissent Philippo Euangelizanti de regno Dei, deq; nomine Iesu Christi, baptizabantur viri simul ac mulieres. Tunc Simoni & ipse credidit, & cum baptizatus esset, adhærebat Philippo. Vidensq; signa & virtutes fieri, stupens admirabatur.

Aduersaria potestas adeo non frangit veritatem, vt eam magis consolidet. Proinde veritas rarissimè est sine aduersaria virtute. Id quod vel in hoc Simone mago viro Iudæo & impostore egregio apparet, qui virtute Dei victus ipse magiam suam & aspernari & ad tempus deferere cogitur. Faciebat hoc plurimum ad authoritatem Apostolicam cōfirmandam. Potuissent enim homines suspicari quod & ipsi magicis præstigijs luderent alicubi aut dæmonū arte instructi id facerent quod faciebāt, quæ su-

quæ suspicio Simonis fide penitus sublata est. Nam ambiens virtutem Apostolicam, suam prodidit stultitiam. Exigit autem hic locus paucula quædam annotare ex scriptoribus de magia, ut aliquot De *Magia*, scripturæ loci ex hisce illustrentur. Est ergo communis opinio Magiæ & Magum voces esse Perlicas, & Magum significare eorum lingua idem quod sacerdotem, philosophum, diuinorumque interpretem & cultorem, Magiam vero omnem philosophiam physicam & mathematicam, sed & religionum vires complecti. Atque in hac sententia fuere Porphyrius, Apuleius, Cælius atque Sabellus. Idem illi deprehenderunt Magiæ huius species esse duas. Alteram quidem non aliud quam naturalis philosophiæ apicem. Alteram vero infamem ac immundorum spirituum commertijs inauspicatam: quam & non magnopere Magiam sed Goetiam appellarint Græci, incantationibus & carminibus nefariæ (ut ait Cælius) curiositatis arte compositis concinnatam, quam honestiore vocabulo etiam Theurgiam nuncuparint. Illius porro studiosi vulgo vocantur Malefici: horum enim proprie est Goetia, cuius libros improbatæ lectionis appellat iureconsultus Ulpianus, quos & prociuis statuit esse comburendos. Alij forsan expeditius bifariam diuiserunt Magiam, in naturalem videlicet & ceremoniam. Naturalem nihil aliud esse putarunt, quam quod supra diximus, totius philosophiæ apicem, quæ naturalium virtutum adminiculo, astrorum, herbarum, gemmarumque, ex mutua earum & opportuna applicatione, opera ædit supra omnem admirationis captum. Et hac Indi ac Æthiopes maxime vsi traduntur, utpote apud quos herbarum, lapidum, astrologiæ studium, cæterorumque ad id spectantium facultas suppetebat. Cuius quidem generis Magos videtur fuisse eos, qui Christum narum muneribus inuisentes adorauerunt. Siquidem & Euangeliorum interpretes illos exponunt Chaldæorum fuisse philosophos: quales omnino fuere Iarchas apud Brachmanas, Tespion apud Gymnosophistas, Numa Pompilius apud Romanos, & Hermes apud Ægyptios. In hac imbuebantur Persarum regum filij. De qua re copiosiora inuenies apud Antonium Sabellum Enneade 2. lib. 2. Sub naturalem retulerunt & Magiam mathematicam, qua miracula quædam præter naturam sunt. Qualis fuit Architæ Tarentini columba lignea, quæ volabat, ut erat apud Plinium & Plutarchum. In ea præmodum excelluit maximi ingenij vir Boetius, de quo Aur. Cassiodorus, Tibi (inquit) ardua cognoscere & miracula monstrare propositum est. Tuae artis ingenio metalla mugiunt. Diomedes in ære grauius buccinatur, æneus anguis insibilat, &c. Sub eandem retulere & magiam veneficam, quam alij vocarunt *magia*, quæ poculis, phyltris, varijsque veneficorum medicamentis constat: cui & metamorphosin Cires artem ascribunt. Huius meminit etiam Augustinus in libris de Ciuitate Dei. Eiusdem quoque generis videtur Ægyptiorum fuisse incantatio, qua baculos vertebant in colubros. At hac quidem parte plurimum inclinat ad Goetiam. Ceremonialis enim magiæ species sunt Goetia & Theurgia. Goetia autem constat (ut supra diximus) immundorum spirituum familiaritate & auxilio. Huius ministros non modo Maleficos, sed & Necromanticos appellamus. Nam defunctorum inelamant consuluntque animas. Huc pertinet Epodi, qui excantant pueros & in eloquium oraculi eliciunt, & quidæmones parædros, quos famularis spiritus vocant, iactitant: quiq; ut dicitur, spiritus pascunt in vitro, per quos se prophetare mentiuntur. Et hi omnes bifariam procedunt. Nam alij demones malos virtute quadam maxime diuinorum nominum adiuratos aduocare & cogere student. Alij autem omnium nequissimos se demonibus submittentes, illis sacrificant, eosque adorant. Ex hac hominum secej colluxerunt nobis characterum & prodigiorum nominum genera, ad quæ mali demones sponte comparent, nimirum ut actu suo decipiant, ut adorentur ac venerentur. Iam vero Theurgia maximam ceremoniarum partem continet, & consistit in munditia cum animi tum corporis seruanda, item eorum quæ circum corpus sunt, ut in cure, in uestibus, in habitaculis, in vasis, instrumentis, hostijs & id genus superstitionibus. Dæmon etenim ad decipiendum callidissimus, imposturas suas specie sanctitatis ceu nassa inuoluit, ut imprudentiores capiantur facilius. Neq; vero & minima portio huius maledictæ artis est præstigiorum artificium, hoc est illusionum, quæ secundum apparentiam tantum sunt, quibus Magi phantasmata ædunt, multaque miracula circulatorijs fraudibus ludunt, & somnia immittunt, quod non tam Goeticis incantamentis quam etiam certis fumigiorum vaporibus, luminibus, collirijs, aligationibus & suspensionibus, præterea & annulis, speculis, & alijs id genus magiæ instrumentis fit. Hæc autem omnia ex varijs rerum scriptoribus maxime vero Cornelio Agrippa in vsu studiosorum collegimus. Ex quibus omnibus patet non aliud esse Magiam potissimum ceremoniam, quæ complexum idololatriæ, astrologiæ, perfidiæ & superstitionis nequandæ, è qua nobis maximæ & pleræque in Ecclesia Christi blasphemiarum atq; hæreses exortæ sunt, quemadmodum de hoc ipso Simone Mago in Ecclesiast. hist. exposuit Eusebius, & de Valentinianis sanctus Dei martyr Irenæus. Certe Simon in hac infami magia illustris fuisse videtur, cuius subsidio & miracula patrarit, & morbos induxerit corporibus, deinde vero eosdem iterum expulerit. Hoc enim petmitit Deus propter infidæ

Naturalis Magia.

Ceremonialis Magia.

Magia Theurgica.

Simon Magus.

1. Theff. 2. litatis nostræ crimen scelestissimum. Quin & ipse Paulus de Antichristi prodigijs mentionem faciens, Cuius (inquit) aduentus est secundum operationem satanæ, cum omnipotentia, & signis, & prodigijs mendacibus, & cum omni deceptione iniustitiæ, in ijs qui pereunt, pro eo quod dilectionem veritatis non receperunt in hoc ut salui fierent: & propterea mittet illis Deus efficacem illusionem, ut credant mendacio, qui veritatem repulerunt. Huc pertinet & illud à lege Domini petendum, Si surrexerit in medio tui Prophetes, & dederit tibi signum atque portentum, & euenerit quod loquutus est, dixerit autem, Seruiamus dijs alienis, non audies verbum eius, quia tentat vos Dominus Deus vester, ut palàm fiat vtrum toto corde ipsum diligatis. Constat ergo impostores aliquid posse. Nam & Strabo celeberrimus author libro 8. de situ orbis tradit Epidaurij celebre Æsculapij fuisse templum, quod non alia causa peteretur, quam quòd tot morbi in eo curarentur. Mira quoque de Apollonio Tyaneo refert Philostratus, & multo mirabiliora de varijs miraculis Lactantius Institut. lib. 2. cap. 8. Minus ergo mirandum quod hic in Luca legimus de Simone mago. Nobis autem hoc spectandum est, quod ipse Lucas artes illius nihil aliud ait esse, quam dementiam, imò quod ipse præstigiator Simon arte sua reiecta, virtutem Philippi adeo admiratus est, ut eam auro etiam, si licuisset, comparasset. Proinde reiectis contemptisq; præstigijs illis, audiamus quid præceperit Dominus, dicens. Ne sit inter vos qui ariolos sciscitetur, & obseruet somnia atque auguria, nec sit maleficus, nec incantator, neque qui pythones consulat, nec diuinos, & qui quærat à mortuis. Omnia enim hæc abominatur Dominus, & propter istiusmodi scelera Dominus Deus tuus deleuit Gentes in introitu tuo. Perfectus eris cum Domino Deo tuo. Gentes istæ quarum possidebis terram, augures & diuinos audiunt, tu autem à Domino Deo tuo aliter institutus es. Et alibi, Vir siue mulier in quibus pythonicus vel diuinationis fuerit spiritus, morte moriantur. Illud porro nimis verum est, quod audimus promiscuum vulgus ad præstigias orandas semper fuisse propitissimum. Quid enim aliud est quod dicit, Auscultabant illi à minimo ad maximum? Videas & hodie multos pro magnis haberi à superstitione credula plebe, qui certe profligatissimi nebulones sunt, & multis digni erant supplicijs. Quod autem scribitur Simonem credidisse, ex communi more loquendi scribitur. Siquidem eos etiam credere dicimus, qui licet verè non credant, attamen se credere simulant. Miror autem quid ad hunc locum respondere possint Carabaptistæ, qui infantibus hoc potissimum nomine baptismum denegant, quod præ rationis infirmitate nondum credant. Nam & Simon non credidit & tamen baptizatus est. Porro si contendunt confessionem oris valere aliquid, quid aliud, quam non credentes baptizandos esse contendunt? Confitentur enim & hypocritæ. Nulla certe erit posthac inter infantium & hypocritarum baptismum differentia. Nam quo iure illi hypocritas baptizant, hoc nos infantes baptizamus: imò longe meliore. Si enim in baptismo spectanda est animi integritas siue sinceritas, quæ fidei summa virtus est, iam certiores sumus de infantium sanctimonia, quam illi de adultorum confessione. Proinde si non peccauit Philippus baptizando Simonem, ne nos quidem peccauerimus, infantes lustrando aqua sancti baptismatis.

Cum autem audissent Apostoli qui erant Hierosolymis, quod recepisset Samaria sermonem Dei, miserunt ad eos Petrum ac Ioannem;

Auxilia. Mittuntur Apostoli primarij, ut Philippo laboranti ferant suppetias. Quis enim vnus possit omnia? Auxilia igitur in omnibus rebus in primis sunt necessaria. Ita audiemus Paulum Apostolum à Barnaba Antiochiam esse vocatum deductumq;. Mittuntur autem ut adiutores, non ut Domini. Par enim potestas omnibus data est. Donorum augmenta alium alio præcellentiore efficiunt. Nul libi vero inuenias Petrum misisse quenquam, at missum ab alijs hoc loco demonstratur. Hic item impleri vides quod dixit Dominus, fore ut & Samaritæ prædiceretur Euangelium, Act. 1.

qui cum descendissent, orauerunt pro ipsis, ut acciperent Spiritum sanctum. Nondum enim in quenquam illorum illapsus fuerat, sed baptizati tantum erant in nomine Christi Iesu. Tunc imponebant manus super illos, accipiebantq; Spiritum sanctum.

Accipere Spiritum sanctum. Si ergo Spiritum sanctum nondum acceperant, quomodo credere potuerant? An vero quisquæ vere Deo fidere poterit absque Sancti spiritus illustratione? Aut cui videatur verisimile ante Apostolorum aduentum neminem prorsus in tota Samaria credidisse? Hic non nescio quam hic locus multos torserit, & ansam multis præbuerit asserendi Philippo propterea non tantam fuisse virtutem quam Apostolis, quod esset diaconus. Verum egq; crediderim totam difficultatis causam regi orationis amphibologia. Nam Accipere Spiritum sanctum non eodem semper modo in scripturis vsurpatur

patur. Nam Spiritum sanctum accipiunt aliquoties qui docentur: ita accipere Spiritum sanctum significat doceri. Aliquoties accipiunt Spiritum sanctum, quorum corda sensu celestium bonorum tanguntur: ita accipere Spiritum sanctum, est credere. Aliquoties accipiunt Spiritum sanctum, quorum mentes confirmantur pacanturque: ita accipere Spiritum sanctum, significat tranquilla esse conscientia, ut in Galat. 3. Scire cupio an ex operibus legis spiritum acceperitis, an ex prædicatione fidei? Rursus accipiunt Spiritum sanctum, qui dona linguarum, sanationum ac virtutum suscipiunt: ita hoc loco accipere Spiritum sanctum non significat iam primum credere, aut conscientiam assequi tranquillam, aut erudiri, sed augeri spiritum, & dono linguarum præcellere & virtutes facere. Id autem sic habere principio ex temporis liquet circumstantia. Inter initia adhuc erat, nec diu docuerat Philippus, alioqui non expers huius virtutis, sed præcesserat Apostolos (& ipse Apostolus, nec iam amplius diaconus) & candidatos nihil adhuc quam initiarat. Hoc enim pollet quod dicit, Baptizati tantum erant sub nomine Christi Iesu. Vnde nos quoque colligere possumus, baptismum non esse aliud, *Baptismus,* quam initiationem populi Dei, qui tempore in fide & donis Dei grandescit. Non enim perfectorum duntaxat est hoc signum, ut Catabaptistæ contra huius loci genuinum asserunt sensum, sed eorum quoque qui huius religionis alumni sunt futuri. Deinde peculiarem quoque vim habet hæc locutio, *ἐν τῷ πνεύματι*, Erat elapsus siue delapsus. Nam hoc magis innuit exteriorem (qualem in 2. cap. audiemus, & in 10. audiemus) donorum dispensationem, quam animorum inmutationem. Alias enim Simon homo prophanus, & omnis interioris expers virtutis, nisi sensu exteriorum donorum allectus esset, hæudquaquam tanto animi ardore ac pretio summo spiritum licitasset. Crediderunt ergo Samaritanæ prædicationi Philippi, adeoque & per Spiritum sanctum crediderunt, quem acceperant, sed secundum mensuram. Non enim in initio aliter fieri potuit. At cum iam descendissent Apostoli, & pietas multorum iam indies confirmaretur, augereturque, orarunt pro eis Apostoli, & manus imponerent credentibus. tum vero Spiritum sanctum accipere abundantius, adeo ut & linguarum miraculo & alijs pollerent virtutibus, in quibus tamen hætenus nemo illorum post Philippum quicquam præstiterat. Hicce astipulatur Diuus Ioannes Chrysostomus, dicens: Spiritum remissionis acceperant, spiritum autem signorum non acceperant. Nam non est idem assequi redemptionem & illam virtutem. Atque hic videtur omnium simplicissimus esse sensus. Nam ea quæ hic à nonnullis disputantur de discrimine episcopi & diaconi, non in loco dicuntur. Nam Philippus hic iam non erat diaconus, sed Apostolus: olim Hierosolymis fuerat diaconus, dum præfectus ærario Ecclesiastico non iam prædicaret, sed pauperum gereret curam. Tales enim veteribus dicebantur diaconi. Hos inferiores esse episcopis & presbyteris, recte disputauit ad Enagrium Hieronymus. Iam vero manuum impositio, cuius & in Evangelio & hic fit mentio, non ubique pari ratione est obseruata. Inuenias enim & sanatos & spiritu Dei donatos esse, quibus tamen nullæ manus imponebantur. Aliquoties ergo ceu ceremonia est adhibita, quæ externo signo significaret, huius quod conferebatur beneficii autorem esse non hominem, sed manum, id est, virtutem Dei. Hinc enim iungitur ei & oratio.

Episcopus Diaconus.

Cum vidisset autem Simon, quod per impositionem manuum Apostolorum daretur Spiritus sanctus, obtulit eis pecunias, dicens: Date & mihi potestatem istam, ut cuiuscunque imposuero manus, accipiat Spiritum sanctum.

Hic tandem prodit se veteratoris malitia, à qua coniectamus quo affectu animique instituto illectus, fidei se simularit asseclam. Affectus enim æmulatione gloriæ, cæcatusque lucri gratia, hanc virtutem ambiuit, ut solent qui paruo emunt ut pluris reuendant. Sed damnati sunt iam olim cum à Christo in Evangelio Matthæi 8. tum ab Apostolo Paulo dicente, Seiungere ab ijs qui mente corrupti sunt, quibus adempta est veritas, & qui existimant quæstum esse pietatem. Est autem quæstus satis magnus pietas cum animo sua sorte contento, 1. Tim. 6. Quin potius audiamus Petri super hac re sententiam.

Petrus autem dixit ad eum: Pecunia tua tecum sit in perditionem, quoniam donum Dei existimasti pecunijs parari. Non est tibi pars neque fors in ratione hac: cor enim tuum non est rectum coram Deo. Relipisce igitur ab ista malitia tua, & roga Deum si forte remittatur tibi cogitatio cordis tui. In felle enim amaritudinis, & colligatione iniquitatis video te esse.

Principio verbis Apostolica autoritate plenis in peccatum eius inuehitur, hoc protrahit & condemnat. Deinde vero hortatur ad pœnitentiam. Quod sane elegantissimum exemplum est diuinæ

ac Apostolicæ cum feueritatis tum lenitatis. Prima autem orationis pars stomachum habet ac per apostolopesim videtur elata. Quasi dixerit, Dispereras vnâ cū nummis tuis, adeo n̄ cæcus es, vt credas cœlestia dona parari posse pecunia terrena? Hinc vero infert, Non est tibi pars, neque fors in negotio Euangelico, alludens ad terræ promissæ hæreditatem, typum æternæ vitæ. Causam addit, Cor enim tuum non est rectum coram Deo, Exigit autem Deus cordis integritatem, hypocrisim auersatur. Secunda porro orationis parte hortatur ad resipiscentiam. Modum quoque indicat per quem ad resipiscentiam possit peruenire, Iusta Dei inuocatione. Et quo magis moueretur iterum causam eius exaggerat, & ait: Video te esse in felle amaritudinis & in vinculis siue colligatione (verstrickt) iniquitatis. Posuit autem amarum illud fel aut bilem atram pro æmulatione & inuidia, qua par esse laborat Apostolis Magus homo, qui prius rerum gestarum magnitudine famam sibi non in celebré comparasset. Egre enim superiores patiuntur, qui aliquando gradum habuere summum. Hac fellis metaphora vsus est & Moles Deuter. 29. & Paulus Hebr. 13. Colligatio autem iniquitatis pecuniæ studium habet & avaritiam complectitur. Annotauit & illud Erasmus in Epistola, Si forte, forte inquam. Coniunctionem esse expletiuam, quod referendum duxi, ne quis criminis magnitudini, Dei misericordiam denegatam suspicaretur, aut certe Petrum dubitasse de peccatorum remissa. Quanquam omnis remissio à conditione pendeat veræ videlicet fidei & pœnitentiæ sinceræ. Habes ergo hic alterum Apostolicæ feueritatis exemplum. In 5. cap. Ananias & Saphyra dederant pœnas simulationis. Hic vero damnatur æmulatio & lucri iniqui studium, quod ex religione capitur aut decerpendum instituitur. Vtrunque in Ecclesia maximorum malorum seminarium est. Vtrunque ergo mira feueritate secatur. In Simone Petro habent optimi quique episcopi exemplum, quo discunt quid ipsis sit faciendum. Porro in Simone Mago discimus omnes, quid sit vitandum, & ne quis posthac in Euangelio suum quærat compendium. Legimus in historia Regum Giezi Helizei ministrum misere periisse quod dona Dei vendidisset pro auro. Ab hoc autem Simone sunt qui Simoniam dictam existimant, crimen omnium nocentissimum & pessimum, quod hodie adeo occupauit Ecclesiam Ecclesiasticosq; proceres, vt hunc Simonem innocuum credere possis ad illos collatum. Constat enim remissionem peccatorum ipsissimum esse largæ Dei misericordiæ munus. Audimus Petrum clamantem: Non potest pecunia parari donum Dei. At illi clamitant, Redimite indulgentias, vota institute, offerte, missas & preces emite, vt remittantur vobis peccata vestra, breuiter, nihil habent tam minutum quod sponte dent, nisi pecuniam numeres. Quid quod sacerdotia & præbendæ (quas vocant) denique omnes Ecclesiastici redditus istorum avaritiæ & libidini sic sunt expositi, vt ijs alimonijs, quibus labores Apostolici & sudor Euangelicus, necessitas item egenorum sustentari debuissent, iumenta hodie & canes, & seruitia, ne quid aliud dicâ liberius, in otio luxu & voluptate aluntur? Inuenias enim huius generis qui Cræso ditiores & Sardanapalo corruptiores, otiosius & bene curata cute sex aut septem possideant sacerdotia. Interim vero periclitatur doctrina Euangelica, negliguntur studia, & inopes misere affliguntur inopia. Sed faxit Deus vt illi ad mentem redeant & supplicium Dei impendens digna pœnitentia declinent.

Respondens autem Simon, dixit: Precemini vos pro me apud Dominum ne quid eueniat in me horum quæ dixistis.

Ficta est illa pœnitentia qualis & Iudæ proditoris erat. Quin & ipsa verba satis frigida desperationem resipiunt. Nam quod preces Apostolorum ambit, non solida pœnitentia facit, sed metu percussus. Tandem enim subdit, Ne quid horum in me eueniat. Plura de hoc Simone mago lege in Iustino & Irenæo, apud Eusebium Ecclesiast. hist. lib. 2. cap. 13. Sunt qui dicant Simonem & vere credidisse & pœnituisse, sed falluntur hi hominis hypocriti.

Et illi quidem testificati & loquuti sermonem Dei, reuersi sunt Hierosolymam & multis oppidulis Samaritanorum Euangelizabant.

Paucis quidem abrupit hæc de gestis Apostolorum in Samaria historiam, accingitur ad ea de scribenda, quæ post hæc per Philippum & cum Eunochi & in nonnullis maritimis acta sunt vrbi-
bus. Testificari autem sermonem Dei, est magna libertate & gravitate annunciare veritatem, quam nisi susceperis, audieris tamen, tibi ipsi in testimonium iustæ damnationis audieris. Sumpta est metaphorâ à testibus & ratione testificandi.

Angelus autem Domini loquutus est ad Philippum, dicens: Surge, & va de meridiem versus, ad viam quæ descendit ab vrbe Hierosolymorum ad civitatem Gazam, hæc est deserta. Et surgens abiit.

Omnia

Videri poterat
& correctio ef-
se, Quasi di-
cat, Sed quid
te hortor, cum
desperaueris?

Seuerum ex-
emplum.

Adversus Simo-
niacos.

Descend den-
tibus

Testificari.

Omnia aguntur Dei prouidentia. Aguntur autem per media quædam. Ita enim eunuchus prædicatione Philippi ad cognitionem veritatis prtingit. At Philoppus mandato Domini eunuchum accedit. Quibus enim bene vult Dominus, ijs mittit doctores veritatis. Quos autem abijcere & sup-
plicijs diris mancipare vult, ab ijs tollit veritatis præcones. Proinde sicut Missio in primis necessaria est, ita supra modum salutaris est. Caueamus ergo ne obuiam veritatem repellamus. Porro vocem Deserta, alij non ad Gazam urbem, sed ad regionem referunt. Alij ad urbem ipsam vastatam. Fortasse Lucas viam deserti intellexit.

Præcones vero
bi.

& ecce vir Æthiops, eunuchus, præfectus Candaces reginæ Æthiopum, quem præfecerat vniuersæ Gazæ suæ, venerat adoraturus Hierosolymam, & reuertebatur sedens super currum suum, legebatq; Isaiam Prophetam.

More historico nec sine mysterio describit principis personam à natione, officio, & religione. Nam natione Æthiops erat, hoc ipso specimen præbens fore, vt & Æthiopibus & omnibus alijs gentibus (iuxta Isaiæ varicinium) prædicaretur salus, quamuis ipse videatur fuisse profelytus. Deinde vero idem ille eunuchus, id est, aulicus, reginæ Æthiopum ærario præfectus erat. Non itaque vllum genus hominum reijcit ab Euangelica salute Dominus, non principem, non ærario præfectum, aut alio quopiam Reipub. præditum officio, modo istud cum manifesta impietate non sit coniunctum. Quod autem Eunuchum pro aulico interpretati sumus, hinc est quod ea vox hoc loco non sexus aut impotentis (vt sic dicam) denotatio est, sed officij. Nam veteribus ministri aulæ per catachresim dicebantur Eunuchi. Catachresis autem nihil aliud est quam vocis abusus: veluti cum piscinam dicimus in qua lauamus, nec pisces insunt. Habet tamen hæc figura allusionem: vnde cum regibus receptissimum esset eunuchos præficere administrationi aulicæ, successu temporis factum est, vt hoc nominis ad omnes aulæ ministros dimanarit. Factus est igitur hic loquendi modus Hebræis vsitatissimis, apud quos ego crediderim כֹּהֵן indifferenter poni pro כֹּהֵן. Est autem כֹּהֵן aliud nihil quam princeps aut satrapa. Huius rei certa argumenta comperies Gene. 37. & 40. Item 1 Samuelis 8. & 4. Regum 20. Quin & etymon vocis Græcicæ huc quadrat. αἰσχυρ enim ab asseruandis cubilibus dictus est. Nam αἰσχυρ cubile dicitur, & αἰσχυρ asseruo. Quia ergo hic Gazam, id est, opes (est enim Gaza, teste Seruio grammatico, vox Persica) thesaurumque asseruabat, per abusionem eunuchus, quasi Gazophylax est appellatus. Felici⁹ ergo reddiderimus Germanice, *Ein amptman oder hoffman*/ quam cin versibimus: cr. Iam & hæc nequaquam prætereunda sunt, quæ nunc annotabimus. Prius, *αἰσχυρ* Græcam vocē & à Latinis vsurpari. Ægyptij enim soliti sunt suum magistratum Dynastiam, præfectos autem vocare Dynastas. Posterius, Candaces Genitiuum esse à Nominatio Candace, quod nominis ita commune omnibus Æthiopum regnis fuisse videtur, vt apud Ægyptios Phrao & Ptolemæus regibus. Id porro ita habere testatur Plinius in 6. cap. 29. & Strabo libro Geograph. 17. Neq; vero incredibile cuiquam videatur quod fœmina Æthiopibus imperarit. Similia enim his referunt historiæ de Semiramide, Didone, Thomyri, Saba, Pentheûtes, alijsq; multis. Illud vero viri religionem attinet quod Hierosolymam adoraturus venerat, & Isaiæ Prophetiam legebat. Vnde profelytus videri poterat. Nondum enim vocatio Gentium in hisce terris, intraque gentem Iudaicam cœpta ac vsitata erat, sed à Petro primum cum Cornelio inducebatur. Cæteram si quis contendat Æthiopem prorsus fuisse gentilem, non magnopere recalcitrabo. Causæ enim propter quas videri poterat profelytus fuisse non eæ sunt, quæ contrauerentem reuincere possint. Nam quod Hierosolymam adoraturus ascendit, non ex Iudaica religione, sed Gentium quoque obseruatione ascendit. Tanta enim fuit apud omnes Gentes templi Iudaici gloria & opinio, vt ex remotissimis etiam terris religionis gratia Hierosolymam peregrinatio institueretur. Cuius quidem rei apertissima inuenias testimonia, & in Cicerone alibi, & in Iosephi Antiquitatibus, maxime vero apud Iuannem in 12. Deinde vero tanta semper fuit Æthiopibus cum Iudæis familiaritas, vt aliquando etiam publico nexi fuerint fœdere, id quod Isaias testatur in capite 19. Non itaque mirum si illi sensum habuerint legis Dei & Prophetarum. Quid quod ante ducentos annos rex Ægyptiorum Ptolemæus curauerat legem Iudaicam opera LXX. interpretum transferri in linguam Græcicam, quæ tunc temporis omnibus penè nationibus erat notissima, in primis autem Æthiopibus, ac Ægyptijs maxime ob commercium cum Romanis, atque ante hoc cū Alexandro Macedone. Præterea omnibus penè regnis receptissimū fuit, vt principes & in religione & in honestis disciplinis sanè instituerentur, quin & per omnem vitam lectioni quæ ad religionem & rempublicam promouendam faceret, essent addicti. Testatur hoc Plato in Alcibiade, Plutarchus item in eo libello quo docet in principe requiri doctrinam, & Crinitus libro de honesta disciplina 1. capite secundo. Iterum igitur minus mirandum si is

De Eunuchis.

Hierosolymam
venit & Pro-
phetam legit.

Vide boni prin-
cipis studia.

qui gentilis erat Isaiam legebat. Hinc autem discant principes & magistratus nostri eruditionem amplecti, hoc est alia alijsq; vanitatibus positis, bonos vel sacros authores (cum per publica licet negotia) perulstrare. Neq; pudeat eos huius ceu pœnitendæ & minime magistratui dignæ rei, cuius non pœnituit neq; Iosue, neq; Dauidem, neq; Ezechiam, adde ne Alexandrum quidē ipsum, Scipionēque aut Iulium Cæsarem, principes, quibus hic orbis nullos habuit vel fortiores, vel feliciores.

Dixit autem spiritus Philippo: Accede & adiungē te ad currum istum. Accurrens autem Philippus, audiuit eum legentem Isaiam Prophetam, & dixit: Intelligis ne quæ legis? At ille ait: Quinam enim possim, nisi aliquis dux viæ mihi fuerit? Rogauitq; Philippum, vt ascenderet, sederetq; secum.

*Humanitatis
exemplum in-
signe.*

Hic vide amice Lector, quid sit sacris nauare operam. Hoc medio (humano more loquor) inducitur Æthiops in veram veræ adorationis religionem. Vide autem quam comis sit hic princeps, & quam facilem se præbeat viro ignoto & homini peregrino. Non arroganter (nostrorum more) Apostolum reijcit. Vnde nouus hic hospes? aut quid tu hic? quid tua retulerit, impostor, intelligam an minus? sed insigni humanitate loquentem excipit, & ab eo quod non intelligit perdiscere cupit. Vti nam multos tales habeamus principes, sanè plus felicitatis regnaret, minus miseræque. Quin & in currum sustulit pedibus incendentem, vt omnia perdisceret certissime. Hinc autem doctissime collegit Diuus Hieronymus de scriptura sacra ad Paulinum scribens, scripturam omnino expositione egere. Cæterum Aurelius Augustinus libro de doctrina Christi. i. cap. 36. hanc expositionem ad certas referens regulas, Quisquis (inquit) scripturas diuinas vel quarumlibet earum partem intellexisse sibi videtur, ita vt eo intellectu non ædificet geminam charitatem Dei & proximi, nondum intellexit. Quisquis vero talem inde sententiam dixerit, vt huic ædificandæ charitati sit utilis, nec tamē hoc dixerit quod ille quem legit eo loco sensisse probabitur, non pernitiōse fallitur, nec omnino mentitur. Quapropter cum quis cognouerit finem præcepti esse charitatem de corde puro & conscientia bona & fide non ficta, omnem intellectum diuinarum scripturarum ad ista tria relaturus, ad tractationem sacrorum librorum securus accedat. Hæc Augustinus. Est & alibi de exponendis scripturis dictum copiosius.

Argumentum autem scripturæ quam legebat, erat hoc: Tanquam ouis ad occisionem ductus est, & sicut agnus coram tondente se mutus, sic non aperuit os suum. In humilitate ipsius, iudicium eius sublatum est. Generationē autem eius quis enarrabit? Quoniam tollitur de terra vita eius. Respondens autem Eunuchus Philippo, dixit: Obsecro te, de quo Propheta dicit hoc, de se, an de alio quopiam? Aperiens autem Philippus os suū, & incipiens à scriptura ista, prædicauit illi Iesum.

Secundum translationem LXX. interpretum citauit Isaiam Lucas, & verisimile est Æthiopem Græco usum esse amplexari. Mirum autem est quod hic locus quo in omnibus Prophetis nullus est de Christo apertior, hic sese obtulerit. De hoc enim verissime dixit Hieronymus, quod Isaias historiam verius recitasse quam vaticinium contexuisse videatur. Sed facit diuina prouidentia omnia apertissime. Locus autem apud Prophetam extat in cap. 53. Quem nos iuxta veritatem Hebraicam paraphrasi, quo omnia planiora sint, referemus. Sic habet negotium. Descripserat hætenus Prophetam à 40. capite liberationem & beneficia quæ per Christum Ecclesiæ fidelium conferuntur, & quia non immerito fidelis animus mirari potuisset quis vel qualis nam ille futurus esset tantarū rerum & mysteriorum collator in 53. cap. ipsum CHRISTVM per prosopographiam describit, maxime tamen humanitatem, passionem & victoriam, diuinam naturam parcius attingit, & dicit: Nascetur hic è stirpe Dauidica, & crescet coram Domino tanquam virgultum. Et sicut radix in humo siticulosa, ita hic inuitis omnibus suis hostibus emerget. Interim verò speciem non habebit Messiæ, neque decus regum. Non enim non habebit regias opes, sed ne tantillum quidem vt caput suum reclinare possit. Breuiter, non erit ei species aut forma, neque vilius eum reputabimus. Apud impios ergo despectus & contemptissimus erit hominum: at apud pios in summo pretio habitus. Hi enim norunt, quod in hoc ita tentatus sit, vt fratrum quoque dum affliguntur misereri possit. Illi porrò sic affectum nullius reputabunt, adeo vt & vultum sint ab eo absconfuri, & dicturi, Recede à nobis, scientiam viarum tuarum nolumus. Cæterum cum ipse virorum iustissimus sit, tanta interim mala pertulerit, vere non suos, sed nostros labores tulit, & dolores nostros, nobis propter peccata debitos, portauit

*Caput Isaiæ 53.
paraphrasi ex-
positum.
Christus.*

Natiuitas.

Humilitas.

Infirmetas.

Iustus.

tauit. Nos autem id non exactius pensicolantes, existimabamus hunc à Deo merito plagatum. Cum tamen ipse non à suis, sed nostris vulneretur transgressionibus, & propter iniquitates nostras con- *Pax.*
teratur. Castigatio enim quæ nobis debebatur merito, in ipsum incidens, nobis pacem coram Deo
conciliavit, itaq; eius luore sanati sumus. Et ut nemo nescire possit quale fuerit peccatum mundi,
propter quod tanta passus est, item quam perditum fuerit omne prorsus genus humanum, sic habet
res. NOS OMNES tanquam ovis, pecudum stultissima, erramus, & quis nostrum sua tam exi- *Peccatum.*
mie quæsiuit & suo genio indulgit, ut nulla superfuerit viuendi spes: adeo corrupta erant omnia. Hic
ergo quum nos non esse nos soluendo, misericors Dominus imposuit ei VNIVERSAS iniquitates *Satisfactio.*
nostras. Harum ergo gratia angustabitur Messias & affligetur. Atque hic tantam exhibebit patien- *Patientia.*
tiam, ut oui conferri possit. Nam sicut illa ad latienam protracta, aut ad refecandum vellus coram
tonfore statuta, nihil obblaterat, aut recalcitrat: sic ille coram iudice mendacijs aspersus, & de tum-
ma impietate accusatus, non aperiet os suum. Proinde ex angustia & pœna illa eripiet eum Domi- *Gloria.*
nus, & dabit ei nomen quod est super omne nomen: maxime quod aliàs filius Dei sit. Quanquam e-
nim nunc ordo generationis ad virginem referatur, diuina tamen generatione sempiternus est, eius-
dem cum patre substantiæ. Nec obstat quod nunc quidē è viuis est extirpatus. Nam hoc illi (quod iam *Deus.*
sæpe monuimus) propter plagam populi sui cōtigit. Iam ut modus quoq; huius afflictionis videatur,
sic habet res. Constituit Dominus ut hic filius suus maxime infami mortis genere caderet, nempe *Crux.*
ut inter latrones medius cruci suffixus, veluti latronum antesignatus excelleret. Deinde vero voluit *Sepultra.*
ut à cruce demissus in specioso aliquo mausoleo, diuitum instar sepeliretur. Cæterum quod tantus
tam misero mortis genere extinctus est, iterum nolim secus accipias, quam quod in ipso nulla iniu-
ria, nullus vnquam dolus sit inuentus. Nunquam ille vel lingua fuerat lapsus: in nobis erat tanti ma-
licia causa. Ergo propter nos & ex ineffabili misericordia sua statuit Dominus ita conterere illum, ni-
mirum ut nos eius morte viveremus. Præterea non modo tristitia, sed & læta constituit: nempe ut *Hostia.*
post saluteram pro peccatis mundi semel oblatam hostiam, resuscitetur, cœlos ascendat ad dexte- *Resurrectio.*
ram patris sedeat: hic autem in terris numerosissimam consequatur posteritatem, in qua per Euan- *Regnum.*
gelij prædicationem mira felicitate imperitet. At quum enim est, ut is magno honore fruatur, qui ad
ima deiectus crudeliter est diuexatus. Proinde posthac scientia sua, hoc est sensu Euāgelij ac fide, ipse *Fides.*
qui orbis est iustitia, omnes iustificabit quotquot iustificabuntur, eos inquam qui mihi seruire, hoc
est uni Deo fidere perrexerint. Nam ipsas illorum iniquitates, quæ iustitiæ repagulum obijciunt, ipse
in sese suscipiet & diluet. Quod si qui veritati suæ obistere & regnantem conentur regno depellere, *Victoria.*
ipse virtute sua hostium cuneos disijciat, & dæmonis, & impiorum spolia suis diuidet. Semel enim
mortuus est, amplius non morietur, semel inter impios reputatus est, non semper impune blasphe-
mabuntur impij. In summa, Hic à Deo constitutus est, ut totius multitudinis peccata in se suscipiat
& expiet: quod quum faceret, tam faciebat patienter & absolute, ut pro transgressoribus & ho-
stibus suis oraret, Hoc ipso se nobis & sacerdotem statuens sempiternum & exemplar patientiæ *Sacerdos.*
semper imitandum. Hætenus autem Isaïæ verba paraphrasi quam breuissime fieri potuit retuli-
mus. E quibus totam religionis summam decerpere possumus. Quid enim est in omnium Euange-
listarum libris vel Apostolorum epistolis de Christo Domino conscriptum, cuius lumina hic non re-
censeat? Hic audimus Christum Iesum verum esse Deum & hominem, iustitiam, hostiam, & satis-
factionem vnicā. Nos contra impios & quod vires nostras attinet damnatos. Audimus quid & pro-
pter quid per Christum omnia suscepta sint, quæ vera iustificatio, &c. Commodissime ergo potuit
Philippus ex hoc loco Christum (Christum inquam, non Romanenses nugas) prædicare Æthiopi:
cumq; tanta sit in verbis euidencia, & perspicuitas, facile item potuit diuina fauente gratia ab eo ali-
quid impetrare. Porro quid ab eo impetrarit iam exponit.

Et dum irent per viam, venerunt ad quandam aquam. Et ait Eunuchus:
Ecce aqua, quid verat, quo minus baptizer? Dixit Philippus: Si credis ex to-
to corde, licet. Et respondens, ait: Credo filium Dei esse Iesum Christum. Et
iussit sibi currum, ac descenderunt ambo in aquam, Philippus simul & Eu-
nuchus: & baptizauit eum.

Ergo ex fide est peccatorum remissio, non per baptismum. Fides autem innitur in Iesum Chri-
stum quatenus filius Dei est, Matth. 16. Quia enim filius Dei est, saluare potest: & quia Christus, id
est, vnctus ac homo est, nostris infirmitatibus compati potest, habetq; quod pro redemptione nostri
offerat. Animaduertendum & illud quod Æthiops non obijcit, Si saluum efficit fides in Christum, *De baptismo.*
quid ergo opus baptismo? Non potest enim fidelis mens contemnere institutionem Domini. Spon-

te ergo poscit baptismum, sentiens hoc initiari ac conglutinari fideles in vnum corpus, & constringi sub fidem vnus Christi ac vitæ sanctimoniam. Porro nihil hic disceatur de materia, vnctā an salia sit aqua. Simpliciter enim è fonte baptizat, quem adhuc ostendi peregrinis iuxta Gazam testatur Hieronymus in epistola quadam ad Marcellam. Sic autem fieri ipsa poscebat necessitas. Quis enim aliàs tam vecors, qui nūc in quouis fonte aut flumine publico quemuis temere baptizer, quum iam certus sit in templo baptismati constitutus locus? Ipte Paulus præcipit vt omnia decenter & secundum ordinem fiant. Necessitati interim nemo præiudicat. Fides autem docet quatenus addicti sumus circumstantijs. Interim vero aquam falsam vnctāque, aut characteribus consecratā nolumus, puram vero volumus, significatione & mysterio consecratam, & iam non puram tantum aquam, sed sacramentalem & mysterio sanctam, quam minister cum precibus & summa oblationis affundat reuerentia. Nullius enim reputamus momenti mulierum aut obstericum baptismum, propterea quod ex superstitione administretur, & non iusto ordine. Credunt enim aquæ beneficio pueris salutem obuenire. Et Paulus noluit mulieres admittere in ministerium Ecclesiæ. Quanquam planè fatear vxorem Moysis haud temere circumcidisse puerum, sed aliarum rerum aliæ causæ sunt. Verum ita ineptire cogit nos pontificiorum ineptia, qui mirum quam hic se torqueant, & sanctum baptismum co inquinant stultis suis opinionibus & disceptionibus. Literæ sanctæ planæ sunt & de re exposita loquuntur simplicissime. Ne ergo seducamur fratres istorum non necessarijs traditionibus. Veritatis oratio simplex. Sed satis olim & contra Catabaptistas, & in alios sacræ scripturæ libros de baptismo disputatum est. Illud hoc loco adicerim baptismum & in scripturis & patribus vetustis tribui peccatorum remissionem, cæterum per allœosim sacramentariam, qua signo tribuimus quod reuera signati est: aut per Synekdocham, qua toti negotio aliquid tribuimus, quod tamen alteri partium tribui debebat, vel toti potius mysterio. Sic Marcus scripsit baptismum prædicatum esse in remissionem peccatorum. Et symbolum secundo conditum confiteretur, Credo vnum baptismum in remissionem peccatorum. Recte enim docuit Athanasius, Baptisma nostrum non sensibilibus oculis, sed mentalibus considerandum esse. Animus ergo noster in sacro baptismo cernit diuinam gratiam, per quam abluimur à peccatis, & inserimur in populum Dei. Sacramenta enim omnia res habent inuisibiles. Aquâ vero signum visibile videmus oculis corporeis. Sed sacramentum non tantum altera parte constat, sed vtraque. Non ergo pura aqua est, sed & regenerationis lauacrum.

Baptismus peccatorum remissio.

Cum autem ascendissent ex aqua, spiritus Domini rapuit Philippum, nec amplius vidit eum eunuchus. Ibat enim per viam suam gaudens. Philippus autem repertus est Azoti, & pertransiens Euangelizabat ciuitatibus cunctis, donec veniret Cæsaream.

Aliò rapitur fidelis doctor veritatis Philippus. Non enim quicquam deerat Æthiopi, qui & Christum cognouerat, & donum Spiritus sancti acceperat: & proinde gaudebat. Verissime enim Ioannes, Non necesse habetis (ait) vt quisquam doceat vos, sed sicut ipsa vnctio docet vos de omnibus & verax est, &c. Notus est enim locus in 1. Ioan 12. capite. Porro Cæsareæ habuit domicilium Philippus, vt in 21. audiemus, Cæsareæ ergo permansit. Hisce verò gesta Philippi finit, & ad Pauli vocationem describendam accelerat.

C A P V T I X.

Saulus autem adhuc spirans minas ac cædem aduersus discipulos Domini, accessit ad principem sacerdotum, & petijt ab eo epistolas, quas perferret Damascum ad synagogas, vt si quos inuenisset eius viæ seu viros seu mulieres, vinctos duceret Hierosolymam.

Vocatio.

SOLET scriptura magnorum aliàs virorum vocationes ad munus vel Propheticum vel Apostolicum diligenter describere. Ita enim legimus Moysis, Samuelis, Isaïæ, Ieremiæ, Petri, Andreæ, & aliorum summa fide descriptam. Ad quem prorsus modum etiam hoc loco Pauli Apostolorum principis describitur vocatio, nimirum ne posthac de doctrina eius dubitarem quicquam. Principio autem mira copia recenset vocationis occasionem, è qua refulget diuinæ misericordiæ splendor clarissimus. Nam dum ferus cædem animo volueret innoxiorum, & ad

& ad hanc rem facilius peragendam epistolas peteret delegatorias (Gwardlebueff) misericors Dominus, in medio cursu, effugerum à tanto auertit flagitio, nec auertit modo, sed & in Apostolum nobilissimum deligit. Id quod ipse in 2. ad Timoth. 1. diuinae ascribens misericordiae gratias agit Deo. In hoc ergo verissime completum quod Dominus dixerat, Nemo venit ad me, nisi pater qui mittit me traxerit eum. Falluntur enim qui conuersionem tribuant viribus nostris & libero arbitrio. Deus etenim est qui operatur in nobis pro bona voluntate sua velle & perficere. Porro discipulos ex more appellauit Christianos. Viam vero posuit pro disciplina & religione, schemate Hebraico. Ceterum ad tyrannidis magnitudinem pertinet quod non contentus catatu, tia qua in vrbe Hierosolymorum in sanctos fuerat debacchatus, quin & in exteras erumpit. Vnde in Galatis, Supra modum (ait) persequerbar Ecclesiam Dei, &c. Notanda est & mira huius sermonis elegantia, Saulus inquit metatantum spirans minas & caedem aduersus discipulos Domini. Sic enim miro quodam modo & rociā crudelissimi animi pinxit. Siquidem Græci *μειζωτερον* dicunt præferoci esse animo. Nam Homerus id ipsum Græcis in pugnam prurientibus tribuit. Iam & consequentia per contextum probe commisit cum superioribus, in quibus nonnulla cœperat de Pauli sæuitia.

*Misericordia
Lct.*

Et cum iter faceret, contigit vt appropinquaret Damasco. Et subito circumfulgurauit eum lux de cœlo, collapsusque in terram, audiuit vocem, dicentem sibi: Saul Saul, quid me persequeris? Dixit autem: Quis es Domine? Dominus autem dixit: Ego sum Iesus, quem tu persequeris. Durum est tibi contra stimulos calcitrare. Is tremens ac stupens dixit: Domine, quid me vis facere? Et Dominus ad eum: Surge & ingredere ciuitatem, & dicitur tibi, quid te oporteat facere.

Hic se prodit misericordia & fortitudo Domini. In gratiam enim recipitur hostis, interim vero maximo robore prostermitur, vt sentiat cum quo sibi hætenus bellum fuerit. Subito enim circumfulgurauit eum lux cœlitis ad terrorem incuriendum, & ad maiestatem Dei significandam immissa. Ad hanc non subsistit miser, qui tamen nihil non conabatur, sed labitur exanguis. Hic mihi vide quid contra Dei negotia possimus mortales. Additur vox & ea quidem horrenda ac vehemens: non enim sonat, Saul Saul cur meos persequeris, sed cur me persequeris? Viuit enim in suis Christus, cui & dixit, Quatenus fecistis vni de hisce minimis meis fratribus, mihi fecistis. Et clarius. Ego (inquit) sum Iesus, quem tu persequeris. O magna Dei mysteria. O magna eorum miseriam, qui fideles huius dei nomen persequuntur. Adiecit elegans parœmia, Durum est tibi contra stimulum calcitrare. Monet enim Erastinus in Chiliadibus Chil. 1. Cent. 3. Adag. 46. parœmiam significare frustra repugnare, quos vincere nequeas, aut cum periculo coniunctum esse, si eos prouocemus qui lacessiti nobis noceant. Metaphora ducta à bubus, quos agricolæ lignis præacutis à tergo sodiunt, quibus si recalcitrent, tantum abesse vt stimulo noceant, vt grauius etiam lædantur. Quod si quis consultis historijs sacris hunc locum diligentius exploret, comperiet neminem ex mortalibus feliciter repugnasse tyranni. Deus enim veluti petra firmissima & murus aheneus, confractis contusisque aduersarijs omnibus in æternum stabit immobilis. Hic autem vide quid possit correctio Domini. Protinus enim clamat Paulus, Quid vis vt faciam Domine? Præsto enim sum posthac obsequi mandatis tuis. Vtinam tam prompti omnes efficeremur ad correptionem Domini. Certe melius habitus essent res nostræ. Percutit enim Dominus, vt sanet. Quod si non sanamur, id quidem ex nostra est malitia & pertinacia. Cæterum illa est maxima verbi Dei gloria, quod etiam si arcana Dei institutione animus Pauli esset imbutus, nihilominus tamen ad Ananiam reijcitur. Is enim postea exposuit quid faceret. Pari modo audiemus & in 10. angelum Cornelio nullum nihil priuatim credere, sed Petrum indicare doctorem. Non autem pugnant hæc cum ijs quæ dixit in Galatis, Non ego ab hominibus accepi Euangelium neque didici, sed per relevationē Iesu Christi Magis enim præscribunt, ne exter nam verbi administrationem contemnamus. Diuus Aurelius Augustinus de Correctione Donatistarum ad Bonifacium capite 15. de hac Pauli conuersione scribens, Ipse Dominus (inquit) qui Petrum & alios solo verbo vocauit, Paulum tamen Ecclesiæ suæ vastatorem non solum voce compe scuit, verum etiam potestate prostrauit. Si autem illa non erat pœna, quid postea opus vt sanaretur? Vbi ergo est quod isti clamare consueuerunt. Liberum est credere vel non credere. Cui vim Christus intulit, quem coegit? Ecce habent Paulum Apostolum. Agnoscant in eo prius cogentem, deinde docentem, prius ferientem, & postea consolantem. Hic quoque sic coactus plus ceteris laborauit. Cur ergo non cogeret Ecclesia perditos filios vt redirent: cum perditī cogant bonos vt pareant? Hæc Augustinus. Quod si quis præterea acumen ingenij sui acuere velit & disquirere, quomodo Christus

*Conuersio
Pauli.*

*Augustinus de
Correctione.*

simul ad dexteram patris sedere, & Paulo potuerit apparere, permittimus quidem. Cæterum nos Dexteram longe aliud esse scimus quam ut eiusmodi natiuitatis nobis veniant in mentem. De qua re factis in cap. I. Nā etiam si caro Christi vel clarificata sit finita, loco tamen non ita affixa est, ut nihil aliud quam sedere cogatur in præscripto loco. Nam & sedendi verbum longe aliud habet sensum. At quod hinc colligunt pontificij, Ergo corpus Christi est ubique stultius est quam quod responsum mereatur.

Viri autem illi qui erant ei comites itineris, stabant attoniti, audientes quidem vocem, neminem tamen videntes.

Non potest non attonita stare caro & sanguis ad vocem Dei. Nihil enim diuinum sustinere potest hominis sufficientia sine gratiæ adiutorio. Vnde & ille populi timor natus est, cuius meminit Moses Exod. 19. Laurentius Valla putat locum qui est in 22. cap. atque huic veluti repugnare videtur esse deprauatum transpositis duabus voculis, ijsque inter se apud Græcos non dissimilibus *αὐτοὶ* & *αὐτῶν*. A Luca ergo sic scriptum fuisse, Videntes quidem lumen, neminem autem audientes. Cæterum constabit sibi aliās narratio, si Metaphoram verbis inesse intelligamus. Nam eadem vox audiri potest & non audiri. Audiri quidem cum sonus aliquis ad nos deferatur incerta tamen significatione. Et non audiri, cum vox audita non intelligitur. Neque aliud præsentī expositioni repugnat, quod coram Agrippa differens, dixit: Simul omnes delapsi sumus in terram. Non enim hic omnia, habitum inquam ac situm voluit describere rerum. Et fieri potuit ut ad primum (quod Erasmus asserit) paulo rem collapsi mox crexerint sese Paulo adhuc iacente. Simili prorsus modo corruerunt & illi quorum mentio facta est apud Ioannem in 19. sed non pari felicitate surrexerunt. Nam correctione indurantur impij.

Surrexit autem Saulus è terra, apertisque oculis neminē videbat: sed manu ducentes illum, introduxerunt Damascum. Et erat tribus diebus non videns, ac non comedit, neque bibit.

Talio. Mira amplificatione ac hypotyposi auget potentiam Dei, è diuerso miseriam & impotentiam humanam. Occæcatur enim qui sibi videbatur oculatissimus. Ducitur ab alijs, qui optimos quosque venerat ducturus. Sed nec ædit nec bibit qui hætenus fidelibus maximarum ærumnarum maxima causa fuit. Qui vero allegorias in sacris concinnant, Primus (inquiunt) gradus ad virtutem est erigi. Secundus occæcari & carnali renunciare sapientiæ. Tertius autem non humano cibi alimento, sed cœlesti doctrina signari. Nec defunt qui censeant Paulum hoc triduo in tertium delatum cœlum, vidisse quæ in 2. ad Corinth. 12. iactat. Verum quam probe hi coniectarint Christiano Lectori expendendum relinquo. Certe Dominus hoc triduo maximum hominem ad res maximas voluit parare agendas. Non etenim illotis manibus cōprestandæ sunt res sacratissimæ. Sanctissimis ergo rebus exercitari appararique oportuit sanctis dicatum hominem.

Erat autem quidam discipulus Damasci, nomine Ananias, & dixit ad illum per visum Dominus: Anania. Et ille ait: Ecce ego Domine. Et Dominus ad eum, Surge, & vade in vicum qui vocatur Rectus, & quære in domo Iudæ Saulum nomine Tarsensem: Ecce enim orat. Et vidit per visum virum Ananiam nomine introeuntem, & inponentem sibi manum ut visum reciperet.

Ananias. Hætenus descripsit vocationis occasionem & grauē Domini manum, imbecillitatem cōtra tyrannorum: nunc vero describit ipsam vocationem & restitutionem admirandam, quæ utique illi non contigit per primum Apostolum, sed per virum aliās sanctum ac integrum, certe ne quid carni aut sanguini ascriberetur. Hinc est quod tanta diligentia & Ananiæ persona describitur, & quo minus dubij superfit locus quoque noratur. Annotauit autem Erasmus, vicum hoc loco non esse pagum aut oppidum, sed vrbis partem. Ciuitatem enim distingui in vicos, hos vero in vias, & hæc in domus. Cæterum id animaduertendum, quod mutua visione vtrumque parauit alteri. Habuit enim visionem Ananias qua docetur adire Paulum: At ipse Paulus visionem habet qua instruitur recipere Ananiā. Pulchre enim sibi constant & se mutuo iuuant quæ Domini instinctu fiunt. Porro in medijs tribulationum procellis orat Paulus, exemplum præbens quid in tentationibus facere conueniat. Et de visionum ratione non est quod multa dispuem. Frequentissimæ fuerunt olim apud Prophetas, quibus Dominus spectro aliquo obiecto aut imaginatione ceu hypotyposi quadam declarabat quid futurum esset. Verum nonnihil de hoc dicemus in cap. 10.

Respon-

Respondit autem Ananias: Domine audiui ex multis de viro hoc quanta mala fecerit sanctis tuis Hierosolemæ. Et hoc loco habet potestatem à principibus sacerdotum, vincendi omnes qui inuocant nomen tuum.

Sæpe inuenias in Prophetis Prophetas ipsos Propheticam deinceps functionem, vel quod plurimum inuidiæ & periculi habere videretur ea functio, vel quod minus apti ad eam administrandam sibi ipsis viderentur. Periculum caussatur hoc loco Ananias: sed repellitur à Domino, qui præcipit ut excluso omni timore & firma in eum fiducia animi collocata, id faciat quodecumque ille iusserit. Se enim institutum hoc, quod ipsius conceptum auspicijs, fortunaturum. Sic enim sequitur:

Dixit autem ad eum Dominus: Vade, quoniam organum electum est mihi iste, ut portet nomen meum coram gentibus & regibus ac filiis Israel. Ego enim ostendam illi quanta oporteat eum pro nomine meo pati.

Hæc proprie pertinent ad commendationem nominis Pauli, maxime tamen doctrinæ eius. Tria autem dicit. 1. Organum electum est mihi Paulus, siue ut more Hebraico loquamur, Vas electionis est mihi Paulus. Innuat autem forma loquendi hominem electissimum & omnibus numeris absolutissimum. *Ein vserwelter mensch* quo non alius sit vel charior vel nobilior. 2. Nomen meum, id est, gloriam, veritatem, iustitiam, bonitatem, misericordiam, breuiter ipsum Euangelij mei negotium, omnibus prædicabit gentibus, imò ne Iudæorum quidem insidijs aut regum cederet superbix. Audiemus enim augusta quædam quæ in Iudæa & coram regibus & principibus egerit diuinus hic Apostolus. Allusum autem videtur hisce verbis ad sententiam Ieremiæ quæ recensetur in 1. cap. 3. Hactenus quidem vastauit Ecclesiam & tyrannidem exercuit in miseros, at nunc vicem rependet. Multo enim seueriora perferet volens quam modo parabat vobis. De hoc ipse plura de sese testatus est in 2. ad Corinth. 11. Multa autem salubria dogmata ex hoc loco decerni possunt, nempe de constantia, de dicendi libertate contra ignauum pauorem, de absoluta veritate nominis Dei prædicanda, & de cruce sponte perferenda, item de certa veritatis victoria. Homines nimirum regibus, moribus vetustis, hominum regnorumque multitudini: sed fortior hisce omnibus est veritas, qua innixus Moyses, Samuel, Helias, Michæas & Christus, Pharaonem, Saulem, Achab & omnium impiorum manum deuicit.

Et abiit Ananias, & introiuit in domum, & imponens ei manus, dixit: Saul frater, Dominus misit me, qui apparuit tibi in via qua veniebas, ut visum recipias, & implearis Spiritu sancto.

Expositio est historica nunc enim describit quomodo prouinciam impositam subiecit, ac feliciter miraq; religione præceptum Domini impleuerit. Respiunt autem ipsa Ananiæ verba phrasim Propheticam. Prophetæ enim subinde ingerebant, Dominus misit me, Hæc dicit Dominus. His iungit exteriorem ceremoniam, impositionem videlicet manuum. De qua supra.

Et confestim deciderunt ab oculis eius tanquam squamæ, & visum recepit, & surgens baptizatus est. Cumque cepisset cibum, corroboratus est.

Iam sine difficultate sanat Dominus quos percusserat. Sanati autem subijciunt se voluntati eius, quemadmodum hic videmus Apostolum Paulum sese totum dedicare Domino, suscepto sacro baptismi symbolo. Porro de squamis multi multas adferunt allegorias. Atqui video simplicius esse, si dicamus decidisse squamas propterea, ne cæcitas videretur fuisse baptismus. Si vero quippiam significant, iam crassitiem Iudaicam & sapientiæ mundanæ, denique & erroris sordes significant, quæ per Spiritum Dei sanctum expurgantur. Quod autem cibum sumpsit & corroboratus est, docuit necessariam & moderatam curam corpori esse impendendam. Nam in 2. ad Coloss. capite clarius tradit istos non esse imitandos qui sese religionis specie emacerant, à cibis abstinent, & nescio quam angelicam vitam simulant.

Fuit autem Saulus cum discipulis qui erant Damasci, per dies aliquot, Et continuo in synagogis prædicabat Christum, quod is esset filius Dei. Stupebant autem omnes qui eum audiebant, ac dicebant: Nonne hic est qui expugnabat Hierosolymis eos qui inuocabant nomen istud? Et huc ad hoc venit, ut victos illos duceret ad principes sacerdotum? Saulus autem multo

magis conualefcebat, & confundebat Iudæos qui habitabant Damasci, affirmans quod is esset Christus.

Christus Deus.

Euangelij fundamentum est, quod Iesus Christus sit filius Dei. Hoc subuerso, euacuatum est totum Euangelium. Ab hoc ergo non temere auspicatur Paulus. Si enim Christus Deus non esset, iam salus & obiectum fidei nostræ esse non posset. Proinde qui Christi diuinitatem negant, totum Euangelium subuertunt. Hoc primum erat quod de Christo prædicabat. Secundum illud erat, quod scripturis demonstibat Iesum esse Christum, id est, verum in lege & Prophetis promissum Messiam, qui venturus erat rex, iustitia, salus, sacerdos, & hostia credentibus. Atque hæc quidem omnia non frigide tractabat, sed ardentissime, adeo ut Iudæi præ inuidia rumpi potuissent. Verbum enim Confundebat non significat hic pudefaciebat, sed commouebat ac perturbabat. *Macht sy gar vntz chag/vnd daß sy nit wußtend woan sy wærend.* Alij qui paulò erant æquiores mirabantur de subita mutatione. Et sanè mirandum erat, quod tantus vir tam cordate prædicaret quod tam atrociter hætenus impugnauerat. Neminem ergo posthac pudeat susceptæ veritatis & abnegatæ superstitionis. Iam si sint qui obijciant, inconstantis esse ut quis olim damnata, nunc quidem amplectatur. Didicimus nos hoc præfenti exemplo Pauli, non indecorum esse, si quis intellecto errore ad veritatem declinet, & hanc non minori defendat ardore quam prius superstitionem propugnauit.

Expletis autem diebus compluribus, inierunt inter se Iudæi consilium, ut illum occiderent. Sed intellectæ sunt Saulo insidiæ eorum. Afferuabantque portas die ac nocte, ut eum interficerent. Accipientes autem eum discipuli nocte, per murum dimiserunt, submittentes in sporta.

Fuga.

Non enim habent impij arma alia quibus errores & superstitionem suam propugnent quam minas, carceres, flagra, horrenda & varia mortis genera. Atqui hic non fuerit turpe duci verbi, si se subducatur & sese melioribus seruet. Nam Dominus, Si (ait) vos in vna ciuitate persequuti fuerint, fugite in aliam. Nemo itaque vitio vertit Paulo, quod sporta à Damasci mœnibus demissus abierit in Arabiam. Fugiant enim & strenui nonnunquam duces, ut iterum pugnare valeant. Inuenias & apud Gentes maximi nominis viros sæpius commutasse sedes, donec & personæ absentia & temporis diuturnitas hostilem animum lenisset, & obliuionem inuidiæ obduxisset.

Cum autem Saulus venisset Hierosolymam, tentabat se iungere discipulis, & omnes timebant eum, non credentes quod esset discipulus. Barnabas autem apprehensum illum, duxit ad Apostolos, ac narrauit illis, quomodo in via vidisset Dominum, & quod loquutus esset ei, & quomodo in Damasco fortiter egißet in nomine Iesu.

Lucas hoc loco seriem historiæ continua narratione non texuit, sed ea tantum retulit quæ Christi Euangelio digna sunt visa: Præterita igitur Pauli in Arabiam profectio, cuius in Galatis meminuit, protinus subiungit quomodo post reditum ex Arabia Hierosolymam venerit: quod ipsum tamen toto triennio post factum esse ipse testatur in epistola ad Galatas cap. 2. Quod autem fideles ægre se committunt Paulo, monet ne quibusuis facile credamus quiduis simulantibus. Quod autem Barnabas susceptum adducit ad Apostolos, discimus modum quoque in rebus seruare omnibus, & ne ad credendum nimium simus tardi ac præduri. Quis enim non reciperet vere pœnitentem? Barnabas ergo ex actis virum commendat. Proinde si acta virum nobis commendarint, merito veterum obliuiscimur iniuriarum, si modo tales sint quæ veniam mereantur. Hic autem idem ille Barnabas est cuius mentio habetur in capite quarto, de quo multa ac varia per historiam tradentur. Vir omnino prudens, sanctus, fortis, eruditus & verè pius fuit. Ioannes Chrysostomus existimat hoc citius Pauli familiaritate usum fuisse Barnabam, quod ipsi olim fuisset amicus. Vtunque vero res habeat, hoc tamen constat Barnabam virum fuisse incomparabilem, doctum, & varia rerum experientia sapientissimum.

Et erat cum illis versans Hierosolymis, cum fiducia loquens in nomine Domini Iesu. Loquebaturque & disputabat aduersus Græcos: Illi vero quare bant occidere eum. Quod cum cognouissent fratres deduxerunt eum Cæsaream, & emis(er)unt Tarsum.

Ipsa ro,

Credulitas.

Barnabas.

Ipsa re, & publica Christi confessione comprobabat se Christi esse discipulum. Proinde conuenit ut priusquam credamus ei, qui aliquando torpenter & crudeliter vixit, prius sanctimonix & iustæ reliscentix certa argumēta habeamus. Quæcunq; autē egit Paulus, summa egit fiducia, hoc est, maxima certitudine, cōstantia & liberrate: in primis autem conuicit factionem Hellenistarū, quæ ut Srephanum falsis perdidit testibus, ita Paulo quoq; parabat insidias. Verum prudens fratrum simplicitas nolens maximum virum succumbere impiorum inuidiæ, deductum aliquouſq; emiserunt in patriam Ciliciæ Tarſum, ut & hanc veritatis prædicatione nobilitaret. Pietas enim in patriam maxima virtus vel apud Gentes celebratissima hoc suadebat. Sed & ipsa prudentia suadet, ut nonnunquam furorem imperitiæ plebis declinemus. Iam aliquouſq; suspenditur narratio de gestis Pauli, & quædā inferuntur de Petro acta nobilissima, prius tamen in genere descripto communi statu Ecclesiæ.

Igitur Ecclesiæ quidem per totam Iudæam & Galilæam & Samariam habebant pacem, & ædificabantur versantes in timore Domini, & consolatione Sancti spiritus multiplicabantur.

Verè enim dicitur, Quod caret alterna requie, durabile non est. Pacem igitur concedit Ecclesiæ *De pace ex-* *terna,* suæ nonnunquam Dominus, non ut secura & iners stertat, sed ut à malis aliquouſque respiret, & se ad ventura pericula paret. Porro ipsa pax non paratur veri abnegatione, inconstantia, hypocrisi, & falsa pusillanimitate: sed timore Dei, amore veri, constantia iusti, & odio mali. Locus autem aduersus eos primum pugnat, qui Ecclesiam cruce explorant, & proinde omnes illas Ecclesias damnant, quæ non publicam persecutionem sustinent. Quos & Augustinus alibi confutauit. Deinde pugnat aduersus eos qui pacem vel proditione veri, vel dissimulatione mali inducere volunt. Tales enim omnium miseriæ auctores sunt.

Factum est autem, ut Petrus dū peragraret per omnes, deueniret etiam ad sanctos qui habitabant Lyddæ reperit autem ibi hominem quendam, nomine Æneam, annis iam octo decumbentem in grabbato, qui erat paralyticus. Et ait illi Petrus: Ænea, sanet te Dominus Iesus Christus. Surge & sterna tibi ipsi. Et continuo surrexit, & viderunt eum omnes qui habitabāt Lyddæ & Assarone, qui conuersi sunt ad Dominum.

Miracula quædam virtute Domini, Petri opera in varijs vrbibus patrata, mira describit euidentia. De signis satis disputatum in superioribus. Catastrophe signi subiicitur: Et viderunt hoc habitatores Lyddæ & Assarone, & conuersi sunt ad Dominum: non autem ad Petrum. Fallacia ergo sunt omnia ea signa, quibus discimus non Domino soli, sed creaturis quoq; fidere.

Ioppe autem fuit quædam discipula nomine Tabitha, quæ interpretata dicitur Dorcas. Hæc erat plena operibus bonis, & eleemosynis quas præstabat. Factum est autem in diebus illis, ut infirmata moreretur. Quam cum lauissent, posuerunt in cœnaculo. Cum autem vicina esset Lydda Ioppe, ac discipuli audissent quòd Petrus esset in ea, miserunt ad eum, rogantes, ne grauarietur venire vsq; ad se. Exurgens autem Petrus venit cum illis. Et cū aduenisset duxerunt illum in cœnaculum, & circumsteterunt illum omnes viduæ flentes, & ostendentes tunicas vestesq; quas faciebat, quum esset cum ipsis Dorcas.

Eiusdem generis cum superiori est & præsens miraculum, nisi quod in Dorcade laudantur opera misericordiæ, ut eius exemplo etiam nos ad ea præstanda incitemur. Hæc enim verè bona opera *Verè bona opera.* esse testatur ipse Dominus Math. 25. Quidam falso & frustra operam & impensas maximas impendunt lapideis templis & statuis, ac viuum Dei simulachrum hominem negligunt, vel quia miserum propter auaritiam non iuuant, vel quia inopem opprimunt iniuria. Sed misericordiā vult Dominus, non sacrificium. De nominis autem ratione disputans Capnion, vir in omni disciplinarum genere peritissimus, existimauit in libro de Verbo mirifico, nō Tabitham, sed Thabiam hoc loco legendum esse, quod ea vox Assyrijs Dorcadem significet, quod animal Latini Capream vocamus admodum acri oculorum acie præditum. De quo apud Pliniū. Fortassis id nominis propter visus aciem acutissimam animali tributū est. *Assyrii* enim Græcis deriuatur à *σιναω*, hoc est, video. Iam & Hebræis *רָאָה* significat vidit. Vnde iam abiectis adiectisq; aliquot more Hebræo literis deriuatum videtur *רָאָה*.

Quod si Etymon mysterium habet, iam significatum est illam fuisse visus acerrimi, quæ procul à cœlestibus sedibus hisce in terris agens, nihilominus æterna peruiderit, utpote quæ ille fidelibus am- bierit operibus.

Electis autem omnibus foras, Petrus positis genibus orauit, & conuer- sus ad corpus, dixit: Tabitha, surge. At illa apperuit oculos suos, visoq; Pe- tro, resedit. Data autem illi manu, erexit eam, & quum vocasset sanctos ac viduas, exhibuit eam viuam. Id autem innotuit per totam Ioppen, & credi- derunt multi in Dominum.

Idq; ad magistri exemplum, de quo simile quippiam legis apud Mattheum in 9. Duo autem hic obseruanda sunt, prius est quod orat, posterius quod Ioppenfes Domino credunt.

Factum est autem, ut dies multos maneret Ioppe apud Simonem quen- dam coriarium.

Βύρρα corium est, *βυρραι* coriarius, siue is sit qui corium apparat, *είν* germer/ siue is qui corium in vsus consuit hominum. Mirandum autem est, quod tantus Apostolus in tam humili (ut videtur) a- git hospicio, cum nunc huius vicarium, si dijs placet, vix trium regum palatia sufficiant excipiendo. Cæterum Ioppe mansit propterea quod maximæ frugis maxima spes esset. Duremus ergo, & nos- met rebus seruemus secundis.

CAP V T X.

Vir autem quidam erat Cæsareæ, nomine Cornelius, centurio ex co- horte quæ dicitur Italica, religiosus ac timens Deum cum tota domo sua, præstans eleemosynas multas plebi, deprecansq; Deum semper.

Gentium vocatio.



CELEBRIS est in omnibus scripturis maximè propheticis Gentium vocatio: proinde oportuit eam quoque celebri initio auspicari. Hactenus enim nihil peculiariter de ea a- ctum est, neque hactenus palàm Gentibus prædicatum est Euangelium. Samaritæ enim quibus prædicauit Philippus non veniunt in numerum Gentium, & Æthiops erat Pro- selytus. Paulo modo dictum quod esset prædicaturus Gentibus, quod Arabibus prædicarit non scri- bitur. Et fortasse hac causa obtinuit, ut hic tandem maiore cum autoritate & pondere dissereret de legitima Gentium vocatione. Et posthac paucula admodum audiemus de Iudaica Ecclesia. Nam o- mnis gloria veteris Synagogæ & populi Dei deferretur iam ad Gentes. Illa ergo neglecta iacet. Hæc porro speciosissimè floret. Nam illa veritatem (quod hactenus audiuius) neglexit, illam proscriptit & edictis propositis opprimere voluit, ministros Dei sanctos & fideles indignissimè tractauit, con- uitijs proscidit, flagellauit & occidit, multos quoque viros bonos exturbauit in exilium ipsa mor- te calamitosiorem sortem. Dignissimè ergo & merito reiecta est ne haberet in regno Dei consor- tium, ipsumque hoc Dei regnum datum est genti facienti fructum eius. Cauemus, ô fratres, caue- mus ne & nos simili exemplo propter impietatem & ingratitude nostram excidamus è felicissi- mo veritatis statu. Itaque descripturus Ecclesiæ Gentium felicissimum statum, à nobili exemplo Cornelij auspicatur, atque vocationem Gentium (quæ apud multos adhuc in dubio stabat) venu- sta reuelatione demonstrat. quæ omnia si conferantur scripturis propheticis & ijs quæ de vocatione Gentium ad Romanos scripsit Apostolus, mira sese offeret consonantia, virtus Dei, & operum Dei ratio sapiens ac iustissima. Principiò autem præmittit more historico Prosopopœiam. Describit enim Cornelium à maioribus, officio, pietate, qualis is fuerit per quem aut in quo primitus voluerit Do- minus initiari ac solenni celebriq; ritu renelare Gentium vocationem. Cornelius ergo ex maioribus fuit Ethnicus, professione seu officio Centurio, sed religione pius *υποβίβας* ac timens Deum, & talis o- mnino qualem referunt Euangelistæ Christo occurrisse, & de cuius fide ipse Dominus dixerit se pe- rem in toto Israele non reperiisse. Ex quibus colligimus Deum verum non modo Iudæorum, sed & Gentium esse Deum, utpote qui velit omnes saluare & ad agnitionem veritatis venire. Colligimus præterea aliquid esse genus militiæ quod non sit omnino impium, utpote in quo militarint summa fide viri religiosi ac timentes Deum. Quales forsan & David rex plurimos habuit, & Baptista insti- tuere voluit, cum dixit: Ne cui vim inferatis, neque quolibet ob leues causas quenquam opprima- tis, sed contenti estote stipendijs vestris. Talis nimirum fuit & Legio apud veteres dicta fulminea, cuius

Cornelius.

De militia.

cuius meminit post Tertullianum in Apologetico Clemens apud Eusebium. Sed & ipse Augustinus libro aduersus Faustum Manichæum vicefimosecundo capite 74. ostendit quodpiam esse Christianis quoque licitum genus militiæ. Et D. Hieronymus in Epistola ad Saluinam de Viduitate seruanda, huius Cornelij mentionem faciens, dicit: Nihil nocuit militanti paludamentum & baltheus, & apparitorum cateruæ, quia sub habitu alterius alteri militabat. Sicut è contrario alijs nihil prodest vile palliolum, furua tunica, corporis illuues, & simulata paupertas, si nominis dignitatem operibus destruant. Legimus & in Euangelio de alio Centurione Domini testimonium, Nec in Israel tantam fidem inueni. Quibus tamen omnibus nos nullam ansam illis suppeditatam volumus, qui quouis Care viliores, principum sectantur stipendia, nullo belli neq; iure, neq; iniuria commou, sed tantū turpi cupiditate illecti. Ad hos enim pertinet maledictio Domini, Deut. 27. Maledictus qui accipit munera, vt percutiat animam sanguinis innocentis, & dicit omnis populus, Amen. Neque vero militiæ Romana nostræ par erat. Intelligimus enim cohortem Italicam, hoc est, militem Italicorum globum longo tempore Cæsareæ fuisse. Nam & domus totius, id est, vniuersæ familiæ cognatorum quoque & amicorum necessariorum Cornelij meminit paulò post in historia Lucas. Iam citius quàm vt referamus de Romanorum legionibus, quas in limitibus imperij contra hostium Partiorum maxime incurfiones, & vt in fide retinerentur provincie, aluerunt, distributis oppidatim cohortibus & turmis. Sed & illud vel ex Vegetio notissimum est, plures in eadem legione fuisse cohortes numero impares. De qua re in lib. 2. cap. 6. & in eodem lib. cap. 8. Erant etiam (ait) Centuriones, qui singulas centurias curabant, qui nunc Centenarij appellantur. Iam verò si quis miretur quomodo potuerit esse pius, religiosus, ac timens Deum, qui adeo non erat in fide institutus, vt Petrum cogeretur accersere doctorem, reuocet in memoriam verba Pauli, quæ de Gentibus in 1. ad Rom. cap. & 2. scribit. Inde enim intelliget Deum sensum aliquem sui indidisse Gentibus, qui postea per Euangelij prædicationem clarior & euidentior fit. Nam nisi credidisset esse Deum, proculdubio Deum nequaquam precibus inuocare potuisset. Proinde quas conferebat eleemosynas, per fidem conferebat, quæ fides prædicatione postea auctibus ad iustam excreuit mensuram. Præterea fieri potuit, vt quotidiano conuictu Iudaico nonnullum religionis sensum non secus perceperit, atq; multos Gentiliū in captiuitate Babylonica familiaritate Iudæorum percepisse videmus. Breuiter, nulla religio vera, & nullius timor Dei potest esse sine fide. Quin & ipsissima Dei opera oratio & eleemosyna aderant, aderat ergo & fides, etsi imperfectior adhuc. Habet enim fides augmenta sua: sed & illud fidei insignne documētum est, quod totam familiam in vera religione instituebat. Porro ne quem illud lateat, Cæsarea hæc illa erat, quam veteres vocant Turrin Stratonis. Præterea apud Romanos Cornelij nomen erat celeberrimum, vt nihil mirum sit virum hunc hoc nomine fuisse nuncupatum: sed hoc forsan minutius est, quàm quod annotari conueniat.

Pictus Cornelij.

Is vidit per visum manifestè ferme hora diei nona angelum Dei introeuntem ad se, dicentemq; sibi: Corneli. At ille intuens eum, ac timore correptus, dixit: Quid est Domine?

Quemadmodum mutua visione Paulum Ananiæ, & Ananiam Paulo præparauit Dominus, ita hoc loco Cornelium Petro, & Petrum præparat Cornelio. Attemperat autem se Deus nonnihil affectibus nostris, dum quemuis nostrum ijs vocat medijs, quibus facillimè permouemur. Magos quidem nouo vocabat sydere, Iudæos scripturarum autoritate, Gentes signorum miraculis, Cornelium verò noua angeli specie. Existimabant enim Gentes dijs cum hominibus plurimum esse commercij. Ergo pro reuerentia, Quid vis (ait ad angelum) domine? Sic enim vocat eum quem videbat augustius quippiam esse quàm hominem. Audierat forsan à Iudæorum in religione magistris, Deum angelorum ministerio in ijs rebus vti, quibus agit cum hominibus.

Vocatio Dei.

Dixit autem illi: Orationes tuæ & eleemosynæ tuæ ascenderunt in memoria coram Deo. Et nunc mitte viros Ioppen, & accersere Simonem qui cognominatur Petrus. Hic diuersatur apud Simonem quendam coriarium, cui est domus iuxta mare: Hic dicet tibi quid te oporteat facere.

Hoc dicit angelus: Flexus est precibus & munificentia tua in pauperes Dominus, vt tibi magnum aliquod donum impartiri pararit: nunc ergo quibus medijs id assequaris accipe. Est vir quidam Simon cognomine Petrus, nunc quidem Ioppe apud Simonem coriarium degens, eum accersere, is exponet tibi in quo consistat vera felicitas, & quomodo verè beatus esse possis. Igitur quæ Cornelio ad beatè viuendum sufficiebant, ea utique & nobis sufficiunt, etiam si in vniuersum nesciamus aut negligamus pontificias & humanas traditiones. Abutuntur autè pontificij hoc loco, dū ex eo vel

Aduersus iustitiam operum. iustitiam operum, vel meritum probare volunt. Non enim vident omnia opera Cornelij ex fide facta esse, quæ sanè fides gratuitum Dei donum est. Quin & ipse Beda in hunc locum, Non virtutibus (inquit) ad fidem, sed fide pertingitur ad virtutes, vt beatus Papa Gregorius exponit. Cornelius enim (ait) cuius eleemosynæ ante baptismum, angelo teste, laudatæ sunt, non operibus ad fidem, sed fide venit ad opera, &c. Hæc Beda. Præterea Mileuentana Synodus in hæc verba super hac're censuit, Manifestissimè credendum est, quod Cornelij Centurionis, ad quem angelus Domini missus est, illa tam admirabilis fides non fuerit de natura, sed diuinæ gratiæ largitate donata. Verùm de hac re pluribus disputatum est in superioribus, & in Epistola ad Romanos. Illud verò iterum hoc loco obseruandum, quod etiam si Dominus citra externæ prædicationis ministerium potuisset instituissè Cornelium, nihilominus tamen id non fecit, sed ad Petrum Euangelij præconem fidelissimum ablegauit. Nemo ergo nostrum dixerit, Reuelationem habeo, ministerio verbi non est opus, &c.

Et quum discessisset angelus qui loquebatur illi, vocauit duos famulos suos, & militem religiosum ex his qui sibi adhærebat. Quibus quum narrasset omnia, misit illos loquen-

*Obedientia
Cornelij.
Legatio.*

Præpropere accingitur, vt diligentissimè illud expediat quod angelus iniunxerat. Merito enim damnantur qui frigido & ignauo pectore stupent, ac tardius ad verbum Domini quærendum se mouent. Singularis autem prudentiæ ac pietatis est, quod non quosuis mittit nuncios, sed delectissimos ac spectatæ fidei homines. Nam non parum retulerit quid cui delegemus officij, aut quos mittamus in re quauis nuncios.

Postridie verò facientibus illis iter, & appropinquantibus ciuitati, ascendit Petrus in superiora domus vt oraret, circa horam sextam. Et cum esuriret, voluit gustare cibos. Parantibus autem illis, irruiit super eum mentis excessus.

Horæ orationis.

Iam verò accingitur historicus, vt & aliam exponat visionem, qua petrum Cornelio præparauit Dominus, & ostendit quod etiam Gentes in albo populi Dei sint inscripti, quocirca nihil cunctetur illis Euangelij prædicationem annuntiare. Cæterum ex hoc loco iterum cognoscimus quod temperantia & oratio ad Deum perpetuum sit Christiani hominis exercitium. Quod autem ad sextam precabatur, ex more gentis fiebat. Nam constat, tertiam, sextam, & nonam peculiariter orationi apud Iudæos dicatas fuisse. Christus verò tempus & locum in oratione libera esse voluit, & tamen ordinem in rebus quibusuis cōmodum, & à superstitione alienum, nunquam damnavit. Quod Petrus in superiora domus conscendebat, propterea fiebat, ne quis orantem interturbaret. Quin & ipsa templa apud nos non tantum ob cœtum instituta sunt, sed propter eos etiam, quibus domi ob strepitum familiarem non licet orare quietius. Porro quod ieiunus & in ipsa rapitur oratione, significatur quod orantibus & temperantibus reuelantur mysteria Dei. Saturis enim & oscitantibus stupet mens. Crapulam enim & somnum malunt quàm spiritus diuini gratiam.

Et videt cœlum apertum, ac descendens ad se vas quoddam velut linteum magnum, quatuor inijs alligatum, submitti è cœlo in terram, in quo erant omnia quadrupedia terræ, bestięq; & reptilia, & volatilia cœli. Et facta est vox ad eum: Surge Petre, macta & vescere. Ait autem Petrus: Nequaquam Domine, quia nunquam edi quicquam commune & immundum. Et vox rursus iterum ad eum: Quæ Deus purificauit, tu communia ne dixeris. Hoc autem factum est tertio. Et rursus receptum est vas in cœlum.

De visionibus.

Diuus Aurelius Augustinus contra Adimantum cap. 28. Multa (inquit) in scripturis inueniuntur visionis genera. Vnum secundum oculos corporis: sicut vidit Abraham tres viros sub ilice Mambræ, & Moses ignem in rubo. Alterum secundum quod imaginantur ea quæ per corpus sentimus. Nam & pars ipsa nostri cum diuinitus assumitur multa reuelantur, non per oculos corporis aut aures aliumue sensum carnalem, sed tamen his similia: sicut vidit Petrus discum illum submitti è cœlo cum varijs animalibus. D. porro Hieronymus hanc exponens allegoriam in Epistola ad Rusticum scribit, Iam testum atque solarium cum Petro Apostolo conscendisti, qui efuriens in Iudæis Cornelij saturatur fide, & famem incredulitatis eorum Gentium conuersione restinguit, atque in vase Euangeliorum quadrangulo, quod de cœlo descendit ad terram, docetur & discit omnes homines posse saluari. Rursus quæ quod viderat in specie candidissimi linteaminis in superna transfertur, & credentium

dentium turbam de terris ad cœlum rapit, vt pollicitatio Domini compleatur, Beati mundo corde, quoniam ipsi Deum videbunt. Hæc Hieronymus. Itaq; visio illa allegoriam habet, quæ ipsa rei: ge-
litæ historię clarissimè postea exponitur. Cœlum enim apertum significat aditum paratum esse ad
cœlestia, nec quibusuis, sed ijs qui intra linteamen sint constituti. Linteamen mundum, Ecclesiam si-
gnificat Christi sanguine mundatam, quæ cœlitus nascitur, & in cœlum tandem rapitur, quæ & fi-
nibus terræ terminatur. Nam quatuor initia significant quatuor plagas mundi. Ergo in hoc sunt o-
mnia animantium genera etiam vetita (Leuit. 11.) & immunda. Nam Ecclesia colligenda erat non ex
Iudæis tantum, sed & ex prophanis quoq; Gentibus. Id cū eo tempore à plerisq; imò & ab Apostolo
Petro nesciretur, oraculo cœlitus delato clarissimè docetur. Audit enim Petrus, *Quæ Deus purifica* *Delectus cibo-*
uit, ea nemo prophana dixerit. Hæc de visionis huius mysterio. Eadem potest etiam ad ciborū liber-
tatem referri, quo & D. Augustinus, cuius diligentia in sacris interpretandis etiam Hieronymus cō-
mendat, Hom. 45. retulit, palam testatus Christianis liberum esse, vt quibus velint vescantur, dum-
modo ad satietatem nō ad luxum. Beda contrā miratur quomodo hæc quidē de escis sine delectu ve-
scendis exponant, cum serpentes & alia hic numerentur reptilia quæ vesci non possint. Quasi vero
nesciamus plures apud Cœnographos inueniri Ophiophagos, serpentiedos, inquam, id est, eiusmodi
homines qui victitent serpentibus: item qui crocodylo immani belua vescantur, rursus qui ostreis
passim testudinibus & lucustis vtantur in cibo. Quin nemini dubiū est simul & literæ sensum & alle-
goriæ mysterium in eodem loco scripturæ citra errorem recipi posse. Nam petra percussa & æneus
serpens Christum (teste scriptura) significabant: sed nihilominus verum erat & verè cōtingeret quod
historia narrabat. Itaq; saluo vocationis Gentium mysterio, hinc etiam colligi potest, quibuslibet in-
differenter vescendum esse, maximè cum hoc ipsum cum alijs scripturæ locis prorsus non pugnet:
sed & illa generalis sit sententia, *Quæ Deus purificauit, ea nemo immunda dixerit.* Hæc enim si ad-
das Paulinam sententiam, Omnia pura puris, iam habebis quod volebas, liberum esse fidelibus ci-
bum quemlibet, modò cum gratiarum actione vescantur, 1. Timoth. 4.

Et dum apud sese hæsitaret Petrus, quæ nam esset visio quam videret, ec-
ce viri qui missi erant à Cornelio, percontati de domo Simonis, adstiterunt
ad ianuam. Et euocato quæpiam, interrogabant, an Simon qui cognominas-
retur Petrus, illic haberet hospitium. Petro verò cogitante de visione, dixit
spiritus ei: Ecce viri quærunt te. Surge itaq; & descende, & vade cum eis, ni-
hil hæsitans, propterea quòd ego misi illos.

Hæsitant enim & sancti nonnunquam, sed protinus instituantur à Domino, quemadmodum
videmus hoc loco vsu venire Petro. Exponit enim visionem spiritus, & ait, Descende ad viros qui te
quærunt, & vade cum illis, nihil hæsitans impartiri Gentibus gratiam Euangelij. Ex me enim insti-
tutum est quod suscipis. Existimat autem Beda spiritum dicere, quando occulta vi gratiæ, quæ agen-
da sunt cernimus.

Descendens autem Petrus ad viros, qui missi erant à Cornelio ad ipsum,
dixit: Ecce ego sum ille quem quæritis: Quæ causâ est propter quam veni-
stis. Qui dixerunt: Cornelius Centurio, vir iustus, ac timens Deum, & testi-
monium habens ab vniuersa gente Iudæorum, oraculo admonitus est ab
angelo sancto, vt accerferet te in domum suam, & audiret verba abs te. In-
trō vocatos igitur eos, recepit hospitio.

Nihil hic aliud dicitur, quàm quod supra audiuius expositum, nisi quod hic in seriæ narra-
tionis siue historię pingitur mira Petri familiaritas ac hospitalitas, omnibus viris Apostolicis & Ec-
clesiæ proceribus in exemplum, vt & ipsi humani, comes, benigni, & hospitaes sint: non arrogantes,
superciliosi, præfracti & plus nimio tenaces. Porro verba posuerunt more Hebraico pro toto com-
miso negotio. *Familiaritas.*

Sequenti verò die Petrus profectus est cum illis, & quidam ex fratri-
bus ab Ioppenlibus comitati sunt eum. Postridie verò introierunt Cæs-
saream.

Hæc faciunt ad explendam historię seriem. Interim verò monent, ne quid nos pigeat laboris
propter Dominum & Ecclesiæ suæ utilitatem suscepti: præterea Ioppenses singulari quadam Dei
prouidentia in comitatu sunt, vt testes eorum essent quæ gererentur.

Porro Cornelius expectabat illos, conuocatis cognatis suis, ac necessarijs amicis.

Duas huius conuocationis causas assignant. Prior, vt ipsum nobile factum plures haberet testes. Posterior, vt beneficium ad plures diffunderetur. Solet enim mens pia admodum esse anxia, vt communis ac supremæ salutis multi, in primis verò necessarii nostri, sint participes. Hunc locum si obseruarent Catabaptistæ, nimirum intelligerent parentes de liberorum salute anxios esse, quando & Cornelius amicorum maximam videtur habuisse rationem. Necessarii autem (Circus ἀρχαίς φίλοις dixit) Latinis dicuntur, qui iure affinitatis & peculiari amicitia nobis coniuncti sunt. Et necessitudo inde dicta est ipsum ius & officium obseruantia affinitatis. De hoc Gellius pluribus in 13. capite tertio.

Vt autem factum est vt introiret Petrus, obuiam progressus ei Cornelius, ac procidens ad pedes, adorauit eum. Petrus verò erexit eum, dicens: Surge, & ego ipse homo sum.

Reuerentia.

Reuerentia proflus debetur seruis Dei ac sanctis hominibus, sed humana ac moderata. Modum excedebat Cornelius, & Proinde corripitur à Petro. Procidens enim ad pedes Apostoli hominem adorauit: quod quidem non tantum ad geniculationem & gestum corporis (vt apud Hebræos sæpe) referri potest, quam iam expresserat, cum dixerat, Procidens ad pedes, sed plus quippiam de homine sensit, quam conueniret. Proinde Petrus erigit eum, ac dicit: Surge, nam & ego ipse homo sum, asserens omnem gloriam Deo esse referendam. Facit hic locus plurimum aduersus eos, qui cultum Diuorum propugnant, & Pontificis Romani tuentur tyrannidem. Hic enim cum se Petri iaceret Vicarium, non modò Centurionem aliquem non erigit, sed ipsum etiam Romanorum Imperatorem maximum ad pedes deiectum, pedibus (vt aiunt) coronat, denique & pedes (turpe dictu) ad oscula subiicit in omnibus. Quod sanè nullo Apostolorum exemplo didicit, sed pessimorum in orbe hominum ritu. Nam Diocletianus maximus fidei Christianæ persecutor, edicto sanxit, vt omnes prostrati, pedes sibi oscularentur, quibus etiam venerationem quandam (vt ait Vrbinas Polydorus) adhibuit, exornans calceamenta auro, gemmis ac margaritis: quod fecisse antea C. Caligulam totius Reipub. pestem nocentissimam, scribit Seneca.

Pedū osculatio

Et colloquens cum illo, intrauit, & offendit multos qui conuenerant, dixitq; ad illos: Vos scitis, non esse fas viro Iudæo coniungi, aut accedere ad alienigenam. Sed mihi ostendit Deus, ne quem communem, aut immundum dicerem hominem, quapropter & incunctanter veni accersitus. Interrogo ergo, quam ob causam accersistis me?

Deut. 7.

Iterum ostendit in Petro quædam humanitatis & familiaritatis indicia. Deinde verò recenset quomodo se expurgarit ab ea labe, qua videri poterat aspersus, quod contra legem Domini committeretur Gentibus. Nam aderant ex Ioppen sibus viri qui hac re poterant offendi. Rursus, cum ipse Cornelius vnà cū suis tanto tempore iam inter Iudæos esset versatus, nescire non potuit quo animo Iudæi in Gentes essent adfecti. Proinde ne vel illi offenderentur, vel hic parum ei fideret, priusquam ipsam rem aggrediatur illud quod offendere ac labefactare poterat infirmorum mentes, apologia eximit. Hinc verò interrogat cur vocarint: non quòd nesciret qua causâ vocatus esset, sed vt coram fatentes audiret, & solidi in Deum amoris non fallentia perciperet argumenta: denique vt vndique sibi probè constaret cū reuelationis tum rei gestæ historia. Cæterum si quis indecorum & Deo indignum putat, vt quod olim oderit aut inhibuerit, nunc amet & præcipiat: is expendat quòd prius illud de vitando Gentium contubernio præceptum, ad tempus datum est, & quod ad morū vitæq; contagionem euitandam magis pertinuit, quam ad externam vitæ conuersationem.

Consortium Gentium.

Et Cornelius ait: Die ab hinc quarto vsq; ad hanc horam sedebam ieiunus, & hora nona precabar in domo mea, & ecce vir stetit ante me in veste splendida, & ait: Corneli, exaudita est deprecatio tua, & elemosynæ tuæ in memoria habitæ sunt coram Deo. Mitte ergo qui eant Ioppen, & accerse Simonem qui cognominatur Petrus, hic diuersatur in ædibus Simonis coriarij iuxta mare, qui simul atq; venerit, loquetur tibi. Confestim ergo misi ad te, & tu bene fecisti qui adueneris. Nunc ergo omnes nos, teste Deo, adsumus, vt audiamus omnia quæcunq; tibi præcepta sunt à Deo.

Eadem

Eadem dicuntur, quæ iam secundo sunt exposita. Declarant autem quàm probè sibi constet scri puræ sanctæ veritas. Ad finem autem adiecta est illa elegantissima Cornelij & suorum confessio, & prudens gratiarum actio. Agit enim gratias quòd venire ad se dignatus sit. Agnoscens Euangelij prædicationem summum adeoq; incomparabile esse beneficium. Habes enim in hoc Cornelio summas quasq; virtutes, fidem, obedientiam, pietatem, iustitiam, gratitudinem & prudentiam, absolutissimè propositas. Nostro seculo nulla re perinde peccatur, atq; ingratitude & neglectu non modo ministrorum verbi, sed & verbi ipsius. His subiungitur pia confessio. Nunc ergo nos omnes, teste Deo, ad sumus, nulla fraude aut sinistra mente præditi, sed vt simplici & sincero animo omnia ea audiamus, quæ a Domino tibi mandata sunt. Talem animum si hodie ad lectionem sacrarum literarum & conciones Christianos adterremus, iam plus esset fructus Euangelici, & minus hypocriseos ac indignationis. Cæterum quales accedimus, tales & efficimur. Prauo animo accedimus, ergo avari & iniusti non equidem per verbum efficimur, sed malitiam congenitam, & alius insidentem verbo vel defendere, vel lenire, vel obtegere cupimus: & proinde deteriores redimus. Præstiterat enim pura mente ad oracula Dei pura, omnibus positis adfectibus accedere.

Gratitudo.

Audire verbū.

Aperiens autem Petrus os, dixit: Reipsa comperio, quòd non sit personarum respectus apud Deum, sed in quavis genere qui timet ipsum, & operatur iustitiam, is acceptus est illi.

Cognita auditorum sinceritate & audiendi ardore, maxima gravitate se ad orandū componit. Oratio autem quam ad illos habet, genus sapit Didacticū. Nam expositione historica ostendit quid per Christum in carne egerit ac donarit nobis Deus, remissionem videlicet peccatorum, & æternæ vitæ hereditatem, quæ percipiatur solida in Christum fide. Priusquam tamen ipsam Euangelij prædicationem de Christo ordiatur, ipsam maceriam & ipsum diruit interstitium, quod hæcenus Gentes diuiserat à Iudæis, & ἀποτὸν Ἰουδαίων κατὰ φύσιν μὴν. In ipsa rei veritate deprehendo quod apud Deū non sit ullus personarum respectus, ita vt Iudeus circumcissus Gentili præputiato præstet propter eternam rerum quarendam observationem. Video enim pietatem animi, non speciem pietatis placere Deo, adeò vt cuiuscunque Gentis quis sit Barbarus, Scythia, Romanus, Græcus vel Iudæus, Deo nihilominus placeat, si modo amplectatur iustitiam, & verè pius sit. Sic enim subleuauit Gentium mentes, ne suisan se à Deo (iuxta inueteratam Iudeorum opinionem) crederent neglectas. Ex materia autem dicti dirigendus est sermo, ne citra conditionem & rationem cū temporis tum personarum verba intelligens, Christum euacues. Nihil hic disputat de ijs Gentibus, ad quas Euangelij fulgor non peruenit. Illas enim iudicio Dei relinquimus indemnatas. De præsentī statu rerum loquitur, in quo nonnulli negabant Euangelij gratiam ad Gentes pertinere, id quod huc loco asserit Petrus. Quòd si per opera sine Christo quisquam saluari posset aut vnquam potuisset, iam Christus euacuatus esset, nec expiatio totius mundi rectè crederetur. Proinde si qui apud Gentes saluati sunt, vt innumeram turbam saluaram credimus, certè non sine Christo saluati sunt. Omnia enim à condito orbe, à Deo per filium facta sunt: etsi mysterium non omnibus æquè illuxerit, sed alijs clarius, alijs obscurius. Facit huc quoq; quod Isaias, Ieremias, Daniel ac cæteri Prophetæ non minori diligentia Gentibus quàm Iudæis verbum veritatis annuntiarunt, iisdem cū pœnas tum benignitatem Dei proponentes. Proinde si ante Christum & Apostolicam in Gentes prædicationē Gentes quoq; Deo placuerunt, propter iustitiam & pietatem placuerūt: at nulla pietas ac iustitia sine filio Dei perfectæ, ex gratia ergo Dei & per meritum Christi placuerūt Deo. Quemadmodum & ex Iudæis & vetulstis patribus omnes propter venturum Christum seruati sunt, quem tamen non aliter quàm in ænigmatē tūc quidem viderūt. Verum hæc omnia (vt diximus) iusto Dei iudicio indemnatā relinquimus: nos de præsentī rerum statu loquimur.

Personam non accipit Deus.

Sermonem quem misit Deus filiis Israel, annuntians pacem per Iesum Christum (hic est omnium Dominus) ipsi nostis, de quo sermone fama diuulgatum fuit in tota Iudæa: rumore primum orta à Galilæa, post baptismum quod prædicabat Ioannes, vt Iesum Nazarenum vnixerit Deus Spiritu sancto & virtute, qui obambulauit benefaciendo, & sanando omnes oppressos à diabolo, quoniam Deus erat cū illo. Et nos testes sumus omnium quæ fecit & in regione Iudæorum, & Hierosolymis, quem occiderunt suspensum in ligno. Hunc Deus suscitauit tertio die, & exhibuit eum, vt manifestus fieret nō toti populo, sed testibus prius ad hoc delectis à Deo, nimirum nobis, qui comedimus & bibimus vnā cum illo, posteaquam resurrexit à mortuis.

D Petrus prædicat Christum Oratio paulò obscurior, propter longius hyperbaton, & membrorum inter se commixtionem. Sic ergo explicari poterit: Scitis negotium quod Deus cœpit cum filiis Israel, nempe quomodo filium misit (qui omnium rerum Dominus est) vt pacem annuntiaret. Scitis inquam vel fama, quæ de illo per vniuersam Iudæam spargebatur, indice, quomodo hic in Galilæa primum cœperit Euangelij prædicationem, præmisso tamen Ioanne, qui illi parauit viam, ac testimonium perhibuit quòd sit filius Dei. Id quod ipsemet Dominus protinus vel signis comprobauit. Nam obambulauit, &c. Iam ergo vides bonam huius obscuritatis partem inde oriri, quod Lucas breuitati studens non integram ascripsit Petri prædicationem, sed prædicationis duntaxat prima capita. Solet autem id genus scribendi concisum ac inuolutum esse. Hic ergo textus Euangelicam de Christo historiam, quis sit, cur & quomodo venerit, quid contulerit. Principio autem in genere dicit: Audistis quomodo Deus Iesum Christum omnium rerum Dominum miserit, vt pacem annuntiaret: statim in ipsa orationis initio docens Iesum esse verum Deum & hominem: item quid cōtulerit, pacem. Nam Deus sibi per hunc totum mundum reconciliauit. Hanc summam iam fusius spargit, & diligentius exponit modum, initia & totam rem gestam enarrans. Auspicatur autem à Ioanne Baptista. Hic enim primus & maximus fuit Euangelij Christi præco, quod vel ex 1. Ioan. cap. liquet, & ex eo quod Marcus dixit, *Ioannis Baptiste prædicatio.* Initium Euangelij Iesu Christi filij Dei, sicut scriptum est in Prophetis. Id est, Euangelium de Iesu Christo Dei filio sic cœpit, vt prædictum est à Prophetis, nempe à prædicatione Ioannis. Errant enim fœdissimè qui nescio quid mediationis Ioanni tribuunt, ita tamen vt neq; legem prorsus, neque Euangelium omnino prædicarint. Nam aliud tradidere nobis Euangelistæ sanctissimi: aliud tradit hoc loco Petrus, dicens, Ioannem prædicasse (obserua loquutionis genus) Baptisma, id est, doctrinam de expiatione, & quomodo Iesum Nazarenum vnixerit Deus Spiritu sancto & virtute. Ecce Ioannes prædicauit quomodo apud filium omnium rerum sit potestas. Quid autem hoc aliud est quàm Euangelium prædicare? Legatur caput Ioan. 1. & 3. & clarissimè apparebit quid Ioannes de spiritu, vnctione & virtute Christi testatus sit. Quanquam hæc particula, Vt Iesum Nazarenum vnixerit, &c. videri poterat ad superiora esse referenda, vt intelligamus rumorem de Christo sparsum quomodo ipsum vnxisset Deus. Sed hic sensus paulò post coactior, & à simplicitate remotior. Hæc de Ioannis prædicatione & testimonio: iam historię seriem subtexere pergit, miracula referens, quæ non humana, sed diuina virtute patrauit, id quod sic extulit, Quoniam Deus erat cum eo, ita loquens humano more, cum reuera senserit illa signa diuinæ eius fuisse naturæ: id quod ipse Dominus de sese palam testatur apud Ioannem in 10. Et quo grauius pondus haberet narratio, addit ceu à pronuntiatis testimonia, nempe quod ipse Petrus vnà cum alijs Apostolis omnium rerum gestarum in Iudæa, Samaria ac Galilæa fuerint spectatores, & proinde certissimi testes. Addit præterea mortem Christi, & à mortuis resurrectionem veram, quā & multis comprobarit signis, de quibus in Cap. 1. Breuiter, Cornelio & suis nihil aliud prædicauit quàm Euangelium de Iesu Christo crucifixo & resuscitato. Fructum & scopum eius subiungit.

Et præcepit nobis vt prædicaremus populo, & testaremur quòd ipse sit ille qui constitutus erat à Deo iudex viuorum ac mortuorum.

Christus Iesus Dei filius omnipotens, iustus & iudex omnium est. Vnice ergo colendus & timendus est. Huc enim pertinent miracula omnia, ne cruce & ignominiosa offendamur morte, sed ipsum nihilominus credamus verum esse Deum. Iudicio enim patet eius diuinitas Ioan. 5. cap. Iam mortis miseræ & humilitatis fructus sequitur.

Huic omnes Prophetę testimonium ferunt, quòd remissionem peccatorum accepturus sit per nomen eius quisquis crediderit in eum.

Ex morte Christi emergit nobis vita, redemptio & salus. Neque hoc quisquam vanum putet. Hoc enim docuere omnes quotquot vnquam ab initio vixerunt Prophetæ, nempe quòd omnis qui in filium Dei credit, remissionem peccatorum & æternam vitam assequatur. Moses non vno loco, clarissimè tamen Exodi 12. Isaias in 43. & 53. Ieremias in 23. & 37. Ezechiel in 36. Daniel in 9. Hic autem orauerim te Lector, vt hanc Petri prædicationem conferas cum superioribus, & cum ijs quæ de absoluta fide citauimus ex Irenæo & Tertulliano, hincque iudices quæ Apostolica & vetus de fide sit traditio. Solum Christum prædicat, & in hoc omnia. Id si nostri quoq; facerent, interissent indulgentiæ, idola, anathemata, Missæ, & id genus humanæ traditiones. Sed de hisce forsan copiosiora dicemus in 15. cap.

Adhuc loquente Petro verba hæc, cecidit Spiritus sanctus super omnes qui audiebant sermonem. Et obstupuerunt hi, qui ex circuncisorum genere cre-

re credebant, quotquot venerant cum Petro, quòd & in gentes donum Spiritus sancti effusum esset. Audiebant enim illos loquentes linguis ac magnificantes Deum.

Vt gratiæ suæ largitionem erga Gentes testaretur Deus, spiritum demittit ante baptismum, ut Iudæis declararet quod & Gentes in populi Dei albo sint recensiti, & iustitia Dei nullis acquiratur rebus externis. Nam & ante baptismum & sine circumcisione & ceremonijs donatus est Spiritu sancto Cornelius. Vnde in 15. cap. colligit Petrus iustitiam veram misericordiæ Dei: & fidei deberi, non legalibus aut externis. Inde erat quod circumcisi mirarentur. Existimabant enim quod ad solam semen Abrahæ carnale pertineret Prophetarum promissio. Cum tamen illi satis clarè dixerint Spiritum sanctum super omnes effundendum esse, qui inuocarent nomen Domini. Hic quoque ne quid omnino dubij superesset, non aliter varijs linguis loqui cœperunt, quàm supra in secundo capite cœpissent Iudæi. Sic enim in prima illa & maxima vocatione Gentium oportuit illas quidem extra omne legis præsidium Iudæis æquari, ut certò iam cõstaret iustitiam solius esse gratiæ & electionis diuinæ & nullorum operum.

Baptismus spiritus.

Tunc respondit Petrus: Num quis prohibere potest, quo minus aqua baptizentur hi, qui Spiritum sanctum acceperunt sicut & nos? Et iussit eos baptizari in nomine Domini.

Clarissimo signo euictus Petrus, qui & præter illud, maximam viderat visionem docentem Gentes à societate populi Dei non esse arcendas, subiicit: Nemo omnino posthac prohibere poterit ut Gentes non baptizemus. Quando non secus Spiritu sancto baptizati sint, atq; nos baptizati sumus. Ex quibus verbis nos colligere possumus quid sit baptismus, & quibus debeatur. Est enim baptismus initiale Sacramentum populi Dei, quo intra populum Dei alerimur, & sub veram vnus Dei religionem vitæq; innocentiæ astringimur. Debetur autem ijs qui sunt Dei. Sic enim dicit Petrus, Cur non baptizarem eos qui acceperunt Spiritum sanctum? At accipere Spiritum sanctum quid aliud est quàm externo manifestari signo quod Dei sis qui donum Dei accipis. Nam ipse Petrus postea 15. cap. Spiritum sanctum testimonium appellat. Iam ergo sic colligimus. Quicumq; Dei sunt, baptizandi sunt, pueri Dei sunt, ergo baptizandi sunt. Hanc ratiocinationem nemo Catapaptistarum eluder. Si quidem Maior ut vocant propositio firmatur hisce Petri verbis, quibus planissimè exponit, quibus debeatur baptismus. Porro Minor propositio multò est clarissima & Christi & Apostoli verbis confirmata. Nam Christus in Euangelio, Sinite (inquit) pueros venire ad me. Talium enim est regnum cœlorum. Et Paulus ad Corinth. Sanctificatus (ait) est maritus incredulus per uxorem fidelem, & sanctificata est uxor incredula per maritum. Alioqui filij vestri immundi essent, nunc autem sancti sunt. Quæ sanctimonia non est ex carnali natiuitate, sed fide ac gratia Dei, quæ illis impartitur qui nascuntur de fidelibus. Tales enim sunt filij Abrahæ nõ secundum carnem, sed secundum spiritum. Carnales enim rebus externis & carnalibus nituntur: Spirituales verò gratiæ. Nõ ait, Sancti sunt quia ex carne Abrahæ sunt, sed sancti sunt, quia ex fidelibus sunt. Sumus autè ex gratia fideles. Cæterum si quis obijciat, Satis certum fuisse Cornelium atq; suos Dei fuisse, eò quòd visibili signo confirmati sint: illud autem signum nullibi comparere in infatibus. Respondemus hinc non consequi quod omnes qui Spiritu Dei præditi sunt, protinus & externo signo spiritu manifestetur. Hoc enim in initio factum oportuit, ne quis dubitaret gentes non esse Dei. Iam verò Apostolus in Romanis dicit, Si quis spiritum Christi non habet, hic non est eius. Id si veritas inuenies eos qui Christi sunt, spiritum Christi habere. Astipulatur nobis & Aurelius Augustinus de Præsentia Dei ad Dardanum cap. 12. dicens, Dicimus in baptizatis paruulis, quamuis id nesciât, habitare Spiritum sanctum. Sic enim eum nesciunt (quamuis sit in eis) quemadmodum & nesciunt mentem suam, cuius in eis ratio, qua uti nondum possunt, velut quædam scintilla sopita est, excitanda ætatis accessu. Hæc Augustinus: sed redimus ad historiam. Petrus ergo iussit illos baptizari in nomen Domini. Vnus enim Dominus est in essentia, trinus in persona. In idem ergo recidit siue in nomen Domini, siue in nomen Patris, Filij & Spiritus sancti baptizemus. Id quod propter illos annotamus, qui Græcos damnâtes, nodum in scyrpo quærunt superstitiosuli. Et Beda ipse hunc locum de forma (ut aiunt) baptismi disputans ex D. Ambrosij authoritate non aliter tractat, quàm nos tractamus.

Baptismus paruulorum.

Tunc rogauerunt eum, ut remaneret aliquot dies.

Humanitatis & gratitudinis argumentum est, deniq; & ardoris in verbum Domini, quo illi ab optimo simul ac fidelissimo veritatis doctore plenius cupiebant erudiri. Iudæi contra Apostolos proscribebant, & è Synagogis eieciabant ac persequabantur. Nostri quoq; ad primam quamq; prædica-

Audire verbū.

tionem se absolutos esse, & nullo doctore nullâue institutione posthac egere arbitrantur. Illi Spiritum sanctum acceperant, & tamen orant ut Petrus remaneat, nostri nondum didicerunt an sit Spiritus sanctus, & tamen absolutos se esse credunt. Sed vani sunt qui hac ipsa re suam insitiâ produnt. Verissimè enim de aqua sapientiæ dixeris illud poetæ:

Quo plus sunt potæ plus sitiuntur aquæ.

CAP V T X I.

AVdiuerunt autē Apostoli & fratres, qui erant in Iudæa, quòd & Gentes receperant sermonem Dei. Cumq̃ ascendisset Petrus Hierosolymam, disceptabāt aduersus illum, qui erant ex circumcisione, dicentes: Ad viros præputium habentes introisti, & edisti cum illis.

RES noua nouo & admirabili modo verbisque quàm manifestissimis & copiosissimis exponi debebat, ne quid omnino dubij esset de Gentibus, hoc est, ne quis fortassis putaret illas exclusas esse ab Euangelica salute. Proinde ut certo crederemus & has pertinere ad populum Dei, repetuntur eadem quæ iam audiuimus. Hactenus enim execrabantur Iudæi Gentiles ceu impuros, prophanos & impios, adeò ut nec congressu dignarentur & templum suum pollui crederent si quis fortè incircuncisus esset ingressus. Atq; adeò hæc inoleuit opinio, ut & Apostoli cum Petro expostularent quod Gentibus fuisset commixtus. Non quod salutem Gentibus inuiderent, sed quòd indignos putarent quibus proponerentur cælestes thesauri.

Petrus autem rem ab initio repetens, exposuit illis ordine, dicens: Ego eram in ciuitate Ioppe orans, & vidi raptus extra me visionem, descendere vas quoddam, ceu linteum magnum quatuor initijs emissum è cælo, & venit vsque ad me. In quod cum intendissem oculos, animaduerti & vidi quadrupedia terræ, & bestias, & reptilia, & volatilia cæli. Audiui autem & vocem dicentem mihi: Surge Petre, macta & vescere. Dicebam autem: Nequa qua Domine, quia nihil commune aut immundum vnquam introiuit in os meum. Respondit autem mihi vox rursum è cælo: Quæ Deus mundauit, tu ne communia dixeris. Idq̃ accidit tertio, & rursum omnia subducta sunt in cælum. Et ecce extemplo tres viri præsto aderant in ædibus, in quibus eram, è Cæsarea missi ad me. Dixerat autem mihi spiritus, ut congregarer cum illis, nihil hæsitans. Porro comitati me sunt & sex fratres hi. Et ingressi sumus in domum viri: isq̃ retulit nobis, ut vidisset angelum domi suæ, qui adstitisset ac dixisset sibi: Emitte viros Ioppen, & accerse Simonem cognomento Petrum, qui tibi ea dicturus est, per quæ serueris & tu, & vniuersa domus tua. Cum autem exorsus essem sermonem, illapsus est Spiritus sanctus in illos, quemadmodum & in nos fuerat illapsus initio. Veniebat autem in mentem quod dixerat Dominus: Ioannes quidem baptizauit aqua, cæterum vos baptizabimini Spiritu sancto. Proinde si par donum dedit illis Deus, quemadmodum & nobis quū credidissemus in Dominum Iesum Christum, ego porro quis eram, qui possem obistere Deo? His autem auditis obtinuerunt, & glorificauerunt Deum, dicentes: Igitur & Gentibus Deus pœnitentiam concessit ad vitam.

Idem in hac responsione Petri repetitur quod in decimo capite dictum est, sed mutata orationis figura siue statu. Quod enim superius historica narratione contextum est, hic apologetica expositione proponitur. In summa, Cum Iudæi ad Christianismum conuersi, interim verò nonnihil Iudæizantes, crederent Gentes immundas esse, & ab Euangelica gratia arcendas, quippe cum ipsis earum quoque consortio esset interdictum, Petrus argumento spiritus contrarium asserit, Gentes videlicet sanctifica-

sanctificatas esse, & Christi sanguine mundatas, & proinde à se non repulsas, sed baptizatas. Ceterum miram vehementiam habet quod dicit, Si par donum dedit illis Deus quemadmodum & nobis dum credidisset, ego porro quis eram qui possem obfistere Deo? In quem locum Paraphrastes, An iam à Domino spiritu baptizatis (inquit) negare debui baptismum aquæ, quæ nihil aliud est quàm signum gratiæ diuinitus conferendæ? Atqui gratia iam præcellerat citra nostram operam. Itaque negare baptismum aquæ quid aliud fuisset quàm improbare quod fecisset Deus? Edocti ergo veritatem à Petro, non remurmurant aut conuittantur, sed Deum glorificant quod Deus prophanis istis Gentibus aditum aperuisset ad vitam per resipiscenciam in Christo. Nam Euangelium (ut alibi ostendimus) pœnitentiam ac remissionem peccatorum in Christo prædicat.

Et illi quidem qui dispersi fuerant ex afflictione, quæ orta fuerat ob Stephanum, perambulauerunt usque ad Phœnicen, & Cyprum, & Antiochiam, nemini loquentes sermonem illum, nisi solis Iudæis.

Ergo quod Petro contigerat ignorabant illi, inde non nisi profelytos ac Iudæos Euangelij communicatione dignati sunt. Porro reliquis quibusdam mysteria sua reuelauit Deus, ut illi Gentibus prædicarent Euangelium, quod sequentibus describitur.

Erant autem quidam ex eis viri Cyprij & Cyrenenses, qui cum introissent Antiochiam, loquebantur ad Græcos, prædicantes Dominum Iesum. Et erat manus Domini cum eis, multusque numerus credentium conuersus est ad Dominum.

Comprobata vocatione Gentium, posthac pauculis quibusdam per 12. cap. insertis, Gentium Ecclesiam omnibus virtutibus, & ornamentis persequitur, exactissimè ob oculos illam statuens, ac docens quomodo vocata per verbum obedierit, Christum suscepit, errores reliquerit, & Deum in iustitia coluerit. Principio autem primitias Gentium, Antiochenam Ecclesiam, sanè & sanctissimam & speciosissimam describit. Potissimum autem in illa ornamentum fuit prædicatio Christi Domini pura. Nihil enim aliud dicitur, quàm Prædicantes Dominum Iesum. In hoc enim quum sit omnis plenitudo, non est ut præter illum aut cum illo quicquam aliud prædicetur. Quin & feliciter omnia cedebant, Domino auxilium & gratiam suppeditante, adeo ingens numerus conuerteretur ad Dominum. A Domino enim est conuersio ad veritatem, Ierem. 31.

Ecclesia Gentium.

Peruenit autem rumor ad aures Ecclesiæ, quæ erat Hierosolymis super his, & miserunt Barnabam, ut iret Antiochiam. Qui quum peruenisset & vidisset gratiam Dei, gauisus est, & hortabatur omnes, ut proposito cordis perseuerarent adherere Domino. Nam erat vir bonus, ac plenus Spiritu sancto & fide. Et addita est multa turba Domino.

Eiusdem generis est cum illo, quod eadem illa Hierosolymorum Ecclesia in Samariam misit Petrum & Ioannem: de quo satis dictum in 8. cap. Commendatur autem hoc loco Lectoribus Barnabas, qui vnus ex maximis & eruditissimis Apostolis fuit, cuius mentio facta est in capite nono. Hic nullum nouum dogma in Antiochenam induxit Ecclesiam, sed rectè & simpliciter in Christo Iesu institutos animat atque confirmat, adhortans ut obfirmato corde pergerent adherere Domino. Unde nos iterum colligimus, quod omnes virtutes bonæ languescunt ac inutiles sunt, nisi absoluantur constantia & indefessâ in bono perseverantia. Colligimus item quàm paucis contenti legibus Apostoli, in hoc omnes animi vires intenderint, ut in via Domini constitutos retinerent, & in hac quàm longissimè promouerent. Nisi enim in via qua cœpimus, nihil respicientes, ierimus, frustra professionem incœpimus. Siquidem ipse in Euangelio Dominus, Qui (inquit) admota manu sua aratro respexerit, non est me dignus.

Firmo & solido corde.

Constantia.

Profectus est autem Barnabas Tarsum, ut quæreret Saulum: quem quum inuenisset, perduxit Antiochiam. Accidit autem ut annum totum consuetudinem agerent cum ea congregatione, docerentque turbam multam, & discipuli cognominarentur primum Antiochiæ Christiani.

Vide mirabile Dei consilium, Iudæi vas electionis auersantur, at Gentes contrà summa complectuntur obseruantia. Prius audiuimus Paulum deductum à nonnullis fratribus ab ipso Cæsare,

*Christianorum
nomen.*

& ab hac soluisse Tarsum Ciliciæ, hæc cum Antiochiæ ferè vicina esset, vocatur à Barnaba, vocan-
temq; sequitur Paulus. Non enim aspernenda est vocatio, quæ tametsi careat externo miraculo, à
præclaro tamen aliquo verbi Dei sit ministro. Siquidem hæc vocatio felix ac fausta fuit Paulo. Nam
huius & collegarum opera Antiochiæ celeberrima, & toto orbe laudatissima collecta est Ecclesia, in
qua primitus nobile Christianorum nomen inuentum, illisque inditum est, quibus hætenus disci-
pulorum appellatio, vti sæpe iam monuimus, indita fuerat. Porro de hoc nobili nomine nemo post
Eusebium Ecclesiast. hist. libro 1. cap. 1. scripsit copiosius. Certè Christiani dicimur ab authore Chri-
sto Domino, cui credimus, in quem baptizati sumus, cuius leges colimus, iustitiæ ac redemptionem
veneramus, cuius item spiritu donati, charismateque sancto vñti per ipsum gaudemus. Dolendum
verò quod hoc nobile nomen in tantum venerit contemptum, vt impura nostra vita inquinatum,
multis Gentibus sit materia ridendi. Dolendum magis quod nos quidem ipsi hoc cœlesti titulo ab-
utimur ad hypocrisis, anaritiæ, crudelitatis ac impietatis nostræ prætextum. Nemo non hoc nomi-
ne gaudet, sed quotusquique nostrum vita ac fide exprimit quod audit? Turpe erat Platonici, aut
Stoici, aut Epicureis quoq; nescire magistri sui dogmata, illis non superstitiosè etiam inhærere, con-
trarias auersari hæreses, sui dogmata magistri propugnare, & ad astra vsque extollere. Solis nobis li-
cet magistrum ignorare Christum, dogmata eius proscribere, diuersa amplecti, imò hoc deserto in a-
liam siue Benedicti, siue Dominici, siue Francisci, siue Bernardi, aut Brunonis transire sectam. Sed
faxit ille filius Dei omnipotens Christus, vt posthac & vita, & doctrina Christianorum titulo melius
respondeant.

In his autem diebus superuenerunt ab vrbe Hierosolymorum prophe-
tæ Antiochiam, surgensq; vnus ex eis nomine Agabus, significabat per spi-
ritum, famem magnam futuram in toto terrarū orbe, quæ accidit sub Clau-
dio Cæsare.

*De fame &
causis eius.*

Rarò inuenias Ecclesiæ felicitatem prorsus omniq; parte beatissimam fuisse. Iam enim auspica-
tissima quædam audiuius de felici Antiochenis Ecclesiæ successu: cæterum in hiis sequentibus
multo audiemus miserrima de fame omnium maxima qua supra modum Ecclesia fidelium affige-
batur. Ne ergo tædeat nos laboris & vicissitudinis rerum, ô fratres. Si enim suscepimus bona de ma-
nu Domini, mala cur non sustineamus? Causæ & rerum nostrarum summam non metimur felicitate
aut voluptate, sed fide & malorum tolerantia. In quibus hoc maximè consolatur, quod Dominus
suos nunquam deseruit, imò semper præmonuit, illisq; præcæteris prospexit. Nam vt Ægyptios vnà
cum Patriarchis olim vnus Iosephi prudentia ab impendente fame præmonendo præseruauit: ita
hic Ecclesiam suam per Prophetas, id est, eos qui diuinandi valebant peritiam, in primis autem per A-
gabum monuit, vt taperent sibi prospicerentq;. Verissimè enim Silius Italicus, Nil (inquit) temeraro
piget rabidi ieiunia ventris. Sed vetustas omnis male suadam famem dixit: hinc tam diligenter mo-
nentur sancti. D. Ioan. Chrysost. aliam quoq; huius vaticiniij causam annotat hisce verbis, Necessario
hic famem magnam futuram significat propheta, quæ sane sicut prædicta est cōiugit. Vt enim ne pu-
tent quidam propter hoc factam famem quod Christianismus ingressus est, vel quod dæmones deo
cti fuerint, prædicat Spiritus sanctus, quod euenturū esset, sicut & Christus prædixit multa, & euene-
runt. Non igitur propter hoc, quoniam oportebat ab initio hoc fieri, sed propter mala quæ in Apосто-
los facta, quæ cum & fierent, longanimitè ferebat Deus. Quum autem in peccatis perseverarent, fa-
mes magna facta est, significans Iudeis euentura mala. At dicis. Si propter malos hæc fiebant, oportebat
bonos à malis separari. Quid enim iniuste egerint Græci, vt propter Iudæos malorū fierent par-
ticipes, qui nihil mali fecerant? Quare dic mihi: Nōne prius dixit eis Christus, In mundo tribula-

*An mala emer-
gant ex Euan-
gelio.*

tionem habebitis? Tu autè hæc dicens, forsan & hæc dices quod neq; flagellari eos oportebat. Hæc
autem omnia ex Græco illo authore prorsus Ecclesiastico propter eos maximè ascriptimus, qui etiā
hodie bella, famas, pestes, & omnis generis infortunia ad nuperum illud (vt aiunt) Euangelij dogma
referunt, neq; verò vnquam expendunt quod maxima illa mala nobis iustissimo Dei irrogantur iu-
dicio propter scelera & nephanda flagitia nostra. Sunt enim qui veritatem proscribunt, sanctos in
exilium pellunt, sanctos sanctorum hominum libros cremant, veritatem blasphemant, ministros
verbi indignissime tractant, excarnificant, iugulant, ius & iustitiam corrumpunt, Ecclesiæ opes lu-
xu concoquunt, partim ære produnt, vsuris, versutijs & sutelis pauperes circumueniunt, & delica-
tuli ex sudore pupillorum, viduarum & egenorum viuunt: deniq; & libidine, adulterio, & ebrietate
omnia conspurcant. Propter hæc enim venit ira Domini super nos, non propter Euangelij prædica-
tionem, sed magis propter prædicationis neglectum. Verum inueteratum est istud & iam olim o-
mnium impiorum à seculo protritissimum conuitium, Ex veritatis prædicatione nil boni emer-
- vnquam

vnquam. Impingunt istud impij Ieremiæ apud Ierem. in 44. Et Ecclesiastici scriptores ad illud respondunt sepius. Nam Demetriano hoc ipsum obijcienti doctissime respondit sanctus Denmar-
tyr Cyprianus, & Symacho doctissimus & vigilantissimus Ligurum præsul Ambrosius. Quia & Aur. Augustinus libro de Confen. Euangelistar. in primo esp. 33. maxime in eos inuehitur, qui con-
queruntur per doctrinam Christianam rerum imminui felicitatem. Clarissime enim docet hanc mo-
rum imminui turpitudinem. Quod si quis consulat prophanos rerum scriptores, vel in his deprehen-
det impiissimam eius sæculi in quo vivere Apostoli vitam in causa fuisse cur Dominus tanta fame
exeruerit miseros mortales. Videtur & ipse Lucas hoc notasse cum principis Claudij nomen re-
fert in historiam. Hic enim prophanissimus existens, talibus imperitabat qualis ipse erat. Vere enim
Claudianus, Mobile (inquit) mutatur semper cum principe vulgus. Siquidem Claudius imperator
ventri (vt ait Sex. Aur. Victor.) vino, libidini, sædæ obediens, vecors & prope hebes, ignauus ac pa-
uidus, libertorum & coniugis imperijs subiectus fuit. Quibus subscribens Suetonius, Nunquam re-
mere (ait) triclinio absecessit, nisi distentus ac madens: toto anno visus fuit Saturnalia celebrare.
Hinc Antonia mater portentum eum hominis distabat, nec absolutum à natura, sed tantum in-
choatum. Ac si quem seculi argueret, stultiorem aiebat filio Claudio. Et Philostratus libro de Ap-
pollonio Thyaneo 5. Claudius (scribit) mulierum amore attonitus, non imperij solum, sed vitæ eti-
am est oblitus: siquidem ab ipsis, vt fertur, interfectus est. Ita vides, amice Lector, principum ac ma-
gistratus stultitia & impietate pessum ire res publicas etiam florentissimas, idque bello aliquoties,
mox seditionibus, aliquoties fame. Sed de hac ipsa fame non nihil annotauimus & in decimo quinto
ad Romanos.

*Claudij incons-
tuentia.*

Discipuli autem prout cuiq; suppetebat, proposuerunt in subsidium mittere habitantibus in Iudæa fratribus: quod & fecerunt, mittentes ad seniores per manum Barnabæ ac Sauli.

Hic commendatur nobis misericordia & mutua charitas. De qua satis dictum in superioribus: *Misericordia.*
Quod autem dicit: Prout cuique suppetebat, latius exponit Paulus in 2. ad Corinth. 8. dicens: Non
sic doceo exercendam esse (paraphrasi reddo) benignitatem, vt ij quos iuuatis opibus, suauiter & in
otio viuant, vos autem pereatis inopia: sed vt ex æquabilitate in præsentī tempore vestra copia illo-
rum succurrat inopiæ, &c. Et Paulo ante hæc: Volo vt bona animi promptitudine, iuxta illud quod
possideris, non iuxta id quod non possideris, aliquid in vsus impendatis pauperum. Cæterum ne il-
lud quidem negligendum, quod istud subsidium per manus, id est, delegationem & curam maximo-
rum Apostolorum mittitur, & ad seniores mittitur. Hoc enim commendatur nobis ordo & prudens
rerum dispensatio, quæ non quibusuis, sed senioribus deleganda est. Illo autem instituimur, vt dili-
genter perspiciamus, quid cuique mandemus, imò vt curam pauperum non nisi probatissimis com-
mittamus. De qua re dixi in cap. 6.

C A P V T XII.

Eodem autem tempore iniecit Herodes rex manus, vt affligeret quos-
dam de Ecclesiâ.

INSERTIO est historica. Suspenderat in vndecimo cap. narrationem de Petro, ad res
Antiochenæ Ecclesiæ exponendas venit. Hæc hic vicissim ad 13. cap. initium vsque dif-
fert, ad res Petri gestas & Hierosolymitanæ Ecclesiæ historiam redit, ac hoc 12. cap. expo-
nit pulcherrima exempla de Herodis tyrannide, de sanctorum ac Ecclesiæ constantia ar-
dentibusq; votis, de veritatis victoria, & Tyrannorum horribili exitio. Venusta autem sunt omnia, &
miram habent cum gratiam tum euentiam Initio autē pulchre committit historiam. Est enim con-
nexionis quod dicit, Eodem autem tempore. Nam Salustius id sic extulisset: Dum autē hæc ageren-
tur Antiochiæ Hierosolymis iniecit manus rex Herodes, &c. Hunc vero Herodem alij volunt esse Te-
tracham, qui decollarat Ioannem, & Christum alba veste indutum Iudæij causa Pilato remiserat. *Herodes.*
Quod si verum est, necesse est vt ab exilio reuocatus ab Agrippa hoc in regni admissus sit conforti-
um. Alij vero (quorum sententia videtur esse sanior) Agrippam Herodis tetrarchæ, ex fratre Ari-
stobulo nepotem intelligunt, qui Herodes sit cognominatus, sicut Aegyptiorum reges dicebantur
Pharaones. Perhibent enim omnes Iudææ reges à magno illo Herode, sub quo Christus nascebatur,

postea cognominatos fuisse Herodes. Raphael Volaterranus lib. Geograph. II. negotium hoc intricatissimum aliàs ad hunc fere modum digessit: Herodi magno filij fuere septem, Alexander, Aristobulus, Antipater, Archelaus, Philippus, Herodes dictus Antipas, & Lyfania. Ex his priores tres à parente occisi, reliquis verò tetrarchiè ita diuise sunt, vt à Luca expositum est, Luc. 3. Archelaus, qui patri in regno successit, protinus à Iudæis accusatus quod crudeliter imperitaret, in exilium ab Augusto Viennam Galliarum pellitur, regno eius in prouintiæ formam redactio. Alexander autem, siue, quod alijs placere video, Aristobulus filium hunc Agrippam post se reliquit, qui in diuisione regni nihil fortiebatur. Exactis ergo aliquot annis Herodem Antipam Galilææ principem apud Tiberium accusat, & non modo nihil impetrat, sed & in carcerem conijcitur. Verum mox Tiberio defuncto, à Caio, cuius amicitia causa victus fuerat, statim Iudææ rex factus, additis ei fratris Philippi defuncti & Lyfaniæ tetrarchijs. Hic Herodes Herodiadis pellicis hortatu, Romam & ipse regnum impetraturus venit, sed Caligulæ principis minis & iurgiis territus, in Hispaniam fugit, tetrarchia eius Agrippæ concessa. Vadianus ex Iosepho scribit hunc à Caio propter conspirationis cum Artabano crimen in exilium Lugdunum esse ablegatum. Post hæc Agrippa Claudij etiam principis, cui Romæ adiumento ad imperium fuit, fauore speque erectus, limites regni prorogauit, tantamque sibi auctoritatem ac maiestatem parauit, vt multis terrori esset augustum Agrippæ nomen. Extinctus autem ab angelo anno regni eius septimo, tres filias reliquit, Bernicem, Mariamnen & Drusillam, denique filium Agrippam virum optimum, cuius in 26. huius libri capite fit mentio. Hæc omnia copiosius persequitur Iosephus, & in Epitome sua Vadianus.

Occidit autem Iacobum fratrem Ioannis gladio: videns autem quod gratum esset Iudæis, perrexit comprehendere & Petrum. Erant autem dies azymorum. Quem cum etiam apprehendisset, posuit in carcerem tradens quatuor quaternionibus militum asseruandum: volens post pascha producere eum populo. Et Petrus quidem seruabatur in carcere.

More prudentum tyrannorum detondet maximorum in religione virorum capita, si forsan ignobilis plebecula infelici ductorum casu territa ad superstitionem reuertatur. Maximus enim Euangelij præco erat hic Iacobus Ioannis frater germanus, quem maiorem cognominant, & Compstellam Galitiæ delatum mentiuntur. Discamus ergo constantes esse, & mortem pro iustitia non formidare: neque felicitate veritatem religionis nostræ metui. Cæterum quod populo gratificatur, & eius stultissimis morem gerit affectibus, imprudentissime facit. Non enim temere Anacharsis Scythia apud Cheroneum Plutarchum clamauit, O rem publicam breui interituram, in qua viri principes consulunt, populus autem & imperita rerum plebecula decernat, cui videlicet proprium sit & in minimis maxime formidare, & in maximis minime prospicere. Quod Herce dictum Anacharsis *ἡ τὴν ἀντιθέσιν* fuit, ex quo Plato philosophorum publicarum vir consultissimus, aperte dicebat: Nullo modo iustum imperium vel ciuitatem appellandam, in qua popularis improbitas summa quæque reipublice muneribus tractare præsumat. Nec enim de nihilo Charondas (qui leges Cathinentibus condidit) in hunc modum de populo cõcludit, Qui se populo committit, fortunam, non rationem sequitur, qui fortunæ fauet, periculo & aleæ se dedit, qui in alea est ad ruinam & cladem inclinat. Proinde Herodes fortunam suam committebat aleæ cum in gratiam populi quod placebat faceret. In hoc porro maxima erat afflictio Ecclesiæ, quod principum alter decollatus esset, alter vero in vincula coniectus & ipse capitalem expectaret sententiam. Sed temperauit nonnihil feruorem furoris interstitium temporis. Aut enim notatione temporis taxauit crudelitatem tyranni, qui ne festi quidem religione flexus à crudelibus abstinuit ausis. Verum ita Iudæi quoque obseruabant festi sanctimoniam, nolentes ingredi prætorium, at nihil verentes interim innocentissimi fundere sanguinem. Aut certe Dei significauit prouidentiam, qua factum est vt minus festinaretur. Tempus enim & festi obstitit religio. Iam vt nihil omitteret quod pertineret ad crudelissimi tyranni descriptionem, Modum quoque & habitam vinculorum depinxit, Non modo (ait) in carcerem coniecit, sed & quatuor militum quaternionibus asseruandum tradidit. Aiunt autem Quaternionem quatuor militibus præfectum esse quibus imperet, sicut Centuriones centum, & Decani decem. Sed simplicius est, si à numero militum quaternionem dictam intelligamus: vt sedecim ordinarij qui alternis vicibus catenis implicitum asseruarent, ne vel arte, vel populi elaberetur auxilio. Decretum enim apud illum erat quod à festo illum populo producere, & ad supplicium vellet educere. Cæterum illud ad mouendos affectus facit, quod tandem subiungit, Et Petrus quidem seruabatur in carcere. Vnde tu conicies quæ sit sanctorum patientia, & impiorum ferocia ac felicitas.

In gratiam populi aliquid facere.

Tyrannis.

Cate.

Cæterum precatio fiebat sine intermissione ab Ecclesia ad Deū pro eo.

Exemplo hæc nobis traduntur, vt etiam nos discamus quid agendum sit in tanto rerum discrimine. Orandum vtique. Nam plus potest oratio iusta, quam exquisitissima impiorum armatura. Sed de hoc dictum est in cap. 4.

Quum autem producturus eum esset Herodes, in ipsa nocte dormiebat Petrus inter duos milites, vinctos catenis duabus, & custodes ante ostium custodiebant carcerem. Et ecce angelus Domini adstitit, & lumen refulsit in habitaculo, percussitq; latere Petri, excitauit eum, dicēs: Surge velociter. Et exciderunt catenæ de manibus eius. Dixit autem angelus ad eum: Percingere & subliga soleas tuas. Et fecit sic. Et dicit illi: Circunda tibi vestimentum tuum, & sequere me. Et exiens sequebatur eum, & nesciebat quod verum esset quod fiebat per angelum, sed putabat se visum videre. Cum autem præterissent primam ac secundam custodiam, venerunt ad portam ferream, quæ ducit in ciuitatem, quæ vltro aperta est eis. Et exuentes processerunt vicum vnum, & continuo discessit angelus ab eo.

Non frustra tanto verborum apparatu describitur custodia. Hoc enim partim (vt iam iam diximus) notatur crudelitas tyranni: partim vero adumbratur imbecillitas tyrannorum huius sæculi, quidam robustissimi & instructissimi sibi videntur prorsus nulli sunt. Habent ergo hæc tacitam quandam antithesim. Nam omnia Herodis anxia sunt & seuera, ampla, prædura, inuincibilia, ærea, ferrea & omni parte munitissima. At in his omnibus nihil anxij videris neque in Petro neque in angelo. Ille enim nihil se excruciat, sed quiete dormit. Hic vero nihil morans portas ferreas, militum quaterniones, catenarum nexus, ingreditur, dormientem excitat, induit, educit, adeoque & per triplicem illam custodiam, per portam ferream illæsum educit. Quid ergo conamini carceribus, catenis, militibus, catapulæis, & viribus vestris, o principes sæculi? Non vincitur istis Christus, non pellicur ijs veritas. Quid vero ad hanc rem prope exprimendam vel viuidius pingi potuisset? Talis pictura est submersio Pharaonis in alueo maris Erythæi, excidium vrbs Iericho, necnon & Tyri ac Babylonis. Nam nulla est potentia contra Dominum.

Imbecillitas impiorum.

Et Petrus ad se reuersus, dixit: Nunc scio vere, quo miserit Dominus animum suum, & eripuerit me è manu Herodis, et ex omni expectatione plebis Iudæorum.

Etenim cum prius visionem habuisset, facilius credidit & hanc visionem esse, qua significaretur ipsum fore liberandum. Videntur præterea multa Dei miracula nobis esse somnia, ob carnis nostræ torporem: cæterum posteaquam fide fuerimus excitati, protinus eum gratiarum actione glorificamus Deum. Hic discit Deum verum illum esse, qui educit è vinculis, non Leonhardum aut Vuolphgaugum aliquem Deum fictitium. Illum verum Deum inuocauit Petrus, illi & gloriam liberationis tribuit. Vide Psalm. 107.

Nebulæ carnis

Re autem perpenſa venit ad domum Mariæ matris Ioannis, qui cognominatus est Marcus, ubi erant multi congregati & orantes. Cum pulsasset autem Petrus ostium vestibuli, processit puella vt subauscultaret, nomine Rhode. Et vt agnouit vocem Petri præ gaudio non aperuit vestibulum, sed introcurrens renunciauit stare Petrum ante vestibulum. At illi dixerunt ad eam: Infanis. Illa autem affirmabat, sic se habere. At illi dicebant: Angelus eius est. Petrus autem perseverabat pulsans. Cum autem aperuissent, viderunt eum, & obstupuerunt. Cum innuisset autem eis, mota manu vt tacerent: narrauit illis quomodo Dominus eduxisset ipsum de carcere. Dixit autem: Nunciate Iacobo & fratribus hæc. Et egressus abiit in alium locum.

Facilia sunt quæ hic scribuntur, nec multa expositione egent. Hæc autem videbantur obiter esse annotanda. 1. Ecclesia fidelium non frigide orauit, sed ardentissime. Nam noctes duxit insomnes. Vnde nos discimus quanto ardore nobis in die tentationis orandum sit. Quod Petrus dormiebat securi

Oratio & vigilia.

Angelus Petri.

tatis erat: nihilominus sancta vigilauit vigilia. 2. Describuntur in hoc Rhode & aliorum credentium affectus, turbę ac motus, vt videamus Christianos quoque homines esse qui & gaudio & tristitia, de nique alijs quoque sint obnoxij affectibus. Quod propter eos annotamus, qui de fide nescio quid philosophantur: quasi vero fide exuamus hominem, aut fide Stoica tradatur disciplina, quę omnes affectus semel tollat. 3. Videtur angelus Petri aut pro spectro, genio, siue spiritu (vt aiunt) Petri vsurpari. Nam vulgi more loquuntur. Existimat autem vulgus, spiritus quosdam hominum esse, qui vel mortis sint pręnuncij, vel mortuorum genij. Sed refellitur ea opinio ab ipso Domino Lucę 16. & à Ioanne Chrysostomo in Matthęum Homelia 29. Impossibile enim putat, vt anima à corpore separata, in hisce oberret regionibus. Multa quidem à dęmone fingi spectra, vt imprudentibus imponat: sed nullam reuera animam reuertit: sed quamuis continuo aut damnari aut seruari pro merito. Rursus videri poterat simplicissimam & optimam interpretationem fore, si per agelura Petri, ipsum intelligamus custodem Petro deputatum à Deo. Nam plurimi sunt loci scripturę, ex quibus constat angelos animabus iam inde à natiuitate pro custodia delegari. Hoc enim significare videtur urbem Christi Matth. 18. & sententia Pauli ad Hebręos. 1. Certe Diuus Hieronymus in Epitaphio Paulę angelum testem implorat, qui Paulę custos ac comes fuerit. Et Propheta in Psalm. Angelis suis (ait) mandauit de te, vt custodiant te in omnibus vijs tuis. 4. Quod liberationem suam nunciari iubet alijs quoque fratribus Iacobo in primis Alphęi, qui tum (vt referunt) Hierosolymorum fuit episcopus, charitatem & vnum totius Ecclesię sensum nobis commendat: vt iuxta Pauli verbum, Eodem simus animo, eadem mente & sententia, gaudeamus cum gaudentibus, & lugeamus cum lugentibus. Pręterea vult potentiam & beneficentiam Domini multis innotescere, vt & ipsi Deum inuocent in necessitatibus & gratias agant liberatori. 5. Cedit furori impij principis, vt & nos cedamus, postea quam nulla resipiscentię spes superfuerit. Neque vero omnis fuga turpis est, vt in 9. capite ostensum est. Quin & diuersum hic quoque pro ratione consilium Dei audiemus. E priore captiuitate, proxima in templum ibat Petrus, hic non item, sed prorsus se ex vrbe subducit. Non igitur omni tempore & loco idem faciendum imitandumue.

Fuga.

Act. 5.

Porro vbı diluxit, erat turbatio non parua inter milites, quid nam accideret Petro. Herodes autem cum requisisset eum, nec inuenisset examinationis custodibus, iussit eos duci: descendensq; à Iudęa Cæsaream, ibi commoratus est.

Tyrannus custodes damnat.

Parum (inquit Erasmus) liquet an Lucas Romano more dixerit, duci eos qui ducuntur ad supplicium, an abduci à se in carcerem. Priorem ego sententiam video magis probari Chrysostomo, vt simpliciorē & veriorē. Cui forsan & illud congruit quod dicit, *απαρτας τὰς φύλακας*. Est enim *ἀνακρίνω* verbum Atticorum forense, significans reorum causam agere, inquirere adeoq; & damnare. Vnde verisimile est, quod tyrannus custodes capitis damnarit supplicio. Est ergo hoc aliud ac nomen tyrannidis exemplum, miseros & nihil tale committos perdere. Vt vel hinc intelligamus merito dixisse Apolonium apud Philostratum libro 4. Hanc autem belluam quam Tyrannum vocant plerique, neque quod habeat capita scimus, neque vtrum curuis vnguibus aduncisque sit dentibus nouimus. Et quanquam ciuile bestia esse dicatur, & in medijs urbibus habitet, eo tamen perhibetur immanior ijs, quę in montibus aut paludibus degunt, in quo leones quidem aut pantherę quandoque si mulceantur mansuescunt, & innatam feritatem exuunt, hæc autem ob attrectationem ferocior facta omnia lacerat. Ceterum curiosę quęstiones sunt quibus inquirimus, An Deus iustus sit, qui vnico homine erepto, multos coniecit in periculum? Cur enim nõ seruauit Iacobum fratrem Ioannis sicut eripuit Petrum? Sic illi visum erat, cuius voluntas & administratio bona est, nec aberrare potest. Quid quod hoc seruorum genus quo vtuntur ad supplicia ac damnatorum custodiam principes, crudele plerumq; & atrox parumq; captiuis propitium est. Vnde iam nullam illis irrogauit iniuriam Deus, si scelera ipsorum visirans, tyrannos tyrannico sustulit furore. Malo enim nodo malus quærendus est cuneus. Sed & ipsa poscebat æquitas, vt impij qui Ecclesiam conturbarent, funesto suorum spectaculo conturbarentur. Caueant ergo impij, ne dum lætabundi sanctorum sitiunt sanguinem, suum tandem maxima desperatione effundi cernant. Iustus enim Deus est, & vindex sanguinis seruorum suorum. Quod autem in fine Descensus regis ad Cæsaream, quę & Turris Stratonis cognominatur, meminit, ad sequentem historiam quę in ea vrbe contigit, pertinet.

Cur cæsicustodes.

Erat autem Herodes infensus Syrijs & Sidonijs. At illi vno animo venerunt ad eum, & persuaso Blasto, qui pręerat cubiculo regis petebant pacem: eo quod aleretur regio ipsorum annona regia.

Quod

Quod Latinus vertit, Infensus, Græce significantius positum est *δυσχερής*, quasi quis dicat, Conceperat autem animo bellum Herodes aduersus Tyrios. Cuius quidem instituti nullus, quod sciam, meminit post Lucam historicus: at hic nimirum hoc veluti quarto crudelitatis exemplo insignem voluit regis arrogantissimi describere tyrannidem, qui occasionem ex miseria gentis captans, miserabiliorem efficere gessit, aut certe sub suum compellere iugum. Regio enim Tyriorum ac Sidoniorum admodum angusta, & Galilææ Damascique pressa finibus non tantum habuit agrorum quantum ad tantam hominum multitudinem alendam necessarium erat: sed regia alebatur annona. Quin & maximus prouentus ijs vrribus erat ex vicinorum cōmertijs negotiatorū. Periculosissimū ergo ipsis futurū erat bellum: proinde supplices Blaſto accidunt. Quo loco & inconstantiam principis notauit Chrysostomus, dicens, Vide autem illum quomodo à Blaſto iterum mitigatur, utpote homo facile irascens, & iterum conciliabilis, & ubiq; seruus vulgi, nihilq; liberum habens. Porro nos hinc conijcimus tyrannum stultissimum & stulte res suas administrasse, & nihilominus domesticis & exteris infestum, imo funestum, & proinde omnibus inuisum fuisse. Siquidem famulatum suum duci iubet, Iacobum obruncat, Petrum vincit, reliquis eius religionis hominibus minatur: sed & in nobilissimas vrbes bellum apparat: & quis tandem iniuriarū finis? Annō merito ex clamauerit quis, *Dij talem terris auertite pestem?* Vide hic amice Lector quid Dominus minatus sit, quum dixit, *Dabo pueros principes eorum, Isaïæ 3.*

Aliud tyrannidis exemplum.

Inconstantia tyrannorum.

Statuto autem die, Herodes vestitus veste regia, sedit pro tribunali, & cōcionabatur ad eos. Populus autem acclamabat: Vox Dei, & non hominis. Confestim autem percussit eum angelus Domini, cō quod non dedisset gloriam Deo: & crosus à vermibus, expirauit.

Haftenus descripsit atrocissimi hominis cædes, arrogantiam, potentiam, robur, successum, piorum quoque afflictiones, oppressorum querelas & labores, hoc est Prothetū & Epitasin huius (ut sic dicā) fabulæ. Posthac describet Catastrophē, hoc est prophanisimi hominis interitū, qui hoc tyranno erat funestior & luctuosior quo ad spectacula & theatricam pompam prior. Minus illi indoluisset si priuatim & non in frequenti turba diuino fuisset perfoſsus telo. Sed publicam oportebat eius esse pœnam, qui publice publica postestate erat abusus. Interitum ergo hunc horribilem, quem Lucas, ut omnia aliās, breuiter perstringit, Iosephus in 19. capite octauo, hisce fermè verbis copiosius exponit, Igitur cum tertium annum in Iudææ compleſſet regno Agrippa, venit in Cæsaream ciuitatem, quæ primitus Turris Stratonis appellabatur, ibique spectaculum ad honorem Cæsaris pro eius salute celebrabat. Ad quam festiuitatem eius provincie multitudo nobilium simul & procerum vnā conuenerat. Secunda vero spectaculorum die, stola vestitus vndique argento contexta, ita ut textus esset valde mirabilis, venit ad theatrum incipiente die, & primis radijs sole oriente demissis argenti claritas reperculsa fulgorem reddidit valde perspicuum, & oculis insipientibus formidandum. Mox autem adulatores voces fauorabiles emittebant, quæ nec illi bonæ pro veritate videbantur, Deum scilicet appellantes eum, atque dicentes, Propitius nobis esto. Quia licet haftenus te velut hominem timuerimus, attamen iam nunc superioris naturæ te esse conspiciamus. Has autem voces rex nequaquam compescuit, nec impia eorum verba comprescit, donec respiciens (iam verba adscribimus uti ab Eusebio Cæsariense citata sunt libro Ecclesiast. 2. cap. 20.) paulo post imminentem atq; insistentem capiti suo videret angelum, quem etiam malorum causam intellexit. Mox ergo corde passionem mortiferam suscipiens, respiciens suos amicos: Ego (inquit) vester iam vitam morte commutare compellor. Repente nanq; increpitus sum, quum mendaces ad me clamarent. Nam qui vocabar immortalis à vobis, ecce iam ducor ad mortem. Hæc ex Iosepho. Ita autem finit arrogans superbia & intoleranda crudelitas impij. Sic finierunt & olim tyranni Pharaos, Saul, Achab, Sennacherib, Zedechias, Iehoiachim, Balthasar, Herodes magnus, Maxentiusq;. Interibunt & hodie omnes qui vel Ecclesiam Dei affligunt, vel gloriam deo debitam sibi rapiunt. Non enim ob tyrannidem modo, sed ob immane illud flagitium tam seuerè punitur, quod adultratrices populi voces non compescuisset, & quod homo miserabilis ac mox periturus Deus haberi gauderet. Nam diabolicum est (ut Augustini verbo utar) Dei honores postulare. Nullus ergo pius sibi vel ambierit, vel arrogarit. Dominus enim apud Prophetam clarissime, *Gloriam meam* (inquit) *alteri non dabo.* At maxima Dei gloria est adorari, inuocari & coli. Nemo itaque sanctorum illa sibi vsurpat. Vbi igitur inuocatio & cultus diuorum? At non intelleximus verbum Domini, *Inuoca me in die tribulationis, & eripiam te, & sic glorificabis me.* Item, *Dominū Deum tuū adorabis, & illi soli serues.* Proinde sanctiores sunt diui, quam qui cultum nostrū probare possint. *Damnatur hoc eodem fletu*

Tyranni interitus.

Oportuit hunc puniri in cōspectu principum.

Gloriam Deo subtrahere.

psal. 49.

Matth. 41

*Superbia.
Adulatio.*

*Pedicularis
morbus.*

dis interitu superbia humana, de qua aliàs scripsere satis copiose Iesus filius Syrach Eccles. 10. & Ezechiel in inuectiua aduersus Tyrum cap. 26. 27. 28. Damnatur & Adulatio, de qua dixit Curtius, Regum opes hæc sæpius quam hostis subuertit. Cæterum talionis erat, vt qui stolido populo cæde & vinculis bonorum gratificatus fuerat, nunc eiusdem assentatione illectus miser caderet. Plurima in Assentatione dixit Plutarchus in eo libello quo ostendit quid ab amico differat adulator. Anaxilas adultores diuitum dicebat esse σκώληκας, hoc est vermes. Et vermibus arrosus dicitur hoc loco Herodes. Græce enim est, ὃς γινόμενος σκώληκος ἐρρωτός, quod Erasmus vertit, Et obnoxius factus morbo, quo qui laborant, exeduntur à vermibus. Existimant autem hunc illum ipsum esse morbum quo interijt & Herodes magnus & Antiochus & Maximianus, cuius descriptionem habes apud Iosephum in 17. cap. 9. & 2. Mach. cap. 9. qui locus admodum huc quadrat. Eusebij Cæsariensis verba de Maximiani tyranni morbo hæc sunt, sicut scribuntur libro Ecclesiast. hist. 8. cap. 18. Authorem sceleris vltio diuina corripuit, ille enim qui lætis ac saginatis carnibus incedebat superbus, inflatis subito visceribus suppuratisq; distenditur. In profundioribus dehinc pectoris partibus obortum vulnus totos intrinsecus viscerum secessus tabo serpente depascitur. Post etiam fistulis quibusdam in superficie purulentis meatibus adaperitis, de interioribus putrefactis vulneris venis ebullire vndatim cæpit innumera vermium multitudo. Fætor vero tam intolerabilis erat, vt nullus omnino ne medicorum quidem propius posset accedere, quod carnes satis lætæ, & in omni luxuria nutritæ, grauiorem ex corruptione nidorem putredinis exhalabant. Deniq; medicos quod vim fætoris tolerare non possent, interfici iubet. Quorum è numero cum quidam iugulandus potius quam medicaturus assiteret, aspiratus à Deo, Cur (inquit) erras imperator, & quod Deus infert ab hominibus putas posse reuocari? Nec humanus est iste morbus, nec à medicis curatur. Sed recordare quanta in seruos Dei egeris, quamq; in religionem diuinā impius & prophanus extiteris, & intelliges vnde tibi mala veniant. Vide autem quam probe huc quadret exquisitissima illa Eusebij descriptio. Porro horribilis hic morbus à medicis Phthiriasis siue pedicularis appellatur, omnium morborum qui sunt, & qui fuerunt fœdissimus, quo & L. Syllam arrogantem & tyrannicum hominem interijisse scripsit in Vita Syllæ Plutarchus. Mira autem Dei vindicta est, & mira iustitia quod illos peremit omnium fœdissimo & teterrimo morbo, qui vltra communem hominum sortem efferuntur, & ferocia qualis superant beluas. Hæc ergo fors arrogantium ac tyrannicorum hominum est.

Porrò sermo Domini crescebat, ac multiplicabatur.

Victoria verbi

Quemadmodum enim verum est quod dixit Propheta, Viri sanguinum, dolosi & impij non dimidiabunt dies suas: ita verum esse oportet, quod idem dixit, Omnia pereunt, sed verbum Domini manet in æternum. Dominus superpetias fert sanctis suis, cædit tyrannos. Frustra ergo pollicemini vobis, ô vos Pontificij, interitum Euangelij, & restitutionem traditionum humanarum. Citius enim perierit Deus ille vester Romanus, quam gloria & Euangelium crucifixi Domini nostri Iesu Christi. Cui gloria & imperium semper.

COMMENTARIORVM IN ACTA

APOSTOLORVM LIBER III.

PROEMIUM.



ABSOLVIMVS gesta Stephani, Philippi & Petri, varia ac peculiaria quidem illa, Pauli quoq; nonnulla, adeoq; peregrinationem huius primam. Descendimus ergo ad secundam, & ad ea quæ cum Barnaba communia habet. Prima fuit, qua è Damasco elapsus abiit in Arabiam, trienio autem exacta redijt Hierosolymam, & ab hac iterum Cæsaream profectus, in Tarsum Ciliciæ soluit, vnde à Barnaba reuocatus Antiochiæ Christum prædicauit, atq; ab hac rursus vna cum Barnaba subsidij conferendi gratia Hierosolymam ablegatus Antiochiam tandem redijt. Secunda iam tractabitur. In hac audiemus quomodo Spiritus sancti auspicijs vna cum Barnaba procul ad Gentes missus: appullerit Cyprum: atq; in hac Sergium Paulum virum primum deniq; cum eo multas & maximas insule vrbes ad fidem Christianam, profligato Elyma, conuerterit. Deinde quomodo in Phamphyliam nauigans, Christum in hac prædicans:

dicans, Antiochiam Pisidiæ venerit. Hic exponetur quomodo Christum ex Prophetarum prædicariis oraculis, inuidia tamen quorundam pulsus fugerit Iconium, deniq; & illa eiectus vrbe, venerit in Lycaoniam. In hac vero Verbō & Lystram vrbes celeberrimas Euangelij fulgore illustrat, claudum quendam erigit, aduersus creaturarum cultum pro vera religione differit. Sed vincente ingratitude quorundam hominum impijssimorum lapidatur. Restituitur tamen virtute Domini: rediensq; per eas quas ad fidem conuerterat vrbes, confirmat fidelium mentes, ne vspiciam à cognita deficiant veritate. Tandem re feliciter gesta Antiochiam Syriæ vnde venerat redit. Cæterum cum eo tempore nouum suboriretur Nazaræorum dogma, operibus legalibus salutem tribuens, Hierosolymam ascendit, hæresim istam impugnat & communibus totius Ecclesiæ calculis obtinet fide in Christum non lege iustificari credentes siue Iudæi siue siue Gentes. Hæc autem ceu in argumentum compacta sequentibus fusius exponemus.

C A P V T X I I I.

Barnabas autem & Paulus reuersi sunt Hierosolymam, expleto ministerio, assumpto & Ioanne, cui cognomen erat Marcus.

REDIT ad intermissam historiam in cap. 11. & quos ibi dixerat Hierosolymam ablegatos abisse, eos hic redijisse commemorat. Nam etiam si omnia exemplaria cōstanter habeant, Reuersi sunt in Ierusalem, tamen ipsa res flagitat illorum hic reditum à Ierusalem esse descriptum. Atq; in eum modum interpretatus est & Erasmus in Paraphrasi dicens, Barnabas autem & Saulus defuncti his quæ receperant à fratibus curanda, traditaq; & per Apostolos distributa pecunia, quæ missa fuerat in subsidium egentium, reliquerunt Hierosolymam ac repperunt Antiochiam, adiuncto sibi comite Ioanne, cui cognomentum erat Marcus. Hæc autem secreuius à superiori 11. cap. quod veluti sequentis capitis galea viderentur. Sequitur enim,

Erat autem quidam in Ecclesia, quæ erat Antiochiæ, Prophetæ ac doctores, Barnabasq; & Simon, qui vocabatur Nîger, & Lucius Cyrenensis, & Manahen, qui erat Herodis Terrarchæ collectaneus, & Saulus;

Vti coeperat in 11. cap. ita iam pergit Antiochenam describere laudareq; Ecclesiam. Laudat autem ipsam à maxima dote, nempe quod diuina benignitate ipsi obuenerint Prophetæ ac doctores optimi. Neque enim aliud ornamentum habet Ecclesia nobilius. Adime enim Ecclesiæ fidos & doctos ministros, quanta quæso reliqua erit Ecclesiæ portio? A ministris traditur veritas, impugnatur error, suadetur constantia, docetur concordia, denique & scelera corripiuntur & omnis generis virtutes ex fide per gratiam plantantur. Hæc autem omnia maxima parte sustuleris, si ministros fidos & doctos sustuleris. Verum hoc differunt à doctoribus hoc loco Prophetæ quod doctores sunt pastores Euangelistæ & Episcopi qui promiscuum pro concionibus publicis erudiunt vulgus. At Prophetæ arcana scripturæ indagant eruunt & eruditioribus priuatis publice tamen institutis lectionibus tradunt, deinde & populo quæ profunt diligenter exponunt. Quanquam ea non semper obseruetur differentia, sed Prophetæ quoque Euangelistæ dicantur. Sed de hisce alibi dictum, & à Paulo copiosius disputatum est in 1. Corinth. 14. cap. Præterea hic claret in eadem vrbe plures fuisse doctores & Prophetas & episcopos, sed tales, quales eo erant tēpore, viri sancti & ab omni fastu alienissimi. Recēsentur illi nominatim, vt viri æterna gloria digni, & vt apparet externis quoq; fortunæ bonis nun infelices. Nam de Manahen dicitur, quod olim fuerit *καλλιστος*, id est, collactaneus & simul æducatus cum Herode tetrarcha: vnde reuera apparet hunc Manahen virum fuisse non viquequaquē profligatæ fortunæ. De eorum eruditione nemini dubium est, quin illa fuerit præclarissima. Oremus o fratres Dominum vt & nobis fideles tribuat doctores.

Ecclesiæ præcipuum ornamentum doctores.

quum autem illi sacrificarent Domino, ieiunarentq; dixit Spiritus sanctus: Segregate mihi Barnabam & Saulum in opus ad quod accersiui eos, Quumq; ieiunassent & orassent, imposuissentq; eis manus, dimiserunt.

H

De ieiunio.

Talia sunt Mo-
nachorum iei-
unia.

Sacrificantes.

Itis describitur altera Pauli vocatio ad munus Apostolicum in Gentes, ne cui de persequutoris si se dubium restaret. Quæcunq; autem hic vsurpauit Ecclesia in orando, separando (posponendo/ vsq; audirent et solent qui à turba ad certum euocantur officium) & manuum impositione, in seq-
rentibus exposuimus qualia sint. Certè locus monet non nisi vocatos ad Euangelij prædicationem. Iu-
niterium idoneos esse. De ieiunio autem satis scripsit post Iliam in 58. Mattheus in 6 Et D. Hiero-
nymus Iohis cap. 2. enarrans. Si omne (inquit) ieiunium placeret Deo, nunquam diceret Sanctifica-
te ieiunium: & Non tale ieiunium elegi, dicit Dominus. Ieiunat Maicheus & multi hæretici maxi-
meque Encratitæ, quorum princeps Tatianus est. sed hoc ieiunium sacritate & ebrietate deterius
est. Idem ad Nepotianum de vita clericorum, Pulchre dicitur apud Græcos, & nescio an apud nos
æque resonet, Pinguis venter non gignit mentem tenuem. Tantum tibi ieiuniorum modum impo-
ne quantum ferre potes. Sint tibi pura, casta, simplicia, moderata & non superstitiosa ieiunia. Quid
prodest oleo non vesci, & molestias quasdam difficultatesq; ciborum quærere, carycas, piper, nuges,
palmarum fructus, similan, mel, pistacia? Tota hortorum cultura vexatur, vt cibario non vescamur
pane, & dum delicias sectamur, à regno cælorum retrahimur. Audio præterea quosdam contra re-
rum hominumq; naturam, aquam non bibere nec vesci pane, sed forbitinnulas delicatas & contri-
ta olera betarumq; succum, non calice sorbere, sed concha. Proch pudor, non erubescimus istiusmo-
di ineptijs, nec tædet superstitionis? Insuper etiam famam abstinentiæ in delitijs quærimus. Hæc
Hieronymus. Quæ si hodie nostrum aliquis scriberet, protinus appellaretur hæreticus, epulo & cra-
pulæ contra Ecclesiasticam abstinentiam patronus. Verum ieiunium vetustis reuera aliud non erat
quam temperans vita, abstinentiaq; perpetua ab omnibus ijs quæ animum auocabant à puritate vi-
tæ & mentis sobrietate, vnde & frequenter vigiliam vides ieiunio iunctam esse in literis sanctis. Non
ergo damnamus ieiunium sanctum, sed hypocriticum, venale, superstitiosum, meritorium & circum-
stantijs impexum. Iam quod interpres noster *λειτεργειν* vertit Sacrificantibus. Vetus interpres red-
didit Ministrantibus. Quia vero *λειτεργειν* ministerium quidem significat & *λειτερος* minister, nec ta-
men quiuis, sed sacrarum rerum minister: Erasmus id exprimere & significantius reddere volens di-
xit Sacrificantibus. Id cum Thraones quidam non vident, nonnihil roboris Missæ suæ ex hoc loco
addi credunt, quasi Apostoli Antiochiæ Missam pro sacrificio celebrarint. Sed fallitur (vt diximus)
miseri. Et Ioannes Chrysostomus interpres Græcus & Græce linguæ peritissimus, Quid est (inquit)
ministrantibus? Prædicantibus. Ecce hic exponit Ministrare siue sacrificare. Sic enim & Paulus v-
surpauit ad Rom. 15. Quin & ipse interpres Erasmus in Paraphrasi sua, Porro cum omnes hi (in-
quit) magno studio seruirent Ecclesiæ: commodis, dotes suas ad omnium salutem & Christi gloriam
impartientes, quo non est aliud sacrificium Deo gratius, ieiunantes interim, vt puris etiam precibus
adiuarent Ecclesiæ profectum, &c.

Et ipsi quidem emissi à Spiritu sancto, abierunt Seleuciam, & inde nauigauerunt in Cyprum. Et quum essent Salamine, annunciauerunt sermonem Dei in synagogis Iudæorum. Habebat autem & Ioannem ministrum.

Iterum monemur Apostolos non fabulas humanas, sed verbum Dei prædicasse.

Et peragrata insula vsq; ad Paphum, inuenerunt quendam magū pseu-
doprophetam Iudæum, cui nomen erat Bariehu: qui erat cum proconsule Sergio Paulo viro prudente.

Qua ratione
in paucis o-
ratoria comple-
xus Lucas.

Non singula describit quæ in illa patrarunt insula. Semper enim veritatis ratio sibi constat, nee
mutatur eum tempore. Eadem ergo prædicatio Christi subinde esset scribenda, si singulas concio-
nes percerere vellet, quas in singulis habuit locis. Eundem enim Christum eandem iustitiæ viam
pari prorsus ratione, & modo prædicarunt omnibus. Proinde descripta vna aliqua oratione Pauli,
qualis illa est quæ paulò post sequetur, illæque fuerunt quas Petrum, Stephanum, & Philippum ha-
buisse relatum est, sensum medulam ac substantiam omnium habemus. Consulto itaque peculiaria
duntaxat persequitur, nempe quomodo Sergius eius insulæ proconsul ad fidem sit conuersus, &
Magus homo veritatis præsidio sit superatus. De Magia dictum est in cap. 8. Et Magi nomen tunc
non infame erat, sed laudatissimum, significans virum philosophum sapientem siue Prophetam.
At Lucas hanc vera nomenclatura dignatus, pseudoprophetam veluti impostorem ac seductorem
vocat, qui Prophetam mentitus prestigijs sibi auctoritatem parauit. Et de nomine huius im-
postoris non video conuenire doctis alijs aliud designantibus. Sunt qui credant hanc vocem Bariehu
corrupte

corruptæ scriptam esse. Sunt alij qui filium Iesu vel saluatoris exponant: in hoc autem se torquent quod hoc nominis exposuerit per Elymas quasi Elymas idem sit quod Barichu. Hic ergo alij putant Elymas Syris significare Magum ac pseudopropheta. Alij Censum Dei mei: siue mensuram Dei, *אלים* enim significare Deus meus, & *צד* censum. Sunt alij qui dicant Bariesus dictum à parentibus, sed Elymas ob vitæ meritum. At Theodorus Bibliander Ecclesiæ nostræ in diuinis scriptis Lector atq; interpres, quo haud scio num aliud hodie festiuus, eruditius & maiori pollens iudicio uiuat ingenium, existimabat Bariesus ascititiu fuisse viri nomen, quasi tu dicas, Filius Iouis, vel filius saluantis, quo nomine sibi homo Iudæus voluerit apud Gentile pro artis suæ pretio cõciliare nomẽ. Deinde vero ipso nomine proprio dictum fuisse Elymã magum, Elymã inquam, quasi quis transpositis aliquot literis dicat Eliam aut Elisama. Proinde obseruandum esse, quod historicus non scripserit *εὐχαις γὰρ ἐμμενέμεθα*, sed *μετρίμμενός ται ἀντα*. Hoc enim pollere loquutionem. Sic enim alia enunciatione appellatur nomen eius: itaque totius loci difficultatem oriri ex eo quod expositores *μετρίμμενός ται* vocem, ad etymologiam superioris vocabuli explicandam magis, quam ad aliud proprium Magi nomen exprimendum, spectare arbitrabantur. Porro de proconsulari potestate scripsit Feneftella de Mag. Rom. capite vndecimo.

Theodorus Bibliander.

Hic accersitis Barnaba & Saulo desiderabat audire sermonem Dei.

Prudentiam suam singularem hoc ipso declarauit quod cognoscere prius vellet doctrinæ genus, *Prudentia.* quam incognitum damnare. Eleganter enim Tertullia, in Apologetico cap. 1. Quid iniquius (inquit) quam vt oderint homines quod ignorant, etiam si res meretur odium? Tunc etenim meretur, quum cognoscitur an mereatur. Vacante autem meriti notitia, vnde odij iustitia defenditur, quæ non de euentu, sed de conscientia probanda est. Habes autem in hoc Sergio Paulo viro forti & prudente, *Bonus princeps.* quid nostrum quoque deceat magistratum. Desiderat hic audire sermonem Dei, desiderant hoc & illi. Audita veritate, relegat à se impostorem, & in veritatem iuratus abnegat omnem superstitionem. Id si nostri quoq; facerent, minus innocentis sanguinis funderent. Boni principis exemplar gessit Dauid quoq; Iosaphat, Ezechias & Iosias, qui omnes suscepta Dei veritate, falsis Prophetis & superstitionibus vale dixerant, & regnum suum posthac iuste ac sancte per fidem administrarunt.

Resistebat autem illis Elymas magus: sic enim interpretatur nomen eius quarens auertere proconsulem à fide.

Quemadmodum vnquam non deerunt qui veritatem ppter sua comoda ex timore, ne quid compendijs suis decidat, impugnabunt, ita semper illi ipsi à veritate superabuntur. Gerit enim hic magus omnium eorum typum, qui hodie ventris gratia non modo plebem, sed & ipsos principes à veritate auertunt, ad persequutiones animant, auitamq; nescio quam fidem iactitant, dicentes parentes illorum non fuisse stultos neque infelices, qui tamen hanc fidem ignorarint. Ecclesia enim non modo à tyrannis persequutionem patitur, sed à mendacibus quoque doctoribus, à magis, hæreticis & impostoribus. Sed audi iam maculam Pauli responsionem.

Impietas ex auaritia resistit Euangelio.

Saulus autem qui idem Paulus, repletus Spiritu sancto, intentis in eum oculis dixit: O plene omni dolo, & omni versutia fili diaboli, inimice omnis iustitiæ, non desinis inuertere vias Domini rectas?

Diuis Hieronymus in epistolam Pauli ad Philomonem scribens, omnino existimat hoc primum Pauli nomen à Sergio Paulo inditum esse Apostolo, qui prius semper sit Saulus vocatus, nunc autem trophei vice Pauli nomen sibi sumpserit, quod virum tantum lucificasset Christo. Sub scribit illi in suis in nouum testamentum annotatis Valla. Sed Erasmus diuersum quiddam, sed scite obseruatum annotauit super 1. cap. epistolæ ad Roman. Priusquam vero Pauli in Elymam inuestigat summam ascribat, duo notat. Prius, Paulus repletus Spiritu sancto dixit, significans omnem virtutem non hominis, sed Dei esse, cum quo negotium sit omnibus hypocritis, in quos tandem ipse met animaduertat Deus, Paulus intentis in Elymam oculis dixit. Hoc enim significauit historicus quanta animi constantia, quã grauib; moribus, quam denique vultu seuero & verendo causam suam egerit aduersus Magum. Discant ergo hinc ministri verbi Dominici quid se suoq; officio dignum faciant. Audiant & verborum pondus, nullo delibutum lenimine, sed graue prorsus ac admirandum. Ex abrupto enim per exclamationem indignatione pro scelere magnitudine plenissimam exclamat & ait, O plene omni dolo, &c. Accusat autem in eo dolum malum. Quid enim aliud est Magia, quam impostura & dolum ad circumueniendum & imprudentibus nummos extorquendum.

Pauli nomen.

Accusatio impietatis Bariesu.

excogitata. Deinde accusat improbitatem hominis. Nam *ἡ ἀντιπρῆξις*, quod Latinus vertit Versutia, pro pensionem significat ad quoduis facinus patrandum: à *ἡ ἀντιπρῆξις* facile *ἡ ἀντιπρῆξις* operor: quales Germanice vocamus *schantliche liederliche Buben*/geschwind durchduben in aller schalckheyt. Cæterum filium diaboli vocat, rationem nominis sui, per Antiphrasin, habens. Quasi dicat: Bariehus diceris veluti altissimi Dei filius, sed reuera ipsissimi diaboli es Filius, qui & ipse veritatem odit, & mendacium colit. Iam nulla iustitia vera est quam quæ ex fide per veritatem est. Igitur cum proconsulem cuperet à fide reuocare, recte dicitur inimicus esse iustitiæ. Quanquam videri poterat verbis inesse enallage, & Omnis iustitiæ dictum esse pro omni eo quod sanctum, æquum & iustum est. Non possunt autem non odisse eiusmodi impostores puritatem & sanctimoniam veram, qui impuritate & rebus prophanis nutriuntur. Postremo per interrogationem vehementer incensa oratione (quæquam alij citra interrogationem legant) accusat illum pessimi sceleris Deprauationis videlicet, *ἀναστρέφειν* enim significat res planas inuoluere, & ex rectis facere tortuosas. Nihil autem simplicius, purius & rectius est, veritate Christiana: at hanc peruertimus cum bene dicta male interpretamur, siue aliquid de nostro assuentes, siue aliquid detrahentes, siue inuertentes, siue in suspicionem malam trahentes, & breuiter, quoties de veritate nostri lucri gratia improbe & inhoneste loquimur, aut lucem tenebris nostris data opera obfuscamus. Vitium hoc nostro seculo vrsitatissimum est. Sunt enim maximi nominis viri, qui de fide nostra pessima quæque prædicant, quæ tamen de suo addunt, in hoc autem illud faciunt, ut à veritate Evangelica auertant plurimos. Quid enim non comminiscuntur in nos? Clamant à nobis sacramenta conculcari, Ecclesias diripi, diuos à nobis nullo in loco gradū haberi, virrutes proscribi quasque, contra vero plantari omnis generis scelera, denique liberum esse apud nos fidem sancte datam frangere, luxuriari, quiduis impune tentare, tumultuari, & edicta principum sancta aspernari. Quæ tamen omnia nos ita abhorremus, ut summa seueritate vtentes eiusmodi extremis arbitremur dignos esse supplicij. Isti potius Elymæ sui præceptoris non pœnitendi, discipuli, deprauatione illa quam nobis impingunt simplices à doctrina nostra, quæ veritatis est, absterrent, ut stupidis, per omnia scelerum genera grassantes, imperitare liberius & viuere possint suauius ac magis securi.

Et nunc ecce manus Domini super te, & eris cæcus, non videns solem vsq; ad tempus. Et confestim cecidit in eum caligo ac tenebræ, & circumiens quærebat, qui se manu ducerent.

Condignæ sceleris pœna.

Quemadmodum olim Alexander imperator præsignem aliquem nactus impostorem, in foro transitorio ad stipitem ligari præcepit, & fumo apposito, quem è stipulis & lignis humidis fieri iusserat, necauit, præcone dicente: Fumo punitur qui vendidit fumum: ita non alia plaga Dei dignior erat hic tenebrio Elymas, quam ut cæcitate puniretur, qui & errorum nebulas deperibat, & tenebras optimis quibusque offuderat. Demonstrabat autem Proconsuli per hanc pœnam Dominus, quod præstigiola ac cæca esset professio, quam hætenus magno apud imperitos venditarat impostor. Occæcantur etiamnum animis qui terrena malunt quam cœlestia. Nam omni habenti datur, &c. Ad hypotyposim vero facit quæ cæci exprimit gestum, quod videlicet ille alienis ducitur manibus. Historia enim res gestas non tantum narrat, sed etiam ob oculos spectandas proponit.

Tunc proconsul quum vidisset quod acciderat, credidit, admirans super doctrina Domini.

Ut ex victoria Petri atque Philippi à Simone Mago reportata, multum gloriæ negotio Euangelij accessit: ita hoc loco non minor illi contigit, ubi Elymas qui se hætenus blasphemum titulo Filium Dei vocari iussisset, superatus, visum amisit. Est ergo veritas immortalis.

Cum autem à Papho soluisset Paulus, qui cum eo erant, venerunt Peragen Phamphylie. Ioannes autem digressus ab eis, reuersus est Hierosolymā.

Ioan. Marc. Matt. 8. et 10. Luc. 9.

Defectio Ioannis Marci postea acerrimam peperit inter summos hosce Apostolos contentio. Parum enim honesta erat defectio. Nam ex pusillanimitate, & fortassis ex patriæ (vt fit) desiderio oborta, & proinde Paulo suspecta fuit. Patriam illius audiuius in duodecimo fuisse Hierosolymam. Cæterum qui credidere hunc illum esse Marcum; qui postea Petrum secutus, Euangelium scripserit, & Alexandriæ prædicauerit, forsan non expenderunt plurimos eius nominis fuisse viros. Quanquam nobis nulla sunt argumenta certa, quibus conuincamus Ioan. Marcum non fuisse eum qui dicitur. Verum illi quoque nihil habent nisi coniecturas. Parum autem compendij sue dispendij attu-

dij attulerit, siue is Euangelij scriptor fuerit, siue non fuerit. Si autem Euangelistes fuit, iam hæc de sectio non plus derogat authoritati nominis eius, quam abnegatio Petri, ipsi Petro derogauit.

Cæterum ipsi peragratis regionibus, à Perga venerunt Antiochiam Pisdias, & ingressi synagogam die sabbatorum, sederunt. Post lectionem autem legis ac Prophetarum, miserunt principes synagogæ ad eos, dicentes: Viri fratres, si quis est in vobis sermo exhortationis ad plebem, dicite.

Multa his insunt dogmata egregia. 1. Veritatem non horrere lucem, sed in medium prodire. Hinc enim Paulus & Barnabas in publicam ingrediuntur synagogam. 2. Sabbatum in hoc esse institutum vt in hoc rebus vacemus diuinis, nempe orationi, lectionibus ac concionibus sacris. De qua re alias. 3. Modestiam viros decere Apostolicos summam. Proinde Apostoli hoc loco non importune & impudenter se ingerunt, & more Anabaptistarum clamitant: Audite verbum Domini, Pœnitentiam agite: sed silentes expectant dicendi occasionem. 4. Legem & Prophetas, hoc est, sacros libros in publicis conuentibus esse tractandos, non nugas aut humanas leges. Transumpsit hoc primitiua Christi Ecclesia à Iudæorum synagoga, diligenterque obseruauit, vt liquet ex Origenis, Ambrosij, Augustini monumentis, donec incerta superante omnis scripturarum publica tractatio redigeretur ad inutilem cantum, siue ad horas (vt vocant) canonicas, quæ vtique ab initio à canonicis scripturis, quæ proculdubio à Prophetis in collegijs ecclesiasticis quotidie tractabantur, nomen adeptæ sunt. 5. Prophetiam non esse aspernandam, aliorumque in interpretatione & exponendis scripturis audiendas esse sententias. Hinc primores synagogæ Paulo & Barnabæ dicendi potestatem faciunt.

Sabbatum.

Hore Canonice.

1. Cor. 14.

Surgens autem Paulus, & manu silentium indicto, ait: Viri Israelitæ: & qui timetis Deum, audite: Deus populi huius delegit patres nostros: & populum in altum extulit, quum essent incolæ in terra Ægypti: & brachia excelso eduxit ex ea, & circiter quadraginta annorum tempus mores eorum sustinuit in deserto. Ac deletis gentibus septem in terra Chanaan, sorte distribuit eis terram eorum: Et post hæc annis circiter quadringentis quinquaginta, dedit iudices vsq; ad Samuelem Prophetam. Et exinde postulauerunt regem: deditq; eis Deus Saul filium Cis, virum de tribu Beniamin, annis quadraginta. Et amoto illo, suscitauit illis Dauid vt esset rex, cui testimonium reddens dixit: Inueni Dauid filium Iesse, virum secundum cor meum, qui faciet omnes voluntates meas.

Gen. 47.

Exod 14.

Iosue 12.

Iosue 13.

1. Reg 10.

1. Reg. 16.

Hic primus est Pauli sermo, qui memoria proditus sit sanctarum literarum, adeo similis superioribus Apostolorum orationibus, vt non ouum ouo sit similis. In huius autem principio mire captauit beneuolentiam, in eo quod Israelitas vocat, & à timore Dei commendat, subinde eos de horum numero esse, quorum salus Deo curæ fuerit, & se de illa salute non nouo aliquo Deo aut noua fide dissenturum. Est autem oratio generis suauis. Siquidem Iudæis suadet, vt Christum Dominum fide suscipiant. Cæterum hoc ipsum aliusime repetita expositione orditur, ex antea actis Dei comprobans veritatem, iustitiam & clementiam, quam tamen nullis in rebus æque demonstrarit, quam dum filium suum Iesum Christum orbi exhibuit. Hic autem ostendit quis is sit, quomodo prædicatus sit, quid passus, & quam ob causam tam indigna passus sit, quomodo idem resurrexerit, quomodo omnia ista scripturis sint prodita confirmataq; quis eorum fructus, item quid eos maneat, qui prædicatum contemnant. Hæc omnium summa, & hic totius orationis status est. De prima ex sacris expositione historica non est quod multis agam, nisi fortassis illud moneam, videri posse Paulum tam alte à rebus vetustis petito principio voluisse significare, Deum hoc ipso quod patres elegit, quod de Ægypto eduxit, & in terram Chanaan septem deletis gentibus induxit, salutem adumbrasse fidem: cæterum illam nullis meritis nostris deberi, sed electioni & misericordiae Dei, item salutem illam nullo terreno regno, nulla seculi quiete, ac ne vllis quidem bonis quæ fortunæ dicuntur, futuram fuisse vocatis, sed spirituale esse quod per corporalia designatum fuerit, nempe regnum cæleste incomparabile, incomprehensibile & æternum, quod non ex nobis, nec pro meritis nostris, sed ex immensa sua misericordia daturus sit omnibus ijs qui post completæ legis tempora in Iesum Christum natum secundum carnem ex semine Dauid, & multis signis testimonijsque comprobatum filium

Oratio Pauli docta.

Beneficia patribus exhibita.

Dei nihil hæsitantes crederent. Iam loci scripturæ à quibus illa omnia sumpsit Paulus omnibus sunt notissimi. Porro numerum annorum 450. sunt qui referant ad superiora, ut ab altiori principio repetitus videatur, nempe à natiuitate Isaac vsque ad tempus Iosue, & initium possessionis terræ Chanaan. Verum sic non congruunt anni. Nam ipse Moyses in Exodo, Habitatio autem (ait) filiorum Israel qua manserunt in Ægypto, fuit quadringentorum triginta annorum. His si addas. 40. annos quos in deserto transegit populus, 470. annos constitues, ut interim aliorum annorum non meminerim. Proinde non congruit computatio. Verisimilius est Paulum deduxisse computationem ab anno exitus Israel ex Ægypto ad Dauidis vsque tempora: quandoquidem non aliud agit, quam ut serie temporum & rerum gestarum indicata, à Mose ad Dauid perueniat, ex cuius semine Christum saluatorem secundum carnem natum esse doceat. At hic melius quadrabit annorum computatio. Nam 3. Reg. 6. ab anno egressione filiorum Israel de terra Ægypti vsque ad quartum annum regni Solomonis colliguntur anni quadringenti octoginta, cui summæ si quadraginta annos detraxeris (tot enim annis imperauit rex Dauid, ut habetur 2. Reg. 5.) restant anni plus minus à Mose ad Dauid quadringenti quadraginta. Porro annis circiter quadringentis Paulus dixit, ut plus minúsue redderet exactior supputatio. Sic enim loqui solemus ubi de certo & exacto numero nobis non constare innumus. In hanc autem computatione comprehendimus & annos Samuelis & Saulis, quibus & Eusebius in Chronicis quadraginta tribuit annos. De reliquis vero huius loci videre est historiam sacram.

huius è semine Deus, ita ut promiserat, adduxit Israel seruatorem Iesum, quem antè prædicasset Ioannes ante faciem introitus eius baptismum penitentiae Israel. Cum autem impleisset Ioannes cursum, dixit: Quem me arbitramini esse? Non is sum ego, sed ecce venit post me cuius non sum dignus soleam pedum soluere.

Historia de
Christo.
Psalm. 131.

Hic post longiorem expositionem delabitur ad prædicationem Christi, in cuius principio tradit Christum esse Messiam promissum, verum Deum & hominem è profetia Dauidis ortum. Idque confirmat testimonio Ioannis Baptistæ, qui fortassis apud Antiochenes Prophetæ fidem habebat. Erat sane Baptista præcursor clarissima diuinæ naturæ præterea & totius Euangelici negotij de penitentia & remissione peccatorum testimonia tulit. De quo plurima Ioannes in cap. 1. iterum autem vides negotium Ioannis Baptistæ misceri negotio Euangelico hunc non minimum esse Euangelij præconem. De qua re superius disputatum est.

Viri fratres, filij generis Abraham, & qui inter vos timent Deum, vobis sermo salutis huius missus est.

Pulcherrima veterum historiarum inductione venit ad prædicationem Christi, quam nunc ea parte prorsus absoluit qua per Ioannem præcursorem cœpta est: afferens Iesum illum esse Christum quem promiserint lex & Prophetæ. Iam cum noua hæc prædicatio plurimos offendere potuisset, iterum exordiolo quopiam lenit ac præparat auditorum animos, monens ut in officio audiendi permaneant. Addit stimulos efficacissimos, dum filios Abraham compellat, timentes Deum dicit, & maximam vtilitatem proponit, dicens, Vobis (ad Iudæos enim peculiariter spectabat negotium salutis) sermo salutis huius missus est: proinde qualis sit intelligere.

Qui enim habitabant Hierosolymis, & principes eorum, cui ignorarent illum, & voces Prophetarum quæ per omne sabbatum leguntur, condemnato eo impleuerunt, nullaq; causa mortis inuenta, petierunt à Pilato, ut interficeret illum.

Rursus ne protinus obijcerent, Si Messias erat, qui factum, ut Hierosolymis quæ Messias sacra vrbs est & doctissimorum simul & pijsimorum hominum feracissima, crucifixus sit? Respondet, Quicquid ab illis qui Hierosolymis agunt, factum est, in totum ex ignorantia, deinde vero ex præsentia Dei factum est: qui per Prophetas suos prædixit Christum passurum. Id ergo completum esse, annunciamus vobis. Nec est quod quenquam supplicij genus ceu cōmercium remoretur. Nam nulla causa mortis in eo inuenta est, propter quam merito puniri potuisset. Proinde quicquid postea est, nostri causa passus est, ut morte indebita soluerentur nostra erga Deum debita innumera. Ita aliud interim agens pulchre prædicat ipsis crucem & mortem Christi.

Cumq;

Cumq; consumassent omnia quæ de eo scripta erant, depositum de ligno posuerunt in monumento. Deus autem suscitauit eum à mortuis, qui uilius est per dies multos his, qui simul ascenderant cum eo à Galilæa Hieroselymam, qui sunt testes eius apud plebem.

Iam verò morti addit sepulturam & ex mortuis resurrectionem, ut plenam haberent mysteriorum Christi prædicationem. Iterum autem immisceet auctoritatem scripturæ, quo minus offenderentur ignominia crucis. Deinde eiusdem rei causâ resurrectionē quoq; subiungit, qua & diuinam comprobât Christi naturam, & vitam in Christo omnibus restitutam. Addit resurrectioni eadem illa argumenta, quæ Petrus in orationibus superioribus.

Et nos vobis annuntiamus, quòd eam repromissionem, quæ ad patres facta est, Deus adimpleuit filiis illorum, nimirum nobis resuscitato Iesu, sicut & in Psalmo primo scriptum est: Filius meus es tu, ego hodie genui te. Quòd autem suscitauit eum à mortuis, iam non amplius reuersurum in corruptionem, ita dixit: Dabo vobis sancta David fidelia. Ideo & aliàs dicit: Non permisses ut sanctus tuus videat corruptionem. Nam David quidem cum suæ ætati inferuisset, consilio Dei, dormiuit: & appositus est ad patres suos, viditq; corruptionem. At is quem Deus suscitauit, non vidit corruptionem.

Hactenus videtur nuda contexta esse historia, nunc adijciuntur testimonia, & fructus historię, *Testimonia hanc hoc est, rerum Christi indicatur. Fructus hic est quòd in Christo Iesu omnes thesauri rerum cœlestium sunt exhibiti fidelibus, hoc est, quod quęcunq; Deus per Prophetas promissit, ea per Christum compleuit. Factus est enim hic nobis à Deo sapientia, iustitia, & sanctificatio, & redemptio: via, veritas, & vita: resurrectio, & omnium rerum plenitudo absolutissima. Sub testimonia autem referuntur treis præ citati scripturæ loci. Primus est Psal. 1. (sub 1. enim Psalmum retulit eum, qui nobis est 2. quod etiam ipse Augustinus fecit, aut certe qui nobis primus est, veluti Prologus operi Psalmorum præpositus est) & testimonium fert diuinitati, afflictionibus & regno Christi. Neq; enim verisimile est quòd Apostolus vnicum tantum ex Psalmo citaret versum, sed totum potius Iudæis enarrarit. Lucas ergo indicem rerum potissimarum contexens, versu citato, totum Psalmum monuit esse consulendum. Iam si totum consulas, videbis hoc probari atq; describi Christi diuinitatem, humilitatem, victoriã, ac regnum. Atq; ad hunc statum redige Psalmum totum, & nulla inerit difficultas, maximè cum ius nonnihil expositum sit & in cap. 2. Secundus locus pari consilio, ratione ac modo transumptus est ex Isa. cap. 55. In eo enim copiosissimis verbis describitur gratia Dei per Christum nobis exhibita. Ergo Sanctum posuit pro fœdere. Fœdus autem (vel Ieremia teste) pro peccatorum remissione, quæ nobis contingit ex merito Christi, quæ Davidem vocat Propheta, eò quòd Davidi promissus sit Christus, & ex eodem natus secundum carnem. Porro tertius locus delumptus est ex Psal. 15. & resurrectioni fert testimonium. Quemadmodum pluribus in cap. 2. indicauit Petrus. Quòd autem hi loci in terpres nonnihil torserunt, factum est, quòd non viderunt illos non vnius dumtaxat resurrectionis esse testimonia, sed totius negotij Christi. Meminit sanè resurrectionis, sed per Synecdocham meminit, ut interim alia Christi non excludat opera negotiaq;.*

Notum igitur sit vobis viri fratres, quòd per hunc vobis remissio peccatorum annunniatur & ab omnibus, à quibus non potuistis per legem Moysis iustificari, per hunc omnis qui credit iustificatur.

Posteaquam ergo enauigasset è testimoniorum scopulis, collectis velis ruit in portum, verbisq; apertissimis exponit fructum rerum Christi, & quid per ipsum orbi sit donatum, plenitudo, perfectio, & plenaria peccatorum remissio. quam hic obiter indicat contingere non merito, operibus aut villo legis præsidio, sed pura Dei per Christum gratia. Quod idem Paulus in Epistola ad Romanos, Galatas ac Hebræos fulissimè persequitur. Et D. Aurelius Augustinus idem tractans argumentum, De spiritu & litera ad Marcellinum lib. cap. 13. & 14. euidentissimè probat hominem iustificari non lege operum, sed fide: non litera, sed spiritu: non factorum meritis, sed gratuita gratia. Idem agit & aduersus Pelagianos de Peccato originali, libro 2. cap. 26. Item de Natura & gratia capite 2. & 3. In 4. verò cap. eiusdem. Hæc igitur Christi (inquit) gratia, sine qua nec infantes, nec ætate grandes salui fieri possunt non meritis redditur, sed gratis datur, propter quod & gratia nominatur. Et in 14. capite

de spiritu & litera. Cum de lege (ait) dicimus quòd non iustificet, non tantùm intelligimus legem ceremoniarum, sed Decalogi quoq; tabulas. Vide Rom. 8. 3. 4. Gal. 3. & Ioan. 1.

**Videte ergo ne superueniat vobis, quod dictum est in Prophetis: Vide-
te contemptores, & admiramini, & euanesce, quia opus operor ego in die
bus vestris, quod non credetis, si quis enarrauerit vobis.**

*Mine aduersus
contemptores
Euangelij.*

Suasit Iudæis Christo Domino fidant, hic hortationi iungit minas, quæ quo grauiores essent, propheticiis verbis recenset. Et quanquam omnes Prophetæ de pœna incredulorum ac perfidorum multa dixerint ubiq; vnicum tamē Abakuk testimonium ex 1. cap. petiit producere voluit, quod satis atrox ac horribile solum sufficere videretur. Equidem apparet Apostolum ex habitu & gestu auditorum præsensisse multos assidere, qui Euangelij & Christi contemptu intumuerint, quare per motus propheticum suppegit testimonium. Hoc autem suc negotio adaptauit per *ἰμοίωσιν*, quam Cicerò Collationem vertit. Nam hic est sensus Pauli, Videte ne forsitan contemnatis viuificum Dei verbum, quemadmodum olim maiores vestri verba Prophetarum cohortantium ad pœnitentiam contempserunt, & pereatis miserè, quemadmodum illi quoque perierunt, oppressi iugo regis Babylonicæ. Nam de captiuitate Babylonica & vrbs excidio per Nabuchodonosorem loquitur Propheta: cui probè tandem respondit vastatio vrbs per Titum. Rebus adhuc saluis nemo credit, quod tandem, ubi nihil profecerit Dei longanimitas, omnes experiri coguntur. Sed & de re vehementer dicimus, Maius est quàm quòd quisquam credere possit. Iam quod nos legimus, Et euanesce, Græcè est *ὁ ἀφανίζετε*. Est autem *ἀφανίζω* non modò euanesco, sed demolior & marcesco: quæ duo cum ipsa re idem polleant cum superiore, vtraque tamen magis huc quadrant quàm illud. Est enim sensus Prophetæ, Cum mala prædicimus futura, vos prorsus contemnitis: aderit ergo tempus, quo mala experiemini, nempe dum in Gentes longè abducti admirabimini quòd in tantam potueritis venire calamitatem, ibi ergo obstupescetis, & miserè marcescetis miseria. Hæc de prædicatione Pauli, quæ neglectis omnibus ceremonijs, riribus, traditionibus & constitutionibus humanis, ad vnum Christum vocat, in illo omnia exhibet, adeò vt extra hunc nulla sit salus, sed calamitas extrema. Confer hæc cum illa fidei absoluta regula, de qua diximus in Capite secundo, cum disputaremus de doctrina Apostolorum.

Egressis autem è cœtu Iudæis, rogabant Gentes, vt sequenti sabbato loquerentur sibi verba. Soluti autem cœtu, sequuti sunt multi Iudæi & religiosi profelyti Paulum ac Barnabam, qui alloquentes suadebāt eis, vt perseuerarent in gratia Dei.

*Reclamatur
veritati.*

Exponit nunc concomitantia prædicationem Euangelij, quàm varie ad illud afficiantur homines. Nam Euangelium alijs odor vitæ est ad vitam, alijs odor mortis ad mortem, 2. Cor. 2. Hinc est quod alij quidem, qui suæ innitebantur iustitiæ & externa quædam magni pendebant, Euangelium horrent: alij contrà ambiunt ac amplectuntur, Gentes in primis, quæ peccatis graues iam olim senserant reatus, externis ac viribus humanis expiari non posse. Pauci ex Iudæis salutem sitiunt: nam suæ iustitiæ fidunt. Attamen non omne semen Israelis reiectum est: saluabūtur enim reliquæ, Rom. 11. Has hoc loco monent Apostoli, vt in gratia Christi perseuerent. Vbi iterum videmus quod perseuerantia pietatis veræ anima est.

Sequenti verò sabbato penè vniuersa ciuitas conuenit ad audiendum sermonem Dei. Videntes autem turbas Iudæi, repleti sunt zelo, & contrā dicebant his, quæ à Paulo dicebantur, contradicentes ac loquentes blasphemias.

*Inuidia sequi-
tur veritatem,
crux Euange-
lium.*

Conueniunt sanè, sed partim rerum nouitate permoti, partim pietate illecti. Illius causam aiūt esse curiositatem, quam ille dicebat Leuitatis esse filiam. Nullam enim in hac inueneris cōstantiam. Huius porrò causam rectissimè censent spiritum Dei bonū esse, quo docti mortales miseri sentiunt peccati grauamina, quæ nulla alia re tolluntur, quàm doctrina Euangelica. Porro Iudæi, iterum funguntur officio suo, inuident, æmulatione ringuntur, metuunt ne quid suæ decedat auctoritati & quæstui si Apostolis adhæreant ciuitas. Proinde insidiantur, oclamant, conuittantur & insaniunt. Græca enim vehementissima sunt. *ἀντιλέγοντες ὁ βλασφημῶντες*, contrastrepentes & conuittantes. Typpum autem gerunt omnium impiorum, qui hoc atrociores sunt veritatis hostes, quo religiosos videri volunt veritatis & iustitiæ esse cultores, imò defensores: defendunt interim suam existimationem & vtilitatem. Pauci ex stulto zelo gloriam Dei quærunt. Eiusmodi & nostra secula plurimos habent,

habent, qui plenis buccis & lateribus firmis profiliunt, & voce Stentorea Euangelicæ veritati ceu hæreticæ & nuperæ doctrinæ oclamant, remurmurant & conuittantur.

Tunc sumpta fiducia Paulus ac Barnabas, dixerunt: Vobis oportebat primum loqui sermonem Dei, sed quoniam repellitis illum, & indignos vos iudicatis æterna vita, ecce conuertimur ad Gentes, sic enim nobis præcepit Dominus: Posui te in lucem gentium, vt sis salus vsque ad extremum terræ.

Oportet ergo episcopum ita doctum esse, vt potens sit contradicentes conuincere, & mentium Reclamantes seductoris os obturare. Itaque fungitur Paulus boni pastoris officio. Magna enim autoritate con- abijcit, furat Iudaicam perfidiam, Domini iustitiam, veritatem & clementiam ab istorum vindicat calumnijs, atque in ipsos Iudæos omnem damnationis culpam retorquet. Deus (inquit) præstitit quod promissit. Filium & in eo omnem promissit perfectionem, hunc iam misit, & in ipso vobis omnem præstitit plenitudinem, vobis inquam Iudæis filium suum peculiariter misit. Præcepit enim, vt vobis primum hanc salutem nuntiarem. Nuntiauius ergo, & ecce vos repellitis obuiam. Ne ergo post hac exitij vestri authorem feceritis Deum, ipsi enim indignos vos facitis æterna vita, quandoquidem tenebras quàm lucem mauultis. Nunc ergo vobis in malitia relictis ad Gentes conuertimur, vt illis misericordiam ac regnum Dei annuntiemus. Quod si cui vestrum id videatur impium, is audiatur Dominum de Messia per Prophetam Isaiam 49. dicentem, Posui te in lucem Gentium, vt sis salus vsque ad extremum terræ. Duo autem monentur hoc vaticinio. Prius, quod Christus lumen annuntiaturus sit etiam prophanis Gentibus. Id quod & Simeon iustus apud Lucam in 2. testatus est. Proinde ne Gentes quidem à veritatis lumine exclusæ sunt. Posterius, quod Christus non tantum Iudæis, sed omnibus etiam Gentibus credentibus in eum, salutaris futurus sit. Quæ cum ita hebeât, Non (inquit) peccamus, quod vobis desertis ad Gentes transimus. Sic ipse Dominus neglectis Phariseis, dixit, Sinite illos, cæci sunt & duces cæcorum. Nemo enim sanus faciliè dixerit palam impijs, hypocritis siue blasphemis omnia concedenda, semper cedendum aut dissimulandum esse.

Vide cui malum
& peccatum
imputes.

Audientes autem Gentes, gauisæ sunt, & glorificabant sermonem Domini, & crediderunt quotquot erant ordinati ad vitam æternam.

Quemadmodum peccata animum deiiciunt, ita gratia abiectum surrigit & confirmat. Proinde Gentes peccatis hætenus oppressæ lætantur iam de gratiæ Dei auxilio, non de execratione Iudaica, Rom. 11. Quod autem illos credidisse ait, qui ad vitam fuerint ordinati, notat fidem non esse meriti humani, sed misericordiæ Dei ac electionis. Nam Petro in Euangelio confitenti Christum, dicit Dominus, Caro & sanguis non reuelauit tibi, sed pater meus qui in cœlis est. Et ad Nicodemum, Nisi quis (inquit) renatus fuerit è supernis, nō poterit videre regnum Dei. Item Ioan. 6. idem Dominus, Nemo (ait) venit ad me, nisi pater qui misit me traxerit eum. Hi loci omnes non imputant Deo culpam damnationis impiorum, sed magis conuincunt electionem & gratiam Dei causam esse salutis piorum: ne quis viribus nostris ascribat, quod solius Dei est. Plura de hac re Paulus in Romanis, & in 1. capite ad Ephesios, item Augustinus in libris de Ordine ad Zenobium. Nam in 7. capite libro 1. non minus venustè quàm verè dixit, Quod mala quamuis ordine (quem Deus diligit) contineantur, consequens tamen non est, vt Deus mala diligat, quæ etiam necessario esse ex Dei iustitia conuincitur. Præterea ordo iustificationis & vitæ sic habet. Deus elegit nos antequam iacerentur fundamenta mundi, sed elegit in Christo, vt in hoc ipso essemus irreprehensibiles. Et hoc quidem salutis negotium multis seculis Gentibus non retexit, in fine autem temporum per Euangelij prædicationem vniuerso orbi aperuit. Proinde qui iam huic prædicationi credunt dicuntur ordinati esse ad vitam æternam. Qui autem non credunt, non sunt ordinati ad vitam. Non quod Deus iam olim abiecerit istos, & Dei culpa & morasitate non credant: sed quod ipse Deus in suo illo ordine & consilio delegerit, qui Christo fidunt. Huic autem cum hi nolint fidere, sua culpa sese ex hoc ordine excludunt. Quod enim Deum attinet, iubet hic omnibus Gentibus prædicari Euangelium. In hoc annuntiatur illud Dei consilium quod velit per Christum omnes Gentes saluos facere. Aduocantur ergo ad hanc salutem promiscuè omnes, nec quisquam est cui non aliquid doni impartiat bonus Dominus. Quod ergo quidam credunt, diuinæ vocationis est: quod autem quidam non credunt, non Deo imputandum est, sed humanæ perfidiæ. Vnde & Paulus dixit, Quoniam indignos vos iudicatis æterna vita, &c. Plura de his alibi.

Fides est ex
Deo.

Diuulgabatur autem sermo Domini per vniuersam regionem. Iudæi verò extimulauerunt mulieres religiosas & honestas, & primos ciuitatis, &

excitauerunt persequutionem in Paulum & Barnabam, & eiecerunt eos de finibus suis.

Consilium de
proscribenda
veritate.

Inuitis omnibus verbi Dei hostibus propagatur verbi dei gloria. Ceterum nullibi cessat impietas, sed semper sollicita sibi vndiq; corradit subsidia, & ea quæ maximam auctoritatem ac adminiculandi vim habere videntur. Ergo Antiochenes Iudæi non imprudenter incitabant aduersus veram pietatem mulieres primarias, quas plurimum posse norant, cum quod religiosæ, hoc est, superstitiosulæ, veram pietatem impotentius odirent, cum quod procerum in vrbe vxores, non modò maritos in persequutionem armare, sed & sanctitatis specie quoslibet in odium veritatis poterant exasperare. Et sapius muliebri solertia, imò stultitia abusus est satan ad maximas res perficiendas. Notissimum est facinus Euzæ, Dalilæ, Herodiadis, & aliarum multarum. Superstitione ergo & impotentia muliebri, opinione quoq; vulgi, & procerum iniusta potentia, armati, in veritatis ministros feruntur, & efficiunt vt publico edicto interdicatorum ipsis vrbe ac agro. Crediderunt enim Apostoli proscriptis veritatem subsistere non posse. Id quod & nostri sperantes non minus falluntur, quàm illos constat esse delulos. Sequitur enim, Porro discipuli replebantur gaudio & Spiritu sancto. Mira autem est illorum & nostrorum temporum collusio, vt vel hæc vnica hypotyposis nos admodum animaret confirmaretq; si veritati crederemus.

At illi excusso puluere pedum suorum in eos, venerunt Iconium. Porro discipuli replebantur gaudio & Spiritu sancto.

Matth. 10.

Excussio vestium Apostolica.

Hoc enim tradiderat in Euangelio Dominus, dicens: Quicumque autem non audierint sermones vestros, exeuntes ab eis, excutite puluerem de pedibus vestris. Iam ne quis illud tanquam leuiculū contemneret, addit: Amen dico vobis, tolerabilius erit terræ Sodomorum & Gomorræorum in die iudicii, quàm hominibus illis. Illa verò excussionis vestium *χρειά* id in primis significari voluit Dominus, quod adeo abhorreant ab eorum consortio, vt etiam puluerem eius terræ, in qua illi inhabitent, nolint: quod adeo non ambiuerint istorum facultates Euangelij prætextu, vt puluerem etiam rem omnium vilissimam nunc excutiant restituantq;: & quod nihil paritum sit labori, omnia quæ ad salutem ipsorum facere videbantur sint tentata, sed frustra, non Dei culpa, sed istorum improbitate, & proinde Deum ac ministros eius vacare omni culpa, in cuius rei testimonium iam excutiant in ipsorum capita omnem culpam ac condemnationem futuram. Atque hanc genuinam esse Excussionis significationem, testatur ipse Apostolus Paulus apud hūc historicum nostrum huius libri capite 18. Ibi enim excussis vestimentis, addit, Sanguis vester super caput vestrum. Mundus ego posthac ad Gentes vadam. Ex quibus omnibus intelligimus quæ sit potestas Clauium, quas tradiderat Apostolis Christus, quid sint, & quomodo Apostoli illas administrarint. Clauis aliud nihil sunt quàm Euangelij annuntiatio. Hæc nuntiat pœnitentiam & peccatorum remissionem, nempe quod quicumque crediderint, salui futuri sint: qui non crediderint, condemnandi sint. Quoties ergo prædicatur verbum Euangelij, clauis proferuntur, quibus aperitur & clauditur. Aperitur enim credentibus vita. Incredulis verò clauditur vita: idque non hominis ministri, sed verbi Dei, cuius minister & præco est, virtute. Verum enim est verbum Domini, quod credentes beandi: perfidi autem sint damnandi. Ergo quod hic minatur ac pollicetur in terris, id ratum habet Dominus in cœlis, qui hoc ipsum testatus est, cum adhuc ageret in terris. Tolle ergo à ministro clauis, hoc est, verbum Euangelij, iam non poterit neque ligare neque soluere. Omnis enim virtus verbi Dei est. Proinde nullam ligandi aut soluendi potestatem habent, qui rerum suarum in scripturis sanctis nullam fundamentum habent. Vnde iam facile colligis quare doceamus Pont. Romani Excommunicatio- nis fulmen, nihil aliud esse quàm betaceū telum. Siquidem traditionibus humanis nititur, quæ conscientiam obligare non possunt. Ceterum noua multis videtur esse hæc de Clauibus sententia, ijs maximè qui putant Clauis nescio quam occultam vim esse, quæ sit sacerdotibus interna quadam virtute collata, vt ipsi possint condonare siue retinere peccata. Notissima enim est Scholasticorum contentiosa ac intricata de potestate clauium disputatio. Hi ergo audiant Augustinum nobiscum eadem de Clauibus sentientem & in 1. libro de Doctrina Christiana capite 18. dicentem, Quid liberius & misericordius facere potuit, qui seipsum nobis vt rediremus subternere voluit, nisi vt omnia peccata conuersis, & grauius fixa interdicta reditus nostri, pro nobis crucifixus euelleret? HAS Igitur CLAVES DEDIT ECCLESIAE SVAE, vt quæ solueret in terra, soluta essent in cœlo. Scilicet vt quisquis in Ecclesia eius dimitti sibi peccata non crederet, non ei dimitterentur. Quisquis autem crederet, seque ab his correctus auerteret, in eiusdem Ecclesiæ gremio constitutus, eadem fide atque correctione sanaretur. Quisquis enim non credit dimitti sibi posse peccata, sit de-
terior

Clauium potestas.

Pontificia excommunicatio.

Augustinus de clauibus.

terior desperando, quasi nihil illi melius, quam malum esse remaneat, ubi de fructu suę conversionis infidus est. Hic subscribit & D. Hieronymus in Math. 16. sic dicens, Iſtū locum: Et dabo tibi claves regni cęlorum, episcopi & presbyteri non intelligentes, aliquot tibi de Phariſæorum sumunt supercilio, ut vel damnent innocentes, vel soluere se noxius arbitrentur: cum apud Deum non sententia sacerdotum, sed reorum vita quęratur, &c. Hęc hactenus.

CAPVT XIII.

FActum est autem Iconij ut simul introirent Synagogam Iudæorum, & loquerentur sic, ut crederet Iudæorum simul & Græcorū copiosa multitudo. Qui verò increduli erant Iudæi, concitauerunt, & corruperunt animos Gentium aduersus fratres.

EADEM semper facies, idem habitus veritatis apud omnes, idem ergo hic audimus quod hactenus audiuius, alios quidem veritati predicatę credidisse, alios insidias struxisse. Vnde iam satis clarè liquet qui sint Seditionū auctores, non illi qui accusantur veritatis cultores, sed accusatores horum hypocritę ac impij. Hi enim simplicium corrumpunt mentes, ac turbas concitant. Corruptum autem mendacijs ac calumnijs, quibus veritatem contaminat atque suspectam faciunt.

Seditionum auctores.

Multo igitur tempore demorati sunt, fortiter agentes præsidio Domini, qui testimonium perhibebant sermoni gratiæ suę, dabatq; ut signa & prodigia fierent per manus eorum.

Insidijs & persequutioni ubiq; opponit successum verbi, ut confirmaremur in negotio Domini. Nam hoc multa experientia certissimum est, cassum ac friuolum esse contra veritatem omne præsidium humanę industrię. Quod enim alij obijciunt cępisse quidem hanc doctrinam sæpius, sed eandem sæpius quoq; suppressam esse: verum dicerent si à se inciperet, in nobis finirent. Sæpe enim veritatem persequuta est fucata religio, occisis etiam sanctorum multis millibus, sed & libris optimis igne concrematis, attamen salua vel hodie permanet permanebitq; veritas immortalis, dum in sempternum quoq; punientur impij.

Successus veritatis.

Diuisa est autem multitudo ciuitatis, & quidam quidem stabāt à Iudæis, quidam verò ab apostolis. Quum autem factus esset imperus gentium pariter ac Iudæorum vnā cum principibus suis, ut vim adferrent ac lapidarent eos, re intellecta, confugerūt ad ciuitates Lycaonię, Lystram & Derben, & finitimam vndiq; regionem, & ibi prædicabant Euangelium.

Hic vides cur tam studiōse monuerit incredulos sollicitasse quorundam simplicium mentes ad tumultum. certè ne quis Apostolos crederet turbarū esse magistros. Seditione nihil peius. At eadem non nisi ex pessimis oboritur rebus, moribus ac vitijs hominum, utpote vel ex tyrannide dum contra phas & ius opprimuntur innocentes, dum proſcribitur veritas, & pereunt optima quęq; vel ex auaritia principis aut populi, dum nemo facit quod iustitia poscebat: vel ex paucorum nebulonum conspiratione, qua connexi aduersus veritatem temere feruntur. Cuius generis præſens fuisse videtur. Conspirarunt enim idololatrę aliquot, atque senatu (cui rarius probatur pietas) in partes suas pertracto iunctis viribus feruntur in Christianos: qui contra partes suas strenue tutati, effecerunt ut post aliquot exactum temporis spacium, tuto Iconij versaretur Paulus. Audiemus enim ipsum non semel eo rediisse. Ne ergo nouum sit nobis si veritatis hostes etiam hodie excitent seditiones. Nostrū est horum & similium exemplorum meminisse, in confessa veritate & à partibus Apostolorum stare. & hanc ad finem vsq; vitę liberè confiteri. Curandum tamen ne nos vllam turbam iustam suppeditemus ansam. Iustam autem cum dico, Euangelij prædicationem excludo, quę omnino prædicanda est (sed more Apostolico) quicquid tandem inde oboritur crucis ac miserię: omnia interim suo modo, tēpore & loco. Qui verò seditiones horrent & tranquillitatem volūt duraturā, curēt ut sancti sint & alieni ab ijs vnde nascitur tumultus: curent præterea ut sanctis precibus & prudenti consilio sanctum impetrent magistratum, qui veritatem audiat, ad hanc negotia sua componat, huc studia sua dirigat, violentos autem & veri oppressores ac blasphemos ita puniat ne succrescere & impietate pietatem possint superare. Verum de hac re forsā plura dicemus in capite. 19. Quod Stephanus de Urbibus refert de Iconio, admodum huc congruere videtur. Est autem tale, indicat Iconium

De seditionibus

Fuga apostolorum
1577.

nobile esse oppidum prope Taurum montem, ex imagine sic dictum, quod Prometheus & Minerva iussu Iouis hic finxerant, secundum fabulas, post diluuium Deucalionis, ventoque inde inspirante animatum. Nostra ergo lingua illam appellaremus Göttingen vel Bildach. Vnde apparet ciues eius urbis cum ob religionis vetustatem, tum superstitionis emolumentum, idololatriæ deditissimos, & inde etiam ad tumultum proniores fuisse, ne inuisa veritas autem illam expelleret religionem. Cæterum ipsa apostolorum fuga prudentiæ non inconstantiae leuitatis aut pauoris erat. Multo enim tempore tam clare erat prædicata veritas, ut nullum esset periculum illam posthac perituram. Si porro ipsi non aufugissent periculum erat, & utilitas ex interitu eorum nulla prorsus. Fuga verò hoc utilitatis habebat, quod impij sublati fidei ductoribus minus iam ferociebant ac tumultuabantur, & quod Derbeis Lystranis ac finitimis vndique regionibus, iam etiam prædicabatur Euangelium.

Et quidam vir Lystris debilis pedibus sedebat, claudus ab utero matris suæ, qui nunquam ambulauerat, hic audiuit Paulum loquentem. Qui intuitus eum, & videns quod fidem haberet, fore, ut saluus fieret, dixit magna voce: Surge in pedes tuos rectus. Et exiit, ambulauitque.

Eandem rationem habet hoc miraculum quam illud Petri ac Iohannis quod exposuimus in cap. tertio, nisi quod in hoc manifestissimis verbis commendatur fides illius qui sanatus est. Cuius quidem generis plura exempla habemus in Euangelistis. Ad Epitaphium & commendationem potentiae Dei pertinet, quod tantis verbis miseriam claudi pingit.

Turbæ verò quum vidissent quod fecerat Paulus, sustulerunt vocem suam Lycaonicè, dicentes: Dii in specie hominum descenderunt ad nos. Et vocabant Barnabam Iouem, Paulum verò Mercurium, quod is esset dux sermonis. Sacerdos autem Iouis, qui erat ante ciuitatem illorum, tauros & coronas ad vestibula afferens, cum turbis volebat sacrificare.

Elegans est hic locus, & multum habet in se eruditionis & utilitatis. Primò autem videmus (id quod & in 3. capite monuimus) quo sensu afficiatur mens humana (nondum spiritu Dei imbuta) erga signa. Secus videlicet quam conueniat, eum enim honorem quem Deo debebamus, creaturis impendimus. Contra quem errorem hic disputabit Paulus. Deinde describit hoc loco gradus, quibus ad supremum usque idololatriæ & impietatis transcenditur. De quibus in 1. cap. ad Rom. copiosius disputauimus. Hic cernis primo loco oboriri ignorantiam, siue obliuionem Dei, et ex hac nasci vanam quandam de Deo opinionem, nempe quod humana specie testus, & in Iouem, Apollinem, aut Mercurium transformatus ad nos descendat. Quæ sane opinio primitus videtur ex ipsa veritate orta esse. Tradunt enim diuina oracula Deum aliquando hæc venturum in oras testum carne ex virgine sumpta. Præterea illa ipsa narrant angelos (quos diuinum eloquium אַלְהִיִּים, hoc est, deos vocat) hominum specie à sanctis esse visos, in hac iuuisse & alloquutos fuisse multos: vnde forsitan Gentiles isti Syriæ vicini circumfusi; cum prophani & rerum sacrarum ignari essent, ansam sumpserunt, & de dijs quibusdam vana quædam confinxerunt. D. Erasmus, Ea (inquit) persuasio magis infederat animis Lycaonum ob fabulam de Ioue & Mercurio, quum homines esse viderentur, à Lycaone exceptis hospitio, vnde nomen sortiti videntur Lycaones. Vtunque verò habeant fabulæ, hoc certum est Gentes credidisse Deum per intermedios quospiam administrare omnia: ergo vnum quidem consistentes Deum, nihilominus plures quoque deos esse crediderunt, qui iuxta rerum diuersitatem, quibus præpositi erant, diuersa sint sortiti nomina: imo ipsum Deum in ijs varijs cognominatum: appellationibus. Cuius quidem rei ut Ciceronis & Plinij aliorumque; trenseam testimonia, vnius Aristotelis sufficere videtur. Is enim in libro de mundo, Vnus porro Deus (inquit) quum sit, pluribus nominibus appellatus est, ab illis utique suis omnibus effectibus denominatus, quorum specimen addere ipse solet. Atque eum quidem rum ἑὸν τὸν δῖον vocant, inter se compositis vtentes nominibus, atque à regione collocatis, tanquam duabus his vocibus significare velint per quem viuimus. Is Cronos id est, Saturno, & chrono, id est, tempore, ortus esse dicitur nimirum ab æuo sempiterno ad alterum æuum pertinens. Vocatur & Fulgurator, & Altitonans, Seruator, Assertor, & (ut semel omnia complectar) cælestis & terrenus, ab omni natura forteque; nomē adeptus, utpote qui omnium rerum author sit. Hæc & alia multa in hanc sententiam Aristoteles. Constat ergo Gentes coluisse Deum in dijs, hoc est creaturis suis, quas pro rerum diuersitate diuersis etiam insignierunt appellationibus. Hic Lycaones vocant Barnabam Iouem, Natu enim maior erat, Iouis autem inter deos eximia maiestas erat: proinde ab Homero frequenter deorum atque hominum pater appellatur, quem Maro se-

quutus

Origo erroris
Gentilium.

Aristotelis de
vinitate & plu
ralitate Dei
opinio.

Act. 17.

Iuppiter.

quutus Iouem solenni epitheto iam regem, iamque patrem vocat. Porro Paulum vocat Mercurium. Additur causa admodum hanc opinionem nostram confirmans, quod dux esset verbi. Mercurium *Mercurius.* enim vetustas credidit eloquentiæ esse Deum. Ideoque ab Horatio Odarum lib. 1. facundus dicitur: & a Græcis *μῆρ*, quod deinde exponens Vergilius, ipsum vocauit diuum interpretem. Iam vero conce- *Sacrificiis.* pta opinione falsa obfirmatisque animis, quibus intederat Iouem & Mercurium appulit, sacra j. ruti- nus ijs debita dijs instituunt. Nam sacerdotes Iouis qui habitabat in suburbio ciuitatis, tauros & coro- nas adferebat ad fores a diu, in quibus erat Apostoli, ut sacrificaret illis. Nisi fortassis alloterit histori- *Templa deorum extra urbem.* cus noster ad vetustum illum omnium Gentium ritum, quo templa deorum, quibus sanguine & victi- mus litabatur, extra urbem habebant. Neque enim pertinere ad vrbis fortunas & dignitatem visum e- rat, eius numinis templum intra mœnia conspici, cui sanguine litant. Huius generis plura ex Ho- ro *Agyptio* & Aristotele, nec non rebus Romanis annotauit Crinitus lib. de bon. disc. 5. cap. 5. Porro tauros in victimis gratissimos fuisse Ioui testantur pnetæ. Quod autem ad Coronas attinet, quarum po- *Coronæ.* tissimus quondam in sacris usus fuit, sic scribit Plin. in 16. cap. 4. Antiquitus quidem nulla nisi Deo da- batur. Ob id Homerus caelo tantum eas & prælio vniuerso tribuit. Viritim vero ne in certamine qui- dem vlli. Feruntque primum omnium Liberum patrem imposuisse capiti suo ex cætera. Postea deorum honori sacrificantes sumpserunt, victimis simul coronatis. Hac de causa ego existimari Sept. Tertul- lianum adeo stomachatum esse in Coronas, in opere quod de Corona militis inscripsit. Sed hætenus *Superstitio.* descripsit stultitiam humanam & religionem peruersam, qua per opera que Deus per creaturas suas ceu instrumenta patrat, auocati, sinistro operum Dei sentu, ad creaturarum cultum conuertimur, quas deinde rebus externis, victimis, coronis, auro, argento, ebore, pictura, idque genus nugis alijs co- limus. Crediderim autem hæc omnia mira Dei dispositione contigisse, nempe ut Lycaonum errore admoniti, posthac ab omnium creaturarum cultu abstinereamus. Atque huc etiam pertinet oratio Pauli.

Quod ubi audierunt Apostoli, Barnabas & Paulus, conscissis vestibus suis insilierunt in turbam, clamantes ac dicentes: Viri cur ista facitis? Nos quoque ipsi, quibus vos obnoxij malis sumus homines, annuntiâtes, ut ab istis vanis conuertimini ad Deum viuum.

Duo agunt oratione Apostoli. Primo enim errorem vulgi compescentes, docent vanum esse crea- turarum cultum. Deinde verò de cultu & maiestate vnius Dei disserunt. Quoniam autem plurimum mouet dicentis habitus & corporis gestus, Apostoli iam non immiscunt se turbis, sed veluti dolore & indignatione ræfani in concionem profluunt, vestem lacerant, ac clamitant, Quid facitis? viri cur ista facitis? Est autem vestis conscissio plagentium habitus singnum vel maximi luctus, vel indigna- tionis maximæ ex blasphemia conceptæ. Vide ergo, ô fidelis anima, quomodo Diuis ipsis tuum pro- betur sacrificium quod in honorem ipsorum instituiti. Vide an non ipsi manifesto approbent signo, quod Diuis sacrificare & Diuos colere aliud nihil sit quam blasphemare. Quin & ipsis verbis eadem referunt. Viri, cur (inquiunt) ista facitis? quasi dicerent, Quid obsecro rem tam indignam facere pa- ratis? Quid enim indignius quam neglecto ipso creatore creaturis diuinum honorem impendere? Hæc ex natura religionis sumpta videntur. Iam ex natura creaturarum, superioribus veluti causam adijcentes, sic argumentantur, Nos quoque ipsi, quibus vos obnoxij malis sumus homines: quod Græcè multo & elegatius, & viuidius sic legitur, *ἡμεῖς ἐκ τῶν δεινῶν ἵνα ὑμεῖς ἀποστρέψαμεν.* Quasi dicant, Quin & nos ipsi homines sumus, nec alij quam vos estis, ipsi affectibus, passionibus tue malis adfecti. Monet enim Erasmus *quædam* non tantum ad mortem pertinere, seu ad omnia que possunt homi- ni accidere. Igitur ex miseria humanana & creaturarum fragilitate docent vllam prorsus creaturam quantumuis sanctam esse colendam. Iam quicquid post Deum in orbe est, minus homine est. Nihil ergo maius homine coli potest. Quod si minus colas, stultitiam prodas. Quis enim in eo auxilium aut spem posuerit quod se minus & imbecillus sit? Quod si hominem colas, iam simile tibi colis, quod sci- licet mortale & infirmum est. Cæterum si obijcias, Hominem equidem agnosco quem colo, sed ho- *Non hominem sed hominem sanctum colo.* minem sanctum, & qui iam mortalitatem committat immortalitate, sublimis in cælesti regia desi- deat, & nostram miseriam non nesciat. Quis vero Paulus? Quis Barnabas erat? Nam sancti, boni, iu- sti, imò sanctissimi, optimi & iustissimi, Nilominus omnem à se cultum quam longissimè arcant. In 3. cap. audiuius Petrum atque Ioanem dixisse: Non nostra virtute aut pietate efficimus hoc. Proinde non sunt colendi diu propter vitæ sanctimoniam, sed imitandi. Neque quicquam sibi persuadere de- bet ipsorum animas hoc corpore exuras posthac hoc magis sic esse affectas, ut sibi velut merentibus & dignis vllum sibi cultum exhiberi velint. Certum enim est dilectionem diuinæ bonitatis in illis iam de facie ad faciem cernentibus sic auctam esse & absolutam, ut non possit non fieri quin omnem

honorem (id quod etiam Augustin. in quæst. vet. & nou. Test. quæst. 27. fatetur) omnem gloriam, omnemq; cultū in hunc dirigi desiderent, ex quo solum sunt quod sunt, & quod possident habent. Vero similis igitur est nimio cultu ad indignationē prouocari (si quæ modo in illis indignatio est) quàm ut credamus placari eos aut ad beneficentiam inuitari. Ergo ut breuibus omnia dicam, Diui natura quidem homines sunt, ergo colendi non sunt. Gratia verò sancti sunt, ergo gratia in illis, non ipsi ut homines, colenda. Serui præterea sunt altissimi: ergo colendi non sunt. Sequitur enim in hac Apostolorum oratione: In hoc venimus ut vobis annuntiemus, ut ab istis vanis conuertamini ad Deum viuum. A quibus obsecro vanis? Vtiq; à creaturarum cultu, quo nihil inuenias vanius. Nam in Rom. cap. 1. Deum quidem (inquit Paulus) cognouerunt, non autem ut Deum glorificauerunt, neq; grati fuerunt, sed vani facti sunt in ratiocinationibus suis, & obtenebratum est insciens cor eorum. Quum se crederent sapientes esse, stulti facti sunt, & mutauerunt gloriam incorruptibilis Dei per assimilationem imaginis corruptibilis hominis. Damnatur ergo omnis creaturarum cultus, siue more Gentilitio per deos, siue more pontificio per Diuos exhibeatur Deo: siue dijs ac diuis ipsis Deo neglecto impendatur. Siquidem sacra eloquia præcipiunt, ut ab his auertamur, & ad Deum conuertamur, in hoc omnem spem nostrā collocemus. Viuus enim est, hoc est, æterna vis, potens, omnia agens, ubiq; præsens est. Viuat ergo in pectore nostro. Hic omnia sine dijs ac diuis creauit: & omnia per se administrat & conseruat. Si quid per ministros suos agit, in gloriam nominis sui, non ministrorum, agit. Quanquam & suus honor debeat sanctis. De quo dictum est ex Augustini sententia cap. 3.

qui fecit cœlum & terram, & mare, & omnia quæ in eis sunt,

Vnius Dei religio.

Gen. 17.

Ier. 2.

Iou. 4. 6.

Ex rebus conditis potentia ac sapientia Dei, Deum nunc prædicat. Nam euulsa superstitione in locum eius veram religionem inserit. Vera religio in vnum Deū creatorem cœli & terræ innititur, & piè religiosi huic veluti fidei nodo religantur. Quantus hic sit, quàm sapiens, bonus, potens, misericors & clemens, nimirum docuere hoc loco Apostoli. Docuit & Ierem. in cap. 10. qui locus si hisce addatur commentarij vice erit. Breuiter, Deus fidelibus *ἰσχυρὸς ἀμείνων*, hoc est, Saturnus & omnisufficientia *ἡ κίρα ἀμείνων*, hoc est, copię cornu est, in quo omnia habent & post quem nihil prorsus desiderare possunt. Nam & Ieremias vocauit eum fontem aquarum viventium: & Dominus Iesus: Qui biberit (ait) ex hac quam ego dabo, non sitiet in æternum. Ruunt ergo hic omnia ea quæ caro de Diuorum cultu & quarumcunq; tandem creaturarum auxilio commota est. In Deo vno solo & vero omnino nostrum est quod sumus, in ipso omne nostrum præsidium, spes, salus & auxilium.

qui in præteritis ætaribus sinebat omnes Gentes ingredi vijs suis. Quantum non expertem testimoniij seipsum esse sinebat, dum beneficia conferret de cœlo, nobis dans pluuias ac tempora fructifera, implens cibo & lætitia corda nostra.

Felicitas idolo latrarum. Rom. 1.

Rom. 2.

Ps. 103.

Isa. 40.

Act. 17.

Ne obijcerent, Si tanta semper fuit Dei potentia, qui sit ut istam nō citius reuelaret nobis? quin potius maiores nostros nostro more illi seruientes, deos inuocantes ac sacrificantes multis affectis beneficijs, quod non fecisset nisi ipsi placeret deorum cultus. Proinde auertunt Apostoli & dicunt: Errorem vestrum nō nesciuit Deus, qui omnia nouit, neq; verò vel vobis sese vel maioribus vestris subtrahit, quippe qui se indes spectandum proposuit operibus suis. Vos autē manifestantem se vobis recipere noluitis, qui ad creaturas magis conuersi, has plus coluitis quàm creatorem ipsum. Quod autem hoc peccatum vestrum non protinus puniuit, non ideo fecit quod superstitione vestra ipsi adlucesceret, sed ut longanimitate prouocaret ad poenitentiam. Proinde quæ iam tempora frugifera, pacem, opes, sanitatem, & id genus alia fortunæ bona consequuti estis, non deorum vestrorum *Æsculapij*, Liberis patris, Cereris & Iunonis beneficio, sed huius Dei creatoris benignitate consequuti estis. Hic enim est per quem omnia subsistunt, viuūt & mouentur, qui omnia in mundo vegetat, pascit & conseruat. Iam ergo adsumus huius Dei Apostoli adhuc satis tempestiuè monentes & obsecrantes, ut deserta idololatria & vano creaturarū cultu, hunc verum, viuum & æternum Deū vnice adoretis in uocetis ac colatis. Principio autem hinc consequitur quod illi nihil probent, qui pro aliqua religione confirmanda, patrū mores & longa proferunt tempora. Nam plus 3000. annis durauerat Gentilitia fides. Adhæserat illi maxima pars orbis. Iactabāt præterea eius cultores nō aspernanda in hac se vfos esse fortuna ac victoria. Hoc enim Augustinus in libris de Ciuitat. Dei subindicauit atq; confutauit. Quantumuis ergo huius generis plurima pro sua fide allegarent, attamē vana & inanis erat. Deinde cōstat ex hoc loco fruges, lætitiā hoc est vinū (vtitur enim Synecdocha) sanitatem, deniq; omnia cū corporis tum fortunæ bona, mortalibus à Deo non à Diuis conferri. Fœdissimè ergo errant nostri quī dicunt, *das habend wir von Gott/vnd den lieben heiligen*. Nam Ose. 2. ita dicit Dominus: Nesciuit

Fortunæ bona ex Deo, non diuis.

Nesciuit (populus meus) quod ego dedi ei frumentum & vinum, & oleum, & multiplicauit aurum & argentum eis, quæ tamen impenderunt Baalim. Idcirco reuertar & sumam frumentum meum (ecce vnde nobis sterilitas oboriatur, non ex vnius Dei cultu & creaturarum neglectu, sed ex deorum superstitione) in tempore suo & vinum meum in tempore suo, & exuam eos veste mea, qua operiebant pudenda sua. Et nunc reuelabo stultitiam eius in oculis amatorum eius, & nemo eruet eam (iam veluti de putido scorto loquitur) de manu mea, & cassare faciam omne gaudium eius, & omnia festa eius, & corrumpam vineam eius & ficum eius, de quibus dixit, merces hæc meæ sunt, quas dediderunt mihi (obserua nostrum loquendi morem de beneficijs Diuorum) amatores mei. Ergo visitabo super eam dies Baalim, quibus accendebat incensum & ornabatur mundo suo, & ibat post amatores suos, & mei (hic vide quod deorum statum non possint esse memoracula Dei) obliuiscetur, dicit Dominus. Hæc ex Osea, cui consonant & ea quæ ad imitationem Osee Ezechiel, postea copiosius conscripsit in cap. 16. Tertio autem loco hinc colligimus, quod etiam si Deus aliquousque ad peccata cõnuceat, ipsi tamen peccata non placeant. Inuitat enim longanimitate ad pœnitentiam. Et hætenus de vnitæte, potentia, & beneficijs Dei, deq; huius vero cultu. De Christo iam non erat dicendi locus apud eos, qui adhuc in primo fidei articulo erāt instituendi. Non credidissent in filium Dei, qui nondum norant verum Deum.

Ezech. 16.

Bene uisum est
in memorabilia Dei

Et hæc dicentes, vix compescuerunt turbas, ne sibi immolarent.

Tantum malum est inolita consuetudo & vana persuasio, quæ semper apud vulgus ignobile plus valet, quàm ipsa veritas ac ratio. Videas etiam hodie multos tanta induratos esse pertinacia, vt neque his neque alijs perinde claris ac euidentibus exemplis testimonijsq; abduci à concepta superstitione possint.

Consuetudinis
vis.

Superuenerunt autem quidam ab Antiochia & Iconio Iudæi, qui cum persuassissent turbis ac Paulum lapidassent, extraxerunt eum è ciuitate, exstimates illum mortuum esse. Circudantibus autem cum discipulis, surrexit & intrauit ciuitatem.

Monuit Erasmus in Annotationibus hunc locum secus legi in nonnullis Græcorum exemplaribus, nempe ad hunc modum: Καὶ οἱ ἀπὸ τῆς Ἀντιοχείας καὶ τῆς Ἰκονίου ἐλθόντες Ἰουδαῖοι, οἱ ἐπεισάγοντες τὸν ὄχλον ἀποστόλου αὐτοῦ, λίθισαν αὐτὸν ὡς νεκρόν. Id est: Et cum illi fortiter disputarent, persuaserunt (qui scilicet ab Antiochia & Iconio venerant Iudæi) turbis vt deciderent ab eis, dicentes, quod prorsus nihil veri dicerent, sed omnia mentirentur. Hoc ergo cum persuassissent turbis, lapidatum Paulum ceu mortuum ex vrbe extraxerunt. Hæc videlicet sunt rerum humanarum vices. Paulò ante pro Deo habitò ante urbem parabantur hostiæ, nunc lapidatus Paulus extra urbem miserè trahitur. Ita legimus in Euangelio, ipsum saluatorem maxima populi acclamatione ingressum Hierosolymorum urbem, hoc ipso vespere Bethaniam rediisse, quod ob pericula impendens ipsum nemo dignaretur hospitio. Hæc videlicet est plebis constantia, vt non immerito Charondas dixerit, Qui se populo committit fortunam non rationem sequitur. Est & illud obseruandum quod Apostolis multò grauius bellum erat cum Iudæis, quàm cum Gentibus. Hypocritæ enim ac supersticiosuli, hoc magis furiant, quominus tales videri volunt, quales prædicat ipsa veritas. Harum ærumnarum admonent nos nostrorum temporum afflictiones, quæ & ipsæ tetrius habent, quod ab his maximè impugnatur pietas, qui pietatis antesignani videri volunt, qui & ipsi nomen Christianum iactant, & se omnia Christi nomine agere dicunt. Ita enim & Iudæi vnum prædicabant Deum, scripturis credebant, istas laudabant, iustitiam suadebant, & iniustitiam culpabant. Hoc ergo periculosius erat certamen vtriusq;. Cæterum semper emicat veritas. Tametsi enim Paulus videretur extinctus, tamen Dei virtute restituitur, & Christianis pro officio circumfusus, redditur: vt verissimè huc quadret quod in 2. ad Cor. 4. cap. scripsit, Habemus autem thesaurum hunc in testaceis vasculis, vt virtutis eminentia sit Dei. Et quæ sequuntur. Nam satis notus est locus.

Paulus semel la-
pidatus.Nostrorū tem-
porum seuitia
in pietatem.

Ac postero die profectus est cum Barnaba Derben. Cumq; Euangelizassent ciuitati illi, ac docuissent multes, reuersi sunt Lystram, & Iconium, & Antiochiam, denuo confirmantes animas discipulorum, exhortantesq; vt perseuerarent in fide: & quod per multas afflictiones oporteat nos intrare regnum Dei.

Vel ex hoc loco claret Paulum diuina virtute ceu à mortuis excitatum, & non fratrum medicamine curatum fuisse. Quis enim vnquam audiuit lapidatum hominem postera ambulasse die? ma-

Paulus virtute
Dei restitutus.

ximè eum, quem existimarūt esse mortuum, & quem lapidarunt ij, qui odio in ipsū rabidi, à lapidū telis non abstinuissent, si vllum credidissent vitalem superfuille spiritum. Quid quod miserabilis illa ex vrbe extractio, nō homini iam semianimi, sed cadaveri verius comperebat? Maxima ergo Domini virtus sese in Pauli exeruit infirmitate: vt posthac omnes mortis periculum minus horreremus. Sed illud mirabilius est quod sequitur Paulū nullibi cessasse, nullus piguisse laboris. Quod semel plātarat, id iam summo studio excolit, vt cum magno fructu adolescat. Redit enim per illas vrbes, quas comite Barnaba prius instituerat ac fidei consecrarat, vt has iam nihilo segnius ad perseverantiam ac patientiam animaret. Nam perseverantia colophon est rerum omnium: cæterum perseverantiæ nervus & vena est patientia. Non enim perseverare potest, qui ob rem cui adhærendum erat, nihil pati potest. In patientia vestra (ait Dominus) possidebitis animas vestras. Mundus veritatem odit, proscrit, persequitur. Pietas veritatem amat, amplectitur & mordicus retinet: ergo patientia retinet. Verissimè ergo dixit Paulus, quod per multas afflictiones pateat aditus in regnum Dei. Non per otium (inquit) luxum molliémue, per carnis & seculi voluptates itur ad astra, sed per scabrosam viam. Id quod poetæ suo describere biuio, cuius meminit ex Prodicto Sophista etiam Cicero in l. Officiorum libro. Quin omisiss istis audiamus Christum dicentem, Annitimi intrare per arctam portam, quoniam lata est porta & spaciofa via quæ abducit in exitum, multiq; sunt qui ingrediuntur per illam. Angusta verò est porta & stricta via quæ abducit ad vitam, & pauci sunt qui inveniunt illam. Proinde semper conuenit meminisse aureæ Archilochi Parij sententiæ, qui (vt ait apud Philostratum Apollonius) tolerantiam in rebus aduersis patientiam nuncupans deorum eximium inuentum ac munus esse dixit, ad omnia mala perferenda, ceu gubernatoris artem, per quam incumbente tempestate venientium fluctuum impetus recipit.

Et cum suffragijs creassent illis per singulas Ecclesias presbyteros, precatiꝫ essent cum iciunijs, commendauerunt eos Domino, in quem crederant:

Apostoli & presbyteri.

Iterum commendatur nobis ordinaria electio, & cura pro Ecclesijs Apostolica. Alij autem erant ab Apostolis presbyteri, non tamen autoritate minores, sed in officio administrando alij. Apostolus enim incertis vagatur sedibus, nunc his nunc illis Euangelium prædicans. Presbyter autem siue episcopus vnæ cuiuspiam præpositus Ecclesiæ, hanc curat, nec Apostolorum more vagatur. Ita videmus eundem Philippum trinominem ex officio & administrandi modo, effectum esse. Nam in 6. dicitur Philippus diaconus. In 8. est Philippus Apostolus. In 21. appellatur Philippus Euangelista Cæsariensis. Cæterum dictio *καρποφύλακτες* ita ponitur, vt vel suffragijs populi delectos esse, vel manuum impositione inauguratos intelligere possimus. Ego vtrunq; factum arbitrauerim. Eligitur enim communibus populi suffragijs, qui optimorum testimonio probatus est. Huic autem imponebantur manus, vt in superioribus indicauimus.

peragrataꝫ Pisidia venerunt in Pamphylia: & cum loquuti essent sermonem Pergæ, descenderunt in urbem Artalia: & inde soluerunt Antiochiam, vnde erant traditi gratiæ Dei in opus quod compleuerunt.

Absoluta veritatis doctrina.

En veritatis constantiam & absolutam breuitatem. Semel docuerant & pietatem in Christum certis numeratisque verbis docuerant. His iam nihil addunt. Non enim opus habet pietas numerosis legibus. Ergo semel docta excolunt, repetunt, inculcant. De impostoribus & ceremoniarum doctoribus scriptum est, quod semper discant, ad cognitionem autem veritatis nunquam perueniant, 2. Timoth. 3.

Cum autem venissent & congregassent Ecclesiam, retulerunt quæcunq; fecisset Deus secum, & quod aperuisset Gentibus ostium fidei. Commorati sunt autem illic multum temporis cum discipulis.

Otium apostolorum.

Quandoquidem instinctu Sancti Spiritus per Antiochenæ Ecclesiæ missionem ad Gentes profecti Euangelium prædicarant, nunc reuerſi exponūt Sancti Spiritus virtutem, vt à multis pro collata in Gentes gratia, gratiæ dicerentur Deo, & vt mutua fide confirmarentur. Porro Ostium fidei aperire prouerbiali loquutione dixit, proſeo quod est recipere in fidem. Annotauit hanc & huic similes Metaphoras Erasmus in opere eximio Adagiorum, Chil. 1. Cent. 4. Adag. 3. & 4. Quod autem scribuntur Apostoli multum temporis Antiochiæ cum discipulis commorati, innuit istos modum seruasse in omnibus. Hactenus enim non æstimandis laboribus sese hac professione excruciant, vnde vires nimirum defecerant: nunc ergo se honesto recreant otio. Non quod prorsus ori-
rentur,

rentur, sed quòd minore labore & non tanto vitæ periculo, in libera, morigera & Christiana ciuitate prædicarent. Videtur enim Antiochia asyllum quopiam fuisse Christianorum, in quod se exules Antiochi-
& bonis propter fidem paternis exuti receperint. Clemens enim celestis pater in media persecu- lum Christiano
tionum procella semper aliquorum corda mouet, qui exules suos colligant ac tueantur. Beatissima rum.
verò illa ciuitas est, quæ ad hoc à Domino electa est. Maledicta autem quæ hospitalitate neglecta, ve Ifa. 16.
ritatis nomine palantes repellit. Aderit enim iudex qui dicat, Discedite à me maledicti in ignem æ-
ternum, qui paratus est diabolo & ministris eius, quia hospes eram, & non collegistis me.

CAPVT XV.

ET quidam qui descenderant è Iudæa, docebant fratres, nisi circumciderimini secundum morem Moysi, non potestis esse salui.

DEVS paulò pacatioribus materia maiorum malorum exoritur. Nam sicut malus ille semen suum malum in agrum Domini nunquam non seminat, ita Dominus suos diuersis afflictionibus subinde tentat. Hactenus suos persecutionum varijs exercitauit generibus, nunc varijs probat hæresibus. Persecutione deterior est hæresis. Ilac enim affliguntur labefactanturq; hominum mentes. Illa corpora duntaxat diuexantur. Verum ut illam bono Ecclesie suæ immittit, ita hanc maximo bono & veritatis & fidelium oriri finit. Principio enim dixit Paulus, Oportet hæreses esse, quo qui probati sunt probantur. Deinde oportebat hunc errorem superfluitibus adhuc Apostolis suboriri, ut horum testimonijs sublatus, ipsumq; fidei nostræ dogma primum, clarissimè expositum & confirmatum, posthac omnibus dubijs & contentionibus imponeretur finis. Primariam enim Christianæ religionis dogma & cui omnia alia innituntur, hoc est, quòd in Christo Iesu sit omnis plenitudo, & proinde omnes qui iustificantur, vnica in illum fide, & nulla alia re, iustificari. Hæc enim est summa totius Euangelij. Hæc omnium epistolarum Pauli materia est, maxime verò earum quas ad Romanos, Galatas & Hebræos conscripsit. Iam verò exoriebantur pseudochristiani quidam, reuera mali Iudæi, qui aduersus hoc dogma tradebant, non vnicum Christum omnibus omnia esse, sed circumcisionem quoque & omnia legis ad iustificationem requiri: hoc est, quòd salus non tantum in Christi fide, sed in externis quoq; ceremoniarum ac legis obseruationibus, imò & meritis nostris cõsistat. Porro hac traditione adeò obscurabatur doctrina Euangelica, ut Christus prorsus abnegaretur. Si enim ex lege erat iustitia, si meritis nostris & sacrificiorum donis parabatur salus, iam Christus frustra erat incarnatus, & pro peccatis mundi in ara crucis oblatus. Proinde summis viribus impio dogmati repugnabat verj Christi Apostoli Paulus ac Barnabas, defendentes gloriam crucis, cuius illi capitales inimici erant. De his enim scripsit Paulus, Complures autem sunt erronei, de quibus sæpè dixi vobis, nunc autem & flens dico, inimici crucis Christi, quorum finis perditio est, quorum Deus ventris & gloria in dedecore ipsorum, qui terrestria curant. Et ad Galatas, Quicumq; volunt iuxta faciem placere in carne, hi cogunt vos circumcidi, tantum ne ob crucem Christi persecutionem patiantur. Nam ne ipsi quidem legem seruant.

Cum orta ergo seditio & disceptatio esset non exigua, Paulo & Barnabæ aduersus illos, statuerunt ut ascenderent Paulus & Barnabas, & quidam alij ex illis, ad Apostolos ac presbyteros Hierosolymam, super hac quæstione.

Oritur seditio non ex veritate, sed doctrina falsa. Siquidem Ecclesia Antiochena agebat in pace, Cur Hierosolymam præ-
quam turbabant erronei illi qui descenderant à Iudæa, iactantes doctrinæ suæ authores Apostolos Domini primarios, Petrum, Ioannem & Iacobum, quo simul & Pauli eleuabant auctoritatem, hunc
negantes esse Apostolum, qui primò persecutus esset Ecclesiam Dei, neq; Christum in carne vidisset vnquam. Ptoinde deliguntur legati qui Hierosolymam proficiscantur, non utiq; discendi gratia (recta enim se ambulare norant) sed ut ab ipsis Apostolis conuincerentur erronei isti erroris sui. Huc enim pertinet, quod paulò post in epistola Apostolica sequitur, Audiuimus quòd quidam à vobis egressi turbauerunt vos, quibus nihil mandaueramus. Alij præsentem locum aliò contra genuinum sensum trahunt, quasi verò tota totius orbis Ecclesia vnus Romæ cogatur spectare decreta. Consultatur autem super hac professione ipse Paulus in 2. cap. ad Galatas tam clarè & copiosè differens, ut commentarium in hæc videatur texuisse.

Illi ergo deducti ab Ecclesia pertransibant Phœnicen & Samariam narrantes conuersionem Gentium, & adferebant gaudium magnum omnibus fratribus. Cum autem venissent Hierosolymam, suscepti sunt ab Ecclesia, & ab Apostolis ac presbyteris, annuntiaueruntque quæcunque Deus fecisset cum ipsis.

Hospitalitas.

Vbiq; admonet scriptura discipulos, hoc est, Christianos fuisse comes, familiares, hospitaes, & ut sic dicam, officiosissimos, cum erga omnes, tum erga veritatis doctores potissimū. Ergo hic quoq; memorantur Apostoli à discipulis deducti esse per Phœnicen & Samariam: rursus Hierosolymis esse suscepti nimirum familiarissimè. Nulla enim erat inter Apostolos vel in ipsa Ecclesia simulas, nisi quam erronei isti mentiebantur, atq; pectoribus simplicium inserere cupiebant.

Surrexerunt autem quidam de factione Phariseorum, qui crediderant, dicentes, quod oporteret circumcidere eos, ac præcipere, ut seruarent legem Moysi:

Hæresis Nazæarorum. Hic iam planioribus verbis exponitur quæ illa fuerit pestilens hæresis. Sed & D. Hieronymus in eleganti illa ad Augustinum epistola testatur, Cherinti & Hebionis hæresim, hoc potissimum nomine damnatam, quod legis ceremonias Christi Euangelio misceret, & sic noua confiteretur, ut interim vetera non amitteret. Imò suis adhuc temporibus per totas Orientis synagogas hæresim fuisse, quæ Mineorum dicta sit, & quos vulgo Nazaræos nuncuparint. Hos credere quidem in Iesum Christum Dei filium natum de virgine Maria, passum sub Pontio Pilato, crucifixum, sepultum, iterum resuscitatum, & in eum prorsus credere illos in quem nos credimus, sed non omnia vni tribue-

In quo dissident Evangelici & Pontificij.

1. Cor. 1.

Rom 5.

Ephes. 2.

Ioan. 8.

Matth. 15. 17.

et 23.

Heb. 7. et 10.

1. Tim. 2.

Ephes. 5.

Coloss. 1.

Ioan. 14.

Ita et Phari-

sæi vocantur

credentes.

re, atque ita fieri ut dum volunt Iudæi esse & Christiani, nec Iudæi sint nec Christiani. Quod si hodie quoque ad iustam stateram expendas, quid nos qui Euangelium prædicamus, ab ijs separet, qui veteris fidei propugnatores videri volunt, nihil aliud inuenies, quàm hoc ipsum quod Antiochenam confidit Ecclesiam. Nosenim cum Apostolis Domini vnum & solum Iesum Christum prædicamus, hunc clamitamus vnum & solum totius orbis esse iustitiam, redemptionem, satisfactionem, lucem, doctorem, sacerdotem, sacrificium, mediatorem, caput & vitam. Illi porro non vni omnia tribuunt, sed infinita quædam iungunt, quæ ad salutem sint necessaria. Meritis enim, confessioni auriculari, absolutioni & indulgentijs tribuunt peccatorum remissionem. Varios sibi coaceruant doctores, plurimos sacerdotes, plurimos intercessores, & Missas, id est, sacrificia innumera: quæ nos omnia prorsus abnegamus, quod filium Dei Iesum Christum solum sufficere, & nullum aliud nomen sub cælo esse credimus, in quo oporteat saluos fieri, nisi nomen IESU CHRISTI. Prædicant sanè & illi nobiscum historiam Euangelij & articulos fidei Christianæ, Vnum esse Deum, hunc misisse filium, qui incarnatus de Spiritu sancto, ex Maria virgine natus, passus & resuscitatus sit, sedeat item ad dexteram Patris iudex venturus. In hac inquam serie verborum nulla dissonantia: at in ipsa virtute Christi, non tam longe abest Oriens ab Occidente, quàm illorum doctrina à nostra dissidet. Sed redimus, Nazaræi illi siue Phariæi non putabant satis esse Gentibus, ad Christianam fidem conuersis, vnicum Christum, circumcidendos ergo existimabant, ut recipi in populum Dei, & sacrificijs lustrandos ut purgari, & sub legem subiugandos, ut meritis suis bonisque iustificari operibus possent. Iam verò hæc causa eiusmodi erat, ut Apostolis Domini plurimum odij, pseudoapostolis autem plurimum beneuolentiæ & authoritatis conciliaret. Nam hi videbantur esse iustitiæ doctores, bonarum legum defensores & omnis pietatis assertores fidelissimi: contra verò illi iustitiæ, virtutibus, sanctis quoque per Moysen institutis, & à patribus obseruatis ritibus temere videbantur repugnare. Verum si dogma pestilentissimum dissimulassent, iam procul dubio perierat Euangelij negotium, quod ut bonis moribus operibusque non est inimicum, ita non permittit, ut vllis alijs rebus tribuatur salus, quàm vni Iesu Christo. Rectissimè ergo D. Hieronymus in ea Epistola, cuius paulò ante meminimus, Ego (inquit) reclamante mundo libera voce pronuntio, ceremonias Iudæorum & perniciosas esse & mortificas Christianis, & quicumque eas obseruauerit siue ex Iudæis siue ex Gentibus eum in barathrum diaboli deuolutum. Finis enim legis Christus ad iustitiam omni credenti. Cui sententiæ hoc addidit Aurelius Augustinus, dicens: Quicumque eas obseruauerit, siue ex Iudæis siue ex Gentibus, nò solum veraciter, verum etiam simulatè, eum in barathrum diaboli (censo esse) deuolutum. Cæterum quid hodie quorundam ceremoniæ à Iudaicis differant, Lectorum esto iudicium.

Vide.

Lege Annotat.

Erasmi in 12.

cap. Matth.

Conueneruntque Apostoli ac presbyteri, ut dispicerent de hoc negotio.

Palàm

Palam hoc loco admonemur ad Apostolicos viros pertinere rerum ad fidem pertinentium questionem, qui consilio indito (è quo tamen nemo secludatur) de dubijs respondeant & sententia resoluant, fideiq; suæ rationem reddant omni credenti: qui mos a sanctis olim episcopis ad Apostolorum imitationem diligenter custoditus est: sed miris modis aliquot retro seculis neglectus. Illi enim non suo arbitratu, sed ex scripturæ præscripto sic omnia disponebant, vt doctrinæ Dei relinquerent gloriam veritatis, & ab hoc velut Lydia (quod dicitur) regula, ne latum quidem digitoem discederent. Hi nostri sic in Consilijs suis deliberarunt, vt Papæ, id est, vni episcopo Romano, auctoritatem tribuerint Consilio, id est, scripturis & Deo maiorem, penes quem esset ius reiciendi priora, si illa quæpiam illi interim in mentem venissent: atq; inde factum est, vt celebrium Consiliorum decreta posteriorum auctoritate abrogata fuerint.

Cum autem magna disceptatio fuisset, surgens Petrus, dixit ad eos: Viri fratres, vos scitis quod ab antiquis diebus Deus inter nos elegit, vt per os meum audirent Gentes verbum Euangelij, crederentq;. Et qui nouit corda Deus, testimonium præbuit illis, dans illis Spiritum sanctum sicut & nobis: nihilq; discreuit inter nos & illos cum fide purificauerit corda illorum.

Incaluit disputatio propterea; quod vtraq; pars ambiret victoriam. Qualia autem vtriusque partis argumenta fuerint, non ascripsit historicus, at nos ea nihilominus non ignoramus, qui Epistolæ Pauli habemus, super hac re copiosissime & doctissime differentes. Scopi præterea vtrorumque manifesti sunt. Apostoli enim contendebant vnicum Christum Iesum satis esse credentibus, & ideo Gentes in consortium Dei citra legalia recipiebant. Nazaræi vero asseuerabant non vnum Christum sufficere, sed & legalia ad salutem esse necessaria: ergo Gentes circumcidendas, & iugo legis subiiciendas esse contendebant. Iam ergo cum in hoc certamine partium incanduisset animi, Apostolus Petrus negotium dirempturus magna grauitate assurgit, pulchraque oratione habita, ostendit Paulum & Barnabam rectius sentire, Phariseos autem rursus errare. Multis autem argumentis comprobat Gentibus ad fidem conuersis satis esse Christum, neque illas post hunc vllis indigere legalibus ad perfectionem. Atq; hic orationis Petri scopus est. Primum autem argumentum quo hoc approbat, à pronuntiatis est. Nam reuelationi & oraculo Dei innititur, & per expositionem quandam aptatur. Est autem tale. Cum ego aliquando ambigerem Gentes, ne in consortium fidei recipiendæ essent, an non essent recipiendæ, clarissimo ostento monstrauit mihi Deus recipiendas esse. De hoc planius in capite 10. Iam vero cum de recipiendi modo penderem animi, ecce non expectata circumcisione, nec vlla sacrificij iustratione præcedente, ad solam Christi prædicationem illapsus est Spiritus sanctus in Gentes ad quas missus eram, non vt circumciderem, sed vt Christum prædicarem. Proinde quum constet Spiritum sanctum non conferri impijs & prophanis, illi autem qui cum Cornelio erant, non sint purgati vllis externis legalibus, restat quod per fidem in Christum prædicatum sint purgati, & ideo sufficere Christum Gentibus. Hæc autem est huius partis summa, quæ sanè in multa potuerat findi argumenta, sed breuitati & simplicitati studentes, hæc præterea paucula quidem adiicimus. 1. Elegit me Deus (ait) vt audirent Gentes verbum Euangelij, & crederent. Audirent, inquam, non legalia, sed verbum Euangelij & crederent, non circumciderentur. Singula enim verba pondus habent. 2. Qui nouit corda Deus, id est, qui non recipit personam, sed vere iudicat, testimonium præbuit illis, quod sibi placeant, qui tamen incircumcisi erant. Quis ergo dabit eos qui Deum iustificantem habent? Per circumcisionem autem maximum Iudæorum sacramentum, subinde intelligimus omnia legalia. 3. Nihil discreuit inter nos & illos. Nam & Paulus, An Iudæorum (inquit) Deus tantum? An non & Gentium? Certe & Gentium. Quandoquidem vnus Deus qui iustificabit circumcisionem ex fide & præputium per fidem. 4. Fide purificans corda illorum. Non ergo externis purgatur quisquam, non circumcisione, non ipso sacro baptismo, quæ purgationis signa sunt. Purgatio Dei est, ea per fidem acquiritur. Ioannes Chrysostomus in hunc locum ferens, dicit, A SOLA FIDE (inquit) illa assequuti sunt, & nō operibus vel circumcisione. Sed de hac re copiosius ad Rom. 4. disputatum est. 5. Nihil discreuit inter nos & illos. Huic correspondet quod Paulus dixit. Non est distinctio. Omnes peccauerunt ac destruuntur gloria Dei, iustificantur eam gratis per illius gratiam, &c. Rom. 3.

Nunc ergo quid tentatis Deum, vt impenatur iugum super ceruices discipulorū, quod neq; patres nostri, neq; nos portare potuimus? Sed per gratiam Domini Iesu Christi credimus nos saluos futuros, quemadmodū & illi,

Ad finem inclinatur oratio. Argumentatur autem ab inutili siue impossibili ad hunc modum, Lex non data est ut iustificet, neque lege iustificati sunt patres nostri, ergo ne nos quidem illa iustificabimur. Ceterum hæc longe alia orationis figura effert, ut oratio ad finem inclinans ardeat, & aculeum in animis auditorum relinquat. Nam per interrogationem incendit, & in Nazaræos, veluti inuehitur, sed & memoria patrum aggrauat, & iugi tentationisq; Dei commemoratione omnino exasperat. Tentant autem Deum qui suæ voluntati magis acquiescunt quam reuelationi diuinæ, aut qui alia via ad salutem ingredi volunt, quam constituta: quasi vero Deo sapientiores sint, quem proculdubio hac pertinacia ad indignationem prouocant, aut qui dubitant de veritate, potentia & misericordia Dei. Iugum seruitutis & oppressionis signum est, id quod prouerbio quoque *ἰσχυρὸς ἀνέλεπτος* notatum est. Illud autem in primis obseruandum est, quod dixit, ne patres quidem vetustos unquam potuisse portare legem. Quod sane de circumcisione aut Lege ceremoniali tantum intelligere non potuit, sed & de morali potius. Siquidem ceremonialia facile ferebant, ac operibus suis iustificari nunquam potuerunt. De qua re copiosissime scriptum est in epistola ad Romanos & Galatas. Atque hoc quidem longe firmissimum & vetustissimum argumentum est. Quis enim posthac tam fuerit impudens, ut se credat operibus suis aut per legem iustificari posse, qui videat sanctissimos patres non Lege, sed gratia iustificatos esse. Iam sequitur totius negotij illatio, Sed per gratiam Domini Iesu Christi credimus nos saluos futuros quemadmodum & illi. Vnus ergo Christus sufficit omnibus, adeo ut & Iudæis ad salutem nihil conferat lex. Nam gratia, non lege saluantur & ipsi: tantum abest ut Gentibus quisquam ea possit imponere, quæ ne ipsis quidem Iudæis profuere. Ceterum non credo vsipiam extare, ut breuiorem ita doctiorem, planiorem & magis piam orationem, ut vere in ipsa ostentarit Petrus ingenium Apostolorum principe dignissimum.

Tacuit autem tota multitudo, & audiebant Barnabam ac Paulum, narrantes quæ Deus adidisset signa & prodigia inter Gentes per ipsos.

Miracula. Dicit oratione Petri coercitam esse tumultuosam Phariseorum aduersus Paulum ac Barnabam contentionem. Cristas enim conuulserat Petrus. Iterum ergo prodeunt Paulus ac Barnabas, & exponunt signa & prodigia quæ per ipsos egisset Deus inter Gentes, nimirum ita confirmantes vocationem Gentium & dogma suum de quo erat concertatio. Siquidem iam sæpe monuimus plurimum posse miracula, si accedant ad sanam doctrinam: nihil autem plus posse quam parabolas, si dogma cui iunguntur sit dubium.

Et postquam conticuissent, respondit Iacobus, dicens: Viri fratres, audite me: Simeon narrauit quemadmodum primum Deus visitauerit, ut sumeret ex gentibus populum in nomine suo, & huic consonant verba Prophetarum, sicut scriptum est: Post hæc reuertar, ac rursus ædificabo tabernaculum Dauid, quod collapsum est: & diruta eius instaurabo, & erigam illud, ut requirant qui reliqui sunt homines, Dominum, & omnes gentes super quas inuocatum est nomen meum, dicit Dominus, qui facit hæc omnia. Nota à seculo sunt Deo omnia hæc opera sua.

Oratio Iacobi. Non citra inlignem fructum meminit vicissitudinis, quod scilicet alij silentibus, alij ad dicendum prodierint. Monet enim ordinem ac disciplinam in eiusmodi seruandam esse collationibus. Vg sanientium enim, non prudentium est, aliorum orationes interrompere, occlamare, iurgari, & conuitijs in arenam altercationis rixarumque prouocare. Cæterum oratio Iacobi (quem Chrysostomus Hierosolymorum facit episcopum) sententiam Petri ac Pauli de absoluta fidei in Christum perfectione, confirmat: confirmat autem testimonijs Prophetarum. Nihil enim dubitauerim Iacobum, utpote legisperitissimum plurimis Prophetarum testimonijs rem demonstrasse, comprobasseque præsentem: è quibus tamen omnibus Lucas vnicum tantum, quod & clarissimum & euidentissimum videbatur delegit, atque in historiæ suæ monumentum retulit. Hoc enim & ipsa historiæ verba possunt. Sic enim sonant, Et huic consonant verba Prophetarum. Et protinus unico contentus testimonio, subiungit, Sicut scriptum est, Post hæc reuertar, &c. Alij dicunt verbis inesse numeri enallagen. Locus autem Prophetæ extat Amos capite quinto, in quo Propheta dicit Iudæos propter mores corruptissimos, maxime vero propter insatiabilem auaritiam funditus esse excidendos, deinde vero Gentes in deperditorum locum assumendas. Intellexit enim per Tabernaculum Dauid ipsam Ierusalem, siue (quod alijs visum est) templum. Illud inquam quod collapsum est (inquit) restituum, non utiq;

non utique aliud & ceu nouum quoppiam instituam, sed diruta eius instaurabo. Allegorice enim significat quod in repudiatorum Iudæorum locum Gentes sit substituturus, ut qui hactenus populus Dei (ut Osee ait) dictus sit, posthac sit non populus eius, & quæ non dilecta, iam sit dilectissima. Hæc autem confirmant, quod & Gentes ad populum Dei pertineant. Iam quod ad recipiendi modum attingit sequitur, ut requirant qui reliqui sunt homines Dominum, & OMNES Gentes super quas inuocatum est nomen meum, dicit Dominus, qui facit hæc omnia. Non autem meminit circumcisionis aut Legis, per quæ sint recipiendæ, sed fidei & timoris Dei. Per hæc enim fit ut requiramus Deum, & ut eius nomine vocemur Christiani seu populus Dei. Nam idiotismo Hebraico superleus inuocatur nomen Dei, qui nomine & numero populi Dei numerantur: ut liquet Gene. 48. Isaia 4. Alij simplicissime nec male intellexerunt, Quicumque inuocauerint nomen meum: ut cum eo cõgruat testimonio, quod apud Ioel legimus, Futurum est autem ut omnis qui inuocauerit nomen Domini, seruetur. Iam Diuus Hieronymus hunc Amos locum explicans, submonuit utranque gentem & Iudaicam & Gentilem sub eandem fidei concludi regulam. Siquidem per reliquos homines intellexisse reliquias gentis Iudaicæ, quæ Apostolorum tempore, opido pauca, fide sint saluatæ. Quod autem in fine Prophetici testimonij appenditur, Dicit Dominus qui facit hæc omnia, miram habet euidentiæ. Paucis enim illi confutantur, qui factum Domini in suspensionem trahere, & calumniam potuerant quod immundam Gentem vocasset. Dicit ergo: Dominus est qui facit hæc omnia, qui omnia quæcunque fecit bene fecit. Hic iam ad expositionem huius, ipse Iacobus de suo addidit: Nota à seculo sunt Deo omnia hæc opera sua. Quasi dicat, Nihil temere hic sit, siue in repudiandis Iudæis, siue asciscendis Gentibus, omnia ab æterno præordinata & prope à Deo pensata sunt: ipse nouit cuius rei gratia quæque operetur, ab ipso rerum principio nihil non prudenter disposuit: ut nunc in hoc quoq; à nemine merito culpari possit.

Propter quod ego censeo, non obturbandum esse illis, qui ex gentibus conuertuntur ad Deum; sed scribendum ad eos, ut abstineant se ab inquinamenti simulachrorũ, & scortatione, & suffocato, & sanguine. Moses enim ab æratibus antiquis in singulis ciuitatibus habet qui ipsum prædicent in synagogis, ubi per omne sabbatum legitur.

Ex scripturis iam hoc ipsum colligit quod Petrus iam iam definierat, Non obturbandum esse Gentibus iugum legis, quo ferendo nemo neque veterum, neque recentiorum iustificatus sit. Est autem elegantia in verbo *μὴ περισχέλι*, quod vetus interpret vertit, Non inquietari, Erasmus vero rectius, Non obturbandum esse, siue non addendam molestiam. Significat enim *μὴ περισχέλι* fatigo, turbo, & molestia afficio. Et quid oro aliud erat absolutis alijs imponere legalia, quæ ad perfectionem nihil conferebant, quam præterius & fas optimos re nihili defatigare? Hinc autem facile coniecturamus Diuum Iacobum in epistola sua, quæ prima numeratur inter canonicas, non ea fuisse sententia quam multi videri volunt. Quomodo enim in illa operibus potuisset tribuisse iustitiam, qui in loco Petro subscribit, qui omnem iustitiam absolutæ tribuerat gratiæ? Aduersus illos itaque disputationem instituit, qui fidem (nostorum quoque more) iactabant, impie interim vivebant. Da qua re satis copiose dilectissimus frater & symmista noster Leo Iudæ in omni eruditione & pietate vir laudatiss. nuper super hac epistola differuit. Iam vero cum fides prudentiam & charitatem sibi habeat iunctam, Iacobus pro declaratione huius negotij, addit quædam alia, ne nimia breuitas errori apud Gentes subministraret ansam, neque nimia indulgentia Iudæis occasio esset scandali. Duo erant in quibus Gentes semper fuerant infames, idololatria videlicet & scortatio. In idololatria enim educati, & scortationis adeo erant asueti ut nullius reputarent, si quis etiam contaminatissimus hac spurcitie foret. Cernens ego Iacobus pro fidei prudentia, errori patrocinium aut certe occasionem addi, si non singulari speciali quodam mandato ijs interdiceretur Gentibus: licet non nesciret Euangelica prædicatione ea ipsa prohiberi damnari quæ censuit peculiariter monendas esse Gentes, ut ab ijs duabus rebus se prorsus abstraherent. Rursus duo erant, quibus Iudæi mordicus adhærebant, abstentio à sanguine, & abstentio à suffocato, non tam quod lege essent præcepta, quàm quod ante legem latam mox à diluuiò fuerant mandata: rationem ergo habens charitatis Iacobus, suadet Gentibus pro tempore, abstinentium esse à suffocato & sanguine, quod minimum hoc Gentibus dispendij, multum autem compendij Iudæorum respectu allatum videretur. Quod autem duo illa, pro tempore, Iudæorum nomine, ne exigua re prorsus offenderentur, suaserit obseruanda esse Iacobus, inde liquet quod mox sequitur: Moses enim (obserua causalem, & enim) ex more antiquo in singulis ciuitatibus suos habet professores, qui ipsum per singula profitentur sabbata. Quasi dicat, Pro-

D. Iacobi epistola.

Leo Iudæ.
1. Ratio explicandi nodum de vetitis à Iacobo.

1. Ratio expli-
candi nodum
de vetitis à la-
cobo.

Aduersus simu-
lachra.

Constitutio Ce-
sarum de tol-
lendis imagini-
bus.

Scortatio.

Suffocatum &
sanguis

pterea velim hæc obseruari, quod Moses ista vrgeat vehementissime, quæ si penitus negligerentur, ipse prorsus contemni videretur. Erasmus vero hunc locum exponens, Nec est metuendum Iudæis (inquit) ne Moses antiquetur. Habet enim ille iam olim à priscis seculis, qui prædicent ipsum in synagogis, ubi singulo quoque sabbato legitur ex more. Beda quoque aliud videtur sequutus, Chrysostomus vero, Quare (inquit) non eadem Iudæis quoque scribimus? Addit, Moses illis continue loquitur. Sed quid multis? Iacobus hoc loco non tam religionis quam conciliationis videtur habuisse rationem, nempe quomodo Gentes inter se longe diuersissimæ potuerint redigi in concordiam atque vnam Ecclesiam. Hoc autem fieri non potuit, nisi vtrisque aliquid daretur & adimeretur. Non enim potuerant hætenus istis Apostolorum præsentibus quantumvis doctis & pijs permoueri orationibus. Dolebant subinde Iudæi se victos esse, ereptam quoque circumcissionis gloriam. Execrabantur quoque Gentes non alio nomine magis quam quod idololatræ & immundi immundis quoque vescerentur quibuslibet. Ergo minus dolerent Iudæi ablata sibi esse legitima sua, cenfer Iacobus palam pronuntiandum esse & gentibus sua abrogata esse legitima, hoc est aurum idolorum & scortationis vsum. Rursus, Quia Iudæi cesserant Gentibus circumcissione & sacrificijs, cedere debere & Gentes Iudæis in suffocato & sanguine: vt vtrinque aliquid de suo concedentes, à pertinacia & ferocia auocarentur: & vt vtrinque è medio sublatis ijs quæ hætenus maximorum disidiorum causæ fuerant, melius in vnum coalescerent Ecclesiæ corpus. Atque hæc videtur omnium simplicissima in hoc negotio esse sententia: cui iam veluti generalis causa suppingitur, Moses enim ab ætatibus, &c. Quasi dicat, neque enim omnino nihil dandum Iudæis, quod rerum suarum maximum habeant: auctoritatem Mosen. Interim verò non nesciebat Iacobus, spiritum Christi subinde ista magis magisque illustraturum, vt tandem omni Gentilis & Iudaici nominis interstitio sublato, in vera fide coaliti, & in vnum corpus redacti, in vera quoque agerent libertate. Restat nunc vt de singulis istis membris peculiaribus quædam paucis subijciamus. Principio quod hoc loco inquinamentum simulachrorum vocat, id in Epistola vna voce *ἰδωλῶν*, id est, simulachro immolatum dicunt, & vnica voce omne id intelligunt, quod cultui simulachrorum connexum est. Ab eo ergo volunt sibi caueant Christiani. Fortassis alludit Apostolus ad illud Deutero. 7. Idolum abominatio est Domini Dei tui. Quasi spiritum detestaberis & velut inquinamentum & sordes abominationis habebis, quia anathema est. Cæterum pluribus aduersus idolothya scripsit Paulus in 1. ad Corinth. cap. 8. & 10. Plura ad Roman. 1. aduersus ipsa idola. Quibus nos illud addere volumus quod P. Crinitus libro de honesta disciplina nono cap. 9. ex libris Augustalibus, in hæc verba transcripsit, Valens & Theodosius Augusti Imperatores præfecto prætorio ad hunc modum scripsere. Quum sit nobis cura diligens in rebus omnibus superni numinis religionem tueri, signum saluatoris Christi nemini quidem concedimus, coloribus, lapide aliâue materia fingere, insculpere aut pingere, sed quocunque reperitur tolli iubemus, grauissima pœna eos multando, qui contrarium decretis nostris & imperio quicquam tentauerint. In quo si quis forte authorem desiderat, is Imperatorum decreta & edicta legat, quæ à viris doctissimis Triboniano, Basilide, Theophilo Dioscoroque & cæteris per satyram collecta sunt, imperante hoc maxime Augusto Iustiniano. Quod propterea eos maxime annotamus, qui de simulachrorum cultu toties conuicti erroris, adhuc ogganniunt nescio quas antiquitates, Consilia, doctos, leges & iura: sed falso. A nostra parte enim stat ipsa veritas verbum Domini, lex diuina, lex Cæsarea, Consilium hoc primum (omnibus alijs præiudicans Consilijs) Apostolicum Hierosolymæ celebratum, sanctorum patrum quoque, Epiphanijs & Athanasij in primis, denique multorum eruditorum hominum testimoninia. Certe Augustinus de consensu Euangelistarum libro 1. capite 31. maxime stomachatur in eos, qui negant Christum alibi præcepisse aut tradidisse vt idola confringantur, quum longe aliud perhibeat Propheta Isaias. Atqui plura forsitan dicuntur & in 17. capite huius libri. Deinde in Scortationis vocabulo velut in genere reliquas illicitæ Veneris species intelligit, quas Paulus passim, vt Roma. 1. Ephes. 4. & 5. sed præcipue in 1. ad Corinthios 6. capite insequitur. De suffocato autem legis Leuitici 19. Non comedetis carnem cum sanguine: quem locum ego de suffocatis intelligo. Nam quæ suffocantur, sanguinem retinent à morte congelatum. De sanguine legimus Leuitici 17. Sanguinem vniuersæ carnis non comedetis, quia anima carnis in sanguine est: & quicunque comederit eum, iterabit. Iam vero cum ipse Dominus testetur illud quod os nostrum ingreditur non coinquinare hominem, certum est istis omnibus suffocationem, hoc est oppressionem pauperum, rapinam, & vsuram, deinde & cædes ac parricidia prohibita esse: id quod & Chrysostomus palam testatur. Vt nunc videamus paucissimis istis potissima religionis nostræ capita esse recensita. Primo enim commendatur nobis vnus Dei religio, damnatur idololatria. Secundo demonstratur in Christo solo esse omnem plenitudinem, cuius gratia per fidem iustificemur, non per merita aut externas quasdam obseruationes. Tertio præcipitur vitæ puritas ac innocentia, contra luxum & homicidia. Illud quoque

annotan-

annotandum quod non diu est, quod Christiani suffocato vescuntur & morticina carne. Nam Beatus presbyter apud Beatum Rhenanum, & item Rabanus in Poenitentiariorum, sed & quotquot de hac re supra 400. annos tradiderunt, certum poenitentiariorum tempus præscribunt, si quis Apostolicam hanc legem fuerit præuocatus. Sed non obtrahunt illi hoc de sanguine & morticina carne præceptum, in hoc tantum impositum esse, ut Iudæi cum Gentibus in vnam Ecclesiæ corpus facilius coalescerent, quod cum tempore impetratum fuerat, non necessarium erat à cibis abstinere, quos Deus ad fumendum cum gratiarum actione fidelibus creauerat, & quibus nulla infirmis ponebatur offensio. Imò Tertuliani verba in Apologetico aduersus Gentem capite 9. quibus infanticidium à Christianorum sacris repellit, magis ad ipsam præcepti significationem homicidium videlicet respicient, quam ad cibum, quamquam & ad cibum quoque referantur. Sic autem habent illius verba. Eru-
bescat error vester Christianos, qui ne animalium quidem sanguinem in epulis esculentis habemus, *Vide an verum sanguinem bibe-
runt in sacris Christiani.*
qui propterea quoque suffocatis & morticinis abstinemus, ne quo sanguine contaminemur vel in-
tra viscera sepulto. Quale ergo est, ut quos sanguinem pecoris haurere conspiciatis, humano iulnare
credatis? Sed hæc hætenus.

Tunc placuit Apostolis & senioribus cum tota Ecclesia, ut electos ex se se viros mitterent Antiochiam cum Paulo & Barnaba, Iudam, cognomen to Barsaban, & Silam, viros primarios inter fratres, missis per manus eorum literis in hanc sententiam.

Quod verum esse cernebant sancti, id comprobant vniuersi. Neque hic plura loquuntur Ioannes, *Concors con-*
Andreas siue cæteri (quod & Chrysostomus monuit, neque indignatur. Nam puræ a varia gloria *sensus,*
erant illorum animæ, imò viderunt nihil posse dici super hac re quod Petrus, Paulus, Barnabas & Iacobus non dixissent, consulto ergo subseribunt veritati, & hoc ipso modestiam nobis contra inania-
nem iactantiam ac vanam ostentationem commendantes. Porro authoritatem & fidem dogmatis
facit quod testes deligunt viros inter Apostolos primarios, & quod hic ipsum dogma, totum proban-
tur Ecclesiæ. At cum Ecclesiæ nomen audimas, non coniunctio paucorum intelligitur, sed erudito-
rum & laicorum quoque (quos vocant) congregatio. Apostolos enim & presbyteros ceu verbi duces
merito primum recenset, at protinus ijs addit TOTAM ECCLESIAM, siue FRATRES, hoc est Chri-
stianos, quos Symbolum, quod Apostolorum vocant, sanctos dixit. Nam dum Ecclesiam, quam fate-
mur, quæ esset, explanare vellent, iuxta sanctorum communionem, id est, quæ Ecclesia aliud non est
quam cæteris Christi fidelium. Hos enim Paulus sanctos vocauit, 1. Corinth. 6. Hic autem locus Lucæ
non est de alia quam particulari Hierosolymorum Ecclesia accipiendus. *Ecclesia sancto-
rum cōmunitio.*

Apostoli & presbyteri, & fratres, his qui sunt Antiochiæ, & in Syria, & in Cilicia fratribus qui sunt ex gentibus, SALVTEM. Quoniam audiuiimus, quod quidam ex nobis egressi, turbauerunt vos, verbis labefactantes animas vestras, iubentes vos circumcidi, & seruare legem, quibus non mandaueramus. Visum est nobis vniuersimode congregatis, electos viros mittere ad vos, cum dilectis nostris Barnaba & Paulo, hominibus qui exposuerunt animas suas pro nomine Domini nostri Iesu Christi. Misimus ergo Iudam & Silam, qui & ipsi vobis verbis referent eadem. Vnum est enim Spiritui sancto ac nobis, ne quid amplius imponeremus vobis oneris, quam hæc necessaria: videlicet, ut abstinere ab his quæ sunt immolata simulachris, & sanguine, & suffocato, & scortatione. A quibus si conseruaueritis vos ipsos, benefacietis. VALETE.

Scribuntur etiam tabulæ, ne quid deesset quod ad fidem faciendam & veritatem confirman- *Epistola confi-*
dam pertineret. Præuidit nimirum Spiritus sanctus tergiversatores quosdam, qui quidvis Apostoli- *lij Hierosoly-*
co & Spiritus sancti atque Ecclesiæ sanctæ titulo rectum, vltro essent propalaturi. Ne ergo ab istis quis *mitant.*
quam deciperetur, scribuntur tabulæ quibus & erronei Pauli hostes mendaciter conuincerentur, ve-
ritati daretur testimoniū, & concordia inter Iudæos ac Gentes conciliaretur. Hic enim est huius epi-
istolæ scopus. Primo enim post solitā subscriptionem ac epistolarem inscriptionem, perstringuntur
pseudoapostoli. Subscriptio docet a quibus profecta sit epistola, ab Apostolis, presbyteris ac fratri-

bus. Apostoli autem primo loco nominantur honoris & autoritatis gratia. Nam & ipsi erant presbyteri, 1. Petri 5. Presbyteri enim episcopi siue veritatis doctores sunt. Fratres autem Christi fideles Hierosolymitani è plebe sunt. Hi omnes literas suas ijs inscribunt, apud quos morbus erat natus. Morbum autem describentes dicunt, Sunt quidam è nobis egressi ceu à nobis missi, iubentes vos circumcidi & seruare legem. De qua re satis disputatum est paulò superius. Iam & doctores huius dogmatis perstringunt ac dicunt, Talibus nihil mandaueramus. Mentiti ergo fuerant quod ab Apostolis autoribus hoc dogma didicissent. Mentiuntur & hodie qui iustificationem multo vilioribus quam legalia fuerant, ascribunt. Augent præterea malum, imò deprimunt istorum institutum dicentes, *ἐταράξαν ὑμᾶς λόγοις*, id est, conturbarunt (vervult) vos verbis, id est, offitijs & imposturis, *ἐταράξαν ζῶντες τὰς ψυχὰς ὑμῶν*, labefactantes animas vestras, id est, quibus adeo non extricarunt (quod Euangelicæ prædicationis est) animos vestros aut confirmarunt & erexerunt, vt magis deiecerint, intricarint atque excruciarint. Fides enim serenat conscientiam, Lex territat. Huc videtur alluisse Paulus in principio epistolæ ad Galatas, dicens, Miror quod à Christo qui vos vocauit per gratiam tam cito transferamini in aliud Euangelium, quod non est aliud nisi quod quidam sunt qui turbant vos, & volunt interuertere Euangelium Christi. Deinde vt pseudoapostolos perstrinxerant, ita nunc veros Apostolos Paulum & Barnabam (quorum gloriæ erronee derogabant) maxime commendant, imò & à constantia & fidelitate laudant, sicut illos ab inconstantia & mali studio vituperarant. Iunguntur his alij duo Iudas & Silas, ne Paulus & Barnabas soli viderentur victoriæ suæ præcones esse. Est autem hic insignis locus, quo commendatur Pauli Apostoli Apostolatus, cui & illud quoque maximum robur addit, quod Petrus, Ioannes & Iacobus, qui videbantur columnæ, dextras societatis dedere, Paulo, ceu fœdere sese coniungentes, & vnitatem fidei testantes. Tandem vero paucis verbis subiungunt quod volunt, quod nihil illis imponant oneris, nisi illud forsan cuiuspiam videatur onus, quod tamen multis nominibus sit necessarium, non modo propter religionem, sed & propter charitatem & concordiam, vt caueant sibi ab idolis & scortatione, & abstineant à suffocato & sanguine. Diuus Iohannes Chrysostomus, Et quare (ait) addit, Visum est Spiritui sancto & nobis, cum suffecisset dicere, Spiritui sancto? Ne putarent humanum aliquid esse. Ad quem modum & Beda scribit, placuit & nobis, non nostra solum voluntate, sed eiusdem spiritus instinctu.

Illi ergo dimissi venerunt Antiochiam, & congregata multitudo rediderunt epistolam. Quam cum legissent, gauisi sunt super consolatione. Iudas autem & Silas cum essent & ipsi Prophetæ, sermone copioso adhortati sunt fratres, confirmaueruntq;. Commorati autem illic aliquantulum temporis, dimissi sunt cum pace à fratribus ad Apostolos. Visum est autem Silæ manere ibidem.

Iam vero ne quid penitus deesset, exponit quomodo hæc victoria veritatis inter Gentes exposita multum gaudij ac securitatis pepererit omnibus. Prophetas autem vocauit Iudam & Silam, quod docendi officio essent perfecti. Dicuntur enim Prophetæ non modo illi qui futura prædicunt, sed & illi qui docent & sacrarum periti sunt, 1. Cor. 14. Et dimissi dicuntur, quibus facultas erat data redeundi ad suos. Nam paulò post dicit Silam non abiisse. Hactenus vero dogma fidei Christianæ primum omnigenis confirmatum est testimonijs. Hoc autem est illud dogma, quod Christus Iesus Dei & Mariæ filius, solus omnia sit credentibus, & quod fide in eum iustificentur credentes, per gratiam ipsius, non per legem, merita, sacrificia, sacramenta, & externas obseruationes. Audiat hoc mundus & intelligat, CHRISTVS fidelibus OMNIA SOLVS EST. Si quis aliud prædicauerit, anathema, sit, etiam si multis Consilijs, doctorum calculis, & diuturno vsu à plerisque obseruatum atque comprobatum sit. Hoc caput Act. 15. quo tota syncerioris theologiæ summa compræhensa est, omnibus alijs præiudicat doctrinis. Neq; aliud inueniri potest quod firmitus sit. Si enim Consilij generalis te mouet autoritas, si verustas delectat, si Spiritus sancti credis inspirationi, si quid apud te valet Apostolorum dignitas & sacrosanctæ Ecclesiæ fides, si scripturas postulas, reuelationes petis, miracula exis, sanctitatem, eruditionem, multitudinem, & sanctorum testimonia probas, si quid apud te tabulæ, instrumenta siue literæ valent, nihil horum est quod hic desiderare possis. Congregatur Ecclesia, adest Spiritus sanctus, scripturas habet Iacobus, reuelationem Petrus, miracula & prodigia Paulus, definiunt sancti, eruditi & probi viri, con scribuntur literæ, adduntur testes: breuiter, nihil omittitur, quod fidem veritati addere videbatur. Valeant ergo omnia omnium hominum consilia, scripta, ritus, consuetudines, & quicquid est quod cum hisce nostris, hoc est Apostolicis testimonijs non consentit aut compugnat. Veritas est immortalis.

COMMENTARIORVM IN ACTA

APOSTOLORVM LIBER III.

PROOEMIUM.

NAM vero sequentis libri cexendum est argumentum. In hoc complexi sumus peregrinationem quam vocant tertiam, hoc est, eam qua ab Antiochia digrediens comite Sila, non modo nobiles Asiae & Graeciae urbes peragrauit, sed & eas omnes reuisit urbes, quas priore peregrinatione ad fidem conuerterat Christi. His enim perlustratis in Galatiam & Phrygiam se contulit, istis Euangelium praedicauit. Hic vero Ephesum proficisci deliberans, prohibetur ne in hac praedicet, ergo ad Bythinios iter instituit, sed ab his quoque reuelatione auocatus in Graeciam secundis soluit ventis, & Neapolim quidem primo appulit, hinc Philippos iuic, sed virgis caesus propter eiectionem puella quadam Pythonis spiritum, Amphipolim deinde Apolloniam, inde vero Thessalonicam venit. Orto autem tumultu demissus est Berrhoeam, ab hac Athenas, atque hic cum diuersae factionis disputans philosophis, demonstrauit, quantus ipse cum in diuinis tum prophanis vir fuerit. Ab Attica Corinthum venit, quam Cicero lumen totius Graeciae dixit, ibi rara diligentia Christum praedicat annum unum & menses sex, tandem inuidia Iudaorum inde pulsus Hierosolymam abnauigat, ubi diem pentecostes peragit. Deinde iterum reuersus Antiochiam ex hac abiit in Galatiam & Phrygiam, tandem vero peragratis omnibus superioris Asiae partibus deferitur Ephesum, atque ibi magna quedam parat, & in maxima coniectus pericula ex insana libetratur seditione, quam & graphice descripsit Lucas. Nunc ad ipsam redimus historiam.

PAULUS vero & Barnabas demorabantur Antiochia, docentes, & annuntiantes cum alijs etiam compluribus sermonem Domini. Post aliquot autem dies dixit ad Barnabam Paulus: Reuertentes iam visitemus fratres nostros per omnes ciuitates, in quibus annuntiauius sermonem Domini, quomodo se habeant.

NULLI cessarunt sancti Apostoli, semper laborarunt in propaganda Dei veritate. Et quanquam alij quoque complures essent qui & ipsi sacros codices explanarent, & sacris cōcionibus inuigilarent, ipsi tamen non otia bantur. Laudatur & Pauli diligentia & omnibus proponitur Episcopis imitanda. Hec enim sollicitudo decet Apostolicos ut ouium suarum salutem sic quaerant, ut non grauentur eos inuifere, salubri doctrina reticere, consolari, errores & scelera, si quae interim orta fuerint, tollere e medio. Scilicet hoc faciunt Episcopi nostri.

Barnabas autem consulebat, ut assumerent & Ioannem, cognomento Marcum. Paulus autem nolebat, ut is qui defecisset ab ipsis ex Pamphylia, nec esset cum eis in opus, adiungeretur. Tam acris autem fuit inter eos disceptatio, ut alter ab altero seiungeretur, & Barnabas quidem assumpto Marco nauigaret in Cyprum. Paulus vero alleeto Sila profectus est, traditus gratiae Dei a fratribus. Perambulabat autem Syriam ac Ciliciam, confirmans Ecclesias.

Maxima & propè diuina, non humana facta audiuius à Paulo ac Barnaba esse patrata: iam ne quis viros tantos nesciret esse homines, aut plus illis tribueret, quam ipsa religio postulat, finit eos hoc loco Dominus aliquid humani & infirmitatis pati. Infirmitatis enim humanae erat, quod super exigua, adeo contendebant, ut nimiam illam animi impotentiam vel gestu corporis, pallore scilicet & tremore proderent. Horrent enim ad paroxysmos corpora febricitantium. Et medico verbo usus est hoc loco Lucas. Id autem sapientissime à Deo dispositum erat, quod non propter doctrinam contendebant, sed propter homuncionem Marcum. Si enim doctrina apud principes Apostolos venisset in dubium, certe imbecillibus hoc maximam ambigendi de doctrina Evangelica suppeditasset ansam. Contendunt ergo propter Ioannem Marcum, quem Paulus à ministro Evangelico & iner-

Diffensio Barnabe & Pauli.

Act. 15.

tem & timidam repellebat, Barnabas vero assumendum, ut non poenitendꝫ spei iuuenem suadebat. Neuter hic sua sententia cedere voluit: vterq; quod faciebat, pia cura fideq; faciebat. Dum autem quis in suo sensu abundat, distrahuntur, nec sine maxima Evangelij & Ecclesiarum frage. Nam dum Paulus alleſto Sila in Syriam, Barnabas verò cum Marco suo in Cypum abiret, latius propagabatur Euangelium. Et D. Ioan. Chrysost. in ea sententia fuit, ut crederet istam separationem diſerte factam esse, & quod inter se dixerint, Quoniam ego non volo, nec tui vis, ne pugnamus: distribuamus prouincias. Atq; ita quidem noluisse Barnabam infringere quod Paulus ratum omnino volebat: & rursus noluisse Paulum hostilius cum Barnaba conſigere: itaq; vtrunq; non gladiatorio, sed sui propofiti tenaciori animo diſceſſiſſe. Addit mox, nostrum nō esse vter melius conſoluerit pronunciare. At Beda magis inclinans ad Pauli partes, Quoniam (inquit) in ipsa aciei fronte conſtitutus Ioan. Marcus, nimis trepide ſteterat, merito eum Paulus abiecit, ne illius quasi contagione vires corrumparentur aliorum. At Barnabas interim neminem credidit eſſe abiciendū, de quo modo ſpes eſſet melioris frugis. Etenim lapſis deberi veniam tota clamat ſcriptura. Et ſane Paulus aſperior erat, Barnabas multo mitior. Iā & in Prophetis videre eſt varios mores variasq; ſententias. Erat enim Helias auſterus, Moſes vero mitis. Sed quid multis opus? Dominus oſtendere voluit iſtos fuiſſe homines. Deinde quam graui culpa ab illis peccetur, qui dum ad Euangelij munus aſciſcuntur, & prouinciam ſubeunt prædicandi verbi Dei, repente hominum minis aut inſidijs ita terrentur, ut vel loco cedant, vel veritatem, pro hominum arbitrio, traſtent. Poſtremo diſcimus ex hoc diſſidio non protinus veritatis doctrinam abiciendam eſſe, quantumuis inter ſe doctores nonnunquam diſſentiant. At ſciendum interim, quod in gratiam mutuam inter ſe iterum redierunt. Vides enim quod Barnabas poſtea multum à Paulo in Epiſtolis celebratur.

1. Cor. 9.

CAP. XVI.

PEruenit autem Derben & Lyſtram, & ecce diſcipulus quidam erat ibi, nomine Timotheus, filius mulieris cuiuſdam Iudææ fidelis, cæterum patre Græco. Huic teſtimonium bonum reddebant qui Lyſtris erant & Iconij fratres. Hunc voluit Paulus ſecum proficiſci, & aſſumptū circumcidit eum propter Iudæos qui erant in illis locis. Sciebant enim omnes quod pater eius erat Græcus.

Timotheus.



ELEGANTER Paraphraſtes, Paulus (inquit) nihil aliud ſcitans, quam per omnem occaſionem indies latius proferri regnum Euangelicum, vndique venabatur huic idoneos negotio, non aliter quam ambitioſi reges in hoc intenti, ut diſionis ſuæ terminos proferant, nihil magis habent curæ, quam ut duces & præfectos rebus gerendis aptos aſciſcant. Delectum ergo habet in diligendo. Nam ad hanc rem non quemlibet, ſed eum recipiebat qui ab omnibus bonum habebat teſtimonium. Talem enim oportet eſſe epiſcopum, ne quis iure ſcelera & nephanda poſſit impingere ſagitia, 1. Timoth. tertio. Plurima autem extant & Pauli de hoc adoleſcente teſtimonia, maxime in ſecundo ad Philip. capite, & in vtraq; ad hunc eundem Timotheum epiſtola. Quod autem hunc circumcidit, & quam ob cauſam circumciderit, difficilis ſemper fuit apud eruditos diſputatio: ſed paucis hanc rem ſic accipe, Paulus in Galatis capite quinto, Ecce ego (inquit) Paulus dico vobis, quod ſi circumcidamini, Chriſtus nihil vobis proderit. Et mox, Quicunque per legem iuſtificamini, à gratia excidiſtis. Loquitur autem de ijs qui circumciſioni & legalibus iuſtitiam tibeant, & hætenus circumcidebantur ut iuſtificarentur. Itaq; circumcidit hoc loco Timotheum, cæterum hoc pacto, ut in eam nec Paulus conſiſus ſit, nec planè Timotheus, proinde cauſam ſubdens Lucas, propter Iudæos eius loci circumciſum eſſe dicit. Hi enim patrè Timothei Græcum fuiſſe norant, cuius filium ſi incircumciſum in opus Euangelij Paulus deduxiſſet, offendiſſet Iudæorum inſirmitas, quod legalibus ſpretis palàm fauere Paganismo videretur, & procul dubio Euangelium prædicantē non audiſſent. Itaq; Iudæis nuper fidei doctrina erudiri cœptis tantū ſper in re per ſe innocua complacitū eſt, quod ad ſcientia ſanæ doctrinæ firmiores redderetur. Vnde & planiſſimis verbis, Propter Iudæos (inquit) qui erāt in illis locis. Alio enim in loco, nēpe in Syria, Antiochiæ, & Hieroſolymis Titum ſuum circumcidi paſſus non eſt. Quod doctrina veritatis longè lateq; iam inſonuiſſet, & quod illi vrgerent circumciſionem ad ſalutem eſſe neceſſariam. Itaque in Tito exemplum pernicioſiſſimi erroris admittere noluit. In Timotheo autem quoniam ſpes erat fore, ut ſanam doctrinam reciperent Iudæi, circumciſionem nihil moratus eſt. Quo nimirū illud Chryſoſtom.

Paulus Timotheum circumcidit.

- 106 -

solitomi spectauit, Circumcidit, vt circumcisionem tolleret. Beda ad eundem penè modum exponit. Et Dni Hieronymi atque Augustini super hac re contentio notior est, quam multis sit refrendanda. Cæterum qui hoc exemplo quemuis errorem stabiliunt, aut animi vel pauorem, vel inconstantiam, vel hypocrisim obnubunt, in hoc errant, quod non expendunt quæ sit temporum & exemplorum virtus & charitatis ratio. Plurima fecerunt sancti impune, quæ si tu quoque facere pergas maxime peccaueris.

Cum autem pertransirent ciuitates, tradebant eis seruanda decreta, quæ erant ordinata ab Apostolis & presbyteris qui erant Hierosolymis. Itaq; Ecclesiæ confirmabantur fide, & abundabant numero quotidie.

Iterum commendat nobis quod Ecclesiæ in fide & confirmatæ fuerint & creuerint: vt videamus gratiam Dei ijs non deesse qui in veritate verbi eius ipsum vere requirunt. Quod autem Pontificij ex hoc loco apud imperitam plebem multa de Decretis Apostolicis garrunt, quasi Apostoli multa extra scripturarum decreuerint regulam, in scitiam suam produnt, & quod hunc locum nondum recte intellexerunt, quod videlicet historicus de eo loquitur Decreto, quod Apostoli in superiori capite fanciuerunt. Nam Tradebant eis seruanda decreta, dixit pro eo quod est, Instituebant Gentes secundum rationem eius decreti quod Hierosolymis communibus Ecclesiæ suffragijs conditum erat: nempe quod sola Christi gratia citra legis præsidium conferatur salus, & quod abstinendum sit Gentibus ab idolis, scortatione, suffocato & sanguine. Hoc possunt & Græcæ, quæ sic habent, *Παραδίδου τοῖς φυλάσσει τὰ δόγματα, τὰ κεκρίμενα πρὸ πάντων τῶν ἁποστόλων*, id est, tradebant ipsis seruanda dogmata, ipsa inquam iudicata siue decreta Apostolorum. Explicans enim quæ illa dogmata, hoc est, placita Apostolorum fuerint, nimirum quæ Hierosolymis iudicarent atque decreuerant.

Decreta Apostolorum.

Cum peragrasent autem Phrygiam & Galaticam regionem, vetitiq; essent à Spiritu sancto loqui sermonem in Asia, profecti in Mysiam, tentabant ire in Bithyniam: & non permisit eos spiritus. Cum autem pertransissent Mysiam, descenderunt Troadem, & visio per noctem Paulo visa est. Vir Macedo quidam erat stans, & deprecans eum, ac dicens: Profectus in Macedoniam, succurre nobis. Vt autem visum vidit, statim quæsiuimus proficisci in Macedoniam, certi facti, quod vocasset nos Dominus ad Euangelizandum eis.

Lucas festinans ad res in Græcia gestas parcius ea delibatur quæ in Phrygia & Galatia gessit. Sed quod hisce deest, sarciat epistola Galatis inscripta. In ea enim vnuerfam omnis doctrinæ suæ rationem complexus est Paulus, vt Lucas parcius hac causa Galaticas res delibasse videri possit. Constat enim epistolam ad Galatas longo ante tempore æditam esse, quam hæc à Luca componeretur. Quin & eadem subinde ingetenda fuissent, si singulas Pauli quas apud quasuis Gentes habuit conciones ascribere voluisset. Contentus ergo vnam atque alteram recitasse, per reliqua succinctus agit. Iam quod in Asia (Asia autem nomine eam intelligimus quæ circa Ephesum maxime Æolis & Ionia est. Nam aliàs & Phrygia & Galatia in minore erant Asia) vetiti sunt loqui sermonem Dei, non alia causa factum est, quam quod in Græciâ vocandi erant. Alij aliud opinantur. Verum sententiâ nostrâ confirmat quod sequitur, Vt visum vidit Paulus, quæsiuimus proficisci in Macedoniâ, certi facti quod vocasset nos Dominus ad Euangelizandum eis: vbi Chrysostomus monet *συμβάλλουσι* significare coniecturantes (quod interpret noster vertit, Certi facti) quasi ex multis argumentis & maxime eo, quod ab Asia, id est, Epheso erant abstracti, & quod in terminis (Troas enim maritima Asiæ ciuitas est, spectans Græciam) constituti, præterea & visione edocti, collegerint quod vocarentur in Macedoniam, causamq; inde intellexerint cur hætenus ab his fuerint abstracti regionibus ne prædicarent. Locus tamen hinc communis ducitur, quod à Deo mittuntur veritatis prædicatores: & quod maxima reuerentia & gratitudine amplectenda est veritas. Nam prædicatores veri carere, non minima est infelicitas. Quod visionem attingit non est quod multis hic disputemus, cum de hac non nihil annotauerimus in capite 10. Breuiter, Spiritus Domini qui Apostolos ab Asia prohibuit, is visione exhibita, in Macedoniam proficiscens vni esse docuit. Siue iâ spiritus vocabulo occultam vim Dei agentem in pectoribus suorum siue angelum Domini intelligas, perinde est. Nam in 8. capite Lucas eundem spiritum, vocat & angelum. Cæterum in hoc reuelationis genere prudentia maxime requiritur, quæ probemus spiritus num ex Deo sint. Certum est enim id genus spectris non mi-

Galatæ.

Vocatio à Deo est.

Reuelatio.

nus illudere mortalibus dæmones, quam alijs miraculis, vt iuxta vtroque falli contingat. Annotandum fortassis & illud quod sancti Dei non propria virtute nobis succurrunt, sed prædicatione veritatis. Veritate ergo sanamur.

Cum soluissemus igitur à Troade, recto cursu venimus Samothracen, & postero die Neapolim, & inde Philippos, quæ est prima partis Macedoniæ ciuitas, colonia.

Dirigit enim Dominus viam tuam, si eris qua ille vocarit. Et nauigationis felicitas magno erat argumento, visionem cœlitus esse immissam, & felicissime cessuram. Quæ enim Domini auspicijs incipimus felicius quoque finimus.

Eramus autem in eadem vrbe diebus aliquot commorantes, & die sabbatorum egressi sumus è ciuitate iuxta flumen vbi solebat esse precatio, et sedentes loquebamur mulieribus quæ conuenerant.

Hic iam describit quædam Philippis gesta, nec omnia, sed peculiaria tantum, nempe quomodo Lydiam conuerterit, spiritum Pythonis expulerit, & virgis cæsus maleque tractatus Amphipolim concesserit. Non ascribit quid prædicarit. Hoc enim iam satis liquet ex superioribus & epistolis suis: occasionem vero prædicandi prudenter quæsitâ innuit cum temporis & loci meminit, nempe quod sabbatorum die è ciuitate egressi in locum, qui erat extra portas, vicinus fluuius, vbi solebat esse precatio, id est, vbi diuis suos persoluebatur honor. Apostolicæ enim sedulitatis est, omnem occasionem arripere prædicandi verbi Dei. Non autem verisimile est Philippis aliam quam Gentilitiam cultam esse religionem. Habuerunt ergo & Gentes suas ferias & dies festiuos, quos hic sabbatorum nomine appellat. Deinde vero ex 14. cap. liquet, quod templa extra urbem habuerunt. Rursum creditum est ab illis, & nemoribus & fluminibus quiddam inesse Dei. Ad flumina igitur purgabantur, iuxta illa offerebant preces suas: in nemora se conferebant religionis gratia, in ijs iacrificabant. Istius clarissima indicia sunt apud Maronem Æneid. 8. Hæc itaq; innuit Lucas fluuij mentionem faciens.

Ad flumen sic
bant preces.

Et quædam mulier nomine Lydia, purpurarum venditrix ciuitatis Thyatirorum, colens Deum, audiuit, cuius Dominus aperuit cor, vt intenderet his quæ dicebantur à Paulo. Cum autem baptizata esset & domus eius, deprecata est, dicens: Si iudicastis me fidelem Domino esse, introite in domum meam & manete: & adegit nos.

Lydia vocatur
ad fidem.

Peculiare exemplum est de muliere ad gratiam Euangelicam vocata, vt & illud est quod de Samaritide recensuit Ioannes in 4. ne quis putaret fœminas à salute Euangelica exclusas. Porro nomen illi à regione vnde oriunda erat, datum videtur. Et Thyatira in Lydia sunt infra confluentem Pactoli & Hermi clarissimorum amnium sita: à quibus Thyatireni populi dicuntur libro 5. capite 30. Notatur & negotiatio eius, quod fuerit πορφυράπαις, id est, purpurarum venditrix, à nomine πορφυρά purpura & πωλεῖν vendere. Negotiatio ergo per se quidem non est mala. Otium & inertia malum est: cæterum imposturam immiscere negotiationi id demum malum est. Non peccant qui mercantur, sed qui mercatura fratres circumueniunt. De purpura pluribus Lazarus Baysius in 3. ca. Comment. de re vestiaria, scripsit, quo loco & illud ex Budæo affirmat, Purpuræ vsum nobis esse ignotum. Et dubium est cruorem siue colorem ne illa, an lanam tinctam, an vestem vendiderit. Quod autem religiosa fuisse dicitur, perinde intelligendum est, vt de Cornelio disputatum est. Aderat enim veræ religionis sensus, sed modus ignorabatur: protinus ergo atque Paulus prædicationem Euangelij auspicatur, intelligit illa hanc illam ipsam esse religionis rationem quam hætenus desiderauit. Deus ergo qui sui sensum & scintillam veræ pietatis in pectus abdiderat mulieris, illud ipsum pectus iam aperit, afflatus Sancti Spiritus immittit, & maximum veræ fidei incendium in hoc excitat, adeo vt & se & domum suam baptismatis symbolo astringeret Deo. Id enim & veteri religione obseruatum est, vt paternæ religioni consecraretur tota domus. Legimus & Abrahamum & vniuersam domum eius Deo & veræ pietati per circumcisionem esse subditos. Domus autem nomine ipsam intelligimus familiam, in primis vero liberos & nepotes. Ita enim inuitis omnibus Carabaptistis ipse Paulus domus significationem exponit in 1. ad Timoth. capite quinto. Constat ergo pueros etiam ab Apostolis fuisse baptizatos. Sed de hac re alibi. Postremo collaudat mulierculæ Lydiæ gratitudinem &

Otium & ne-
otium.

Lydia.

nem & hospitalitatem, qua illa operibus charitatis & fidei fructibus se fidelem esse testari volebat, atq; rependere quod multo maioribus ditata esset beneficijs. De hoc in 1. ad Cor 9. Quod autem adgit eos, non ita intelligendum est, quod incivilius aut importunius quicquam exeperit, sed notatur Pauli modestia, qui magnopere curabat, ne cui ob conuictum & domesticas expensas molestus esset, maxime quod nunquam non bonorum virorum sodalities (in quo & Lucani historicum nostrum fuisse credimus) stipatus, non poterat modicis nutriri expensis. Illa igitur quod opulenta esset, adigit ipsos (videtis) hoc est, constantius vrget, vt oblato fruantur hospitio.

Accidit autem euntibus nobis ad præcationem, vt puella quædam habens spiritum Pythonis, occurreret nobis, quæ quæstum magnum præstabat dominis suis diuinando. Hæc sequuta Paulum ac nos, clamabat, dicens: Isti homines serui Dei excellissimi sunt, qui annunciant nobis viam salutis. Hoc autem faciebat multos dies. Sed ægreferens Paulus, & conuersus, spiritui dixit: Præcipio tibi per nomen Iesu Christi, vt ex eas ab ea. Et exijt eadem hora.

Quemadmodum in 13. fraudes dæmonis detexit Paulus, ita hoc quoque loco hominibus impudentem expellit. Nam veri doctoris est, non modo veritati ferre testimonium, sed & imposturam & impietatem omnem prodere atque proculcare. Posteaquam ergo aliquandiu pietatem doctrina veritatis esset professus, nunc etiam dæmonis artes detegit atq; expugnat. Nam spiritus Pythonis aliud non erat quam virtus, hoc est impostura dæmonis. Damnatur hic spiritus in scripturis sanctis Leuit. 20. Deut. 18. 1. Reg. 28. & Isa. 8. Intelligimus autem vaticinium siue veridicum, aut diuinantem spiritum: quales erant qui à veteribus consulti, responsis & oraculis imponebant, interim etiam vera canentes. Nomen autem sortitus est ab Apolline Pythio, quod in eius delubris frequentia proderentur oracula, adeo vt nunc Apollinis spiritus, aut *πυθικός* Pythius, siue Pythonicus spiritus ponatur pro oraculo, aut spiritu diuinante. Cæterum ipse Apollo Pythius dictus est à serpente, quem, vt Græci fabulantur, sagittis confecit. Alij sic cognominatum volunt *ἀπο τοῦ πυθῆος* à consultatione occultorum: quibus tamē reclamat Macrobius in 1. Satur. lib. ca. 17. L. Cælius Lect. an. lib. 9. cap. 19. magis superiorem videtur comprobare sententiam, dicit enim, Pytheum dicebatur oraculi locus. Nam Sparthæ Pythios inuenio nuncupatos, qui Delphos ad consultanda oracula mittebantur. Suidas *πυθία* exponit per *ἐγγαστριμύθος*. Quales autem illæ mulieres sint, exemplo quodam tradit Cælius in 5. cap. 10. Plura quoque de hoc disputauit Vadianus noster in Epitome sua, vbi deferibit Phamphyliam. Ceterum hoc diuinandi genus & hic vaticinandi spiritus non modo proscriptus est à scriptoribus sacris & canonicis decretis, sed à prophanis quoq; authoribus. Siquidem Plutarchus in commentatione, quæ est, Cur oracula defecerint, Fatuum (iquit) ac omnino puerile censendum est, arbitrari Deum ipsum, perinde ac Engastrimythos olim Eurycleas, nunc vero Pythonas nuncupatos, insinuantem se Prophetarum corporibus, ore illorum eloqui. Et Phanorinus apud Gellium in 14. cap. 1. de terrere volens & depellere adolefcētes ab ijs qui prodigijs artibus futura omnia dicturos pollicentur, nullo pacto adeundos esse consulendosque, huiusmodi argumentis concludebat, Aut aduersa euentura prædicunt, aut prospera. Si dicunt prospera, & fallunt, miser fies frustra expectando. Si aduersa dicunt, & mentiuntur, miser fies frustra timendo. Si vera respondent, eaq; sunt non prospera, iam inde ex animo miser fies, antequam à fato fias. Si felicia promittunt, eaq; euentura sunt tum plane duo erunt incommoda, & expectatio te spei suspensum fatigabit, & futurum gaudij fructum spes tibi iam deflorauerit. Nullo igitur pacto vtendum est istiusmodi hominibus res futuras præfagientibus. Plurima quoque alia huius generis apud eundem legas. Quod autem malus ille & omnis salutis nostræ hostis acerrimus bonum testimonium Apostolis dat, Apostoli vero nequaquam recipiunt, monet ne fucis & phaleratis dæmonum credamus verbis. Transformant illi se in angelos lucis, sed hoc ipso superstitionis robur, atq; latebras quarunt. Dissimulant aliquousq; prudenter, vt deinceps oblata occasione magis ferociant. Nihil ergo efficiunt qui supersticiosos exorcismos, & id genus præstigias, characteribus, & augustis ac plus quam diuinis nominibus benedictionibusque compositas, hoc argumento tuentur, quod nihil nisi optimaquæq; verba recitentur. Quasi vero ignoremus maxima detrimenta semper ex optimarū rerū abusu pullulasse. Id vero in primis obseruandum est, quod Paulus laudes commendationemq; illius mali non modo non fert, sed maximo affectus rædio indignanter repellit. Hoc enim instituimus, ne aures adulatoribus, aut malis hominibus, quantumuis suauia canant, accommodemus, imò istorum assentationes maxima indignatione repellamus.

Dæmon expellitur.

De spiritu Pythonis.

Alia est de Pythio apud Politianum Miscel. cap. 91.

Elegans Phanorini sententia contra veridicos.

Mar. 1.

Videntes autem Domini eius, quod abisset spes quæsitus sui, apprehensum Paulum ac Silam, traxerunt in forum ad principes, & offerentes eos magistratibus, dixerunt: Hi homines conturbant civitatem nostram, quia sint Iudæi, & annunciant instituta, quæ non licet nobis suscipere, neque servare quum simus Romani.

*His adde.
1. Timot. 6.*

*Constituta in ve-
ritatem.*

*Rom. lex de
dijs peregrinis*

*Scripturæ (æ-
iunt) nullæ es-
sent, nisi consi-
lia confirmas-
sent.*

Qui prius dissimularat ingenium suum nunc in ijs exerit, quorum opera Apostolos insequitur. Hos avaritia incitat. Avaritia enim lætalis aculeus est, quo qui punguntur velut infernali æstro perciti, non iam insaniant, sed furiant etiam aduersus istos qui quæsitui suo videntur aduersari. Id quod vel hodie in omni hominum genere cernas fieri. Sacrifici, nobiles, mercatores, milites, adulteri & monopolæ, hoc tantum nomine Euangelium odiunt, & ministros verbi exécrantur, quod suis timent compendijs. Verum aliud prætexunt avaritiæ suæ, religionem videlicet, æquitatem, pacem publicam. Adjiciunt præterea doctrinam istam & seditiosam esse, & à nouis quibusdam excoGITATAM hominibus. Ita & in præsentiarum ministri satanæ aliud avaritiæ suæ prætexunt & clamant: Hi homines conturbant civitatem nostram. Cōtemptim autem efferunt, Hi homines, quasi quis nostrum dicat, Die har verlossen Büben und Färgen. Subijciunt enim Iudæos esse. Horum enim nomen iam tum odiosum esse Romæ cœperat, & fortassis Claudij edicto, de quo in 18. audiemus, vrbe expulsi erant. Iam quod barbarum authores dixissent, hoc comprobant, quod doceant id, id est, mores consuetudines siue instituta, quæ cum Romanis pugnent Legibus. Hic verius dixissent, quæ cum avaris nostris pugnant moribus. Sed Leges Romanas malunt, quod has violare, piaculare esset. Tradunt autem historiæ vetus Legum Romanorum fuisse decretum, ne quis Deus ab Imperatore consecraretur, nisi à Senatu probaretur. Cuius rei Tertullianus in Apologet. aduersus Gentes cap. 5. meminit. Ælius quoque Lampridius in vita Alexandri Seueri, tradit Seuerum Christo templum facere voluisse, quod & Adrianus cogitasse fertur, sed prohibitum ab ijs, qui sacra consulentes repererant, omnes Christianos futuros, si id oprato euenisset, & reliqua templa deferenda. Sed & Tiberium imperatorem Tertullianus refert veritatem diuinitatis Christi ex Syria Palæstinaque annunciatam, reuelasse, atque ad Senatum cum prærogatiua suffragij sui detulisse, Senatum autem quia non probauerat respuisse. Quod igitur vrbi moris fuit ex lege, hoc sibi Colonia hoc in loco vendicat, quod à populo Romano deducta esset. Nam ea de causa te Romanos esse iactant. Sed ô impia miseraque mortalium consilia, quæ diuinitatem vel à dæmonum responsis, vel ab hominum arbitratu æstimaunt, quibus sanè Deus & religio non placet, nisi prius hominum testimonijs probatus sit. Similia his sunt & illorum consilia, qui hodie indubitatis, hoc est, canonicis scripturis anteponunt quorundam episcoporum placita, & Consiliorum decrera: aut qui ipsam etiam Euangelicæ fidem & sacrosancta Christi & Apostolorum dogmata vilipendunt, nisi hominum accessisset comprobatio. Sed hæc est carnis nostræ temeritas atque stultitia.

Et cucurrit turba aduersus eos, ac magistratus, scissis vestibus suis, iusserunt eos virgis cedi. Cumque multas plagas eis imposuissent, coniecerunt eos in carcerem, præcipientes custodi carceris, vt diligenter custodiret eos: qui cum tale præceptum accepisset, coniecit eos in interiorem carcerem, & pedes eorum strinxit lingno.

*Cadantur Apo-
stoli.*

Sæuit ignobile vulgus, mendacijs impostorum persuasum: & magistratus ipse, cuius erat sæuientes committigare prudentia & veruisti que moderamine regere, vel superstitione cæcatus, vel pauore attonitus tumultuantis populi, innoxios cædit. Cum reuera cccusatores cædendi fuerant, Apostoli vero ob collatum beneficium coronandi. Sed beneficia à mundo pro maleficijs puniuntur, maleficia autem coluntur pro beneficijs. Est enim mundi iudicium plane præposterum. Id quod & Christus prædixerat Matthæi 23. & Ioan. 15. & 16. Quod autem tanta exaggeratione vincula extulit, propter liberationis gloriam tyrannidisque imbecillitatem deformandam, fecit. Sequitur enim mirabilis & inexpectata liberatio.

Media autem nocte Paulus & Silas orantes, laudabant Deum. Exaudiebant autem eos qui vincti erant. Subito verò terræmotus factus est magnus, ita vt concuterentur fundamenta carceris. Et statim aperta sunt omnia ostia, & omnium vincula soluta sunt.

Orant

Orant Apostoli in medijs tentationum fluctibus. Audit autem orantes Dominus, qui se suis nunquam defuturum fore sanetè promiserat. Igitur tyrannorum infringens potentiam mirabiliter suos liberat, nō iam per angelum secreto illos educens, sed veluti iratus, fundamenta carceris concutens. Ita enim declarabat se terræ potentem, & omnium rerum esse Dominum. Ita & carceris custodem ad fidem sanam, velut materia ampliora cogitandi proposita, vocabat. Siquidem terræ motus hic & Apostolorum salus & salutis carcerarij quædam erat occasio. Beda ex hoc loco colligit maximam esse iustæ orationis virtutem. De quo dictum est in capite 4. Chrysostomus verò noctes nostras ad illam conferens Apostolicam, mire inuehitur in inertiam ac somnolentiam nostram. In his enim (inquit) nihil nisi conuiuia, ebrietates & libidines. In his & vigilæ somno molestiores. Vigilant enim alij, sed auri cura excitati, inuidia & vindictæ cupiditate expurgati. Non ergo nō urant, sed vigilantes pessima quæq; meditantur.

Auxilium Dei presentissimū.

Inertia nostra.

Experrectus autem, custos carceris, quū videret ianuas apertas carceris euaginato gladio erat seipsum interfectorus, existimans aufugisse vinctos. Clamauit autem Paulus voce magna, dicens: Ne quid feceris tibi ipsi mali, vniuersi enim hic sumus.

Parabat sibi necem carcerarius. Ma'uit enim ipse sibi necem semel consciscere, quā post multa tormenta per carnificem occidi. At Euangelij præco Paulus à crudeli instituto reuocat miserum. Euangelium enim vitam & gaudium nuntiat, miseria & desperatione liberat. Qui ergo Euangelium nesciunt, ad desperationem proniores & miseriæ multo magis obnoxij sunt, quantaui interim prudentia carnis polleant.

Cōsolatio cō uangelij.

Postulatoq; lumine, irrupit, ac tremefactus accidit Paulo & Silæ ad pedes, & productis illis foras, ait: Domini, quid me oportet facere, vt saluus sim? At illi dixerunt: Crede in dominū Iesum, & saluus eris tu & domus tua. Et loquuti sunt ei sermonem domini, & omnibus qui erant in domo eius.

Hinc colligimus omnia opera Domini plena esse sapientiæ beneficentiæq;. Vnico enim terræ motu & Apostolus liberauit, & sensum aliquem religionis pectori indidit carcerarij, vt de vera iustificatione quæstionem moueret. Sentiens enim diuinum virtutem adesse illis, qui doctrinam salutis pollicebantur, de salute seiscitatur & ait, Domini quid me oportet facere, vt saluus sim? Hic nihil aliud respondent Apostoli, quā, Crede in Dominum Iesum, & saluus eris tu & domus tua. Vera ergo religio & ratio consequendi salutem certissima, non sublit in creaturarū cultu, ceremoniarum obseruatione & traditionibus humanis, sed vera in Christum fide. Hoc ipsum testatus est ipse Dominus apud Ioan. in 14. cap. & Ioan. in 1. Canic. cap. 5. Petrus quoq; Acto. 2. cap. Item Propheta Dauid in Psalm. 14. & Paulus ad Heb. 11. & ad Rom. 3. cap. Seducunt ergo mundum qui per alta quā per fidem in Christum salutem pollicentur hominibus. Iam quod præterea loquuti referuntur verbum Domini, innuit quod copiosiori sermone negotiū Christi exposuerint Gentilibus, sed non aliō modo aliāue ratione quā supra in 10. 13. & 14. cap. est expositum.

Via salutis certissima.

Et assumptis illis in illa hora noctis, abluuit plagas, & baptizatus est ipse & omnes domestici illius continuo. Quumq; perduxisset eos in domum suam, apposuit eis mensam, & exultauit, quod cum vniuersa domo sua credidisset Deo.

Ex fide iustitia est, non ex operibus, quæ vtrò tamen illa profert, vbi vera sinceraq; esse cœperit, & quāuis proferat, non tamē ostentat, sed oculatior est in illa quæ defunt, quā quæ adsunt, ideo quæ fidelis Christo suis velut neglectis, & pro nihilo æstimatis, se se confidenter in sinum ingerit misericordiæ & beneficentiæ Dei. Sed de operibus vt sponte proueniant hic exemplum habes. Vbi enim carceris custos credidit, baptismum non contempsit, plagas & vibices vapulantium, id est, percussorum seruorum Dei absterfit, in domum suam illos perduxit, mensam apposuit, atq; hæc omnia exultans peregit. Iterum autem meminit scriptura domus, hoc est, familiæ. De quo dictum in superioribus. Porro quod nostra lectio habet, Et exultauit quod cum vniuersa domo sua credidisset Deo. Circa hæc sic habet, *καὶ ἡπαντὴ τῆς οἰκίας αὐτοῦ ἐπίστευσεν. Quod vetus interpres magis propriè videtur exposuisse, nempe, Et exultauit cum omni domo sua, credens Deo. Eam interpretationem imitatus est & Germanus interpres. Est qui putat commodius esse, vt *οἱ οἰκιστὰι* referatur ad participium proxime sequens *πιστεύουσα*. Cæterum magis probatur mihi vetus interpretatio, quæ *οἱ οἰκιστὰι* reulit ad verbū præcedens. Est autem *οἱ οἰκιστὰι* congregandi aduerbiū, quod non possumus unico verbo exprimere. Nam*

Bona opéra ex fide.

παρὸν ἀναπεύθῃ dicuntur, qui funditus pereunt, nullo profus ex omnibus relicto. Dicitur ergo hic carcerarius latus esse παρὸν, id est, cum omni domo sua nemine profus excepto. Cuius laudatur, Credens Deo, id est, quod Deo credidisset, & iam cum omni domo sua recenseretur numero populi Dei.

Et cum dies ortus esset, miserunt magistratus viatores, dicētes: Dimitte homines illos. Nunciauit autē custos carceris sermones hos Paulo; miserūt magistratus vt dimittamini. Nunc igitur exeuntes, ite in pace Paulus autē dixit eis: Cæsos nos publicē, indicta causa, quū simus Romani, coniecerunt in carcerem, & nunc occultē nos eiiciunt: Non profecto, sed veniant ipsi, ac nos educant. Nunciauerunt autē magistratibus viatores verba hæc; timuerūtq̃ audito quod Romani essent, & veniētes deprecati sunt eos: & educōs rogabant, vt egrederentur ē ciuitate. Egressi autem ē carcere, introierunt ad Lydiam, & vilis fratribus, consolati sunt eos, & profecti sunt.

Patientia iuncta prudentia.

Nulla hic malitia peccant Apostoli, neq; patientiæ virtutis summæ laudem impatientia deperdunt, sed suæ authoritati volebant consultum. Metuentes enim ne flagra & vincula recenter conuersos offenderent, nèue sermo Dei despectui foret, veluti falsa essent & digna flagris quæ Paulus docuisset, munus temporarium, nempe ciuitatis Romanæ, per occasionem conuertunt ad gloriam & defensionem verbi Dei. Neque id sanè temere, coram his præsertim qui contra leges, furientis populi clamoribus obsecuti, Romanum ciuem secus tractarant, quàm æquitas permitteret. Quin & malitia, siue versutia huic inerat lenitati Senatoriæ. Sui enim consulentes authoritati, & Apostolicæ grauantis innocentiam, postulant vt quasi sibi male cōsij Apostoli & ē carcere elapsi, sese protinus subducant clanculo. Proinde magna grauitate subdit, Non ita fiet: sed veniant ipsi, & iure iubeant abire ē carcere quos iniuria in carcerem coniecerunt. Nam Erasmus in Annotationibus, Paulo ante (ait) occultē nos eiiciunt, erat ἐκβαλεῖν, hic diuersum est verbum ἐκγαγεῖν, id est, educant. Nam illud conueniebat clam extrudendis, hoc conuenit palàm educendis non sine satisfactione. Vnde nos conijcere possumus errare illos turpissimè, qui ita loquuntur de Patientia Christiana, quasi illa quiduis perferat citraque prudentiam omnia dissimulet, suscipiat & permittat. Sed de hac copiosius forsitan disputabimus in Cap. 23. Nunc quod Paulus se Romanum vocat, qui ē Tarso Ciliciæ oriundus erat, intelligimus Tarsenses ciuitati donatos fuisse. Hoc siquidem beneficentiæ genere in externos vtebantur Romani, si qui ob fortia facta aut alia beneficia digni ciuitati iudicati essent. Iam verò Publius Valerius Publicola vir optimus, legem Romæ tulit, vt nulli magistratui liceret corpus Romani ciuis, indicta causa condemnare, liceretque damnatis ad populum prouocare. Meminit huius Legis libro 2. ab vrbe condita T. Liuius, & in libello suo de Legibus Pomponius Letus. Multo igitur minus in vrbe colonia, quæ legibus institutisq; Romanis vueret, Romanum ciuem indicta causa virgis cædi licebat. Nam M. Cicero Actionum in Verrem lib. 7 Orat. 10. Retineri enim putatis (ait) oportere iura libertatis non modo hic, vbi Tribuni plebis sunt, vbi cæteri magistratus, vbi plenum forum iudiciorum, vbi Senatus authoritas, vbi existimatio populi Romani, & frequentia, sed vbi-
cunque terrarum & gentium violatum ius ciuium Romanorum sit, statuitis id pertinere ad communem causam libertatis & dignitatis. Et paulò post exaggerans crudelia Verris iudicia, Ceuices in carcere (inquit) frangebantur ir dignissimè ciuium Romanorum, vt etiam illa vox & illa imploratio, Ciuis Romanus sum, quæ sæpe multis, in vltimis terris, opem inter Barbaros & salutem tulit, ea mortem illis acerbiolem & supplicium maturius ferret. Hinc audimus Magistratum quoque Philippensem ad hanc vocem, Romani sumus, maximè expauisse, deprecatosque fuisse, vt ignoscerent Apostoli quod per populi tumultum præter ius & phas factum esset: imò honoris gratia deducentes eos ē carcere rogabant, vt ob tumultum populi vitandum, secederent ex vrbe Philippiensi. His autem precibus, quia iam satisfactum esset authoritati Apostolicæ, & fidei iacta fundamenta, obtemperant Apostoli, salutariq̃ Lydia & reliquis fratribus in fide confirmatis, Amphipolim contendunt. Porro παρὸν, quod interpret noster viatores vertit, lictores vocauit, qui ita à virgis gestandis sunt cognominati. Solent enim magistratus ministri, per quos quid velint denuntiant, virgas gestare. De quibus plura Lo. Cælius lect. Antiq. libro 4. capite. 29.

Paulus ciuis Romanus.

Privilegium ciuium Roma.

CAPVT XVII.

Cum autem iter fecissent per Amphipolim & Apolloniam, venerunt Thessalonica, ubi erat synagoga Iudeorum. Secundum consuetudinem autem suam Paulus introiuit ad eos, & per sabbata tria disseribat eis de scripturis, adaperiens & allegans, quod Christum oportuisset pati, & resurgere a mortuis: & quod hic esset Christus Iesus, quē ego, inquit, annuncio vobis.

MINORES ciuitates transeunt, ad maiores festinant, unde quasi ex fontibus quibusdam in vicinas deriuaretur sermo. Thessalonica autem metropolis erat Macedonia, ubi & propter hominum frequentiam erat Synagoga Iudeorum. In hanc pro more suo (quo Iudeis primo predicabat Christum) ingressus, negotium pietatis diligenter tractauit. Fons autem disputationis Pauline erat scriptura. Materia dicendi Christus. Scripturas ergo illustrabat collato lumine Christo. Ex istodem comprobabat quæ de Christo predicabat. Loci autē disputationis hi erant. Quod Iesus quem ipse iam predicaret, verus esset Messias, Quod Christum prædixerint Prophetae passurum & resuscitandum. Hic ergo demonstrabat quomodo Iesus Christus passus esset, & quomodo à mortuis resurrexisset. Proinde eundem Christum, & eodem modo prædicauit Thessalonicen. Paulus, quomodo prædicatum audiuius Antiochenis in cap. 13. Verē enim dixit Chrysostomus, Summam dixit sermonum, alienus ab omni superfluitate, non ubiq; conciones totas dicendo.

*Disputationes
Pauli quales.*

Et quidam ex eis crediderunt, & adiuncti sunt Paulo & Silæ, & religioforum Græcorum multitudo magna, mulieresq; primariæ non paucae. Zelolo autem commoti Iudæi increduli, & assumptis quibusdam circumforaneis viris malis, ac turba coacta, concitauerunt ciuitatem, & urgentes domum Iasonis, quarebant eos producere ad populum.

Id quod supra sæpe audiuius, iterum hoc loco ingeritur. Euangelium alijs suauem odorem vitæ ad vitam esse, alijs factorem mortis ad mortem. Et in Catalogo fidelium recensentur viri religiosi atq; mulieres primariæ, ne quis subinde objiceret, Euangelio nullos nisi nouos quosdam ignotos & nullius dignitatis vel ordinis homines, adhærere, quod in Euangelio Ioannis in calumniam rapiunt Pharisei. Ceterum in Catalogo persequentium primas tenent hypocritæ, proximas circumforanei homines. Iudæi autem erant illi hypocritæ. Nam zelo nō bono, sed supersticioso movebantur ad tumultum. Siquidem ad Rom. 10. cap. duplicis zeli meminit Apostolus. Paria de tumultibus à Iudæis excitatis audiuius in cap. 13. & 14. Porro ne quis illud ignoret, Circumforaneos Latini appellant, homines in foro oberrantes, & tempus inaniter conterentes, imò emptitios nebulones, viles ac circulatores. *Nichtig gang' selung' in vnd seißd' stibet.* Nam Græcè est ἀγορία. Oportebat autem & hic vetus compleri prouerbiū, Semper similem Deus ducit ad similem. Et sanè non habet Euangelium maiores hostes, quàm illos quibus vel impietas vel hypocrisis cordi est, vel quibus anima obolo venalis est, quiq; inertia & inhonesto otio ad inopiam redacti, nunc quidem optimorum hominum inhiant facultatibus. Tales enim ad seditiones excitandas, & veritatem opprimendam sunt apostitissimi. Tales hic quoque in Iasonis viri optimi ædes irruere vides, sed non alicui quod volebant.

*Non abiectos
tantum hæc
Christo.*

Et cum non inuenissent eos, trahebant Iasonem, & quosdam fratres ad principes ciuitatis, clamantes: Hi qui terrarum orbem conturbauerunt, hæc quoq; venerunt, quos clanculum exceperit Iason: & hi omnes contra decreta Cæsaris faciunt, regem alium dicentes esse Iesum. Concitauerunt autem turbam, & magistratus ciuitatis, audientes hæc. Et accepta satisfactione ab Iasone, & à cæteris, dimiserunt eos.

Cum (inquit) non inuenissent Apostolos, ne nihil egisse viderentur, hospitem Apostolorum & alios viros bonos contra fas & ius comprehendunt & ad principes ciuitatis protrahunt, veterem cantilenam. Apostolos communem rerum statum conturbare, nouum dogma docere. Cum reuera illi ipsi seditionū essent authores, non Apostoli, sed & peregrini dogmatis assertores. Et calumnia erat quod de nouo rege inducebant. Abutebantur enim regis & regni nomine. Nam Euange-

lium non tollit magistratum. Sed ne ipse quidem Christus rex terrenus est, sed cœlestis est. De quo apud Ioannem in 18. Duo autem in primis ex hoc loco discenda sunt. Primum, qui sint seditionum auctores. Secundum, quod hostes veritatis ipsam veritatem ab initio humanis impugnaverunt decretis. Cæterum tantum potuerunt apud Senatum & plebem calumnijs, ut prorsus commoverentur omnes. At ubi Iason, cæteri que fratres satis idoneam attulissent excusationem, dimissi sunt à magistratibus. Quanquam per Satisfactionem sufficientem cautionem & velut vadimonium magis significare viderur, quàm apologiam. Vades enim Latinis dicti sunt, qui pro alio alijsue spondebant, ut si in ius vocarentur sese sisterent. Atque in hanc sententiam exposuit & Budæus in Comment. Linguae Græcæ, dicens: Actuum Apostolorum cap. 17. *καὶ οὐ λαμβάνειν* dicitur fideiussores in eam spon-
sionem exigere & accipere, Latinorum utique more dictum, qui satis accipere dicunt. *καὶ λαβόντες τὸ*
ἰκανὸν παρὰ τοῦ Ἰάσονος καὶ τῶν λοιπῶν ἀπίστους αὐτοὺς. Et cum satis accepissent ab Iasone & ab alijs iudicio sisten-
di sponsionis, ipsos abire iusserunt, &c. Liberavit ergo illos ex omnibus periculis Dominus, sed non
citra periculum & animi dolorem.

Obscura in-
terpretatio.

Fratres verò confestim per noctem emiserunt Paulum simul & Silam in Berrhœam. Qui cum advenissent, abierunt in synagogam Iudæorum. Hi au-
tem erant summo genere nati inter eos qui erant Thessalonica, qui recepe-
rant sermonem cum omni animi promptitudine, quotidie scrutantes scri-
pturas, an hæc ita se haberent. Et multi quidem crediderunt ex eis, & Græ-
cæ mulieres honestæ, & viri non pauci.

Fuga Pauli.

Non metu villo fugit iterum Paulus aut vitæ amore, sed propter ministerij fructum vberio-
rem, ad quem his modis servavit Apostolos Deus, qui omnia pro sua voluntate optimè disponit. At cum
peruenissent Berrhœam, pro more ingreditur Synagogam, ut in ea sic prædicet Christum ut apud
Thessalonicenses prædicarat. Atque hic laudat historicus Berrhœensium diligentiam & animi ad fi-
dem suscipiendam promptitudinem. Hos enim ingenuiores (ait) fuisse Thessalonicensibus. Proba-
bat enim Berrhœenses quod à Paulo prædicabatur: at Thessalonicenses non modò non probare, sed
ne audire quidem dignabantur. Neque ignoro hunc locum secus intellectum esse hætenus. Pleriq-
enim existimarunt nobiliores Thessalonicenses, qui verbum Dei prompto susceperant animo, à di-
scessu Pauli, doctrinam traditam adhibuisse scripturis, atque sic probasse quatenus vel conveniret
vel discreparet. Cæterum videtur esse collatio quædam. Sic enim sonant Græca, *οὗτοι δὲ ἑσάντο ἡλικίᾳ*
τῶν ἐν Θεσσαλονικίᾳ, id est, Hi verò (nempe Berrhœenses) erant generosiores ijs qui erant in Thessalonica.
Deinde causam subiungit, Siquidem illi qui receperunt sermonem cum omni promptitudine ani-
mi, quotidie scrutabantur scripturas, num hæc ita se haberent, ut ille dixerat habere. Atque hunc sen-
sum amplexus est & Paraphrastes, dicens: Hi verò generosiores erant Thessalonicensibus. Nam ser-
monem Evangelicum receperunt summa cum animi promptitudine, quotidie vacantes scrutandis
diuinis voluminibus, ut cognoscerent quemadmodum ea quæ didicerant ex Apostolorum narra-
tione, convenirent cum oraculis Prophetarum ac figuris Legis. Divus Ioannes Chrysostomus mo-
net non simpliciter dictum esse Berrhœenses legisse, sed omni diligentia scrutasse scripturas. Hoc e-
nim significare *ἀνακρίνοντες*. Locus autem elegantissimus est, quo nos discimus, nihil temere suscipien-
dum, sed omnia, iuxta Pauli verbum, probanda esse, optima verò tenenda deligendaque. Probanda
autem scripturis, non spiritu superbiz, contentionis, contumaciæ aut despectionis. Id si hodie fieret,
minus turbarum esset. Verum malum non modo incognita damnare, sed nostri commodi gratia,
apertissimas scripturas proscribere. Id quod potentissimus & iustissimus omnisq; mali vindex Deus
propediem summa cum gravitate requirit.

Probanda do-
ctrina quævis.

Cum autem cognovissent Thessalonicenses Iudæi, quod & Berrhœæ
annunciatus esset à Paulo sermo Dei, venerunt, & illic quoque commovebāt
urbas. Statimque tunc Paulum emiserunt fratres, ut iret velut ad mare. Silas
autem & Timotheus remanserunt ibi. Porro qui prosequabantur Paulum,
deduxerunt eum Athenas usque: accepto mandato ad Silam ac Timotheum,
ut quàm celerrimè venirent ad se, profecti sunt.

Iudæorum im-
peticus.

Iterum indicat qui sint seditionum auctores, non præcones verbi, sed hostes verbi Dei. Hi ad
opprimendam veritatem non minus seduli atque acres, quàm vehementes ad eam erigendam. Apo-
stolici sunt. Veniunt ergo à Thessalonica, & Berrhœam iam pacatā & in bona pace agentem concur-
bant homi-

bant homines nephandissimi. De quibus in Iad Thessalonice, cap. 2, ita scripsit Apostolus. Hi sunt qui ut Dominum occiderant Iesum & proprios Prophetas, ita & nos persequuntur, & Deo non placet, & omnibus hominibus aduersantur, ut expleat peccata sua semper, perveniaturq; in illos ira in finem. Ceterum Paulus iterum fide fratrum adiutus fuga sibi consulit, nobis (ut diximus) in exemplum. *Fuga.* Quin ut omnia tutiora essent, a fratribus deducitur, atq; ab ijs per eam quidem viam ducitur, quæ ad maritima tendere videbatur, ut si ab nauigatorum putarent Iudæi, minus persequerentur, cum tamen illi flexo itinere Athenas proficisceretur. Hic vero præstolans collegas ac symonistas suos Silam ac Timotheon qui Berithæa, utpote minus Iudæorū degraui inuidia, permanserant, ut fratres confirmarent, præcipit ijs qui se conduxerant, ut istos quàm celerrime ad se venire iuberent. Videbat enim Athenis plurima opus esse diligentia atq; indefessa opera.

Paulus autem cum Athenis eos expectaret, incandescbat spiritus eius in ipso, cum videret simulachrorum cultui deditam ciuitatem. Disputabat igitur in synagoga cum Iudæis & religiosis, & in foro quotidie cum his qui ipsum forte adissent.

De Atheniensibus redditum quandoq; oraculum legimus, tanto cæteris eos fore excellentiores, quantum aues alias præcellat in nubibus aquila. Multa ergo eorum laus est apud authores cum Græcos tum Latinos, in primis verò apud M. Tullium Ciceronem in oratione pro L. Valerio Flacco. Sunt quædam & apud Cælium in 25. cap. lib. 10. Certe sapientia fama & literarum claritate perlustrares fuisse, à quibus in cæteras Gentes quasi corruata traditur humanitas. Proinde Athenas spiritu Dei delatus Paulus ibidem admiranda quædam patret. Nam summis communis philosophis, nulli eorum cedit, & tam erudite inter eruditissimos de Deo, de religione & cultu Dei, de Christo & mortuorū resurrectione, item de futuro iudicio disserit, ut non falso de hoc Apostolo dixerit D. Hieronymus, Quotiescunq; hunc lego, videor mihi non verba audire, sed conitua. Videntur quidem verba eius esse simplicia, & quasi innocentis hominis ac rusticani, & qui nec facere nec declinare noverit insidias: sed quocunq; respexeris fulmina sunt. Hæret in causâ, caput omne quod tetigerit, tergum vertit ut superet, fugâ simulat ut occidat. Destinatio ergo Dei consilio Athenas venit tantus veritatis doctor, ut cœlestis sapientia nō iam in obscuro aliquo Ciliæ loco aut inter Barbaras gētes, sed in ipsa quoq; studiorum matre, inter mundi sapientissimos Athenienses annuntiaretur atq; vinceret. Quemadmodum verò nullum aliud flagitium Deus perinde execratur atq; idololatriam, ita non inuenias sanctissimos Dei homines ob aliud scelus incanduisse fermentius, quàm ob idololatriæ crimen. Testis est Moyses qui ob hanc tabulas digito Dei scriptas colligit. Testis est & Helias qui propter illam multas trucidauit sacrificiorū centurias. Testis est Iosias quoq; & ex nostris Epiphanius Salaminæ Cypri Episcopus, cuius verba in 1. cap. ad Rom. annotauimus, imò de Paulo nostro scriptū hic legimus, *ἡμετέριον τὸ πνεῦμα, ἀντί τινος ἀνέστη;* id est, animus eius in ipso incanduit siue irrabatur, siue ut Germanicè reddamus, *Sin heret, curbsan vnde erigimur et vnde erigimur in ius.* Vnde & Chrysostomus, Exacerbabat (ait) pro eo quod dicimus Excitabatur. Procul enim est ab ira & indignatione donum spiritus. Non ergo furebat, sed mordebatur: quod videlicet videret verbum in omni eruditione & religione laudatissimam, *κατατίθηται*, id est, simulachris supra modum esse obnoxiam. Ceterum idolorum nomine omne id cōplectitur quod ad idolorum cultum pertinet. Equidem mirandū est nobilissimā & omnis (ut aiunt) humanitatis parentem ciuitatem simulachra tantū coluisse, cum legamus Barbaras & incultas deniq; & cultiores gentes semper ista exhoruisse. Nam Crinitus lib. de hon. disc. 12. ca. 8. de Germanis ex vetustis scribens authoribus, Deorum (inquit) imagines minime ad humanā formam faciunt, quod illa cœlestis maiestas supra humanitatem sit. Apud Seres quoq; populos (teste Eusebio) etiam lege cautum erat, ne simulachra venerarentur. In Romanorum quoq; templis, apud Clementem & Plutarchum, ex decreto Numæ annis CLX. ab vrbe condita, nulla imaginem neq; fictam neq; pictā esse legimus. Augustinus quoq; idem testatur, authore Varrone, cuius (inquit) verba clarissimè testantur nullum fuisse in vrbe simulachrum deorum per annos CLX. factumq; deinceps ut ex imaginum & statuarum multitudine religionis cultus negligeretur atq; contemptui haberetur. Persæ etiam (testibus Herodoto & Strabone) statuas non extruebant, *Ἀιγυπτίων δὲ τὰς ἀστυτείας* Perse, inuenta idola, exinde in omnes penè Gentes deriuata sunt. Ceterum illud erat mirandū quod Atheniensis populus, aliàs sapientissimus, rem vsq; adeo stultam non modicè quiddē, sed ad superstitionem vsq; erat amplexus. Hinc enim paulò post illos dicit superstitioniosiores. Hinc in præfationum simulachrorum cultui dicuntur esse dediti. Et Pausanias in Atticæ descriptione testatur Athenienses in deorum cultu reliquos Græcos antehisse. Nam Protagoras Sophista (quod Cic. lib. de Nat. Deorū 1. retulit) uum in libri sui principio posuisset, De dijs neq; ut sint, neq; ut nō sint, habeo dicere, Atheniensium

De Atheniensibus.

Pauli eruditio

Aduersus simulachrorum cultum.

Germani, Seres, Romani,

Perse,

Superstitio Atheniensium.

iussu vrbe atq; agro est exterminatus. Paulus itaq; ab istis sordibus nobilem urbem repurgare cupiens, priusquam ipfas aggrediretur Gentes, prius honoris & promissionis gratia Iudæos affatur, ijs prædicat Christum: nimirum eo modo quo Thessalonicensibus. Deinde verò & cum Gentium philosophis manus conferit. Sequitur enim:

Quidam autem Epicuræi & Stoici philosophi conflictabantur cum eo,

Lyranus hoc loco, nescio quàm bene, locos & velut capita controuersie Pauli ac Philosophorum indicat, quorum tamen Lucas non meminit, nisi quod innuit Paulum Christum prædicasse, & in hoc vitam & carnis resurrectionem, item coram idololâtris, non plures sed vnum esse Deum quem nulla imago reddere possit, docuisse. Tamen si palam est Stoicorum placita, & Epicureorum deliramenta multis modis Christianæ doctrinæ aduersari. Stoici enim vitiosum esse dicebant condolare amicis aduersa patientibus: & egenis commiserescere desipientis esse dicebant. Quandoquidem misericordiam, vtcunque notam ipsis, inter ægritudines animi & species doloris ac perturbationum referebant: velut in Zenonis vita Laertius tradit lib. 7. Atqui nemo Christianus fuerit qui idem non sit & misericors. Præterea in virtute summum bonum statuebant. Quæ sententia quanquam in speciem commendabilis est, tamen non aliud intendit, quàm suæ felicitatis quemuis mortalem artificem esse posse, & suis viribus saluari, modo velit. Id quod Pelagius Brito noxius hæreticus contendit. Postremò in deorum peruestigatione & natura mirè variarunt, plures etiam deos admittentes, quòd palam testatur libro de Natura deorum 1. M. Cicero. Longè autem rudius & peruersius Epicurei, qui vt 3. Tusculana Cicero scripsit, eum beatum esse dicebant, qui præsentibus voluptatibus frueretur. Proinde Seneca libro de Beneficijs 4. voluptuariam Epicureorum turbam delicatam & vmbaticam vocat, apud quos virtus voluptatis ministra esset. Mortem nihil ad se pertinere aiebant: nò quòd inde meliora sperarèt, sed quòd omnia finiri & dissolui morte affirmarèt. Deos esse permittebant, ceterum negabant illos curare mortalia, & administrationem demebant. Nam quod beatum est, (dixit Epicurus) neq; ipsum negotia habet, neq; alij præbet. Itaq; neq; ira quidem neque gratia tangitur: quippe huiusmodi omnia infirmitatis indicia sunt. Huc sequutus impugnator ille pietatis Lucretius libro de Natura 1. sic refert,

Stoicorum
hæresis.

Epicuræorū
hæresis.

Lucretij impia
aduersus prouidentiam sententia.

*Omnis enim per se diuum natura necesse est
Immortali æuo summa cum pace fruatur
Semota à rebus nostris seiunctaq; longè
Nam priuata dolore animi priuata periculis
Ipsa suis pollens opibus nil indiga nostri,
Nec bene pro meritis capitur nec tangitur ira.*

Philosophi hæreticorum patriarchæ.

Proinde cum vniuersa Philosophorum temeritas nihil habeat cum Christiana pietate admodum commune, vt verè hæreticorum patriarchas ipsos esse philosophos Tertullianus dixerit, tamen plus negotij Paulo cum Epicureis & Stoicis fuisse conijci potest, quàm cum Academicis & Peripateticis. Certum enim est Platonem etiam Augustino arridere, què ex Mose & Hebræis profecisse Eusebius quoq; tradit lib. Euang. præparat. 11. Ceterum absolutam aduersus philosophos disputationem instituit Lactantius in ijs potissimum libris quos de falsa sapientia & de Iustitia scripsit.

& quidam dicebant: Quid vult spermologus hic dicere? Alij verò, nouorum, inquebant, dæmoniorum videtur annunciator esse, quòd Iesum & resurrectionem annuntiaret eis.

Conuitia in nostris Verbi.

Quum autem Paulus illis exposuisset philosophiam Euangelicam, ab omnibus Philosophorum placitis longè lateq; diffidentem, quidam ludibrij causâ dixerunt, Quid dicit spermologus iste? Est enim Euangelium (teste Paulo 1. Cor. 1.) Iudæis quidè offensio, at Gentibus stultitia. Budæus autem edisserens quis dicatur spermologus, Σπέρματος (ait) significat nugar & verba loquaciter fundo & de blatero. Et σπέρματος nugator, loquax, vaniloquus, blaterator, & vt Plautus loqui solet, qui libens verba fundit. Ad quem modum & Erasmus ex Hesychij autoritate spermologum eum esse dicit, qui nugatur & nouos rumores spargit in vulgus, & qui ad quæstum quiduis garrir. Germanicè redderemus, Ein mârtyrtrager/lugenfäyer/ein freyheitz vnd spâcher. Breuiter vocabulum est contumeliosum, vtcunq; reddamus, & planè dignum supercilio philosophico. Hodie mores & conuitia philosophica probè referunt Theologi quidam Scholastici, qui purioris synceriorisq; theologiæ professores ac Euangelici negotij prædicatores, hæreticos & nescio quibus alijs atrocibus nominibus appellitât. Alij vero dicebant, ὁ δαίμωνιος, hoc est, peregrinorum dæmonum videtur annunciator esse. Monuit autem

Dæmones.

autem Erasmus, Athenienses ex Platonis doctrina dæmones appellasse deorum filios, quibus tribuebant quidem corpora, sed immortalia. Quò & illud spectare videtur quod sequitur, Quòd Iesum & resurrectione annuntiaret eis. Plura verò de dæmonibus eaq; lectu iucundissima & eruditissima scripsit Cælius lib. lect. antiq. l. cap. 25. 24. & ab ijs ad 31. vsq;.

Et apprehensum eum ad Martium vicum duxerunt, dicentes: Possumus ne scire quæ sit noua ista quæ à te refertur doctrina? Noua enim quædam ingeris auribus nostris. Volumus ergo scire, quid nam velint hæc esse.

Ioannes Ludouicus Viues in D. Augustini lib. de Ciuitate Dei 18. scribens, & quid sit Martius vicus edisserens, ex Stephani de Vrbibus sententia, dicit, *ἀρειος πάγος* promontorium fuisse Athenis, in quo iudicia & quæstiones rerum potissimè criminalium factæq; necis exercerentur. Athenis enim duo fuerunt consilia, vt scribit Libanius sophista. Vnum perpetuum, quod de cædibus, iudicauit & huiusmodi rebus eo loco qui Areopagus dicebatur. Alterum quotannis mutabile, quod Rempublicam constituebat, & Quingentenarium vocabatur. De priore loquutus Suidas, *Ἀρειος πάγος* (ait) *παῖς, modò eminentem locum* *modò saxum significat.* *ἀρειος πάγος, ὅτι ἐν τῷ πάγῳ ἔστι, καὶ ἐν ὑψέϊ τὸ δικαστήριον. Ἀρειος δὲ ἐπεὶ τὸ φανοικὸν διαφέρει, ὃ δὲ ἀρεὶς ἐπὶ τῷ φόνῳ.* Id est, Vocatus est Areopagus quod in saxo & loco æditore est forū. Arius verò quod de cædibus iudicatur, quibus præest Mars. Et Pausanias Areopagum dictum scribit, quia primum Mars ibi iudicium subiit cum occidisset Alirrhotion, qui fuit Neptuni filius, quòd vim intulisset Alcippæ Martis ipsius ex Agraulo Cecropis filia. Deinde iudicatum ibi Orestem matricidam ait, & iudicio liberatum, templum ibi extruxisse Mineræ Arcæ, quasi Martiæ. Errarunt ergo qui Martis pagum exposuerunt, ceu pagus aliquis fuerit extra urbem, quales rustici, qui pagi vocantur, quasi eodem vtentes fonte, qui non *ἀρειος*, sed *ἀρειος* dicitur. D. Hieronymus Areopagum in epistola illa ad Magnam oratorem Romanum, Martis curiam, nimirum ex 9. Iuuenal. Sat. vocauit. L. Apuleius lib. de Asino aureo 10. Martium iudiciū pro se uero vsurpauit: & Val. Max. lib. 2. sanctissimum consilium appellauit: quin & Plinius Areopagi meminit in 7. lib. Sed omnium copiosissime de Areopago & moribus Areopagitarum in Pandectas annotauit Budæus. Paulus ergo vt iudicandus de noxio dogmate Areopagum abducitur, atq; hic illi impropere doctrina noua inauspicata siue absurda, & velut i contra vrbis edicta in medium proposita. Rectè enim monuit Erasmus *ἐν*, vt peregrinum sonet, ita declarat & nouum & inauditum, nonnunquam absurdum. Hodie nihil aliud obijcere possunt, quàm dogma Euangelij esse nouum: sed nō minus falluntur quàm Athenienses Philosophi falsi sunt.

Athenienses autem omnes, & qui illic versabantur hospites, ad nihil aliud vacabant, nisi ad dicendum aut audiendum aliquid noui.

Inconstantiam notauit Atheniensem, & vanitatem, quo vitio etiam Alexandrini fuere infames. Imò frequentissimum est, vt vrbes quæ eloquentiæ studio sunt deditæ, atq; huius gratia à peregrinis nouisq; inhabitantur hominibus, huic vitio maximè sint obnoxia. Apud has autem non magni penditur veritas. Quanquam enim non rarò oblectet nouitas, sit ramen vt offendant etiam & ægre admittatur. Ea de causa scite mihi à Plinio dictum videtur, Rem arduam esse nouis auctoritatem dare.

Stans autem Paulus in medio Marcij vici, ait: Viri Athenienses, per omnia ferè supersticiosiores vos video. Præteriens enim & contēplans culturas vestras, inueni & aram, in qua inscriptum erat, Ignoto Deo. Quem ergo ignorantes colitis, hunc ego annuncio vobis.

Oratio Pauli breuis est, sed erudita. Nam ipsa breuitate copiosissima est: vnde & veteres illam omnes rhetoricissimam dixerunt. Apud Philosophos enim in theatro doctissimorum hominum dissebatur. Nihil autem vniuersa traditur philosophia quod in hac nō perstringatur. Beda summam eius non infeliciter colligens, Apostolus (inquit) ostendit Deum amplexandum esse, non solū propter munera lucis & vitæ, verum etiā propter cognationē quandam generis. Deinde opinionē illam, quæ est de idolis aperta ratione deuincit, quod totius mundi conditor & Dominus templis non possit includi saxeis: quod omnis beneficij largitor sanguine non egeat victimarum: quod hominum deniq; creator & gubernator omnium non possit hominis manu creari: quod postremo Deus, ad cuius homo factus est imaginem, non debeat metallis æstimari: similiter erroris remedium docens esse studium pœnitendi. Breuiter, oratio est generis demonstratiui. Vnitatem enim, potentiam, prouidentiam ac virtute Dei, ostendit vanum esse externum cultum, vanum quoq; simulachrorum religionē. Deum

Atheniensium
leuitas.

Nouitas.

Summa oratio
nis Pauli.

Scopus orationis
Pauli.

Exordium arti
ficiosum.

Cultura.

Superstitiosi
qui dicantur.

Religiosi qui
dicantur.

Philost lib. 6.
de vita Apollo
nij.

ἄνθρωποι.

Deus conditor
mundi.

fide & san&monia esse colendum: id quod ipse Deus filio suo in carnem misso annuntiarit orbi, per quem & orbem liberarit, & tandem omnes homines per eundem iudicaturus sit. Porro eadem non nihil ad suadendi & ad refutandi inclinatur genus. Nam non modò id agit ut ostendat illis vnum esse Deum, sed & hoc cupit assequi, ut deserta superstitione, quam maximis oppugnat viribus, credant per filium incarnatum (hoc enim viri nomine complexus est) gratiam & salutem annuntiatam esse, & potestatem ei datam iudicii super viuos & mortuos. Trahit autem exordium à re præsentī, mirā arte se auditorum animis insinuans. Est enim artificiosum dicendi genus, cum ab ijs quæ nobis ab auditore permittuntur, ad ea descendimus, quæ nostra sunt quæq; maximè persuasa cupimus. Ignorantem Deum colebant Athenienses. Ignoto extruxerant aram. Iam verò Paulo impingebant quod novorum deorum assertor esset. Hinc ergo ex re videlicet præsentī occasionem fumens, Non equidem (inquit) novos ego atq; peregrinos deos prædico, sed cognitissimum & à vobis quoq; aliqua ratione susceptum. Extat enim apud vos ara Ignoto Deo consecrata: ut vos potius videamini novorum deorum cultores esse, si quis modo hoc nomine notandus erat. Et sanè, ut liberè quod sentio dicam, video vos qui in omni disciplinarum genere laudatissimi estis, in ijs tamen quæ ad religionem pertinent plus satis superstitiosulos & incircumspectos esse. Nam dum τὰ σιβάσματα vestra lustrarem, istam aram Deo incognito consecratam reperi, testem utique superstitionis vestræ. Nunc ergo si me audieritis, qui non novorum deorum, sed vnius illius Dei veri assertor sum, fiet, ut posthac verè & religio sè colatis cognitum, quem hætenus superstitiosus coluistis incognitum. Et hoc est huius orationis exordium, hic status. Sunt autem multa hic præterea annotanda, principio quod & Erasmus monuit σιβάσματα quod idem culturas vertit, complecti omnia quæ veneramur, nempe aras, delubra, statuas, monumenta, à verbo σιβωμι, quod proprie ad religionem pertinet. Deinde gratius est quod dicit, Video vos ferè superstitiosiores, quàm si dixisset, Video vos omnino superstitiosos, imò idololatrias esse. Mitigavit ergo dicti odium, primum adverbio &, deinde comparative, ne prorsus resiliirent statim in principio. Facilitavit hoc ipsum ipse etiam Petrus in cap. 3. ut auditorum animos retineret in officio. Porro superstitiosi vocantur apud Laëtant. in 4. cap. 28. non qui filios suos superstites optant, omnes enim optamus: sed aut ij, qui superstitem memoriam defunctorum colunt, aut qui parentibus suis superstitibus, colebant eorum imagines domi tanquam deos penates. Nam qui novos sibi ritus assumebant, ut in deorum vicem mortuos honorarent, quos ex hominibus in cælum receptos putabant, hos superstitiosos vocabant vetusti. Eos verò qui publicos & antiquos deos colerent, religiosos nominabant. Vnde Vergilius,

Vana superstitio, veterumque ignara decorum.

Sed cum veteres quoq; deos inueniamus eodem modo consecratos esse post obitum: superstitiosi ergo qui multos ac falsos deos colunt. Nos autem religiosi, qui vni & vero Deo supplicamus. Religionis enim nomen à vinculo pietatis deducitur, quod hominem sibi Deus religarit, & pietate confrixerit. Quia nos seruire ei ut Domino, & obsequi ut patri necesse est. Iam vero quod arā ignoto Deo dicatam attinet, monuit Erasmus ex autoritate Hieronymi, Paulum pia quadam hic usum esse varfricæ, quod nonnihil mutavit in titulo, non pauca omiserit, quo commodius detorqueret ad exordium prædicandi Christum. Titulum enim reuera sic habuisse, Dijs Asiæ & Europæ, & Africæ, Dijs ignotis & peregrinis. Iam ergo illum ex ignotis dijs Deum fecisse ignotum, & mentionem cæterorum omisisse. Et Cælius lect. ant. lib. 12. cap. 2. Ignotis etiam dijs (inquit) fuisse Athenis erectas aras Philostratus scribit. Meminit eius Laërtius quoq; in Epimenide, ut Pausaniam interim taceam. Cæterum idem ille D. Hieronymus clarius & melius hanc rem exposuisse videtur, dum in 16. Ezech. cap. scribens, Signum (inquit) Dominicæ sanctificationis nomen est omnipotentis Dei, quod quatuor litteris Hebraicis scribitur, & apud eos vocatur ineffabile, dum nomen eius non potest dici: cuius maiestatem etiam Gentilitas non ignorat, & Atheniensium testatur ara, Ignoto Deo. Vnde & Apostolus, Quem vos (inquit) ignotum colitis, hunc nos annuntiamus vobis. Atq; hæc quidem cum ijs quoq; congruunt, quæ ex Aristotele in cap. 4. annotauimus.

Deus qui fecit mundum, & omnia quæ in eo sunt.

Græcè ἐστὶ θεός, quasi tu dicas: Hic ille Deus est, qui mundum & omnia in eo condidit. Nunc enim orditur ipsum de Deo negotium, demonstrans quæ sit ineffabilis illa virtus. Demonstrat autem per res creatas, dum ipsum omnium creatorem vocat. Aristoteles quidem perpetuum mundum ingenitumq; esse censuit, nepharièq; impietatis eos insimulandos esse existimavit, qui his cōtraria dissuere. Habuit autem in hac opinione qui ipsum ex philosophis sequuti, idem mordicus defendere: quos omnes hoc loco perstrinxit Apostolus, ex Mose omnium vetustissimo & probatissimo vate sua depromens, quem & Plato (authore Eusebio Euangel. Præparat. 10. cap. 9.) in Timæo suo & Legibus imi-

bus imitatus, vnus Dei meminit, qui omnia potentia sua condiderit. Nec verò solus Plato mūdum creatum sentit, quin & Pythagoras ipse & Stoici genitum à Deo mundum, & suæ naturæ respectu corruptioni obiectum esse tradiderunt, sicuti Plutarchus nobilissimus scriptor refert de Placitis Philosophorum lib. 2. cap. 4. Sunt & Orphei de Deo perelegātia catmina, quæ lib. 13. de Præpar. Euang. citauit Eusebius, ea in hunc modum vertit. G. Trapezuntius;

Vnus perfectus Deus est, qui cuncta creauit,

Cuncta fouens atq; ipse ferens super omnia sese,

Qui capitur mente tantum, qui mente videtur.

Vnde verò Gentes næ Deū creatorem cognoscere potuerint, exposuit Paulus ad Rom. 1. In summa, hæc est mens in præsentiarum Apostoli, Vnus est Deus, qui vnitatem ac potentiam suam rebus conditis declarauit: Vana ergo est multorum religio deorum. Plura apud Ier. in 10. & huius lib. cap. 14.

hic cæli & terræ quum sit dominus, non in manufactis templis habitat.

Quemadmodum multorum deorum religionem confutauit, ita iam ostendit vanam quoq; esse templorum religionem. Veterum aliqui mundum ipsum templum Dei esse dixerunt, cuius spiritus secundum Stoicorum sententiam, per vniuersum mundum pertinet. Quod sanè & ab Orpheo proditum Euseb. asserit. Vnde illud est Lucani Pharsal. 7.

Iuppiter est quodcumq; vides quocumq; moueris.

Et illud Arati,

Iouis omnia plena,

Quem recidere nephas.

Longè autem ante Pauli tempora Xerxes rex à Magis Persarum persuasus Græciæ templa eò propensius inflammasse dicitur, quod parietibus includerent deos, quibus omnia patere & libera esse deberent, quorumq; hic mundus omnium templum esset & domus. Id quod Cicero 2. de Legibus testatur; idem Actio, in Ver. 2. & Strabo de Situ orbis lib. 15. authores sunt Persas nullam erigere statuat. Cuius quidem rei & Atheniensium Philosophi meminisse potuerunt. Iam & Zeno Citicus nobilis philosophus, cuius meminit Petrus Crinitus libro de Honestâ disciplina 14. cap. 12. in hæc verba de Templorum religione philosophatus est, Sacella ac templa construere nihil quidem necesse est. Nihil enim sacrum iure existimandum, neq; pro sancto habendum, quod ipsi homines construxerint. Docent ergo cū sacri tum prophani scriptores pleriq; humanam naturâ ipsosq; homines, sed puros & piè religiosos, Deo acceptissima esse templa, quemadmodum Corinthiis scribens Paulus Apostolus ait: Vos estis templum Dei. Vnde & Origenes contra Celsum multis ostendit rationibus, Templa ad verum Dei cultum veramq; religionem nihil conuenire. Et Firmianus Lactant, vetustus author ait, Non templa Deo congestis in altitudinem saxi struenda sunt, in suo cuiq; consecrandus est pectore, in quod se conferat quum adorat Deum. Vnde illud,

Non habitat templis manuum molimine factis

Omnipotens, ædes aurea verus homo.

Cæterum Apostolus Paulus hoc in loco maximè allusit testimonium Isaïæ quod extat in cap. 66. & de quo nonnihil annotatum est in huius historiæ cap. 7.

nec manibus humanis colitur, indigens aliquo, cum ipse det omnibus vitam & halitum per omnia.

Hæc asserit Dei absolutam perfectionem & beatitudinem, qua ipsum omnium bonorum fontem esse confitemur, nullius opera aut auxilio indigentem. Iisdem autem refutantur omnia externa quæ Deo offeruntur sacrificia. Et Græcè significantius est ἡ ψυχὴ καὶ ἡ ζωὴ πνευματικαί, quasi quis dicat, Neq; verò eget, vt illi humana aliqua inferuiatur suppeditatione. Germanicè forsan reddiderimus felicius, Im wirrnt pflügen mit menschlicher hand: eichung. Causa. Adeo nullius rei indiget, vt nobis potius omnia impartiat, maximè verò ζωὴ καὶ ψυχὴ, id est, vitam & halitum. Posteriori enim veluti exponit quid priore intellexerit. Præterea adiecit, κατὰ πάντα, per omnia, innuens nihil extra hunc Deum subsistere, sed per hunc omnia agi, esse ac conseruari. Et Stoici quidem apud Plutarchum de Placitis Philo. lib. 1. cap. 7. communiter censent Deum esse spiritū per vniuersum quidē mundum pertinentem, appellationes autem identidem mutantem per vniuersæ quam peruadit naturæ confinia. Atq; hoc ipsum dogma redolent hi Maroniani versus,

Principiò cælum ac terras, camposq; liquentes

Lucentemq; globum Lunæ, Titaniamq; astra

Spiritus in eis alit, totamq; infusa per artus

Mens agitat molem, & magno se corpore miscet.

Inde hominum pecudumq; genus vitæq; volantum,

Vana externa sacrificia.

Etiam animam debemus Deo.

Vergilius Aeneidos 6.

*Et quæ marmoreo fert monstra sub æquore pontus
Igneus est Collis vigor & cælestis origo
Seminibus, &c.*

Quin & Aristoteles in libro de Mûdo, Verus (inquit) sermo est à maioribusq; proditus inter omnes homines, vniuersa tum ex Deo, tum per Deum cõstituta fuisse atq; coagmentata, nullamq; naturam satis instructam ad salutem esse posse, quæ citra Dei præsidium suæ ipsa demum tutelæ permissa sit. Quocirca veterum nonnulli eò prouecti sunt, vt hæc omnia dictitarunt deorum esse plena hauririq; eorum spectra ab hominibus, oculis & auribus reliquisq; sensibus. Hactenus Stragiritæ ille. Quæ sane cum ita habeant, nemo est qui non videat stultos esse qui omnium bonorû datori munera ferunt corruptibilia, quû ipse sit ab omni corruptione alienus. Verum plura de hac re Propheta in Psal. 49. & Lactant. de Vero cultu cap. 1. & 2.

fecitq; ex vno sanguine omne genus hominû, vt inhabitaret super vniuersam faciem terræ; præfiniitq; præstituta tempora, præfixitq; terminos habitationis eorum.

Homo.

Dixerat per Deum omnia spirare & esse, idem ergo consequentibus latius exponit, hominis, vt pote nobilissimæ & omnibus dominantis creaturæ, origine & regimine positus in medium. Quibus simul & Epicureorum profligauit sententiam. Negabant enim illi diuinam prouidentiam, vt supra ostensum est Lucretij carmine. Omnia insuper per se fieri dicebant & ex atomis constituta esse. Diuersum ergo hoc loco asserit Paulus, dicens: Vniuersum animantium genus à Deo (hisce enim elucidauit ista Paraphrastes) conditum est, ac per illum viuit, suum quæque genus propagantia. Sed his omnibus dominaturum ex vno homine condidit vniuersum genus hominû, vt incolerent per omnes terræ regiones, præscriptis vnique vitæ spacijs, quæ nemo sibi posset prorogare, ac distributis terræ portionibus, quam quæq; incoleret natio. Proinde per vnum sanguinem vnum intellexit hominem, ipsum inquam Adam.

vt quærerent Deum, si forte palpent eum & inueniant,

Cur conditus
homo.

Anaxagoras philosophus cum ab eo quæreretur cuius rei causa natus esset, respondit, Solis ac cœli videndi gratia. Sed aberrasse illum conuincit hoc loco Apostolus. In hoc enim conditus est homo, vt Deum agnoscat, & cognitum religiosè colat. Sic enim pulchrè ab assertionem Dei transit ad cultum Dei. Ioan. Chrysostomus locum hunc explicans, ita scribit, Non solum dedit vitam ac spiritum & omnia, sed etiam quod est summa omnium, duxit ad sui notitiam, dando hæc per quæ possemus illum inuenire ac comprehendere: sed nolimus quærere, quamuis ante pedes esset. Hactenus Chrysostomus. Quibus congruunt & ea quæ Paraphrastes dilucidissimè & elegantissimè in hunc eundem locum conscripsit, ad hunc modum, Quoniam autem iuxta suam naturam incomprehensibilis est (Deus) ingenijs humanis corporum mole grauatis, constituti homines ratione præditos, vt aliud ex alio possint colligere, ex visibilibus inuisibilia, ex singularibus vniuersalia, ex temporarijs æterna, ex his quæ sensibus percipiuntur, ea quæ non nisi intellectu comprehenduntur, in medio rerû omnium theatro, vt ex rebus conditis, quæ perspicerent oculis, contrectarent manibus, sentirent utilitate, vestigarent ac scrutarentur conditorem: & quemadmodum cæcutientes, palpendo tandem reperiunt id quod videri non potest, ita illi ex consideratione rerum admirabiliter conditarum peruenirent ad aliquam Dei cognitionem. Similia porrò his legas ad Ro. 1. Et quod religionis causa conditus sit homo, multis exposuit Lactantius lib. de Falsa sapientia cap. 9. & 10.

quamuis non longè absit ab vnoquoq; nostrum: Per ipsum enim viuimus, & mouemur, & sumus, sicut & quidam vestratium poetarum dixerunt: Nā huius progenies etiam sumus:

Deus incircū-
scriptibilis.

Correctionis species est. Quasi dicat: Istis autem nolim quisquam intelligat, Deum iccirco circumscriptibilem esse, aut in cœlo duntaxat residentem, obiectis ob oculos nostros syderibus & rebus conditis: quin potius omnia implet. Sic enim dicit apud Ierem. in 23. Num ego Deus sum qui propinquius admota tantummodo videam, dicit Dominus, & longius remota minus? Num abscondet se quisquam in latebris, vt eum videre nequeam, dicit Dominus? Num non cœlû & terram ego impleo, ait Dominus? Præterea ita se homini insinuauit Deus, vt in nulla alia re creata virtus Dei magis quàm in homine elucescat. Exposuit hoc Lactantius copiosissimè in libro de Opificio Dei cõscripto. Rectè ergo dicit Deum non longè ab vnoquoque nostrum abesse, quippe qui per nos operatur, velus

velut opifex per organum ab ipso conditum. Hic enim pertinet illa sententia, Per ipsum enim viuimus, mouemur & sumus. Nam Dei beneficiū est quod spiramus, illico morituri si ille nos destituat: *Deus in homine suo more.* nec alij debemus quod viuī corporis membra suo quæq; officio funguntur, vt oculi prospiciant, pedes ambulent, manus operentur. Est ergo in vnoquoq; nostrum Deus, vt non in alijs magis, quam in nobis ipsis cognosci possit. Bedæ presbytero præsens locus obscurus visus est: at nihil ita clarus & apertus videtur. Nihil enim ab eo dissonat quod in Rom. cap. 12. sic extulit, Quoniam ex illo, & per illum, & in illum omnia. Atque hac quidem ratione quod Deus in nobis, quod mentem indidit vegetam, quod in nobis viuī, dicimur progenies Dei. Id ne illis videretur absurdum, comprobatur Arati testimonio dicentis: *τὸ θεὸν ἡμεῖς ἐκγονοί ἐσμεν.* Nam huius progenies etiam sumus. Monet autē Erasmus Helmutichium esse Heroicum ex Phænomenis Arati desumptum, ac mirē à loue ad Deum verum esse detortum. Cæterum videtur & illa sententia, Per ipsum viuimus, mouemur & sumus, ex Arati monumentis esse desumpta. Eius enim versus aliquot in hanc sententiam citauit Eusebius lib. 13. Præparationis Euang. cap. 7.

*Ab Ioue principium Musæ, Iouis omnia plena,
Quem reticere nephas, Ioue cuncta vtuntur, ab ipso
Nos sumus, ille fouet, cunctis viresq; ministrat.*

Quamquam & Hesiodus, & Homerus, & apud Latinos Vergilius & Horatius Iouem patrem hominum & deorum appellauerunt. Fuit autem Aratus, teste Strabone libro 14. Cilix, patria Solensis, Chrysippi Stoici & Pauli Apostoli conterraneus, & apud Antigonum Macedonum regem in honore habitus. Scripsit inter multa præclarum opus de Syderum positura & imaginibus, carmine Heroico, aliquando à Cicerone, demum à Germanico Cæsare translatus. Porro quomodo homo progenies Dei sit, exposuit Moses Propheta Dei magnus, Genes. 2. cap. & post hunc Philo Iudæus, in libro suo de Mundo conscripto, præterea Ecclesiastici multi. Diuus Hieronymus autem non ineptē ex hoc loco & similibus collegit licere Christianis scriptoribus atque doctores vti testimonijs prophano- rum authorum, sed moderatē. Pluribus ille hanc rem argumentis probabilem fecit, ad Magnum oratorem Romanum.

Aratus poeta.

Genus ergo quum simus Dei: non debemus existimare auro & argento aut lapidi arte sculpto, & inuento hominis, numen esse simile.

Ex præcitis pulchritudinem colligit vanum esse idolorum cultum, siue quis spectat materiam ex qua fiunt simulachra, siue formam quam referunt. Homo enim simulachrum Dei est, ad imaginem Dei creatus, non utiq; secundum carnem aut corpus, nisi in Anthropomorphitarum hæresim inclinare velimus, sed secundum spiritum & mentem. Deus enim spiritus est. Proinde nulla re corporea effigiari potest. Scripsit autem accommoda huic loco Firmianus Lactant. lib. Instit. 2. cap. 18. & 19. dicens: Quicumq; ergo sacramentum hominis tueri rationemq; naturæ suæ nititur obrinere, ipse se ab humo suscitetur, & erecta mente oculos suos tendat in cælum, non sub pedibus quærat Deum, nec à vestigijs suis eruat quod adoret. Quia quicquid homini subiaceret infra hominem sit necesse est: sed quærat in sublimi, quærat in summo. Quia nihil potest homine maius esse, nisi quod fuerit supra hominem. Deus autem maior est homine, supra ergo non infra est: nec in ima potius, sed in summa regione quærendus est. Quare non est dubium quin religio nulla sit ubicunq; simulachrum est. Nam si religio ex diuinis rebus est. Diuini autem nihil est, nisi in cælestibus rebus: carent ergo religione simulachra. Quia nihil potest esse cælesti in ea re quæ sit ex terra. Plura Moses Exodi 20. Deuter. 4. Isaias quoq; in 40. & Paulus ad Romanos 1. Et hæc quidem omnia ita sunt dicta aduersus Athenienses, vt in nos quoq; competant, qui cultu simulachrorum quasuis etiam Gentes superauimus. Nam quod alij obijciunt ex Gregorio simulachra non ad cultum apud nos proposita, sed ad representationem rerum inuisibilium & absentium, adhuc non intelligunt (vt interim id non referam quod palam ad cultum apud nos proposita sunt) quod inuisibilem Deum nulla potest referre visibilis forma vel materia. Id quod non modo hoc in loco Paulus, sed & ad Roma. 1. clarissimis verbis testatus est. Impius ergo est ille colendi modus qui à Nicæna Synodo (non illa quæ sub Constantino magno, sed sub Hirenè Græca Imperatrice, Anno Domini D. CCXC. celebrata) præscriptus, & postea in duo illa carmina ex Græco in Latinum translatus est,

Vanum esse idolorum cultū.

Simulachra ad representandum Deum non idonea.

*Nam Deus est quod imago docet, sed non Deus ipsa,
Hanc vides, sed mente cernas, quod cernis in ipsa.*

Quomodo enim Deus id esse potest, quod imago docet? Aut quid vides in hac præter materiam & formam? Atqui neutrum horum exprimit Deum. Nihil ergo Dei habet imago, & proinde nihil nisi

impietatem & vanitatem docet imago. Impius ergo est imaginum usus siue ad cultum, siue ad memorandum adhibeatur. Sole enim clariora sunt verba Pauli, Non debemus existimare, quod ipsum numen, ipse inquam Deus auro, aut argento, aut lapidi exculpso, aut vilo hominis inuento, similis sit: sed redimus.

Et tempora quidem huius ignorantie cum hactenus dissimularit Deus: nunc annunciat hominibus, ut omnes ubique resipiscant: eò quod statuit diem, in quo iudicaturus est orbem terrarum cum iustitia, per eum virum, per quem decreuerat, fide præstita omnibus, quum excitaret illum ex mortuis.

Christus prædicatur.

Hæc velut altera pars est orationis Pauli, qua temperato iam & cõmunibus testimonijs demulso auditori, penitiora fidei mysteria proponit. Nam per Christum hortatur ad pœnitentiam, ut scilicet resipiscentes à paganismo & vanis philosophorum opinionibus verè se pierati dedant, Christum recipiant, quem hic propter humanam naturam virum vocauit, sicut & Petrus Actuum 2. Errant enim turpissimè, imò & impietatem suam produnt qui ex hoc loco & similibus oppidò paucis scripturæ testimonijs argumenta decerpunt, quibus diuinam Christi impugnant naturam. Neq; enim per pauciora plura scripturæ loca, sed pauca per plura sunt exponenda. Præterea Iudicij horrore inuitat ad pœnitentiam, quemadmodum & Petrus Acto. 3. Dicit item Christum illum esse, per quem Deus statuerit innouare ac restituere mundum. Proinde cum miserit illum, præstitisse fidem, id est, satisfecisse promissis. Porro quod hic ille magnus Dei legatus sit, liquere ex Resurrectione, quæ diuinitatis Christi maximum & verissimum argumentum est. Verum cum hæc omnia accisa ac breuia sint, iterum claret Lucam vestigia tantum adumbrasse orationis Paulinæ, qua nimirum is copiosissimè totum negotium Christi exposuit. Illud autem notandum quod prædicationem Christi cū Occupatione cœpit. Ne enim obijcerent, Si ita habet religionis ratio, quid factum est, ut hæc ad huc modum non citius fuit exposita nobis? Id enim præuenit, & ait: Errastis sanè & pœna digni eratis, sed errorem dissimulauit Deus, nò quod illi placeret, sed quod aliquando ad resipiscentiam vocare veller. Id verò tempus iam adesse annuntio. Filium enim misit Deus, lumen omnium Gentium, &c. Iam ne illud quenquam remoretur, quod dixit, Ut omnes ubiq; resipiscant, sciendum est eiusmodi loquutiones respicere Synecdocham, & de electis ac credentibus intelligi, nempe quod omnes qui saluantur per Christum saluantur. Præterea clarissimis verbis testatur Christum iudicem à Deo esse constitutum, sed & carnem nostram in vltima die de terra resurrecturam, id quod Gentibus videbatur absurdissimum. Atqui mirum erat id illis posse incredibile videri, quod tam apertis verbis ea testabantur oracula quæ apud ipsas quoq; fidem habebant. Siquidem Sybilla, ni fallor, Cumæa, de iudicio & mortuorum resurrectione ferens testimonium apud Eusebium ait,

Christus est lumen mundi.

Ἰζηεὶ δὲ ἐργασθεὶς βασιλεὺς αὐτῶν ὁ μέλλων,
Σάρκα πατρῶν κρῖναι πᾶσαν, καὶ νόμον ἅπαντα,
Ὁφονται δὲ θεὸν μέγας πῖστοι καὶ ἄπιστοι.

Epilogus.

Iam si summam rerum colligamus quæ nobili & erudita hac oratione didicimus, iam nihil aliud videmus præceptum, quàm vnum esse Deum, huc verò solum esse colendum, colendum autem rebus spiritualibus, hoc est, fide & resipiscencia, quæ ille misso filio orbi annuntiarit, &c. Hisce porro denuo ruunt omnia quæ falsa religio tradidit de cultu Diuorum simulachrorum & id genus stultitijs alijs.

Cum audissent autem resurrectionem mortuorum, alij quidem irridebant, alij verò dixerunt: Audiemus te de hoc iterum. Sic Paulus exiuit è medio eorum. Quidam verò viri adhærentes ei, crediderunt, in quibus & Dionysius Arcopagita, & mulier nomine Damaris, alijq; cum eis.

Quod sæpe iam in hoc libro audiuius iterum ingeritur, alios quidem credere alios minus. Multi enim vocati sunt, pauci verò electi. Irrident ergo Philosophi mundana tumentes sapientia verbum veritatis: sed & dubio responso relinquunt Paulum, cum dicunt, Audiemus te de hoc iterum, quod cum ironia quadam ac contemptu mihi dictum videtur. Alij in meliorem partem interpretantur. Tertullianus in opere de Resurrectione carnis, hunc locum citans, Athenienses (inquit) irriserunt Paulum, nò irrifuri omnino, si animæ solius restitutionem ab eo audissent. Suscepissent enim vernaculæ suæ philosophiæ frequentiore præsumptionem. Iam quæ de Dionysio hoc à doctis viris in vtranque partem disputata sunt, alijs contendentibus hunc illum ipsum esse cuius libri extant de Diuinis nominibus & Cœlesti hierarchia conscripti, alijs prorsus abnegantibus, non video quid com-

Dionysius Arcopagita.

quid commodare aut incommodare possint pietati. Proinde otiosioribus decernendi relinquo sententiam: ego ad historiam sacram redeo. Porro Areopagita iudices erant Athenienses severissimi. Vnde postea natum prouerbium, Areopagita. De quo Erasmus Chil. i. cent. 9. Adag. 41. & Budæus in Pandect.

CAPVT XVIII.

Post hæc Paulus digressus Athenis venit Corinthum, & nactus quendam Iudæum, nomine Aquilam, Ponticum genere, qui nuper venerat ab Italia, & Priscillam uxorem eius, eo quod præcepisset Claudius, omnes Iudæos Roma decedere: accessit ad eos, & quia eiusdem erat artificij, manebat apud eos & operabatur. Erat autem ars illorum texere tabernacula.



OST res Athenis gestas venit ad astra Corinthi celeberrima Achaë vrbæ patrata. Fuit Corinthus celeberrimum, totius Græciæ emporium, quod Ciceru vocauit Græciæ lumen: opulentum quidem, sed luxu, libidine & fastu longe corruptissimum. Id quod vel ex illo liquet prouerbio, Non cuius homini contingit adire Corinthum. Nec temere norauit Lucas hospitem Aquilam. Nam Dominus iussit habere rationem eorum, apud quos viuas, aut ad quos diuertas. Caterum duos Aquilas historiæ memorant, vtrunque Ponticum genere, id est, in Ponto natum. Et alterum quidem profelytum, qui vetus instrumentum post LXX. interpretes conuertit in Græcam linguam: quemadmodum & Symachus, & Ephesus Theodotio, quorum in Ecclesiast. histo. meminit Eusebius lib. 5. cap. 8. Alterum Iudæum genere, cuius hic Lucas interuenit & Paulus ipse ad Romanos. 16. At edicti huius cuius hoc loco mentionem facit Lucas, meminit & Orosius historiæ lib. 7. Suetonium (opinor) imitatus, qui in Claudio sic scribit, Iudæos impulsore Christo, atque due tumultuantes, Roma expulit. Quod quidem verum contra Christum (vt Beda scribit) tumultuantes, coerceri & comprimi iusserit, an etiam Christianos simul, seu incognitæ religionis homines voluerit expelli, non satis constat. Certe C. Caligula ante Claudij tempora persecutionem in Iudæos satis acerbam mouit, cuius ex Philone Eusebius meminit Ecclesiast. histo. lib. 2. cap. 5. Porro *οικουοισι* vterunt tabernaculorum siue tentorium textores siue artifices, loquentes de sagis coreaceis, lineis, lanceis siue cilicinis, vt nunc Germanice recte vocaueris, *Särgen/tapeten/oder gältenmacher*. De Scenis autem plura Cælius in 5. cap. 8. Verum hoc Pauli exemplo discimus laborem ornare virum bonum, otium dehonestare. Vnde Heraclides Lycius, vt scribit Philostratus in vita Sophistarum, vnum librum laudibus laboris dedicauit, sine quo dicebat nihil in rebus humanis frugiferum geri posse, adeoque probari, vt cassus etiam labor (modo non vitiosus) sit otio ac delictis antefereendus. Et Socrates, Opus conferre distabat ad hominis bonitatem, otium vero vitium. Pythagoræ quoque sententia fuit, legendam esse ab initio vitam optimam ac laboribus quam maxime exercitam, quam consuetudo paulatim ex aspera dulcem redderet. Laborem namque voluptatem quouo modo semper comitari. Si bona sit voluptas, ille præcedit: si autem mala, labor subsequitur. Euripides *οὐκ ἔστι γὰρ αὐτὴν ἀνὰ τὴν γῆν*, Labor vt dicitur gloriæ pater. Nam alibi clarius, Nullo modo (dicit) quis citra laborem felix esse, neque gloriam assequi vllam nihil agendo potest. Refert ex M. Catone A. Gellius in 4. cap. 12. non sine pœna fuisse, si quis apud Romanos agrum suum aut arborem aut vineam passus fuerat sordescere derelictumque habuerat. Valerius quoque Maximus de institutis lib. 2. cap. 1. Malsiliensium mores referens, Omnibus (inquit) qui per aliquam religionis simulationem alimenta inertie quærunt, clausas portas habet Malsilia. Non ergo quenquam in ciuium numerum censebant, qui nihil artificij noscet quo victum pararet. Quin & Corinthus ciuitas ceteris corruptior, legem habuit sumptuariam, otium dampnantem quod raro est sine luxu, & commendantem laborem. Eam apud Athenæum lib. 6. Diphilus, interprete Erasmo, refert hisce versibus,

*Hoc lege cautum est hic apud Corinthios,
Si quempiam obsonare semper splendide
Videmus, hunc rogamus, vnde viuat, &
Quid faciat operis? Si facultates habet
Vs reditus harum soluere expensas queat,*

Corinthus.

Matth. 10.

Iudei Roma expulsi.

De labore.

Lex sumptuaria Corinthiorum.

*Perpetimur illum perfrui bonis suis.
 Sin forte sumptus superat ea quæ possidet,
 Prohibemus huic ne faciat hoc in posterum.
 Ni pariat, iam plectitur multa graui.
 Sin sumptuose uiuit, is qui nihil habet,
 Tradunt eum tortoribus. Proh Hercules.
 Nec enim licet vitam absq; malo vlllo degere
 Talem scias, sed est necesse aut noctibus
 Abigere prædam, aut fodere muros ædium,
 Aut hæc patrantur iungier commercio,
 Aut in foro agere sycophantam, aut perfidum
 Præbere testem. Nos hoc mortaliū
 Eijcimus hac ex vrbe, velut purgamina.*

De otio.

Paulus itaque ne cui oneri esset, aut cuiquam calumniandi accusandique (cum Euangelij prædicatione aliàs satis haberet odij) suppeteret, manibus laborauit: vt ipse de sese testatus est in 2. ad Corinth. 11. cap. Ad Thessalonicenses vero scribens in 2. cap. 3. damnat otiosos. At cum de Otio loquimur, de in honesto & illiberali loquimur. Est enim literarium otium præmodum honestum, & quod plus negotij habet quam otij. Qui ergo diligenter incumbit literis, Verbi Dei ministri, non otiantur, & de Euangelio viuere possunt, id quod ipse Paulus tradidit in 1. ad Corinth. 9. cap. Non enim hoc Pauli factum omnes verbi ministros (vt ex verbis Petri Act. 6. ostensum) deuincit ad mechanicas & sellularias artes: quod ipsum & ipse Apostolus palam testatus est in 2. ad Thess. 3. cap. sed nonnihil tum erat & temporis & legibus & hominum moribus dandum. Cato autem dicebat viro nobili quemadmodum negotij sic & otij rationem extare oportere. Hoc item Seneca in Epistolis amplectendum suadet honesto & prudenti viro. Et alibi, Crede mihi (ait) plus agunt qui nihil agere videntur. Vnde fortassis Bernhardus mutasse videtur hanc sententiam, Otium est vacare Deo, imò negotium negotiorum, vbi nullum admittitur otium. At de vtroq; cum labore cum Otio plurima commentatus est Solomon in Proverbijs, & Cælius in 6. cap. 23. Quin & Seneca lib. Epist. 11. Epistola 83. De sacrificiis vero & monachis Papisticis istud quis Horatii dictum esse intelligere possit:

*Nos numerus sumus, fruges consumere nati,
 Sponsi Penelopes, nebulones, Alcinoi q;
 In tute curanda plus æquo operata iuuentus:
 Cui pulchrum fuit in medios dormire dies: &
 Ad strepitum citharæ cessatum ducere curam.*

Dignissime ergo in hunc locum de labore Pauli annotans Erasmus exclamat, O verè Pontificem, verè suisq; dotibus maximum. Non satellitio, copijs, censu, minis, magni videri volumus.

Disputabat autem in synagoga per omne sabbatum, suadebatq; Iudæis pariter & Græcis. Cum venissent autem è Macedonia Silas & Timotheus, coartabatur spiritu Paulus, testificans Iudæis, Christum esse Iesum. Contra dicentibus autem eis, ac blasphema loquentibus, excussis vestimentis, dixit ad eos: Sanguis vester super caput vestrum. Mundus ego posthac ad gentes vadam.

Idem dicitur quod iam sæpe dictum est, quocirca nulla copiosiore egent expositione, nisi hoc fortassis annotandum sit quod Suadebatq; ^{in ebris} posuit pro persuadere cupiebat: qui ardor aduentu è Berrhoea Timothei & Silæ magis exarsit, nimirum quod hic felicem Euangelij successum apud Macedonas nuntiarent, quo per motus cupiebat & in Achaia multos Christo lucrificere. Alij intelligunt inuitum illum & animo reluctantem id fecisse, ceu præsentiret se lusurum operam. De excussione vestium dictum est in capite 12. Cæterum præsentia Pauli verba, Sanguis vester super caput vestrum, & ex 3. Ezech. ca. desumpta sunt, & Hebraïsmum resipiunt, quo significatur sua culpa mori & perire illum, qui perit & moritur. Sic enim dixit Dauid 2. Reg. 1. Sanguis tuus super caput tuum, id est, tua culpa peris, quod Christum Domni interfeceris.

Sanguis vester
super caput ve-
strum.

Et migrans inde, intrauit in domum cuiusdam, nomine Iusti, colentis Deum, cuius domus erat contigua synagoga. Crispus autem archisynagogus cre-

gus credidit Domino cum tota domo sua, multiq; Corinthiorum audientes credebant ac baptizabantur.

Non sine fructu Euangelium prædicaui. Nam magnatem Crispum, virum autoritatis eximie, Iustum quoque & Corinthiorum plurimos ad fidem veram pertraxit. Huius Crispi meminit aliàs Paulus in 1. ad Corinth. 1. cap.

Dixit autem Dominus nocte per visionem Paulo: Noli timere, sed loquere, & ne taceas, propterea quod ego sum tecum: & nemo adoriatur te, vt affligat te: quoniam populus est mihi multus in hac ciuitate. Sedit autē ibi annum & sex menses, docens eos sermonem Dei.

Non deserit suos Dominus, sed in medijs adest tribulationibus. Intelligimus enim Paulum *Consolatio Do* nonnihil cogitasse de relinquenda Corintho. Proinde ne abiret & quo alacrius ministerium suum *mini.* contra Iudæorum insultationem exequeretur, confortatur à Domino. Caro enim timet, pericula declinat, & mortem horret, neq; quicquam molestiæ propter Dominum sustinere potest. Proinde gratia Dei nobis opus est, qua etiam sumus quod sumus. Deus autem qui iuuenes à flamma fornacis ardentis seruauit, idem potens est nominis sui confessores ex impiorum manibus eripere. Huc cōfer ea quæ Dominus consolationis vice Apostolis dixit Matthæi decimo, & Ieremiæ, apud Ieremiam *Libertas dicendi.* in primo. Discant autem & ministri verbi timore posito, & omni spe in vnum Deum collocata, constanti animo veritatem loqui, & nihil prorsus dissimulare. Non deerit Dominus negotio suo, qui & si pro voluntatis suæ dispensatione mortis terror subeundus sit, suorum animos ita confortare potest, vt mortem intrepide oppertant. Aduerte item Electionis ac prædestinationis euentiam in eo *Electio.* quod ait, Quoniam populus est mihi multus in ciuitate hac. Iam quod integrum annum & menses sex Corinthi prædicaui, potentiam Dei commendat, quod tanto tempore inter insipientium & insidiantium furias securus agere potuit. Interim ipse de sese testatur in 1. ad Corinthios secundo capite, quod maximo inter ipsos tremore sit versatus. Vbi & omnem successum, victoriam & virtutem vni Deo tribuit.

Cæterum cum Gallio ageret proconsulem Achaia, insurrexerunt vno animo Iudæi in Paulum, & adduxerunt eum ad tribunal, dicentes: Contra legem hic suadet hominibus colere Deum.

Nequit concepta quiescere inuidia. Proinde emicat aliquando & dira in eum fundit venena quem odio prosequitur. Nequeunt ergo & Corinthiorum quiescere Iudæi, sed in hac quoque turbamur auctores Paulum inuadunt, capiunt, iudici offerunt & accusant. Quod autem cæteri Iudæi haestenus Paulo impeerunt idem & hi impingunt, Legis Dei & veræ religionis esse aduersarium. Quod inde videtur enatum quod Christum prædicaret, & in hoc omnem iustitiam: quo dogmate illi credebant legem & omne id in quo veram constituebant religionem esse reiectum. Proinde accusatione, Secus (inquiunt) suadet hominibus colere Deum, quam lex Mosis tradiderit. Hæc enim ceremonias præcipit, quæ ille contemnit, vnico contentus Christo. Vide autem quomodo promissiones Dei non prorsus eximant cruce. Promiserat ille, Nemo affliget te: nihilominus affligitur, quemadmodum & Ieremias Ieremiæ 20. qui tamen audierat, Ego facio te ciuitatem munitam. Quanquam ergo promittat nobis Deus securitatem, ea tamen non sine afflictione contingit: interrim vero ex omnibus malis eripit, quoniam verax est & mentiri non potest. Id quod & Paulo in præsentiarum præstitit.

Protectio Dei non sine cruce.

Cum autem Paulus iam pararet aperire os, dixit Gallio ad Iudæos, Si qua iniuria esset, aut facinus malum, ô Iudæi, merito vos sustinerem: si vero questio est de sermone ac nominibus & lege vestrate, vos ipsi videritis. Iudex enim ego horum nolo esse. Et abegit eos à tribunali.

D. Chrysostomus existimat Gallionem hunc defendisse Paulum. Sed si omnia propius expendimus, videbimus Gallionem fuisse virum prorsus prophanum, qui vt Pauli dogma de Christo contempsit, iam Iudaicam superstitionem, propter rixandi libidinem, his veluti cognatam, prorsus odio habuit. A quo ergo responso, quo suæ autoritati suoq; satisfecisse videretur officio, tumultuantes à se reijcit, & ait, Si actio esset fori mei, aut iniuriarum, aut capitis, audirem vtriq; accusationem vestrâ: cæterum cum tota questio versetur in disceptatione de lege vestra meum non est videre de super-

Gallio propheta.

stitutione vestra. Contemptim autem omnia illa pronuntianda sunt, sed & Catalogus quo ille capita Iudaicæ superstitionis aut accusationis etiam, recenset, maximum contemptum lapit. λόγον, enim, hoc est, sermones siue verba non tantum factis opposuit, sed fabulas magis intellexit. ὀνόματα vero, hoc est, nomina ipsas vocauit Iudaicas genealogias, & νόμους legem ipsas ceremonias. Cæterum in hoc ille non peccabat quod contentioni istæ se immiscere, aut de incognitis temere pronuntiare, aut Iudæis in condemnando Paulo gratificari noller, sed in eo quod incuria quadam neglectuque iustitiæ virum bonum eorum permittebat libidini, quorum mens & iudicium ipsi erant suspecta. Verum inuenias & hodie Galliones inter proceres plurimos, qui vel odio aut contemptu religionis, vel animi leuitate, vel prophanarum rerum studio, religionis causas omnino audire nolunt. Inuenias alios hoc Gallione stultiores, qui Diplomatis & Mandatis eorum superstitionem fulciunt, quos certum est impios esse, & sanæ doctrinæ proprii commodi studio aduersari. Utinam tum quoque auarorum à se pharizæorum querelas rejicerent, sicut vident Gallionem Iudæorum inuidam à se repulisse querimoniam.

Apprehensum autem omnes Græci Sosthenem principem synagogæ, percutiebant ante tribunal, neque quicquam eorum Gallioni curæ erat.

*Protectio Dei
eximia.*

Quamquam arbitrio eorum permisisset Paulum, tamen in illum nihil audebant crudelius. Maxime quod Dominus pollicitus fuisset, Nemo adoriatur te vt adflagit te. Proinde conatus istorum virtute sua reprimebat Dominus. Quin olim quoque aduersus Christum nihil audebant Hierosolymis, licet Pilatus dixisset, Accipite eum vos & secundum legem vestram iudicate eum. Cæterum cum non ignorarent Sosthenem synagogæ principem, cuius mentio fit in 1. ad Corinth. 1. cap. Pauli promouisse consilia, artibus quibusdam concitarunt Gentium manus in caput Sosthenis, quasi omne malum ab hoc promanaret. Persuaserant enim sibi ipsis Paulum nihil acturum fuisse Corinthi, nisi huius fauore fultum. Ceditur ergo vir optimus. Neque vero iniuriam coercet proconsul, qui semel decreuerat religionis negotia, aut ex religione deriuata, prorsus in forum suum non intromittere. Ioannes Chrysostomus in ea videtur fuisse sententia, quod Sosthenes hic fuerit Iudæus, princeps eorum qui causam aduersus Paulum egerint. Dicit enim, O confusionem qua confusi sunt. Quasi Græci indignitate rei, & quod viderent Gallionem res Iudaicas floccifacere, permoti, ceu victis insultarint. Sed prior sententia, si omnes expendantur circumstantiæ magis quadrabit.

Paulus vero deinde commoratus dies multos, vale dicto fratribus, abnauigauit in Syriam, comitantibus eum Priscilla & Aquila, posteaquam raserat caput in Cenchreis: habebat enim votum.

Votum Pauli.

Non sic accipiendum est, velut recta in Syriam nauigauerit ex Cenchreis Paulus, cum Ephesum prius appullerit, vbi Priscillam & Aquilam reliquit, ne quis obiter intelligat illos Paulum in Syriam comitatos fuisse. Proinde more Hebraico summam hætenus propositam, mox per partes digerit & exponit. De voto Pauli, cuius hic meminit Lucas, nemo melius scripsit Paraphraste, cuius verba hæc sunt: Quoniam autem Paulus intellexit Iudæos ob hoc potissimum tumultuari, quod videretur negligere ritus legis homo natus in Iudaismo, priusquam solueret Cenchreis (is est Corinthi portus) tondit sibi caput, suscepto voto, iuxta morem Iudaicum. Erat hæc non fraudulenta simulatio, sed obsequium charitatis. Cupiebat enim omnes adiungi Euangelio: & ideo semet omnium ad festibus quoad licuit attemperauit, vt omnes Christo lucrificaret, Iudæis factus Iudæus, incircumcisis incircumcisis. Datum est hoc ad tempus inuincibili quorundam superstitioni, donec se clarius proferret Euangelica veritas. Neque enim tondere caput ex voto per se malum est, sed huiusmodi Iudaicis ceremonijs fidere malum est. Quemadmodum nec circumcisio lædit fidentem in Christo, nec præputium, in quibus nonnuquam obsequi charitatis est, sed ad tempus, sed ubicunque datur opportunitas reclamando. In alijs quæ per se mala sunt, non oportet obsequi cuiusquam inbecillitati. Neque enim in scortationibus aut in cultu simulachrorum Paulus vnquam obsequutus est Gentiliis in commertio, in negligendo ciborum delectu, in citandis illorum poetis, nonnunquam est obsequutus. Hætenus ille. Locus autem de votis Iudaicis extat Num. 6. in quem cætera quæ annotanda videbantur, annotauit vir doctissimus & piissimus Choutradius Pellicanus Ecclesiæ nostræ

*Choutradius Pel
licanus.*

Hebraicarum literarum Lector fidelissimus in suis illis Bibriorum Commentarijs. Sed de votis Christianorum alibi fortassis offerret se dicendi occasio commodior. Beda presbyter codicem se vidisse tradit, qui pluratio numero habuerit, Tonderunt caput, & habebant votum, vt ad Aquilam & Priscillam referretur. Quin & Erasmus, Ex ipso (inquit) sermone Græco non liquet vter sibi raserit ca-

ferit, caput, Paulus an Aquila. Ego sane libentius retulerim ad Aquilam, utpote proxime præcedentem, & quod participium præteriti temporis *καταμνησάμενος*, id est, rato capite, nescio quid huius referre videtur. Quamquam priori sententiæ magis adminiculetur quod Aquila Ephesi relictus est, *Visitatio episcopalis.* & Paulus Hierosolymam abnauigauit. Cæterum nulla causâ crediderim hoc itineris instituisse Paulum, quam quod inuideret fratres, atq; Ecclesias iam olim sua prædicatione ad Christum conuerſas, confirmaret. Monuimus enim cum diligentia, tum prudentiæ esse parâ tueri. Nostri episcopi non raro ita adhærent sedibus, ut spongas esse credere pulsas, suis annexas rupibus: nec abeant longius, nisi aut venatio inuitet, aut lentum alliciat otium.

Deuenitq; Ephesum, & illos ibi reliquit. Ipse vero ingressus synagogam, disputabat cum Iudæis. Rogantibus autem eis, ut tempore ampliori maneret apud se: non annuit, sed vale dixit illis, dicens: Oportet omnino me festum quod instat agere Hierosolymis, sed iterum reuertar ad vos, Deo volente.

Vbiq; describitur Pauli diligentia, seruior & ad benefaciendum promptitudo: in hoc ut & animi nostri excitentur ad rerum optimarum studium. Quod autem rogatus Ephesi manere, non annuit, sed in Syriam festinat, satis magno argumento est, Paulo Hierosolymis & Antiochiæ magnum aliquod fuisse negotium, ad quod expediendum tanto animi seruiore properauit. Interim vero ne & Ephesijs pietatem veritatemq; sitientibus deesset, Aquilam ibi relinquit, & reditum pollicetur, si Domino visum sit. Nam cum conditione de rebus futuris loquendum esse docuit & Iacobus, Iacobi quarto capite.

Et soluit Epheso, cumq; peruenisset Cæsaream, ascendissetq; & salutasset Ecclesiam, descendit Antiochiam. Et commoratus illic aliquantum temporis, profectus est, perambulans ex ordine Galaticam regionem ac Phrygiam, confirmans omnes discipulos.

Lucas hoc loco eleganti & dilucida breuitate vsus, indicare tantum loca illa voluit, ad quæ profectus est Paulus, velut vestigans ad earum rerum descriptionem, quæ Ephesi post reditum Pauli contigerunt. Itaq; Epheso soluentem recta Cæsaream Palaestinæ, non Capadociæ (quod Beda existimat) venisse tradit, mox Hierosolymam ascendisse vihem, editiori loco sitam (Iudæa enim ad Syriam Cœlem & maritima loca collata, sublimior est) deinde profectum esse Antiochiam, & Galaticam regionem Phrygiaq; peragrata Ephesum rediisse. Nihil autem in omnibus illis regionibus, & vrbibus egit, quâ ut Ecclesias confirmaret, quemadmodum superius quoq; in cap. 15 & 16. factum audiuius.

Iudæus autem quidam Apollos nomine Alexandrinus genere, vir eloquens, deuenit Ephesum, potens in scripturis. Hic erat institutus in via Domini, & feruens spiritu loquebatur, & docebat diligenter ea quæ sunt Domini, sciens tantum baptisma Ioannis. Et hic cœpit libere loqui in synagoga. Quem quum audissent Priscilla & Aquila, assumpserunt eum atq; exactius exposuerunt ei viam Dei.

Intertextit aliam quandam de Appollo historiam, quod hæc nonnihil faceret ad res Ephesias, *Apollo laus.* & Euangelij commendationem, quod tantos habuit ministros. Laudat autem hunc à summis quibusque donis, nempe ab eloquentia, scripturarum non vulgari peritia, à feruente spiritu, insigni diligentia, loquendi libertate, & à tractabilitate. Humanitatis enim erat quod vir tantus & tantis pollens virtutibus multo inferiorum cum gratulatione institutionem suscipiebat. Discamus ergo exemplo viri tanti, à quibusuis, quales quales sint, ea quæ ad salutem faciunt, discere. Videmus enim non omnia vni Deum dedisse, sed cognitionem veritatis gradibus quibusdam assurgere. Existimabat Apollos se probe in Euangelico institutum esse negotio, sed deerant ipsi plurima. Hinc Lucas, Sciens (inquit) tantum baptisma Ioannis. Arbitrabatur enim se scire doctrinam Ioannis, cum reuera nondum sciret quemadmodum scire conueniebat. Haftenus enim non vno testimonio probauimus eandem esse doctrinam Christi & Ioannis. Proinde si recte Ioannis doctrina imbutus fuisset, proculdubio ipsi neq; Christianæ doctrinæ quicquam defuisset. Neque enim hæc verba *ἰσχυροῦς πνεύματος καὶ λόγις μάλα ἰσχυρὸς*, id est, sciens tantum baptisma Ioannis, de baptismo aquæ, sed de baptismo doctrinæ sunt intelligenda, Quis enim sanæ mentis dixerit: Sciens tantum aquam, aut de aquæ baptismo Ioannis? Doctri-

Ecce hic nulla
fit baptis-
mi, sed doctrinæ
memio, ergo
baptismus po-
nitur pro do-
ctrina.

nam ergo intellexit, in qua Apollos non sane aut plene erat institutus. Atque hanc sententiam iu-
uant, & præcedentia & consequentia. Præcedentia, Hic erat *ακατηχημένος*, id est, catechumenus, id est, ru-
dimenta edoctus, viæ, hoc est moris & negotij Domini. Consequentia, Aquila & Priscilla assumpse-
runt eum, *καὶ ἀκρίβως τοῦ λόγου*, id est, acuratus siue exactius instituerunt eum in via Domini. Non aliud tra-
dunt aut in alia instituunt via, sed in eadem, sed exactius. Quod ergo deerat illi non doctrinæ culpa
fuerat, sed Appollo, qui nondum ita plene negotium Christi intellexerat. Ita paulo post in 19. capite
audiemus & Ephesios illos duodecim viros, nimirum huius Appollo institutione in religione do-
ctos, respondere se Ioannis baptismo tinctos esse, id est, Ioannis doctrina imbutos, cum reuera non
secius docti essent, quam quod cogerentur à Paulo primum certius discere quæ esset Ioannis de
Christo sententia. Faciunt autem hæc plurimum ad robur eius expositionis, quod baptisus in cap.
10. accipiat pro doctrina. Porro hic est ille Apollos, cuius ipse Paul. meminit in 1. ad Cor. 1. & 3. cap.
honorificā eius mentionē faciens, dum eum inter Euangelij ministros potissimos recenset. Et certe
vir erat immortalitate & æterna gloria dignissim⁹. Cuius exemplo discimus quæ sint viri optimi do-
res optimæ, nō utiq; opes terrenæ, sed eruditio, eloquētia, pietas, ardorq; agendi. Sed ne illud quis i-
gnoret, & Apollos putet in tertia Latinorum inflexione declinandum, Apollo, Apollinis, Apollini.
Apollos in quarta Græcorum inclinatione, quæ Atticorum vocatur, sic flectitur. In recto, Apollos,
Genitiuo Apollo, Dativus Apollo, &c. Itaque in 1. ad Corinth. 1. Cap. Ego quidem sum Pauli, ego ve-
ro Apollo, ego vero Cephæ. Apollo Genitiuus est Atticus. Verum hæc minutula sunt & puerilia, in-
terim tamen propter rudiores annotanda.

Quum autem vellet ire Achaïam, exhortati fratres scripserunt discipu-
lis, ut susciperent eum. Qui quum venisset, contulit multum his qui credide-
runt per gratiam. Vehementer enim Iudæos reuincebat publice, ostendens
per scripturas, quod Iesus esset Christus.

Commendatio
fratrum.

Perrinent & hæc ad laudem Apollo. At nos interim ex iisdem discimus, quod viros spectatæ
probitatis & qui frugi sunt Ecclesiæ, Ecclesijs possimus commendare. Neque vero commodum es-
se, ut quosuis citra optimorum commendationem recipiamus. Plurimum autem ille potuit quod pi-
us esset, & pietati iunxisset eloquentiam cum eruditione: quæ quidem per se laudatissima, nocentis-
sima fiunt, si incidant in hominem impium. Elegans est contra fitlem loquacitatem caput Gellij in
Atticis noct. lib. 1. cap. 15. Monuit autem Erasmus particulam *ἐν χάριτι*, id est, Per gratiam, adiectā
esse, ut intelligeremus moneri esse diuini quod conduceret Christianis: vel quod credidissent. Sum-
ma autem doctrinæ Appollo erat, quod Iesus esset Christus, id est, verus Messias & saluator. Atque
hic omnium orationum & epistolarum Apostolicarum scopus est.

CAPUT XIX.

Factum est autem, cum Appollos esset Corinthi, ut Paulus peragris supe-
rioribus partibus, veniret Ephesum, & repertis quibusdam discipulis, di-
xit ad eos: Num Spiritum sanctum accepistis postea quam credidistis? At il-
li dixerunt ad eum: Imò neq; sit ne Spiritus sanctus, audiuius. Et ait ad il-
los: In quid ergo baptizati estis? At illi dixerunt: In Ioannis baptisma. Dixit
autem Paulus: Ioannes quidem baptizauit baptismum pœnitentiæ, populo
loquens de eo qui venturus esset post ipsum, ut crederent, hoc est, de Christo
Iesu. His auditis baptizati sunt in nomine Domini Iesu. Et quum imposuisset
illis manus Paulus, venit Spiritus sanctus super eos, & loquebantur lin-
guis, & prophetabant. Erant autem omnes viri ferè duodecim.

Veterū senten-
tia de baptismo
Christi & Io-
annis.



MAXIMAS hic locus turbas semper cum apud veteres, tum apud nostræ ætatis homi-
nes excitauit. D. Cæc. Cyprian. ad Iubaianum de hæreticis baptizandis, huius loci præsi-
dio, contendit, semel baptizatos ab hæreticis, denovo baptizandos esse à Catholicis, quod
hoc loco dicantur ij Christi baptismo esse secundo tincti, qui prius fuerint Ioannis ba-
ptismo baptizati. Diuus quoque Hieronymus aduersus Luciferianos in principio fere opusculi, Io-
annis

annes Chrysostomus & Beda in hunc Lucæ locum commentantes, existimant & ipsi, duodecim hosce viros, secundo aqua à Paulo fuisse Baptizatos. Separant enim Ioannis baptismum à Christi baptismum, hac ex causa, quod illius inefficax pœnitentiæ duntaxat baptismus: huius vero efficax: & baptismus remissionis peccatorum fuerit, adeo ut nunc Ioannis baptismate baptizati, primo non sint baptizati, sed denuo in Christi baptismate rebaptizandi. Iam & nostrorum temporum Catabaptistæ ex hoc loco suum dogma de Catabaptismo aduersus infantium baptismum fulcientes, neminem baptizandum esse contendunt, nisi prius crediderit. Hinc enim Paulus (inquiunt) Ephesus secundo baptizauit, quod ad baptismum primum susceptum, non vere crediderunt. Proinde quum infantes ad primum baptismum non crediderunt, adulti iam retinendi sunt. Cæterum ut veterum opinio (pace ipsorum dixerim) incircumspectior est, ita Catabaptistarum prorsus sibi non constans vanissima est. Siquidem certo constat ne Apostolorum quidem aquæ baptismum efficacem esse, nisi signo cooperetur fides & electio Dei, quæ quidem non ab homine, sed solo Deo confertur. Nihil ergo in disputamus de interiori spiritus baptismo, quo solus Christus baptizat, sed de externo loquimur baptismi sacramento, quod quidem vnicum esse sæpe iam probauimus. Non enim alius à Christi baptismate (de externo aquæ loquimur) est baptismus Ioannis. Illi aiunt Ioannis baptismum pœnitentiæ esse baptismum, & non remissionis peccatorum. Christi autem baptismum remissionis esse baptismum. In hoc paralogizantes quod illud aquæ tribuunt, quod reuera spiritus est. Nam & Apostolorum, qui Christi quoque dicitur baptismum, peccatum non expiat, nisi fides & electio præcant. Philippus enim Apostolus Simonem baptizauit, qui tamen à peccatis minime purgatus est. Significat ergo Christi baptismus peccatorum remissionem conferri per Christum, in quem consignatur baptizatus, ut in hoc vitam quærat, & per fidem vitam suam mutet in melius. Ita enim loquantur de baptismis sacri scriptores, in primis Matthæus in vigesimo octauo, & Paulus ad Roman. sexto. Ista vero si & in Ioannis baptismum significari deprehenderimus, quid prohibebit quo minus eundem dicamus esse baptismum Ioannis qui & Christi est? Audiamus ergo Euangelistarum testimonia, Matthæus de Ioanne testatur, quod dixerit se aqua tantum consignare, & illic hac tessera obstringere qui post se venturus esset & igni spirituque baptizaturus, id est, peccatorum remissionem exhibiturus. Lucas vero multas pœnitentiæ, hoc est melioris vitæ formulas, & Ioanne præscriptas, & baptismum additas, exponit. Marcus autem in paucis omnia (ut cætera quoque) complexus, dixit: Baptizabat Ioannes in deserto, prædicans baptismum pœnitentiæ in remissionem peccatorum. Vbi ergo nunc est quod illi aiunt Ioannis baptismum non fuisse remissionis peccatorum baptismum, sed pœnitentiæ duntaxat? Hic enim audimus quod ut Christi siue Apostolorum, ita Ioannis quoque significarit pœnitentiam & remissionem peccatorum. Iam vero cum idem vtrorumque sit baptismus, quod externam sacramenti administrationem attinet, consequitur Paulum Ephesios non aquæ baptismum retinxisse. Propterea quod iam secundo baptismum, nihil plus contulisset, quam illud ipsum, quod iam antea in primo (si baptizati fuissent) collatum erat. Proinde ipsa res clamat Baptismi nomen hic variare, & aliud quippiam innuere. De quo postea. Nunc quod Catabaptistæ ogganiunt, Nemini nisi credenti baptismum debere conferri, iam olim explosum est in capite 8. & 10. historię huius. Nam si illi per credentem eum intelligunt, qui vere & ex corde credit, quis ministro Ecclesiæ dicet, quando quis credat aut non credat? Si istud ex fructibus & externa confessione colligere volunt, falli poterunt, quemadmodum & Philippus in Simone mago falsus est, neque aliud hoc dogma te efficient, quam quod nemo possit tuto baptizari. Si vero ad externam confessionem omnia dirigunt, quid aliud quam incredulos quoque & hypocritas ad baptismum admittunt? id quod cum maiore iunctum fuerit impietate, quam si infantes, mortuos quidem originali peccato, sed Christi sanguine viuificatos ad sacrum admitterent baptismum. Proinde cum alienum à pietate & communi sensu sit dogma illorum, nihil roboris ipsi ex præsententi loco accedit. Aliud enim describit hoc loco Lucas. Nam nunc dicemus de genuino huius loci sensu. Audiuimus in cap. 18. (quod ibi ad res Ephesias pertinere monuimus) Apollon fidelem aliàs & magnum in Domino virum, non rite in vera Christi religione imbutum docuisse Ephesi, nimirum quod ipse hætenus doctus erat. Cæterum cum magistro plurima defunt, nihil mirum, si & discipulos plurima fugiant. Iam vero ex omnibus circumstantiis liquet hosce viros duodecim Apollon fuisse auditores. Descripturus ergo historicus res nobiles Ephesi per Paulum gestas, ab eo auspicatur, quomodo imperfectum in quibusdam Christianismum correxit. Et modum quidem per quem illis medicatus sit describit. Igitur cum illi se discipulos Domini, id est, Christianos esse existimarent, qui recta ambularent in via Domini, utpote Apollo tanti videlicet doctoris discipuli, Paulus uti erat harum rerum expertissimus & diligentissimus explorator, probaturus num sani essent in fide, certissimam admonet probandi regulam, ipsum videlicet spiritus donum, hoc est fidei maximam vim, quæ ex spiritu est, conscientię securi-

Catabaptistæ

veterum excessiua sententia.

Christi et Ioannis baptismus vnus.

Catabaptistarum excessiua sententia.

Expositio huius loci.

Metonymia.
Galat. 3.

Baptismus doctrina est.

Qualis fuerit
doctrina Ioannis.

Huldrychus
Zuinglius.

tatem. Nam ad Romanos quinto, Iustificari (ait) ex fide pacem habemus erga Deum per Dominum nostrum, &c. Hanc ergo animi securitatem indagans quæ non nisi ex vera fide est, interrogat, Num Spiritum sanctum accepistis, posteaquam credidistis? Ecce nihil de baptismo aquæ, sed de fide & doctrina interrogat. Non enim dicit: Posteaquam baptizati estis aqua. Hic ita nulli produnt ignorantiam suam, & quod in vera religione Christiana adhuc rudes essent, Tantum (inquant) abest ut securi & cordibus simus illuminati spiritus flamine, ut hætenus nescierimus num sit aliquis spiritus. Volens ergo extorquere erroris causas & obstruere fontem unde ille effluebat, præterea interrogauit, *ἵνα τί οὐ βαπτισμένοι ἐστέ*, In quid ergo baptizati estis? Obserua autem laqueationis vim. Non inquit, In quo baptizati estis, sed in quod doctrinæ genus inducti estis? Sic superius in 18. capite audiuimus Apollon duntaxat sciuisse baptismum Ioannis, id est, in doctrina Ioannis fuisse institutum. Hi ergo ad doctoris morem & ipsi Ioannis baptismum, id est, doctrinam iactant. Dicunt enim, *ἡμεῖς τοῦ Ἰωάννου βαπτισμένοι ἐσμεν*, In baptismum Ioannis baptizati sumus. Sed ut ille errarat & Aquilæ institutione exactius didicerat quæ esset doctrina Ioannis: ita & hi accuratius instituuntur à Paulo. Non enim hic abijcit aut contemnendam docet doctrinam Ioannis, ut inefficacem aut imperfectam, sed clarius exponit qualis sit, ostendens illos nondum intellexisse Ioannis doctrinam. Obseruabis autem quod nihil hic de elemento aquæ, disputabat, sed de doctrina: ut ex hoc velut consequenti colligere possim⁹ superiora quoq; de baptismo doctrinæ esse intelligenda. Porro istis exponit qualis fuerit doctrina Ioannis. Ioannes (inquit) baptizauit baptismum pœnitentiæ. En tibi iterum non dicit, Baptizauit in baptismum pœnitentiæ, sed *ἰσχυρίσθη βάπτισμα*. Et quid hæc loquutio polleat sequentibus exponit. Loquens populo ut crederent in futurum. Duo ergo sunt quæ docuit Ioannes, Pœnitentiam & fidem in Christum, siue Remissionem peccatorum: at cum eadem tradantur doctrina Christi siue Apostolorum, ut testatur ipse Dominus Lucæ 24. quis est qui iam non videat Ephesios istos duodecim viros non recte institutos fuisse in via Domini, quanquam se recte institutos esse arbitrarentur? Hic ergo cernentes veræ religionis speciem, sentientesque Christum esse pacem & iustitiam nostram, nunc quidem in illum aquæ baptismo, quo hætenus tincti non erant, consignantur. Ergo protinus etiam ut primitiæ Ephesiorum externo quoq; Spiritus sancti baptismo baptizantur, donati linguarum & prophetico munere. De quo dictum est in cap. 2. & 10. Hætenus autem male instituti melius instituuntur, & baptismo aquæ suscipiuntur in numerum populi Dei. Hunc vero nodum ad hunc fere modum primus soluit felices memoriæ clarissimus vir Zuinglius, qui de hoc loco multa plura & in Commentario ad Galliarum regem, & in opere de baptismo, contra Catabaptismum, pro puerorum baptismo, conscripsit: de quibus tu si quæ his deesse videris petere poteris. Quod autem Catabaptistæ hic obijciunt, Ergo baptismum præcedit doctrina: nemo negat, sed in adultis, & apud eos apud quos nondum increbuit nomen Christi. At apud quos semel auditum est, vicissim nemo negare potest, parentes de liberorum salute anxios, hosce ad sacrum offerre baptismum, quod audiant Deum etiam infantium esse Deum. At baptismum ipsum aliud nihil esse quam signum populi Dei. Verum de hac refatis iam disceptatum est. Hæc autem sunt initia rerum à Paulo gestarum in Epheso.

Introgressus autem synagogam, libere loquebatur ad tres menses, disputans & suadens de regno Dei. Cum autem quidam indurarentur nec crederent, male loquentes de via domini coram multitudine, digressus ab illis, segregauit discipulos, quotidie disputans in schola Tyranni cuiusdam. Hoc autem factum est per biennium, ita ut omnes qui habitabant in Asia, audirent sermonem domini Iesu, Iudæi simul & Græci.

Pergit reliqua quæ in Epheso gesta sunt describere, & paucis quidem omnia, quod eiusdem generis complura iam sæpius audita sunt in superioribus. Libere loquebatur de regno Dei, nihil dissimulans aut regens propter Iudæorum metum. Hi cum carnale Christi somniarent regnum, Paulus spirituale asserit fore. De quo nonnihil dictum in cap. 1. Quemadmodum vero in Antiochia, Pisidiæ, Iconio, Thessalonica & Corintho nulla potuerunt frangi diligentia & institutione, ita hic quoque indurati, omnem cœlestem contempere sapientiam. Ut vero ibi excusis vestibus damnationem in ipsorum deriuauit capita, ita hic quoque deserit illos: tum ne qui illorum malitia conitijs & artibus (parum enim fermenti totam massam fermentat) corrumperebantur, tum ne illorum quoque inuidiam magis inflammaret, tum ne impotentioribus rixis ad nihilum profuturis suppeteret ansam. Unde nos iterum discimus quid cum illis sit agendum, qui veritatem aspernantur. Cæterum scholam Tyranni cuiusdam ad sacras conciones delegit: atque in hac summa diligentia per biennium prædicauit Christum, nec sine maximo fructu. Maxima enim multitudo cum ex Iudeis tum Gentibus maxi-

me, Chri-

Vide Rom. 9.
& 11. ap.

me, Christo credidit. De Tyranni autem schola nihil certi adferre possumus, unde nomini origo, aut cur locus sic dictus sit. Fuit quidem Corinthi Dionysij tyranni schola, cuius in 3. Tuscul. meminit M. Cicero, sed non constat pariter docuisse ullū Tyrannum Ephesi. Attamen hoc fati certum est Lucam locum quendam Ephesi ad docendum accommodum tyranni scholam dixisse. Erasmus in annotat in suis. no. Suspicor (inquit) fuisse secessum magnatis alicuius, in quo solitus sit oriri. Quando quidem schola Græcis sonat otium.

Virtutesq; non vulgares ædebat Deus per manus Pauli, ita ut etiam super infirmos deferrentur à corpore eius sudaria & semicincta, & recederent ab eis morbi, & spiritus mali egrederentur.

Verbo iunguntur miracula admirabilia, ut Gentium Iudæorumque animi frangantur & libentius hæreant prædicati veritati de salute. Verisimile enim erat istos esse salutis præcones, qui omnes morbos isto nomine quod prædicabant, depellebant. Quod autem de umbra Petri dictum est in cap. 5. idem huc quoque ad sudariola & semicincta Pauli congruit. Semicincta autem succinctoria Grammatici vocant, quæ medium vestiunt hominem. *Miracula.*

Tentaerunt autem quidam è circumeuntibus Iudæis exorcistis inuocare super eos, qui habebant spiritus malos, nomen Domini Iesu, dicentes: Adiuramus vos per Iesum quem Paulus prædicat. Erant autem quidam filij Sceuæ Iudæi principis sacerdotum septem, qui hoc faciebant. Respondens autem spiritus malus, dixit: Iesum noui, & Paulum scio, vos autem qui estis? Et insiliens in eos homo in quo erat dæmonium malum, & dominatus eis, inualuit contra eos, ita ut nudi & vulnerati effugerent de domo illa. Hoc autem innotuit omnibus Iudæis simul & Græcis, qui habitabant Ephesi: & laeditur timor super omnes illos, & magnificabatur nomen Domini Iesu.

Vt apud Philippenfes dæmonis artes detectas, oportuit magnam veritati conciliare gloriam: ita hoc loco Deo vitam erat misero Exorcistarum exemplo, fraude dæmonis, & malarum siue curiosarum artium impollutam detegere, & vanam in hæc res fiduciam destruere, atque cor & pectus hominis sibi soli & veritatis studio consecrare. Quod enim Ephesij Exorcistarum multa moniti territiq; curiose artis libros exurunt, & Deo sese totos consecrant, huius fabulæ est Catastrophe. Porro ἱερεῖς Græcis significat adiuro, & ἱερεῖς adiutor. Iosephus autem libro Antiquitatum 8. capite 2. tradit Deum hoc Solomoni tribuisse, ut artem hanc adiurandi aduersus dæmonas ad hominum utilitatem institueret: qua Eleazarum quendam Iudæum præfente Vespasiano Imperatore vsum se vidisse ait. Cæterum quid ei narrationi quam ille de Solomone instituit, tribuendum sit, iudicio Lectorum permitto. Hoc ex præfenti loco constat Adiurationis rationem à filijs Sceuæ usurpatam prorsus non fuisse diuinā. Nam explosa est: sed & libri de hisce rebus tractantes postea exusti sunt. Præterea eiusmodi exorcismi & exorcistæ ab omnibus pene Ecclesiasticis scriptoribus superstitionis titulo accensiti sunt. Ioannes Chrysostomus, Dignum est hic admiratione (ait) quomodo dæmon ille non cooperatus est errori illorum, sed refutauit eos, & omnem dolum eorum manifestauit. Mihi videretur valde successisse, quemadmodum si quis extreme periclitetur à miserabili & ærumnoso quodam refutetur & omnem in illum remittere velit furorem, &c. Exorcistæ itaq; illi impostores ac magi fuerunt, ex eorum numero, qui circumeunt, & ad quæstum certis ritibus ac verbis conceptis eijciunt noxios spiritus, quales nobis nonnullos nostro sæculo profudit collegium, quod Lussenſe vocant. Et maligni isti spiritus iccirco istorum parent præceptionibus, ut plurimos decipiant, & in errore retineant. Mentiebantur illi se hanc artem à Solomone prædidicisse. Si enim quipiam huius tradidisset, nimirum nihil tale tradidisset. Ergo cum magna esset Solomonici nominis authoritas, in hoc illum suæ artis lugebant authorem, ut maiorem ex ea caperent utilitatem. Jam vero quamuis ipsidem uterentur verbis, quibus utebantur Apostoli, nihil tamen efficiebant. Nam deerat fides, prauum aderat institutum, præterea & institutum Domini peruerterant. Nam quæstus gratia sancta verba aliò torquebant, quam instituta essent. Iccirco falluntur & hodie quotquot conceptis & sanctis (ut aiunt) verbis quicquam se effecturos credunt. In hisce enim rebus necessarium est, ut clarum adsit Domini præceptum, nihilq; in eo sit vel mutatum vel sinistrius usurpatum aut intellectum, deniq; ut mens nostra non alio quam fides docet, spectet, ne deprauata sit: utq; fidei lucerna ubique

Aduersus exorcistas.

Verborum Dei vsus ad res prophanas.

præluceat: alijs nihil effeceris verbis quantumuis sanctis ac efficacibus. Sed de hac re diximus in capite 16. Præterea huc quoque illud facit, quod dæmon clamat, Iesum noui, & Paulum scio, vos autem qui estis? Quod Chrysostomus exponens, Vos (inquit) non creditis, sed abutentes hoc nomine, talia dicitis. Hæc dicens simul in impoltores insiliit, & pœnam de ipsis condignam sumpsit. Iam sequitur Catastrophe, Ea res innotuit omnia cum Iudæis tum Gentibus Ephesum habitantibus, & incidit timor super omnes, ac magnificabant nomen Domini Iesu, quod omnes aduersarias vinceret, & quod nullius quæstui aut gloriæ seruire vellet.

Multiq; credentium veniebant confitentes & annunciantes facta sua. Multi autem ex eis, qui curiosas artes exercuerant, comportatos libros exusserunt coram omnibus, & supputatis precijs illorum, reppererunt pecuniæ quinquaginta millia. Ita fortiter crescebat sermo Dei, & confirmabatur.

Hunc locum alij sic exponunt, Credentes venerunt & confessi sunt, id est, cum gaudio annunciarunt, quid per ipsos patrasset Deus. Ergo per τὰς πράξεις, facta, intelligunt miracula. Per Confiteri, cum laude proferre. Hoc enim posse quod sequitur ἐκείνοις, id est, & annunciantes. Cæterum videri poterant & de scelerum agnitione exponenda esse, vt intelligamus Ephesios spiritu Dei compunctos, palam indoluiffe quod errarint tantopere & tam impie: præterea ingenue confessos, errasse se, & quibus errarint modis quàmque temere vanissimis artibus fidem præbuerint stulti, & id genus alia facta sua, exposuisse. Fieri enim nequit, quin grauiter doleant, & libenter fateantur errasse se & peccasse, qui per exhibitam lucem gratiæ Dei veritatem assequuntur: imò non cessant sese damnare, qui sic respuerunt. Iustus enim primum accusat sese, vt inquit Propheta Prouerbiorum 18. Quod ad occultorum confelsionem, quam auricularem nuncupant, pertinet, nihil miror eos qui grandia quædam de hac iactantes, ipsi sese non intelligunt. Certum enim est istam neque Scripturis neque Vetustati notam fuisse, sed nuperum quorundam hominum esse inuentum. Nam vt multa interim transeam infallibilia huius rei argumenta, vnicum Ioannis Chrysostomi proferam testimonium, qui in 11. ad Hebræos capite scribens, non dico (ait) vt te prodas in publicum, neq; vt te apud alios accuses, sed obedire te volo Prophetæ dicenti, Psalm. 36. Reuela Domino viam tuam: ante Deum ergo confitere peccata tua, apud verum iudicem cum oratione delicta pronuncia, non lingua, sed conscientiæ memoria, & tunc demum crede te misericordiam posse consequi, si habueris in mente peccata tua continue, &c. Sic de occultis peccatis sentit Chrysostomus, è cuius testimonio facile quis deprehenderit, quod nulla fuerit apud eos talis, qualem Pontifici volunt confelsio. Et posterioriorem hunc sensum iuuant ea quæ iam sequuntur, Multi autem ex eis qui exercuerant τὰς πράξεις, id est, curiosas artes, comportatos libros exusserunt coram omnibus. Hic enim fructus est eius facinoris quod Dominus cum Sceuæ (vt & supra monui) filijs patrauit. Constat autem ex hoc loco Ephesios curiosis artibus fuisse deditissimos. Vnde forsitan prouerbio locus est datus, Ephesios literæ, de quo Erasmus. Beda ait per curiosas artes intelligi Magicas, incantationum, diuinationum, curationum, & adiurationum superstitiosarum delirij confertas: quibus Genethliacorum inrerrogatiunculæ & coniecturæ addiuinantes accedunt, quas miræ persequitur August. in lib. quæst. veteris & noui testamenti. Idem quæst. 27. vet. & noui testa. & quæst. 6. ad Dulcicium Samuelis exuscitationem vocat sathanæ præstigium. Equidem 1. Reg. 28. historia narratur rei illicitæ ac lege prohibitiæ. Deut. 18. Sed de magia satis dictum est in cap. 8. plura etiam apud Plinium li. 30. cap. 1. & 2. & alibi: mire enim hic Magos ac magicen insequitur. Iam quod pretium attinet librorum, Erasmus monet in annotat. Græce scriptum esse ὡς εἴκοσι δισχίλιον μύριας ἀντίων. Id est, Et inuenerunt quinquagies mille nummum. At Budæus lib. de Asse & Part. eius quinto, ista ad verbum ita legi dicit, Et inuenerunt argenti myriadas, quinque, quod interpretes (vt ait) recte transtulit quinquaginta millia denarium, non vt Plutarchi interpretes in Antonio & Pompeio, millia nummum, pro denariorum millibus, vertens, qua ratione quadruplo minor fit summa. Hæc summa quinq; millia aureorum nostrorum (Coronatos intelligit) valet, ne temere putemus librorum summam à Luca Apostolorum scriba commemoratam. Id enim omnino admiratione dignum tanti libros adiurationū comparatos. Hæc enus Budæus, cui & Erasmus in Paraphrasi postea accessit, reddens denariorum quinquaginta millia. Ex hoc autem loco intelligimus quod veram pœnitentiā non piget vllarum rerum aduersus Deum inuentarum facere iacturam. Nam & Ezechias & Iosias principes optimi aras statuas & ornamenta deorum peregrina inæstimandis constructa impensis, neglecto pretio, cōfregerunt atq; igne concremarunt. Iam & libri hi Ephesij idololatriam respiciebant, proinde digni erant qui exurerentur. Nemo enim negat impios & malos libros esse exurendos. Cæterum bonorum incendium librorum iam olim

Confelsio peccatorum.

Idolis exuscitatio.

Idolorum et superstitionum librorum incendium.

damnatum est in temerario Iehoiachim facinore. Hic enim præterius & fas, vt apud Ieremiam extat in cap. 36. Ieremiæ veras & prias orationes concidit & concremauit: hoc ipso significans nunquã defuturos homines improbos, qui optimos essent combusturi libros. Id si quis hodie non videt compleri, nihil videt. Adeo enim sc̃uit quorundam dira in veritatem rabies, vt ne a Bibliorum quidem abstineant proscriptione & incendio. Sed propediem aderit ultor, ille qui inextinguibili igne incendiarios istos perpetuum torrebit. Sublatis autem rebus superstitiosis & impijs sermo Domini & cre scebat & confirmabatur. Si ergo in vera animi pietate è medio tulerimus quod Deo & legi eius aduerfatur, non deerit suis Dominus, creſcetq; verbum eius.

His autem expletis, proposuit Paulus in spiritu, transita Macedonia & Achaia, ire Hierosolymam, dicens: Postquam fuero ibi, oportet me & Romam videre. Missis autem in Macedoniam duobus ex his qui ministrabant sibi, videlicet Timotheo & Erasto, ipse remansit ad tempus in Asia

His per biennium (inquit) feliciter gestis in spiritu, id est, secum deliberans, apud sese statuit Hierosolymam redire & deinde Romam petere. Aut certe in spiritu dixit, quo alligatus erat, de quo audiemus in cap. 20. Præmisit autem ministros suos Timotheum & Erastum, fortassis illum Corinthiorum quæstorem, cuius meritio fit ad Roman. cap. 16. nimirum & vt eleemosynarum (quod & Beada monuit) aliquid illic colligerent, subleuandis pauperibus qui erant Hierosolymis, & animas illorum in aduentum Pauli præpararent. Postremo audimus in præsentiarum Asiam vsurpari pro ipso Erasto & Ionia in sacris, vt supra quoque annotauimus.

Ortus est autem illo tempore tumultus non exiguus de illa via. Nam quidam nomine Demetrius, faber argentarius, qui faciebat delubra argentea Dianæ, præstabat artificibus non exiguum quæstum: quibus conuocatis, & his qui simulum rerum erant opifices, dixit: Viri, scitis quod ex hoc opificio quæstus nobis est, & videtis & auditis, quod non solum Ephesijs, sed penè toti Asiæ Paulus hic persualit, & auertit multam turbam, dicens, quod non sint dii qui manibus fiant. Non solum autem hæc pars nobis in periculum venit, ne reprobetur, verum etiam ne magnæ dæ Dianæ templum pro nihilo habeatur: futurumq; sit, vt etiam destruatur maiestas eius, quam tota Asia & orbis colit.

Miram hoc loco & spectatu iucundam pingit Lucas tragœdiam, in qua ceu in tabula spectandum proponit crucem ex veritate emergentem, idololatrarum quoque artes & furorem, conuicia & turbas, cur tumultuentur idololatræ, quid prætexant, quid quærant: breuiter, pugnam religionis & superstitionis, vtriusq; etiam arma & ingenium, potissimum tamen superstitionis tam probe suis pingit coloribus, vt non frustra dictus sit pictor Ecclesiasticus. Quas enim res pictores, perinde vt si nunc primum gerantur, penicillo exprimunt atq; demonstrant, eas ipsas historia descriptionibus atque orationibus suis factas iam narrat atque describit. Vnde & Simonides apud Plutarchum picturam poema quoque tacens, & poema loquentem appellat picturam. Id cum stupidi isti monachi ne sciant ex Luca medico professione, pictorem fecerunt, cum reuera propter genium historiæ pictor à nonnullis sic cognominatus. Proprijsime ergo hunc tumultum descripsit, & primo quidem in genere dixit, Ortus est illo tempore, dum videlicet Paulus Euangelium profiteretur & abitum pararet, tumultus non exiguus, de illa via, id est, propter religionem Christianam Euangelicamque prædicationem. Nam supra monuimus Viam in sacris sæpe vsurpari pro religione & iustitio. Deinde causas tumultus adeoque authorem ipsum atq; ipsam orationem describit, qua ille aliorum mentes ad tumultuandum concitauit. Postremo vero miris modis ipsam pingit seditionem. Porro iam sæpe monuimus Apostolos & veritatis ministros non esse (sicuti accusantur) seditionum, magistrorum, sed ipsos impios & idololatrias. Idem hoc quoque loco traditur. Nam Demetrius *ἀργυροκόπος*, id est, argentarius, hoc nominis ab elaborando argento nactus, huius seditionis extitit author, non alia causa ad hanc ram ram periculosa inductus quam auaritia. Cum enim delubra faceret argentea Dianæ, vera autem religio externum condemnaret cultum, non mediocriter quæstui suo timebat. Consilium ergo ex recepit, quo veritatem gliscentem opprimat. De hoc consilio pluribus in consequentibus. Nunc vero paucula quædam annotabimus ex authoribus quæ ad hunc locum conducere vi-

Lucas pictor dictus.

Seditionum aucthores.

Diana Luna.

Aduersus ima-
ginum vsum.

Porro Hieronymus in Præfatione in epistolam Pauli ad Ephesios scribit hanc Dianam non esse ve-
natricem illam, quæ arcum tenet atque succincta est, sed illam multimamiam quâ Græci πολυμᾶς
vocat, quamque ipsa effigie volebant omnium bestiarum & animantium esse nutricem. De qua co-
piofiora Politianus in Miscella, capite 51. vbi & Festum huius deæ ex sententia Xenophontis Ephe-
sij describit. Diana itaque hæc apud illos pro ca. culra est, quæ omnia viuificaret atque aleret: vnde
& huic solæ vrbis suæ tutelam locarunt Ephesij. Hæc de dea, nunc de eius Templo, de quo Demo-
critus quidam, vt refert Diogenes, integrum librum conscripsit. Iulius Solinus cap. 53. Ephesô (in-
quit) decus templum Dianæ est, Amazonum fabrica, adeo magnificum, vt Xerxes cum omnia Asia
rica templa igni daret, huic vni pepercerit. Et Plinius hoc plenius describens libro 36. cap. 14. Magni-
ficentiæ (inquit) vera admiratio extat templum Ephesiæ Dianæ, ducentis viginti annis factum à to-
ta Asia. In solo id palustri fecere, ne terræ motus sentiret, aut hiatus timeret. Rursus ne in lubrico aut
instabili fundamenta tantæ molis locarentur, anre calcatis ea substrauere carbonibus, dein velleribus
lanæ. Vniuerso templo longitudo est CCCXXV. pedum: latitudo ducentorum viginti. Columnæ
centum viginti septem à singulis regibus factæ, sexaginta pedum altitudine. Ex ijs XXXVI. cælatæ,
vna à Scopa, &c. Hæc de magnificentia templi Dianæ Ephesiæ. Redimus iam ad cõsiliũ Demetrii.
Is cum sentiret frigere cultum deæ, ac templi opinionem vilescere, conuocat omnes eos qui aleban-
tur templi luxu atque superstitioso deæ cultu, cuiusmodi sunt pictores, & qui acu & qui penicillo
pingunt, fusores, plastsæ, orationistæ, idolotecnici sue statuarij, & similibus rerum nugipolæ, & apud
hos seditiosos habuit orationem. Vbi illud quoque annotauit Chrysostomus malignitate permo-
tum istæc cœpisse. Abundans enim (inquit) erat: vnde ipsi quidem non tantum potuit nocere reli-
gio, quantum illis quos non nisi pauperrimos conuocauit, vt tales facilius ad arma permoueret. Nā
tales quotidiano templi istius opificio victitabant. Vfus est autem apud illos oratione vehementi.
Nam sua foria est & ab Vtili ac Honesto locis efficacissimis ducta. Præfert autem Vtilitatem, quod
hac hominum animi plus permoueantur quam honestate: sed non negligit interim honestatem, ne
quid lucri duntaxat gratia dixisse videatur, & vt tora causâ maiorem habeat gratiam & authorita-
tem. Ceterum argumentum primum tale est. Illud omnino nobis ferendum non est, quod quæstum
& victum imminuit. Imminuit autem ea religio quæ à Paulo isto (contemprim legatur) homine no-
uo traditur. Non itaque ferendum nobis noxium dogma. Hic vero Assumptionem paulò copiosius
exponit, quasi dicat: Quæstus ac victus noster paratur idolorum cultu, pictura, & id genus artibus.
Cæterum Paulus ille & ipsos deos & ipsa deorũ simulachra, imò quicquid in horum instituitur ho-
norem, contemnit & inutilia deoque ingrata esse docet: quæstum ergo ac victum à nobis tollit. Ad-
uersatur autem hic quoque locus imaginum vsui. Nam quis tam vecors est, vt statuas ab hominibus
fulas aut sculptas pro ipsis dijs Demetrium habuisse existimet? Sciebat enim & ipse æreas esse il-
las, aut metallicas, aut cedrinas, aut virgineas, aut tiliaceas. Cæterum pro diuinis habebat venera-
bundus, ideoque propter eos quos significabant, & propter miracula cum plurimum etiam ingenti-
a, quæ dæmonum arte ex illis aut iuxta illas ædebantur, item: quod simulachrum illud quod in eo
colebatur Templo, de celo lapsum fama esset. Hæc præterea nostrorum quoque hominum & aduer-
sariorum verbi mores & consilia describunt. Videmus enim monachorum & sacerdotum concursa-
re collegia, clamitare, Si sic perrexerit vt cœpit Euangelica fides, iam Misa vna cum diuorum cultu
perijt.

perijt:cessarunt & oblationes,sacrificia, vota,peregrinationes,& omnis generis anathemata. Vnde ergo posthac equos,canes,scorta,famulitium, Sybariticas mensas,bombicinas vestes,ædemonias, & Adonidis parabimus hortos? Hic ergo omnis generis homines,omnes gradus,breuitate omnes omnium animos in Euangelij concitant odium. Principibus, opulentioribus, & tenuioris fortunæ hominibus, singulis inquam exponunt qua in re ipsi Euangelica doctrina incommodare possit: atque hac in re plusquam rhetores præstant & plus nimium officiosi sunt. Iam & ad honesti locum accedimus. Hunc autem superiori pulchra transitionis formula sic attexit. Non solum autem hæc pars (inquit) in periculum nobis venit, ne reprobemur, verum etiam ne magnæ Dianæ templum pro nihilo reputetur. Sic enim vtili, speciei honesti necesse est. Nam quid honestius, quid decetius videri queat, quam publicam pietatem tueri, quam patrij numinis maiestatem defendere? Hanc speciem pietatis mire quam calide ac versute, prætexere avaritiæ suæ hodie solent episcopi quidam & prælati, domi sacrosanctæ Ecclesiæ auctoritatem iactitant. Magnam Desparam virginem, templi, simulachra, ac cultum eius instructissimum deuotissimumque irrideri atque conculcari clamitant. Equidem omnia Demetrii verba, sicut & illorum, eximium pondus habet. Nam Dianam magnam vocat. Templum verò & cultum eius, iam non templum aut simpliciter cultum eius nominat, sed maiestatem eius appellat, & à totius Asiæ reuerentia, quod scilicet ad hanc ex tota Asia confluere innumera hominum turba, commendat. Quasi dicat, Neque verisimile est tot hominum millia aberrare, neque ferendum ut tam diuturna, sancta, & communi omnium regnorum comprobata religio, ira abrogetur. Quid verò nostri aliud queritantur? Nihil discriminis in istorum & nostrorum inuenias querelis. Colligimus autem ex hoc loco apud omnes pene Gentes & in religione quauis superstitiosas infirmitas fuisse ad deos peregrinationes. Nam ut Epidaurum, Delphos & innumera alia transæm loca, certè Asiani repetebant Ephesum, Israelitæ verò Bethel, reuera Bethanien, Bersèta ac Gidgal. Vnde & apud Prophetam legimus, Querite me & viuetis. Et nolite querere Bethel, ad Gidgal nolite intrare, & ad Bersèba ne transieritis, Amos 5 cap. Hic enim Propheta cum Osea miris modis infectatur illud idololatriæ genus. Atqui neglectis istis omnibus videas hodie apud istos qui maxime Christiano gaudent nomine, pro vna Diana decem coli Marias, neque verò vulgari more aut incelebri fama, sed adificiorum splendore, simulachrorum nobilitate, signorum miraculis, & peccatorum condonationibus, item & locorum delectu ac sanctimonia illustrissimas. Et ut obui vna Diana iam Agrotera, in ox Corypheæ, deinde Laphyra, item Corythallia, Ephesia quoque, Audentis & Pergea dicebatur: ita apud nostros varia Mariæ indita sunt nomina. Alia enim Lauretana, alia Heremitana, alia Aquensis, alia Ripensis, alia Campensis, alia Rosacea, alia Liliaca à vanissimis hominibus propter stultas opiniones superstitionesque est nuncupata. Et ut de Diana variae erant fabulæ, cuius generis & illud est quod Ephesiæ simulachrum cælo delapsum dicebatur: ita de Diuæ virginis idolo & facellis eius varia traduntur. Hoc enim aiunt ab ipsis angelis ex Orientis partibus in extimas Occidentis delatum oras: illud verò ab angelis vel fabricatum, vel consecratum, vel auctum, vel ab hostium incurusione defensum. Præterea hoc simulachrum virginis à Luca pictum, aliud à sancto quopiam sculptum, & aliud ab angelis inuentum & reuelatum, item aliud sua sponte, sed miraculose enatum, iam & multa cælo delata esse mentiuntur. Quædam item alia Christi, Virginis & Diuorum idola finxerunt esse immobilia, quædam lachrymas profundentia, quædam verò quæ vel pingi vel in alia loca poni reuerint, vel translata redierint in locum pristinum, quale ego quondam celebre hisce manibus meis, pio Dei zelo commotus, in gloriam Christi confregi. Quid quod quædam finxerunt vel animaduertisse in hostes, quædam reddidisse de se fulgorem, quædam mansisse cruorem, quædam item ludasse stillas aquæ prægrandes, tremuisse quoque; alia? Quis verò omnes omnium nugas recitet? Vana sunt ista omnia, sed propter quæstum nobis sacrosancta, at reuera & huius loci robore prorsus proscripta & à Deo damnata. Erasmus huic orationi Demetrianæ Epilogum, à Luca breuitatis gratia omissum, attexens, sic scribit, Itaque si prudentiam esse iudicatis consulere quæstui vestro, si pium esse iudicatis ab iniuria vindicare patrios deos, hic præstate vos fortes viros, & venienti malo occurrite.

Peregrinationes ad Diuos.

Bethel domus Dei, Bethanien domus vana, Bersèta, Gidgal.

His auditis, repleti sunt ira, & exclamauerunt, dicentes: Magna Diana Ephesiorum. Et impleta est ciuitas tota confusione, et imperum fecerunt vno animo in theatrum, correpto Caio & Aristarcho Alacedonibus, comitibus Pauli.

Hic demum graphicè ipsam pingit seditionem, quæ ab vno atque altero nebulone incipit, deinde totam urbem inuadit. Tum verò furiant miseri cum de Diana audiunt & de lucri iactura. Tales enim sunt populi mores, qui facile terri & incitari solet. Populus enim belua est multorum

capitum & ad omnia facile afficitur. Exclamationē autem & inuocationem cōplectitur & vlciscendi consilium indicat. Idcirco & Gaium & Aristarchum Pauli comites corripunt, vt de ipsis inquam diuino contemptoribus supplicium sumant. Idem enim his vltu venit, quod Iasoni apud Thessalonicenses. Huius rei gratia & in theatrum protrahunt. Porro theatrum locus erat amplus, sic accommodus ludis spectandis, vt & multi eminus etiam cernere possent. Grāmatici enim Theatrum (inquiunt) hemicycli specie constructū erat, ἀπὸ τοῦ θεάματος, quod est video appellatum. Latine dici spectaculum potest. In genere verò pro quouis amplo & patenti loco in quo conciones siue comitia celebrantur, dicitur.

Theatrum.

Paulo autem volente intrare ad populum, non permiserunt discipuli. Quidam autem & ex Asiæ primoribus, qui erant amici eius, miserunt ad eum, rogantes, ne se daret in theatrum.

Cur Paulus se
seditio misce
re voluerit.

Hoc factō commendatur nobis constantia, fidelitas ac sapientia Pauli. Nam in hoc incertum prodire voluit, vt comitibus opitaretur, & populo veram exponeret religionem. Quin & in illis legibus Solonis antiquissimis quæ Athenis axibus ligneis inscrite sunt, quasque latas ab eo Athenienses vt sempiternę manerent, pœnis & religionibus sanxerunt, legem esse Aristoteles refert scriptam, ad hanc sententiam: Si ob discordiam seditio populi in duas partes fieret, tum qui in eo tempore in eoque casu ciuilis discordiæ non alterutra parte sese adiunxerit, sed solitarius separatusque à comuni malo ciuitatis secesserit, is domo, patria, fortunisque omnibus careto, exul extorrisque, esto. Voluit ergo pro sapientia & animi sui constantia in globum furientium irruere, si fortan præsidio veræ religionis tumultuantes posset componere atque sedare. Sed aliud visum est Christianis & quibusdam Asiæ primoribus, quibus Asiatici mores erant perspectiores. Iis autem Apostolus obsecundabat, qui nullibi in rebus externis sui sensus tenacior aut plus æquo præfractior fuisse legitur. Expendebat hic secum furienti populo neminem vlla ratione aut expurgatione quantumuis luculenta posse satisfacere, denique periculum in re tam ancipiti susceptum Evangelico negotio parum commodare, at incommodare plurimum posse. Prudenter ergo sua discedens sententia aliorum obsecutus est consilijs. De lege autem Solonis, qui plura eaque lectu vtilia & iucunda velit, legat Gellij noct. Attic. lib. 2. cap. 12.

Paulus aliorum
consilij obse=
cutus.

Alij quidem igitur aliud clamabant. Erat enim concio confusa, & plerique nesciebant qua ex causa conuenissent.

Quantum ma=
lum seditio si=
ue discordiæ.

Veluti hypotyposis est dissensionis. In hac enim istud in primis culpandum est, quod excusa omni ratione, omni consilio omni que prudentia, affectus quorumlibet dominantur, imò tumultuantur, dum quisque sui animi consilium omnibus obtrudere contendit. Nihil ei go in quauis vrbe calamitosius, nihil in vlla gente pestilentius est, quàm ciuilis & intestina seditio, quam & Arbiter Petronius eleganti hoc carmine ad hunc modum depinxit,

*Intremuere turbæ ac scisso Discordia crine
Extulit ad superos stygium caput, huius in ore
Concretus sanguis contusaq; lumina flebant.
Stabant irati scabra rubigine dentes.
Tabo lingua fluens, obfessa draconibus ora.
Atq; inter toto laceratam pectore vestem.
Sanguinea tremulam quatiebat lampada dextra.*

Ex quibus omnibus constare potest, quàm sit diligenter & assidue laborandum, vt istiusmodi seditiones atque discordias effugere possimus, quoniam id à Catone ciuitatis venenum verissimè est appellatum, sicuti & M. Agrippa asserit, qui multum se debere Salustianæ sententiæ, professus est, quo loco egregiè ac prudenter inquit, Concordia paruæ res crescunt, discordia maximæ dilabuntur.

De turba autem protraxerunt Alexandrum, propellentibus eum Iudeis. Alexander autem manu silentio postulato, volebat rationem reddere populo. Quem vt cognouerunt Iudæum esse, vox orta est vna omnium, fermè ad horas duas clamantium, Magna Diana Ephesiorum.

Consent alij Alexandrum hunc instructum fuisse à Iudæis ad dicendum pro Paulo & suis. Alij volunt ab hostibus Pauli fuisse institutum, vt contra Paulum diceret, sed tumultum ita incruidisse, vt iam ne ipsi quidem seditionis authores quicquam in tanta (vt fit) potuerint frequentia. Vt cunq; verò

verò res habeat, hoc certum est, ne Iudeos quidem Dianam coluisse: ea de re parantem dicere noluerunt audire, & in priore persisterunt exclamatione.

Quum autem sedasset scriba turbam, dixit: Viri Ephesij, Quis enim est hominum, qui nesciat Ephesiorum ciuitatem cultricem esse magnæ deæ Dianæ, & à Ioue delapsi simulachri? Cum igitur his nemo contradicat, oportet vos sedatos esse, & nihil præcipitè agere. Adduxistis enim homines istos neque sacrilegos, neque contumeliosos in deam vestram. Quod si Demetrius, & qui cum eo sunt artifices, habent aduersus aliquem causam, cōuentus forenses aguntur, & proconsules sunt, accusent inuicem. Si quid autem de rebus alijs quæritis, in legitima concione dirimetur. Nam periculum est, ne seditionis hodiernæ rei fiamus, cum nulla sub sit causa, vnde poterimus reddere rationem concursus istius. Et quum hæc dixisset, dimisit concionem.

Dominus qui leonum committit ferociam & tumultuantes maris componit procellas, idem *Sedatur seditionis* & ferocientem componit concionem, ne illa vel in multorum innoxiorum, vel Apostolorum ac A. tio. postolicorum vergeret detrimentum. Facit autem illud opera scribæ Ephesij, boni, vt apparet, viri: quamuis sint qui scribam impetrasse credant silentium, porro Alexandrum perorasse Oratio autem qua ille siue scriba vrbis, siue Alexander Iudæus fuit vsus, elegans est, & ad persuadendum, imo sedandum tumultum aptissima. Nam principio quo citius tranquillaret multitudinem, Dianæ nomine insipientem, mox à cōmendatione pietatis Ephesiorum exorsus, indicat neminem esse qui ignoret Ephesios esse cultores magnæ Dianæ, & simulachri non cuiusuis, sed à Ioue delapsi. Quasi dicat, Quorsum verò pertinet hæc vociferatio, cum nemo neget Dianam esse magnam, aut simulachrum eius cœlitus esse delapsum? Duo aut in primis obiteruanda annotauit hoc loco Eratmus. Prius. Græcè legimus *ἱεροπόλιν*, vbi nos legimus cultricem. Illam autem vocem compositam esse ex *ἱερός*, quod Attice sonat templum, & *πόλις* purgo siue verrò, authoribus Hesychio Etymologico & Suida. Solere autem qui impensius deditæ sint alicui Diuæ, aram illius varijs ornamentorum generibus cohonestare, quemadmodum facit apud Apuleium Psyche. Posterius, *ἱεροπόλιν* non ad Dianam referri, sed ad *ἱεροπόλιν*, id est, statuam Dianæ quæ hic intelligatur. *ἱεροπόλιν* autem Græcis dici, quod à Ioue delapsum sit ac è cœlo venerit. Opifices enim simulachrorum, quo maior esset superstitioni vulgi, finxisse ea cœlitus esse delapsa. Cuius generis infinita confinxit mendax monachorum colluies, quibusdam etiam in monumenta relatis. Numa idem de Ancylibus persuasit Romanis. His autem ad hunc modum præmissis mox ipsum orationis suæ statum, & quid ab eis impetratum cupiat, subiungit, & ait: Cum his igitur nemo contradicat, oportet vos sedatos esse, & nihil præcipitanter agere. Rursus ne ob captiuos tumultuarentur, purgat eos, ac dicit, Nec est quod propter istos (ceu iusta ex causa) concurratis, vt de ipsis tanquam deæ contemptoribus sumatis pœnam. Neque enim sacrilegi neque blasphemi sunt aduersus Dianæ numen. Est autem sacrilegium furtum rerum dijs consecratarum. Et quanquam nihil sa. *Sacrilegium et* crilegij admisissent Apolloli, nisi forsan dixeris sacrilegium, quod Dijs docerent nihil prorsus esse *sacrilegi.* dedicandum aut offerendum, tamen à blasphemia (vt interim blasphemiam vocemus) in fictos Gentium deos non erant alieni: dicuntur ergo hæc ad sedandum furientis populi turbam. Hodie nihil perinde impingitur Evangelij studiosis ac illud quod blasphemi sint in Dios, & sacrilegi in Diuorū ædes seu peculatores facultatum Ecclesiasticarum. Cum reuera hi non sint sacrilegi, quæ tradunt simulachra, quæ oculos habent & non vident, nares & non odorant, ora & non comedunt, membra & non frigent, minimè honoranda esse vel lumine, vel thure, cibo, veste aut alio quopiam munere, quin potius viuus Dei simulachris pauperibus talia esse offerenda. Illi ergo digniores sunt hoc cognomine, qui Ecclesiasticis opibus ad luxum abutuntur, & pauperes interim inedia perire sinunt. Sed de hac re aliàs. Hinc verò tacitè carpit Demetrium & reliquos conspirationis socios, quod rem quam sine tumultu coram iudicibus agi oportuisset tam seditiosè & præcipitanter egerint. Hoc autem agit dum suadet petendos esse furenses conuentus, & ad Proconsules prouocandum. Id quod & honesti speciem habet. Postremo deterret etiam ab instituto, tandem ceu epilogo colligens, Cum ergo nulla causa iusta sit, ob quam tam furiosè concurratis, profecto periculum est, omnes nos hodie, si sic furere perrexerimus, seditionis reos fieri, & ideo dignos quoque qui secundum leges puniamur ab Imperatore. Hac oratione adeo furientis populi animos flexit atque sedauit, vt quisque eo vnde venerat rediret, delusa interim spe Demetrii. Hinc autem liquet quanta sit iustæ eloquentiæ laus, de qua Cicero egregia quædam conscripsit de Oratore libro 1. quæ & mirificè huc quadrant.

COMMENTARIORVM IN ACTA

APOSTOLORVM LIBER V.

PROOEMIUM.

HOC in libro explicabimus quartam illam Pauli peregrinationem, qua in Macedonia et Achaia ecclesias reuifit, iterumq; in Asiam soluit, Troadem delatus, in qua Eutychum qui inter concionandum è tertio ceciderat cœnaculo, restituit, postea verò aliquot vrbi- bus emensis Miletum venit, in qua mire eleganti ac pia, nec minus vrili oratione pres- byteros Ephesiorum & circumiacentis agri instituit. A quibus tandem auulsus, & per varias me- diterranei maris insulas Casaream delatus, postremò Ierosolymam deuenit. Hic porrò audiemus quomodo fratrum precibus euictus vocum suscepit, templum ingressus, ibi à ludæis, tumultu exci- tato, captus, & iam iam ab ipsis interficiendus, à Tribuno Lysia, è manibus eorum ereptus sit. Rur- sus quomodo permittente Lysia apologiam apud Iudæos frustra parauit: deinde verò ad Ananiam productus vapulari, interim ipsis inter sese Phariseis ac Sadducæis hostiliter digladiantibus. Au- diemus præterea quomodo structas sibi insidias declinari, & armata militum manu cinctus Anti- patridaq; deductus, tandem Casaream venerit ad præsidem Iudææ Felicem, coram quo & causam suam accusante ipsum Tertullo oratore graui, egerit, adeoq; & euicerit, sed in gratiam Iudæorum nihilominus in vinculis sit detentus.

CAPVT XX.

Postquam autem cessauit tumultus vocatis ad se Paulus discipulis, com- plexusq; illos profectus est, vt iret in Macedoniam. Cum autem peram- bulasset partes illas & exhortatus eos fuisset multo sermone, venit in Græ- ciam: & ibi peractis mensibus tribus, cum essent illi structæ infidiæ à Iudæis soluturo in Syriam, habebat in animo, vt reuerteretur per Macedoniam. Co- mitatus est autem cum vsq; ad Asiam Sopater Berrhœensis, Thessalonicen- sium verò Aristarchus, & Secundus, & Gaius Derbeus, ac Timotheus: A- siani verò Tychicus & Trophimus. Hi cum præcessissent, expectarunt nos Troade: nos verò ab nauigauimus post dies azymorum à Philippis, & ve- nimus ad eos Troadem intra dies quinque, vbi demorati sumus diebus septem.

ET VS translatio habet, Exhortatusq; illos valedixit, nimirum quod maxima affinitas sit inter παρακλησις αἰνῶς & προσκλησις αἰνῶς. Hoc autem significat complexus est, illud verò ex- hortatus est. Vnum ergo in alterum mutari libriorum incuria potuit. Sanè vetus inter- pretatio probatur & Chrysostomo dicenti, Ab hoc tumultu multa consolatione opus e- rat. Hoc sanè & facit. Erasmus in Paraphrasi virunque exponens ait, Exhortatus est eos, vt constan- ter pergerent in his quæ cœpissent, & complexus illos, ac vale dicto profectus est, vt iret in Macedo- niam. Neque in hac aliud agere, quàm fratres voluit confirmare. Idem & in Græcia, hoc est, Achaia fecit: verum insidias declinans in Macedoniam redit, vt inde soluat in Asiam. Quod autem Pauli co- mites non citra eximiam laudem nominatim recitantur, indicat quanta sit Euangelij gloria & quan- ta Pauli auctoritas, cui tot eruditi ac pij viri adhæserint: quorum ille vicissim magnam habuit ratio- nem, longa experientia edoctus, quantum bonum sit, doctum & pium reperisse, aut ad manum ha- bere virum, quoties id Ecclesiarum postulari necessitas. Hi autem præcedentes procurarunt ea in Asia, quæ videbantur necessaria: expectantes Paulum vnà cum reliquis, in quorum numero & Lu- cas fuisse videtur, Troade, quò & non multis post diebus Paulus secundis deuenit ventis.

Vno autem die sabbatorum cum conuenissent discipuli ad frangendum panem

panem Paulus differebat eis, profecturus postridie, protraxitque sermonem usque in mediam noctem. Erant autem lucernae multae in cenaculo, ubi eramus congregati. Sedens autem quidam adolescens nomine Eutychus in fenestra, quum degrauiaretur somno profundo, dillorente diu Paulo, magis depressus somno, decidit ex tertio cenaculo deorsum, & sublatus est mortuus. Cum descendisset autem Paulus incubuit super eum, & complexus dixit Nolite turbati, anima enim eius in ipso est. Cum ascendisset autem, fregissetque panem, ac degustasset, diu colloquutus usque ad diluculum, ita demum profectus est. Adduxerunt autem puerum viuente, & refocillati sint non mediocriter.

Obiter & in transeursu describit hoc in loco & disciplinam Ecclesiasticam, & miraculum quoddam non vulgare. Ad disciplinam Ecclesiasticam pertinet, quod sabbatorum die conveniunt, quod praedicationem audiunt, & panem frangunt. Videntur autem haec Dominica die esse gesta, & Vna sabbatorum (ut & in Evangelica historia & 1. Cor. 16.) positum esse pro prima. Video enim & Hieronymo aduersus Vigilantium placere, Vna die positum esse pro Dominica die. Per Fractionem autem panis aliud nihil intellexit, quam ipsa (quod & Beda sentit) Christianorum mysteria, distributionem corporis & sanguinis Christi mystici, quae distributio sine oratione & diuini verbi praedicatione esse non potest. Siquidem Dominus instituit, ut frangentes panem, in memoriam mortis suae frangamus. Et Paulus, Quotiescunque (ait) comederitis de hoc pane & poculo hoc biberitis, mortem Domini annuntiabitis. Verbo itaque docenda est mors & redemptio Christi, qua & excitetur gratiarum actio, peccatorum agnitio, & fides in Christum. Nulla porro mentio hic fit ullius arae, cantus, Missae, sed praedicationis & Eucharistiae. Sed de hac re dictum est in cap. Actorum 2. Quamquam hic locus superiorem confirmet, quod tanto iam elapso tempore detritoque in Evangelica praedicatione Paulus nihil noui assuit ritui veteri. Videbat enim id longe absolutissimum esse quod ipsa Dei sapientia Christus discipulis suis tradiderat. Atque utinam & hodie sacrosanctum illud Christianorum mysterium, auctioribus & additamentis non ita locupletassent quidam, imò deprauassent. Non piguit Paulum praedicationi totam insumere noctem: at isti infinitas etiam suarum Missarum myriades celebrantes, ne semel quidem mysteria Christi vera & Evangelica praedicatione rudi populo exponunt. Tota ergo religio ipsumque sacrum mysterium apud illos ad circulatoriam, gesticulationesque corporis, ac ceremonias inanes, denique ad infrugiferam conceptorum verborum recitationem redactam, nihil commodi adfert spectatoribus, nisi quis ornatu, quo apud istos omnia admirabilia sunt, afficiatur. Illud quoque annotandum Fractionem panis & verbi Dei praedicationem nec loco nec tempore alligatam esse. Hoc enim noctu fecit Paulus, quod nos die solemus. Praeterea non in templo, sed in cenaculo domus forte oblata, Christum suis & praedicaui & dedit. Hoc non dixerim quod putem morem nostrum malum esse, sed ut indicem liberum esse Ecclesijs, de tempore & loco discernere. Id quod ipse etiam Augustinus in Epistola ad Ianuarium, quae ordine 118 est, liberum esse voluit. Porro nemo audiens hic lucernarum mentionem fieri arbitrabitur istas religionis gratia fuisse accensas. Nam ipse quoque Hieronymus Vigilantio respondens, negat cereos alia causa accendi in Ecclesijs, quam ad solatium nocturnae caliginis. Et Lactantius libro Instituti. de Vero cultu 6. cap. 1. Num igitur (inquit) mentis suae compos putandus est, qui auctori & datori luminis candelarum accerearum lumen offert pro munere? Aliud verò exigit à nobis lumen, & quidem non fumidum, sed (ut ait poeta) liquidum atque clarum, mentis scilicet. Et quae sequuntur. Ceterum ad miraculum pertinet restitutio Eutychis, quem Latine vocare posses Fortunatum, in quo nonnulla nobis traditur socordiae increpatio ac poena. Beda, Inter verba (inquit) praedicationis occurrit occasio sanationis, ut dulcedine miraculi, & doctrinae sermo firmetur, & vigiliarum labor arceatur, & memoria magistri iam discessuri penitus infigatur. Vbi ergo ille decidisset, accursum est (ut fit) à ceteris, sed repertus est mortuus, ac sublatus in domum. Id ubi cognouit Paulus, descendit, & nihil arrogantius iactans, sed cum humilitate accedens, ad Heliae Prophetae exemplum, incuruato corpore incubuit super eum, veluti complexu suo fouens exanimem. Atque hic diuina virtute restitutus sibi Fortunatus, respirare coepit. Quare moerentes consolatus Apostolus, rursus ascendit cenaculum, ac tum primum distribuit sacrosanctum symbolum, ipseque sumpsit cum ceteris. Deinde verò interruptum redintegrans sermonem, hunc usque ad diluculum protraxit: ita demum profectus est. Pudeat ergo nos nostrae inertiae, qui ne in die quidem verbum Domini audimus, ut si aliquid

Domini.

Francis.

*De lucernis in
ade sacra.*

*Socordiae in
crepatio.*

*Sermo salutis
non debebat*

et

et

molestissima, at in conuiujs aut spectaculis ludicris nulla satis longa est. Nemo in his dormit, nemo frigus aut æstus caussatur vt in concionibus sacris. Adeo increuit malicia nostra.

Nos autem conscensa naui soluimus Asson, inde excepturi Paulum. Sic enim ordinauerat ipse per terram iter facturus. Cum autem conuenissemus Asson, recepto eo venimus in Mitylenen. Et inde nauigantes, sequenti die venimus contra Chium. Postridie verò appulimus Samium, & commorari Trogillij proximo die venimus in Miletum: proposuerat enim Paulus præternauigare Ephesum, ne tempus tereret in Asia. Festinabat enim, si possibile sibi esset, vt diem Pentecostes ageret Hierosolymis.

Labor Pauli.

Nullibi comperias Paulum fuisse delicatulum: ergo hoc loco pedes iter instituit, prorsus episcopis nostris dissimilis, qui nisi equis selectissimis aut vehiculis Persico luxu instructis vehantur, naturam prælatricam violari atq; dehonestari credunt. Reliqua petantur ex Epitome. Porro Hierosolimam propterea contendebat ad Pentecostes peruenire diem, quod tunc, ex more, frequentior esset ex omnibus Iudææ partibus concio. At qui priusquam solueret, Asiaticis episcopis Ecclesiis ita commendare voluit, vt omnes posteri in hoc exemplum ac institutionem haberent, quid sequi deceat. Lucas ergo rem nobilissimam mira describit diligentia.

A Mileto autem missis Ephesum nuntijs, accersuit presbyteros Ecclesiæ: qui cum peruenissent ad ipsum, dixit eis: Vos scitis à primo die quo ingressus sum Asiam, quomodo vobiscum per omne tempus fuerim, seruans Domino cum omni humilitate: cumq; multis lachrymis & tentationibus, quæ mihi acciderunt ex insidijs Iudæorum, vt nihil suffugerim eorum quæ essent in rem vestram, quin annuntiarem vobis, & docerem vos publicè ac per singulos domos, testificans Iudæis simul & Græcis, eam quæ erga Deum est, pœnitentiam ac fidem, quæ est erga Dominum nostrum Iesum.

Episcoporum institutio.

Oratio ergo Pauli quam hoc loco descripsit Lucas, supra modum elegans est nec minus utilis, in primis (vt diximus) ijs, qui præfecti Ecclesijs satis periculosum sustinent prouinciam, qui si sapiunt & sibi consultum volunt hanc Pauli orationem noctes atq; dies animo voluent. Cæterum expositoria est, plurimum vbiq; habens exhortationis & consilij immixtum. Huc tamen referuntur omnia, vt in sana veritatis doctrina permaneant, hanc Ecclesijs fideliter dispenent, labores non horreant, sua non quærant, & ab hæreticis caueant, sed & omni parte bene aduigilent. Vbiq; autem (pro more suo) immiscet causas, & stimulos, vt persuadeant. Tota verò paternum quendam & amore maximaque cura flagrantem respicit animum. Quemadmodum ergo diximus, tota hac oratione sua Paulus aliud non docet, quàm quales esse debeant episcopi, hoc est, ministri Euangelij, quibus animarum salus credita est. Cuius rei vt exemplum habeant, seipsum imitandum proponit. Res itaque suas breui enumeratione exponit, vt quid ipsos deceret in promptu haberent, quos successores in labore verbi Dei relinquebat. Principio autem citra omne lenimen aut exordij blanditias auspicans ab ipsa re, coram illis, quibus veritas charior esse debebat, quàm vt pluribus essent oratione instructa permouendi, dicit, Non est necesse, fratres, vt multis fidelitatem Asiaticis Ecclesijs in ministerio verbi exhibitam vobis commendem. Ipsi enim nostis quomodo seruierim Domino, quid passus sim, & quanta diligentia & sedulitate egerim omnia. Seruiui enim illi *μὴ ἀποδόντα πεινοροσύνῃς* cum omni inquam animi modestia, nihil altius de me sentiens, sed ad exemplum præceptoris Christi humilis & omnibus inferuiens, multa etiam ab aduersarijs verbi patiens, quorum tamen duritia plures excussit lachrymas, quàm execrationes. Et quanquam multorum vrgerent insidiæ, nihil tamen veritatis subtraxi vobis, aut territus afflictionibus, quicquam vel periculi vel laboris detrectaui, sed quæcunque ad salutem videbantur necessaria priuatim & publicè tradidi, vtcunque se ferebat occasio. Iam verò vt summam quoque Euangelicæ prædicationis collectam attexeret, subdit, Testificans Iudæis simul ac Græcis eam quæ ad Deum est pœnitentiam siue reuersionem, & fidem quæ est in Dominum Iesum. Duo ergo sunt quæ Euangelio traduntur, Pœnitentia, quæ animi & vitæ est resipiscentia: & Fides, quæ est firma in Christum Iesum mortuum & exuscitatum fiducia. Quæ quidem non Iudæis modò, sed omnibus Gentibus prædicanda sunt. Sed de istis omnibus copiosius dictum in epistola ad Romanos.

Modestia Pauli.

Summa Euangelij.

Romanos. Loci autem qui hinc colliguntur hi sunt. Quod Apostoli omnem nobis veritatem exposuerunt. Quod nihil aliud quàm vitæ innocentiam & fidem docuerunt. Quod qui piè in Christo viuere volunt persecutionem patiantur. Nihil verò à viro pio ac forti mortis metu detrectari. Humilitatem animi Deo placere, 1. Pet. 5.

Et nunc ecce ego alligatus spiritu, proficiscor Hierosolymam, quæ in ea obuentura sint mihi ignerans, nisi quod spiritus sanctus per singulas ciuitates testificatur dicens, quod vincula & afflictiones me manent. Verum nihil me mouet; neq; vita mea chara est mihi ipsi, vt consummem cursum meum cum gaudio, & ministerium quod accepi à domino Iesu ad testificandum euangelium gratiæ Dei.

Quorsum verò hæc tam altè repetita pertinent? Huc nimirum, quod iam discessurus sum, amplius non rediturus. Volui ergo prius commendare vobis Ecclesias. Cæterum alligatum se dicit spiritu, qui ductu spiritus voluntari Domini obtemperabat, atque volens hunc monitorem ductoremque sequebatur. Idem spiritus per ora sanctorum hominum in singulis vrbibus, per quas proficiscebatur, palàm testabatur Paulum Hierosolymis in vincula esse coniiciendum. Iam verò ne nimium tristarentur consolationis vice subiungit, Nihil autem curo vincula, aut ipsam etiam mortem. Nam ipsa vita mea temporalis, non est mihi charior Christo ac veritate, in quo æternum viuam, si in finem vsque non deero functioni mihi impositæ. Neque verò aliud mihi cordi est, quàm vt fideliter exequar munus mihi impositum, vt gratiam inquam Dei per Christum orbi exhibitam summa propagatione sedulitate & animi promptitudine. Hæc obsecro legant Episcopi, qui metu mortis adeo paueant, vt ab omni prorsus veritate resiliant. Mors equidem amara est, & carni plus quàm dici possit *Metus mortis.* horribilis, sed confortanda mens cœlestibus bonis, quæ procul dubio consequuntur qui terrestria contempserint. Si vel moriendo fuerit, vel prodenda veritas ac viuendum, mortem potius quàm vitam eligere debes. Nam salus tua tibi vita charior erit, si sapis. Itaque & Paulo ministerium suum vita sua sibi erat charius. Malebat hanc periclitari, quàm illud non exequi strenue. Obserua autem admirabile Dei consilium, quò sit, vt Apostolus qui hætenus toties fugerat, & discipulorum precibus obtemperans sese subduserat, nunc omnium preces surda aure transeat, & virtute Dei intus rapiente, ad supplicij locum properet. Id ceu per nebulam viderat, qui dixit, Fata volentem ducunt, nolentem trahunt.

Et nunc ecce ego scio, quod posthac non videbitis faciem meam vos omnes, per quos transui, prædicans regnum Dei. Quapropter contestor vos hodierno die, quod mundus ego sum à sanguine omnium. Non enim subterfugi, quò minus annunciarim omne consilium Dei vobis.

Rediit & absoluit quod prius ceperat, nam hic demum absoluitur sensus, qui hætenus suspensus fuit. Hoc autem dicit, tam altè petito principio ideo vsus sum, quod Spiritus sancti instinctu certo edoctus noui quod faciem meam, id est, me ipsum, posthac amplius non sitis visuri. Volui ergo istis protestari prius, quod quicquid ad veram absolutamq; pertinet pietatem plenè tradiderim, vt nunc omni culpa caream si quis vestrū aliud doctrinæ genus sequens perit: sua enim culpa, non mea *Omnia tradiderunt Apostoli.* perit. Ego enim ab omnium sanguine purus sum. Vsurpauit autem Sanguinem sicuti in 18. cap. adduimus, sed & alludit ad 3. cap. Ezech. Prophetæ. Miror autem quid ad hæc vsq; adeo aperta respondere possint, qui garriunt Apostolos non omnia omnibus tradidisse: ideo multa plurimos post annos à Consilij & patribus esse ad ecclā, quæ & ipsa sint ad salutem necessaria: quæ tamen si ijs conferantur quæ Apostolorum literis & gestis prodita sunt, ex diametro, vt aiunt, dissident.

Attendite igitur vobis & cuncto gregi, in quo vos Spiritus Sanctus posuit episcopos ad regendum Ecclesiam Dei, quam acquisiuit sanguine suo.

Postquam ergo exposuisset, quod posthac ipsum non essent visuri amplius, & quod omnia ea tradidisset, quæ ad salutem consequendam pertinerent, nunc nudato pectore & verbis apertissimis hortatur, vt in suscepta & confessa veritate ipsi persistant, & in hoc toti sint aduigilentque vt in eadem & ipsorum perseuerent Ecclesiæ. Primum enim est, vt quisque sibi ipsi persuaserit quod alijs persuasum cupit. Porro fideles gregis cognominat vocabulo, idque per allegoriam ex Prophetis & verbis

Domini petitam. Notissima enim sunt quæ Ezechiel de hac re scripsit cap. 24. & quæ ipse Dominus apud Ioannem dixit in capite 10. atque 21. Plurima autem simul miscet, quæ ad vigilantiam ipsos excitent. Huius generis est, quod dicit, Attendite gregi, cui præfecit vos spiritus sanctus, ipse inquam Deus. Quasi dicat, Maximus & potentissimus, imò & oculatissimus est princeps, cui seruitis, accuratius ergo seruite, memores eius cuius serui estis. His palàm iungit nomen rei, dicens, In quo vos posuit Episcopos. Nunc enim Episcopos vocat quos paulò ante vocarat presbyteros. Est autem ἐπισκοπος, id est, Episcopus, speculator & obseruator & custos & præfectus. Cicero enim ad Atticum libro 7. Vult enim me (ait) Pompeius esse quæ tota hæc Campania & maritima ora habeat ἐπισκοπῶν, ad quem delectus & negotij summa referatur. Athenienses quos ad stipendiarias subditasque ciuitates mitterent, vt quid in quaque ageretur diligenter inspicerent obseruarentque, Episcopos dixere & φύλακας. Præfectus annonæ iureconsultus Archadius Episcopos nominauit. Sunt qui ἐπί in co nomine redundare arbitrentur, de quorum numero est Eustathius Homeri interpret, & σκοπὸς, & ἐπισκοπῶν idem esse: at reuera deriuatur ab ἐπισκοπῆσι confidero, vel ἐπισκίπτειν visitare. Inde iam est Episcopus, οὗτοι λαῶνας (vt ait Suidas) ἀρµοσάς ἐλέγοντο, id est, quos Lacones vocant Armostas. Ad expositionem quoque huius pertinet quod sequitur in Luca, ποιμαίνει, quod plerique verterunt regere siue ad regendum Ecclesiam Dei; verum id verbi superciliosus est quæ quod huc pertineat, maximè nostris temporibus, in quibus Episcopi nostri Episcopatum aliud non esse putant, quàm dominandi libidinem. ποιμαίνει ergo est pastorem more gubernare & curare, siue pascere, id est, verbo veritatis reficere. Sumpta Metaphora à pastoribus, idque ad præscriptum (vt diximus) Prophetarum & verborum Christi, quæ postea Petrus clarius expressit in priorē sua Epistola cap. 5. Quin hic quoque adijcitur, Ad pascendum Ecclesiam Dei. Iam ergo Ecclesiam vocat, quam superius gregis nomine adumbrarat, Ecclesiam autem Dei. Ecclesia enim Dei est, nō hominis pastoris. Pastor alienarum ouium pastor est, non suarum. Oves Dei sunt, cuius ille (ni mercenarius & prædo sit) imperijs subest, & Ecclesiæ minister, non dominus est, qui pabulo verbi Domini gregem reficere debet. Dominus enim Iesus pro Ecclesia mortuus est, & hanc proprio sanguine purgauit, ipsamque sibi in coniugem copulauit, vt ipse in Ephesijs quinto capite docuit. Non est igitur committendum, vt merx tam care emptā Deo, pastorum pereat negligentia. Hæc porrò Episcopis Pontificijs ita laruam detrahunt, vt nisi iam olim illorum animi in superstitione, mendacio, avaritia & luxu obriguissent, fortis suæ plus quàm pingeret puderetque.

Ego enim noui hoc, quod ingressuri sint post discessum meum lupi graues in vos non parcentes gregi. Et ex vobis ipsis exorientur viri, loquentes peruerfa, vt abducant discipulos post se, propter quod vigilate, memores quod per triennium nocte ac die non cessauerim cum lachrymis monere vnumquemque.

**Aduersus pseu-
doprophetas.**

Causam subiungit, cur tam anxie hortetur ad vigilantiam, quod scilicet certo norit impostores plurimos fore exorituros. Imò quo magis istorum, imò omnium nostrū mentes excitet, periculum ipsum maximè augeat, & Metaphora ex verbis Christi petita, extollit, dum istos lupos appellat, nec quosuis, sed graues, id est, rapaces, quos Germani vocamus, wār wölff. Christus enim Matt. 7. Attendite (inquit) vobis à falsis Prophetis, qui veniunt ad vos in pellibus ouillis, intrinsecus autem sunt lupi rapaces. Lupis autem peculiaris est voracitas. Notat ergo scriptura inexplabilem pseu-
doprophetarum ingluuiem & avaritiam, vtpote quibus ipse Dominus Iesus & vita æterna (huius enim se venditores iactitant) obolo venalis sit. Imò ne quis allegoriam minus intelligeret, eius expositionem subiungit & ait, Ex vobis ipsis, id est, ex ijs qui se Christi discipulos & Ecclesiæ membra iactant, exorientur viri (ecce hi sunt isti lupi) docentes dissimulata, id est, distorta & obliqua, hoc est minime simplicia minimeque syncera. Talia enim sunt hæreticorum dogmata, vt si scripturis conferantur, aut dissideant ex diametro, aut à simplicitate plurimum varient, & ad humanas affectiones inclinent, adeoque & lectorum conscientias intricent. Iccirco autem in pura simplicitate Euangelica nō persistunt, quod aut sua quærunt, aut alij videri volunt, quàm sint. Propterea enim discipulos post se abducunt, vt apud hos sint in pretio. Pulchrè ergo D. Augustinus cap. 1. ad Honoratum de Vtilitate credendi, Hæreticus est (inquit) mea sententia, qui alicuius temporalis commodi & maximè gloriæ principatusque sui gratia falsas ac nouas opiniones vel gignit vel sequitur. Ad quæ omnia si adhibeas atque probes qui nam ex ijs qui hodie dicuntur hæretici, hæretici sint, comperies opinor minus hæreticos esse qui dicuntur. Consulantur præterea loci de pseudoprophetis apud Isaiam in 56. cap. apud Ieremiam in 23. apud Ezechielem verò in 13. apud Micheam quoque in 3. item apud Paulum ad Rom. 16. ad Philip. 3. in 1. Timoth. 4. & in 2. ad Timoth. 3. & 4. cap. item apud Petrum in 2. cap. & 3. Postremo illatio-

v. Ioan. 2.

Hæreticus quis

mò illatio-

mò illationem infert. Proinde vigilate: iterum addens flammulam, Memores quod triennio iam hoc ipsum noctes atque dies, nec citra lachrymas subinde ingesserim, nec in genere tantum, sed singulis quoque peculiariter inculcarim. Vigilate ergo fratres, vigilate inquam: quo enim plus periculi imminet, hoc attentius vigilate. Quid obsecro dici vel scribi potuit ardentius? Utinam autem ita in pectore pastorum tam ardeant, quam vehementer in auribus sonant. Atqui rationem aliquando reddemus, ô fratres, pastorum principi Christo. Væ autem nobis si illos nostra inertia aut pusillanimitate perdidimus, pro quibus Christus fuerat mortuus. Vigilemus ergo, ô fratres, & eum timeamus qui & corpus & animam precipitat in tartara.

Et nunc commendando vos fratres Deo, & sermoni gratiæ ipsius, qui potēs est superstruere & dare vobis hereditatem inter sanctificatos omnes.

Iam verò dolorem illum in quem de periculis differens, coniecerat, committigans addit, Certe rum non est quod timeatis vos in hac pugna succubituros, Deus enim potens & misericors est, qui Ecclesiam non destituit, neque ministris verbi sui deerit. Commendo igitur vos Deo, ut ipse ei, qui fundamento Christo poterit superstruere firmum & elegans Ecclesiæ ædificium: præterea commendando vos sermoni, qui est de gratia per Christum collata orbi, è quo si quid deerit, petatis. Lucerna enim pedibus nostris verbum eius & lumen semitis nostris. Duo itaque sunt quæ in hac lucta certantes contra hæreticorum diaboli & mundi incursiones solantur, Potentia ac præsentia Dei, & verbum veritatis. Age ergo, ô fratres, fidamus omnipotenti Deo, inuocemus illius auxilium, innitatur verbo eius, & procul dubio vincemus. Porro nisi domum alleruet Dominus, frustra vigilat, qui custodit eam.

*Arma pastorum
hæc gratia &
verbum Dei.
1. Cor 3.
Eph. 2.*

Argentum & aurum, aut vestem nullius concupiui, imò ipsi scitis, quod necessitatibus meis, & his qui mecum sunt suppeditauerunt manus hæc Omnia ostendi vobis, quod sic laborantes oportet suscipere infirmos, ac meminisse verborum domini Iesu, quoniam ipse dixit: Beatū est dare potius quam accipere.

Ex avaritia procerum Ecclesiæ maxima oriuntur mala, sicuti in Iuda comprobatum est. Et avaritia, teste Paulo, omnium malorum radix est. Hinc in calce huius orationis ut penitus figeret aculeum aduersus avaritiam dixerat, & quod alibi vno verbo dixit Episcopum turpis lucri non debere auidum esse, id hæc mira copia miraq; eundem explicat, iterum sese exemplum proponens imitandum. Paria his prorsus legimus & de Samuele 1. Samuelis lib. cap. 12. Tantum abest (inquit Paulus) ut à quoquam quicquam extorserim, ut ne concupiuerim quidem vnquam vllius facultates: imò dum necessitas vrgeret, & ipsum Domini verbum dicens, Operarium dignum esse mercede sua, non obstarer, attamen manibus iniice (ἐκτετακίς) prauis mihi meisque sodalibus ea quæ erant necessaria: ut hoc ipso vobis exemplum præberem, infirmos sumptibus (si sic ferat occasio) grauandos non esse, ne illis occasio detur desciscendi à fide. Monuit enim Erasmus *ἐν τῇ αἰσχροῦ* proprie esse porrecta manu retinere lapsurum alioqui aut abiturum. Im ut omnia maiorem apud istos haberent auctoritatem, sententiam Domini Iesu adiecit, Beatius est dare, quàm accipere, quæ tamen si conceptis verbis nullibi descripta legatur, tamen apud Lucam in capite decimoquarto eleganti de inuitandis parabola, beneficia ita conferri vult, ut omnis ablit meliora aut paria consequendi spes. Apud eundem in 6. cap. Mutuum (inquit Christus) date, nihil inde sperantes. Sed ô Denm immortalem quantum absunt nostri præsidēs à Pauli innocentia. Hodie non nisi magnarum accessione opum æstimauntur Episcopatus, nec auctoritas ædest nec dignitas, nisi amplæ respondeant facultates, adeoque nec virtuti amplius nec eruditioni suus est honor, sed fortunæ & pompæ mundanæ tribuuntur omnia: unde & verissimum est quod vulgo dictum est, Religio peperit diuitias, & filia deuorauit matrem. Copiosiora autem de functione Episcoporum qui velat, legat utranq; Pauli ad Timotheum, & vnā ad Titum Epistolā, hæc de re potissimum conscriptas. Hoc saltem adiecerim, Mendicantium monachorum sectas, hæc Christi sententia, Beatius est dare, quàm accipere, prorsus esse ceu sacro fulminis telo transfixas.

*Aduersus auaritia
& luxum episcoporum.*

Monachi.

Et cum hæc dixisset, positis genibus suis, orauit cū omnibus illis. Magnus autē fletus coortus est omnium: & ruentes in collum Pauli, osculabantur eum dolentes: maxime ob sermonem quem dixerat, quod amplius faciem eius non essent visuri. Et deducebant eum ad nauem.

Nihil citra orationis præsidium cæpit aut peregit Paulus vnquam. Siquidem sine Dei auxilio *Preces Pauli.*

nihil possumus. Cæterum is orari vult. Proinde vbiq; nobis commendatur sanctorum oratio, vt discamus etiam nos indefessis perpetuisq; inuigilare precibus. Quod autem præterea narratur de Christianorum dolore ex interitu Pauli concepto, de lachrymis, osculis & conductu, humanitatem nobis commendant, quam nisi quis fratribus præstiterit, haudquaquam Christiano nomine dignus erit. Illi sanctissimum Apostolum, oculis etiam quoad licuit prosequuti sunt nauigantem. Sic inquam in hisce agentes terris auellimur tandem à charissimis quoque. Nulla ergo certa infallibilis & æterna post Deum in orbe restat spes. Ab hoc vno in æternum si vel semel illi arctius hæserimus non separabimur.

CAPVT XXI.

CUm autem factum esset, vt soluissimus, auulsi ab eis, recto cursu venimus Coum, & sequenti die Rhodum, & inde Pataram. Et nacti nauem, quæ trañceret in Phœnicen, ea conscensa soluimus. Cum autem cœpisset nobis apparere Cyprus, relicta ea ad sinistram nauigauimus in Syriã, ac venimus Tyrum: nam huc nauis exponebat onus. Repertisq; discipulis, mansimus ibidem diebus septem. Qui Paulo dicebant per spiritum, ne ascēderet Hierosolymam. Et expletis diebus, profecti ibamus deducentibus nos omnibus vnâ cum vxoribus & filijs, donec exissemus ciuitatem, & positis genibus in litore precati sumus. Et consalutatis nobis inuicem, conscēdimus nauim: illi autem redierunt ad sua.

Dulcissimus fidelium affectus erga doctore.



HTERVM remittimus ad Epitomē, vt ex ea petas, quæ Chorographiæ sunt. Beda hoc in loco annotauit, nullam vnquam ciuitatem maiori dulcedine Apostolum suscepisse, tenuisse, dimisisse, quàm Tyrum. Denique hodie etiam (ait) monstratur in arena locus vbi pariter orauerint. Equidem indicauit locus hic quàm viuax dictionis spiritus in crescentis Ecclesiæ fratribus sororibusq; fuerit, quantumq; per omnia officij & synceritatis. Nos qui hodie non minus Domini Apostolos Paulum & reliquos, viuâ vtiq; ipsorum scripta atque colloquia habemus, prorsus frigidè erga tantum afficimur thesaurum, propterea quod parum Christiani amoris rerumq; honestarum studio flagramus. Porro D. Ioannes Chrysostomus, dies quorum hic subinde fit mentio, computans, sic scribit, Post Azyma in Troadem venerunt diebus quinque, deinde ibi fuerunt dies septem, & habes dies duodecim: deinde in Assum in Myrilenen, contra Chium in Trogyllum, in Samum, in Milerum, & erunt decem & octo dies: postea in Choum, in Rhodum, in Pataram, en viginti & vnum dies: deinde illinc per dies quinque in Tyrum, vt sint dies viginti sex: mox illic morantur dies septem, colligunturq; triginta & tres dies: postea in Ptolomaidem vno die pertingunt, & fiunt triginta & quatuor dies: deinde Cæsareæ manet pluribus alijs diebus, & tunc abit Hierosolymam, & sic complentur dies Pentecostes & ibi illa facit, sicuti illam superius in 20. cap. facere instituerat. Hæc propter curiosulos annotauimus, ne credant dierum numerum frustra esse à Luca recensitum.

Dierum computatio.

Nos verò nauigatione explicita à Tyro, descendimus Ptolemaidam: & salutatis fratribus, mansimus diem vnum cum illis. Postridie verò nos qui eramus cum Paulo, venimus Cæsaream. Et ingressi domum Philippi euangelistæ, qui erat vnus è septem, mansimus apud eum. Huic autem erant quatuor filiæ virgines prophetantes.

Sancti episcopi exemplum.

Vbiq; charitatis officia exhibent fratribus atq; mutuo suscipiunt. Nam Dominus in Euangelio dixerat, In hoc cognoscent vos quod mei sitis discipuli, si charitatem inter vos mutuam habueritis. Porro Philippus hic idem ille est, cuius mentio facta est in huius operis Cap. 8. atque 6. Hic domicilium apud Cæsarienses habuit, nimirum Ecclesiastes eius Ecclesiæ. Quod ergo de episcopis scripserat Paulus in 1. ad Timoth. 3. Oportet Episcopum irreprehensibilem esse, vnus vxoris maritum, modestum, hospitalem, alienū ab avaritia, qui suæ domui bene præsit, qui liberos habeat in subiectione cum omni reuerentia: id totum in hoc Philippo ceu viuo exemplari videmus. Nam irreprehensibilis est

bilis est, hospitalis est: excipit enim Paulum cum illo nobili & satis numeroso sodalicio: unde ipsum & ades & opes possedisse verisimile est: item filias habet prophetantes, liberos inquam probet illos tutos. Non autem intelligimus istas prophetasse, id est, docuisse, id enim Pauli, imo Domini praecepto vetitum est, ut liquet 1. Corinth. 14. & 1. Timoth. 2. Prophetissae ergo dicuntur, quia prophetas, id est, verbo Domini prorsus deditae se in vera pietate exercuerint. Ita & Anna filia Phoebe apud Lucam prophetissa dicitur. *Ein Gottesföndung weyb/das dem wort Gottes flyßig anhieng.* Quae & in 1. ad Corin. 11. cap. palam prophetandi verbo vitatur Paulus pro prophetiam audiend. Cæterum in filiarum mentione, nimirum illud inclusum est, quod Philippus vnus fuerit vxoris maritus. Probant sunt ergo ministri verbi vnus vxoris esse mariti. Scortationis ergo patroni sunt Pontifices, presbyteris coniugio interdiciunt, interim verò ad scortationem eorum longe impudentissimè conueniunt. Quod autem dicunt apostolos repudiasse aut reliquisse vxores posteaquam verbi Dei ministri facti sint, palam mentiuntur. Id autem probamus hisce Pauli verbis, quæ leguntur in 1. ad Corin. 7. cap. An non habemus potestatem *ἐκκλησιαστικὰ*, id est Christianam coniugē circumducere, vt ad modum & cæteri apostoli, & fratres domini, & Cephas? Item, Propter scortationem *πορνείαν*, quæ portet episcopum vnus vxoris esse maritum. Aut si illos humana plus mouent, ad id vtantur, vt illum Clementem apud Eusebium Ecclesiast. hist. lib. 1. cap. 31. aduersus eos qui nuptias spernunt, inter cætera ita scriberet, An verò & apostolorum improbat? Petrus etenim ac Philippus, & vxores habuerunt, & filias etiam nuptū viris dederunt: sed & Paulum non videt Apostolū in quadā epistola sua (ad Phil. 4.) mentionem vel salutationem facere comparis saxe, quem se ideo negat circumducere, vt ad prædicationem Euangelij expeditior sit. Hic Clemens vixit sub Commodi Imperatore, anno Domini CXC VII. Porro si obijciant illi, nuptias quidem presbyteris in primitiua Ecclesia licitas fuisse, aliud autem interim Patribus & Consilijs visum atq; decretum esse: suam produunt stultitiam, imò impietatem. Paulus enim in 2. ad Corinth. 10. capite non aliam sibi sumit potestatem in Ecclesia, quàm quæ ad ædificationem data sit, & non ad destructionem. Idem in 1. ad Corinth. 7. nemini hac in re laqueum vult injicere. Cur ergo id isti audent, aut cur istis licuit, quod Apostolis non licuit? An verò illi sanctiores sunt Apostolis? An nostrum seculum primitiua Ecclesia purius est? An verò coniugium quicquam impuritatis habet? Vide amice Lector, quò bestiae istæ ferantur. Paulus palam dixit, Honorabile est coniugium apud omnes, & cubile impollutum. Scortatores autem & adulteros iudicabit Deus. Illi verò coniugium prohibent, & ad scortationem conueniunt. Ex instinctu ergo satanæ (id quod & Paulus clarissimis verbis in 1. ad Timotheum quarto capite edicit) profecta est lex contra coniugium ministrorum verbi lata. Quod si quid post legem Dei valere debet Consiliorum aut Patrum autoritas, nos pro nostra parte solidiora, clariora & firmiora habemus testimonia, nempe, vt reliqua omnia transeam, Nicenæ Synodi canonem. De hac Sozomenus apud Euphanium in Tripartita historia libro 2. cap. 14. in hanc scripsit sententiam. Synodus autem corrigere volens hominum vitam, & in ecclesijs commorantium posuit leges, quas Canones appellamus, in quorū tractatu videbatur aliquibus introducere legem, vt episcopi, & presbyteri, & diaconi, & subdiaconi, cum coniugibus quas ante consecrationem duxerant, non dormirent: surgens autem in medio Paphnutius confessor contradixit, honorabiles confessus nuptias: & castitatem esse dicens concubitū cum propria coniuge: suastq; Consilio, ne talem ponerent legem, grauem asserens esse causam, quæ aut ipsis aut eorum iugalibus occasio fornicationis existeret. Et hæc quidem Paphnutius licet nupriarum esset inexpertus, exposuit, Synodusque laudauit sententiam eius, & nihil ex hac parte fanciuit, sed hoc in vniuscuiusq; voluntate, non in necessitate dimisit. Hæc hætenus.

Ecclesiastica potestas.

Heb. 13.

Canon Synodi Nicenæ de coniugio sacerdotum.

Et cum permaneremus dies complures, aduenit quidam à Iudæa propheta, nomine Agabus. Is cum venisset ad nos, tulit cingulum Pauli, & alligans sibi pedes ac manus, dixit: Hæc dixit spiritus sanctus: Virum cuius est cingulum hoc, sic alligabunt Hierosolymæ Iudæi, tradentq; in manus gentium. Cum autem audissemus hæc, rogabamus & nos, & cæteri qui loci illius erant, ne ascenderet Hierosolymam. Tunc respondit Paulus, ac dixit: Quid facitis flentes & affligentes cor meum? Ego verò non solum vinciri, sed & mori paratus sum Hierosolymis pro nomine domini Iesu.

Dominus suis tormenta & crucem prænuntiat, non vt terreat, sed vt confirmet, atque aduersus imminetia pericula præparet. Hoc consilio & hac causa venit Agabus ille, qui superioribus annis & Antiochiæ famem prædixerat venturam, atque vaticinatur Paulum Hierosolymis in vincula se-

Cur dominus pericula præparauit.

re coniiciendum à Iudæis quidem, sed à Romanis variè diucxandum. Id quæ non verbis tantum, sed ex veterum Prophetarum more, eandem rem visibili quoque symbolo statuit ob oculos, cingulo videlicet Pauli sibi ipsi pedes atque manus vinciens, & mixta hac *κατα* significat Paulum fore capiendum. Huius generis plura inuenias apud Ieremiam, qui iam catena, mox amphora, iugo nonnumquam in medium prolato, significabat impios breui fore vastandos, atque sub iugum mittendos. Cæterum fideles & ipsi commiserationis & amoris affectu erga tantum doctorem veritatis ebrij, dehortabantur, non secus atque Petrus olim non mala mente à cruce dehortabatur Christum. Quocirca Paulus exponens ipsis Domini consilium & fatum immutabile, dicit, Plus me excruciant vestræ lachrymæ, quàm ipsum quod impendit periculum. Oro inanibus lachrymis cor meum affligere desinite. Stat animo semel Hierosolymâ petere. Hoc etenim ipse pascit Dei spiritus, qui nouit quid hisce meis vinculis velit, nimirum quàm latissimè Euangelij gloriam propagare. Non ergo horreo vincula, qui lucrum æstimo esse pro nomine Christi mortem fortiter oppetere. Vinciatur ergo Paulus, imò occidatur, modo quàm latissimè propagetur gloria nominis Iesu. Hæc obsecro præfigant sibi Episcopi, qui periculorum metu familiariumque lachrymis eucti, multa detestant, quæ ad gloriam nominis Dei facere videbantur, & discant Dei gloriam, posthabitis amicis ac necessarijs, vita denique ipsa contempta, & charissimis quibusuis neglectis, intrepida mente alacriq; vultu, per ignem & per enses, fortiter promouere. Aderit autem Deus fideliter laborantibus.

Constantia Episcopi.

Cum verò illi non persuaderetur, acquiecuimus dicentes: Domini voluntas fiat.

Hæc vox verè Christianorum est. Oportet enim post conflictationem illam, quæ consilij carnalis aduersus consilium spiritus esse solet, reiectis illis, hoc sequi, & voluntati Dei captiuam carnis infirmitatem subijcere: quemadmodum & Christum fecisse videmus, qui dixit, Verum non mea, sed tua voluntas fiat.

Post dies autem istos sublaris sarcinis, conscendebamus Hierosolymam. Venerunt autem vnâ quidam ex discipulis à Cæsarea nobiscum, adducentes secum, apud quem hospitaremur Mnasonem quendam Cyprium, antiquum discipulum. Et cum venissemus Hierosolymam, libenter exceperunt nos fratres.

Hospitalitas.

Laudatur hic Mnason Cyprius à fide & quod in hac iam diu perstitisset, & quod per hanc hospitalis esset. Fides enim sine operibus mortua est, eademque nisi sana sit, quantumvis interim veterusta sit, laudem meretur nullam. Itaque sodalities sancto Hierosolymam appulit Paulus apud sanctum hospitaturus hospitem. Quin & Hierosolymitæ venientes alacriter exceperunt, ubique & in omnibus charitatis præstantes officia.

Postero autem die introibat Paulus nobiscum ad Iacobum, omnesque cõuenerunt presbyteri. Quos cum salutasset, narrabat per singula quæ Deus fecisset inter gentes per ministerium ipsius. At illi cum audissent, glorificabant dominum.

Iacobus frater Domini.

Describit iam quid Hierosolymis gestum sit cum Paulo, & quomodo in vincula coniectus varia perpeffus sit pericula. Fuit autem hic Iacobus cuius meminit Lucas, qui & Iustus & minor & frater Domini cognominatus est, frater (vt 1. Cap. monuimus) Iudæ Apostoli, & Hierosolymitanæ Ecclesiæ 30. annis antistes: vir tantæ sanctitatis & celebritatis in populo, vt propter eius necem creditum sit subuersam esse Hierosolymam, quemadmodum ipse quoque Iosephus Antiq. lib. vlt. cap. 20. aperitis verbit prodidit. Septimo enim Neronis anno (sic referente Beda) cum Iudæi indies magis magisque, furerent in Christi ministros, & Paulus, cuius sanguinem mirificè sitierant, ex eorum manibus iam olim elapsus esset, omnem furorem suum in vnum effundunt Iacobum virum optimum, eumque de pinna templi præcipitatum, lapidabant, clamantem ac inuocantem, Rogo Domine Deus pater, remitte eis peccatum, nesciunt enim quid faciunt. Meminit enim eius rei ad hunc modum Eusebius ex Egesippo nobili & vetusto historico lib. Eccles. hist. 2. cap. 23. Porrò quod refert omnes conuenisse Hierosolymorum presbyteros ad laudem ac dignitatem facit Apostoli Pauli. Indicat enim non grauatim cõuenisse illos, audio quod venisset Paulus, vt exciperent eum. Et rursus ipsius officium prodit, qui cum pro more presbyteros salutasset, narrare eis cœpit Euangelij profectum ac ministerium suum.

suum. Vtrinque autem eximia quædam relucet cura & sollicitudo super incremento fidei ac veritatibus, quæ sanè vel maxime ad presbyteros pertinet. Nam ut hic exultans narrauit sic illos magno cum gaudio accepisse intelligimus, atque adeo glorificasse Dominum, non Paulum. Huius enim ministerium erat, illius incrementum, quemadmodum ipse de se testatur in 1. ad Cor. 3. Denique Chrysostomus, Non (inquit) Paulum extulerunt neque admirati sunt, sed Deum glorificauerunt, quin & ipse quicquid meruit Deo acceptum retulit.

Dixeruntque ei: Vides frater, quot millia sunt Iudæorum qui crediderunt, & omnes studiosi sectatores sunt legis. Audierunt autem de te, quod defectionem doceas à Mose, omnes qui inter gentes sunt Iudæos, dicens: non debere eos circumcidere filios, neque secundum instituta viuere. Quid est ergo omnino oportet conuenire multitudinem: audiunt enim te venisse. Hoc ergo fac quod tibi dicimus. Sunt nobis viri quatuor, votum habentes super se. His assumptis, purifica te cum illis, & impende super illis, ut radant capita, & scient omnes, quod quæ de te audierunt nihil sunt, sed ambulas & ipse custodiens legem. De his autem qui crediderunt ex gentibus nos scripsimus, decernentes, ne quid huiusmodi obseruent, nisi ut caueant & ab his quæ sunt immolata simulachris, & à sanguine, & suffocato, & scortatione.

Intelligimus in hæc verba pro sua & aliorum sententia Iacobum dixisse. D. Aur. Augustinus in *Augustini sententia de consilio Iacobi*. erudita illa epistola qua D. Hieronymo de legalium obseruatione respondit, sic locum hunc exponit, Non (ut opinor) obscurum est (inquit) & Iacobum hoc ideo monuisse, ut scirent falsa esse quæ de illo audierant, hi qui cum in Christum ex Iudæis credidissent, tamen æmulatores erant legis, ne per doctrinam Christi velut sacrilega nec Deo mandante conscripta, damnari putarentur quæ per Moysen patribus fuerant ministrata. Hoc enim de Paulo iactauerant non illi qui intelligebant quo animo à Iudæis fidelibus obseruari ista deberent, propter commendandam videlicet authoritatem diuinam & sacramentorum illorum Prophetica sanctitatem, non propter adipiscendam salutem quæ iam in Christo reuelabatur & per baptismi sacramentum ministrabatur: sed illi hoc de Paulo sperauerant, qui sic ea volebant obseruari, tanquam sine his in Euangelio salus credentibus esse non posset. Ipsum enim (Paulum) sentierant vehementissimum gratiæ prædicatorem & intentioni eorum maxime aduersum, docentem non per illam hominem iustificari, sed per gratiam Iesu Christi, cuius pronuntiandæ causâ illæ umbræ in lege mandata sunt. Et ideo illi inuidiam & persecutionem molientes concitare tanquam inimicum legis mandatorum diuinorum criminabantur. Cuius falsæ criminationis inuidiam congruentius deuitare non posset, quam ut ea ipsa celebraret, quæ damnare tanquam sacrilega putabatur, atque ita ostenderet, nec Iudæos tunc ab eis tanquam nepharijs prohibendos, nec Gentiles ad ea tanquam necessaria compellendos. Hactenus Augustinus, quem in ea sententia esse videmus ut existimet Iudæos qui credidissent sanè nec libertatis ignorantia, nec conscientie infirmitate legalia custodisse, sed magis ut huc facto suo testarentur ceremonias legis damnandas non esse velut nociuas, si quis in eas nihil fideret, & post fidem Christi aliquousque seruari posse arbitraretur. Nam paulò post, Legalia (inquit) sicut defunctorum corpora, necessariorum efficijs deducenda erant quodammodo ad sepulturam, non autem deferenda continuo vel inimicorum obtreptionibus tanquam canum moribus projicienda. Iam ne quis contenderet eadem & nobis esse obseruanda, in eadem hærens similitudine subdit, Proinde nunc quisquis Christianorum, quamuis sit ex Iudæis, similiter ea celebrare voluerit, tanquam sopitos cineres eruens, non erit pius deductor, vel baiulus corporis, sed impius sepulturæ violator. Hæc de Augustini non prorsus inepta expositio ne. Cæterum simplicior sensus esse videtur, quod & Iacobus & Paulus plus nimiam infirmorum fratrum habuerint rationem. Plura enim charitatis oratio siue cohortatio Iacobi tota in hoc est, ut persuadeat Paulum, tantum se infirmis impendat fratribus, ipsisque omnibus in hac vna gratificetur, ut votum in se suscipiat, & eatenus approbet se non esse legis contemptorem. Nam hic huius consilij finis est, non quod crederent externo legis sacrificio expiari hominem. Sic enim paulò post seque- *Consilium Iacobi*. tur, Et scient omnes quod quæ de te audierunt, nihil sunt, sed ambulas & ipse custodiens legem. Iam vero expende quam probè huc omnia Iacobi referantur argumenta. Principio, Vides ipse (inquit) frater quot millia hic sunt Iudæorum qui crediderunt, sed ita interim ut non nihil adhuc legi hæreant. Nam *ἔσται* sunt legis, & impotentius adeoque & superstitiosius & animi

quodam morbi huic hærent. Deinde atexit quod hanc sententiam absoluit, Atqui hic audierunt de te, quod non modo à lege prohibeas Gentes, quin & Iudæos in lege natos à Mose, hoc est ab ipsa lege seu sacrilego dogmate & noxio auertas. Id autem supra modum offendit eos. Iam redi ad superiora. Horum autem tot sunt millia, ut non facile contemni possint. Siquidem quantam Christianus curam fratri debeat, Christus ipse docuit, cum per similitudinem doceret nonagintanovem oues à fido pastore relinqui, vnam vero erraticam summa diligentia inquiri. Si ergo vnius hominis tanta est habenda ratio, quanto maior multorum millium? Nunc pergit: Quid ergo in hac re commodissimum fieri potest? dissimulatione aut silentio nihil proficiemus. Nam posteaquam te aduenisse audierint, omnes turmatim aduolabunt, ut tecum expostulent. Nullum ergo præsentius consilium est, & quo vno ac semel omnibus satis facere possis, quam hoc, ut votum in te suscipias. Aque huc iam trahit occasionem ut facilius persuadeat. Ad manum enim esse viros quatuor qui votum habeant. Rursus ne Gentium nomine tergiversaretur Paulus atque obijceret hocine voto suo offendi Gentes, aut ex hoc facto suo colligi posse Gentibus quoque ad expiationem necessaria esse, Iudaica sacrificia, mox præoccupat & ait, De his autem qui crediderunt ex Gentibus, &c. Ex quo facile liquet hoc consilium pro tempore, & infirmorum ex circumcisione fratrum gratia, esse natum vsurpatumque, non purificandi causa. Nam etiamsi dicat Iacobus, Purifica te cum eis, attamen communi genere dicendi vsus est. Siquidem & scriptura eas ceremonias eosque ritus purificationem vocat, quibus deuoti purgabantur. Sic ipsa virgo Maria vna cum foetu suo Christo dicitur purgata, quæ tamen nihil immundi ex conceptione sancta contraxerat.

Supra cap. 15.

Tunc Paulus assumptis viris, postero die purificatus cum illis intrauit in templum, annuncians expletionem dierum purificationis, donec offerretur pro vnoquoque eorum oblatio.

Hiscæ fratrum precibus euiستا mens Pauli, quæ aliàs ad omnia ut multos Christo lucrificaret erat promptissima, votum in se nec tamen sine difficultate recipit. Grauius enim quippiam in se suscipit, quam pro superioribus diebus in Petro (vtextat ad Galatas 2,) culpauit. Sed fratrum, ut diximus, precibus euiستا & inter saxum & sacrum constitutus, noluit fratrum spem fallere, totque Iudæorum millia vnius voti gratia (siquidem per illud illis medicari posse videbatur) periclitari, qui aliquando dixerat, Veritatem dico in Christo, non mentior, attestante mihi simul conscientia mea, per Spiritum sanctum, quod dolor mihi sit magnus & asiduus cruciatus cordi meo. Optarim enim ego ipse anathema esse à Christo pro fratribus meis. Igitur spe ampliora melioraque consequendi & Euangelij negotium quam latissime promouendi studio, rem nouam & inexpectatam facit, præterea quod plus nimio amaret gentem suam. Et sane nouum est quod tantus vir se in tantum demittit errorem. Errorem enim & ipse Augustinus appellat, sed tollerabilem propter charitatem & veritatis confessionem. Porro de purificandi ratione plura inuenies, quod & supra annotaui, Numeri sexto. Ex istis autem liquet, quam imprudentes sint qui hac Iacobi & Pauli indulgentia ad defensionem abutuntur errorum suorum: quasi vero ipsi Missare, idola collere, & alia nescio quæ impune possint facere, propterea quod Paulus Iacobi consilio semel & iterum in se votum susceperit. Cum interim ipse videas Pauli factum longe aliud esse quam quod ita vsurpari possit.

Paulus sacrificium pro se fieri permittit.

Dum autem septem dies iam penè essent expleti, hi qui ab Asia erant Iudæi, cum vidissent eum in templo, conturbant totum populum, & iniecerunt ei manus, clamantes: Viri Israelitæ, succurrite. Hic est ille homo qui aduersus populum & legem, & locum hunc omnes vbique docet: insuper & Græcos induxit in templum, & prophetauit sanctum locum hunc. Vident enim Trophimū Ephesium in ciuitate cum ipso, quem existimauerunt quod in templum introduxisset Paulus. Commotaque est ciuitas tota, & factus est concursus populi. Et apprehensum Paulum, protrahebant e templo, statimque clausæ sunt fores.

Seditio.

Quod Prophetæ iam diu futurum prædixerant, in hoc loco Lucas Paulo accidisse scribit. Mirus autem est in descriptione tumultus huius, tam proprie & perspicue exponit, imò oculis proponit singula. Principio ipsos pingit seditionis autores Iudæos Asiaticos. Deinde vero adumbrat accusationis capita, quæ non sunt alia, quam quæ hætenus Paulo & Stephano impegerant Iudæi.

Calumnijs

Calumnijs ergo in vulgus disseminatis, turbas mouent. Atque hic modum quoque ob oculos statuit, quo illi Paulum tractarunt indignissime. Apprehensum enim, ait, è templo in furibundam protrahant turbam, clausique templi foribus vel ne effugij pateret locus, vel ne templum noxio foederent cruore, iam iam ad necem miseri parantur. Hæc enim est egregia illa hominum religio qua exterior poculi patinæque pars purgatur, interioris autem nulla ratio habetur. Ergo sacrum templi pavementum sanguine nolebant aspergere, interim vero nullam eius rationem habebant, quod sese & animas innoxio commacularent cruore. Præterea verisimile est istos credidisse Deuteronomij 23. Gentibus templo interdictum fuisse, vnde & ansam tumultuandi acceperunt liberio rem. Quod ergo Paulus Trophimum in templum non induxit, non propterea fecit, quod se ista re peccaturum crederet, sed quod calumniam Iudæorum declinare vellet.

Matth. 23.

Quærentibus autem illis eum occidere, nunciatum est tribuno cohortis, quod tota conturbata esset Hierosolyma. Qui statim assumptis militibus ac centurionibus decucurrit ad illos. At illi quum vidissent tribunum ac milites, cessauerunt percutere Paulum. Tunc accedens tribunus, apprehendit eum, & iussit alligari catenis duabus, & interrogabat quis nam esset, & quid fecisset. Alij autem aliud clamabant in turba. Et cum non posset certum cognoscere præ tumultu, iussit duci eum in castra. Et cum venisset ad gradus, contigit ut portaretur à militibus propter violentiam turbæ. Sequebatur enim multitudo populû clamans, Tolle eum.

Magistratus in hoc à Deo ordinatus est, ut tumultuantes ferocientesque compescat, sedatos vero ac probos homines ab illorum vi afferat. Proinde Dominus non raro huius præsidio suos ex impiorum eripit manibus, quemadmodum nunc Paulum Romanis tuetur ac seruat armis, & olim Ieremiam per Nabuzardan liberauit. Magna autem fuit Tribunorum militiæ autoritas. Nam & consulari potestate creabantur, & ius dabant militibus. De qua re videre est Fenestellam de Mag. Rom. capite 16 & Petrum Crinitum de honesta discip. lib. 11. cap. 2. iucunda lecta & vtilia quædam ex Aurelij Imperatoris sententia annotantem. Præterea annotauimus in 10. huius historiæ caput, Romanorum legiones in Syria alitas fuisse, partim contra Parthorum incursiones, partim vero ut in fidererentur prouinciæ, & Iudæorum seditiosa impatentia coerceretur. Hac de causâ & Hierosolymis impositam fuisse cohortem, ex hoc loco apparet. E quo item intelligimus quanta pro nomine Dei patiantur sancti. Paulus enim per aduentum tribuni in spem erectus, iam ab hoc duabus vincitur catenis, ceu maleficus aliquis latro aut patriæ proditor. Præterea declaratur quanta sit furientis & semel concitati in tumultum populi insania. Væsanum enim & horrendum quippiam clamitat, ut nemo certi quicquam possit intelligere, tantum furit, ingruit, vrget, & cæde omniumque rerum proculcatione gaudet. Hic enim ad gradus vsque castrorum (castra enim in excelsiori loco ad excubias erant collocata) prosequuntur vinctum, & clamant, Tolle hominem pestiferum, occide hæreticum, lania impostorem. Proinde maxime nobis (quantumque fieri potest) cauendum à seditionibus quæ raro feliciter finierunt. Sed de hac re dictum est in cap. 19.

Magistratus est defendere contra iniuriâ. Tribunus.

Crux sanctorum

Et cum cœpisset induci in castra Paulus, dicit tribuno: Licet ne mihi loqui ad te? Qui dixit: Græce nosti? Nonne tu es ille Aegyptius, qui ante hos dies tumultum concitasti, & eduxisti in desertum quatuor millia virorum Siciariorum? Dixit autem Paulus: Ego sum homo quidem Iudæus Tarsensis non obscuræ Cilicum ciuitatis ciuis. Rogo autem te, permitte mihi loqui ad populum. Et cum ille permisisset, Paulus stans in gradibus, annuit manu ad plebem, & magno silentio facto, alloquutus est lingua Hebræa, dicens:

Vide mi Lector, quantum in hoc homine gentis suæ, licet erga se ingratisimæ, fuerit studium, quantæ causæ confidentia, quantus denique veritatem propagandi ardor. In medijs afflictionum procellis, in catenis, in infanientium clamoribus, interque satellitum arma, adhuc de satisfactione & Iudæorum salute cogitans, dicendi postulat facultatem, si vel aliquos oratione luculenta & vera posset lucrificare. Ergo ad Tribunum conuersus cum reuerentia debita dicendi facultatem suppliciter poscit. Hic Tribunus rerum quæ gerebantur, utpote homo prophanus, plane ignarus, aliud suspicatur, ut sit in istiusmodi casibus, Paulum fortassis illum esse Aegyptium, de quo Iosephus in 2.

Pietas Pauli in patriam.

De Aegyptio. de bello Iudaico, capite 12. ad hunc fermè modum scripsit, Aegyptius quidam falsus Propheta, cum venisset ad Iudæam, homo magus, fidem sibi Prophetæ magica arte conscivit, & continuo ad triginta millia virorum congregans & ductans eos per desertum, peruenit cum ipsis ad montem Oliueti, paratus inde irruere Hierosolymam, & vi ac potestate urbem tenere, simulque Romanorum præsidia ac plebem tyrannidi suæ subiugare, fretus per omnia his quos secum duxerat militibus. Sed conatui eius præuenit Felix, confestimque ei cum armatis obuiam pergens, secum etiam plebe reliqua conspirante, congressus cum Aegypto, hunc cum paucis in fugam vertit: peremptis vero alijs, alijs etiam captis, temere cœpta facile restinxit. Nec pugnat Lucæ narrationi, Iosephi historia. Potuit enim fieri ut primo cum paucis hisque clam seditionem mouentibus adueniens, plures sibi postea publicata fraude coniunxerit. Cui id adminiculatur, quod idem ille Iosephus refert etiam suis. Aegyptij copijs crebra ubique exercita fuisse latrocinia. Porro Sicarij grassatores & latrones sunt dicti à sica, quæ vox breuem gladium siue pugionem significat, quo illi incautos lauciabant. Tarsum vero quam hic non incelebrem (ἡλικίου πόλις) Ciliciæ ciuitatem nominat. Stephanus in urbibus ἐπισκοπῶντων, id est, primariam atque præter cæteras insignem appellat. Igitur posteaquam audisset hunc non esse illum quem putauerat, facultatem dicendi permittit. Quo & æquitas & humanitas nobis probani hominis probatur. Atque hic ferarum & admirandum offert spectaculum. Si quidem Paulus iam iam in templo probe contusus, & insanienrium turbis sibi ipsi destitutus, præterea & catenis degrauatus, pone iudicem, & inter terrificam militum arma coramque ipsis astans hostibus suum impense sanguinem sitientibus, tam terse, prudenter & scite disserit, ut animi probe sibi constantis, multarumque dierum videri possit apologia. Est autem illa apologia quam ad ipsos Hebraica dicebat lingua.

Sycarij.
Tarfus.

Mirum Pauli
ingenium.

CAP V T XXII.

Viri fratres & patres, audite meam, qua nunc apud vos vtor, excusationem. Cum audissent autem, quod Hebræa lingua sibi loqueretur, magis præstiterunt silentium. Et dicit: Ego quidem sum vir Iudæus, natus in Tarso Ciliciæ, cæterum educatus in hac ciuitate ad pedes Gamalielis, institutus accurate in patria lege, sectator Dei, sicut & vos omnes estis hodie, qui hanc viam persequutus sum usque ad mortem, alligans ac tradens in carceres viros pariter ac mulieres, sicut & princeps sacerdotum mihi testis est, & totus seniorum ordo, à quibus etiam epistolis ad fratres accepris, Damascum pergebam, adducturus & illos qui illic essent vincitros Hierosolymam, ut punirentur. Accidit autem mihi iter facienti & appropinquanti Damasco circummeridiem, ut subito de cælo circumfulguraret me lux multa, cecidiq; in solum, & audiui vocem dicentem mihi: Saul, Saul, quid me persequeris? Ego vero respondi: Quis es Domine? Dixitq; ad me: Ego sum Iesus Nazareus, quem tu persequeris. Et qui mecum erant lumen quidem viderunt, & exterriti sunt, vocem autem non audierunt eius qui loquebatur mecum. Dicebam autem: Quid faciam Domine? Dominus autem dixit mihi: Surge ac vade Damascum, & ibi tibi dicetur de omnibus quæ ordinata sunt tibi ut facias. Et cum non viderem præ gloria luminis illius, per manum deductus à comitibus qui erant mecum, veni Damascum.

Scopus huius
apologiæ.



QUONIAM accusatus erat Paulus quod aduersus populum & legem & locum hunc, id est, Hierosolymam templumque omnes ubique doceret, ut paulò ante Lucas prodidit, se obiectas sibi calumnias præsentis oratione diluit, ut indicet primum se virum esse Iudæum in celebri loco natum, ut inde intelligatur se gentem & stirpem suam odire non posse sed pro Iudæorum ingenio amare. Deinde subindicat se ad pedes Gamalielis educatum fuisse, idque Hierosolymis, ut verisimile esse non possit Paulum aduersus eum locum dicere aut docere potuisse, in quo tam liberaliter educatus tamque accurate institutus fuerit. Secundum patriam enim his locis

his locis potissimum fauere solemus, in quibus aut educati aut instituti sumus. Postremo, quia aduersarium legis Asiaticum Iudæi ipsam esse dixerant, id abunde hoc vno purgat, quod ante non modo accurate institutum in lege patria, verum etiam persecutorem fuisse iustissimum eorum qui legi videbantur aduersari. Atque hic mira quadam ratione ad expositionem conuersionis suæ delabitur. Hac enim approbat se non leui aliqua causa, velut paratus ad apostasiam, sed mirabili facto ad professionem nominis Iesu & fidei quæ in eum est peruenisse. Neque dubium est quin plura de religione Christiana attexuisset, si per tumultum huiusmodi. Nam exclamantes tumultuantesque strepitu barbaro orationem interturbauerunt. Cætera perantur ex capite 9. In eo enim capite eandem hanc historiam pari sensu narrauit Lucas, licet alijs interdum verbis. Verum nulla est in sensu diuersitas, quod tamen illi cauillantur, quibus adeo dolet scripturas tam frequentes vulgatasque esse factas.

Odis Ananias apostasia tenet re facta.

Ananias autem quidam vir pius, secundum legem testimonio probatus omnium illis habitantium Iudeorum, veniens ad me, & adstans, dixit mihi: Saul frater, recipe visum: & ego eadem hora recepto visu vidi illum. At ille dixit: Deus patrum nostrorum præparauit te, ut cognosceres voluntatem suam, & videres id quod iustum est, & audires vocem ex ore eius, quia eris testis illi apud omnes homines, eorum quæ vidisti & audiisti. Et nunc quid contraris? Exurge & baptizare, & ablue peccata tua, inuocato nomine Domini.

Hæc paulo copiosius exponuntur quam in 9. cap. sint exposita. Principio autem laudatur pietas & probitas Ananias, ne Iudæi hunc per quem Paulus erat baptizatus, ceu leuem & nihili hominem aspernarentur, Paulumque ipsum dicerent fuisse stolidum, qui homini nulla auctoritate præditi consilio fuisset obsequutus. Dicit ergo, *Ananias δὲ τῆς ἀγαπῆς κατὰ τὴν νόμον, μαρτυρούμενος ὅτι πάντα τὰ κατὰ τὴν τοιοῦτον*, id est, Ananias autem quidam vir pius, secundum legem, bonum habens testimonium ab omnibus illis habitantibus Iudæis. Potest enim particula Secundum legem, vel ad superiora referri, sic: Ananias fuit vir pius in lege vel ad inferiora sic. Ananias probatus fuit in lege omnium etiam Iudæorum testimonio. Atque hoc plurimum faciebat ad expurgationem Pauli, & ad comprobationem quod lex & Euangelium sibi non aduersarentur. Siquidem doctus in lege (inquit) suauiter ut Euangelium amplecterer. Huc pertinet quod is ait, Deus patrum nostrorum, quo titulo nihil erat Iudaicis auribus suauius. Is inquam præparauit te. Non ergo apostasie aut humane erat industria: quod conuertebatur Paulus. Iam vero sequitur ad quid præparauit, non utique ut aduersarius Dei & legis eius esset, sed ut cognosceret voluntatem eius. Quid hoc? Ut videres *τὸ δικαίον*, id est, iustitiam, vel id quod iustum est, vel iustum illum videlicet Christum Dominum. Vnde vero hoc discitur? Ex voce oris Dei. Nam ad Rom. 1. testatur Euangelium prædictum esse per Prophetas in scripturis sanctis. Præterea ad Galatas 1. indicauit se Euangelium non ab hominibus, neque per hominem, sed reuelatione Iesu Christi didicisse. Porro quod de peccatorum ablutione per baptismum scribitur in 8. cap. expositum est. Non enim aqua abluit peccatum, sed gratia quæ significatur per aquam. Imo aquæ sine signo per alloxos sacramentaria tribuitur quod reuera rei hoc est gratiæ & electionis est. Atque huc pertinet quod mox sequetur, inuocato nomine Iesu. Inuocatione enim, id est, fide (nam pro fide accipit ostendit Paulus ad Rom. 10) abluitur.

Laudat Ananias.

Factum est autem, cum essem reuersus Hierosolimam, & orarem in templo, ut raperer extra me, & viderem eum dicentem mihi, Festina & exi velociter Hierosolimam, quoniam non recipient testimonium tuum de me. Et ego dixi: Domine, ipsi sciunt quod ego pertrahebam in carcerem, & cadebam in singulis synagogis eos qui credebant in te. Et cum funderetur sanguis Stephani testis sui, ego quoque adstitebam & assentiebar morti illius, & custodiebam vestimenta interficientium illum. Et dixit ad me: Vade, quoniam ego ad Gentes procul mittam te.

Monui in capite nono professionem in Arabiam, cuius meminit in Galatis, hanc reuelationem præcessisse. Dubium autem est sit ne hic is ille raptus, cuius meminit in 2 ad Corinth. 12. capite. Sed nihil attinet nosse fuerit ne an minus, cum non sit dubium electionis vas Paulum non semel fuisse raptum. Cæterum in hoc denuo studium in gentem suam exponit, quod alio vocanti Domino, veluti responderi: & Hierosolimam manere maluerit, propterea quod bona spe detineretur, fore ut plurimum apud eos proficeret, propterea quod omnes nossent quanto zelo pro lege contra Christia

Studium Pauli in gentem suam.

nos exarserat, & quid pro legis defensione fecerat. Itaque quum hæc non ignorarent, sperasse illos quoque facile perspecturos non temere mutatum esse, multosque futuros qui suum exemplum imitantes, Messiam amplecterentur. Atqui id quidem noluisse Dominum, qui ad Gentes procul ipsum ablegavit: quo iam abierit, non odio (quod interim illis videbatur) aut contemptu Gentis suæ, sed Domini imperio, qui omnes gentes voluerit ad cognitionem veritatis venire.

Audiebant autem eum usque ad hoc verbum. Atque sublati vocibus dicebant: Tolle de terra hominem istiusmodi: non enim fas est eum vivere. Vociferantibus autem eis, & proijcientibus vestimenta, & pulverem iactantibus in aerem, iussit tribunus induci eum in castra, & imperavit eum flagris examinari, ut sciret propter quam causam sic acclamarent ei.

Odiolum enim erat Iudæis Gentium nomen, adeo ut essent qui ne Christum quidem prædicari permitterent nisi ad Iudaismum venientibus. Proinde mire illos commovit Paulus, cum innuere se à Iudæorum consuetudine auocatum ad gentes ablegatum fuisse. Id enim contumeliosum videbatur ipsis, quasi ipsi indigni essent veritate, immundæ autem Gentes promissionum hæredes. Inde iam erant illa indignationis plena verba. Tolle de terra hominem istum, nec enim fas est talem vivere: item quod vestimenta & pulverem iactarent in aera summa incandescentiæ signa. Quibus & tribunus permotus, nescio quid flagitij commissum existimans, iubet Paulum induci in castra, ne hostiliter quidpiam molirentur furiosi, & ut satellites flagris ex eo verum extunderent. Suspiciabatur enim hunc hominem aliquid magni alere monstri, Quo & temeritatis siue imprudentia iudicis, & sanctorum afflictio ac patientia notatur. Fuit autem moris apud illos, sicuti & apud nos esse videmus, ut verum tormentis extorquerent dissimulantibus.

Et cum astrinxisset eum loris, dixit adstanti sibi centurioni Paulus: Num hominem Romanum & indemnatum licet vobis flagellare? Quo audito, centurio accessit ad tribunum & nunciauit ei, dicens: Quid factururus es? hic enim homo Romanus est. Accedens autem tribunus, dixit illi: Dic mihi: num tu Rumanus es? At ille dixit: Etiam. Et respondit tribunus: Ego multa summa civitatem istam comparavi. At Paulus ait: Ego vero & natus sum. Protinus ergo discesserunt ab illo qui eum fuerant examinaturi. Tribunus quoque timuit postquam rescivit quod Romanus esset, & quod vinxisset eum.

Hunc locum exposuimus in capite huius operis decimosexto, ut non sit necesse eadem semper oberrare chorda.

Postero autem die volens scire certum, qua ex causa excusaretur à Iudæis, soluit eum à vinculis, & iussit principes sacerdotum convenire, totumque concilium, ac deductum Paulum sistebat coram illis.

C A P V T X X I I I .

Intentis autem oculis in concilium Paulus ait, Viri fratres, ego omni conscientia bona conuersatus sum coram Deo usque in hodiernum diem. Princeps autem sacerdotum Ananias præcepit astantibus sibi, ut percuterent os eius.

HISCE vero pingit iniquum iudicium & iudices tyrannices, atque iniqua istorum facinora, ut simul & innocentia Pauli, & Iudæorum malitia reluceret, quæ & quamvis superat ethnicam tyrannidem. Tribunus enim ethnicus vir iustitiæ & æquitatis studiosus, producit Paulum in confessum religiosorum ac eruditorum, sperans nihil hic aliud agendum fore, quam quod iustitia & æquitas postulare: cæterum maximam apud illos iniquitatem dominari, rursus insignem constantiam & innocentiam Pauli cum ex dictis tum factis eius deprehendit. Dum

dit. Dum enim hic in tam frequentem & religione verendum productus esses confessum, & iam iam in tantorum confisteret corona virorum, non modo cordata oratione sese expurgare incipit, quin & toto corporis habitu innocentiam suam prodat. Hinc enim Lucas, Intentis autem (ait) oculis in consilium Paulus, Siquidem oculi animi speculum sunt, Vnde illud poetæ,

Constantia & innocentia Pauli.

Heu quàm difficile est crimen non prodere vultu.

Torus autem in hoc est, vt innocentia suæ prædicatione aduersariorum sese opponat calumnijs, idq; nec ambitiose nec cum fastu, sed pro gloria veritatis. Nec seipsum laudat Paulus, sed vt res habet confitetur, quod sane fieri oportere etiã Rhetores permittunt, vbi de capite agitur. Et hætenus de constantia & innocentia Pauli; nunc de tyrannide & malitia Pontificis Ananias. Est hic Ananias quem lib. antiq. 20. Iosephus Ananum vocat, eius Anani pater, sub quo Iacobus frater Domini Hierotolymis è pinnaculo templi præcipitatus est, velut indicat ex Clemente D. Hierony. in Catalogo scriptorum illustrium. Hic ergo carnifex verius quam pontifex, quia sibi de hypocrisis & errore ellet conscius, tum quod non vehementer doleret tam masculum, solidæ nimirum orationis, exordium, & quod nihil honoris præfatus esset ipsi, præcepit altantibus vt percuterent dicentis os, vel in vindictam eius quod contempnisset pontificem, vel vt dicentem perturbarent, ne illi cogrentur (quod timebant) rursus in hac palestra referre pedem. Hunc Ananiam hodie referunt, qui ad tribunal productus Euangelij confessores, prius damnant quam audiant, imò vero quàm sint qui acculent. Non enim nunc referam quod multi sunt, qui palàm in confessorum expuunt faciem, hoc tantum nomine, quod aduersus impias hominum constitutiones scripturarum testimonia producant.

Tyrannis pontificis.

Tunc Paulus dixit ad eum: Percussurus est te Deus, paries dealbate. Et tu sedes iudicans me secundum legem, & contra legem iubes me percuti?

Ad hanc contumeliam, quæ nec in Ethnicorum iudicijs fieri solet excandescens Apostolus, dicit, *παραδοξω σε, ὡς ἐστις τοῦ θεοῦ ἀντιπαρὸς ἐμοί*, id est, percutiet te Deus paries dealbate. Prouerbiali autem figura Paries dealbatus dicitur ille, qui aliud simulat & aliud est, vt si quis à facie & habitu iustitiam quandam ostendet, intus autem spurcus sit & impius, quales hypocritæ apud Matthæum in 23. cap. erant, quos sepulchris dealbatis assimulat Dominus. Ad expositionem huius pertinet quod sequitur: Tu sedes iudicans me secundum legem. Hæc est albedo illa, hic candor ille quod iudicis sustines speciem. Legitimus debebas esse iudex, qui secundum leges, non secundum faciem, iudicare debebas: sed hoc neglecto, contra legem iubes me percuti, atq; ita iam factus es paries dealbatus. Dealbati enim parietes caduci esse solent, cæterum ne tales videantur esse quales sunt, dealbantur fidelia. Huc ergo alludit Apostolus qui hisce tam asperis hypocritæ laruam detrahit. Iam magna semper fuit apud veteres de hoc loco disputatio. Chrysostomus putat hæc verba Percutiet te Dominus paries dealbate, magis esse libere loquentis, quam iracundi: quem postea imitatus Beda, Percutiet te Deus, non dixit Percutiat. Indicatio vtique modo hoc futurum significans, non Optatio maledicens. Non enim perturbatione animi motus hæc dixit, sed vtique prophetando loquutus, quia significabat hypocrisim & Iudaicum destruendum esse sacerdotium. Quod & Aug. ad Marcellinum asseuerat. D. autem Hieron. adducens hunc locum in Dialo. contra Pelag. excusat quidem Paulum, attamen palàm fatetur eum non præstitisse eam mansuetudinem quam Christus præstitit. At Aur. August. hunc locum omnium (vt apparet) simplicissime exponens lib. aduer. Faustum 22. cap. 79. dicit, Virtus patientiæ quam docet Dominus Iesus, dicens, Si quis te percusserit in maxillam tuam dextram, præbe illi & sinistram, potest esse in præparatione cordis, etiam si non exhibeatur gestu corporis & expressione verborum. Quandoquidem Apostolus palma percussus potius Deum rogauit, vt iniurioso homini in futuro seculo parceretur, in præsentem autem illa iniuria non relinqueretur inulta, quam vel præbuit ferienti alteram partem, aut vt iterum feriret admonuit. Tenebat certe interius dilectionis affectum, & exterius requirebat correctionis exemplum. Hætenus Augustinus. Ergo Paulus vere maledixit impio pontifici, sed non hoc animo quo vulgus irritatus solet, sed Apostolico spiritu. Neque patientiæ interim gloria excidit. Non enim omnis tolerantia protinus Christiana dicitur patientia: quemadmodum nec illa statim iustitia vel constantia vel fortitudo vera est, quæ dicitur. Notissimum enim est vel illud tritum sermone Prouerbiū, Summum ius summa iniuria. Et pertinacia quidem Constantia dici affectat sed quia destruitur prudentia, vitium est non virtus. Duritia quoque à fortitudine natura distat, fallit similitudine. Ita & μαλακοί, quos Latine vocamus molles, hoc est. effæminatos, pusillanimes, teneros, & minime constantis & virilis ingenij homines, patientes videri volunt, sed quia deest animi fortitudo, patientia istorum animi vitium ac morbus est. Duritia quoque catabaptistica patientiæ titulo sese venditat, sed cum ex opinione falsa emergat, nihil distat vel à Ze-

Paries dealbatus.

An pontifici maledixerit Paulus.

De vera patientia.

Valerius lib. 3. cap. 3.

nonica, vel Indica. Nobilissimus quoque historiæ Scriptor Salustius, de Lucio Catilina prodit, quod patiens inedia, vigilæ, aliorum supra quam cuiquam credibile est fuerit, quodque hisce sibi apud suos magnam fortitudinis & patientiæ famam parauerit: cæterum cum idem mox subiungat, Animus illi inerat audax, subdolos, varius, cuiuslibet rei simulator & dissimulator, alieni appetens, sui profusus, ardens in cupiditatibus: quis tam cæcus qui ex his non intelligat Catilinæ patientiam nihil minus quam virtutem extitisse? Vt enim quædam inter se virtutum connexio est, sic & suas cuique virtuti modus inest. Id quod & sacri & prophani scriptores monumentis prodiderunt. Nam Flaccus, Virtus est (inquit) medium vitiorum vtrinque redactum. Quin & omnium philosophorum sententia semper fuit, *μετὰ τὰς ἀρετὰς, ὑπερβολὰς κακίας ἵστα*, moderatas inquam esse virtutes, excedentes modum atque mensuram inter vitia deputari. Vnde & vnus è sapientum numero, *μὴ διὰ τὸ*, id est, Ne quid (ait) nimis: quod etiam tam celebre factum est, vt Comico quoque versu expressum sit. Ioannes Chrysostomus in præsentiarum de natura patientiæ non infeliciter differens, Sunt (inquit) vitia cognata virtutibus, & iuxta dicendi libertatem pullulat temeritas, & iuxta *ἐπιθυμίαν* æquitatem, molli-
*Modus in vir-
tutibus.* ties. Et probe considerandum ne quis putet se virtutem possidere, qui vitia apprehendit, quemad-
*Patientia inter
sapientiam &
fortitudinem
media.* modum si quis opinatur se iungi dominæ, & iungitur ancillæ. Patientia itaque veluti media inter sa-
Patientia quid pientiam & fortitudinem, ijs quasi limitibus quibusdam concluditur. Sapientia autem cauet, ne pa-
*Simile extat
Actor. 16.* tientiæ subrepat duritia aut superstitio aut alia quæpiam opinio falsa. Fortitudo autem non admit-
 tit vt quicquam indecori per pusillanimitatem aut molliem designetur, sed facit vt solida iusta & vera sit patientia. Nam ea iure vocatur fortitudo qua vnusquisque seipsum vincit, iram continet, nul-
 lis illecebris emollitur aut inflectitur, non aduersis perturbatur, non extollitur secundis, sed mentem quietem & ab affectibus puram tranquillamq; conseruat. Sic enim & Ambr. In his (inquit) consistit animi robur, vt primum fide & vera exercitatus sapientia quisque modo corde quod verum & ho-
 nestum est videat. Deinde nullis cupiditatibus fluctuet, sed in iusto perseueret. Postremo si quid ac-
 ciderit auersus idque graue & acerbum putetur, ita vt ferat nihil inperati accidisse existimet. Ex istis autem si iam emaneat patientia istisque ceu marginibus ducatur, nemo est qui iam non videat hanc non esse carnalem vel affectatam tolerantiam, vel ignauam abiecti animi desperationem, sed virtu-
 tem quæ ex fide quidem existat, sapienti autem & forti robore animi quæque aduersa superet atque confringat. Hæc in transcurso aduersus eos maxime dicta sint, qui quamuis tolerantiam, patientiam esse putant, simulque ita loquuntur de patientia vt semel omnem tum iustitiam, tum fidem, tum fortitudinem tollant. Quod si ea esset quam illi putant patientia, iam nemo prorsus virtutis nomine dignaretur, quippe quæ & oppressionis iustitiæ, & proscriptionis veri omnisque mali occasio foret. Non talem præstiterunt sancti Dei Prophetæ & patriarchæ patientiam, quin potius prudentiam & constantiam sic coniunxerunt patientiæ, vt nullibi verum aut iustum prodiderint, sed vbique malo malisque intrepide resistentes nullum periculum detrectauerint. Quæ cum infinitis comprobari possint testimonijs, vnicum tamen præsens Pauli exemplum pro cunctis satis fuerit. Redimus ergo ad historiam.

Et qui adstabant, dixerunt: Summo sacerdoti Dei maledicis? Dixit autem Paulus: Nesciebam fratres, quod pontifex esset. Scriptum est enim: Principi populi tui non maledices.

Sed & hunc locum varie exponunt. Alij enim censent Paulum vere nesciuisse Ananiam esse Pon-
*Ironia vche-
mentem incre-
patione habet.* tificem. Sed quomodo nescire potuit, qui ipsum propter pontificatum & functionem, parietem de al-
 batum vocauit? Ironice ergo assentatoribus respondit, Nesciebam illum esse pontificem. Quasi di-
 cat: Pontificem summum summa decebat æquitas & iustitia, cum ergo summam ille mihi irrogaret iniuriam, non putabam illum esse summum pontificem. Iam quæ sequitur sententia, Scriptum est enim: Principi populi tui non maledices: non Pauli est, sed Lucæ historici, qui pro more historico ex-
 ponere voluit, cur astantes tam confidenter obiecerint, Et qui audes summo sacerdoti maledicere? Nam in lege (inquit) Iudeorum Deuteronomij 22. præceptum erat ne quis principibus populi ma-
*Quomodo ma-
gistratu non li-
ceat maledice-
re.* lediceret. Atqui ea lege (vt & alijs scripturæ locis) abutebantur. Siquidem aduersus maledicos & im-
 pios rabulas, qui & bonis quibusque viris, & omni honestati reluctantes obmurmurant, lata erat, pro autoritate iusta boni magistratus asserenda, non aduersus viros pios pro impiorum tyrannide confirmanda, quasi illis huius legis prætextu tuto quidlibet liceret. Videmus enim sanctissimos Dei Prophetas legis Dei obseruantissimos nemini pepercisse, in primis vero reges & sacerdotum pri-
 mores pessimis etiam proscidisse conuijs, sed Prophetica maiestate & illorū quoque malitia dignis. Lucas ergo de suo hanc adiecit sententiam, quemadmodum & paulo post exponet quæ fuerint Sad-
 ducæorum placita.

Sciens

Sciens autem Paulus, quod vna pars esset Sadducæorum, & altera pharisæorum, exclamauit in concilio: Viri fratres, ego pharisæus sum, filius pharisæi, de spe & resurrectione mortuorum ego iudicor. Et cum hoc dixisset, facta est dissensio inter pharisæos ac Sadducæos, & dissecta est multitudo. Nam Sadducæi quidem dicunt, non esse resurrectionem, neq; angelum neq; spiritum: pharisæi autem vtraq; confitentur. Factus est autem clamor magnus: & cum surrexissent scribæ de factione pharisæorum, depugnabant, dicentes: Nihil mali inuenimus in homine isto. Quod si spiritus loquutus est ei aut angelus, ne repugnemus Deo. Et cum magna seditio coorta esset, veritus tribunus, ne discerperetur Paulus ab ipsis, iussit milites descendere & rapere eum de medio eorum, ac deducere eum in castra.

Sicut vnitas bonorum bonis semper utilis est, sic malorum vnitas semper bona fuit noxijs. Cum ergo Paulus desperaret de æquitate apud illos, qui in malum & veritatis excidium certo iam coniurauerant, humana arte dirimit eos, vt saltem à se auerteret, inter se mutuo autem sibi ipsis committeret. Qua in re non nihil humani passus est, sed tamen citra dolum malum. Tale enim hoc Pauli factum esse videtur, quale illud est, quod de Iacob legimus Geneseos 30. decorticante virgas atq; proponente gregi in canalibus potatorijs aquarum, non vt Laban deciperet, sed vt perfidiam Laban æquitate temperaret adeoq; & mutaret. Et perfidia & conspiratio erat quicquid agebat Hierosolymorum magistratus. Proinde non admodum peccauit Paulus, quod ipsos sibi ipsis committeret. Consilium autem quo illud potuit, tale erat: Sciebat Pharisæos ac Sadducæos (quantumvis iam concordare esse viderentur) capitaliter inter se dissidere. Nam Sadducæi resurrectionem (vt copiosius exponit Iosephus in 18. antiquitatum libro capite 2.) spiritum & angelos esse prorsum negabant. Quæ interim omnia confitebantur pharisæi. Hic igitur non nihil declinans ad pharisæorum placita Paulus, vt pote Christianæ fidei magis consentanea, id palàm constituit, in quo illi dissidebant, resurrectionem mortuorum. Porro in superiori apologia meminerat reuelationis cælitus factæ. Quibus omnibus ita exasperabantur Sadducæi, vt iam præ iræ impatientia rumpi potuissent. Pharisæi contra non minus cõtentationis æstro perciti, sua iam dogmata aduersus Sadducæos mordicus tueri satagebant: ita fiebat, vt ipsi inter se commissi, Paulum defererent, interim ita inter se mutuo digladiarentur, vt Tribunus vir aliàs æquus & iustus è medio abduceret Paulum, quod videret omnia in istorum consilijs non rationibus agi, sed vi ac clamoribus. Proinde noluit istis rixatoribus salutem Romani ciuis committere. Itaq; euasit Paulus manus eorum, ipsi vero admodum confusi sunt. Vide autem quid possit in præiudicijs huius aut illius esse factionis. Quod aliàs dissimulabant pharisæi, hic factionis Sadducæicæ odio palàm confitentur dicentes, Nihil mali inuenimus in homine isto. Hæc est potentia Dei & imprudentia humana. Sic eludit dissoluitq; Deus humana consilia.

Vasfrices Pauli.

Plura Act. 4. cap.

Sequenti autem nocte adstans ei Dominus, ait: Bono animo esto Paule. Vt enim testificatus es de me Hierosolymis, sic te oportet & Romæ testificari.

Paulus 2. ad Corinth. 1. capite, Sicut (inquit) abundant afflictiones Christi nobis, ita per Christum abundat & consolatio nostra. Id quod ipsa re hoc loco impleri videmus. Dum enim Paulus maximis periculorum fluctibus adobrutus mœreret, vt pote homo, à quo nihil humani alienum, statim adest Dominus, qui aliquando dixerat, Ero vobiscum vsque ad consummationem seculi, & suo alloquio siue per visionem, siue per angelum, siue per spiritum reficit lassum, ac dicit, *Θάρσει Παύλε*, Confidenter Paule. Quod verbi cõsolantium est etiam apud nos, *Brü mannlich vnd dapffer ô Paul*: Significanter ergo transtulit interpretes, Bono animo sis Paule. Sic in 18. dicebat, Ne timeas. Videmus præterea efficacissimam dispositionem Dei in omni opere mortalium eo quod ait, Vt Hierosolymis testificatus es, sic oportebit te & Romæ testificari, vt necesse fuerit Paulum Romam venire, etiamsi fortasse id cuique videatur contingens. Sed omnia geruntur prudenti consilio prouidentiaq; Dei. Hac ipsa factum est vt contra validissimas Iudæorum conspirationes, principum quoque consilia, per varia maris pericula, multo post tempore, attigerit Romam. Vnde iterum conijcimus prouisionem ac defensionem Dei nos non eximere omnibus periculis sed in omnibus periculis iuxta suam voluntatem seruare. Hoc enim est quod alibi Paulo dictum est, Sufficit tibi gratia mea. Nam virtus mea per infirmitatem perficitur.

Consolatio sanctorum.

Prouidentia Dei.

Facto autem die, collegerunt se quidam ex Iudæis, & deuenerunt se, dicentes, neque esuros se, neque bibituros, donec occiderent Paulum. Erant autem plures quam quadraginta viri qui hanc coniurationem fecerant. Qui accesserunt ad principes sacerdotum ac seniores, & dixerunt: Deuotione deuimus nos ipsos, nihil gustaturos, donec occidamus Paulum. Nunc ergo vos significate tribuno & concilio, ut cras producat illum ad vos, tanquam aliquid certius cognituros de eo. Nos verò priusquam appropinquet, parati sumus interficere illum.

Iam vero maxima pericula enarrare incipit, è quibus tamen omnibus liberauit eum Dominus.

Ioannes Hufsius.
Coniuratio ad uersus pietatē.
Ex quibus nos patientiam & spem discimus, videntes quam æquo & constanti animo omnia ferat Paulus, quam item friuolus sit hominis aduersus veritatem conatus, quem tamen Deus pro sua gloria permittit & disponit, videlicet vasis perditionis utens ad declarationem suæ iustitiæ, ut palam fiat frustra fremere Gentes, & inania populos meditari, ubi aliud decreuit voluntas Dei: rursus ut appareat falsam esse religionem quæ non nisi proditiōibus, coniurationibus, latrocinij & omnimendaciorum genere omniq̃ue iniustitia nititur. Annotauit Ioannes Chrysostomus Iudeos tales fuisse ut qui in rebus bonis ægre & rarissime consenserint, in malo tamen facile coaluerint. Vide autem ardorem illorum in malo, Deuenerunt se diris plus quam quadraginta viri, & deuenerunt quidem se neque esuros neque bibituros, nisi prius occiderint Paulum. Iam ne hoc quidem publice moluntur, sed clanculo, prætexentes latrocinio suo æquitatis speciem. Postulant enim à primoribus suæ iudiciæ complicitibus ut Paulum in iudicium siue publicam disputationem prouocent, se enim istum aduenientem gladijs excepturos, atque hanc librem pugione dirempturos. Vide amice Lector quid non audeat impietas. Altera enim manu ius obtendit, iniuriam vero librat altera. Atque hæc iniquitas & simulatio, defensoribus atq̃ue cultoribus falsæ religionis veluti congenita, multis viris bonis exitio fuit. Nam ut è multis hoc exempli vice referam, Pollebatur olim Cardinalium ac Prælatorum eborus complurima sancto martyri Dei Io. Hufsiō, sed venientem & multa pro Christiana fide dicere parantem, crudelissimo mortis genere intercept. Nemo ergo istorum hominum pollicitis facile credat. Simulant ut occidant. Neque enim veritati, iustitiæ & æquitati fidere possunt, qui istas sibi habent aduersissimas. Iniuriæ ac neci fidunt, ijs vincunt, istas ut exerceant, in ius prouocant atque ubi veneris illorum ius iniuria est. Porro deuotione deuimus nos, conduplicatio est Hebraica, amplificatio nem in se continens & auxilium, hoc est, intentionem eius, quod dicitur, innuebant enim conspiratores illi, se maxime & certissime deuouisse. Est autem deuouere execrari sese & libera malorum imprecatione animum ad certam aliquam rem peragendam addicere. Cæterum non probat huiusmodi vota temeraria ac impia Chrysostomus. Dicit enim, Tales sunt venandi artes diabolo, qui prætextu pietatis laqueos tegit: Ecce enim ieiunium illorū homicidij mater est. Sicut & Herodes etiam iuramento sibi ipsi necessitatem induxerat, ita & hi. Proinde ex hoc loco colligimus non omnem vouendi rationem placere Deo. Atqui ut hoc loco non nihil digrediamur & breuem de votis sententiam inferamus, Ego quidem votum nihil aliud esse video, quam liberam earum rerum, quas possumus & quas Deo acceptas esse scimus, pollicitationem. Neque enim negamus votum in re pia & honesta fieri posse: neque iubemus pium & æquum votum rescindere. Vbi illud interim ceu præscitum & indubitatum præsumpsi, nemini nisi vni Deo licere vota nuncupari. Nam si vnus Deus duntaxat colendus est atque in rebus omnibus spectandus, utpote cum ex illo & per illum & in illis sint omnia, certe vni tantum vota nuncupanda sunt. Quod autem dixi votum pollicitationem esse liberam, propterea dixi, quod de Christianorum votis loquor, apud quos fidei libertas prohibet ita sese elementicis obstringere rebus, ut inde non possimus citra salutis emergere periculum. Ut nunc vouere nobis liceat abstinentiam, sed libere, hoc est, ut retractare liceat, cum libet, iusta de causa, retractatamq̃ue non putemus nephas iustæue damnationis esse causam. Exemplo fit ea Pauli indulgentia quæ exrat 1. Cor. 7. de coniugum abstinentia. Hanc enim si mutuus adfit consensus, suscipere licet, ac se Deo ceu voto quodam obstringere, sed ita ut ne quid nimis: ut inquit ad tempus fiat, rursusq̃ue conueniamus in vnum, ne tentet nos sathanas. Quo exemplo summa certe libertas proponitur, sed iusta, ob causam iustam, & in causa iusta. Dicis autem id quidem votum non esse, sed liberum animi propositum, adeoque & perpetuum Domini mandatum, ut scilicet ab omni abstineamus scortatione & immunditia. Atqui hoc ipsum istis demonstratum volui, votum videlicet nobis non esse perpetuum quoddam fatum & inuitabilem necessitatem, sed liberam & extemporalem animi deliberationem, ad nutum Dei compositam, atq̃ue ita compositam, ut is qui nouit, semper possit melioribus

melioribus occurrantibus & rebus ipsis subinde aliud suadentibus, votum mutare in melius. Quid quod prorsus vanum atque stultum est vouere, quod non est in potestate nostra, aut quod præterea & illicitum est? Vouebat Iacob patriarcha se Deo decimas exhibiturum: sed eorum quæ daturus erat Deus. Quid porro habemus quod Deus non dederit? Nisi ergo Deus opes dedisset, nihil vouisset Iacob. Proinde ea vouit, quæ per Deum potuit. Iam vero quemadmodum stulta sunt vota, quibus ea vouemus quæ non habemus, ita ea impia sunt quibus ea Deo vouemus quæ Deo aut ingrata aut contraria sunt. Gratum autem est quicquid ad præscriptum verbi sui exigitur, & quicquid sit ex fide. Nam quicquid non est ex fide peccatum est: quemadmodum & illud Deo contrarium est, quod à scripturis (quæ voluntas Dei est) alienum est. Et cum voues nosti Deo votum tuum aut acceptum esse aut non esse. Si nosti Deo acceptum esse, certe causam quoque nosti cur illi sit acceptum. Habes igitur verbum Domini. Quod si verbum Domini non habes super voto tuo certum, reuera non nosti votum tuum Deo acceptum esse. Nisi diuinarum rerum cognitio à nobis, & non tantum à spiritu Dei proficiatur, quod tamen ut omnis scriptura asserit, ita illud Paulus 1. ad Corinthios 2. capite prorsus pernegat. Si autem non nosti votum tuum Deo gratum esse, proculdubio stultum est: utpote quod ipsum rationem sui imò ipsum sese nescit. Omnia ergo quæ vouentur aut ex Deo sunt, aut ex Deo non sunt. Si ex Deo sunt, ex fide utique & libera sunt. Si ex Deo non sunt, impia sunt. Iam quis tam stultus qui impietatem Deo placere credat? Itaque vota Christianorum eiusmodi quidem sunt, hoc est, libera, Deo dedicata soli, ex fide profecta, item eorum quæ possumus, Deoque grata esse nouimus, & nulla necessitate perpetua, sed per causas iustas versibilia. Hinc vero colligimus vota Pontificia, veluti ea sunt quæ diuis nuncupantur, & Monastica dicuntur, idque genus alia, prorsus à Christiana religione esse aliena. Nam ea quæ diuis fiunt, contra religionem Christianam veniunt. Religio enim Christiana docet vni Deo per Christum esse adhærendum, vni supplicandum & fidei oratione ac iustitia litandum: ab hoc esse cum corporis tum animæ salutem. At qui diuis voto paciscitur, non citra impiam stipulationem paciscitur, nempe si seuent, aut imperium, aut amplas facultates prouehant, aut si iuuisset credantur. Hac enim ex causa anathemata siue munera eorum templis & urbibus (eò enim vāsanā ventum est, ut regna priuatæque vrbes sese dijs consecrauerint tutelariis) non citra modicum & facultatum & vitæ dispendium inferuntur. Hic enim ad Galitiam sese recipit Iacobum salutaturus. Alius Hierosolymam procurrit fictitia saluatoris vestigia adoraturus. Hic vero Romam inuisit supplicaturus Apostolorum primatibus. Huc vero sese voto suo diuis nuncupato per omnia constringi sacra credit. At cum solius Dei sit seruare, alere, curare, & per omnia conseruare, isque fide non pedibus accedatur, spiritu quoque non externo cultu colatur: consequitur vota diuis, nuncupata prorsus esse impia. Nam etsi in potestate tua sit vel eximium munus stipulari, idemque præstare, item Romam aut Compostellam transire, displicet tamen Deo creaturarum cultus. Quo sit ut votum esse nequeat, quod cum voluntate Dei pugnat. Ad Monastica venimus, quæ etiam si voueantur Deo, non tamen soli, sed aut Benedicto, aut Dominico, aut Francisco alioue voueantur, præterea libera non sunt, neque in potestate nostra constituta. Nam quo pacto vocaueris ea libera, in quæ iureiurando iuratur, & sic iuratur, ut nisi districtim per omnem vitam & citra omnem retractationem seruentur, perisse videatur is qui vouit? non enim nunc referam quod votis nostris salus tribui cœpta est, quæ summa est impietas. De castitate clamat ipse Dominus Iesus, non omnium esse donum. Testatur Paulus bonum commodum esse mulierem non tangere, sed si quis carnis tentigine non vexetur. Si enim quis ista vexetur, satius esse uxorem ducere quam vri. Quod si in potestate nostra non est castitas, sanè sub votum cadere non potest. Consequitur ergo castitatis votum aut stultitiam esse, si nescias quid voueas, aut impietatem, si non ignores carnis tuæ impotentiam, nihilominus tamen voueas. Quid enim hoc aliud est, quam Deo vouere perpetuam scortationem & perseverantissimam immunditiam? Et de paupertate ea quid dicam, quæ totius penè orbis opes & redditus suis inscripsit rationarijs? Iam ubi inuenias otium suauius, instructiores aut lautiores mensas, commodiorem, molliorem ac mundiorem vestem, quam apud istos qui verbis paupertatem vouent, reipsa Cræso ditiores sunt? Quasi vero ipse Deus falli possit, aut homines communi careant sensu. Vbi vero Deus talem paupertatem præcepit vnquam? Aut cui Deo post Mammona placere possit? Votum ergo de paupertate monachicum non est votum, sed luxus, otij & imposturæ tegumentum. Quod si obijcias obedientiam rem esse sanctam & piam, non negauerim, modo iusta sit, & in re iusta, à Deo nobis iniuncta & non à nobis ipsis electa. Verum hic te relegamus ad diuinam historiam 1. Regum 15. & Marthæ decimoquinto, cui si contuleris obedientiam monasticam, deprehendes ipsam maxima ex parte aliud non esse quam perfidiam & inobedientiæ prætextum. Nec ignoro quid hic responderi possit, Etsi reuera votum non sit quod diuis nuncupauit aut monastico ritu vouit, interim tamen uouit, quin & iureiurando me obstrinxit,

Vouere quod sit in potestate nostra
Vouere quod non sit contra Deum.

Summa.

Vota diuis nuncupata.

Vota monastica.

Votum castitatis.

Votum paupertatis.

Votum obedientie.

Argumenta pro votis.

ut nunc capitis periculo vitæque æternæ dispendio luiturus sim, nisi semel promissum sincere præstem, maxime cum scriptum sit, *Quod semel egressum est de labijs tuis obseruabis & facies, sicut promissisti Domino Deo tuo Deuteronom. 25.* Cui & illud correspondet quod Numeri 30. extat: & Psalmo 75. dicitur, *Vouete & reddite:* rursum quod Paulus dicit, *Iudicium siue damnationem habent qui primam fidem frugerunt, 1. Timoth. quinto.* Quibus omnibus nos ad hunc modum respondemus. Principio cum voueres proculdubio sciebas votum tuum in tua esse potestate vel non esse. Deo præterea gratum esse aut non esse. Iam vero quod hostiam alicui promissisti diuo, aut castitatem vouisti Deo, tum quidem in tua id potestate fuisse positum & Deo non ingratum esse, cogitare potes, at nunc asserere non potes: nisi religioni fideique clare & experientijs varijs occlamare libeat. In de porro sequitur vouisse quidem te, sed quid voueres ignorasse. Iam ergo posteaquam recepisti oculos, & vides qua in parte erraueris, quid obsecro candidius fuerit, quam ut errorem fatearis, confesum depreceris, auerferisque deprecatum, conuersus ad voluntatem & infallibile verbum Domini. Sic enim refarcieris inficitia tuam: contra vero peccatum peccato cumulaueris, si simplici errori adijcias malitiosam pertinaciam. Vidisti enim votum tuum diuis nuncupatum prorsus repugnare scripturis sanctis, sentisti præterea infirmitatem carnis tuæ, quodque castitatis dono cares, si iam nihilominus pergas diuis offerre, aut Veneri seruire, propterea abhorres à sacro coniugio, quod voueris cœlibatum, quem tamen propter congenitam inmunditiam non seruas: quid obsecro malitiosa peritacia est, si hæc non est? Herodes huius negotij propriissimū fuerit exemplū, qui si pollicitationem suam stultam & incogitatam aut mero inscripisset aut remisisset posteaquā viderat quo votū suum vergeret, minus peccasset & venia dignus erat: nunc vero cum imprudens votum, opere, iam non nescius quid ageret (sciebat enim Ioan. virum esse sanctum & iustū) crudeliter perficit, stultitiæ iungit scelus. Herodem hunc imitantur, qui aduersus Evangelium Christi coniurant, sicut & quadraginta istos Iudæos coniurare videmus, qui tamen eam sibi labem abluissent, si pristinam retractassent sententiam. Huiusmodi enim vota prorsus impia sunt. Nam qui meliora docti in coniuratione perseuerant, & pertinaciam suam temerario iuramento tuentur, iam non simpliciter peccant, sed agnitæ veritati repugnant, hocque impudentius, quo vehementius iuramentum obtinent, quod sanè citra insignem hypocrisim & gloriationem in malo fieri non potest. Deinde verum esse fateor id omnino opere complendum esse, quod ore semel voueris. Hoc enim suadet veritatis honestas & decus, mendacij item & inconstantia infamia: sed si interim votum eiusmodi sit, ut opere perfectum in nefas non abeat, aut maiorem inurat infamiam. Quod si aut infamat aut scelus est, præstat quidem verbis peccasse tantum, quam male sanis verbis peius iungere facta. Neque enim frustra in lege dicitur, *Si quidpiam voueris DOMINO DEO TV O.* Atqui Deus impijs & illegitimis rebus non delectatur, ergo lege Dei non alstringeris voto, si cum errore aut scelere coniunctum sit. Tale proculdubio erat & votum Iephtæ, qui parricidium Deo vouerat, atque constanter ad verba legis respiciens dicebat: *Aperui os meum ad Dominum, & aliud facere non potero.* Atqui minus peccasset si de stulta promissione pœnitens filiam nō iugulasset. Nam & Iosephus testatur votū Iephtæ neque legitimum neque Deo gratum fuisse. Verba eius si quis requirat hæc sunt, Iephtæ Deum pro victoria deprecatus & sacrificiū promittens, ut si viuus reuerteretur, quicquid ei primo occurreret immolaret. Congressus longe vicit: reuersus autē calamitatē incurrit nullo modo priscae felicitatis æqualem. Nam ei filia vnigenita & virgo occurrit, quam sibi obuiam venisse ingemiscens culpabat, quā sacrificandam Deo deuouerat. Et ipsam quidē aliquo tempore transeunte, pater immolauit, nec legitimum faciens holocaustum, nec Deo charum, non utiq; deliberans apud animū suum qualis apud cæteros huius facti causa videretur. Cui & Hieron. in lib. *Aduersus Iovinianum* allipulatur. Melius ergo feceris, o frater, si ab impio facto abstinueris, quam si stulta verba & vota periculosa constanter perfeceris. Iam quod Prophetæ locum attinet in Psal. 75. non loquitur de istorum votis stultis, sed de muneribus Deo offerendis. Sic enim habent Prophetæ verba, *Vouete & reddite Domino Deo vestro, omnes qui in circuitu eius sunt asserite munera.* En posterior sententia explicat quid priore voluerit. Imò in plerisq; veteris instrumenti libris vouendi ratio non erat sine externo sacrificio, quin potius ipsum votū erat sacrificium. Tota ergo illa vouendi ratio abrogata est. Nam omnes legis victimæ, hostiæ & oblationes in Christo Iesu abrogatæ sunt. Christiani propria corpora nostra Deo offerimus, mundas preces, gratiarum actionē ac elemosynas synceras. Hæc in quā sunt vota nostra. Porro locus Apostoli 1. Timoth. 5. pro nobis, nihil contra nos facit. Præcipit enim Timotheo suo Apostolus, ne temere aut cito eas suscipiat quas adigit stultitia, ut simulent adeoq; & spondeat castimoniam. Scire enim se quod multa mendaciter polliceantur, unde cum paulo post ex necessitate immutare cogantur vitæ suæ statum, enascatur *ἡμῶν* iudiciū siue dominatio (ἐν τῇ ἡμέρᾳ τῇ ἐκείνῃ) quod primæ isti nō steterint promissioni. Proinde illas priusquā in iudicium incidunt, à stulto voto arce-

das esse

An omnia vota
præstanda.

Herodis polli-
citatio.

Iusiurandum
in malo.

Promissis stare

Votū Iephtæ.

Vouete & red-
dite.

Locus Pauli de
violata fidē 1.
Timoth. 5.

das esse tradit. Iudicium ergo siue condemnatio eo loci non accipitur pro morte & interitu animæ, sed pro macula infamiz. Legatur autem ex integro locus Pauli, & apparebit quibus suffragetur. Hæc de votis paucula quidem & ante annos aliquot scripta ad D. Vuernherum Steynerum virum pium & amicū nostrum singularem, huc pro re nata inferere libuit, non vt ijs tibi prorsus hac in causa satisfacerem. Scio enim quā prolixam hæc postulent disputationem, sed vt ampliora cogitandi supererem aniam. Redimus nunc ad historiam.

Cum autem audisset filius sororis Pauli insidias, venit & intrauit in castra, nuntiavitq; Paulo. Accersito autem Paulus ad se vno ex centurionibus ait: Adolecentem hunc adduc ad Tribunal; habet enim quod renuntiet illi. Et ille quidem assumens eum, duxit ad Tribunal, & ait: Vincit Paulus accersitum me rogauit, vt hunc adolecentem perducerem ad te, habentem aliquid quod loquatur tibi. Apprehensa autem Tribunal manu illius, secessit cum eo seorsum, & percontatus est illum: Quid est quod habes significandum mihi? Ille autem dixit: Iudæi conspirarunt vt rogarent te, vt crastino die educeres Paulum in Concilium, quā aliquid certius inquisituri sint de illo: tu verò ne morem gesseris illis. Insidiantur enim ei ex eis viri plures quadraginta, qui seipsos deuouerunt, ne vel edant, vel bibant, donec interficiant eum, & nunc parati sunt expectantes, vt promittas.

Destruit impiorum consilia Dominus, non vtiq; cum negotio, sed citra negotium, leui aliquo commento: vt videamus quā langueat vires nostræ aduersus veritatem verbi eius. Per adolecentulum ergo nepotem Pauli (habuit enim sororem maritatum Apostolus, hoc loco destruit omnes Iudæorum conatus. Ita olim vnus mulierculæ viribus fortissima Atlynorum castra attriuit. Atque hic miris modis commendatur à Luca Centurionis & Tribuni humanitas atq; facilitas. Haud enim grauatim ille Paulo oblequitur, hic verò adolecentem libentissimè audit. Huc enim pertinet, quod refert Tribunal quā familiarissimè adolecentem apprehendisse manum (hoc enim gestu significamus nos optimè ei velle cuius manum apprehendimus) secessisse ac rogasse, Quid haberet sibi significandum? Et cum iam omnem rem vr̃a Paulo commissa erat, & vt ipse à coniuratoribus intellexerat, retulisset, nihil mali (quod tamen mirum) suspicatus Tribunus, quasi hæc narratio captiui artibus contexta esset, statim narrationi credidit: quod alijs quoq; profunda huius gentis malitia sibi perspectissima esset, vel ex hosterna proteruita atq; iniuria. Huius ergo Tribuni exemplo discant nostri principes prudentiæ humanitatem ac facilitatem iungere. Inuenias enim qui neminem nisi præsigni auctoritate præditum amicè excipiant aut audiant, præterea omnibus ex æquo grauatim credant, quantumuis hoc quod dicitur multis cū coniecturis tū testimonijs approbetur. At multis hæc difficultas exitio fuit. Vituperanda quidem est nimia credulitas, sed interim nō laudanda ista quorundam supina negligentia. Notissimum enim est vulgatum prouerbum, Amyclas perijsse tacendo. Contra verò, Qui cito credit (dicit Sapiens) leuis est corde, & delinquit in animam suam. Recte ergo Flaccus dicit, Virtus est medium viriorum vtrinq; redactum. Iam & Pauli prudentia diligenter est obseruanda. Tamen enim Deo fideret, & patientia illi seruendum esse sciret, tamen admonitionem fidelem opportunita om̃que non negligit. Hoc ipsum & Chrysostomus annotauit, dicens: Et dignum fuerit cum stupore admirari Paulum ad hanc adolecentis admonitionem, non turbatum fuisse, aut dixisse, Quid hoc est? nunquid decepit Christus, qui dixit, Oportebit te & Romæ testificari? Sed nihil tale cogitauit aut accidit ei, sed solum credidit, iam etsi credidit, somniculosus tamen non fuit, sed quæ per humanam sapientiam contueri poterat, protulit. Hæc Chrysost. Videas & sanctos Dei Prophetas principum amicitiam, auxilia & consilia non aspernari. Vbi ergo nūc sunt qui clamant, Quid Euangelij prædicatoribus cum magistratu? Quid credenti opus stipendiarijs? Si Deo & Euangelio credit, prodeat in medium hostium, & percussus in alteram maxillam, præbeat & alteram. Hæc enim vanorum hominum verba sunt. Cur enim hic non prodijt Paulus in coniatorum cuneum? Cur hoc negotium ad Tribunal retulit per Centurionem? Si ergo Paulo licuit prophano vt magistratu pro gloria Euangelij asserenda, suaque salute tuenda, cur idem non potestularemus ab ijs, qui Christiano nomine gloriantur, imò qui & Christo nomina sua in baptismi symbolo dederunt? Cæterum hanc rem tractauit diligentissimè Aurelius Augustinus multis in locis aduersus hæreticos eadem iisdem penè veris obijcientes, maxime tamen in libris aduersus Donatistas scriptis, & in 2. libro quo Petiliani respondet Epistola. Illum autem hoc libentius cito, quod

Principes humani sint.

Paulus armis Romanorum bene utitur.

Vsus armorum in rebus ecclesiasticis.

omnia huius negotij scripturis & rationibus sanis à fide & charitate nihil discrepantibus videatur tractare. Quod si quis Augustini opera non habet, aut omnia illa euoluere non potest, hanc huius negotij summam accipiat, quam idem ille contexit in libro de Correptione Donatistarum ad Bonifacium cap. 13. in hæc verba, Quod enim dicunt qui contra suas impietates leges iustas institui nolunt, Non petijisse à regibus terræ Apostolos talia, Non considerant aliud fuisse tunc tempus, & omnia suis temporibus agi. Quis enim tunc in Christum crediderat Imperator, qui ei pro pietate contra impietatem leges ferendo seruiret? Quando adhuc illud propheticum complebatur, Quare fremuerunt Gentes, & populi meditati sunt inania. Astiterunt reges terræ, & principes conuenerunt in vnum aduersus Dominum & aduersus Christum eius? Nondum autem agebatur quod paulò post in eodem Psalmo dicitur, Et nunc reges intelligite, erudimini qui iudicatis terram. Seruite Domino in timore, & exultate ei cum tremore. Quomodo ergo reges Domino seruiunt in timore, nisi ea quæ contra Domini iussa fiunt religiosa seueritate fiunt prohibendo atque plectendo? Aliter enim seruit quia homo est, aliter quia rex est. Quia homo est, ei seruit viuendo fideliter. Quia verò etiam rex est, seruit leges iusta præcipientes, & contraria prohibentes conuenienti vigore sanciendo. Sicut seruiuit Ezechias lucos & templa idolorum & illa excelsa, quæ contra præceptum Dei fuerant constructa destruendo. Sicut seruiuit Iosias talia & ipse faciendo. Sicut seruiuit rex Niniuitarum vniuersam ciuitatem ad placandum Deum compellendo. Sicut seruiuit Darius idolum frangendum in manus Danielis dando, & inimicos eius leonibus ingerendo. Sicut seruiuit Nabuchodonosor omnes in regno suo positos à blasphemando Deo lege terribili prohibendo. In hoc ergo seruiunt Domino reges in quantum reges sunt, quum ea faciunt ad seruiendum illi quæ non possunt facere nisi reges. Cum itaque nondum reges Domino seruirent temporibus Apostolorum, sed adhuc meditarentur inania aduersus eum, & aduersus Christum eius, vt Prophetarum prædicta omnia complerentur, non utique tunc poterant impietates legibus prohiberi, sed potius exerceri. Sic enim ordo temporum volebatur, vt & Iudæi occiderent prædicatores Christi, putantes se officium Deo facere, sicut prædixerat Christus, & Gentes fremuerunt aduersus Christianos, vt omnis patientia martyrum vinceret. Postea verò quàm cœpit impleri quod scriptum est, Et adorabunt eum omnes reges terræ, omnes gentes seruiunt illi. Quis mente sobrius regibus dicat? Nolite curare in regno vestro, à quo tueatur vel oppugnetur Ecclesia Domini vestri. Non ad vos pertineat in regno vestro, quis velit esse siue religiosus siue sacrilegus, quibus dici non potest, Non ad vos pertineat in regno vestro quis velit pudicus esse, quis impudicus? Et quæ lequuntur. Huc enim pertinet quod in 9. capite huius libri de violenta Pauli conuersione citauimus.

4. Re. 15.

4. Re. 22.

Iona 3.

Dan. 14.

Dan. 6.

Dan. 3.

Ioan. 16.

Psal. 71.

Occultanda
consilia.

Tribunus igitur dimisit adolescentem, præcepitque ei, ne cui effutias, iniquiens, quod hæc indicaueris mihi. Et accersitis duobus quibusdam centurionibus, dixit: Parate milites ducentos, vt eant Cæsaream, & equites septuaginta, & lancearios ducentos à tertia hora noctis, & iumenta præbere, vt impositum Paulum, saluum perducant ad Felicem præsidem, scriptis literis in hanc formam:

Iterum laudatur Tribuni prudentia, qui in hoc taciturnitatem ab adolescente postulat, ne Iudæi vel consilium mutarent, vel ex re manifestata æstimarent Tribuni consilium, quale futurum foret. Maxima autem semper fuit in occultandis consilijs cura vetustis. Vnde Metellus pius in Hispania interrogatus, quid postera die facturus esset? Tunicam meam si id eloqui posset (inquit) comburerem. Auctor Iulius Frontinus lib. 1. Stratag. cap. 1. Tribunus ergo vt Romanum ciuem iniquorum eriperet manibus, milites designat 470. hoc est, equites 70. pedites 400. qui ipsum saluum ad Felicem perducant. Rursus ne conductus ille maioris existeret causa tumultus, illum sub noctem, Iudæis nihil tale suspicantibus instituit. Multum enim refert quo tempore quæque faciamus. Porro Lucas per στρατιώτας, quos interpretes noster vertit milites, eos intellexit, quos nos vocamus pedites. At per δαξιοβόλους, quos lancearios vertit, ferè sagittarios intellexit. Missilibus enim utebatur vetustas. Et δαξιοβόλος dixit quod dextra mitterent missilia siue hastilia. Statim autem post illa verba, Vt saluum perducant ad Felicem, sequitur in vulgatis exemplaribus, Timuit enim ne forte raperent eum Iudæi & occiderent, & ipse postea calumniam sustineret tanquam accepturus pecuniam. Sed cum non extent in Græcis exemplaribus & è margine videantur irreplisse, ab interprete nostro omissa sunt.

Claudius Lysias potentissimo præfidi Felici salutem. Virum hunc comprehensum à Iudæis, cum iam esset interficiendus ab eis, superueniens cum exercitu,

exercitu, eripui, cognito quod Romanus esset. Volensq; scire causam, quam accusarent illum, deduxi eum in Concilium eorum. Quem comperi accusari de quæstionibus legis ipsorum, nullum dignum morte aut vinculis habentem crimen. Et cum indicatum esset mihi de insidijs quas parauerant illi Iudæi, protinus misi eum ad te, præcepto dato etiam accusatoribus, ut quæ habent aduersus eum dicant apud te. Vale.

Nihil est non obuium & facile in hac Epistola. Expositoria enim est, breui ac castrensi stilo conscripta. Breuib; enim exponit quis Paulus sit, & quam ob causam in vincula deuenerit. Ceterum cum in ea palam dixisset nullum in eo crimen inuentum esse morte aut vinculis dignum, ac Felix obijcere potuisset, Cur ergo non dimisisti innoxium? præuenit & ait, Insidiæ Iudæorum id non permiserunt, publicæq; pacis periculum. Quocirca misi eum ad te, accusatoribus etiam eius præcepto dato, ut & ipsi proficiscantur ad te, causamq; istam coram te absoluant.

*Solutum est Gal
lio iua. & se
Iudæicaru quæ
stionum.*

Milites verò iuxta quod sibi iniunctum erat, receptum Paulum duxerunt per noctem Antipatridem. Postero autem die dimissis equitibus, ut cum eo irent, reuersi sunt in castra. Qui cum venissent Cæsaream, ac tradidissent epistolam Præsidi, statuerunt coram eo & Paulum. Cum legisset autem Præses, & interrogasset ex qua prouincia esset, & cognouisset quod ex Cilicia: Audiam te, inquit, cum accusatores quoque tui aduenerint. Iussitq; in prætorio Herodis custodiri eum.

Omnia diligenter describuntur à Luca, ut videamus quomodo Deus sanctos suos exerceat, & omni periculo liberet. Cum autem res, iam extra periculum esset soli equites ab Antipatrida Paulum Cæsaream deducunt, eam inquam quæ quondam dicebatur Turris Stratonis. Huc & Felix Iudææ Præses insignis æquitatis exhibet specimen, dum ait, Audiam te cum accusatores quoque tui venerint. Publicus enim omnium sensus clamat, & alteram partem esse audiendam. Vide autem quod ubiq; Gentes Iudæis meliores sunt, quanquam id quidem esset diuinæ gratiæ, qua Paulum ad vberiore Evangelicæ doctrinæ frugem voluit conseruare. Quocirca & Felix hunc in prætorio Herodis, quod videlicet ab Herode constructum erat, asseruari iubet. Prætorium autem illi vocarunt, quod Germani appellamus, *Σαράπιδος τμήμα*.

*Audienda etiã
altera pars.*

C A P V T XXIIII.

Post quinque autem dies descendit princeps sacerdotum Ananias cum senioribus & Tertullo quodam oratore, qui adierunt Præsidem contra Paulum. Et citato Paulo, cœpit accusare Tertullus, dicens: Cum in multa pace agamus per te, & multa recte gerantur in populo hoc per tuam prouidentiam, & semper & ubiq; comprobamus, præstantissime Felix, cum omni gratiarum actione. Sed ne diutius te detineam, oro te ut audias nos paucis pro tua humanitate. Nacti enim sumus virum hunc pestiferum, & concitantem seditionem omnibus Iudæis in vniuerso orbe, & authorem sectæ Nazarenorum, qui etiam templum profanare conatus est, quem & apprehensum voluimus secundum legem nostram iudicare. Sed superueniens Tribunus Lysias, cum magna vi eripuit eum è manibus nostris, iubens accusatores ad te venire, ex quo poteris ipse, inquisitione facta, de omnibus istis cognoscere de quibus nos accusamus eum. Adiecerunt autem & Iudæi, dicentes hæc ita se habere.



ALIAM nunc pugnam describit, in qua electionis vas Paulus virtute Christi, mendaciorum & calumniarum nebulas discutit, longè vicerit. Sed ut gloriosior esset veritatis victoria, magna verborum evidentia aduersarios Pauli pingit, ac fori seueram aliquam oculis proponit imaginem: his omnibus obijcit Paulum, eumq; solum omniq; præsidio hu-

*Victoria vera,
victis.*

*Oratio Tertul-
li satis frigida.* mano destitutum, adeoque & vinctum, interim tamen multa libertate videntem. Tanta est veritatis confidentia. Oratio autem Tertulli in iudiciali genere adhibita, admodum est rhetorica, sed propter ineptam causam satis mendax, & frigida. Exordium quo sibi præsidis fauorem eblandiri cupit, tractum est ab encomio beneficiorum Felicis, habetque adulationis & artis plurimum. Dum enim à seruandæ pacis cura Felicem commendat, simul & Pauli causam reddit odiosissimam, quam non alio crimine magis vrget, quàm tumultus & seditionis. Hoc autem dicit, Quod in tam prospera agimus pace, multaque officia accipit populus Iudaicus, id vni tibi tuæque acceptum ferimus prudentiæ, adeoque & gratias agimus immortales, simul & illud sperantes te & in hac causa, quam nunc deferimus nostræ gentis tranquillitati consulturum. His protinus adiicit, Sed ne diutius te detineam, oro vt pro humanitate tua nos paucis audias. Quæ sanè transitio est, à breuitate gratiam quærens, & simul fiduciam quandam complectens bonitatis causæ, tanquam multis non sit opus præfari aduersum hominem seditiosum, coram illo qui publicæ tranquillitati adeo faueret. Ab his mox narrationem ipsam init, summam complectens rem gestam, cum criminatione adiecta (λογισμός, id est, pestem vocauit hominem vehementer pestiferum) & nuda earum rerum enumeratione, de quibus Iudæi Paulum sperabant iudicandum. Tria autem potissimum illi impingunt. Primum, Seditionem, quam & illo amplificat, quod hanc non ipsis tantum, sed omnibus etiam Iudæis in vniuerso orbe excitauit. Secundum, Nouum & impium dogma. Paulum enim appellitant πορκατωτης τῶν Ναζαρεων εἰρησμος, id est, præfectum, primarium, ducem atque antesignanum sectæ Nazæeorum. Nam ipsum Christiano rum vulgus probroso vocabulo Nazææes, at ipsum dogma Euangelicum Hæresim nuncupabant Nazarenicam. Tertium, Prophanationem templi. Id quod propter Trophimum Ephesum (vt in 21. Cap. auditum est) irapegerunt. Istitis addunt testimonia coniecturalia, ipsa inquam vincula, quæ illi in templo nequaquam iniiecissent, nisi in tantis fuisset deprehensus flagitijs. Sed & Tribunū Lyfiam testem statuunt. Postremò quotquot astabant adiecerunt ita habere omnia, sicut enumerarat Tertullus. Iam enim simul & accusatores & testes facti erant, æqui, si dijs placet, viri, hoc ipso prodentes impudentiam & iniustitiam illam suam maximam. Indicat autem hoc loco Beda vulgatam æditionem noui Testamenti, quæ sua ætate fuerit recepta, sic habuisse hunc locum, Quem & apprehendimus, à quo poteris ipse iudicans de omnibus cognoscere: vt ablatius quo, referatur ad Paulum velut non negaturum quod illi obtendissent. Idem mox aliam lectionem ex Græcis afferens exemplaribus, eandem substituit quam in præsentiarum recensuit Erasmus, qui tamen & ipse fatetur ista in multis Græcorum exemplaribus non haberi.

*Accusationis
capita.*

Testimonia.

Respondit autem Paulus, cum annuisset ipse Præses, vt diceret. *Æquiore animo pro me ipso causam dico, cum sciam te multis iam annis iudicem fuisse genti huic, qui possis cognoscere, quod non plures sunt mihi dies quàm duodecim, ex quo ascendi adoraturus Hierosolymam: & neque in templo compererunt me cum aliquo disputantem, aut concursum facientem turbæ, neque in Synagogis, neque in ciuitate, neque probare possunt ea de quibus me accusant.*

*Modestia
Pauli.*

Qui ergo Tertullum hætenus strenue accusantem audistis, nunc oro ab istis asperginibus repurgantem sese Paulum patienter audite: cuius modestia nobis statim à principio commendatur, quod ad tantas calumnias nihil asperius respondens, facultatem dicendi sibi à iudice factâ, expectarit. At cum illi iam facta esset, vide quàm mature, quàm prudenter & constanter ad omnia, imò singulas ordine respondet, idque ex tempore. Initio beneuolentiam captat, sed parcius & circa omnem adulationis suspicionem. Ducit enim exordium partim ab aduersariorum dictis, partim à iudicis persona. Quasi dicat: Gratulantur equidem aduersarij mei sibi eum obuenisse iudicem, qui vt publicæ tranquillitatis acerrimus sit assertor, ita seditiosorum seuerissimus vltor: at ego mihi ipsi gratulor, quod is mihi obtigit iudex, qui & longa rerum experientia didicit, qui nam publicæ tranquillitatis turbatores sint maximi, illi nimirum qui quod ipsi sunt alijs impingunt: gratulor inquam mihi, quod is mihi obtigit iudex, qui facile quid verum aut quid falsum sit deprehendere potest. Atque hic protinus à tempore argumentum trahens primam diluit calumniam, dicens, Illi sanè seditionis me insimulant maximæ: cæterum cum non plures sint mihi quàm dies duodecim, ex quo ascendi Hierosolymam, ex breuissimo temporis spacio facile cognoscere potes, an ego rem tantam adornare ac facere potuerim. Deinde verò & à causarum loco argumentans, addit: Neque tumultuaturus, sed adoraturus ascendi. Rursus à loco per partitionem suæ causæ fulcra admolens, Neque in templo (ait) neque in Synagoga, neque in ciuitate repererunt me cum quoquam disputantem, aut vllum populi concursum facientem.

*Seditionis cri-
men à se amo-
uitur.*

facientem. Demum verò veluti mendaciorum pertesus paucis omnia dicit & ait: Sed quid pluribus opus? Mentuntur, nec ullis idoneis argumentis probare possunt ea, de quibus me impudentissimè accusarunt, siue ut Græce significantius scriptum est, *ἐν παρανομίαις μάρτυραι*, id est, nec exhibere possunt. Exhibere enim dixit pro vincere. Id quod Germanicè sic efferimus, *Es werdend es nimmer mer mögen auffindigen*. Hæc ad accusationem primam respondit. Nam quod præterea & pestem vocarat, ceu surda aure tranſit, nolens conuictum rependere conuictor: ad ea quæ necessaria videbantur respondet.

Confiteor autem hoc tibi, quòd iuxta viam quam vocant hæresim, sic colo patrium deum, credens omnibus quæ in lege & prophetis scripta sunt, spem habens in Deum, fore, quam & hi ipsi expectant, resurrectionem mortuorum iustorum simul & iniustorum. Quin in hoc & ipse studio sine offendiculo conscientiam habere erga Deum, & erga homines semper.

Istis respondet posteriori accusationi expurgans se de nouo & impio dogmate, simul & claram synceramq; liberè conuictens veritatem. Non autem nego (inquit) quod Christianū mihi dogma obijciunt, hoc autè non agnosco, quod illud mihi tanquam errorem, aut certè impiū religionis morum obijciunt. Non enim nouum aliquem Deum aut agnosco aut prædico, sed Deum patrium: nec alio modo aliāue ratione, quàm ea quam Lex & Prophetæ præscripserunt. Maximè quod in Christo Iesu futura sit mortuorum resurrectio & vita æterna: quam & expecto & eius rei gratia innocentiae studio cum erga Deum tum erga proximos. Hæc summa est eorum, quæ opposuit criminationi de nouo & impio dogmate. Poterat autem videri Paulus hæreseos vocabulum mitigare voluisse, cum dixit, *κατὰ τὴν κοινὴν πίστιν*, iuxta viam quam dicunt hæresim, nisi Erasmus monuisset Hæresis vocabulum apud veteres non fuisse tam odiosum, quàm hodie apud nos sit, hæc ergo Paulum ceu nota vulgo voce expuluisse, quod magis ad Hebraicum idonea accedens dixerat viam. Quin & paulò post in Capite 26. Hæresis vocabulum in bonam partem dum se dixit Pharisaicæ fuisse sectæ, vsurpat: quem admodum & Cicero apud nos in præmio Paradox, de Catone loquens, In ea est (inquit) hæresis quæ nullum sequitur florem orationis. Est & Sectæ vocabulum Latinis medium. Hæresis autem dicitur confirmata de aliquo dogmate opinio. Ex hoc autem loco clarissimè liquet quinam hæresim doceant hodie, aut qui demum nouum & impium dogma in orbem disseminent. Certè Paulus sanæ doctrinæ potissimā recensens capita, scopum veræ religionis ostendit esse Deum, nec quemlibet (sunt enim dii plurimi & idola innumera) sed patrium, id est, veterem illum omnium rerum conditorem, quem Abraham, Isaac & Jacob, denique omnes sancti patres coluerunt. Sed & modus colendi Deum ex scripturis à Paulo sumitur & scripturis probatur. Non enim placet Deo quiuis ipsum colendi ritus, sed quem ipse nobis præscripsit. Vnde iam consequitur illos tradere nouam fidem, qui nuper natos Diuos colere docent, modumque colendi iuxta humanarum legum instituta præscribunt. Iam & paulò rectioribus verbis & Christi proſtitetur mysterium, cum resurrectionis & bonæ conscientiae meminit. Nam extra Christum nulla est resurrectio aut bona conscientia. Discimus ergo in solo Christo sperandam esse resurrectionem & vitam: denique iustitiæ & innocentiae studium, verum Dei esse cultum. Id quod iterum nostrorum temporum dogmatis repugnat ex diametro, quod ea habeant plurima alia quibus vitam & salutem tribuunt. Iudicent ergo Lectores, qui nuperam tueantur fidem atq; doctrinam.

Expurgat se de nouo & impio dogmate.

Hæresis noua dicitur confirmata de aliquo dogmate opinio. Ex hoc autem loco clarissimè liquet quinam hæresim doceant hodie, aut qui demum nouum & impium dogma in orbem disseminent. Certè Paulus sanæ doctrinæ potissimā recensens capita, scopum veræ religionis ostendit esse Deum, nec quemlibet (sunt enim dii plurimi & idola innumera) sed patrium, id est, veterem illum omnium rerum conditorem, quem Abraham, Isaac & Jacob, denique omnes sancti patres coluerunt. Sed & modus colendi Deum ex scripturis à Paulo sumitur & scripturis probatur. Non enim placet Deo quiuis ipsum colendi ritus, sed quem ipse nobis præscripsit. Vnde iam consequitur illos tradere nouam fidem, qui nuper natos Diuos colere docent, modumque colendi iuxta humanarum legum instituta præscribunt. Iam & paulò rectioribus verbis & Christi proſtitetur mysterium, cum resurrectionis & bonæ conscientiae meminit. Nam extra Christum nulla est resurrectio aut bona conscientia. Discimus ergo in solo Christo sperandam esse resurrectionem & vitam: denique iustitiæ & innocentiae studium, verum Dei esse cultum. Id quod iterum nostrorum temporum dogmatis repugnat ex diametro, quod ea habeant plurima alia quibus vitam & salutem tribuunt. Iudicent ergo Lectores, qui nuperam tueantur fidem atq; doctrinam.

Post annos autem plures accessi, elemosynas exhibiturus in gentem meam, & oblationes, in quibus compererunt me purificatū in templo, haud cum turba, neq; cum tumultu. Quidam autem ex Asia Iudæi, quos oportebat præsto esse & accusare, si quid haberent aduersum me: aut hi ipsi dicant, si quidprehenderunt in me iniquitatis, cum stem in Concilio: nisi de vna hac voce, qua clamaui inter eos stans: De resurrectione mortuorum ego iudicor hodie à vobis.

Ad tertiam hisce respondet calumniam, qua illi intenterant immane illud flagitium, quod prophanasset templum, atq; orationem sic attemperat, ut simul & tumultus culpam omnem in Iudæos retorqueat auctores. Summa autem eorum quæ dicit hæc est, Si beneficia in populum conferre pestilentem esse, si iuxta Legem purificari, oblationes, id est, sacrificia offerre, & tranquille in templo agere, est templum prophanare, aut seditionis authorem esse, iam p'lenè fateor vera esse, quæ illi mihi impegerunt. Si verò illi templum prophanant, qui istiusmodi deditum inturbant, iam Iudæi

Quod Paulus nullum turbam excitavit aut templum prophanarit,

tales sunt, qualem me esse vellent. Ego enim ne quid turbę nasceretur, raso capite & voto suscepto intraui templum: vt nunc in ipsa oblatione (proh facinus) me adorti sint. Porro Asiatici Iudei (ne quis me de præsenti loquutum intelligat) totius turbę huius omnisq; iniurię mihi irrogatę auctoritate faere, qui si quid iustię in me haberent causę, procul dubio, vt mei sanguinis sitientissimi sunt, adessent, nunc autem cum iudicium hoc declinarunt, apertissime de sese prodiderunt, quod causę diffidentes, nihil habent quo me iure accusent. Imò ne hi quidem qui coram astant habent quod obijciant. Si enim quippiam habent, non deprecor, proferant quicquid facinoris de me norunt: sed nihil (scio) norunt, nisi illud forsan volent calumniari (ecce quàm prudenter peroccupat quod ab illis obijci poterat) quod iam pridem in consilium illorum adductus, clamaui, me quidem Phariseum esse, id est, ea parte accedere placitis Phariseorum, qua illi cum Christiana religione tuentur mortuorum resurrectionem, quam dum Sadducei negant, dissensio inter illos orta est non modica. Id sanè seditionis agnosco ex libera mea veri confessione ortū esse, si modo ea mihi impingenda est dissensio, quam ex confessione mea non iam primum concepere, sed iam olim longa & auita consuetudine aluere. Sanè (vtcunque res cesserit) nihil aliud quàm quod verum erat, & quod ipsi Pharisei credunt, confessus sum. Cur ergo mihi id cum Phariseis confitenti, verteretur vitio, quod illis impune confiteri licet quoties libet? De eleemosyna siue collectis sæpius iam dictum est. Porro harum in hac re mentione videtur id maxime significasse, quod ij demum verum Domini templum sanctificent, qui beneficijs iuuant inopes. Illi enim sunt veri Dei templum. Notatur præterea & ingratitude humana, quę & Christo pro beneficijs rependebat crucem. Annotauit & Erasmus illam sententiam, *Quidam autem ex Asia Iudei*, quos oportebat præsto esse, in absolutam, & proinde subaudiendum esse, *illi tumultum excitauerunt*, non ego. Cætera verò satis exposita sunt. Hactenus enim de Apologia Pauli, qua vt nihil inuenias elegantius, ita nihil constantius: vt vel ex hac vna liqueat quę sit veritatis confidentia & libertas.

Auditis autem his, Felix distulit eos, certo sciens quę ad eam viam arrebant, dicēs: Cum tribunus Lyfias descenderit, pernoscam causam vestrā, iussitq; centurioni vt custodiret Paulum, sineretq; eum relaxari, & ne quem ex illius familiaribus vetaret subministrare ei, aut adire eum.

Distulit illos Felix, id est, in aliud tempus causam istam differre voluit, duabus ex causis. Principio quod probè ipsi cogniti essent Iudeorum mores, perspecta quoq; dogmata Iudaica, vnde potuit coniectare Pauli causam non tam malam esse quàm hostes ipsius, inuidum genus hominum, vndique corrasis coniecturis & frigidis argumentis exaggerabant. Deinde quod omne testimonij præsidium in vno collocassent Lyfia Tribuno: à quo ipse interim Felix omnem rei gestę seriem se persequatur promittit: hac vtiq; ceu commoda declinatione accusatores à sese repellens. Nam Paulum ipsum custodiri quidem iubet, sed mitiore custodia adeoque & libera. *non enim*, id est, relaxationem, ne scilicet durius aut arctius haberetur, illi dari iubet, neque familiarium quenquam, aut qui ipsi aliquid beneficij conferre vellet, arceri præcipit: hoc ipso innocentię Pauli certum ferens argumentum. Cæterum discimus nos iterum quàm benignus sit Dominus, qui nullibi sanctos suos deserit, sed vbique, maxime verò in periculorum procellis dexter adest. Iterum enim infecta re discedunt Iudei. Paulus contra, ceu victor exultat, interim tamen in custodia, sed libera. Præterea videmus prophanas gentes iudicesq; barbaros verbi ministris olim multò fuisse mitiores, quàm nunc quidam sint qui nomen Christianum adeoque religiosorum profitentur, re ipsa hypocritę & crudelēs bestię sunt.

Post aliquot autem dies, cum aduenisset Felix cum Drusilla vxore sua quę erat Iudæa, accersiuit Paulum & audiuit ab eo fidem, quę est in Christum. Disputante autem illo de iustitia, & temperantia, & de iudicio futuro, tremefactus Felix respondit: In præsentia abi, cæterum opportunitatem natū accersam te, simul & illud sperans, fore, vt pecunia sibi daretur à Paulo, vt solueret ipsum, propter quod & frequenter accersens eum, loquebatur cum eo.

De Felice & vxore eius.

De Felice hoc viro aliàs satis prudente complura scripsit Iosephus. Sex. Aurelius Victor in vita Claudij parum ipsi tribuit laudis. Nam liberti (inquit) eius (Claudij videlicet, aut Messalinę potius, apud quam erat summa rerum administratio) potestatem summam adepti stupris exilio cæde proscriptionibus omnia scædabant: ex quibus Felicem legionibus Iudę præfecit. Quibus & illud astipularur

pulatur quod hic à Luca refertur Drusillam fuisse Felicis vxorem. Fuit autem Drusilla hæc regis Herodis quem in Cæsarea percussit angelus, filia, religione Iudæa, soror regis Agrippæ, de quo paulo post audiemus. Hic Aziazo regi Amasorum (vt recenset Iosephus antiquitatum lib. 19. cap. 9.) volenti se circumcidere, Drusillam hanc dedit vxorem Epiphanes enim Antiochi regis filius, cui viuente adhuc patre desponsata erat, nolens Iudæorum sequi morem, nuptias eius refusauit. Nuptiæ ergo inter Aziazum regem & Drusillam celebratæ, mox huiusmodi causa soluta sunt. Dum Felix in Iudæam venisset administrator, videns hanc cunctas mulieres pulchritudine præcellentem eius speciem concupiuit, & quandam Iudæum Simonem nomine, amicum suum, Cyprium genere, hominem magum mittens ad eam, suadebat vt derelicto, rege Amasorum marito suo, nuberet ei felicissimam illam fore promittens, si eius thorum non despiceret. Illa vero eius flexa promissis, priore marito deserto, Felici nupsit. Ex quibus iam claret verissimum esse quod de Felice prodidit Aurelius Victor. Quem deinde imitatus Eutropius lib. de Gestis Roman. 8. iisdem verbis eadem de Felice testatus est. Felix ergo cum aliquousq; aliò comigrasset, iamq; rediisset, Paulum euocat in colloquium, & præsentem vxore sua Drusilla, cupit à Paulo plenius edoceri de secta quam profitebatur, non utiq; quod veritas teneretur desiderio, sed quod curiositate & muliebri stultitia, quæ semper rebus delectatur novis, impulsus, negotium Christi, de quo multa ferebantur mirabilia, audire cuperet. Paulus ergo nihil moratus qualis esset aut quo animo sciscitaretur, haud suauius aut delicatula, nova & admirabilia, sed illud potius quod verum erat, & quod illis maxime necessariū videbatur, magna autoritate & gravitate edicit adeo vt toti ad prædicationem eius consternerentur. Nam de iustitia, temperantia & iudicio auerit. Lucas autem non nisi capita orationis (pro more suo) ascribit, at nos interim ex rebus præsentibus tum alijs à Paulo scriptis, facile coniecturare possumus quid aut quomodo de hisce disseruerit. De iustitia enim aliud dicere non potuit, quam quod ad Romanos scripsit, iustum ex fide viuere, & veram iustitiam aliud non esse, quam fidem in Iesum Christum. Cæterum cum Felix præterea & iudex & totius regionis præfectus esset, procul dubio & de ea larius disputauit iustitia, quæ unicuique suum tribuit. Rursus apud intemperantes & omnis luxus infamia commaculatos nihil potuit quadrantius dici quam temperantiam decere homines in conspicuo loco constitutos, quales sunt qui rerum summæ præfecti alijs omnibus iustitia & honestate præluce debent. Et procul dubio grauissimè hoc loco accusauit scortationem, stupra & violatam coniugum fidem, adeo vt Felix & Drusilla facile intelligerent sibi hæc omnia dici, & istæc in se proprie competere. Videmus enim & Ioannem Baptistam ad Herodem palam dixisse, Rem te, ô Herodes, indignam & prorsus illicitam facis. Imò tota scriptura sacra nihil perinde persequitur atque intemperantiam. Iam vero cum nulli arietes humanum pectus concutiant vehementius quam spes & metus, tandè & de tremendo Dei iudicio disserit, vt metu pænæ & spe bonorum vitæ futuræ, ad pœnitentiam pertraheret. Sed frustra. Territus quidem dicitur Felix ad prædicationem Pauli, sed non ad pœnitentiam terrore conuersus. Atqui terror nihil iudicat nisi adigat ad pœnitentiam. Imò quam in sincera mente audierit verbum Domini consequentia declarant. Nunc enim de Christo & iustitia plura disserere volentem, ablegat. Non enim talem disputantem expectarat: nec Christum, nec iustitiam eius, nec temperantiam magni æstimabat, cui nihil aliud quam mundum norat. Deinde eundem sapius reuocat Paulum, & plurima conmentatur cum eo, sed denuo non ea mente quod veritatem amaret, sed quod munera ambiret. Cum enim & Cæsarium legibus damnatum esset iudicium ære redemptum, Felix nihil audens postulare impudentius, saltem colloquio occasionem offerendæ pecuniæ voluit suppeditare, nimirum vt contracta familiaritas perspectaq; præsidis facilitas excuteret pudorem, quem suspicabatur obitare, quo minus auderet Paulus offerre pecuniam: sed prorsus fallebatur. Damnantur autem hoc tam scædo exemplo Felicis largitiones, corrupta iudicia, & auaritia. Verissime autem in Romanorum auaritiam apud Iustinum dixit rex Mirhidates, Non temere iactare Romanos conditores suos lupæ vberibus alitos. Omnes enim Romanos luporum animos habere, inexpleriles sanguinis atque imperij, diuitiarumq; illos audos esse & ieiunos. Dominus ergo apud Moysen Exod 18 Elige (inquit) tibi ex omni plebe viros fortes, timentes Deum, in quibus sit veritas, & qui oderint auaritiam, & ex his magistratum constitue. Et Exodi 23. Non accipies (ait) munera, quia munera exæcant prudentes, & subuertunt verba iustorum. De hoc ipso est & prouerbiū in Chiliaidibus, Munerum corruptela.

Biennio autem expleto, accepit successorem Felix Portium Fesum. Vo

lens autem gratiam præstare Iudæis Felix, reliquit Paulum vinctum

Beda biennium intelligit ab initio captiuitatis Pauli suppuratum, non autem ad tempus præscriptam. Cui & illud accedit, quod paulò ante Paulus confessus est Felicem multis annis genti huic iudicem fuisse. Eusebius in Chronicis author est Claudium imperatorem in Iudæam

*Oratio Pauli
coram Felice.*

*Ad hunc modum
multi hodie Euangelium audiunt.*

Largitiones.

*Fortè tum priam
tunc totius provinciam prætorum dedit.*

misisse Felicem anno regni sui vndecimo. Idem testatur Felicem II. Neronis anno reuocatum, successorem accepisse Festum. Omnes ergo anni Felicis quibus Iudææ præfuit colliguntur plus minus sex. Porro Iosephus multo plures annos computauit. Nam in 19. lib. cap. 9. palam meminit decem annorum. Magis ergo placet Bedæ sententia, qui historias citans, Felicem ait eo tempore Hierosolymam esse missum, quo Agrippa, Herodis Agrippæ, quem angelus Cæsareæ percussit, filius, regno fuerit inauguratus. Id autem factum meminit Eusebius quarto Claudij anno: vnde nunc plus minus duodecim anni præfecturæ Felicis colliguntur. Illud porro corrupti & prophani animi indicium est, quod in gratiam profligatissimorum nebulonum (nebulonum enim collegium erat, qui Paulum accusarant) innocentem & sanctum virum vinctum relinquit. Ita audiuius & in 12. capite Iacobum in gratiam Iudæorum fuisse cæsum, & Petrum in carcerem coniectum. Sancti enim perpetuo impijs magnatibus ludendi sibiq; mutuo gratificandi materia fuerunt, at ijdem illis quoq; argumentum aliquando certissimæ damnationis erunt.

COMMENTARIORVM IN ACTA

APOSTOLORVM LIBER VI.

PROOEMIUM.

EX TREMO hoc libro absoluetur huius (vt sic dicam) fabulæ catastrophe. Posteaquam enim coram Portio Festo & rege Agrippa discretè causam suam egisset, & Cæsarem appellasset, Iulio centurioni traditus, per varia maris Mediterranei pericula, primum in naui Adrumentina, mox in Alexandrina Romam abducitur. Cæterum in Adriatico mari naufragium perpetitur, sed saluus vnà cum reliquis (sibi à Deo donatis) quos ea nauis vexerat in insulam Meliten euadit. In hac viperam è manu pendentem excutit in focum, & Publij patrem febribus & dyssenteria grauiter laborantem restituit. Deinde post tres menses iterum naui impositus, Puteolos appulit, inde verò pedes Romam deuenit, in hac verò biennium in libera custodia exegit, prædicans regnum Dei, nemine prohibente.

CAPVT XXV.

Festus ergo suscepta prouincia, post triduum ascendit Hierosolymam ab vrbe Cæsarea. Significaruntq; illi princeps sacerdotum ac primores Iudæorum de Paulo, & rogabant eum, postulantes fauorem aduersus eum, vt accerferet eum Hierosolymam, insidias tendentes, vt interficerent eum in via. Festus autem respondit, vt seruaretur quidem Paulus Cæsareæ, se verò breui illò profecturum. Qui ergo inter vos, inquit, potentes sunt, vnà nobiscum descendant, & si quod est in hoc viro crimen, accusent eum.

Fiducia impiorum aduersus sanctos.



ACCINGVNTVR aduersarij ad nouum certamen, in quo tamen non minore succumbant confusione, quam in superioribus succubuerant. Graphice autem hoc loco describit Lucas quibus rebus confisi sint, & quibus armis se aduersus Paulum instruxerint. Dum (inquit) Portius Festus à Claudio Nerone in Iudæam pro Felice missus, prouinciam suscepisset gubernandam, & iam Hierosolymam quoq; (pro more) ascendisset, sacerdotum grex iniquitati iudicis confusus, fauorem Festi ambit, nempe vt hætenus ipsis faueret, vt Paulum Hierosolymam reduceret. Siquidem coniurati pro prisca consilij ratione proficiscentem intercipere volebant. Proinde nihil causæ fidebant, sed omnem spem ponebant in fauore iudicis & parricidarum insidijs. Hæc est spes & virtus impiorum aduersus veritatem & ministros eius. Et fauore ac odio iudicium vel hodie multi boni viri pereunt, non pauci insidiarum technis. Cæterum fauor siue gratia domini quæ

Fauor & odiū

quæ hominum efficacior est, Paulum tutata est. Nam diuina sic volente prouidentia, Festus nulla istorum ratione habita, dicit se Paulum Cæsareæ seruaturum, ibique illum, si quid aduersus eum habeant ipsis exhibiturum. Quod autem paulò post mutatus & sui dissimilis Paulum interrogat, Vis Hierosolymam descendere? prodit se istæ omnia non ex sese vel amore æqui vel iustitiæ fauore agere, sed ex virtute Domini, quæ in prophano homine pro sancto suo efficax fuit. Neq; alia causa videtur Achaia Proconsul Gallio Paulum simul cum Iudæis negligere, quàm quod Deus hoc velut indubitato testimonio comprobare voluit, se citra hominis præsidium, sua duntaxat gratia, quos velit seruare.

Demoratus autem inter eos diebus amplius quàm decem, descendit Cæsaream, & postero die sedit pro tribunali, iussitq; Paulum adduci. Qui cum perductus esset, circumsteterunt eum qui ab Hierosolyma descenderant Iudæi, multa & grauiâ crimina intendentes aduersus Paulum, quæ non poterant probare, Paulo pro se respondente, quod neq; in legem Iudæorum, neq; in templum, neq; in Cæsarem quicquam peccasset.

Tertio iam producit Paulus, & Iudæorum calumnijs veluti telis quibusdâ exponitur petendus. Primum quidem Hierosolymis à Cl. Lysia Tribuno. Deinde Cæsareæ à Felice accusante eum Tertullo. Postremo producit hic à Festo. Lucas autem hic omnia breuissimis perstringit, quod eandem rem iam iam in 24. exposuisset. Eadem enim hic accusationis capita, quæ ibi recensita sunt: eadem quoq; Apologia Pauli: nisi id fortassis videatur nouum, quod Cæsaris sit mentio. Verum in hoc putarunt Paulum peccasse in Cæsarem, quod Hierosolymis excitasset tumultum: aut quod aliû prædicaret regem Iesum. De qua calumnia dictum est in Cap. 17. Non enim Apostoli sic prædicabant Iesum esse regem siue Mesiã, ut Cæsarem reiicerent. Nam & ipse Dominus dixerat, Date Cæsari, quæ Cæsaris sunt, & Deo quæ Dei sunt. De templo præterea & Lege satis alibi disputatum. Iudæi enim nihil noui afferunt, sed inueteratam canunt cantilenam.

Festus autem volens gratificari Iudæis, respondens Paulo, dixit: Vis Hierosolymam ascendere, & ibi de his iudicari apud me? Dixit autem Paulus, Ad tribunal Cæsaris sto, vbi me oportet iudicari: Iudæis nullam iniuriam feci, sicut & tu melius nosti. Si enim nocui, aut dignum morte aliquid feci, nõ recusor mori. Si verò nihil est eorum de quibus hi accusant me, nemo potest me illis donare. Cæsarem appello. Tunc Festus cum consilio colloquutus, respondit: Cæsarem appellasti: ad Cæsarem ibis.

Clarissimo dilemmate increpat Festi improbitatem. Si (inquit) nocui, & quicquam capitis supplicio dignum commerui, mori non recuso. Neque necesse est vt aliò me abducas. Nam etiam hic ad tribunal Cæsaris sto, vbi iustitia, non fauor, damnare aut absolvere debet. Si verò nemini, nedum Iudæis his feci iniuriam, nemo me illis, cum quibus nihil mihi negotij, donare potest, nedum tu, ô Feste, qui melius nosti me Iudæis nullam irrogasse iniuriam: sed quoniam illud forsan vis nescire, iam nunc ad Cæsarem appello. Nolo enim te pluribus detinere. Locus hic iterum commendat nobis constantiam & fortitudinem. De quibus satis dictum est in cap. 23. Nec verò Festus prouocantem ad Cæsarem frustravit, sed proposita causa consilio suo & collatis sententijs, tandem non citra nasum ac supercilium respondit, Ad Cæsarem appellasti, ad Cæsarem ibis. Hoc verò Dei dispositione factum est. Paulum enim oportuit & Romæ testificari de Christo. Qui ergo hunc locum ad contentiones fori rapiunt rabulæ, quasi huius præsidio impunè altercari liceat, non expendunt quis sit huius historiæ scopus & usus.

Libertas dicendi.

Et cum dies aliquot transacti essent, Agrippa rex & Bernice descendunt Cæsaream salutaturi Festum. Et cum dies complures ibi commorarentur, Festus regi retulit causam Pauli, dicens: Vir quidam est relictus à Felice vinctus, de quo, cum venissem Hierosolymam, significarunt mihi principes sacerdotum & seniores Iudæorum, postulantes aduersus illum cognitionem. Quibus respondit: Non est Romanis consuetudo ob gratiam donare aliquem hominem, vt pereat priusquam is qui accusatur, præsentem habeat accusatores, locumq; defendendi accipiat de crimine. Cumq; ergo huc con-

uenissent, sine vlla dilatione, sequenti die sedens pro tribunali, iussi adduci virum. De quo cum stetissent accusatores, nullum crimen intendebant super hisce rebus, de quibus ego suspicabar, sed quæstiones quasdam de sua superstitione habebant aduersus eum, & de quodam Iesu defuncto, quem affirmabat Paulus viuere. Hæsitans autem ego de huiusmodi quæstione, dicebam, num vellet ire Hierosolymam, & ibi iudicari super istis. Paulus autem cum appellasset, vt seruaretur Augusti cognitioni, iussi seruari eum, donec mitterem eum ad Cæsarem.

Agrippa rex.

Alia se hic offert occasio qua gloria verbi Dominici propagetur latius. Et ingens est gloria quæ Pauli, qui nomē Domini etiam coram illustrissimis portauit principibus. Agrippa enim hic Herodis Agrippæ quem Cæsareæ extinxerat angelus ex Bernice filius, gloria & magnificentia fuit inclytus, vir bonus & ad bene dicendum instructissimus. Bernicem verò hanc Chrysostomus Agrippæ uxorem fuisse censet. Alij matrem, alij verò filiam, alij crediderunt fuisse sororem. De qua pluribus Iosephus libro Anriq. 20. cap. 9. Cæterum pro more descenderunt salutatam Festum. Nam ipse rex Agrippa Imperatorem agnoscebat Romanū. Huius enim auspicijs regno fuerat inauguratus. To-

Bernice.

ta autem narratio, quæ hic à Festo textitur, iam in superioribus exposita est: nisi hoc forsitan videatur annotandum, Postulantes aduersus illum cognitionem, dictum esse pro eo quod est, Postulantes vt contra illum pronuntiarent capitalem sententiam. Nam *ἐκείνους* & penam intellexit. Deinde quod Romanam consuetudinem attinet, dictum est in Capite huius lib. 16. dum mentionem faceremus legis latæ per Valerium Publicolam. Hinc verò cum maximo contemptu legendum est quod de superstitionibus Iudaicis & Resurrectione Christi Festus recenset. Christus enim Gentibus stultitia est, Iudæis offendiculum. Dicit autem, Equidem suspicabar illos de rebus alijs Paulum accusaturos, quàm de hisce nugis. Habet autem hæc Festi expositio plurimum tumoris & iactantiæ. Referunt hodie Festum hunc, qui sibi ipsi plus nimio placentes, & nescio quam sibi arrogantes prudentiam, cælestem sapientiam verbum Euangelij prorsus contemptui habent, & de hoc ceu vanissima quapiam fabula ineptissima quæq; garriunt.

Ridebant & Athenienses resurrectionem.
Acto. 17.

Agrippa autem dixit ad Festum : Volebam & ipse hominem audire: Cras, inquit, audies eum. Postero autem die cum venisset Agrippa & Bernice cum multo apparatu, & introissent in auditorium cum tribunis & viris principalibus ciuitatis, iubente Festo adductus est Paulus.

Audire verbū Domini.

Non verò & sincero corde quæsiuit Dominū Agrippa, aliās inuenisset: sed quemadmodum Herodes Tetrarcha, cuius hic Agrippa ex fratre pronepos extitit, ex curiositate quadam gaudebat Christum ad se duci, eò quod (vt Lucas ait) multo iam tempore videndi illum desiderio detineretur: ita & Agrippa non veritatis perdiscendæ gratia, sed noui quippiam audiendi desiderio detinetur. Nam etiam si non malus princeps, vanus tamen erat, vt ferè solet principum vulgus. Quò & illud pertinere crediderim, quod Lucas apparatus regium, & quod *μετὰ πολλῆς κατὰ κράτος*, id est, cum multa ostentatione & pompa in auditorium prodierint, descripsit. Haud enim magni apud illos penditur Christus, qui omnem voluptatem in pompa constituere mundana. Vide autem mirabilem Dei prouidentiam. Principes prophani auro redemiti & pretiosa induti veste, sed & bene curata cute, in præcellis confidentes tribunalibus, vel ad spectaculum instructi, Paulum seruum Dei expectant. Hic verò vir tantus & Deo tam charus multis exhaustus periculis, & carceris situ squalidus, catenis quæ ferreis vinctus atque degrauatus ingreditur, lætus tamen & alacer, & pro nomine Christi grauissima quæque perpeti paratus. O grande & rarum spectaculum: verum ita visum est Domino sanctos suos per varia rerum discrimina ducere ad astra. Patienter ergo feramus, ô fratres, si extreme afflicti, depressi & proculcati videamus prophanum quenque feliciores fortuna vti. Aderit aliquando vicissitudo rerum.

Festus vitæ.

Etdicit Festus: Agrippa rex, & omnes qui simul adestis nobiscum viri, videtis hunc hominem, de quo omnis multitudo Iudæorum interpellauit me, & Hierosolymis & hic: acclamantes non oportere eum viuere amplius. Ego verò comperi nihil dignum morte eum admisisse. Cæterum cum his ipse appellasset Augustum, statui mittere eum. De quo quid certum scribam domino, non habeo. Quapropter produxi eum ad vos, & maxime ad te

ad rex Agrippa, ut examinatione facta, habeam quod scribam. Iniquum enim mihi videtur mittere vinctum, & crimina de quibus accusatur, non significare.

Idem dicitur quod superius dictum est. Sed illud interim notandum, quod Paulus regibus & principibus spectaculum factus nihil à solita cedit dicendi agendiq; libertate. Deinde quod innocentiae suae & Iudaicae perfidiae vel à prophanò principe testimonium est latum. Festus enim palam dicit, De quo quid certum scribam, non habeo, &c. Quo cum & suam prodidit iniquitatem, quod eum non absoluit, quem innocentem esse non nesciuit. Cæterum ita Dei voluntate comparatum erat, ut & veritatis sinceritas & ministri eius innocentia copiosioribus & maioribus adhuc illustraretur testimonijs. Inde est quod rex Agrippa Paulo pro se dicendi potestatem facit, sicut sequentibus exponit Lucas.

C A P V T X X V I.

Agrippa vero ad Paulum ait: Permittitur tibi loqui pro temetipso. Tunc Paulus extenta manu pro se dicebat: Super omnibus de quibus accusor à Iudæis, rex Agrippa, existimo me beatum, qui causam dicturus sim apud te hodie: cum tu maxime sis gnarus earum, quæ apud Iudæos sunt & consuetudinum, & quaestionum. Quapropter obsecro te, ut patienter me audias.



ACTA sibi à rege potestate dicendi, mira claritate, euidentia & breuitate causam suam agit, nihil siue pronunciationis siue gestuum corporis omittens, quod ad insignem oratoris spectare videbatur. Atqui nihil cum fuco aut affectatione, sed omnia cum decoro vere simpliciter & sinceriter. Cæterum oratio ipsa sub genus referenda est didacticum. Tota enim expositio est argumentosa, quæ qualis esse debeat, aut quomodo enarrari queat indicauit pluribus in comparabilis eruditionis vir Rodolphus Agricola de Inuentione dial. lib. 2. ca. 16. Nihil enim moror nugones quosdam, qui si quid rerum dialecticarum sacris misceatur prouinus clamant blasphemiam esse designatam. Nihil inquam moror præposterum perplexorum hominum iudicium. Constat enim dialecticam aliud non esse quam differendi rationem & communis orationis filium, quo differentes ne naturali ordine excidant, aut aliorum scripta legentes scopo non aberrant, ducuntur. Cum ergo naturali dicendi ordine dixerint scripserintq; Apostoli, quid prohiberet istorum monumenta non iisdem explicare rationibus quibus scripta esse videmus? Conferatur autem hæc præsens Pauli oratio ad illa quæ iam ex Agricola citauimus præcepta, quæ interim aliud non sunt quam naturalis quædam orationis obseruatio, & nisi præclarum huic ex ijs affulserit lumen, vana sint quæ dixi. Expositione ergo argumentosa, hoc est ea quæ rei gesta ubiq; causas, coniecturas, signa & omnis generis circumstantias immisceat, comprobat se non excogitasse vllum (id quod Iudæi intendebant) dogmatis genus nouum, impium, aut scripturis sacris aduersum: nihil se temere cepisse, nullam seditionem excitasse, nulla in re Iudæos offendisse, aut quicquam in legem eorum peccasse, qui semper fuerit eius studiosissimus, imò cuius præsidio etiam hodie posteaquam diuina vocatione in aliud viuendi genus à Mose ad Christum transierit, omnia Christianæ religionis placita comprobare velit. Et hæc quidem summa & hic scopus est narrationis præsentis. Exordium porro fauorabile est & à persona regis & ipsa re siue causa petitum confidentiæ & constantiæ habens plurimum. Qui enim in re aliqua male sibi sunt conscijs, prorsus obstupescunt, cum apud eos de ea re dicendum est, qui rem probe cognouerunt. At Paulus gratulatur quod is sibi contigisset iudex, qui earum rerum erat gnarus, de quibus vertebatur quaestio. Agrippa enim ex maioribus suis (teste Iosepho) profelytus erat: unde non potuit nescire quæ de Christo, de resurrectione, de lege, de umbra legis, deq; alijs id genus dogmatis apud Iudæos tradebantur. Commodissime ergo subdit, Proinde obsecro te ut me patienter audias.

Itaque vitam quidem meam, quam egi ab adolescentia, quæ ab initio fuit in gente mea Hierosolymis, nouerunt omnes Iudæi, qui prius nouerant me ab initio, si velint testimonium ferre, quod secundum exquisitissimam sectam nostræ religionis, vixerim phariseus.

Narrationem ipsam tam ab ipsis init incunabulis. Multum enim refert quo in viuendi genere quis educatus sit. Et ex infantia, adolescentia atque educatione pleriq; ut ex vngue leo, æstimari solent. Quin & M. Cicero in oratione pro M. Cælio, fieri enim non potest (inquit) ut animus libidini deditus, amore, delirio, cupiditate, sæpe nimia copia, inopia etiam nonnunquam impeditus, hoc, quicquam

Oratio Pauli coram Agrippa.

Dicendi artificium.

Exordium.

Adolescentia Pauli.

quid est, quod nos facimus in dicendo, non modo agendo, verum etiam cogitando, possit sustinere. Ita in præsentiarum Paulus ipsa educatione, adolescentia & studio suo Agrippæ voluit approbare, haud verisimile esse taliter talibusque institutum studijs facile potuisse quicquam aduersus legem agere, aut ad seditiones concitandas procliuem esse. Huc iam pertinet quod sectam, id est, vitæ institutum, non citra laudem, vocat exquisitissimam, id est, approbatissimam. Item quod per permissionem quandam huius rei ipsos etiam Iudæos statuit testes. De secta Phariseorum plura scripsit Iosephus in 18. cap. 2. Alij porro פרישאי exposuerunt interpretes, quasi quis dicat legis expolitores. Alij verò separatos, quasi quis dicat monachos. Certe monachis nostris haud adeo dissimiles fuerunt Pharisei.

Et nunc fretus spe re promissionis, quæ ad patres nostros facta est à Deo, sto iudicio subiectus, ad quam duodecim tribus nostræ instanter nocte & die colentes Deum, sperant se peruenturas. De qua spe accusor rex Agrippa à Iudæis: Cur incredibile iudicatur apud vos, si Deus mortuos suscitaret?

*Resurrectio
mortuorum.*

Naturali quadam dispositione à vitæ instituto delabitur ad dogma de Resurrectione, propter quod à Sadducæis resurrectionem negantibus maxima concertatio aduersus phariseos, auspice, vt videbatur, Paulo, Hierosolymis, præsentē tribuno Lysia, suscepta est. In hac ipsa idem Paulus totam salutis summam constare docuit in 1. ad Corinth. 15 cap. Vnde etiam hic eandem omnibus alijs dogmatis præteritis, protulit in medium, atque ita, vt simul & illam veram esse comprobaret, & Iudæorum maximam in se iniquitatem demonstraret. Res enim indignissima erat quod eius rei gratia Paulum in vincula coniecerant, & nunc eundem cenæ capitis supplicio dignum incusabant, cuius & ipsi confessores erant, imò ipsi Deo dies atque noctes supplicabant, vt futuræ resurrectionis mererentur fieri consortes. Hinc non immerito maxima indignatione, quæ tamen ad commiserationem commouere poterat, ingerit, De qua spe accusor rex Agrippa à Iudæis. De spe inquam illorum accusor ab illis qui ipsi resurrectionem credunt, neque maiorem hac spem habent. Germanus adijceret, *ἴσθι* τίτις ἐστὶν ἀρχὴ σαφής? Ad confirmationem resurrectionis illud pertinet quod per confessionem adijcit, Cur incredibile apud vos iudicatur si Deus mortuos suscitaret? qui scilicet ex nihilo condidit omnia: qui hanc patribus promissit: qui eandem varijs argumentis comprobauit? Ex istis autem facile potuit & Festus intelligere concertationem quæ erat Paulo contra Sadducæos, non esse de Asini (quod aiunt) vmbra, & vt Festus dicebat de Iesu quodam defuncto, sed de spe Israelis. Potuit & Agrippa videre accusationes à Iudæis in Paulum adornatas meras esse calumnias. Non enim nunc referam quod totus orbis ex his æstimare potest dogma de Resurrectione proditum, non esse vanum aut nuperum, sed certum, & longa temporum successione ab omnibus sanctis patribus vere creditum.

*Numerus duodecim tribuum
auget.*

Et ego quidem existimabam me aduersus nomen Iesu Nazareni multa repugnando facturum: quod & feci Hierosolymis. Et multos sanctorum ego carceribus inclusi, à principibus sacerdotum potestate accepta: & cum occiderentur, detulī sententiam. Et per omnes synagogas frequenter puniens eos, compellebam blasphemare: & amplius insaniens in eos, persequabar etiam in exteras vsque ciuitates. Quarum rerum studio cum irem Damascum, cum autoritate & permissu principum sacerdotum: die medio, rex, in viā vidi ē cælo supra splendorem solis, circumfulsisse me lumen, & eos qui mecum faciebant iter. Cum autem omnes nos decidissemus in terram, audiui vocem loquentem ad me, ac dicentem Hebraica lingua: Saul Saul: quid me persequeris? Durum est tibi contra stimulos calcitrare. Ego autem dixi, Quis es Domine? At ille dixit, Ego sum Iesus quem tu persequeris. Sed exurge & sta super pedes tuos. Ad hoc enim apparui tibi, vt constituam te ministrum ac testem, & eorum quæ vidisti, & eorum in quibus apparebo tibi, eripiēs te à populo & gentibus in quas nunc te mitto, vt aperias oculos eorum, vt conuertantur à tenebris ad lucem, & à potestate satanæ ad Deum, vt accipiant remissionem peccatorum, & sortem inter eos qui sanctificati sunt per fidem quæ est erga me.

Conuersio Pauli.

Cum obijci ei potuisset, quod aliter speraret quam pharisei, nimirum per Iesum, quem ipse crederet

deret esse Christum, ad quem & ante annis aliquot turpiter defecisset. Primum igitur Paulus indicat Agrippæ quàm infestus super omnes Iudæos Christianis per initia fuerit, & persecutionis subnectit argumenta. In hoc autem illud est venustum, quòd ait, Et ego quidem exultabam me aduersus Iesu Christi nomen multa repugnando facturum. Nam in transcurso & aliud interim agens inuinit conatus istorum aduersus doctrinam Christianam esse vanos, non minus quàm suos, qui tamen neq; labori pepercerit neq; crudelitatis quicquam intermiserit. Iam enim gradibus & per incrementum quodpiam exponit quomodo persecutus sit fideles. Multos (inquit) sanctorum inclusi carceribus: & dum occiderentur ~~καταδικασθέντες~~, id est, detuli sententiam. Incertum autem est (vt inquit Erasmus) an sentiat illum adduxisse decretum à synagoga factum, an ipsum quoque suo suffragio damnassee Christianos. Beda ait se in quadam ædificatione legisse in hæc verba, Occidendiq; eis detuli sententiam: quod sic exponit, Qualiter occiderentur ipse sententiam dedi. Budæus in commentarijs linguæ Græcæ *καταδικασθέντες* (ait) plebiscitum & *ψήφισμα*, à manuum sublatione dictum. Et *ψήφισμα* non modo calculus est *παιδομαχίονος*, sed etiam suffragia ferentium in comitijs. *ψήφισμα* etiam: dicitur iudices sententiam ferentes. Plura apud illum. Ad incrementum superius pertinet, quod ait se Christianos adegisse ad blasphemiam, id est, ad palinodiam, quæ tormentis & morte perniciosior est. Illa enim perit anima, hac duntaxat corpus. Est & illud crudelitatis postremæ argumentum, quod Christianos in exteris quoque ciuitates transiens, inquit & persequitur. Deinde ne leui aliqua causa commotum existimarent, vt Iesum quem hætenus persecutus fuerat, iam Christum esse crederet & prædicaret, ostendit se admirabili ad fidem vocatione perductum fuisse. De qua expositione dictum est in capite 9. Sermonem tamen Christi ad se factum hic vberius & alij etiam: quàm supra fecerit verbis enarrat, sed non temere. Plurimum enim id præsentī conducebat expurgationi nosse quibus verbis & quo consilio à deo esset vocatus. Erat aut̃ illud huiusmodi. Ad hoc ap̃ parui tibi, vt constituerem te ministrum negotij mei quod partim nunc vidisti & intellexisti, partim vero posthac intelliges. Nec est quod metuas quenquam, ego enim tuebor te, & nunc ad Iudæos & Gentēs mitto te, vt oculos eorum aperias, id est, vt verbo Euangelij errorum nebulas discutias, & seclerum fuliginem abstergas animisq; eximas, vt à seruitio diaboli liberati deo in timore & iustitia seruiant, perq; fidem in eum sanctificentur, itaque sortem accipiant æternæ ac cælestis hæreditatis. Porro scripturæ loci qui hunc illustrare possint, legantur Ioan. 3. & 9. Ephesios 2. & 2. Timoth. 1. capite rursus 2. Corinth. 4. cap.

Vult se Paulus
quodammodo

Vult & rei nobilitate
& utilitate scilicet.

Vnde rex Agrippa, non fui inobediens cælesti visioni: sed his qui sunt Damasci primum, & Hierosolymis, & per omnem regionem Iudææ: deinde & gentibus annunciebam, vt pœnitentiam agerent, & conuerterentur ad deum, opera facientes digna his qui resipuerant.

Ad certum scopum iam dirigit quæ hætenus exposuit. Quasi dicat, Exijs autem omnibus intelligere potes rex clementissime, nulla me leui causa à pristino vitæ instituto desciuisse ad nuperum quodpiam & impium vitæ doctrinæq; genus. Diuinæ enim vocationi obtemperans nihil aliud quàm pietatem docui hætenus. Atque vt magis gratiæ haberet responsio, & Agrippa vidcret Paulum à præcepto domini nihil discessisse aut variasse, summatim euangelicæ prædicationis capita perstringit. Huc (inquit) doctrina mea tota spectauit, non vt hominum mores corrumpere, sed melius instituerem, lucer namq; iustitiæ præferre, nempe vt omnes ubiq; respicientes, ab idolis, superstitione & vana fiducia conuerterentur ad deum verum, viuum & æternum, in cuius timore perseverantes facerent digna (vt vulgata habet æditio) pœnitentiæ opera. Vbi Erasmus annotauit, Si digna sumis absolute, bene habet oratio: sin minus, opera digna pœnitentiæ seu pœnitentiæ sunt quorum iure pœniteat. Cæterum ex hisce omnibus iterum colligimus euangelicæ doctrinæ partes esse pœnitentiam & fidem in deum. Verum dei cultum constare innocentia & fide. Fidem in Christum iustificare. Præterea hac vna & nullis alijs rebus externis sanctificari animam. Lumen rationis & commenta humana omnia tenebras esse: ergo & salutem solius esse gratiæ ac misericordiæ diuinæ.

Hac ex causa Iudæi me in templo comprehensum tentauerunt interficere.

Atque hæc (inquit) est illa causa, qua industi illi ex Asia venientes Iudæi in templo istum quem mihi impingunt excitant tumultum, quæ an iusta aut eiusmodi sit propter quam tanta turba fuerit commouenda, quisque secum expendat. Certe cum nihil aliud fecerim, quàm quod deus præcepit: neque aliud docuerim, quàm quod ipsi consentiunt: præterea vero læserim neminem, causam tumultuandi in me nullam repperunt. Quo fit vt illi ipsi seditionis huius auctores sint, cuius culpam in caput Pauli deriuabant.

Capulum rei
petit.

Auxilium igitur nactus dei, vsque in hodiernum diem sto, testificans tum paruo tum magno: nihil aliud dicens, quàm ea quæ prophetæ prædixerant futura esse, & Moses: an passurus fuerit Christus, an primus ex resurrectione mortuorum lumen annuntiaturus sit populo & gentibus.

Pauli prædicatione scripturis petita et firmata. Paulò liberius, posteaquam ad singula accusationis capita respondisset, Christum Iesum prædicat principibus, testificans Christianum dogma, non nouum esse, sed illud ipsum quod olim diuinitus inspirati prophetæ tradiderint. Committit tamen hæc ipsa superioribus ad hunc modum, Iudei me propter veritatem euangelij dare neci voluere: sed noluit dominus me ante tempus oppetere, atque in hoc tutatus est vt veritati diuinæ ferrem testimonium. Seruatus itaque illius gratia & præsidio, libere quod verum esse scio profiteor, omnibusq; citra personarum respectum prædico, nempe quod deus generis humani, quod iam in peccatis & erroribus mortuū erat, misertus, filiū misit propitiationē pro peccatis, & vt lumen atque doctor esset totius mundi: hinc enim mortuus est, hinc resurrexit, cælos ascendit, & legatos huius rei testes, non ad Iudæos modo, sed ad omnes Gentes misit. Incredibile autem quibusdam videbatur (vt liquet Ioannis 7.) Christum fore passibilem, aut veritatis lumen Gentibus fore communicandum. Dicit itaque Paulus, Ex prophetarum & horum principis Mosi oraculis cōfirmamus quæcunq; euangelica doctrina de Christo, de morte & resurrectione eius, deq; Gentium vocatione tradimus. Miram enim euidentiam habet quod dicit, *ὁυδὲ ἰσχυριστὶς αὐτῷ*. Nihil præter aut extra illud dicens, quæ prophetæ futura prædixerant. Nam & ad Romanos primo testatur Euangelium prædictum esse in scripturis sanctis. Vbi ergo nunc sunt, qui dicūt non omnia Euangelij mytheria quæ ad salutem sint necessaria, scripturis esse prodita sanctis? Et tria hæc quæ hoc loco assignauit capita in sese totum comprehendunt Euangelij mytherium. Proinde si sapimus, iam in religionis negotio nihil suscipimus, quàm quod literæ nobis prodiderunt sacræ, in his enim omnia ea quæ ad salutem necessaria satis diligenter sunt prodita, 2. Timoth. 3.

Hæc autem cum pro se diceret, Festus magna voce ait: Insanis Paule. Multæ te literæ ad insaniam conuertunt.

Paulus arreptus et iudicatus. Alij hæc verba Festo in malam partem exponunt, quasi Paulum ceu stolidum quempiam blatteronem increpitarit, cælestemq; contempserit sapientiam. Verum hanc sententiam resellunt verba consequentia, Multæ literæ ad insaniam te conuertunt. Ioannes Chrysostomus, Quoniam ad regem (inquit) loquebatur, non auertens se ab aspectu eius, quasi passus sit quidpiam, dicit, Insanis Paule. Cæterum in bonam partem & simpliciter id à Festo dictum accipi potest: veluti cum nos eum fure dicimus, qui veluti extra se raptus, non humana, sed diuina prorsus dicere videtur. Sic enim comotus fuerat docta oratione Festus, vt istud ex admiratione viro doctissimo oratoriq; clarissimo acclamaret. Præterea tradunt rerum medicarum periti, mania laborantes (Festus enim dixit, *μαίνεσθαι*) admiranda stupendaq; imaginare, eaq; protinus pro veris iactare. Cum ergo Festus rerum Iudaicarum imperitus esset, interim vero multa audiret Paulum de visione cælesti, de Iesu quodam, deq; resurrectione mortuorum differere, forsan suspicabatur illum laborare mania, in quam (vt fit) immodico literarum studio abreptus fuisset. De insanix speciebus plurima L. Cælius lectione antiq. 9. capite vigesimo sexto & vigesimo septimo.

Et Paulus: non insanio, inquit, optime Feste, sed veritatis & sobrietatis verba eloquor. Scit enim de his rex, apud quem & libere loquor. Latere enim eum nihil horum arbitror. Neque enim hoc in angulo gestum est. Credis rex Agrippa prophetis? Scio quòd credis. Agrippa autem ad Paulum ait: Modica ex parte persuades mihi vt fiam Christianus. Et Paulus ait: Optarim à Deo, non solum modica ex parte, verum etiam magna: non te modo, sed omnes etiam qui me audiunt hodie, esse tales qualis ego sum, exceptis vinctis his.

Certissima est euangelica narratio. Non (inquit) insanio, sed negotium certum refero, non ex mente corrupta, sed animo sibi vndique constante. Licet enim Feste hoc ignores, vt qui nunc primum huc veneris, scit tamen rex Agrippa quid illud sit de quo dissero. Hoc enim & liberius apud ipsum loquor, quod duplici nomine ipsum nihil istorum nescire scio. Principio enim ea quæ de Christo morte eius & resurrectione retuli, Hierosolymis non obscura Iudææ vrbe gesta, hinc & per totam Iudæam rumore verissimo dispersa sunt: nec minus clara est & cōuersio mea, quæ clara luce ad clarissimam Damascenorū urbem, presentibus itineris mei comitibus, facta est. Deinde cum ipsum dogma euangelicum scripturis nite-
tur pro

tur prophetis, Prophetas autem non nesciat Agrippa, intelligit sane quod nihil haecenus dixerim, quam quod constans, verum ac certum sit. Hæc ad Festum, mox ad regem Agrippam conuersus, maxima libertate interrogat per permissionem, Credis rex Agrippa Prophetis? & protinus per subiectionem siue correctionem subiicit, Sed quid rogo an credas, cum certo sciam quod credas. Hic iam addidisset, Si vero Prophetis credis, nullum erit negotium aut difficultas vlla eadem opera & Christo fidere. Nam de hoc scripserunt Prophetæ: quod ipsum & Christus Iudæis aliquando obiecerat, Ioan. 5 nisi orationem interrupisset Agrippa, qui & ipse eruditissima Pauli oratione veluti extra se raptus palam fatetur, Parum abest, quin persuadeas me fieri Christianum. Fuit hæc vox non vere credentis, sed eatenus verbo assentientis, quatenus vox aures feriens suauitate & euidentia animum sibi ipsi rapiebat. Nam quam primum ea cessauerat, rursus redibat ad ingenium. De qua re ipse saluator Christus Dominus iocunda lectu prodidit apud Matthæum in 13 proposita seminantis parabola. Cæterum tametsi Paulus videret operam & impensam apud huius mundi principes perijisse, attamen nobile seruientis charitate animi, qui nihil nisi hominum salutem sitiebat, addidit specimen, dicens, Equidem optarim à Deo, vt non solum, &c. Proinde non fuerit satis, si aliqua aut modica ex parte credas. Vere enim recte plene & ex toto corde credendum est, nisi lampades oleo anteferre vo- *Matth. 25.* lueris. Præferunt enim lampades oleo, qui speciem fidei non ipsam fidem habent. At his aliquando dicit Dominus, Nescio vos. Clamemus ergo cum discipulis, Adauge nobis fidem Domine.

Et hæc eo loquuto, surrexit rex ac præses, & Bernice, & qui assidebant eis. Et cum secessissent loquebatur inter se, dicentes: Nihil morte aut vinculis dignum fecit homo iste, Agrippa autem Festo dixit: Dimitti poterat homo hic, si non appellasset Cæsarem.

Hic commendatur & nobis innocentia Pauli, in quo nihil damnable inuenerunt. Commendatur & prouidentia Dei, qua fiebat, vt & Romæ hunc testificari oporteret, qui haecenus nomen Domini alacriter, & ad miraculum vsque portauerat coram regibus, principibus, Gentibus & filiis Israel.

C A P V T XXVII.

Postquam autem decretum est, vt nos nauigaremus in Italiam, tradiderunt & Paulum, & quosdam alios vinctos centurioni, nomine Iulio, cohortis Augustæ. Conscensa autem naue Adramyttina, nauigaturi iuxta loca Asiæ, soluimus, perseverante nobiscum Aristarcho Macedone Thessalonicensi. Sequenti autem die appulimus Sidonem. Et Iulius humaniter tractato Paulo, permisit vt ad amicos profectus, ab illis curaretur. Et inde cum soluissemus, subnauigauimus iuxta Cyprum, propterea quod essent venti contrarij. Et pelagus quod est contra Ciliciam & Pamphyliam, emensi, peruenimus Myram, quæ est Lyciæ, & ibi nactus centurio nauem Alexandrinam nauigantem in Italiam, imposuit nos in eam. Et cum multis diebus tarde nauigaremus, vixq; deuenissemus contra Gnidum, prohibente nos vento, adnauigauimus Cretæ iuxta Salmonem. Et vix præterlegentes illam, peruenimus in locum quendam, qui vocatur Pulchri portus, cui vicina erat ciuitas Lasea.



AC historia comprobabitur quam vere dixerit Propheta, Militia est vita hominis super terram. Siquidem Paulus toties iam è manibus impiorum ereptus, hic tandem barbaro obijcitur elemento. Haud enim temere dicebat nauim maritimam ingressus Anacharthis, Hei me miserum atque stolidum hominem, qui vitam meam barbaro crediderim elemento. Multa autem eaque asperrima, multo etiam tempore Paulus hac nauigatione expertus, didicit Dominum suis semper adesse præsentissimum. Principio enim istam sodalitiū leuat suauissimo. Aristarchus enim & Lucas Pauli in hac nauigatione comites lassum non parum refocillant. Deinde & ipse Iulius centurio per omnia comem & facilem, diuina sic disponente clementia, se præ-

*Sanctorum vi
ta militia.*

*Cohors Augu-
sta.* bet Apostolo. Nam olim quoque Iosepho adolescenti & Ieremiæ Prophetæ in vincula coniectis, homines quosdam, qui ipsis beneficerent, destinavit. Porro cohortem Augustam primariam vocavit. Nam & Vegetius de re militari libro 2. tradit in legione cohortes fuisse decem, quarum prima reliquas & militum numero & dignitate antecesserit. Arbitror autem Augustam dictam esse à principe. Hoc enim felix erat faustumque Imperatorum nomen, quod Ovidius Fasto. 4. ab auctu derivat hisce verbis,

Sancta vocant Augusta patres, Augusta vocant

Templa sacerdotis rite dicata manu

Huius & augurium dependet origine verbi,

Et quodcumq; sua Iuppiter auget ope.

*Descriptionis
evidentia.*

Cæterum mirus est hoc in loco Lucas. Sic enim hanc navigationem denique totum periculum & naufragium lectori ob oculos statuit, ut omnia se coram contueri credat. Atqui potuit hoc quidem facillime, ut qui ipse magna quoque huius tragediæ pars fuit. Denique multo etiam vividiora amœnioraque ista fient, si ad geographicas conferantur tabulas. Circumfertur autem quædam doctissimi viri D. Petri Apiani non inelegans charta de Peregrinatione Pauli inscripta, in qua hæc coram contueri possunt, quibus Ptolomæi tabulæ defunt. Quin & ipse Vadianus noster tam est felix in describendis regionibus, ut non scribere sed pingere videatur. Ad huius ergo Epitomen remittimus, ut ex ea petat Lector quod in hisce Commentarijs nostris de locorum nominibus & situ desiderat. Adrumetina autem navis siue Adramyttina, sicut & Alexandrina, nomina (ne quis illud forsitan nesciat) ab urbibus habent: ut si quis apud nos dicat Veneta navis. Adramittium enim celebre erat Æolidis oppidum.

Multo autem tempore peracto, & cum esset iam periculosa navigatio, ob id quoque quod iam ultra tempus sustinuissent inedia, admonerat eos Paulus, dicens eis: Viri, video quod cum iniuria multoque damno, non solum oneris & navis, sed etiam animarum nostrarum futura sit navigatio. Centurio autem gubernatori & nauclero magis credebat, quam his quæ à Paulo dicebantur. Et quum aptus portus non esset ad hybernandum, complures ceperunt consilium soluendi illinc, si quo modo possent peruecti Phœnicen illic hybernare. Is est portus Cretæ, spectans ad Africum & ad Corum.

*Satis tempestive
mones Domi-
mus.*

Neque enim integro anno vis atque acerbitas maris patitur navigantes, sicut tradit lib. quarto cap. 39. Vegetius: sed quidam menses aptissimi sunt, quidam dubij, reliqui clausibus intractabiles. Intelligimus autem ex hoc loco dubijs mensibus, & hyberno etiam tempore navigasse Paulum. Vnde & periculosam aut fore navigationem, & propter iniuriam cæli, & quod inedia laboraretur, & alimonia atque comætu naui satis prouisum non esset. Nam quod Ioannes Chrysostomus de ieiunio annotavit Iudaico, satis confutatum est in Annotationibus ab Erasmo. Cæterum animarum nostrarum dixit pro vitæ nostræ, ad morem linguæ Hebrææ. Ita & paulo post dicit, iactura animæ nulla erit. pro eo quod est, Nemo nostrum peribit. Præterea indicat hic locus Dominum satis tempestive & fideliter monere, sed nos humana potius quam diuina amplecti consilia. Proinde in maxima quæque pericula delabimur non Dei morositate aut negligentia, sed nostra inertia ac stupiditate. Centurio hoc loco admonetur à Paulo, homine non imperito rei nauticæ, utpote qui præter id quod diuinitus esset inspiratus, multa quoque experientia didicerat quis esset pelagi genius. Nam alibi dicit, Non ætes atque dies in profundo egi, ter naufragium feci: sed contemnebat ille Pauli consilium (tantum malum est consilia ex personarum æstimare respectu) magisque naucleri fidebat iactantantiæ, imo confidentiæ. Atqui confidentes & iactabundi raro in periculis constantes atque fortes sunt. Hybernare autem seu hyemare naues dicimus, cum in quieti littoris portu manent. Aptiores autem sunt ad hybernandum portus qui penitus sese littoribus insinuant & aditus sunt angustioribus. Fit enim hoc naturæ præsidio, ut nulla ventorum vis aut procellarum impetus naues quaterere aut collidere possit. De ventis autem quorum hoc loco meminit Lucas satis copiose scripsit in Epitome Vadianus. Porro vel ex hoc vno capite intelligimus quam necessarium sit sacras literas cum iudicio & fructu legere volenti, honestas antea disciplinas & artes vere liberales delibasse, & iusto tempore re ete imbibisse.

Hybernare.

*Studium artium
liberalium.*

Aspirante autem Austro rati se propositi compotes, cum soluissent Aſſo, præterlegebant Cretam. Verum haud multo post coortus est contra ipsam ventus

ventus Typhonicus, qui vocatur Euroaquilo. Cumq; correpta esset nauis, nec posset obniti vento, data naue flatibus, ferebamur.

Sentit historicus illos prosperis Austri flatibus alleetos cum pelago se credidissent panis velis subito factum ut contraria cœli parte Euroaquilo exortus nauim in Meridiem & Africam propulerit tanto impetu, ut obniti vento non potuerint, sed cesserint necessitati. De Typhone zutem, quē Lucas Euroaquilonem, hoc est tempestuosum, Vadianus Cēciam, Plinius præcipuam nauigantium pellem, ut qui non antemnas modo, verum etiam ipsa nauigia contorta frangat, appellat, Aristoteles copiose scripsit in libro de Mundo, quem Gulielmus Budæus Galliarum decus nuper dexterritate donauit Latinitati. Idem Meteororum 3. tradit Typhonem Græcis ventum dici turbidum & gyrauentem sese. Et Plinius in secundo de repentinis flatibus capite 48. de hoc felicissime & clarissime scripsit.

In insulam autem quandam deuecti, quæ vocatur Clauda vix potuimus optinere scapham. Qua sublata, adiutorijs utebantur, subeungentes nauem, timentes ne in Syrtim inciderent, demisso vase, sic ferebantur.

Scaphæ dicuntur nauiculæ piscatoriæ, atq; illæ etiam quæ nauibus onerarijs vsui sunt in littore petendo quoties vadolis locis prohibita maiores naues appellere nequeunt: quod genus apud nos sunt lintres è solido trunco cauata, & ad celerrimam traiectionem accommodæ. Sentit autem Lucas scapham vix obtentam, sublata fuisse in nauim, ne auulsam procellæ raperent, ac protinus vas demissum quod ipsis ad firmandâ nauim vsui fuerit. Intelligimus autem per illud vasa adiutoria ac pondera quancunq; funibus demissa, quæ ancorarum grauitatem in nauim retinenda iuuerint, hoc est quæ nauis impetum retardarint, atq; Syrtis cauerint. Et Beda hoc loco tradit nautas in Brittanico Oceano coercere solere naues molaribus saxis in profundum à fune demissis. Ne ergo in Syrtis impingeret etiam hic tale quippiam fecerunt. Syrtis autem in Africo littore duas esse scripsit Sallustius in bello Iugurthino, & Plinius in quinto earundem meminit. Dicitur sunt ἀπὸ τῆς σαρτῆς, id est, traho. Ventus enim arenarum cumulos incertis sedibus condit, quibus qui impingunt, certo etiam pereunt. Extant Maronis aliquot carmina quæ mire huc congruunt: sunt autem huiusmodi,

*Tres (naues) Eurus ab alto
In breuia & Syrtis agit (miserabile visum)
Illiditq; vadis atq; aggere cingit arena.*

Plura de Syrtibus scribit Strabo libro Geographiæ ultimo.

Cum autem vehementi tempestate iactaremur, sequenti die iactum fecerunt, ac tertio die nostris manibus armamenta nauis proiecimus.

Iactum facere est nauim alleviare, quod fit dum eiectis mercibus eam exoneramus, ne vado hæreat, aut cœfragosis illidatur. Armenta vero sunt instrumenta nautica. Nā Græce est ἄρματα. Et Seruius Grammaticus i. Æneidos enarrans omnium artium instrumenta arma vocari tradit. Et Syponitus, Armamenta (inquit) dicuntur quæ ad instruendum aliquid pertinent, ut in nauibus armamenta sunt non solum arma, sed remi, vela, antennæ, rudentes, clauus & alia huiusmodi. Ceterum quod ait, ἀπὸ τῶν χειρῶν τῶν σκευῶν τῶν πλοίων ἵδμεν, proprijs manibus nostris proiecimus arma naualia indicat periculi magnitudinem, quod ubi ad summum peruenit, nemo non anxie annititur & laborat.

Porro neque sole, neque syderibus apparentibus ad complures dies, & tempestate non exigua imminente, iam ablata erat spes omnis salutis nostræ.

Auget & hoc periculi magnitudinem, & in hoc tam accurate pinguntur, ut videamus in quæ re. *Descriptio t̃m ram' discrimina suos conijciat Deus.* Elegans est & apud Maronem similis tempestatis descriptio, *perstans.* quæ mire hac quadrat, vnde opere pretium putavi verius illius recitare,

*Ac venti (ait) velut agmine facto
Qua data porta ruunt, & terras turbine persciant.
Incubere mari, totumq; à sedibus imis
Vna Eurusq; Notusq; ruunt creberq; procellis*

*Africus, & vastos voluunt ad littora fluctus
Insequitur clamorq, virum stridorq, rudentum,
Eripiunt subito nubes cælumq, diemq,
Teucrorum ex oculis, ponto nox incubat atra,
Intonuere poli & crebris micat ignibus æther,
Præsentemq, viris intentant omnia mortem.*

Cum autem multa iam esset inedia, tunc stans Paulus in medio eorum, dixit: Oportebat quidem o viri audire me non soluere iam Creta, nec accersere nobis iniuriam hanc & iacturam. Et nunc hortor, ut bono animo sitis. Iactura enim animæ nulla erit ex vobis, sed tantum navis. Astitit enim mihi hac nocte angelus Dei, cuius sum ego, quem & colo, dicens: Ne timeas Paul, Cæsari te oportet sisti. Et ecce donauit tibi Deus omnes qui nauigant tecum. Propter quod bono animo estote viri. Credo enim Deo, quod sic erit, quemadmodum dictum est mihi. In insulam autem quandam oportet nos eijci.

*Alacritas &
fortitudo Pauli.*

*Oratio Pauli
ad periclitantes
in mari.*

*Hierony. de in-
tercessione di-
uorum sententia
excutitur.*

In hisce periculis omnium conciderunt animi, vnus Paulus summi Dei minister, mœrentes solatur. Ex quo facile liquet quid sit Deo seruire, quantaque erga Deum confidentia pollicant sancti, quantæue ille vicissim erga fideles suos utatur benignitate ac diligentia. Oratio autem Pauli quæ illos consolatur supra modum alacris & prudens est. Prudentiæ enim erat, quod hanc ab increpatione auspicabatur, ita tamen ut paucissimis increparci, statim vero ad consolationis locos descenderent. Prudentes enim viri est minime ad errores conuolare, & sicubi offertur occasio istos incusare. Cæterum imprudentis est in medijs calamitatibus satis alijs afflictis, plus nimio erroris, negligentia veterumque iniuriarum meminisse. Paulus ergo illorum stultitiam quæ in ista pertraxerat pericula ita increpat ut ne quid nimis. Dicit enim, Potuissetis, o viri, incommodum hoc & rerum iacturam euitasse, si nostro obedissetis consilio, quod in Creta cum adhuc omnia in tuto erant, dabam. Videtis ergo quid sit bonis non obtequi consilijs: sed quoniam factum infectum esse nequit, misis istis, superest ut vel sero sapiatis. Hic vero protinus breuibus quidem verbis, sed consolatione pleniorum salutis negotium exponit & ait, Ne desperaueritis de salute, & incolumitate vestra. Causa, Nullus ex vobis peribit: tantum navis erit iactura. Istud porro confirmat argumento à pronuntiationis petito, quo minus esset mœroris & plus spei. Nam Deus meus (ait) quem ego colo, & cuius minister sum, angelum suum (ut cultoribus suis deditissimus est) misit, qui referret, absque pauore essem, me hic minime periturum, sed Romam fore abducendum: quin & vos omnes vnâ mecum euasuros. Ecce enim (inquit) donauit tibi Deus omnes qui nauigant tecum. Iterum ergo infert, Propter quod bono animo estote viri. Porro huic illationi aliud quoque Epicherema coniungit, à veritate & constantia Dei petitum. Nihil dubito quin id sic futurum sit, quemadmodum fore promissit. Deus enim & verax est & potens, qui quæ pollicetur præstare potest. Magna autem est sanæ ac firmæ fidei virtus. Iam ut omnia adhuc certiora essent, modum quoque per quem seruandi sint describit, dicens, In insulam quandam deferemur, in qua fracta naui diuina virtute seruabimur. Hæc de consolatione Pauli. Sunt autem qui hunc locum trahant ad patrocinium intercessionis diuorum, è quorum numero est & Diuus Hieronymus. Atque mirandum quidem tantum virum hoc quicquid est dogmatis de diuorum intercessione tam infirmis impoluisse epicherematis. Quis enim sanæ mentis dixerit, Eadem in cælis facere sanctos quæ aliquando fecerunt in terris? Atqui nihil aliud dicit Hieronymus, neque alijs argumentis Diuorum intercessionem probat. Si (inquit) orauerunt in terris, quanto magis post coronas victorias & triumphos? Quid quod exempla & facta sanctorum omnia referenda sunt ad dogmata? Dogmata vero expressis & certis fulta debent esse scripturæ testimonijs, quale illud est, Vnum esse Deum, hunc solum largiri mortalibus omnia, vnde & soli fidendum soli: per Christum sit supplicandum. Porro quicquid dogmati alicui solido, vero & plano aduersum est, licet speciem veritatis habere videatur, reuera tamen falsum est. Quod si scripturæ locos qui ad hoc falsum dubiumque dogma confirmandum detorti sunt, diligenter expendas, aliud dogma agnoscunt. Iam vero si diuorum intercessionem componas cum eo dogmate quod iam iam ex scripturis assignauimus de vnus Dei essentia, potentia & cultu, protinus inter se pugnare videas. Cæterum cum illud certum & expressum sit, necessarium est hoc flaccidum & inane esse, & proinde locos de Paulo & Stephano productos ad aliud quodpiam dogma referri debere: nimirum ad illud, Quod misericors De-

cors dominus per gratiam suam sepius etiam malos conseruat salutemq; illam suam ad sanctos suos refert, vt hos in hisce terris ad hoc glorificet, vt verbis eorum habeatur fides. Atq; istud quidem co-
 sentit cum primo illo dogmate, imò parum aut nihil ab eo distat. Quod si iam addas, litis ergo se-
 plicandum esse propter beneficium dei: de tuo id addis etiam contra sanctorum sententiam, qui omni
 vita sua nihil tam accurate docuerunt quàm vni deo fidere. Deinde non expendis longe aliud esse si
 faceris deum aliquid hisce in terris agentibus sanctis suis donare: aliud vero si in cælo degentibus
 eadem donare credamus. Nam quæ hic donauit propter gloriam verbi sui donauit. Dono ergo fidem
 in se excitare voluit. Iam si in cælis secum recumbentibus idem donaret, iam fides istud incommo-
 daret. Deficerent enim hominum animi ad ipsos Diuos. Quod ergo multis propter Abraham
 Loth, Moysen, Samuelem & Paulum in hisce terris agentibus peperit, propterea peperit, vt vi-
 deremus illorum cultum Deo acceptum & doctrinam eorum veram esse: crederemus itaq; & ipsi, &
 ira Deo seruiremus sicut illi seruierunt. Atqui hi solum Deum inuocarunt, soli seruierunt: qui ergo
 sapiunt, idem faciunt. Porro qui istud non faciunt, nullis Diuorum intercessionibus saluari possunt
 Nam & Iſaias in cap. 63 Abraham (inquit) nesciuit nos, & Israel ignorauit nos. Tu Domine pater no-
 ſter, redemptor noster, à seculo nomen tuum. Et dominus apud Ezech. in 14. Si fuerint (inquit) tres
 virt in medio eius Noe, Daniel & Iob, ipsi iustitia sua liberabunt animas suas. Et apud Ierem in 15.
 cap. Si steterint Moyses & Samuel coram me, non est anima mea ad populum istum. Conditionalis
 autem ista, Si steterint, vehementer impugnat istorum intercessionem. Quin & ipse Hieronymus
 scribens in hunc Ezechielis locum multo syncerius in Commentarijs quam in contentione a Ier-
 sus Vigilantium, de hoc negotio loquens: Iustitia (inquit) iusti erit super eum, & iniquitas iniqui in
 ipso commorabitur. Vnusquisq; peccato proprio morietur & iustitia sua saluabitur. Frustraque di-
 cunt Iudæi Abrahami pater noster, cum opera Abraham non habeant. Quod si in aliquo fiducia est,
 in SOLO DOMINO confidamus. Maledictus enim omnis homo qui spem habet in homine,
 QVAMVIS SANCTI sint, quamvis prophetæ. Legimus: Nolite confidere in hominibus. Et ite-
 rum, Bonum est confidere in domino quam confidere in principibus. Non in principibus tantum
 seculi, sed & in principibus ecclesiarum, qui suas tantum animas si iusti fuerint liberabunt. Hactenus
 Hieronymus.

Hic veritas
reuerat.

Nullum diuum
nauticum inuo-
cauit Paulus.

Sed posteaquam quartadecima nox superuenit, nauigantibus nobis in
 Adria circa medium noctis, suspicabantur nautæ apparere sibi aliquam re-
 gionem. Qui & demissa bolide, repperunt passus viginti, ac pusillum in-
 de digressi, rursusq; demissa bolide, repperunt passus quindecim. Ti-
 mentesq; ne in aspera loca inciderent, de puppi iactis ancoris quatuor,
 optabant diem oriri.

Bolis dicitur à *βόλον* quod est mittere. Id est, pondus (vt inquit Erasmus) funiculo affixum, quo
 deiecto nautæ explorant altitudinem maris. Lucas voico verbo complexus est, quod interpretes duo
 bus reddidit. Dixit enim *καίρω*. Porro cum prius viginti passus mensissent, mox quindecim de-
 prehenderent, indicium erat approximantis litoris. Ea de re ne fideret nauis, iactæ sunt ancoræ, do-
 nec dies exoriretur. De ancora plura Chylidibus Erasmus.

Bolis.

Nautis vero quærentibus fugere è naui, cum demississent scapham in ma-
 re, sub prætextu velut è prora ancoras extensuri, dixit Paulus centurioni &
 militibus: Nisi hi in naui manserint, vos salui fieri non potestis. Tunc absci-
 derunt milites funes scaphæ, & passi sunt eam excidere.

Quamquam pollicitationi diuinæ crederet Apostolus, nihil tamen rerum externarum, quæ ad
 salutem spectare videbantur, negligit: imò palàm dicit, nisi hi in naui manserint, vos salui fieri non
 potestis. Sciebat enim nautas maris esse gnaros gubernandæq; nauis peritos. Proinde commoda in
 rebus quibusuis media à fidei non negliguntur aut aspernantur. Contemptores & prophani clami-
 rant, Si saluum me vult Dominus non est quod de modo quicquā cogitem. Secus egit Paulus etiam
 cum (vt in superioribus adiunimus) adolescentem cum mandatis ad Tribunal mitteret. A-
 pud Matthæum in sexto non vult Dominus suos esse de victu sollicitos, interim tamen laborem ubi-
 que præcipit. Quod autem milites centurionis imperio funes scaphæ insciderunt, magno argumen-
 to est centurionem Pauli consilijs diligenter obsequutum ab ore eius pendisse totum. Obserua &
 temerariorum hominum inconstantiam. Nam qui paulo ante inuito Paulo nauigare, illi ipsi nunc
 turpiter naut subterfugere volebant. Sed retinentur prudenti consilio Pauli. Fuit enim hic multa

Fides humana
præsidium non
prorsus tollit.

exercitatione harum rerum calentissimus: vir in omnibus rebus excellentissimus.

Et cum dies inciperet apparere, hortabatur Paulus omnes sumere cibum, dicens: Dies hic decimusquartus est, quod expectantes ieiuni permanetis, nihil accipientes, propter quod hortor vos, ut sumatis cibum: hoc enim ad salutem vestram pertinet, quia nullius vestrum capillus de capite cadet. Et quum hæc dixisset, sumpto pane, gratias egit Deo in conspectu omnium: & cum fregisset, cœpit edere. Porro animis iam recreatis dominum, sumperunt & ipsi cibum. Eramus vero vniuersæ animæ in naui ducentæ septuaginta sex. Et satiati cibo, alleuabant nauem, eiicientes triticum in mare.

*Etiam naturæ
sua iura per-
soluenda sunt.*

Iterum consolatur mœrentes consternatosque erigit, primum oratione familiari, deinde & alacri exemplo. Fieri autem nequit lege naturæ ut in ediam quatuordecim dierum homo sustineat. Verbis igitur subest hyperocha: aut certe ipsa verba sic accipienda sunt, ut sentiat Paulus tempestare, labore & ærumna vexatis non vacasse ut vlllo tempore satiarentur pro more: sed grauem famem perpessus iam primum datam occasionem edendi. Iam ut cibum alacriores sumerent certam pollicetur salutem. Huc enim pertinet illa sententia, Nullius vestrum capillus de capite cadet. Quo loquutionis genere ipse etiam Dominus usus est apud Matthæum in decimo, cum significaret discipulos tutissime habituros. His & exemplum iungit. Nam primus quod suasis alijs ipse suscipit, sed non citra religionem. Gratijs enim actus (ita magistri exemplum referens) in conspectu omnium, edit. Quod & alij eius exemplo commoti, fecerunt. Iam ad miraculi magnitudinem facit, quod numerus hominum recenseretur. De iactura diximus paulò ante.

Cum autem dies esset, terram non agnoscebant: sinum vero quendam animaduenterunt, habentem littus, in quod cogitabant, si possent impingere nauem. Et cum arcoras sustulissent: committebant se mari, simul laxatis iuncturis gubernaculorum, & sublato artemone ad auræ flatum, tendebant ad littus.

Vide amice Lector quomodo Deus suos etiam in medijs promissionibus exerceat. Posteaquam enim iam terram exoptatissimam aspicerent, tamen quo nam terrarum delati essent ignorabant. Parabant ergo nauem ut ipsam protinus in littus subducerent. Mira autem *ἰσχυρία* istud describit, ubi interim illud annotauit Erasmus, esse qui pro artemone antemonem malint scribi. Cæterum artemonem positum esse pro genere veli. Nomen enim illi à suspendendo siue assuendo inditum: quod imis velis soleat affigi pars aliqua, quo plus venti concipiant. Illud autem notius est quàm annotandum sit gubernacula poni pro remis. His enim solet & promoueri & gubernari nauis.

Et cum incidissent in locum bimarem, impegerunt nauem. Ac prora quidem infixamanebat immobilis: puppis verò soluebatur à vi vndarum. Militum autem consilium erat, ut victos occiderent, ne quis cum enatasset effugeret. At Centurio volens seruare Paulum, compescuit eos à consilio, iussitque, ut qui possent natate, abijcerent se primos, & in terram euaderent, ceterique partim in tabulis, partim in quibusdam nauis fragmentis. Et sic factum est, ut omnes incolumes euaderent in terram.

Veritas Dei.

Εἰς τόπον διβύλῳσεν, id est, in locum bimarem. Latini autem vocant bimarem locum angustum, qui hinc & illinc mari alluitur. Iam enim ipsum describit naufragium, sed paucissimis. Notatur præterea militum ingratitudo & insignis cæcitas, qui rebus tantis hætenus per Paulum gestis non amplius fuerant commoti quam ut iam in summo periculo de parricidio consultarent. Verum illud est mundi ingenium, quod non iam primum sese exerit, sed prophetarum quoque temporibus quàm impudentissimè ostentauit. Atqui eiusmodi consilia ex instinctu satanæ sunt, qui sanctorum vitæ insidiatur, infensissimè: sed promiserat Deus Paulo salutem. Seruat igitur per centurionem, qui hætenus per Paulum erat seruatus. Cæterum quod tanta diligentia ad finem capitis appenditur: Et factum est ut omnes incolumes euaderent in terram, diuinam nobis veritatem commendat, qua tandem factum est ut post multas afflictiones iuxta verbum Domini seruati sint omnes. Nemo ergo post hæc despera-

desperauerit in tentationibus. Mundus hic mare quoddam malorum est. Vita autem nostra nauis
 milis est quæ varijs agitur procellis. Sed subducet hanc quoque aliquando in portum Dominus,
 modo solida fide in vero semper perseuerauerimus.

C A P V T XXVIII.

ET cum euasissent, tunc cognouerunt quod Melite insula vocaretur. Bar-
 bari verò præstabant non vulgarem humanitatem nobis. Accensa e-
 nim pyra, recipiebant nos omnes propter hymbrem qui imminebat, & pro-
 pter frigus.



QUI Græci aut Latini non essent, à Romanis Barbari dicti sunt. Melitenfes verò licet no-
 mine Barbari essent, re tamen ipsa fuere humanissimi: adeo vt Lucas humanitatem eo-
 rum non possit satis dignè laudibus euehere. Certè Paulus in decimotertio ad Hebræos
 capite hospitalitatem maximè commendat fidelibus. Hanc & Cicero Officiorum secun-
 do libro impensissimè laudat. Et Chrysostomus in hunc locum scribens, Ruborem (inquit) nobis
 afferant Barbari. Nesciebant enim qui nam essent illi, sed ob calamitatem iam miserantur quod hu-
 mines essent.

Barbari.

Hospitalitas.

Cum congregasset autem Paulus sarmentorum multitudinem, & impo-
 suisset in ignem, vipera è calore prorepens inuasit manum eius. Vt verò vi-
 derunt Barbari pendentem bestiam de manu eius, inter sese dicebant: Omni-
 no homicida est homo hic, quem seruatum è mari ultio non sinit viuere. Et
 ille quidem excussa vipera in ignem, mali nihil passus est. At illi existima-
 bant futurum, vt incenderetur, aut concideret repente mortuus. Diu autem
 illis expectantibus, & intuentibus nihil mali illi accidere, mutata mente di-
 cebant eum esse Deum.

Offert se ingens miraculi occasio, nimirum vt insigne aliquod facinus patratum, Paulo apud
 Barbaros auctoritatem pararet, quo & commodius apud eos agere, & veritatem valeat prædicare.
 Multa autem hisce in speciem quidem minutis egregia insunt documenta. Principio enim videmus
 Paulum laborare, & suis ipsius manibus contrahere sarmenta, quæ Latini vocarunt vitium purga-
 menta. Nam sarpere (authore Sexto Pompeio) antiqui pro purgare ponebant: vnde & generali vo-
 ce pro quibusuis superfluis & abscissis purgaminibus ac proiectitijs virgultis vsurpari cœptum, cu-
 ius generis apud nos sunt, Spân vnd rāspen. Illud autem vehementer damnat orium & ignauiam,
 maximè quod tantum virum non pudet sarmenta colligere. Deinde vt nuspian temerè miracula
 fecit, ita ægre hic quippiam cœpisset, nisi ipsa necessitas & Dei prouidentia ad miraculum patran-
 dum compulisset: imò nihil ipse designat, sed Deum in se agentem vnà cum spectatōribus collau-
 dat. Dei ergo omnis gloria est, qui interim seruis suis ad hunc modum auctoritatē voluit parare.
 Nam in Euangelio Marci dixerat, Serpentes tollent, & si quid lætale biberint non nocebit eis. Pro-
 inde excutit viperam in focum Paulus, quam Dominus in hoc illi immiserat, vt omnium animos
 in ipsum conuerteret. Porro *ἡ ὄφεις*, quam interpres vertit viperam, dicta est *ὄφεις* ὅτι ὄφεις ἐστὶν ὁ ὄφας
ὁ ὄφας *ὁ φάσκει*, id est, ab eo quod factum intus contineat ad interitum vsque. Quod sanè cum ijs cun-
 gruit, quæ de vipera scribuntur à Plinio libro Naturalis historię decimo, capite 62. Quæ ergo tor-
 puerat frigore hætenus, calore ignis & excitata & in furorem concitata mordicus manum Pauli ar-
 ripuit. Nam Plinius libro 11. capite 37. Viperæ dentes (inquit) gingiuis conduntur. Hæc eadem præ-
 gnans veneno impresso dentium repulso virus fundit in morsus. Præsentissimum autem est huius
 bestię venenum. Hinc Lucas, Barbari (inquit) existimabant futurum vt incenderetur intumescen-
 tique repente concideret mortuus, veneni vi ad cor irrupente. Illud verò in primis obseruandum
 est, quod Barbari omnes clamitant, Omnino homicida est homo hic, quem seruatum è mari *ὅτι*, hoc
 est, ultio non sinit viuere. Inde enim nos intelligimus, quod homicidium vel apud ferissimas natio-
 nes & gentes Barbarissimas inter profligatissima & extrema reputatum est flagitia. Id quod illi ho-
 die parum expendunt, qui stipendijs principum conducti tot Christiani fundunt sanguinis. Sed stat
 verbū Domini, Sanguis fratris tui clamat ad me de terra. Reperiet ergo Deus nocentem. Nam virum

Labor & alicuius
crux Pauli.Nuspian temo-
re miracula fa-
ciunt sancti.
Homicidium.

improbum (vt ferrat proterbio) vel vnus mordeat. Et *Δίκη* quidem, quæ interpret vitionem vertit etiam dea est indiciorum, quæ lites dirimit. De hac Hesiodus, *Ἰδὲ δὲ Δίκη, ἡ δὲ δὴν, ἡ δὴν ἡν ἡν ἡν ἡν*. Virgo Vltio est prognata Ioue. Fortassis ergo senserunt Barbari, quod vltima malorum, hoc tandem in hoc tam nephario homine commissum neptas punire voluerit. Hanc alij Nemesein Adrastiam insolentiae & arrogantiae vindicem appellitant, quæque spes immoderatas & veret & pania: *ἡ δὲ δὴν ἡν ἡν ἡν ἡν*, quod nemo nocens meritam pœnam vsquam effugerit etiam si quando ferius assequitur. Ausonius de statua huius elegans ex Græco epigramma in hæc verba traduxit,

Me lapidem quondam Persæ aduexere trophæum

Vt fierem bello, nunc ego sum Nemesis:

At sic vt Græcis victoribus asto trophæum,

Punio sic Persas vaniloquos Nemesis.

Iam quod ex miraculo Melitenfes Paulum deum esse existimant, ex leuitate gentili & falsa de dijs persuasione enatum est. De qua re dictum est in Capite 14.

In locis autem illis erant prædia primati insulæ, nomine Publio, qui nos exceptos, triduo benigne tractauit hospitio. Contigit autem patrem Publij febris, ac dysenteria vexarum decumbere. Ad quem Paulus intrauit, & cum orasset, imposuissetq; ei manus, sanauit eum. Hoc igitur facto, cæteri quoque qui habebant infirmitates in insula, accedebant & sanabantur, qui etiam multis honoribus nos honorauerunt, & soluentibus imposuerunt quæ necessaria erant.

*Hospitalitas
præmiū habet.*

Aliud autem miraculum describit, quod verius beneficium vocaueris. Aliud enim hospitalitatis exemplum in Publio proponitur. Quemadmodum ergo Sunamitis olim ab Helizeo ingenti beneficio propter hospitalitatem affecta est: ita hoc loco Publius pristinae sanitati restituitur, nimirum quod miseros tam humaniter excepisset. Voluit ergo istis denuo declarare Dominus, quod hospitalitas laudem & præmium apud Deum & homines habeat. Cæterum hoc Dei beneficio Pauli opera Publio præstito reliqui insulani homines permoti ægrotos suos adferebant, & per virtutem nominis Christi sanabantur: quæ sanè non aspernenda coniectura est, Melitenfes fidem Christianam suscepisse. Quò & illud spectare videtur, quod paulò post sequitur, Qui etiam multis honoribus nos honorauerunt, & soluentibus imposuerunt quæ erant necessaria. Hi enim sunt fructus fidei, de quibus diximus in Capite 16. Et de impositione manuum sæpius iam dictum est, Germani dicimus, *Sie hand bieren*. Manum porrigere, pro auxiliari. Ergo manuum impositio symbolum est futuri auxilij diuini. De prædijs copiosè scripsit Valla ex Vlpiano libro sexto Elegantiarum capite 41. Dysenteria verò, vt tradit Archigenes, vlceratio arteriarum ac viscerum perseverans: ex causis extrinsecus, videlicet frigoris, caloris, potionis cibi que minimè concocti ac acuti. Habet similitudinem cum Tinefmo, qui voluntas est inefficax excreandi, sanguinis tantum aliquid emittens. Hunc morbum Celsus dicit Tormina à Latinis appellari. Hæc ex Volater. Philol. lib. 24.

1. Cor. 9.

1. Tim. 5.

Titum 3.

Impositio manuum.

Post menses autem tres nauigauimus in nauē Alexandrina, quæ in insula hyemauerat, cui erat insigne Castor & Pollux. Et cum venissemus Syracusas, mansimus triduo. Inde circumlegentes deuenimus Rhégium, & post vnum diem afflante austro, postridie venimus Puteolos, vbi repertis fratribus, rogati sumus manere apud eos dies septem, & sic venimus Romam. Et inde cum audissent fratres de nobis, prodierunt in occursum nobis vsq; ad Appij forū ac tres tabernas. Quos cum vidisset Paulus, gratijs actis Deo, fumpsit fidutiam.

*Dioscori insigne
nauis.*

Hic te ad Epitomen remittimus. Beda, Castorem & Pullucem ob id (ait) gentiles in deos inuocant, quia in prodigijs nautarū, si solitaria stellæ in nauī vel antennis apparuerint, periculosi, si verò geminæ prosperi cursus sunt nuntia. At postrema illa mutatus est ex trigesimo septimo capite, secundi libri Plinij. Quæ autem præterea de Dioscuris fabulantur poetæ, longum esset hic recensere. Lucas certè mentione istorum superstitionem taxauit gentilitiam: id quod & Chrysostomus annotauit. Turpissimè enim errant, qui istos ad idolorum cultum defendendum producant. Nolim autem te

tem te hic impingere vbi Lucas refert Paulum recta Puteolis venisse Romam, deinde verò enunciat Appij forum & tres Tabernas. Non enim hi loci in vrbe sunt, sed Lucas Hystorologia vtius est. Principio enim in genere dixit Romam venimus: deinde iterum redit ac describit quo loco salutatum à fratribus egressis excepti, & quomodo ingressi sint urbem. Habuit enim Roma plurimos in fide Christi optime instructos, qui Pauli erant studiosissimi, vnde & obuiam ei proficilcentes (rumor enim Romam ad fratres pertulerat Paulum Puteolos venisse) non parum Pauli animum relictilla-
*Confirmati.
 sancti fide
 mutua.*

Cum autem venissemus Romam, Centurio tradidit vinctos principi exercitus. Permissum est autem Paulo, vt maneret solus cum custodiente se milite.

Paucis nunc ea quoque delineat quæ Romæ fecit Paulus. Multis (inquit) laboribus exantlatis Paulus Romam tandem attingit Romam, ita vt promiserat Dominus. Quemadmodum verò vbique diuino stipatus venit. auxilio propitius sibi habuit Romanos, ita hic quoque permissum illi, vt in libera ageret custodia. Neque dubium quin Centurionis illius qui illum à Syria adduxerat, multamque prudentiam, constantiam & sanctimoniam in hoc viderat, opera commendatus, melius per omnia habuerit. Dat autem suis gratiam Dominus (vt perhibet Scriptura) in conspectu principum.

Post tertium autem diem conuocauit Paulus Iudæorum primores. Cumque venissent, dicebat eis: Ego, viri fratres, cum nihil fecerim aduersus plebem aut instituta maiorum, vinctus ab Hierosolymis, traditus sum in manus Romanorum: qui cum examinassent, voluerunt me dimittere, eò quod nulla esset causa mortis in me. Sed contradicentibus Iudæis, coactus sum appellare Cæsarem, nò quasi habeam de quo gentem meam accusem. Propter hanc igitur causam aduocaui vos, vt viderem & alloquerer. Propter spem enim Israelis catena hac circumdatus sum.

Describit quid egerit cum Iudæis, quomodo his prædicauerit Christum, & quomodo hi vicissim erga Paulum sese gesserint. Igitur Apostolus velut præuenturus sinistram Iudæorum de se suspicionem, vocatis illis, exponit cur vinctus Romam venerit, & quod nihil mali in legem aut maiorum instituta aut in ipsum populū Iudaicū mali piaculū comiserit. Quid verò appellarit, in causa fuisse nimiam Iudæorum in Syria agentium morositatem. Nihil autem asperius nunc in illos dicit: sed summam totius negotij magis colligens mira euidencia ad calcem orationis suæ adpendit, Propter spem Israelis catena hac circumdatus sum. Spes verò Israelis erat Christus Dominus, qui & vita & resurrectionis est fidelium. Nihil autem hic dicitur, quod non sit dictum prius.
*Quid Romæ
 cum Iudæis ege-
 rit Paulus.
 nos est in ver-
 bis & habitu.*

At illi dixerunt ad eum: Nos neque literas accepimus de te à Iudæa, neque adueniens aliquis fratrum nuntiavit, aut loquutus est aliquid de te mali. Volumus autem ex te audire quæ sentias. Nam de secta ista notum est nobis, quod ubique ei contradicatur.

Hæc iterum testantur quàm illibata fuerit Pauli innocentia, rursus quàm iniqua summi Pontificis Ananiz & complicum inuidia. Quod ergo Paulus ab istis hætenus erat perpeffus nullius maleficij, sed veritatis tantum gratia perpeffus erat. Cui Dominus amplissimam hic ansam suppeditat iustitiam in Christo prædicandi Iudæis. Hi enim sententiam Pauli de secta Nazarenorum sponte sibi exponi postulant. Vbi tamen sectæ vocabulo nò in malam partem, interim verò non citra Iudaicum supercilium vsi sunt. Vide præterea quàm ingrata sit orbi veritas. De secta ista id (inquiūt) nobis cognitum, quod vbique ei contradicatur. Causam exponit Christus Ioan. 15.
*1. Pet. 4.
 Sup. cap. 24.*

Cum constituissent autem illi diem, venerunt ad eum in hospitium complures, quibus exponebat, testificans regnum Dei, suadensque eis de Iesu ex lege Moysi & Prophetis, à mane vsque ad vespertinam: & quidam credebant his quæ dicebantur, quidam verò non credebant.

Christum prædicat hic quoq; Paulus ut ubiq; Lucas pro veteri suo more non nisi capita disputationis Pauli assignat. De quibus cum iam toties dictum sit, molestissima foret eadem toties repetere. Et quemadmodum ubique audiuius alios quidem pro electionis gratia humanique ingenij varietate credidisse, alios minus, ita idem hic quoque indicatur. Illud porro diligentiae & ardoris est, quod à mane ad vesperam usque Christum prædicat.

Cumque inter se non essent concordēs, discedebant, ubi dixisset Paulus vnum verbum; Bene Spiritus sanctus loquutus est per Isaiam Prophetam ad patres nostros, dicens: Vade ad populum istum, & dic: Auribus audietis & non intelligetis; & videntes videbitis, & non perspicietis. Incrassatum est enim cor populi huius, & auribus grauius audierunt, & oculos suos compresserunt, ne quando videant oculis, & auribus audiant, & corde intelligant, & conuertantur, & sanem eos. Notum ergo sit vobis, quod Gentibus missum est hoc salutare Dei, & ipsi audient. Et cum hæc dixisset, exierunt ab eo Iudæi, multam habentes inter se disceptationem.

Paulo obscurior est hæc oratio à principio. Est qui sic explicet, Cum inter se non essent concordēs, cœperunt abire, Paulo prolixæ orationi vnum adhuc verbum adjiciente. Cæterum videtur per Epanaphoram sic posse exponi, Cum non essent inter se concordēs, & obmurmurarent veritati, protinus id verbi illis ingessit, quod apud Isaiam in sexto capite de Iudaica cæcitate legitur, quod similita exasperati sunt ut è vestigio sese ex auditorio proriperent. Hic autem illud interim intelligendum est quod data opera redierit Lucas, & copiosius illud ipsum explicarit, quod iam parcius delibarat. Neque enim temere ad finem huius operis tam copiose meminit Iudaicæ excæcationis. Si quidem istud prudenti consilio fecit, quasi dixerit, Quod autem adeo veritati Euangelicæ repugnauit Deo dilectus quondam populus scripturarumque peritus, neminem offendere debet, quasi Euangelica doctrina propterea sit de errore suspectior. Vera enim & iusta hæc adeoque ipsa veritatis lux est, sed Iudæorum oculi ad hanc caligant. Quod non ipsi primum in Iudæorum dicimus inuidiam, sed idem prædixit ante nos Isaias Propheta. Hæc de consilio Lucæ. Interim verò Paulus non minus Iudæos hoc testimonio, ut aliàs sæpe reuincit, comprobans Euangelicam doctrinam esse iustam & veram, Deumque ipsum populo suo obtulisse salutem, sed illum hanc propria malitia aspernari: ipsum ergo sua culpa periturum, & regnum Dei ad Gentes fore transferendum. Quæ sententia iam quidem præsens negotium pulchrè claudit. Hactenus enim floruit Gentium Ecclesia, Iudæorum Synagoga miserè proculcata. Quæ autem hoc loco de Prædestinatione Dei, de excæcatione impiorum, & electione sanctorum dici poterant, diligentius ab ipso Paulo exposita sunt in Romanis capite 9. 10. & 11. Neque hic à Paulo alia aduersus Iudæos dicuntur, quam quæ in fine 13. huius operis Capite audiuius.

Mansit autem Paulus biennio toto in suo conducto, & suscipiebat omnes qui ingrediebantur ad ipsum, prædicans regnum Dei, ac docens quæ sunt de Domino Iesu cum omni fiducia, nemine prohibente.

Cæterum Pauli gesta breuibus hisce perstringit. Mansit (Inquit) toto biennio in conducto suo, id est, in ædibus quas conduxerat, humaniter excipiens omnes cum Iudæos tum Gentes, qui ipsum fortè adijissent perdiscendæ veritatis gratia. Illis autem summa diligentia exposuit negotium fidei Christianæ, idque libere, nemine prohibente. Quod bisariam accipi posse tradit Erasmus, à nemine inquam vetitum esse, aut tali animo præditum fuisse, ut à nemine posset impediri. Verum prior sensus simplicior est. Ex Epistola ad Philippenses liquet, quod Romæ plurimos sibi etiam ex Cæsaris familia habuerit amicos, quodque apud plerosque in magno fuerit habitus pretio.

Hucusque verò persequutus est Lucas Actuum Apostolorum Pauli potissimum historiam. Cætera scriptores (referente Erasmo) non indiligentes, ex varijs coniecturis videntur addidisse: videlicet Paulum primum apud Neronem dicta causa fuisse absolutum, ac liberè ubi vellet Euangelium prædicasse annos decem. Tandem ubi Neronis sæuitia iam processisset in rabiem, reuocatum esse ad eius tribunal & capite truncatum. Cæterum quod ipse Lucas historiam non longius persequutus est, non modo ea videtur esse causa, quæ à plerisque creditur, quod morte interceptus, plura non potuerit: sed quod eatenus illam persequi voluit, quatenus religioni Christianæ conduceret ac necessarium videret: id ergo cum hactenus satis fideliter præstitisset, non erat quod Lectorem copiosiori cœ-

Interitus Pauli
2. Tim. 4.

Cum Lucas non ennuarit historiam.

fiori oneraret historia. Iam etsi Hispanias & Gallias deniq; ipsam Italiam peragrasset Apostolus, ipse
 que Lucas & hanc profectionem hisce adiecisset, quid obsecro post locorum, urbium & miraculo-
 rum diuersitatem ab ijs quæ dicta sunt noua aut diuersa dixisset? maximè cum videamus in superio-
 ri historia eandem rem decies esse repetitam. Christus enim heri & hodie idem in secula. Quorum *Hebr. 13.*
 ergo opus erat multa Lectorum molestia eadem subinde oberrare chorda? Sanè prudentiæ ascripse-
 rim quod hætenus duntaxat historiam scripserit.

Cæterum quæ nus hætenus sex hisce Commentariorum libris differuimus, iudicio Ecclesiæ
 fideli submittimus, quando apud hanc Paulo, imò ipsi Deo placuit esse iudicium: interim oro vt *1. Cor. 14.*
 quisque fidei charitatis regula singula expendat, bonique hæc nostra consulat, quæ ad promouenda
 piorum studia ædita sunt. Ego sane in religionis summa me nullibi aberrasse confido, in tradendi
 autem modo iudicandiq; de locis perplexioribus felicitate, fateor plures esse qui hoc ipsum felicius
 & breuius absoluere queant: sed in rem tuam prolixior fui. Nec inuideo si alius meliora eruditioraq;
 tradat. Nec moror Lectorum applausum. Christi gloriam quæro, ad Christum te hoc
 labore nostro manu duco, proinde si eius suauitatem expertus
 vni adhæseris, gaudeo.

F I N I S.

SERIES ET DIGESTIO TEMPORVM ET RERVM descriptarum à Beato Luca in Actis Apostolorum, autore Henry- cho Bullingero.

CONTINENTVR ergo in hoc opusculo, primum quidem adum-
bratio Ecclesiæ & doctrinæ Apostolicæ, deinde non Herculis, sed electissi-
mi organi Dei D. Pauli, magni illius florentissimorum Asiæ & Europæ
regnorum doctoris celeberrimi labores & ærumnæ. Postremo omnium
Regum Herodianorum, omnium Præsidum Iudæorum, & omnium Cæ-
sarum Romanorum, qui Apostolorum sæculo, Pauli maximè, vixerunt;
series & historia brevis.



I E S V S.

Hic est Filius meus dilectus: in quo placata est animâ
mea. Ipsum audite. Matth. 17.

FIDELISS. CHRISTI ET ECCLESIAE

MINISTRO D. RODOLPHO GVALTHERO,
Heinrychus Bullingerus gratiam & pacem
optat à Domino.



ADUMBRAVI ante annos aliquot continuam Temporum annorumq; seriem vnà cum breuissimâ expositione historica potissimarum rerum ab origine mundi ad natiuitatem vsque Christi in lege & Prophetis, in libris inquam Testamenti veteris, traditarum. Ea lucubratione cum te vehementer delectatū intellexerim, fili charissime idemq; compater & symmista fidelissime, adieci animum ad ea quoque tempora scripta & facta in compendium ordinem & seriem componenda, quæ beatissimus & doctissimus Euangelista Lucas luculentissima historia tradidit de rebus Ecclesia Christi, Apostolorum, & Pauli præsertim in Actis Apostolorum. Laboraui in negotio impexo & laborioso satis, ad utilitatem fratrum, pro meo talento accepto à Domino. Si alius simpliciora & planiora protulerit, non inuidebo. Nihil ego sine authore, sine ratione, aut sine verisimili aliqui coniectura attuli. Iudicium relinquo Lectori candido, cui non oracula, quod meam quidem commentationem attinet, sed expendendas sententias propono, vt quod optimum & simplicissimum quisque esse putauerit, amplectatur, cetera relinquat. Tibi autem maximè, fili dilecte, nuncupo & dedico hoc opusculum, quem in Christo valde diligo, ac modis omnibus hortor, vt quod modo facis, facias perpetuo, vt pergas inquam in sacris literis cum Prophetis tum Apostolicis euoluendis perlustrandis & excutiendis esse assiduus, quo luculentiore cum perspicuitate vi atque fructu ecclesiam illam sanctissimam tuæ fidei commendatam, Deo auxiliante, erudire & in veritate Christiana conseruare possis. Tu oranti vt elegantem & perutilem multis Orationem de officio ministrorum ecclesia habitam ederes, morem gessisti. Ego tibi vicissim roganti vt hunc meum librum vulgarem, obtemperaui. Videbantur vtraque argumenta pulchre sibi congruere, & mutuo sese veluti iuuare. Vt enim liber meus in Paulo absolutissimum exemplum ministri Ecclesiastici exhibet, ita tua

Oratio disputat de eo qualis esse debeat dixerit, siue seruus ecclesiasticus. Vale Tiguri mense
Ianuario.

TABVLA

TABVLA SERIEI ET DI-

GESTIONIS TEMPORVM ET RERV

descriptarum à Beato Luca in Actis
Apostolorum.

Anni Cæsarum Romanorum.	Anni Præsidū Iudæorum.	Anni Hero- dianorum.	Anni Christi nati.	Anni S. Pauli Apostoli.
TIBERIVS.	PILATVS.	HERODES.	CHRISTVS.	PAVLVS.
18	5	27	33	
<i>Hoc anno patitur CHRISTVS, resurgit ex mortuis, ascendit in cælos, inde mittit Spiritum Sanctum in Apostolos. Apostoli colligunt ecclesiam Christo Domino, & in persecutione perdurant. Lapidatur Stephanus.</i>				
19	6	28	34	1
<i>Conuertitur ad Christum Paulus apud Damascum: deinde abit in Arabiam prædicatum Euangelium. Samaria quoque recipit Christum.</i>				
20	7	29	35	2
<i>Prædicatur vrbibus maritimis Euangelium per Philippum, qui etiam conuertit principem Æthiopicum.</i>				
21	8	30	36	3
<i>Syria & Phœnicie prædicatur euangelium ab illis qui dispersi profugerant ex vrbe Hierosolymorum.</i>				
22	9	31	37	4
<i>Redit ex Arabia S. Paulus, venit Hierosolymam, inde abit in Ciliciam.</i>				
23	MARCELLVS.	32	38	5
<i>S. Petrus venit Lyddam, deinde vocatur Cæsaream ad Cornelium, quem & baptizat. Hinc Hierosolymis causam sui facti reddit ex postulantibus.</i>				
CAIVS.	PETRONIVS.	33	39	6
<i>Antiochia in Syria conuertitur ad Christum. Apostoli mittunt eò Barnabam.</i>				
2	2	34	40	7
<i>Petrus Antiochie à Paulo increpatur. Barnabas enim ex Tarso Paulum adduxerat Antiochiam. Venit illuc Agabus, prædicit famem. Paulus & Barnabas ferunt subsidium Hierosolymam.</i>				
3	3	35	41	8
<i>Iubente S. Sancto mittuntur Paulus & Barnabas ad Gentes prædicatum ab Antiochia.</i>				
4	4	36	42	9
CLAVDIVS.	AGRIPPA.	Omnia huius	43	10
2	2	Regis dantur	44	11
3	3	Agrippæ quoq.	45	12
<i>Hoc anno decollatur ab Agrippa rege Iacobus maior in vincula conijcitur Petrus ab eodem rege. Liberatur ab angelo. Interit rex.</i>				
4	FADVVS.	Fames.	46	13
<i>Redeunt expleta predicatione Antiochiam Paulus ac Barnabas ac in ecclesia manent diebus multis.</i>				

His annis conuertuntur Cyprus, Pamphilia, Pisidia, Lycaonia.

Anni Cēſarum Romanorum.	Anni Præſidū Iudæorum.	Anni Regu- lorum.	Anni Chriſti nati.	Anni S. Pauli Apoſtoli.
5	2	FELIX circa	47	14
6	3	hoc tempus ve- nit in Syriam.	48	15
<i>Circa principium huius anni profeſſi ſunt Paulus & Barnabas per Phœniciam & Samariam in Synodum Hieroſolymas. Deinde redeunt Antiochiam. Paulus abit in Ci- liciam & Lycaoniam.</i>				
7	TIB. ALEX.		49	16
8	2		50	17
<i>His annis conuerſa eſt Phrygia, Galatia, Myſia. A Troiade nauigauit in Mace- doniam, ac conuertit Philppos, Apolloniam, Amphipolim, Theſſalonicam, Athenas.</i>				
9	3		51	18
10	CVMANVS.	AGRIPPA IUN.	52	19
<i>Nauigat Paulus Hieroſolymam, inde redit Antiochiam, inde inuiſit Galatiam & Phrygiam olim conſtitutas eccleſias.</i>				
11	FELIX.	2	53	20
12	2	3	54	21
13	3	4	55	22
14	4	5	56	23
<i>Transfretat in Græciam. Inde circa paſcha 22. anni nauigat in Syriam, venit circa Pentecoſten Hieroſolymam. Ibi capitur à Iudæis. Liberatur mox à Cl. Lyſia tribuno, ac mittitur Felici Cæſaream. Sub Felicis cuſtodia exegit biennium</i>				
NERO.	PORT. FEſTQ.	6	57	24
<i>Venit in Iudæam Feſtus circa Maium. Agit cauſam ſuam Paulus coram Feſto, de- inde coram Feſto & Agrippa rege. Mittitur Romam in Italiam.</i>				
2	2	7	58	25
3	3	8	59	26
4	ALBINVS.	9	60	27
5	2	10	61	28
6	3	11	62	29
7	4	12	63	30
8	5	13	64	31
9	FLORVS.	14	65	32
10	2	15	66	33
11	3	16	67	34
12	4	17	68	35
13	5	18	69	36
14	VESPASIANVS	19	70	37
	DUX.			
<i>S. Paulus ultimo Neronis anno Romæ gladio obruncatur, cum prædiçaſſet Euan- gelium Chriſti in Oriente & Occidente annos circiter triginta ſeptem.</i>				

SERIES ET DIGESTIO

TEMPORVM ET RERVM DESCRIP-

PTARVM A BEATO LVCA IN ACTIS APOSTO-
LICIS, AVTHORE HEINRYCHO
EVLINGERO.

C A P V T I.

De temporibus prædicationis & passionis Domini nostri Iesu Christi.



ITE ATVS Lucas doctissimus diligentissimusque historiæ euangelicæ scriptor, tradit Euangelij prædicationem XV. Tiberij Cæsaris anno per miniternum sanctissimi Ioannis Baptistæ, in Iudæa, feliciter esse cœptum, ac eodem anno, qui ætatis Christi ab eodem Luca XXX. numeratur, baptisatum Christum, qui cum Hierosolymam, ex more & religiose quidem, ascendens, per tria continua paschata (Ioanne teste) & ipse prædicauerit euangelium, deinde demum occisus sit: consequens est Christum Dominum XV. III. Tiberij Cæsaris anno, serijs paschæ, in crucem esse suffixum, anno ætatis suæ XXXIII.

Initium prædicationis euangelicæ.

Nam XV. Tiberij Cæsaris anno, qui ætatis Christi XXX. est, cœpit quidem concionari Ioannes, sed ipse interim Dominus anno eodem varijs modis tum etiam prædicatione euangelica inclaruit: ac tum demum commemorat Ioannes in cap. 2. euangelicæ suæ historiæ primum pascha, quo Dominus primum vendentes & ementes eiecit ex templo. Erat is annus imperij Tiberij XVI. ætatis Christi XXXI. In 6. cap. commemorat Ioannes pascha secundum, quod datur Tiberij anno XVII. ætatis Christi XXXII. Scio ab alijs secundum pascha peti ex 5. cap. Ioannis. Verum malo cum veteribus sacrarum literarum interpretibus tria duntaxat paschata quàm IIII. Domino tribuere: maxime cum pro quarto paschate nulla usque adeo certa & firma proferantur argumenta quin dilui possint. D. Chrysostomus nō temerè per festum diem, cuius meminit in 5. cap. Ioannes, Pentecosten intellexit. Nec infringitur eius sententia per illud quod 4. cap. ad discipulos dixisse legitur Dominus, Nōne vos dicitis, Adhuc quatuor menses sunt & messis veniet? Ecce dico vobis attollite oculos vestros, & videte regiones, quoniam iam sunt albæ ad messem, &c. Nam primis verbis suis Dominus non tempus definit & mensem designat, uti istis quibusdam visum est, Nouembrem, sed quid ferè tempore quouis ab hominibus fieri soleat dicit, & hoc ipsum trahit ad institutum suum. Quasi dicat, Nōne vos diligenter & cum desiderio quodam supputatis dies messis, quare ergo ipse quoque non obseruarem quàm diligentissime occasionem metendi? Præterea posteriora & insequentia mox verba. Paraphrastes ita enarrat, ut pro nobis nihil contra nos faciant. Dicit enim, Quemadmodum autem ipsa seges iam flauescens falcem & messorum operam iam quasi flagitat: ita si sustuleritis oculos vestros & obseruaueritis humanarum mentium segetem etiam apud Samaritanos & Ethnicos properantium ad euangelicam doctrinam, intelligetis regiones vndique velut albescere ad messem euangelicam. Postremum & tertium pascha illud est, cuius Ioannes meminit in cap. 11. & in quo Dominus semetipsum obtulit pro peccatis totius mundi. Erat is annus Tiberij XVIII. ætatis Domini XXXIII.

Supputatio temporum prædicationis Domini.

Dominus non prædicauit per quatuor paschata.

Video tamen in tempore mortis Christi constituendo aut designando non per omnia conuenire nostris scriptoribus. Epiphanius Salaminæ Cypri episcopus in libro suo contra omnes hæreses disputans, contra illos præsertim qui negant euangelion S. Ioannis, In medio Consulatu eo, inquit, qui post Rubellionis Consulatum successit, Vinnicij & Longini Cæsij appellatus, patitur saluator in die ante XIII. Calend. April. XXXIII. anno aduentus incarnationis suæ. Porro scriptor vetustissimus Tertull. in libro suo contra Iudæos, Passio Christi perfecta est, inquit, sub Tiberio Cæsare Coss. Rubellio Gemino & Ruffio Gemino, mense Martio, temporibus paschæ die VII. Calendarum Aprilum, die prima Azymorum. Quod si quis consulat historias Romanas, quibus hac in re non parumtribuendum esse censeo, easque contulerit cum euangelio secundum Lucam, deprehendet Christum passum esse sub Consulatu Furij Camilli Aruntij

De tempore mortis Christi.

SERIES TEMP. ET RER.

Scriboniani & C. Domitij Ænobarbi, Id quo fiat clarius non pigebit huc ex Corn. Tacito probatiff. Romanæ historiæ & annalium scriptore seriem Consulum percensere.

Consulium Romanorum series sub imperio Tiberij Cæsaris. Moritur Octavius Augustus, Suetonio auctore, Coss. Sextis Pompeio & Apuleio XIII. Calend. Septemb. Succedunt in Consulatu.

I.	Drusus Cæsar.	IX.	C. Asinius.
II.	C. Norbanus Flaccus.	X.	C. Antistius.
	Sisenna Statilius Taurus.		Corn. Cethegus.
	L. Scribonius Libo.		Vissellius Varro.
III.	C. Cælius.	XI.	Corn. Cossus.
	L. Pomponius.		Asinius Agrippa.
IIII.	Tiberius Cæs. III.	XII.	Lentulus Getulicus.
	Germanicus Cæs. II.		C. Calvisius.
V.	M. Syllanus.	XIII.	M. Licinius Crassus.
	L. Norbanus Balbus.		L. Calphurnius Piso.
VI.	M. Valerius Messala.	XIIII.	Iulius Sillanus.
	C. Aurelius.		Silius Nerva.
VII.	Tiberius Cæs. II.	XV.	C. Rubellius Geminus.
	Drusus Cæs. II.		C. Fusius Geminus.
VIII.	C. Sulpitius.		
	D. Hatterius.		

Atque hic iam interruptitur ordo & series Consulum apud Cornelium Tacitum : ac videntur circa initium lib. 5. non pauca desiderari in impressis exemplaribus. Cæterum Aurel. Cassiodorus & Gregorius Haloander non infeliciter restituunt, mea quidem sententia, quæ per iniuriam temporis, quod scilicet Consulum ordinem attinet, interierunt & desiderantur. Subiunguntur enim Geminis Coss.

XVI.	M. Vinnicius.	XVII.	Tiberius Cæs. V.
	C. Cassius Longinus.		Sianus collega.

Meminit sanè Tacitus Vinnicij & Longini, quibus locavit neptes suas Tiberius : idemque mox Tiberio assignat annos imperij XXIII. Sic enim scribit, XVII. Calend. Aprilis interclusa anima creditus est mortalitatem expleuisse, LXXVIII. ætatis anno, cum regnum tenuisset annis fermè XXIII. Cum his Taciti verbis cōgruunt per omnia Suetonij hæc, Obijt Tiberius in villa Lucullana LXXVIII. ætatis anno, imperij XXIII. Calend. April. XVII. Cn. Acerronio Proculo & Portio Nigro Coss. Nisi vero inferas duos illos quos supra memorauimus Consulatus, non pertinges ad XXIII. sed duntaxat ad XXI. Tiberij annos. Et Suetonius planè meminit V. Consulatus Tiberij dicens, Collegam sibi assumpsit in V. Consulatu Seianum, &c. Quæ omnia clare satis euincunt in Tacito desiderari duos illos Consulatus, ac iccirco necessario inferendos esse quo XXIII. anni compleantur. Nam in Tacito sequuntur hi Coss.

XVIII.	C. Domitius Ænobarbus.	XXI.	C. Cestius.
	Camillus Scrib.		M. Seruilius.
XIX.	Sergius Galba.	XXII.	Q. Plancius.
	L. Sylla.		Sex. Papinius.
XX.	Paulus Fabius.	XXIII.	Cn. Acerronius.
	L. Vitellius.		C. Portius.

Ita demum plene complentur anni Consulatum qui fuerunt sub Imperio Tiberij Cæsaris.

Dies passionis Domini nostri Iesu Christi. Quod diem attinet Passionis, quo Dominus noster crucifixus est, subscribit Cassiodorus Tertulliano, subscribunt & alij non vulgares. Iuxta horum supputationem excessisset Dominus noster è viuis XXV. die Martij, resurrexisset XXVII. die eiusdem mensis. Quoniam vero Luca auctore post XL. dies ascendit in cælum, ac die Pentecostes misit Spiritum Sanctum, nimirum ascendit V. Maij, & Spiritum Sanctum donauit eiusdem mensis XV. discipulis. Aliam vero supputationem ineas oportet, si sequi libeat sententiam Epiphaniij. Alijs præterea visum est aliud,

De Primitiua Ecclesia Hierosolymis, in Samaria, & apud maritimas vrbes opera Apostolorum constituta.



ODEM anno post missum Spiritum sanctum, hoc est XVIII. Tiberij Cæsaris, cum protinus ab ascensionis die paulò ante Pentecosten Apostoli S. Matthiam cooptassent in numerum duodecim, ex quo sua culpa & impietate exciderat Iudas Ischariotes, cœperunt Apostoli palàm Hierosolymis prædicare Euangelium Christi, simul et am baptizare atque ita congregare Ecclesiam siue Cœtum sanctum Domino. Et processit quidem auspiciousime negotium sacrosanctum. Mox enim & in initio rerum coierunt in Ecclesiam Christianam aliquot Iudæorum millia. Exercebatur & perseuerabat primitiua illa Ecclesia (quæ nondum erat onerata legibus innumeris & vitata humanis traditionibus) in Doctrina Apostolorum, in precatione iugis, in participatione mensæ Dominicæ, & in communicatione fraternaque charitate, quam factis præstabat, non ore tantum prædicabat, innocentie vitæ, pietati sinceræ & vere bonis operibus studens per omnia & in omnibus. Præterea separabat se Ecclesia à consortio cum iniprænitentium seu impiorum hominum, tum etiam à superstitione & cultu illegitimo. Dominus interea virtutem præstabat Apostolis, vt stupenda patrerent miracula, testimonia videlicet viuæ & efficacie veritatis Christianæ & religionis planè diuinæ.

Apostoli colligunt hystoriam Ecclesiam.

Exercitia Ecclesie in religione.

Quemadmodum vero Dominus, dum viueret, prædixerat crucem seu persecutionem protinus exercituram vexaturamq; sanctam Christi Ecclesiam, ita re ipsa euenit. Vocantur enim in senatum Hierosolymitanum Apostoli, iubentur tanquam nocentes & seditiosi hæretici atq; schismatici rationem, si possint reddere, cur Christum prædicent crucifixum, cur congregent cœtū, & in cuius nomine faciant quæ faciebant. Sicut autem idem Dominus dixerat, Cum traderint vos, ne sitis solerti quid aut quomodo loquamini Nam ipse dabo vobis os & sapientiam, cui non poterunt resistere omnes qui aduersabuntur vobis. Ita dicentibus in senatu pro se Apostolis, admirati sunt senatores, neq; aliud potuerunt quàm tyrannicis legibus liberam Euangelij prædicationem circumscribere & coercere. Sed non parebant impijs edictis Apostoli, nihil metuentes carceres & vincula. Ecclesia enim sedulo orabat libertatem dicendi & agendi concederet Dominus Apostolis. Quod sanè fecit. Cumque concluderentur in carcerem Apostoli, liberauit eos Dominus per angelum suum, vt aduersarijs plane ostenderet conatus ipsorum fore irritos. Imò cum virgis caderentur Apostoli tantū non ab instituto absterrebantur, vt magis & sibi gratularentur & Deo agerent gratias, quod digni essent habiti qui pro nomine Christi contumelia afficerentur.

Crux & persecutio Ecclesie.

Precationes Ecclesie.

Interea seruebāt in Ecclesia charitatis ofīcia. Vt enim ministri verbi constanter pergebant & diligentissime ea exequabantur quæ ipsis imposuerat Dominus, ita auditores ipsorum alacriter & animo promptissimo præstabant opere, quod didicerant præstandum doctrina Apostolica. Conferiebant ergo liberaliter quibus suppetebant opes, donaria ad conseruationē ministrorum verbi, & ad subleuationem inopiæ pauperum. Et quoniam hac in re homines ferè suam gloriam quærunt, neq; sincero animo agunt, ideo factū est iustissimo Dei iudicio, vt propter hypocrisim & animum hac in re parum integrum, horribili exemplo, subitanea morte, Petro iudicium & decretum Dei pronunciantem, interierint Ananias & Saphyra. Ac coercuit hoc exemplū plurimos, metumq; illis iniecit, qui fortassis simili impuritate illiusissent Domino, & sanctæ eius Ecclesiæ.

Beneficentia Ecclesie Christi.

Exemplum Ananias & Saphiræ.

Porro crescente iam Ecclesia, & crescentibus etiam opibus, ideoq; & negotijs Ecclesiæ, exortum est, vt ferè sit in frequenti turba, murmur, propter dispensationem opū Ecclesiasticarum. Nam aliquid humani patiebantur qui murmurabant contra Apostolos. Ne itaq; latius serperet malum, & erumperet in aliquando detrimentū & manifestam Ecclesiæ consersionē, delecti sunt communibus suffragijs Ecclesiæ diaconi siue æconomi bonorum Ecclesiasticorum septem, inter quos præcipuus erat plenus fide & Spiritu sancto Stephanus.

Dispensatio opum Ecclesiasticarum.

Stephanus vero cum non tantum corpora sanctorum perituro cibo & rebus alioqui necessarijs corpori, alere & instruere satagaret, sed cibum illum æternum verbum veritatis pluribus proponere, & ab aduersariorum calumnijs vindicare pergeret, incidit illi lis & contentio super negotio Christi & Euangelij eius, cum alumnis synagogæ seu scholæ, quæ appellabatur Libertinorum, Cilicum & Asianorum. Agebant hi contra Stephanum dolo malo, conquirentes sibi vndique falsos testes, quos cum nacti essent pertrahebant ipsum in forum & consilium Hierosolymitanum, accusantes de infandis quibusdā criminibus. A quibus se quidem expurgauit oratione

Stephani martyris Christi historia.

pijsima & instructissima: sed non multo cum fructu. Coram ijs enim causam suam agebat, qui non vtramque partem audire, & iustum iusto iudicio exequi cogitabant, sed accusatum protinus ad supplicium ducere statuerant. Ejicitur ergo ex vrbe Stephanus, & lapidatur crudeliter. Hęc omnia quę copiosissime exponuntur à S. Luca in Actis Apostolorum à cap. i. vsque ad cap. 8. videntur perfectæ esse illo ipso anno, quo Christus assumptus est in cælum, hoc est X V III. Tiberij Cæsaris anno.

Grauis ecclesie afflictio & dispersio.

Philippus. Simon Magus.

Princeps Aethiopicus.

Ex Stephani cæde oborta & consequuta est grauissima persecutio contra vniuersam Hierosolymorum ecclesiam. Discecit illa ecclesiam in regiones varias, sed multo cum fructu regni Christi. Fideles enim discedentes Hierosolyma, dispersiq; per Samariam, per vrbes maritimas, & per Syriam, propagarunt prædicatione Euangelij regnum Christi quam latissime. Philippus enim Samaritis primum prædicauit Christum. Venerunt in Samariam suppetias latari S. Philippo Petrus & Ioannes: atque hi ex Syria pepulere insignem impostorem & hominem impurissimum Simonem Magum, deinde redierunt Hierosolymam. Philippus vero digressus & ipse Samaria, Gazam descendens, reuocatur ab angelo ad principem Candaces reginæ Aethiopum conuertendum. Quod cum feliciter perfecisset, Aiotum deuenit, perq; maritimas vrbes Christum prædicauit, donec attingeret Cæsaream prius appellatam Turris Stratonis. Dubium autem est quoto anno venerit Cæsaream Philippus Euangelista. Certe si eodem tempore, quo Petrus Cæsaream deuenit, vocatus ad Cornelium, Cæsareæ fuit Philippus, nihil mirum cur Cornelius Deo iubente Philippum non vocaret: cum iam ante Philippo in Samaria docente, nihilominus submissi ab Ecclesia descenderint docturi etiam Petrus & Ioannes. Si vero eo tempore quo Petrus ad Cornelium venit, Philippus Cæsareæ nondum erat, minus mirandum est quare ad Philippum doctorem non fuerit relegatus Cornelius. Certè Cæsareæ inuentus est Philippus tum, cum vltima professione S. Paulus ascenderet Hierosolymam, sicuti Lucas testatur in cap. 21. Actor. Apostolicorum. Idem fusiis exponit in cap. 8. quæ paucis modo perstrinximus de Conuersa Samaria & de maritimis vrbibus Euangelio illustratis. Porro de Syria & vicinis circum Syriam regionibus ad fidem conuersis opera dispersorum per persecutionis procellam fidelium, ita testatur Lucas in Actis cap. 11. Et illi quidem qui dispersi fuerant ex afflictione, quæ orta fuerat ob Stephanum, perambulauerunt vsque ad Phœnicem & Cyprum & Antiochiam, nemini loquentes sermonem Dei, nisi solis Iudæis. Cœperunt ergo ista omnia fieri mox à morte Stephani, sed perfectæ videntur intra tres vel quatuor proxime Stephani mortem insequentes annos.

Syria conuersa ad Christum

C A P V T III.

De Conuersione S. Pauli eiusq; peregrinatione ad Arabes, quomodo redierit Hierosolymam, inde profectus sit in Ciliciam, vnde à Barnabæ reuocatus, peruenierit Antiochiam: quid interea fecerit Petrus, & quomodo Gentes receperint fidem.

Pauli conuersio.



N persecutione ea cuius modo meminimus, præ alijs se gessit impigre & strenue Saulus qui idem appellatur Paulus. Fuit is eo tempore Luca in 7. cap. Actorum docente admodum iuuenis. Patria ei Tarsus clarissima Ciliciæ vrbs. Vfus est præceptore & magistro famigeratissimo viro Gamaliele, apud quem Hierosolymis haud dubie in synagoga Cilicum, educatus est. Hic inquam Saulus magno, sed peruerso Iudaicæ religionis zelo, succensus, Christianæ religionis cultores implacabiliter & plus quam ferociter persequabatur. Nam Damascum vsque, ad exteras etiam gentes, insatiabili sanguinis hauriendi cupiditate, excurrit. Cum vero ea in professione esset ac Damascenæ vrbi appropinquasset, cælitus, diuina potentia, solo illisus, per Dominum nostrum Iesum Christum, sensit quàm sit difficile contra stimulum recalcitrare. Deditus est inde per manus comitum ac ministrorum in ipsam urbem: vbi mox à clarissimo viro Anania baptizatus, & de voluntate Domini Christi, ad quid ipsum vocasset, diligentissime edoctus est. Triduo vero exacto & cum iam non nihil viribus suis esset restitutus, progressus in publicum, in publica synagoga Damisci, disputare cœpit de Euangelio, imò demonstrauit euidentissime Iesum, quem hactenus fuerat persecutus, esse Christum, verum inquam Mesiã pontificem & regem summum. Id quidem factum omnes nostræ religionis scriptores consentitur proximo anno ab ipsa Domini nostri passionem, qui erat natiuitatis eius XXXIII. Tiberij Cæsaris XIX. Authores si quis vel aliquos & receptos quidem requirat, habet Eusebium Cæsariens. S. Hieronym. & Paulum Orosium. Sed & ipsa series atq; connexio annorum in tabula propositorum id ipsum confirmat.

Quando conuersus Paulus.

Ex vrbe

Ex vrbe Damascena non redijt protinus Hierosolymam ad eos qui ante ipsum fuerant Apostolos, sed abiit in Arabiam, & ex hac redijt Damalcum. At Aretas Arabum rex custodia circumportas collocata, Paulū capere, & propter res in regno suo nouatas in ipsum animaduertere cogitauit. Quod cum fratres intellexissent, per sportam ē mōnys demissum Paulum in tutum statuerunt: ipse vero Hierosolymam reuersus dicitur. Hæc enim hæc transulimus partim ex 9. cap. Actuum Apostolorum, partim ex ipsis Pauli verbis Gal. 1. & 2. Cor. 12. Hierosolymis tentabat se discipulis coniungere: sed nemo illi fidebat propter exercitiam non ita pridem factitiam in fideles. Barnabas ergo, qui rectius noscebat Paulum, manu prehensum deuexit ad Apostolos, exponens his quomodo uidisset in itinere Dominum & quod synce iter Damasci docuisset Euangelium. Porro Apostolorum alij non erant Hierosolymis eo tempore nisi Iacobus frater Domini & Petrus: apud quem mansit per dies XV. Hæc ipse de se Paulus scribit ad Gal. 1. cap. Meminit horum item Lucas in Actis cap. 9.

Disputauit Paulus Hierosolymis sedulo & diligenter contra Hellinistas, qui cum argumentis sua non possent ueri, eade compensare uoluerunt in scitiam. Orante ergo Paulo in templo, audit sibi acclamantē Dominum. Perlinato exi vrbem: non recipient illi tuum testimonium: quocirca procul ad Gentes te mittā. Ideoq; fratres delectam Cæsaream vsq; dimiserunt ipsum in patriā Tarsum Ciliciam: hæc quidem occasione de hoc modo peruenit Paulus in partes Ciliciæ & Syriæ: ut ipse rursus exponit ad Gal. cap. 1. id ipsum & Luca testante in Actis cap. 9.

Inter ea vero dem in istis regionibus prædicaret Christum Paulus, Petrus peragravit vicinas Iudææ vrbes, & maritima maxime. Nā & Lyddam peruenit: ubi Æneum paralyticum restituit. Ioppem quoq; vocatus à discipulis, Tabitham ex mortuis excitauit. Ex Ioppe vocabatur, Cæsaream ad Cornelium centurionem. Visum ergo Ioppe vidit, quod multis describit Lucas in Actis cap. 12. Do viso erudiebatur gratiam Dei etiam ad Gentes pertinere, & ideo hanc per Euangelium prædicandam esse Gentibus. Abiit ergo ad Cornelium, prædicat ei Christum. Simul autem Dominus testimonium eantis cōfert Gentibus, de missio Spiritu sancto, quod & ipsorum sit regnum Dei. Vnde mox baptisatur à S. Petro.

Petrus vero non ita post multos dies ascendit rursus Hierosolymam ad fratres. Hi protinus magno cum stomacho expostulantes cum ipso, indignantur quod dona Dei communicasset incircumcisis. At Petrus his iusta apologia satisfacit per omnia, demonstrans se auctore Deo, & ex causis iustissimis adisse Gentes, & prædicasse ipsis Dei gratiam. Fufius exponuntur hæc à S. Luca in Actis cap. 9. 10. & 11.

Porro viri quidam insignes Cyprij & Cyrenen: frabie persequutionis dispersi, vna cum alijs sanctis Syria peragrata peruenerunt Antiochiam, atq; in hac libere prædicarunt Christum Gentibus. Et Gentes quidem alacri mente & fide synce receperunt Christum. Hoc cum peruenisset ad aures Ecclesiæ Hierosolymitanæ, misit ea Barnabam confortatum fideles in cæpta & recepta religione. Id quod Barnabas Antiochiam veniens diligentissime exquebatur, omnes promiscue adhortans firmiter adherere Domino. Videbat interim ad conseruandam Ecclesiam Antiochenam maxime opus esse doctōribus fids, pijs & doctis. Profectus ergo in Ciliciam Paulum apud Tarseries quæsiuit, inuentumq; secū perduxit Antiochiam. Eo tempore qui hætenus appellati fuerant discipuli, quasi quis dicat auditores & discipulos, Antiochiæ primum nuncupati sunt CHRISTIANI, nimirum à Christo Domino cui credunt & adherent, & propter vñctionem Spiritus sancti quo imbuuntur fideles. Et hæserunt quidem duo hi viri & sanctissimi & doctissimi Antiochiæ per annum integrum ædificantes & confirmantes in vera fide Ecclesiam.

Eodem tempore descendit ex vrbe Hierosolymorū Antiochiā clarius ille propheta Agabus, qui per Spiritum sanctū prædicebat grauissimam famem per totum orbem terræ futuram. Id quod simul cū omnibus hucusq; de Antiochena Ecclesia proditis, tradidit S. Lucas in cap. Actuum Apostolorum 11. Ibidem scribit & subsidium nullum esse ab Antiochia, Ecclesiæ Hierosolymitanæ, idq; per ministerium Pauli ac Barnabæ. Quanquam enim famēs eo tempore quo prædicebatur futura nondū affligeret homines, tamen adeò non ambigebāt de veritate prophetiæ fideles, ut iam ante famem submisso subli ho esuritorios veluti præmanirent. Nam profectos Hierosolymam Apostolos ante profectiōnem in Cyprium & Pamphiliam, inde cōligi potest, quod in reditu ad Antiochenā Ecclesiā, secum duxerunt Ioannem Marcū ciuem Hierosolymitanum. Is enim cum peruenerunt Apostoli in Pamphiliā defecit ab eis, & reuersus est Hierosolym. Alioquin constaret ex historijs famem illam illi, demum Claudij anno, ita ut prædictum erat, fuisse.

Eodem hoc anno, quo Paulus à Barnabæ Tarso Antiochiam deductus est, videtur Petrus à Paulo obiurgatus, ita, ut ipse hisce verbis in 2. cap. epistolæ ad Galat. testatur. Cum autē venisset

Petrus à Paulo obiurgatus Antiochiæ. Petrus Antiochiam, palàm illi restitit, eò quòd reprehensibilis esset. Nam antequam venissent quidam à Iacobo, vnà cum Gentibus sumebat cibum, cum autem venissent, subduxit & separauit se ab illis, metuens eos qui erant ex circumcisione: ac simulabant vnà cum illo cæteri quoq; Iudæi, adeò, vt Barnabas simul abduceretur in illorum simulationem. Et reliqua.

Euangeliū secundū Matthæum editum. Eusebius Cæsariensis tradit in Chronicis suis III. Caij Cæs. anno S. Matthæi Apostolum & Euangelistam & scripsisse & edidisse historiam illam suam Euangelicam. Quod si verum est: primo loco erit collocandus inter scriptores Noui Testamenti Matthæus. Erat is annus à natiuitate Domini XLI. à passione VIII.

C A P V T IIII.

De professione Pauli secunda, qua comite Barnaba Cyprum, Pamphiliā, Pisidiam & Lycaoniam conuertit ad Christum.

Paulus ab Antiochia mittitur Apostolus ad Gentes. Cyprus conuertitur.



AETERVM cum Antiochena Ecclesia abunde satis instructa esset prophetis & doctoribus excellentissimis, præcipit Spiritus sanctus Ecclesiæ Antiochenæ vt Paulum & Barnabam Apostolos nobilissimos abieget procul ad Gentes, prædicatum his Euangelium. Id quod facit religiosissimè. Apostoli quoq; alacriter obtemperantes vocationi diuinæ Seleuciam petunt. A Seleucia vero soluunt in Cyprum, Christumq; Dominum vniuersæ prædicant insulæ. Nam à Salamina Paphum vsq; perueniunt: vbi clariss. virū Sergium Paulum totius Cypri Proconsulem, à Romanis missum conuertunt, & impostorem versutissimum Barichum insula pellentes cæcitate percutiunt. S. Hieronymus existimat Paulum appellatum prius Saulum, Pauli vero cognomen ceu trophæum vsurpassè à Sergio Paulo Proconsule quem Christo lucrificat.

Pamphiliæ & Pisidiæ prædicatur Christus. Doctrina Pauli omnis vnus generis.

A Papho deportantur Apostoli nauigio Pergen, quæ primaria est Pamphiliæ vrbs. Peragunt autem illam regionem Euangelij prædicatione complentes omnia, demum vero Antiochiam Pisidiæ perueniunt. In hac diligentissime prædicant Christum. Nec vspiam legitur S. Lucas maiore diligentia vllum Pauli sermonem descripsisse quàm illum ipsum quem habuit ad Antiochenos. Compendium id esse videtur doctrinæ Pauli. Semel enim plenè consignata Apostoli doctrina, qua vno in loco vsus est, habemus quid vbiq; locorum docuerit. Præsertim cum constet Paulum idem doctrinæ genus tradidisse vbiq; & publice & priuatim. Habemus certè Pauli epistolas 14. scriptas: sed omnes illæ vnus & eiudem sunt generis & argumenti. Verum optimum verbi Dei semen decidit in aruum planè sterilem. Quanquam enim bona pars ciuium reciperet Christum, ma or tamen insurgens contra Apostolos Antiochia expulit, idq; instinctu & opera religiosarum quarundam aut superstiosarum potius mulierum.

Lycaonibus prædicatur Christus. Iconium.

Antiochia eiecti transeunt in Lycaoniam nobilissimam regionem, ac initio præclarissimam ingrediuntur vicem Iconium, ex imagine sic dictum, quod Prometheus & Minerua iussu Iouis hic finxisse dicebantur, idq; iuxta fabulas, post diluuium Deucalionis, ventoq; inde inspirante animatum. Vrbs ergo hæc præ alijs immerita hærebat luto idolomania. In ea tamen docuerunt Apostoli multò cum fructu populum, adeo vt Græcorum, id est Ethnicorum & Iudæorū ingens turba adhereret Domino. Et multo quidem tempore demorati sunt ibidem: tandem vero per tumultum & ex Iconio pulsi sunt. Confugerunt ergo ad ciuitates alias Lycaoniæ, Lystram & Derben, finitimamq; vndiq; regionem fulgore euangelij illustrarunt. Lystris restituit inuocatione nominis Christi Paulus claudum ab vtero matris suæ: offerentesq; eam ob rem honores diuinos repressit constantissimè, demonstrans omnem gloriam & cultum omnem soli Deo deberi. Quod si diligenter hodie obseruaretur à quibusdam plus satis rixosis, non tanta pertinacia cōtenderent de cultu & inuocatione Diuorum. Mox inuersa fortuna Lystrani eum quem modo ceu Deum colere voluerant, nunc tanquam pestem patriæ perniciosissimam lapidat. Restituitur tamen diuina potentia vitæ Apostolus, & confugit vnà cum Barnaba Derben. Inde regrediuntur, & peragunt rursus Lystram, Iconium & Antiochiam, creant & imponunt singulis Ecclesijs episcopos, qui regnum Dei non tantum conseruent contra dæmonis artes & vim, sed laus etiam propagent. Nam qui volunt ecclesiam & conseruatam & propagatam latius, in deligendis, sancte educandis, & legitime ordinandis Ecclesiæ ministris idoneis & sanctis præcipuā curam habeant oportet.

Lystra. Derba.

Lapidatur Paulus.

Perga, Attalia.

Pisidia perlustrata descendunt in Phamphiliam, cuius vrbes clarissimam Pergen & Attaliam, & hanc quidem maritimā celeberrimamq;, Christo Domino per prædicationem Euangelij conse-

consecrant, consecrataque confirmant. Postremo rursus nauigio transfretant in Syriam, rede- *Antiochiam re-*
untque Antiochiam, multis Ecclesiis, à qua spiritu sancto dictante ablegati fuerant, exponentes, *dit Apostolus.*
non quæ ipse fecissent, sed quæ Deus fecisset per ministerium ipsorum. Ita enim hic & ubique
summa diligentia curant, ne quid sibi, omnem autem gloriam soli Deo tribuant. Id quod ma-
gna cum gratulatione & gratiarum actione ab Ecclesia auditum est. Videtur autem hæc peregrina-
tio duorum Apostolorum perfecta esse, ut minimum, intra quadriennium aut quinquennium.
Porro testatur Lucas absoluta professione hac multum temporis Apostolos Antiochiæ demo-
stratos cum fidelibus, certe non minus quam biennium.

Hæc autem quæ hucusque gestorum Pauli, sic ut apparet, & hæcenus consignatum est, in an- *Demonstratio*
nos distinximus, & partiti sumus, his de causis sic digessimus. Principio, quod ipse rerum con- *supputationis.*
textus in Actis Apostolorum à capite 9. ad 15. vsq; cap. huiusmodi seriem quasi flagitat. Deinde
quod ipse Paulus annos peregrinationis suæ functioni Euangelicæ ante Synodum illam celebrem
Hierosolymitanam insumptæ supputans, numerat annos XIII. In quibus tres illos, quos Ara-
biæ paragranda impendit, comprehendere oportet. Id quod series rerum temporumque, consigna-
ta in Tabula palam euincit. Alioqui enim si separatim supputes annos III. (sicut & ego ali-
quando cum alijs perperam supputaui) colliges in vniuersum annos XVIII. At ea ratione non su-
pererunt à Synodo Hierosolymytana anni integri III. ad vincula vsq; Pauli in quæ fuit iniectus
Hierosolymis. Neque cuiquam verisimile videatur intra hoc tempus angustissimum ea potuisse
ab Apostolo perfici, quæ tamen Lucas intra Synodum Hierosolymitanam & vincula Pauli perfe-
cta esse testatur: semel & iterum assignato annorum numero, qui nullatenus permittit separari
triam annorum supputationem.

Proinde totam historiam Pauli à conuersione eius ad XV. vsq; annum prædicationis suæ ita *Distributio an-*
in annos distribuimus. Tres annos tribuimus professioni eius à Damasco in Arabiam reuersio- *norum XIII;*
niq; in urbem Damascenam. Post III. annos rediit Hierosolymam, & mansit apud S. Petrum dies
XV. Inde digressus peruenit in Ciliciam & partes Syriæ, in quibus exegit annos tres. Reuocatus
à Barnaba Antiochiam manet in ea Ecclesia per annum, ut ait Lucas, integrum. Deinde ablega-
ti ad gentes peregrinationem absoluerunt intra annos V. Restant ergo anni duo quibus Antio-
chiæ prædicarunt Christum. Eo modo colliguntur anni prædicationis Pauli XIII.

C A P V T V.

De Herode magno & successoribus eius in regno Herodiano, de interitu & S. Iacobi & vinculis S. Petri.

NON pergami in rebus & temporibus S. Pauli per censendis, nisi obiter & de S. Iacobi,
fratris Iuannis Euangelistæ, interitu, deque vinculis S. Petri dicam. Cæterum ea res ex
acte intelligi non poterit, nisi prius Herodum regum historia & successio delineetur.
Et opere prætium quidem videtur ista, quod in scriptis Noui testamenti frequen-
tissima ipsorum habeatur mentio, in transcurso attingere.

Herodes ille magnus Antipatris Idumæi exiit filius. Antipater pater eius toti Idumæe præ- *Herodes magnus.*
fectus fuerat ab Alexandro rege & pontifice Iudæorum. Quæ ex re multas sibi conquisiuit opes
potenti, quæ non aspernandam, adeo ut per hæc in amicitiam perueniret Romanorum: quorum
opera Herodes filius primum tetrarchæ, deinde rex Iudææ designatus est, M. Antonio præfer-
tim adiuvante. Aduersabatur tum temporis Herodi Antigonus: sed hoc deuictus Iudæam & Ga-
lilæam prorsus in suam redegit potestatem. Multos ex diuersis vxoribus liberos suscepit, quo-
rum tres ipse necauit, Alexandrum, Aristobulum & Antipatrem: reliquit rursus tres, Herodem
cognomento Antipam, Archelaum & Philippum. De alijs eius liberis nulla mihi cura.

Mortuo patre oborta est inter filios lis & concertatio de regno: quam ob rem Cæsar tetrarchas *Diuisum re-*
chias seu toparchias instituit. Cessit autem Archelao Iudæa, Idumæa & Samaria. Herodi Antipæ *gnus Herodis*
data est Galilæa. Philippus accepit Bathaneam, Trachonitidem & Auranitidem, &c. Ex his Ar- *in Tetrarchi-*
chelaus Iudæis & Samaritis talem se regem vel toparcham præstitit, ut à Cæsare post annum præ- *Archelaus.*
fecturæ aut toparchiæ nonum deportari iuberetur in exilium. Toparchia vero ordinante Cyre-
nio, viro consulari & legato Romano, assignata est Cupinio primo Iudææ rectori & præfecto à
Romanis imposito. De quo aliàs dicemus.

Herodes interim Antipa fruebatur sua Galilæa, regnauitque in ea à diuiso per Augustum regno *Herodes Antipater.*
annis circiter XXXVI. E regno autem hac occasione electus est. Herodis Antipæ frater à patre

Agrippa Herodes.

occisus Alexander (alij Aristobulum pro Alexandro reponunt) reliquerat filium Agrippam. Id cum Romæ in Cæsarum familia aleretur, grauatus Tiberij Cæsaris odio, quod Caio videretur immodice fauere, in vincula coniectus est. Igitur mortuo Tiberio, & Caio Cæs. in imperium euecto, eruitur ex carcere Agrippa. Imponit item Agrippæ diadema regum Caius, & donat ipsi tetrarchias Philippi & Lysaniæ nuper defunctorum. Quod cum intellexisset Herodes Antipa, festinat & ipse Romam à Caio regnum & nouum & auctius postulaturus. Id adeo non impetrat, vt & ipse sicuti frater Archelaus in exilium eiectus, Agrippam in tetrarchia Galilææ haberet successorum. Eidem Agrippæ, defuncto Caio Cæs. Iudæam & Samariam donat Claudius Cæs. ita vt vniuersum ferè aui sui Hero. lis magni regnum obtineret liberalitate principum Romanorum. Verum non fuit regnum eius diuturnum propter tyrannidem & crudelitatem. Hic enim Agrippa ille ipse Herodes est, cuius Lucas in Actis 12. cap. meminit: Agrippa videlicet appellatus nomine, cognomine Herodes. Herodis enim vocabulum regulis ex Herodis prosapia descendentibus, attribui cœpit, sicuti Cæsaris & Augusti datum est omnibus Iulium Cæsarem & Octauium Augustum insequentibus Romanis principibus. Hic Herodes circa finem regni sui, cum non ita post multos dies Cæsaream Hierosolyma descendens, superbe concionaretur & percuteretur ab angelo Domini, Iacobum Apostolum gladio truncari præcepit, & Petrum Apostolum in vincula coniecit, vt eundem peractis paschæ ferijs feriret gladio. Verum liberatus est à Deo opera angeli ex cruentis tyranni manibus Petrus, & interijt condigna, factis suis morte crudelis tyrannus.

Agrippæ regis interitus.

Hinc clarum est toto cœlo ab alijs errari, quibus visum est S. Iacobum XXI. Tiberij Cæsaris anno gladio Herodis percussum occubuisse. Hierosolymis enim cæsus est Iacobus. At Galilææ præerat Herodes Antipa. Iudæam eo tempore regebat Pontius Pilatus. Eodem tempore Herodes Agrippa Romæ viuebat priuatus, imò paulò ante mortem Tiberij ab ipso conijciebatur in vincula: deinde demum emergebat in regnum sub Caio.

Agrippa iunior.

Porro Herodes ille Agrippa interijt Cæsareæ anno ætatis suæ LIII. & regni quidem Iudaici III. à Galilæa indepta & patruo suo Antipa relegato in exilium IIII. & ab acceptis tetrarchijs Philippi & Lysaniæ VII. Reliquit filias tres Bernicem, Mariam & Drusillam, ac filium & ipsum Agrippam vocatum. Quo tamen aliquod esset inter Agrippas illos discrimen, pater appellatur Agrippa Priscus, filius Agrippa iunior. Hic X. Claudij Cæsaris anno in parte regni patrij, permissione & liberalitate Claudij regnare cœpit: adiecit Nero Galilæam regno Agrippæ, regnauitque vsque ad bellum quod Galilææ à Vespasiano illatum est, annos circiter XX. Hic idem ille rex Agrippa est apud quem S. Paulus causam suam agit & grauissime perorat stans in catenis Cæsareæ præsidente Romanorum Portio Festo præside: sicuti copiose narratur à Luca in Actis cap. 26. His ad hunc modum obiter consignatis, redimus iam ad intermissam sancti Pauli peregrinationem continuandam.

C A P V T V I .

De professione Pauli tertia, qua per Phœniciam & Samariam ascendit Hierosolymam in Synodum. Inde redijt Antiochiam: perambulauit Syriam Ciliciam & Lycæni- am: præterea conuertit Galatiam Phrygiam & Mysiam.

Paulus proficiscitur Hierosolymam in Synodum.



ANNO Conuersionis Pauli XV. ascendit Paulus vnà cum Barnaba & Tito per Phœniciam & Samariam, apud quos interim & obiter prædicarunt Euangelium, Hierosolymam. Professionis huius hæc erat causa. Cum apostolus Antiochiæ multis diebus demoraretur ac pro fide & diligentia sua acriter & sedulo inculcaret per gratiam Domini nostri Iesu Christi in fide iustificari credentes: non per legem, non per opera aut merita hominum vlla: reperti sunt Antiochiæ, qui à pharisaismo Iudaismoq; ad fidem Christi conuersi, & à Beato Hieronymo Nazarei appellantur vel Minæi, fatebantur & ipsi Iesum esse Messiam Dei & hominis filium, saluatorem mundi, passum, resuscitatum, sublatumque in cœlos, sedere ad dextram patris. Ea omnia cum Paulo habebant communia. Verum contendebant interim Christum aut gratiam Christi fide à nobis receptam non sufficere ad plenam iustificationem. Asserebant itaque fideles in Christum non posse iustificari fide sola per gratiam Christi, nisi simul circunciderentur & seruarent legem, obseruationeq; præceptorum pararent sibi plenam iustitiam.

Dissidium Apostolicum Nazareis.

Contra horum assertionem modis omnibus prædicabat & defendebat cum Barnaba Paulus foris

lus sola Christi gratia per fidem plene iustificari credentes, adeoq; legem aut circumcisionē non iustificare. Habebant utrāq; partes, ut sit, suos affectus & fautores. Et Pauli quidem doctrina premebatur suspitione leuitatis ac petulantia, quasi doctrina sua licentiam & ansam peccandi hominibus carnalibus præbere videretur. Cōtra Phariss. sententia apud hypocritas plus habebat auctoritatis & gratia, quod videretur iustitiam & sanctimoniam & tradere & tueri. Præterea qui legis obseruationem negabant, gloriabantur se in sua sententia habere Apostolos Domini, adeoq; & Ecclesiam Hierosolymitanam. Criminabantur Paulum nō esse Apostolum, neq; doctrinam eius per omnia cum Apostolorum doctrina congruere.

Hæc de causa maxime, iubente etiam, ut in Galatis ipse Paulus testatur, Spiritu sancto, Hierosolymam ascendunt utrarumq; partium corypheï dogmata illa sua explicaturi in Hierosolymitana Ecclesia coram Apostolis & senioribus, ut vel sic colliquesceret vtra partium haberet consentientem Hierosolymitanam Ecclesiam & Apostolos.

Ergo ubi peruentum esset in urbem & in ipsam coronam presbyterorum, inque conspectum totius Ecclesiæ, explicant suas sententias vtrunque, & disputatione feruentissima quarumque partium pro sua sententia dicit. Tandem beatus Petrus interposita sua sententia Paulinam pulcherrimis euidentissimisque argumentis approbat, exornat atq; confirmat, aduersariorum reijcit, confutat, auctoresque ipsos obiurgat. Producit in primis ipsius Dei factum, & modum exponit quomodo Deus iustificarit peccatores. Cornelius Centurio peccator fuit. Hunc iustificauit Deus. Iustificandi modus hic erat, iussit me (inquit Petrus) prædicare Cornelio Euangelium. Prædicaui. Credidit. Protinus ergo testimonium cælitus, dimisso Spiritu sancto specie visibili, perhibuit quod Cornelius fide in Christum purgatus sit. Super impium enim non requiescit spiritus Domini. Et qui nouit corda hominum spiritum demisit, ut non sit dubium, quin plene purgatus & iustificatus sit. Et hæc tamen omnia sine circumcisione & adnunculo legis perfecta sunt, nec iussus est Cornelius se circumcisioni & legalibus subijcere: unde consequens est fide homines absq; lege plene iustificari. Proponit deinde modum & rationem qua non Apostoli modo sed omnes tantu patres iustificati sunt. Tamen, inquit Petrus, abest ut lege iustificemur, ut ne & nos neq; patres nostri ferendo fuerimus. Vnde ergo & quo modo iustificati sunt? Per gratiam Donati scilicet Christi credimus nos saluos futuros quemadmodum & illi. Gratia ergo iustificantur omnes credentes, non per legem. Interea aduersarios Pauli obiurgans & his magnam iniquitatem impingens ait, Quid tentatis Deum ut imponatur iugum super ceruices discipulorum? Nam nō leue reclus est tentare & prouocare Dominum: item colla libera feruili iugo implicare. Hæc de sententia Petri hætenus.

Hoc tacente narrat Paulus & Barnabas ingentia miracula, quæ Deus passim inter Gentes circumcisos per ipsos fecisset: ut vel ex Dei operibus & beneficijs præstitis Gentilibus, fide non lege purgatis, colligerent sancti quod fides seu gratia Christi sine lege absolute sanctificat.

Iacobus quoque Alpheï, Apostolus Christi, cuius illa est epistola quæ inter Catholicas prima ponitur. Petri verba approbans, locum scripturæ profert ex Amos propheta de salute Gentium. Dicit propheta Iudeos propter peccata excidendos esse, in locum autem ipsorum Gentes surrogandas. Nam Tabernaculum Davidis est Ecclesia Christiana. Neque alium modum receptionis in Ecclesiam & in locum reiecti populi Iudæi commemorat, quam fidem. Fide enim requirimus Deum. Censet itaque & Iacobus, doctrina cuius prophetica, iugum ceruicibus fidelium non esse obturbandum. Porro ne conuersæ Gentes abuterentur sua libertate contra Iudæos & contra disciplinam, suadet Iacobus pauca quædam singulariter Gentibus conuersis iniungenda esse, quo & charitas constaret & ex libertate non fieret licentia. Charitas iubebat abstinere ad tempus à suffocato & sanguine: disciplina etiam Christiana dictabat abstinendum esse ab idolothytis & à fornicatione: de quibus apud Gentes leuius & clementius iudicabatur; quam decebat.

Iam etiam his omnibus accedunt primum quidē Consensus totius Ecclesiæ. Deinde Legatio, quæ mittenda decernitur, & ea quidem singularis. Deliguntur viri præstantissimi primi q; in Ecclesia nominis, Iudas & Silas, quibus coniunguntur Paulus & Barnabas, ut vel hinc cōstaret hos solida potitos victoria, iam veluti triumphare, imo veritatem per ipsos propositam, ab aduersarijs autem impetitam, triumphare. Postremo scribuntur & tabulæ publicæ ad æternam rei memoriam, omnibus temporibus & saculis in omnibus Ecclesijs retinendam.

Comprehendunt autem Tabulæ publicæ seu Synodalis epistola tria potissimum. Principio enim perstringuntur aduersarij Pauli & confutantur imò redarguuntur mendacij. Dixerant enim se descendisse ab Apostolis prædicatum Gentibus, quod has oporteat & circumcidi & ser-

Sola Christi gratia per fidē iustificari credentes. Occasio plerunq; epistolarum Pauli.

S. Petrus probat & confirmat doctrinam S. Pauli.

Modus iustificandi quo Deus iustificat.

Modus quo propheta & Apostoli omnes iustificati sunt.

Miracula præstant fidei iustificare.

Iacobus in negotio iustificationis consensit Petro & Paulo.

Consensus totius Ecclesiæ & Legatio.

Publicū instrumentum, et Synodalis epistola scribitur.

uare legem, siquidem vere iustificari velint. At Apostoli & Hierosolymorum Ecclesia fatetur illos quidem egressos Hierosolyma, sed illud non accepisse in mandatis quod inculcabant Ecclesijs. Vbi simul ostendunt qualis sit eorum doctrina, perniciofa. Turbat enim, inquit Apostoli, inuoluit & labefaciat imò subuertit animas fidelium. Deinde ornat Synodalis epistola delectos Legatos, præsertim vero Paulum & Barnabam, vt inde omnes intelligerent omnibus Apostolis & presbyteris Hierosolymitanis optime in omnibus conuenire cum Paulo. Sicut & ipse Paulus ad Galatas testatur, quod dexteras socias coniunxerint. Postremo decreti Synodalis compendium & summam commemorant. Nolunt post prædicationem Euangelij quicquam oneris imponere Ecclesijs fidelium, nisi vt sibi caueant ab idolothytis, a scortatione, a fufocato & sanguine.

Robur septem-
pliciis testimo-
nij.

Proponitur in hac Synodali sacrosancta Aëtione aut sessione robur septem-
pliciis testimonij pro fide in nostra Christiana orthodoxa & Catholica, (Gratia videlicet Christi per fidem iusti-
ficari credentes, non per legem aut vlla vel opera vel sacramenta) afferenda & confirmandæ:
nempe & in primis quidem ipsius æterni Dei factum quo iustificauit Cornelium. Deinde ex-
emplum & iustificatio omnium sanctorum patrum, etiam Apostolorum Christi. Hinc miraculo-
rum virtus. Inde scripturarum testimonium. Rursus omnium sanctorum & totius Consilij con-
sensus. Præterea Legatio clarissima: non à latere Pent. Romani, sed ex Vniuersali Consilio Apo-
stolorum, & ex visceribus verissimæ & sanctiss. Ecclesiæ Iesu Christi. Postremo Tabulæ vel lre-
ræ Synodales. Si quis plura aut alia præter hæc requirit, cum ratione insanit, imò contra ratio-
nem petulanter & impie agit. Exposuimus hæc Acta Synodi paulò copiosius non sine vtilita-
te, opinor, lectorum, neque contra consilium & institutum huius operis, in quo Pauli tempo-
ra & res perstringimus & disponimus. At inter res Pauli gestas hac vna nulla est illustrior, &
quam editis literis copiosius, diligentius, firmitus & sedulo magis tractarit atque repetens in-
culcauerit nedum hominibus priuatis, sed publice omnibus per orbem Ecclesijs, quàm gratia
Christi per fidem iustificari credentes absque lege, &c. Ergo si hodie aut villo alio tempore in
Consilium coeat etiam vniuersus mundus, & diuersum ab hac definitione determinet, vtique
iuxta Pauli regulam anathema dicitur à nobis & omnibus vere Christianis Galat. 1. cap. Finita
controuersia & Synodo, reuertitur Paulus comitantibus se Barnaba Juda & Sila clarissimis &
pijsimis viris Antiochiam. Exponunt autem Ecclesiæ omnia quæ facta fuerant in Synodo Hier-
osolymitana: proponunt etiam epistolam Synodalem, & confirmant animos fidelium in verita-
te fidei Euangelicæ.

Apostoli rede-
unt Antiochia.

Pauli & Bar-
nabæ disidium

Repetit Pau-
lus Ciliciam Ly-
caoniam, &c.
Timotheus.

Porrò post dies aliquot communicat Paulus Barnabæ suum consilium de reuiscendis Ecclē-
sijs superiore adeoq; secunda profectioe constitutis. Ac consensisset planè Barnabas, ni huma-
num aliquid passus Apostoli sanctissimi propter Ioannem Marcū, qui ab eis in Pamphilia defece-
rat, & Hierosolymam redierat, in grauissimam contentionem incidissent. Ex ea enim diuulsi, Bar-
nabas quidem Ioan. Marcum sibi iunxit, & in Cyprum nauigauit, Paulus vero allecto Sila, animi
& propositi sui cōsilium exequens, profectus est per Syriam in Ciliciam, ex ea transijt in Lycao-
niam. In ea coniunxit sibi ex vrbe Lystra Timotheum singularem & celebrem Euangelij Christi
præconem, ad quem duas scripsit epistolas, quem & genuinum appellat filium, vtpote cum ali-
bi scribat neminem se habere qui res Ecclesiæ fidelius procuret, quàm hunc ipsum Timothe-
um. Quo autem maior & vberior esset huius discipuli apud & inter Iudæos vsus, circumcidit i-
psum, quod omnes nossent patre gentili esse genitum.

Conuertitur
Galatia, Phry-
gia, Mysia.

Supputatio
temporum.

At postquam omnes illarum regionum Ecclesias confirmassent satis, transferunt in Phry-
giam, inde in Galatiam, postremo etiam in Mysiam, quas regiones omnes fulgore Euangelij illu-
strarunt, & ex tyrannide satanæ pertraxerunt in regnum Christi. Considerunt tandem Troade.
Ista vero omnia videntur intra biennium esse absoluta, hoc est anno conuersionis Pauli XV.
& XV I. protinus à Synodo Hierosolymitana supputatis. Nec vero dissimile est intra breue hoc
tempus potuisse Phrygiam, Galatiam, & Mysiam conuerti. Vicinæ enim gentes Lycaones & a-
liæ nonnullæ, iam olim fuerant conuersæ ad Christum, sparserantq; haud dubie & famam & præ-
dicationem Euangelij Christi in vicinas gentes quàm fidelissime remotissimeq; vt iam minore
opera ad Christum adduci potuerint quàm Barbaræ & rudes Christi prorsus regiones, quales
fuerant Pisidia, Pamphilia, & Lycaonia præcipuè, apud quas testatur Apostolus 2. Timoth. 3. mul-
tum se laborasse, multaq; perperissum fuisse.

Et quæ hætenus per hoc caput tractauimus, ex beato Luca mutuauimus, qui in 15. & 16. capite
hæc ad huncmodum tradit. Idem ibidem author est Paulum ab Asia & Bythinia, quo minus his
prædicaret regionibus, fuisse abstractum, nimirum quod Dominus statuisset tantū Apostolum
mittere

mittere in Græciam, quæ hætenus præ omnibus regnis mundi rebus in mundo præstantissimis claruerat, ac etiamnum excellebat.

C A P V T VII.

De professione Pauli in Macedoniam & Græciam, & de vtrâque eius ad Thessalonicenses epistola.

IRROADE ergo visionem diuinitus obiectam habuit Paulus, quæ ipsum vocabat in Macedoniam. Vider enim Macedonem occurrentem implorantemque auxilium, atque dicentem, Profectus in Macedoniam succurre nobis. Ea ex re certò intelligebat se vocari in Græciam ad prædicandum ipsis Christum, per quem solum hominibus obuenit vera salus, & salutare auxilium. Relicta ergo regione Troiana, & nauim ingressus nauigat per mare Ægeum, attingitque felicissimo cursu Neapolim, vnde migrat Philippos Macedoniarum urbem. In ea conflictatur cum satana, qui se semper optimus & salutaribus Dei consilijs obijcit, & qui modo per Pythonicam quandam puellam sese exerebat, ac Paulo blanditijs imponere satagebat: verum nihil effecit. Paulus enim eiecto satana, plures ad fidem Christi conuertit: inter quos primum locum tenet Lydia illa purpuraria, quæ in Macedoniam profecta ex Thyatirorum Asiæ oppido, mercaturam exercebat. Quanquam vero è Pythonica eiectus esset satanas, non quieuit tamen. Domini enim vaticinæ videntes sibi perijsse quæstum longe vberissimum, idque Pauli opera, quasi in furorem versi, Paulum inuadunt ceu hominem pestilentissimum, ac commotis turbis tantum efficiunt insanis clamoribus, vt Paulus vnâ cum comite Sila, vterque, inquam, caderetur virgis, deinde concluderetur in carcerem publicum. Quæ res cessit optime custodi carceris. Ea enim occasione ad fidem Christi pertractus, & cum vniuersâ domo sua numero infertus est filiorum Dei. Id quod Lucas fuse & eleganter narrat Actorum cap. 16. Postridie expositulante Paulo cum magistratu de contumelia & iniuria accepta, non sine honore dimittitur.

Peragrans ergo Amphipolim & Apolloniam, perueniunt Thessalonicam totius Macedoniarum metropolim. Hospitantur apud Ialonem. Introitus in hanc urbem, quemadmodum ipse in epistola ad Thessalonicenses testatur, fuit admodum periculis obnoxius, & ærumnosus, ideoque docte, diligenter & prudenter in synagoga diserebat de Christo Domino. Nec carebat fructu insigni fidelis Apostoli diligentia. Complures enim conuertebantur ad Christum. Quæ res impijs occasionem dedit tumultuandi. Sed fideles rebus Pauli & Silæ consulentes, eos mature emiserrunt Berrhæam. Hic cum summa fide & diligentia ex scripturis prædicaret Christum, & auditores prædicata conferrent cum scripturis, inuenirentque Pauli prædicationem congruere per omnia cum scripturis sanctis, ac ideo multi fidem Christianam reciperent, ad sunt denuo hostes iurati veritatis Iudæi, ac turbas commouent. Paulus ergo opera fidelium eripuit ex seditione, à fratribus Athenas vsq; deducitur in Atticam vel Græciam. Manent interea apud Berrhæensem Silas & Timotheus.

Fuerunt autem Athenæ celebres opinione sapientiæ. Erant Athenis omnis generis philosophorum sectæ vel hæreses; ac cum præcipuis disputabat Apostolus, nempe cum Stoicis & Epicureis. Dolebat pijsimo ardentissimoque pectore, urbem vsque adeo celebrem & sapientiæ opinione famigeratam deditam esse simulachrorum cultui, rei stultissimæ & per omnia absurdissimæ. Nam quis nostrum æquo animo ferat se appellari idolum: at infania hominum dicit idolum specie referre Deum. Proh pudor. Pertractus in vicum Marcium, doctissime concionatur, vt vsquam vnquam. Orationem eius eruditissimam & selectissimam describit Lucas in Actis Apostolicis capite 17. vbi etiam reliqua quæ diximus de gestis Thessalonicæ & Berrhææ fusius tradita legas.

Nuspam autem minore cum fructu quàm Athenis docuit. Nec mirum, cum ibidem fuerit ceu lustrum & latibulum quoddam philosophorum, qui semper extitere præsentissima veritatis pestis. Sed & Paulus alicubi meminit ex Thessalonica & Corintho per omnem Macedoniam & Græciam propagatum esse Euangelium. Athenarum nuspam meminit, tametsi Atticæ seu Græciæ esset caput atque metropolis. Athenis operitur Silam & Timotheum, quos sine mora per eos ad se venire præcipit, qui ipsum Athenas deduxerant Berrhæenses, iam vero domum reuertebantur.

Porro ex Athenarum vrbe, dum in ea Silam & Timotheum expectat, arbitrantur plerique

Vocatür & Paulis vñs me celestis in Græciam.

Philippi.

Thessalonicæ.

Berrhææ.

Athenæ.

Nuspam Paulus minore cū fructu docuit quàm Athenis.

*Dux ad Theff.
epistolæ.*

Scriptam vtrunque Pauli ad Thessalonicenses epistolam. Quid si credamus scriptas è Corintho? Sunt enim coniecturæ quæ huius aliquid innuunt. Ipse enim Paulus testatur in 2. & 3. cap. prioris ad Thessalonicenses epistolæ se semel & iterum voluisse venire ad Thessalonicenses, sed obstisse satanam: cum autem ferre desiderium amplius non potuerit, Athenis se resedisse solum, ac Timotheum misisse Thessalonicam, vt confirmaret Ecclesiam. Apparet ergo Silam & Timotheum ita vt præceperat Apostolus, sine mora à Berrhœa soluisse, & Athenas peruenisse ad Paulum: licet id non exprimat in Actis Apostolorum. In his cap. 18. reditus Silæ & Timothei ex Macedonia mentio fit, hisce verbis, Cum venissent autem è Macedonia (Paulo apud Corinth. agent) Silas & Timotheus, coartabatur spiritu Paulus, &c. At hic reditus posterior erat. Nam eius etiam meminit in 3. cap. prioris ad Thessal. dicens, Nuper autem cum venisset Timotheus ad nos à vobis, & annuntiasset nobis fidem & dilectionem vestram, &c. Ideoq; apparet eam epistolam scriptam ex Corintho. Nec obstat quicquam quod Lucas meminit reditus & Silæ & Timothei, Paulus Timothei tantum. Cum enim vterq; venisset ad Paulum Athenas, videtur remisisse Silam Berrhœam, & Timotheum Thessalonicam, ipse quoque profectus Corinthum. Dum vero ex Thessalonica rediret Timotheus, ex itinere haud dubie secum adduxit Silam, ita vt vterque Corinthum perueniret ad Paulum. Nihil præscribo: volo vt quisque quo veritati maxime consentaneum videatur sequendum deligat. Certe Athenis Paulum conuenisse Timotheum indubitatum est. Siquidem hunc Thessalonicam misit ex Athenis. Certum est breue tempus esse quo Athenis hæsit Apostolus. Certum est Corinthi ad Paulum venisse denuo Timotheum. Iam vero & illud certum est, primæ ad Thessal. epistolam scriptam esse post secundum Timothei ad Paulum reditum. Certe in capite epistolæ & Silæ meminit & Timothei. Delige iam quod maxime videatur veritati esse consentaneum.

*Quæ tractentur
potissimum
in auabus ad
Theff. epistolis*

Ex argumento autem posterioris epistolæ ad Thessalonicenses apparet, & ipsam non ita longo intervallo scriptam post priorem, atque ideo & ipsam à Corintho esse missam. Alij volunt ex Athenis scriptam. Vtunque vero id habeat, certum tamen est has epistolas inter Paulinas lucubrationes primum & ante omnes alias esse editas. Tradiderat Apostolus voce viuâ, & quantum erat satis mysterium fidei & Christi iustificantis, ideoque contentus erat id pauculis hisce verbis attingere. Alij de vobis narrant quomodo conuersi fueritis ad Deum à simulachris, vt seruiretis Deo viuenti & veraci, & expectaretis filium eius de cælis, quem excitauit à mortuis Iesum, qui liberat nos ab ira ventura. Proinde ad alia tractanda conuertitur, ad ea maxime quæ pertinebant ad confirmationem in fide semel recepta. Perficit in primis tribus cap. Tradit deinde inter alia salutaria illarum epistolarum dogmata doctrinam longe pulcherrimam, & in primis Græcis aut Ethnicis necessariam, de abstinencia & temperantia, deque casto & sobrio totius corporis omniumque membrorum usu, ne ipsa polluamus libidine, crapula, luxuria. Præcipit de iustitia vera contra omnem iniustitiam, contra imposturas & otium iners, ne hoc vel computrelamus, vel alijs onerosi simus, vel artibus veterarijs proximos circumscribamus. Clarissime disserit de vera corporum ex mortuis resurrectione, de spe fidelium & vita æterna, denique de die & iudicio extremo, de præmio pijs, & pœna supplicioq; æterno impijs constituto. Exhibet præterea toti mundo Antichristum, & hunc quidem sic distinctum suis coloribus, vt hodie nemo nisi cæcus illum agnoscere possit. Is enim est qui ex iamdudum diuiso & dilapso Romano imperio ortus, iam nunc in sede illa confidens sese venditat pro rege, pastore, iudice & pontifice summo, pro capite totius Ecclesiæ, pro Christi in terris vicario, qui clauis potestatem ne teneat vitæ & mortis, cæli & inferorum, &c. Hunc vero reuelatum & confectum hodie in omnium penè fidelium cordibus propediem vincet deiiciet & abolebit ipse verus rex, pastor, iudex & pontifex noster vnicus Iesus Christus glorioso suo aduentu in iudicium. Cui soli sit honor & gloria. Porro doctrina hæc necessaria est, quam norint omnes, nesciant nulli, ideoque descripta primum ab Apostolo Paulo prima inter omnia alia sua argumenta, merebatur vt paulò copiosius de ea quoque commentaremur.

*Supputatio
temporum.*

Porro Macedoniam & Athenas videtur perlustrasse, fidei fundamenta passim per Ecclesias iecisse intra menses X. Tres menses reliquos, qui supersunt de anno Claudij V I I I. qui erat Conuersionis Pauli X V I I. tribuere oportet tempori quo Corinthijs prædicauit: quemadmodum ipse temporum & rerum contextus mox euincet.

C A P V T V I I I.

*Paulus venit Corinthum, prædicat Corinthijs Euangelium, deinde soluens Corin-
tho, Ephe-*

bo, Ephesum desertur, inde transfretat in Syriam, deuenitq; Hierosolymam. Et de temporum supputatione.

DIGRESSVS Athenis Paulus Corinthum peruenit. Appellauit hanc Cicero lumen Græciæ. Opulentissima, & ideo luxui quoque prorsus addicta & immerita erat. In ea tamen vrbe testatur ipse Dominus per visionē Paulo apparens, quod populū habeat multū. Vbi in primis immensam Dei misericordiam inspicere & admirari licet. Diligentissimè docuit Corinthi Apostolus: & primum quidā prædicauit Iudæis in Synagoga Christum, quem demonstrabat verum & expectatum esse Messiam, vnicum mundi salutorem. Conuictis autem non rationibus & argumentis agentibus & pugnantibus contra Paulum Iudæis, vestibus suis in illos excussis, diuertit ad Gentes. Interea lucrifecit Domino Crispum archisynagogum virum clarissimum: deinde conuertit ad fidem Christianam Corinthiorum ingentem multitudinem. Quare excitati inuidi Iudæi, apprehensum Paulum pertraxerunt ad tribunal Gallionis Romani apud Corinthios Proconsulis. Sed ipse sua frustrati, coacti sunt videre Paulum & liberum quidem omnibus Euangelium prædicare & prædicando quam latissime regnum Christi propagare. Sosthenes archisynagogus Pauli accusator & Iudæorum corypheus, pugnis abunde satis coram tribunali Proconsulis contundebatur, ne verbo quidem minimo auctoritatem suam interponente Proconsule. Docuit autem Corinthi annum integrum & menses VI.

Deinde circa Pascha, aut paulo post Pascha, soluit ē portu Cenchreensi, ac comitante ipsum Aquila & Priscilla delatus est navigatione prospera Ephesum, vbi fideles vt apud se maneret & prædicaret postularunt, sed non impetrarūt. Nam ibidem reliquit comites, ipse vero profectus, festum Pentecostes celebrauit Hierosolymis.

Reliquum est vt iam ineamus supputationem anni & mensium sex, quibus Corinthi mansit Apostolus. Summe itaque ex Claudij Cæsaris anno octauo menses tres: deinde numera integrum annum Claudij nonum, rursus autem summo ex decimo Claudij anno menses tres, vt videlicet feriis Paschæ profectus sit Paulus Ephesum: reliquas septimanas ad diem vsque Pentecostes tribue navigationi in Syriam vsq; Iuuat & confirmat hanc nostram supputationem non nihil id quod Actorum 18. in hæc verba legimus, Diuertit autem Paulus ad Iudæum quandam Aquilam, qui nuper venerat ab Italia: eo quod præcepisset Claudius omnes Iudæos Roma decedere. Nec obstat supputationi quicquam quod Eusebius ex Iosepho scribit, Iudæos 1 X. Claudij anno vrbe esse pullos. Fieri enim potuit vt Aquila decretum quod præsciuit, præuerterit, & ita Apostolo hospitium Corinthi circa finem octauī anni Claudij aperuerit. Præterea non infrequens est ea quæ in fine præcedentis anni sunt: referte ad principium mox sequentis anni. Vt iam non commemorem Eutropium libro Romanarum rerum 8. testari Iudæos Roma pullos VIII. Claudij anno. Vtunque vero id habeat, series & contextus totius historię Paulinæ hanc supputationem nostram permultum approbat.

C A P V T IX.

De profectione Pauli quarta, qua Hierosolyma Antiochiam redijt, Galatiam & Phrygiam perlustrauit, Ephesum peruenit, quid ibidem egerit. De epistola item Pauli 1. ad Timoth. & 1. ad Corinthios.

EST O peracto, & salutata Ecclesia, digressus rursus Hierosolyma Paulus, descendit Antiochiam, vbi postquam aliquantum temporis demoratus fuisset, reuisit & ordine rursus peragrat Galatiæ & Phrygiæ Ecclesias, superioribus annis fundatas. Ea profectione attigit etiam Laodiceam. Est autem Laodicea insignis vrbs posita in confinio Galatiæ & Phrygiæ Pacatiæ, vt eadem & Galatiæ & Phrygiæ tribui possit: id quod non raro fit circa vrbes in terminis regionum collocatas. In hac autem vrbe videtur Apostolus scripsisse priorem ad Timotheum epistolam. Nam inscriptiones eius epistolæ sic habent, Missa fuit ex Laodicea, quæ est metropolis Phrygiæ Pacatiæ. Est alia quoque Laodicea Lyco anni impo-
Laodicea Galatiæ & Phrygiæ.
1. Ad Timotheum epistola.

fit, quam & ipsam posuerunt quidā in Phrygia, quidam vero in Caria, sicuti & Hierapolim Laodiceæ vicinam. Ab his non procul Colossæ iacent. Cæterum Paulus 2. ad Colossenses capite testatur se nunquam vel Colossarum urbem vel Laodiceam vidisse: vnde conijcere licet epistolam eius ad Timotheum ex ea vrbe non esse scriptam, in quam nunquam peruenit. De vtraque tamen Laodicea, denique de epistola prima ad Timotheum & de epistola ad Colossenses, hunc lo-

eum Pauli ad Colossenses multi scriptores ecclesiastici intelligunt. Et cum recitata fuerit à vobis epistola, facite ut & in Laodicens. Ecclesia legatur: & eam quæ scripta est ex Laodicea, vos quoque legatis. Iubet Apostolus ut Colossens. suam epistolam communicent Laodicens. Ecclesiæ, & rursus Laodicens. communicent eam epistolam Colossens. quam Paulus quondam scripserat ex Laodicea. Id quod exponunt de epistola 1. ad Timotheum. Quanquam sint, ut nihil dissimulem, qui putent ex Laodicea ad Paulum scriptam esse epistolam, quam remiserit ex Roma, iusseritque recitari in Ecclesia Colossens. Alij arbitrantur Paulum nunquam peruenisse in Laodiceam Galaticam, atque ideo intelligendam in præsentī Caricam Colossis vicinam. Si vero non fallit coniectura & inscriptio epistolæ, apparet Paulum ex Macedonia in Asiam & deinde in Syriam superiore peregrinatione nauigantem unā cum Aquila & Priscilla reliquisse Timotheum Ephesi, & nunc ex itinere cum Laodiceam attigisset Timotheo scribere, ad quem mox ipse quoque venturus esset.

Atqui cum his plane non congruunt quæ ipse Paulus in principio epistolæ his verbis prodit, Quemadmodum rogavi te ut remaneres Ephesi cum proficiscerer in Macedoniam. Vnde sunt quibus videtur primam ad Timotheum ex Macedonia esse missam. Sed non possum horum recipere sententiam. Nam cum Lucas non meminerit nisi duarum profectionum Pauli in Macedoniam, prioris quidem cum à Troade Philippos nauigaret, & posterioris qua ab Epheso in Macedoniam traiecit: ac in prima profectione constet Timotheum Pauli fuisse comitem, utpote quem Athenis expectauit & Thessalonicam remisit: in secunda vero profectione certum sit Timotheum unā cum Erasmo in Macedoniam præmissum, & ex Macedonia iterū in Asiam Paulum fuisse comitatum: relinquitur certe in dubio unde & quo tempore prior ad Timotheum epistola Pauli scripta & missa sit: nisi forte librariorū errore commissum videatur ut in principio epistolæ ad Timotheum prioris *ex Macedonia* scriptum sit pro *in Macedonia*, Cum proficiscerer ex Macedonia, rogavi ut remaneres Ephesi. Sed iudicium esto apud sedentes.

Ephesum venit Paulus.

Virtus stantia comminuta est: Ephesi prædicatione Apostoli.

Peragrans autem Asiæ minoris partibus illustrioribus, Ephesum tandem declinauit Apostolus. Ephesi docens Euangelium multa designauit miracula. Curabatur enim virtute Christi, quem prædicabat Paulus, omnis generis morbi, eijciebantur spiritus immundi: ac conuertebantur ad Christianam religionem Iudæorum non pauci, Gentilium autem plurimi. Nam Lucas inter alia, Docuit Paulus, inquit, per biennium, ita ut omnes qui habitabant in Asia audirent sermonem Domini, Iudæi simul & Græci. Maxime vero insignia, quæ Ephesi facta referuntur à Luca, sunt hæc. Spiritus immundus adiuratus per Exorcistas quosdam qui sacris precaminibus & nomine Iesu quem Paulus prædicabat utebantur, conuersus in Exorcistas, in contumeliam & condemnationem artis impiæ, artifices impios fugauit & lacerauit miserabiliter. Ea re permoti, qui mathematicam, magiam, pythonicam, & incantationis curiosas inquam artes exercuerant hucusque, comportarunt libros illos suos magicos & mathematicos, ac palam coram omnibus igni concremarunt, supputatoque precio librorum, inuenerunt argenti myriades quinque. Ea summa quinque millia coronatorum, Budeo supputatore, valet.

Paulus idololatriam profugauit & sustulit bona ex parte.

Præterea fuit templum Ephesi inter memorabilia seu miracula orbis famigeratissimum præstantissimumque. De eo scripsit Plinius in hæc verba, Magnificentia vera admiratio extat templum Ephesiæ Dianæ, ducentis viginti annis factum à tota Asia. In solo id palustri fecere, ne terræ motus sentiret, aut hiatus timeret. Rursus ne in lubrico aut instabili fundamenta tantæ molis locarentur, ante calcatis ea substrauere carbonibus, deinde velleribus lanæ. Vniuerso templo longitudo est CCCXXXV. pedum, latitudo CCXX. Columnæ CXXVII. à regibus factæ, sexaginta pedum altitudine. Ex ijs XXXVI. cælatæ, unā à scopis. Et quæ sequuntur libro 36. capite 14. Ea vero maiestas, quam annis multis tota coluit Asia, intra biennium prædicatione Euangelica sic est conuulsa, & in cœnum proculcata, ut Demetrius argentarius quereretur planè & de artificio & de maiestate cultus deæ & templi esse actum. Ideoque idem ille ut laboranti religioni, & iam agenti in extremis medicaretur, tumultum excitauit ingentem & memorabilem. Verum ne sic quidem quicquam subsidij allatum est religioni, aut superstitioni verius impijssimæ. Coactus est quidem Apostolus solum vertere: sed permansit impermota Euangelij veritas. Narrantur purius & melius hæc omnia quæ hoc capite ferè perstrinximus à D. Luca in Actis cap. 19. & 18. Ostendunt autem magnum apud Ephesios Euangelij profectum, quippe cum ex eis certò colligamus regnum satanæ destructum & conuulsum prorsus, Christi contra regnum illustrissime excitatum & confirmatum fuisse. Faxit Christus rex & liberator noster, ut per eandem Pauli doctrinam hodie quoque regnum Antichristi potentissimum disijciatur, colligatur autem sancta Christi Ecclesia, viuat, & in veritate & pietate floreat. Amen Amen.

Tumulus Ephesinus excitatus propter superstitionem repandam instillatus.

Iam vt non nihil etiam dicamus de temporum ratione, videtur Apostolus iter illud suum absoluisse, ab Antiochia videlicet per Galatiam & Phrygiam Ephesum usque, intra menses plus minus V. vt in Octobre Ephesum peruenisse vero simile sit. Mansit autem Ephesi per biennium, nempe in autumnum vsque anni Claudij XII. qui erat conuersionis Pauli XXXI.

Supputatio temporum.

Constituit autem Apostolus ante seditionem per Demetrium excitatam reuifere ecclesias Macedonicas & Græcas, vnde Timotheum & Erastum præmisit paratum iter subsequenti. Sic enim Lucas tradit Acto. 19. cap. Circa hoc ipsum tempus scripsit Corinthiorum ecclesie eam epistolam quæ prima dicitur ad Corinthios. Ipse enim Paulus in 16. cap. prioris ad Corinth. *Prima epistola ad Corinth.* V. inquit, ad vos cum Macedonia transiero. Macedonia enim pertransiturus sum. Apud vos autem fortassis permanebo, aut etiam hybernabo, vt vos me deducatis quocunque proficiscar. Nolo enim vos nunc in transcurso videre, sed spero tempus aliquantum mansurum me apud vos, si Dominus permiserit. Commorabor autem Ephesi vsq; ad diem quinquagesimum. Nam ostium mihi apertum est magnum & efficax, & aduersarij multi. Et reliqua. Hæc videlicet omnia confirmant nostram sententiam quod missa & scripta sit prior ad Corinthios ex Epheso. Alij enim tradunt scriptam è Philippis. Atqui ita in Macedonia existens eam scripsisset, cum tamen ipse Paulus modo ita sit loquutus, vt appareat planè editam extra Macedoniam, Veniam, inquit, ad vos cum Macedonia transiero. Quod autem sæpe iam inculcaui, id repeto his iterum, abundet in his quilibet suo sensu.

C A P V T X:

De secunda Pauli professione in Macedonia & Graciam. Et de epistolis eius ad Titum, ad Corinthios 2. & ad Romanos.

ENNIO explero, in Autumno Epheso soluit Paulus, & traiecit in Macedoniam. *Labores Pauli in conseruandis ecclesijs.* In hac confirmac. olim constituit ecclesias. Quia enim longe maioris industriæ & diligentie est parta seruire quàm de nouo facultates parare, ideo totas repetit Lucas Paulum ecclesias iam pridè institutas visitasse, & in cognita veritate æconomiaq; ecclesiastica confirmasse: nimirum omnibus verbi ministris ad exemplum, quod & ipsi pari diligentia annituntur imitari. Ex Macedonia transiit in Græciam, id est Atticam & Achaïam, in qua non aliud facit quàm quod in Macedonia fecerat. Annotata autem Lucas Paulum in Græcia menses consumpsisse tres, Actorum 20. cap. Quod si totidem menses tribuas peragratæ Macedoniae, itineri autem conficiendo quasi mensem supputes, peruenies planè ad diem Paschæ, quæ a Apostolo cum suis celebrant Philippis. Lucas enim, Nos, ait, nauigauimus post dies ætiorum à Philippis, & venimus Troadem intra dies quinque. Erat hic annus Claudij Cæsi XII. conuersionis autem Pauli XXXI.

Intra breue hoc tempus dicuntur scriptæ & missæ tres epistolæ S. Pauli, ea videlicet quæ ad Titum extat, secunda item ad Corinth. & singularis famigerataq; illa ad Romanos. Epistola enim ad Titum dicitur scripta ex Nicopol, nimirum Aetaca illa seu Epiri in extremo fere flexu ad iunum. finis Ambracij sita. Sunt enim plures Nicopoles. Atqui nullibi scribitur Paulum peruenisse in Epirum. Scribit quidem ad Titum, Da operam vt venias ad me Nicopolim. Nam tibi decreui hybernare. Verum hinc nõ consequitur Paulum eo tempore quo epistolam scripsit fuisse Nicopolim. Certum est eam epistolam tum missam esse ab apostolo cum in Creta episcopam ageret Titus. Dubium vero an ante hæc tempora in Creta fuerit Paulus, & quando in Creta reliquerit Titum: tum eo tempore quo è portu Cenchreenfi solueret in Syriam, at eo tempore quo è Syria Ephesum redijt. Nam de his nihil tradidit Lucas. Certum tamè est epistolam ad Titum non antea esse scriptam, quàm Paulus redijt Ephesum. In fine enim epistolæ Apollo meminit, quem constat paulo antequam Ephesum rediret Apostolus sincerius, iectius, & plenius institutū ab Anula & Priscilla abijisse in Græciam. Coniectura itaq; est epistolam ad Titum ab Epheso esse scriptam, & eo quidem tempore quo Achaïam inuere constituerat, perq; Achaïam transire in Macedoniam. Ita enim ex itinere cogitabat in extremas Epiri partes deflectere, Macedoniae & Achaïæ continermas. Quod tamè consilium, postea mutasse rerum euentus docet. Tum fortassis Tito quoq; per internuncios significauit Troadem venire, ex qua in Macedoniam transire statuisset. Nam ex 2. ad Corinthios cap. 3. constat Paulum sperasse quod Titum eo loci inueniret. Interea Græciam ingressus Titus Corinthum peruenerat deflexurus Nicopolim. At cum intingeret Paulum ex Troade nauigare in Macedoniam, ascendit ipse ad Paulum, iam agentem

in Macedonia. Id quod perspicatius mox apparebit. Certe secunda hac profectioe epistolam ad Titum scribere nō potuit. Nam toto ferē tempore quo Paulus in Macedonia ac Græcia fuit, Titi vsus est ministerio: tantum abest vt epistolam ex Græcia in Creta iam agenti scripserit.

Secunda ad Corinthios epistola.

Secundam ad Corinthios arbitrantur nonnulli scriptam à Troade. Verum erroris sui pos- sunt reuinci ex tertio capite eiusdē epistolæ, & ex ijs quæ in septimō capite sequuntur de Tito. In 3. enim cap. dicit quod Troadē veniens Titum, vti sperauerat, non inuenerit, & ideo trans- fretarit in Macedonia. In septimō capite prædicat quomodo vehementer acceperit consolā- tionem ex aduentu Titi. Vnde consequens est Titum peruenisse ad Paulum in Macedonia, & ex Macedonia scriptā esse posteriorem ad Corinth. Vnde meo videre rectius illi sentiunt, quibus videtur à Philippis illam & scriptam & missam esse per Titum. Philippos enim ad Paulum ex Corintho, vbi ecclesias confirmarat, ascendens Titus & Paulum quærens, venit, fidemque, cha- ritem & humanitatem Corinthiorum Paulō prædicauit: sicut ipse Apostolus commemorat eius epistolæ septimō capite. Et quoniam Apostolus iam statuerat, vti & priore epistola fuerat pollicitus, proficisci Corinthum, præmittit Titum cum alijs quibusdam excellentibus viris & fratribus collectum contributionem egenis erogandam Hierosolymis, ne vel nihil collatum es- set in Achaia ecclesijs, vel tum demum collecta fieret, cum iam Paulus adueniret. In nono enim capite dicit, Noui promptitudinem animi vestri quam de vobis iacto apud Macedones. Quo- niam Achaia parata est ab anno superiore, & vestrum exemplum prouocauit quā plures. Mihi tamen hos fratres, ne gloria nostra qua gloriōr de vobis, inanis fiat in hac parte, vt quemadmo- dum dicebam, parati sitis, ne quo pacto fiat, vt si mecum venerint Macedones & offenderint vos imparatos, nos pudore suffundamur. Interea vero dum sic hæreret in Macedonia Paulus, neque ex Asia per portum Cenchreensem ingressus fuerat Corinthum, vti promiserat, sed à Troade Philippos delatus peruenerat, calumniabantur nonnulli pseudoapostoli Paulum, impingentes ipsi leuitatem & mendacium. Ideoque in eadem epistola capite primo, Et hac fi- duciā, inquit, volebam ad vos peruenire prius vt geminam apud vos inirem gratiam, & per vos transire in Macedonia, & rursus à Macedonia venire ad vos, ac à vobis deduci in Iudæam. Hoc igitur cum in animo versarer, num aliqua leuitate sum vsus? Et quæ sequuntur. Itaque præ- missi illi cum Tito fratres Corinthum abeunt, ac Paulō præparant mox sequenti omnia. Se- quens enim is paucis post diebus, per tres menses, sicut modo dixi, versatus est in Græcia, Co- rinthi maxime. Nam in fine epistolæ dicit, Hic tertius erit aduentus meus ad vos, In ore duo- rum testium & trium constituetur omne verbum. Prædixi & prædico, vt præsens cum essem iterum, ita & absens nunc scribo. Et cætera. Id enim perinde est ac si scripisset, Videor æmulis meis vana quædam tonare verba cum me ad vos venturum minitor, forsā quod negotia Chri- sti impediuerunt quod semel & iterum, vti promiseram non aduenerim. Quando vero lex Dei id ratum esse, certumque iubet quod duorum aut trium testimonio confirmatum est, & ego iam tertium polliceor me venturum, profecto iam adero, & hæc meas alteras literas mox inle- quar. Quod autem secundo aduentu meo, id est, cum in priore epistola secundō me in Achaia venturum promisi (cap. 4.) id absens modo repeto, præsens autem mox exequar. Cum virga enim veniam ad vos. Reliqua si libet lege & excute.

Cum vero tribus mensibus in Græcia & Corinthi versatus fuisset Apostolus, & iam statuif- set è portu Cenchreenfi soluere, inq; Iudæam nauigare, deprehendit insidias sibi strui à Iudæis, mutato itaque consilio, per Macedonia Philippos redijt: id quod Lucas recenset Acto. 20.

Epistola Pauli ad Romanos.

Iam vero Epistolam ad Romanos ex Corintho scripsit per Phœben, cuius ipse Paulus me- minit in vltimo cap. ad Rom. Et sunt quidē argumenta seu indicia clara, quibus ostendi potest epistolam ad Rom. scriptam esse è Corintho, & hoc quidem tempore, quo Apostolus statuerat ex Græcia nauigare in Syriam. Nam in 15. cap. ad Rom. manifeste scribit Euangelij Christi præ- dicatione omnia esse impleta à Hierusalem vsque ad Illyricum. Quod quidem in prima Pauli in Græciam profectioe nondum fuerat factum. Deinde in eodem cap. Nunc, inquit, proficiscor Hierosolymam ministrans sanctis. Visum est enim Macedonia & Achaia communicationem aliquam facere in pauperes sanctos qui sunt Hierosolymis. Adhæc in salutationibus eorum fa- cit mentionem quos certo satis constat Corinthios fuisse, Salutat vos inquit, Caius ho- spes meus & ecclesiæ totius. Salutat vos Erastus quæstor ærarius ci- uitatis: nimirum Corinthiæ.

CAPVT XI.

Paulus emenso mari Ægeo, Icario, Myrthoo, Carpathio, Lycio, & Syriaco Hierosolymam venit.

Troade siue Alexandriæ, binominis enim erat ea ciuitas, apud Troianos siue Dardanos mansit Apostolus dies septem. Cum his vno die sabbatorum, id est, primo die in hebdomada, quæ à Ioanne Apostolo in Apocalypsi appellatur Dominica dies, et nam Domini panem, hoc est celebravit mensam seu Cœnam Dominicam. Vetustas enim & ecclesia apostolica, Luca teste, officium sacrum & mysticum appellauit Fractionem panis. Ea sic erat tradita à Domino, Confluebant in cœtum ecclesiasticum fideles, his prædicabatur Euangelium, precabantur vnà omnes, & inuocabant nomen Domini. Deinde vero hinc rite absolutis proferebatur panis & vinum, sic instituta à Domino, vt frangentes panem in memoriam fracti corporis Christi, bibentesque e poculo in memoriam effusi sanguinis Christi, gratias agerent pro omnibus Dei beneficijs, maxime pro liberatione nostra per mortem Christi parata aut præstita, & vt in unitatem consortiumque vnicum & cum Christo, & cum sanctis omnibus coniungerentur. Ita enim ante annum ferè ad Corinthios in 10. & 11. cap. de hoc sacro mystico scripserat Apostolus, & nunc etiam cum numeraretur annus conuersionis eiusdem XXXI. Troade vel Alexandriæ non aliter celebrat Cœnam Domini quàm ab ipso Domino celebrandum acceperat, & Corinthios quoque, sicut & omnes alias ecclesias, docuerat. Id quod propter illos paulo copiosius annoto qui omnibus populi & gentibus Missam Romanam volunt obtrudere, veluti ab Apostolis, ita vt ipsi peragunt, celebrant. Cum tamen constet Apostolos Christi post ascensionem Domini anno XXXI. Euangelio traditum ritum simplicissimum tenuisse, & alijs tenendum aut obseruandum tradidisse. Sed hæc per digressionem diximus hætenus.

Paulus in hac ecclesia multum operæ diligentisq; impendit prædicationi euangelicæ: eo enim vespere & nocte insequente, qua postridie profecturus erat in multam noctem extraxit sermonem, usq; ad diluculum colloquutus est cum fratribus. Euenit autem eo loci & tempore quod vniuersam ecclesiam erudit, quantum sit malum si conciones sacræ à sedentibus seigniter excipiantur. Eutychus enim adolescens quidam male fortunatus, in fenestra Cornaculi in quo Paulus prædicabat, sedens, & sermonem Pauli seignius audiens, somno depressus, decidit in plateam ex tertia contignatione, & ab accursantibus sublatus est mortuus, relatusq; in gremio. Hunc vero Paulus inuocato Christi auxilio vitæ restituit & gratulantibus reddidit incolumem, vt hinc inclaresceret euangelium nõ mortis sed vitæ esse præconium. Post hæc soluens Troade Paulus emensoq; mari Ægeo, Icario, & bona parte maris Myrthoi per insulas celebres Lesbion (in qua Mytlenen ingressus dicitur) Chium & Samum, venit, præterita Asia siue Epheso, Miletum. Mileti conuocata Synodo magna episcoporum & presbyterorum Asiæ, concionatus est diligentissime coram eis. Commendauit autem in primis omnibus ecclesiæ ministris ecclesias & ecclesiarum salutem, quam ostendit consistere in sinceritate doctrinæ euangelicæ, ad quam pure seruandam custodiendamq; adhortatur sanctissime: præmonens interim irrupturos graues lupos in ecclesiam: monet ergo aduigilent, orent & lupos illos abigant, denique modis omnibus sese impendant incolumitati ecclesiæ conseruandæ. Hæc omnia eleganter contexuit Lucas in Actis cap. 20.

Ea re perfecta dimissisq; presbyteris nauim conscendit, emensoq; pelago Carpathio & Lycio, primum quidem Cœum, deinde Rhodum nobilissimam insulam attingit. Inde Patara Lyciæ urbem clarissimam contendit. Ex ea per mare Syriacum Cypri insula illustrissima ad sinistram relata, delatus est Tyrum in Phœniciam. Excepit Apostolũ Christum Paulum Tyrus maximo cum applausu, quam is reliquit multo maiore cum affectu. Lucas enim in cap. 21. Actonum, Et expletis, inquit, diebus septem, profecti ibamus deducentibus nobis omnibus vnà cum vxoribus & filijs. A Tyro descendit Ptolemaidem, inde vero peruenit Cæsaream in Palæstinam.

Cæsareæ ingressi sunt, quicunque erant in sodalicio & comitatu Pauli, domum Philippi euangelistæ, cuius superius in cap. 2. meminimus. Erant autem in comitatu Pauli a Macedonia in Asiam & in Syriam vsque viri pietate, autoritate, virtutibus & eruditione multi linguae experientia clarissimi Sopater Berrhœgensis, Aristarchus & Secundus Thessalonicen. Cæus ac Tirmarchus Derbæi, Tychicus Ephesius, & Lucas Antiochenus. Asianum vero Trophimum, in itinere reliquit Mileti, languentem. Et horum quidem ministerio utebatur Apostolus in propa- ganda prædicatione euangelij. Videtur & in sodalicio illustrissimo planè maiestas quædam

Prædicatione vespere & nocte in ecclesia.

Synodus Miletana.

Maritima Patra li peregrinatio

Tyrus.

apostolica in Paulo, quem tot & tanti viri suspexerunt, perq; terras & maria mille per pericula Philippus Cæsareæ sunt consequuti. Hos autem excepit Philippus, Apostolos Apostolus, iam vero Cæsarien. ecclesiarum Palestinæ euangelista, pastor, episcopus siue ecclesiasta. Erat hic hospitalis, nec egens & mendicus ne Episcopus. prorsus, qualem ferè requirunt hodie Anabaptistæ, habebat ædes haud dubie satis instructas, intra quas excipiebat cum sodalizio sanctissimo Apostolum: non vaticabat mendicabat stipem & hospitium. Erat castus & sanctus, continens & purus, licet esset maritus filiaq; haberet prophetissas. Ac ad talem quidem hospitem diuertit Apostolus, qui in epistolis ad Timotheum & Titum huiusmodi describit, adeoq; & requirit episcopos ecclesiarum qualis erat hic Philippus.

Vincula prædicuntur Paulo. Cæsareæ vidit & audiuit Paulus Agabum singularis doni prophetam, vaticinantem & prædicentem omnia quæ euenerunt ipsi Hierosolymis. Fratres quidem ea audientes hortati sunt ne Hierosolymam ascenderet, nimirum vt bono publico sese seruaret, non vincendum traderet. Sed habuit suam vocationem Apostolus, iccirco nulla admisit hominum consilia. Quod autem diuinus spiritus ipsius vincula prædicebat, intelligebat id in hunc fieri finem, vt sese præmuniret aduersus imminentem tempestatem. Sublatis ergo sarcinis aut impedimentis, Hierosolymam ascendit diuertitq; ad Cyprium quendam Mnasonem veterem Christi discipulum. Quæ omnia Lucas in Actis cap. 21. copiose describit. Hoc vero iter & hanc nauigationem perfecit Apostolus toto hoc tempore quod medium intercedit diem seu festum Paschæ & Pentecostes. Nam Pentecosten celebravit Hierosolymis.

C A P V T XII.

Paulus capitur Hierosolymis à Iudæis, liberatur à Cl. Lysia è manibus Iudæorum, mox Cæsaream mittitur ad Felicem.

Purificat se Apostolus in templo Hierosolymitano.

Hierosolymis autem templum ingressus Apostolus purificat se, ex consilio fratrum, cum quibusdam Iudæis, suum persoluentibus votum: id quod non in alium finem fecit, quàm vt Iudæi ipso hoc Apostoli facto placati, qui alias ipsi erant intensissimi, intelligerent Paulum non esse hostem populi Iudaici & legis Mosaicæ. Habebatur enim à Iudæis ferè omnibus pro hoste populi Dei & Mosis. At non bene cessit, quod consilio presbyterorum erat obsequutus. Etenim in ipso templo & quasi in ipsa actione sacrorum peringentem tumultum capitur à Iudæis, pugnis acriter contunditur, extra templum protrahitur vt extra templum & clausis templi foribus trucidaretur. Cæterum Cl. Lysias tribunus militum præfidiariorum Romanorum, qui tum castra habebant Hierosolymis, tumultus concursu excitatus, procurrensq; cum militum cohorte è castris, S. Paulum iam iam periclitantem de vita, eripit ex manibus cruentis Iudæorum, ac subducit in castra. Cum autem ad gradus castrorum peruenisset, atque à Tribuno rogaretur num esset Ægyptius pseudopropheta ille, qui ante paucos dies magnam in Iudæa seditionem excitarat, Paulus id quidem negauit, & dicendi pro se copiam postulauit: qua concessa, conuertit se ad populum Iudæorum ponè insequentem & clamantem Indignum esse qui viuat, multis coram populo causam reddit suæ conuersionis, & modum ostendit, vt vel inde colligerent Paulum non leuibus aut prauis ex causis, sed ex voluntate & potentia diuina mutasse religionem. Quandoquidem vero tumultuantes Iudæi Pauli sermonem seditiosis clamoribus interrompebant, deducitur à militibus in castra, ne viuus à furente turba discerperetur.

Quid cum Paulo actum in castris Romanorum, & in senatu Hierosolymitano.

In castris iubetur flagris examinari. Sed cum intelligerent Paulum ciuem esse Romanum, (quippe qui oriundus esset ex Tarso, quæ ciuitate ob fortia facta à Romanis fuerat donata) relaxant ei vincula omnia. Interim vt Tribunus ipsas causas ob quas Paulo ita truculenter occubabant Iudæi, perdisceret, producit Paulum in Consilium summi Pontificis & senatus Hierosolymitani. In eo res tam importune acta est, vt Tribunus Paulum rursus ereptum ex manibus infanientium reduceret in castra. Hic apparet ipsi Dominus noctu, & subtristem consolatur & animat ad maiora, prædicens Paulum & Romanis prædicaturum.

Coniuratio in Paulum.

Interea coniuratione facta deuouent se XL. viri ex Iudæis neque efuros neque bibituros ni prius trucidarint Paulum: & quo commodius id perficerent, postulant à Tribuno, Paulum producat in disputationem publicam. Nam in itinere, dum videlicet à Tribuno in constitutum locum deduceretur, statuerant ipsum intercipere sicis. Ea res cum innotuisset, Deo sic disponente, apostolo, per nepotem ex sorore Pauli, Tribunum instruxit ne inscius prodicionis & latrocinij destinati conceptiq; iugulandum produceret in publicum. Tribunus vero re cognita, deligit

deligit opera Centurionum equites LXX. pedites CCC C. & ab hora noctis tertia Paulum *Paulus per mō*
equo impositum, literisq; quibus causa captiuitatis ipsius continebatur, instructum mittit Cæ- *lium manus*
saream ad Felicem præsidem Iudææ. Et milites quidem pedestres Paulum Antipatridem vsque *defenditur.*
comitantur, inde Hierosolymam redeunt, equitum pars Cæsaream vsque deducit. Ieli electus
literis, & audito Paulo, iussit ipsum custodiri in prætorio Herodis, donec accusatores eius Ihe-
rosolyma descendentes suam proponerent accusationem. Venerunt autem accusatores Pauli
post dies quinque ab eo videlicet quo Paulus Cæsaream fuerat perductus.

Totum autem hoc tempus ipse Apostolus diligenter supputans in defensione sua coram *Supputatio*
Felice in vniuersum numerat dies XII. vt certum sit ea quæ hoc capite exposuimus perfecta *temporis.*
intra dies VI. Historiam ipsam plenius prosequutus est Lucas in Act. cap. 21. 22. & 23.

C A P V T XIII.

De Præsidibus Iudææ missis à Romanorum Imperatoribus.



Peræ pretium videtur in præsentī recensere aut perstringere potius omnes Iudææ *Præsides Iudææ.*
præsides à Copinio, qui primus prædixit creditur ad hunc nostrum vsque Anto-
nium Felicem. Nam sine cognitione historiarum & successione Præsidum multa noui
Testamenti loca, nedum hæc nostra tractatio, quasi cæca fuerint.

Primus ergo Iudææ rector vel præses viuente & imperante adhuc Octauio Augusto Cæ-
sare, ordinanteq; Syriæ præside Cyrenio, fuit Copinius. Mortuo autem Augusto, & succedente *Copinius.*
in regno Tiberio Cælisurrogatus est Copinio Marcus quidam. Marco substitutus est Annius *Marcus.*
Rufus. Post Rufum missus est præses Valer. Gratus, hunc sequutus est Pontius Pilatus, quem *Annius Rufus.*
sub finem anni XIII. Cæsar Tyberij in Iudæam venisse ex ratione temporum colligitur. Pilatus *Val. Gratus.*
hic Pontius, vt cæteri præsides omnes, fuit superbus, crudelis, avarus, rapax, impius. Et Iudæi *Pont. Pilatus.*
quidem tyrannidem turpissimi hominis ferre non valentes, accusant ipsum apud Vitellium, qui
tum gubernabat Syriam. Vitellius ergo vnum ex amicis suis qui Pilati vices subiret ad tempus
constituit, Marcellus is appellabatur, Pilatum vero Romam pergere compulit, vt se in iudicio *Marcellus.*
Cæsaris expurgaret de criminibus sibi obiectis. Sed priusquàm venisset Romam Cæsar Tiberius
è viuis excelsit. Ista omnia huc transtoli ex Iosephi Antiquitatum lib. 18. cap. 2. 4. & 7. Cæte-
rum in toparchia Archelai filij Herodis magni, quæ post exilium Archelai Syriæ dispensationi
coniungebatur, & in prouinciâ vel præfecturam redigebatur, præfuerunt præsides isti omnes.
Interea reguli alij Herodianj, fratres Archelai regnabât adhuc in Toparchijs aut tetrarchijs suis.

Tyberio Cæsari succedit in imperio Romano Caius Cæsar, qui protinus à regni sui initio è Sy-
ria reuocat Vitellium, & pro Marcello præsidem Iudææ dat Publium Petronium. Idem Caius *Pub. Petronius*
mortuo Philippo tetrarcha, tetrarchiam concedit Agrippæ Prisco: sicuti superius in cap. 5. com-
memorauimus: mox & Herodis Antipæ toparchiam eidem Agrippæ donat. Mortuo deinde Caio
Cæsare, & in regnum exaltato Claudio, præfectura Iudææ in vniuersum tollitur à Cæsare. Clau-
dus enim Agrippam regi confirmauit in tetrarchijs patruorum, insuper donauit eidem Iu-
dæam & Samariam, reuocato Romani Petronio, & substituto Syriæ rectore Marso. Hæc omnia
Iosephus copiosius exponit.

Idem lib. 2. de bello Iudaico cap. 10. Post mortem, inquit, Agrippæ (qui regnum Iudaicum *Restituitur*
tenuit annis circiter tribus) Claudius regnam eius in prouinciâ redegit in cuius procuratio *præfectura Iudææ.*
nem missus est Cuspius Fadus. Itaque præfectura Iudææ sibi rursus locum & ordinem rece-
pit. Fado in præfectura succedit Tiberius Alexander. Alexandro successor venit Ventidius Cu-
manus, qui tamen loco mox amotus est. Nam Numidius Quadratus Syriæ præses Cumanum *Cuspius Fadus:*
misit Romam, coram Imperatore causam eorum redditum, quæ in prouinciâ sua designasset. *Tib. Alexander:*
Post Cumanum Iudææ præficiēbatur Felix hic noster. Quæ omnia è Iosephi historia mutauimus *Cumanus.*
ex libro Antiquitatum 20. cap. 5. & 8. item 9. deniq; lib. de bello Iudaico 2. cap. 11. *Felix.*

Cæterum circa supputationem annorum præfecturæ Felicis videntur authores non per *De Felicis pōa*
omnia & ad amussim congruere. Eusebius enim in Chronicis, & Iosephus in Antiquitatibus tra- *tentia copiosius.*
dunt Felicem missum in Iudæam anno Claudij XI. Atque ea ratione omnes anni Præfecturæ *suis.*
Felicis numerarentur IIII. duntaxat, nimirum ad primū vsq; Neronis a. m. m. Paulus vero cau-
sam suam coram hoc Felice agens, Equiore, inquit, animo pro me ipso causam dico, cum sciat te
multis iam annis iudicē fuisse genti huic. Quis vero dicat multis annis præfuisse eum, qui annus
tantū IIII. aut V. præfuit? Corn. ergo Tacitus numerat annos plures. Lib. enim 12. describens ea
quæ sub cōsulatu Fausti Syllæ & Siluij Othonis euenere, inter alia scribit, At nō frater Pallantis;

cognomento Felix, pari moderatōne agebat, iam pridem Iudææ impositus, & cuncta malefacta sibi impune ratus, tanta potentia subnixo. Iam pridem dicit Antonium Felicem Iudææ impositum. Incidit autem Syllæ & Siluij consulatus in 10. & 11. annum Claudij Cæsaris. Multò ergo longius prorogat potentiam & præfecturam Felicis Tacitus, quàm Eusebius & Iosephus.

Verum videor mihi modum cernere, quo dissidentes queant componi. Viderur enim Felix cum Fado, aut non multò post Fadum tempore, missus in Iudæam, & Fadum quidem suscepisse regendam Iudæam. Felicem vero tetrarchias Philippi & Lyfaniæ: aut certe hunc legionibus esse impositum. Dum vero Fadus & Alexander munere suo defuncti essent, contendit modis omnibus Felix, vt ipse solus rerum potiretur, sed cum ea in re æmulum haberet Ventidium Cumanum, nihil impetrauit, donec Cumanus prorsus esset exauthoratus. Tunc enim Iudæa, Samaria, & Galilæa, plenè potitus est Felix, id quod constat factum circa X 1. Cladij annum: quo tempore idem Claudius Agrippæ iuniori concessit tetrarchias Philippi & Lyfaniæ. Ita vero clarum & plānum fit quomodo idem Felix diu præfuerit genti Iudaicæ aut illis partibus, & quo modo X 1. demum anno Claudij præfes datus sit Iudææ.

Subiungemus iam testimonia ex quibus hanc nostram sententiam ceu ex fontibus deriuauimus. Corn. Tacitus libro Annalium 21. Claudius, inquit, defunctis regibus, aut ad modicum redactis, Iudæam prouinciam equitibus Romanis aut Libertis permisit: è quibus Anto. Felix per omnem sæuitiam & libidinem ius regium seruili ingenio exercuit. Hæc Tacitus. Certum est autem Agrippam Priscum defunctum Romanis reliquisse Iudæam disponendam atque regendam. Idem Tacitus lib. 12. Felix interim, ait, intempestiis remedijs delicta accendebat, æmulo ad deterrima Ventidio Cumano, cui pars prouinciæ habebatur, ita diuisis, vt huic Galilæorum natio, Felici Samaritæ parerent, discordes olim & tum contemptu regentium, minus coercitis odijs. Et reliqua. Porro Sueton. in Claudio, Libertorum, ait, præcipuè suspexit Posidem Spadonem: nec minus Felicem, quem cohortibus & alis prouinciæque Iudææ præposuit, trium reginarum maritum. Suetonio subscribens Sextus Aurel. Victor in Claudio, Liberti eius, inquit, potestatem summam adepti, itupris, exilio, cæde, proscriptionibus omnia fœdabant. Ex quibus Felicē legionibus Iudææ præfecit. Iam vero Iosephus lib. de Bello Iudaico 2. cap. 2. Post eiectum Cumanum, Felicem Pallantis fratrem, inquit, destinauit ad Iudæos, qui & eorum prouinciam cum Samaria & Galilæa curaret. Agrippæ vero prouinciam tradidit quæ Felicis fuisset. Erat autem ista Trachonitis & Bathanea & Gaulonitis. Et reliqua. Ab his non multum dissentiant quæ tradit Beda in cap. 24. Acto. Apostolorum. Hæc de præsidibus Iudæorum hætenus diximus. Redimus iam ad intermissam seriem temporum & rerum plene contexendam.

C A P V T X I I I I.

Quæ Cæsareæ acta sint cum Paulo sub Felice præside, & sub Portio Festo, denique sub rege Agrippa.

Paulus accusatur coram Felice, & descendit se.



Vm Paulus Cæsareæ custodiretur in Prætorio Herodiano, adueniunt ex vrbe seniores Iudæorum, ac Paulum per excellentem oratorem Tertullum accusant coram Felice criminis hæreseos, perduellionis, & seditionis, impietatis denique. Paulus vero, Felice permittente, pro se dicit modestissime, repurgans se ab intentatis criminibus,

& se per omnia infontem & innoxium esse demonstrans. Ac permouit adeò oratione sua Felicem, vt commode dimissis Iudæis, Paulum iuberet relaxari, & tantummodo à Centurione custodiri, admissis ad colloquium, & ad præstandam beneficentiam quibuscunque Pauli amicis & fautoribus. Imò ipse Felix accersito Paulo ad priuatum colloquium, sustinuit vnà cum vxore Drusilla Iudæa, vtpote regis Agrippæ iunioris sorore (Est enim alia quædam Drusilla Antonij & Cleopatrz reginæ Egypti filia, apud Cornelium Tacitum, quæ aliàs huic Antonio Felici nupserrat: quippe qui esset trium reginarum maritus) sermonem audire de fide in Dominum Iesum, de iustitia, de temperantia, & de iudicio futuro. Ac affectus eum is sermo in tantum, vt torus exhorresceret. Interim quemadmodum & Herodes Ioannem Baptistam libenter auduit, sui tamen similis perpetuò mansit. Ita Felix hic homo impurus nullam scelerū suorum egit poenitentiam: & tamen non semel sed frequentissime euocabat Paulum in colloquium, detinuitq; in custodia quàm diuungeretur publico præsidis munere. Id quod Lucas extendit per biennium. Biennio enim expleto, inquit, accepit successorem Felix, Portium Festum. Biennium autem illud numerandum est à captiuitate Pauli, non à præfectura suscepta Felicis: sicut præcedente paruit

Felix familiari ter audit Paulum.

patuit capite, vbi ex Pauli verbis annotatum est Felicem plures annos ei genti præfuisse.

Non nescio Eusebium & Iosephum, Hieronymum deniq; sentire Festum demum II. Nero-
 nis anno missum Roma, venisse in Iudæam. Sed magis me mouet, merito, Lucæ fides & auctori-
 tas, qui manifeste dicit Festum Felicis successorem venisse biennio captiuitatis Pauli expleto.
 Iuat nostram supputationem quod Suetonius in Claudio testatur Claudium in Octobre de-
 cefsisse. Verba eius si quis requirat hæc sunt, Excessit tertio Idus Octobris Asinio Marcello, Aci-
 lio Auola Coss. LXIII. ætatis, imperij XIII. anno. Idem testatur & Cornelius Tacitus, qui
 idem scribit Neronem protinus ab initio regni complurima nouasse in Oriente. Inter alia An-
 naliū libro XIII. dicit, Cl. Nerone, L. Antistio Coss. (fuit is primus regni Neronis annus) Ne-
 ro infensus ijs quibus superbia muliebris nitebatur, demouet Pallantem cura rerum, qui à Clau-
 dio impositus, velut arbitrum regni agebat, &c. Cæterum Pallas hic, fratrem Felicem hætenus
 in officio & dignitate retinuerat, qui Messalinæ mulieris omnium quæ vixerunt impuriſsimæ
 impudentiſsimæq; opera in tantum fastigium erat subleuatus: vt non leuis coniectura sit etiā
 Felicem cum Pallante eodem nimirum tempore è fastigio esse detractum. Præterea si inuicem
 tempora & res componas, pulcherrime quadrabunt omnia. Paulus omnium sententia XIII.
 Claudi anno Hierosolymis coniectus est in vincula: ergo reliquum tempus regni Claudiani per
 residuam partem anni XIII. Pentecoste, & per integrum annum XIII. Claudi ad vsq; mor-
 tem eius in Octobre, sub Felice in libera fuit custodia. Nero autem Claudio protinus succedens
 mox à regni sui principio Cl. Nerone & L. Antistio Coss. deiecit Pallantem e potestate habita,
 Felicem ergo deposuit, & Festum in Iudæam dimisit, qui circa festum Pentecostes Hierosoly-
 mam venire potuit, eo videlicet tempore, quo biennium captiuitatis Pauli fuit expleum. Et
 quæ hætenus recitauimus de rebus Pauli gestis & temporibus sumpsimus ex vigesimo octauo
 capite Acto. Apostolorum.

Porro per insequentem mox ætatem videntur ea esse acta, quæ Lucas commemorat in *Quæ egerit Fe-
 stus cum Paulo.*
 Actis cap. 25. & 26. Principio enim sedente pro tribunali Festo Cæsareæ, producitur in iudicium
 Paulus & multorum magnorumq; criminum accusatur ab aduersarijs Iudæis. Ad ea respon-
 dens Apostolus illa à se remouet tam euidenter vt etiam iudex, licet Ethnicus, intelligeret Pau-
 lum esse innocentem. Volens tamen gratificari Iudæis Festus, rogat Paulum num velit ascende-
 re Hierosolymam & ibi agere causam suam? Ad quam postulationem, vtpote iniquissimam, in-
 dignatus Paulus, respondet se etiam Cæsareæ in foro & ante tribunal Cæsaris stare, neque recu-
 sare supplicium mortis, si quidem maleficij fuerit conuictus. Alioqui nolle se Hierosolymam re-
 petere neq; præsidem habere potestatem aliò ipsum, qui Cæsare appellat, ducendi: simul autem
 ad Cæsarem appellat. Id quod Præses benigne recepit appellationemq; concessit.

Deinde cum rex Agrippa iunior, cui Nero adiecerat regno eius Galilæam, Cæsaream de-
 scendisset salutatum exceptumque nouum Præsidem: Præses negotium Pauli cum rege com-
 municauit: rex ipse Paulum & videre & audire poscit. Postulationi acquiescit Festus. Ergo in
 auditorium prodeunt magna pompa & multo cum apparatu, primum quidem Festus præses
 Romanus cum suis, deinde vero Agrippa & Bernice cum suis aulicis: ingrediuntur etiam chi-
 larchæ, tribuni, centuriones & viri totius regni procures. Dubium vero est quæ nam fuerit illa
 Bernice vel Beronice (quam hodie appellant Veronicam) regis ne Agrippæ vxor: quod arbi-
 tratur D. Ioan. Chrysostomus, & omnium verisimilium apparet: an regis soror, quæ nupserat
 quondam Herodi regi Chalcidis, & iam eo mortuo vidua erat: an fuerit neptis Agrippæ regis
 ex sorore Maria & Archelao Helcij filio. Tres enim sorores habuit iunior Agrippa, quarum
 Drusilla Felici præfidi, Maria Archelao, Bernice vero Herodi regi Chalcidis nupsit, ex quo &
 Bernicen filiam suscepit. Vtunque vero id habeat, indubitatum est bonam partem Principum
 totius Syriæ hic ad audiendum Paulum confluisse, Deo mirabiliter sic disponente, vt omnes
 etiam Principes audirent prædicationem Euangelij de saluando mundo per mortem Filij
 Dei, &c.

Producitur ergo Paulus catenis vinctus (Festus enim ipsum constrinxerat arctius quàm
 fecerat Felix) producitur inquam in frequens illud & splendidum maiestatemq; verendum au-
 ditorium, vbi mox iubetur pro se dicere. Dicit ergo & tanta quidem modestia, grauitate, maie-
 state & euidentia, vt Festus Paulum nimia literarum defatigatione dementatum insanire puta-
 ret, Agrippa vero rex scripturarum peritus exclamaret, Parum abest quin mihi Christianum fie-
 ri periuaseris. Ostendit autem viris illis principibus Paulus in quo ipsi sit cum Iudæis certamen
 & de quibus rebus. Quomodo cælitus ad fidem Christianam conuersus, & ad prædicationem
 Euangelij vocatus sit. Docet euangelium tradere Filium Dei in mortem traditum, resuscitatum
 & prædicatum.

& constitutum liberatorem & salutem omnium gentium, quæ eam prædicationem fide complectantur. Ostendit denique hæc non esse noua aut nupera, sed olim & à mundi constitutione prædicta à prophetis. Ideoque magna securitate, certitudine & constantia asseuerar, se nihil prædicare quod non possit approbare testimonijs ex Mose & prophetarum libris desumptis. In primis vero vrget in sua illa oratione Paulus Resurrectionem ex mortuis & vitam fidelibus paratam in Christo æternam. Et magis quidem audito Paulo & collatis inuicem sententijs, pronunciant innoxium esse & dimitti potuisse liberum; quia vero ad Cæsarem appellari Augustum, idcirco Romam esse mittendum.

Voluit & disposuit hoc ipsum haud dubie omnia recte gubernans & temperans diuina providentia: nimirum vt electionis vas Paulus non tantum coram regibus, præsidibus, magnatibus, sacerdotibus, doctis, indoctis, vulgaribus, omnis sexus & ætatis hominibus Iudæis & Gentibus, sed in ipsa Roma mundi capite, & ante Cæsarem Augustum, totumque illum Romanæ vrbs senatum amplissimum, in aula item luxuriosissima, & in vrbe populosissima & flagitijs scatente, Christi euangelium prædicaret, & plures homines peccatores conuerteret ad pœnitentiam & ad fidem Christi Iesu, qui non vult mortem hominis peccatoris, sed magis vt conuertatur ac viuat. Seruatur ergo Cæsare in custodia Paulus, donec commoda se offerret in Italiam nauigatio.

C A P V T X V .

De quinta Pauli profectioe, qua ex Syria per mare mediterraneum per varia loca & pericula Romam nauigat in Italiam.

Iulius Centurio deducit Paulum in Italiam.



DRAMYTTINA ergo naui data Paulus vna cum alijs vinctis Aristarcho presertim Macedone, traditur Iulio cuidam centurioni cohortis Augustæ Romam ex Syria in Italia deportandus. Iulius hic rebus Pauli fauit egregie, ita disponente benefico Deo, ideoque tenuit ipsum in custodia satis liberali. Permisit enim ei vt ubique ad amicos egressus curaretur ab eis, & res suas libere apud ipsos ageret.

Loca præcipua ad quæ perueniunt in hac nauigatione.

Hanc profectioem diligentissime depinxit Lucas in Actis Apostolorum cap. 27. & 28. Nec quisquam potuit melius cum propter dona Dei maxima & exactam eruditionem, tum quod indiuiduus Pauli comes omnium eorum quæ scribit & auritus & oculatus testis est. Breuibus ergo res potissimas perstringam, & primū quidem loca. Principio delati sunt Sidonem, inde Myrā in ipsam Lyciam perueniunt, ventis nimirum contrarijs eo depulsi. Ex Myra nauigant in Cretam insulam, in quæ loca eius Insulæ varia perueniunt. Tandem è Creta soluentes, satis imprudenter, coguntur sese ventorum statibus permittere. Hi in Claudam insulam impellebant nauim. In de abrepti tempestatibus diu multumque iactati, per mare Libycum seu Punicum pelagus iuxta Syrtes, extremo cum periculo in Adriaticum eluctantur, delati in conspectum Melitæ insulæ, ubi priusquam appulsi essent nauim, nauis vi procellarum dissoluta, periit, homines natando in vicinum portum salui euaserunt omnes.

Paulus fidus monitor.

Singulares & excellentes huius profectiois res sunt hæc potissimum. Tempestiua admonitio Pauli, qua Centurioni & reliquis nauigatoris mature & adhuc in Creta existentibus suadet ne se aperto immergant periculo. Præterea intempestiua & perniciosa contumacia contemptorum consilij optimi id quod eis celsit pessime. Singulare est etiam hoc quod Paulo apparet in periculo maximo angelus Domini, confortans ipsum, exponens item periculi totiusque nauigationis euentum, & quod Paulo Dominus omnes in ea nauim nauigantes donauit. Erant autem numero CCLXVI. Nec erat ista promissio aut iactatio inanis. In naufragio enim periit nauis, vt prædixerat Paulus, hominum nullus periit.

Quid actum in insula Melita.

In insula Melita excellentibus donis & beneficijs ornauit Apostolum suum Dominus. Viperam enim è manu Pauli sarmenta colligentis deferentisq; ad pyram, dependentem, citra damnum excussit in ignem, quo sese ex naufragio madentes & frigore rigentes fouebant. Publium in seque primatem febribus & dysenteria periculose laborantem restituit sanitati inuocato Christi nomine. Præterea omnes eius insulæ homines varijs oppressos & vexatos morbis curauit. Quam ob rem insulani Melitenfes tantis beneficijs non ingrati multam beneficentiam & honores maximos contulerunt in Paulum & sodales.

Sicilia. Rhegyum.

A Melita, quæ & Malta dicitur, soluentes in nauim Alexandrina Iulius atque Paulus, deferuntur Syracusas in Siciliam. Inde vero emenso freto Siculo Rhegyum primam in Italia urbem attingunt.

attingunt. Hinc tranſueſti Brucios, Lucanos & Picentinos, præteritoque amœniſſimo ſinu Neapolitano, deferuntur in eius ſinus extimum promontorium, quod in Auſtrum ſpectat, *Puteoli.* teolos, urbem à puteorum frequentia ſic denominatum. Inde rurfus per Appij forum & Tres *Romam venit* tabernas pedeſtri itinere Romam contendunt atque perueniunt, excipientibus ipſum Paulum *Paulus.* fratribus, & in occurſum ad Appij uſq; forum prodeuntibus. Romæ à Centurione traditus eſt principi exercitus.

Iam quod tempora attinet, videtur hæc peregrinatio cœpta ante hyemem, & abſoluta eſſe *ſupputatio* in Vere. In Vere enim Romam peruenit Paulus, nimirum II. Neronis anno. Lucas enim in Actis *temporum.* cap. 27. Et cum aptus portus (inquit) non eſſet ad hybernandum, complures cœperunt conſiliū ſoluendi illinc, &c. Cœpta eſt ergo nauigatio vel ante hyemem, vel in hyemis principio. Deinde in cap. 28. idem Lucas, Poſt menſes autem tres, ait, nauigauimus in nauī Alexandrina, quæ in inſula hyemauerat. Ergo poſt hyemem demum nauigarunt & peruenērunt Romam, nimirum in Vere.

C A P V T XVI.

Quid Romæ fecerit & ſcripſerit Apoſtolus Paulus, ac de epistoſis eius ad Galatas, Ephes. Coloſſ. Philip. 2. ad Timoth. Philemon. ad Hebr. &c.

P Rinceps exercitus cui Iulius Paulum tradiderat vinctum, permittit Apoſtolo vt ſo- *Romæ in libe-*
lus cum cuſtode milite maneat. Ideoq; licebat ei recipere & dimittere quos volebat. *ra cuſtodia pri-*
Ac vocauit quidem Iudæorum primores primum, quibus eleganti oratione expo- *mum cum lu-*
ſuit totum negotium ſuum, ob quod vinctus fuerat adductus ex Syria, cognoscere *deus agit Pau-*
ſimul cupiens, num aliquis ad eſſet qui ipſum accuſare vellet coram Cæſare, an accuſandi per li- *lus.*
teras acceperint mandatum. His vero ſignificantibus neminem eſſe qui de Paulo quicquam mali vel dixerit vel ſcripſerit, poſtulantibusque vt ipſis de fide Chriſtiana diſſereret, libens obtemperauit, integrumque diem à mane ad vesp̄eram de omnibus credendis de Chriſto Domino ex lege & prop̄ietis ſplendide diſputauit. Nec caruit hic Pauli labor ſuo fruſtu. Multi enim crediderūt in Chriſtum. Nec deſuerunt qui pergerent pertinaciter eſſe inſideles. Quibus poſtquam ex Iſaia ſuum recitaſſet iudicium, conuerſi ſunt ad Gentes. Has autem docuit per integrum biennium illud quo cuſto diebatur in libera cuſtodia. De qua re Lucas, è quo & illa mutauimus, quæ hætenus in hoc cap. recitauiſus, ita ſcriptum reliquit in Actis cap. 28. Manſit autem Paulus biennio toto in ſuo conducto: & ſuſcipiebat omnes qui ingrediebantur ad ipſum, prædicans regnum Dei, ac docens quæ ſunt de domino Ieſu, cum omni fiducia, nemine prohibente. Nam in hunc finem, diuina prouidentia moderante, Romam peruenerat. Cæterum extendit ſe biennium hoc in IIII. uſque Neronis annum. Secundo enim Neronis anno in Vere venit Romam Paulus. Manſit autem biennio toto in ſuo conducto: ergo manſit Romæ in IIII. uſque Neronis annum. Erat is annus Chriſti L. X. conuerſionis autem Pauli XXVII.

Proſecit autem prædicatione ſua Apoſtolus Romæ plurimum. Nam ipſe ea de re loquens *Quanto cum*
ad Philip. Scire, ait, vos volo fratres, quod quæ mihi acciderunt, magis ad profeſtum Euangelij *fructu prædica-*
euenerunt: ita vt vincula mea manifeſta facta ſint in Chriſto, in toto prætorio, ac cæteris omni- *rit Romæ Pau-*
bus. Et reliqua. Huc pertinere puto illud Hieronymi in epiſt. ad Philemonem, dicentis, Quid ſit *lus.*
Prætorium in ipſius epiſtolæ ſine indicat. Salutant vos omnes ſancti, maxime qui de Cæſaris domo ſunt. A Cæſare miſſus in carcerem, notior familiæ eius factus, perſequutoris domum Chriſti fecit eccleſiam. Hæc ille, Viſum eſt eidem Hieronymo in ſcripto, eccleſiaſt. L. Anneum Se- *Seneca epiſto-*
necam virum claſſiſſimum, frequenter ſcripſiſſe ad S. Paulum & hunc ad Senecam. Extant vtri- *le ad Paulum:*
uſque Epiſtolæ. Antonius Sabellicus illuſtris hitoriarum ſcriptor, Enneadis 7. lib. 2. Senecæ v- *& Pauli ad*
na ad Paulum, inquit, hoc habuit, Conſiteor Auguſtum (Neronem) ſenſibus tuis permotum, *Senecam.*
cui lecto virtutis in te exordio, iſta vox fuit, Mirari ſe poſſe; vt qui non legitime ſit imbutus, taliter ſentiat. Cui ego reſpondi, Solere Deos innocentium ore effari. Et hæc vir ille ad Paulum & apud Neronem de Paulo. Quoniam vero enuñctiſſ. iudicij D. Eraſ Rot. in Operibus Senecæ argumentis non ſpernendis oſtendit Epiſtolas illas neque Paulinæ maieltatis, neque grauitatis Senecæ habere quicquam, non magnopere illas apud lectores pios vrgeo.

Neque vero contentus erat plurimos Romæ Chriſto luſificere, ſolicitus præterea erat *Quos à Româ*
eos, quos olim liciteſcebat retinere Chriſto & his adhuc plures adijcere. Ergo eius rei gratia *miſerit Paulus*
Timotheum mittit in Macedoniam ſeu Græciam, vt ex epiſt. ad Philip. licet colligere. Titum prædicatum:

ablegavit in Dalmatiam, Crescentem vero in Galatiam. Porro Tychicum misit in Asiam: quem admodum in 2. ad Timotheum epistola ipse indicat. Nec dubium quin multò his plures miserit etiam in alias regiones prædicatum Euangelium Christi.

*Quæ scripse-
rit à Roma Pau-
lus.
Ad Galat.*

Præterea scripsit à Roma ad gentes varias aliquot epistolas diuina refertas sapientia, fluen-
tesq; salutaribus & iugibus aquis vitæ & salutis. Inter eas numeratur primo loco quam dedica-
uit Galatis, quam exarauit manu propria: cum aliàs per amanuensem scribere solitus sit: sicuti
Tertio excipiente dictauit epistolam ad Romanos. Videri tamen poterat non abs re epistola ad
Galatas missa ex Epheso: quod mox ab initio epistolæ dicat, Miror quod à Christo tã cito trans-
feramini. Atqui constat vincula Pauli, quæ Romæ sustinuit à conuersione Galatarum sese in an-
num ferè X. extendere. Vt iam non commemorem, quod in epistola ad Galatas nullibi, sicuti in
alijs epistolis à Roma missis, vinculorum meminit, & vt preces ad Dominum pro ipso fundant,
poscit. Perinde vero est à Roma, an ab Epheso, scripta sit. Certe excellentissima est epistola.

*Ad Ephesios,
Coloss. & Phi-
lem. Ad Philip-
pens. Ad He-
bræos.
2. ad Timothe-
um.*

Certum est epistolas ad Ephesios, Colossenses & Philemonem Romæ scriptas, & per Ty-
chicum esse missas, delatasque in Asiam. Hoc enim ex ipsis Pauli verbis nullo negotio colligi
potest. Nec minus certum est epistolam Philippenfisbus inscriptam à Roma missam esse per Epa-
phroditum, vrpote cuius in ipsa meminit epistola. Porro epistolam ad Hebræos Roma quoque
missam esse in Iudæam, non ineptis coniecturis ex vltimo capite sumptis, colligitur. Postremo
dubium non est de Secunda ad Timotheum epistola, quin à Roma prodierit. Apparet autem
missam in Macedoniã aut Græciam, vbi tum erat Timotheus. Ita vero diuinum illud sanctissimi
Pauli pectus nusquam quieuit, nullam occasionem neglexit, nullis laboribus pepercit, & omnia
sua huc direxit, vt Christianam religionem quàm latissime scriptis, dictis & factis propagaret.
Vtinam sint hodie multi qui pro suo modulo & dono, pura fide, dilectione, simplicitate, synce-
ritate, pietate & diligentia, sancto item iustoque zelo atque seruire euangelij Iesu Christi ne-
gotium moueant ac feliciter multoque cum fructu promoueant. Volentibus & viribus totis
annitentibus implorantibusque Iesu Christi auxilium ac spiritum, nunquam deerit pius & cle-
mens Dominus.

C A P V T X V I I.

*Quid anno Neronis IIII. & deinceps Romæ, ac alibi cum Paulo actum sit,
& de interitu eius, coniecturæ aliquot.*



Vid porro egerit Paulus IIII. Neronis anno, aut quomodo se defenderit contra æ-
cusatores suos Iudæos coram tribunali Cæsaris, quomodo liberatus sit, & quo libera-
tus abierit, quid fecerit denique ad diem vsque mortis suæ, tanta certitudine, quanta
superior historia, ostendi non potest. Proferam tamen coniecturas aliquot pro his
quæ proposuero confirmandis: proferam & veterum scripta. Nam in IIII. Neronis anno fi-
niuit beatus Lucas Acta Apostolorum. Interim vero non sunt vlla in parte sui quod plenam de
pietate Christiana doctrinam attinet, imminutæ aut in absolutæ sacræ literæ.

*Sacræ literæ
plenè omnem
pietatis doctri-
nam continent*

Quamquam enim liberis non sit traditum, quomodo se defenderit Paulus coram Nerone,
quomodo liberatus sit, aut quo abierit liberatus, quid & quibus prædicarit, & quomodo tan-
dem occubuerit: habemus tamen ex quibus illa omnia sarciamus, aut certe qualia ista fuerint æ-
stimemus. Habemus defensionem Pauli factam coram populo Israelis præfente Cl. Lyfia, & aliam
quandam coram Felice præfide, & aliam rursus coram festo præfecto, & coram rege Agrippa,
habemus ergo substantiam, vt vocant, eius quoque purgationis, qua vsus est coram imperatore
Nerone: præsertim cum responsiones illæ quæ extent omnes vnus sint generis & argumenti.
Habemus relatum in literas quid prædicarit Paulus Syris, Asianis, Insularibus, Macedonibus &
compluribus alijs gentibus: & ea quidè omnia pulchre sibi constant, & omnia sunt generis eiuf-
dem: vnde necessariò colligimus nihil aliud Lucam, quod doctrinæ substantiam attinet, tradere
potuisse, licet reliqua Pauli fuisset prosequutus, nisi hoc ipsum quod hucusque tradidit. Noua dun-
taxat locorum & populorum nomina posuisset: at ea ad pietatem nihil faciunt vel augendâ vel
minuendam. Habemus præterea elegantissimas descriptiones interitus S. Ioan. Baptistæ, S. Ste-
phani, sed & B. Iacobi Apostoli cõsignationem breuissimam. Idem vero est exitus beatorum omnium,
mortis genera diuersa sunt: at in hoc nulla sunt pietatis momenta. Habentes ergo aliquot sancto-
rum mortes, ex ijs iudicare possumus quales fuerint omnes omnium aliorum seruorum Dei passiones.

Plene

Plene ergo omnia ea nobis tradita sunt scripturis canonicis quæ ad perfectam pertinent doctrinam pietatis, licet destituamur aliquot historijs, locorum inquam, temporum & personarum circumstantijs. De qua re alibi copiosius disputavi, redeo ergo nunc ad institutum nostrum.

Videtur Paulus Neronis anno IIII. vocatus ad tribunal Cæsaris, causam dixisse contra Iudeos accusatores suos: ac tum quidem cum actioni sese pararet, valedixisse amicis, ac supplicio ultimo se quasi dedidisse. Cæterum Cæsar ea actione distulit negotium, nec certum pronunciauit. Producitur ergo rursus ad tribunal Cæsaris Apostolus, ac secundum iam agit causam suam pro se. Tum vero lata à Cæsare sententia, Paulus innocens pronunciatus & liberatus est. Hæc autem sumpsimus ex posteriore Pauli ad Timotheum epistola, in qua manifeste meminit primæ defensionis, dicens, In primâ mea defensione nemo mihi adfuit, sed omnes me deseruerunt. Sed & inscriptiones epistolæ sic habent, scripta è Roma ad Timotheum 2. cum Paulus iterum sistetur Cæsari Neroni. In primâ quidem defensione putauit se (sicut modo dixi) trucidandum, valedixit ergo amicis & Timotheo in primis scripta ea epistola. Huc enim pertinent illa verba, Ipse iam immolor, & tempus meæ resolutionis instat. Certamen bonum decertaui, cursum consummaui, &c. Cæterum cum secunda defensione liberatus esset, finem epistolæ istum de immolatione sua non expunxit, nimirum vt Timotheo suo indicaret quo animo, & quanto cum periculo ad tribunal Cæsaris accesserit: insuper & ista coronidis vice adiecit, quæ sequuntur ab his verbis, Da operam vt venias ad me cito, &c. vsq; ad finem. Ea vero omnia sunt huiusmodi, vt manifeste appareat adiecta esse post secundam defensionem, cum iam cogitaret de prædicatione continuanda, nouisq; peregrinationibus instituendis. Huc enim pertinent illa omnia: Da operam vt venias ad me cito: Marcum assumptum adducito vnâ tecum: est enim mihi perutilis ad ministerium. Item, Penulam quam reliqui Troade apud Carpum cum veneris apporta, & libros; maximè autem membranas. Hæc enim est vera apostolia suppellex. Certe liberationis suæ his verbis apertè meminit: Dominus mihi adfuit, & corroborauit me, vt per me præconium expleatur, & audirent omnes gentes. Et ereptus fui ex ore leonis, &c. Nemo autem nescit illud Solomonis: Leo rugiens, & rursus excurrent, est princeps impius populo pauperi. Et talis quidem erat Nero Cæsar, licet per initia imperij nondum ad furorem tyrannidis peruenisset. Et hæc quidem videntur perfectâ in ætate, præsertim cum in eadem ad Timotheum dicat: Da operam vt venias ante hyemem. Sic enim per cæli intemperiem commodius quo instituerat apostolus; proficisci poterant ad prædicationem euangelij, ob quam inter gentes explendam, ipse testis est se liberatum esse ex ore tyranni.

Paulus defensionem se ante tribunal Neronis.

Paulus Dei non Neronis beneficio liberatus est.

Non dissimulabo tamen hic veterum quorundam sententiam. Hieronymus enim sequutus Eusebium in viris illustribus ecclesiasticis scriptoribus arbitratur 2. ad Timotheum scriptam esse paulò antequam decollatus est Paulus. Verba eius sunt hæc: Sciendum autem in primâ satisfactione, nec dum Neronis inperio roborato, nec in tanta erumpente scelera, quanta de eo narrant historia, Paulum à Nerone dimissum, vt euangelium Christi in occidentis quoq; partibus prædicaret, sicut ipse scribit in 2. epistola ad Timotheum. Eo tempore quo & passus est de vinculis, dictat epistolam. In primâ mea satisfactione nemo mihi adfuit, sed omnes me dereliquerunt. Non eis imputetur. Dominus autem mihi adfuit & confortauit me, vt per me prædicatio expleretur & audirent omnes gentes. Et liberatus sum de ore Leonis. Manifestissime Leonem propter crudelitatem Neronem significans. Et in sequentibus, Liberauit me Dominus ab omni opere malo, & saluauit me in regnum suum cœleste: quod scilicet præfens sibi sentiret imminere martyrium. Nam & in eadem epistola præmiserat, Ego iam immolor & tempus meæ resolutionis instat. Hæc Hieronymus. Cæterum probabile non est secundam ad Timotheum tam sero, nimirum post annos IX. aut X. postquam IIII. Neronis anno liberatus creditur, editam esse, præsertim cum vltimo capite multa commemoret, quæ manifeste pertinent ad ea tempora quibus ex Græcia nauigans Hierosolymis captus & Romam deductus est. Quale illud est, Lucas mecum est solus. Item, Tychicum misi Ephesum. Certò enim constat hunc missum esse in Asiam in primâ hac Pauli non postrema captiuitate. Item, Saluta Priscam & Aquilam. Item, Erastus mansit Corinthi. Item, Trophimum reliqui in Mileto languentem. Certum est autem vel ex 20. cap. Acto. hunc Trophimum in extrema ex Macedonia in Asiam profectione in comitatu Pauli fuisse, eoq; tempore relictum Mileti, quo Epheso præterita, Miletum conuocauit in Synodum omnes Asiæ presbyteros. Sed volò hic etiam vt alibi quoq; quisque suo sensu abundet.

Hieronymi sententia de 2. ad Timotheum epistola.

Alius eiusdem nominis Trophimus fuit cuius mentio fit. Acto. 21. Paulus liberatus & absolutus iudicio Cæs. proficiscitur in Hispaniam.

Iam quo abierit liberatus Paulus, certo dicere non possum. Sunt tamen coniecturæ non leues, quæ duplicem nobis commendant sententiam. Vel enim vinculis solutus recta abiit in Hispaniam. Vel redijt protinus in Syriam Asiam atque Græciam. Prior sententia sumitur ex his

Pauli ad Roman. cap. 15. verbis, Haftenus annexus fui ibi prædicare, vbi prius non erat nominatus Christus, ne super alienum fundamentum ædificarem: sed quemadmodum scriptum est, Quibus non est annunciatum de eo, videbunt: & qui non audierant, intelligent. Quapropter & præpeditus sum sæpe, quo minus venirem ad vos. Nunc vero cum non amplius locum habeam in regionibus his, desiderium autem habeam veniendi ad vos multis iam annis, quando cunque iter instituerò in Hispaniam, veniam ad vos. Spero enim fore vt isthac iter faciens videam vos, & à vobis producar illuc, si tamen vestra consuetudine prius ex parte fuero expletus.

*Epiphanius.
Hieronymus.
Sophronius.*

Ergo Epiphanius Salaminæ Cypri episcopus in opere suo contra hæreses, Carpocratianos confutans, tradit palàm Paulum prædicasse in Hispanijs. Hieronymus dicit eum d'ocuisse in Occidentis partibus. Sophronius patriarcha Hierosolymitanus scribit Italianis, Gallias & Hispanias beati Pauli transitu euangelica prædicatione illustratas. Idem testatur eum in demo broci illustri cuiusdam viri in Hispania Paulus susceptus esset hospitio, & Xantippe vxor, Trobri hospitii modestiam, sedulo in ipsum intenta, admiraretur diuina dispositione factum, vt cum de hospitii vultui inhæreret, appareret in fronte Apostoli, quasi aureis literis inscriptum, Paulus Apostolus prædicator Christi. Ea vero cum prænuncia fama multa de Paulo audisset & diu desiderasset tantum videre Apostolum, gaudio pariter & stupore correpta corruit ad pedes Pauli, qui ipsam in cognitione euangelij Christi instituens sancto baptismo Christo vnà cum marito & familia consecrauit. Traditur & Philotheus eius regionis primas fidem Christi à doctore Paulo recepisse.

*Paulus redit in
Syriam.*

Posterior sententia, qua putatur proxima rediisse in Syriam, Asiam & Macedoniam, hisce innititur Pauli testimonijs. Ad Hebræ. 13. cap. Orate pro nobis, inquit, & magis quidem vt hoc faciatis oro, quo celerius restituar vobis. Sciatis fratrem vestrum Timotheum solutum esse, cum quo (si celerius venerit) visam vos. Et ad Philipp. 2. cap. Timotheum, ait, spero me missurum ad vos, mox tibi video mea negotia. Confido autem in Domino quod & ipse breui venturus sim. Rursus ad Philemonem dicit, Simul etiam præpara mihi hospitium. Spero enim quod auxilio precum vestrarum donabor vobis.

Probabile mihi videtur quod Apostolus è vinculis Romæ liberatus, recta ad ecclesias Syriæ, Asiæ, & Græciæ confirmandi consolandiq; gratia redierit. Deinde vero ex Græcia soluerit, transieritq; in Italiam, & ex ea superatis montibus abierit in Gallias, ex Gallijs rursus penetraverit in Hispanias, ex Hispanijs vero redierit aut reductus sit in urbem Romam, vbi tandem sub Nerone occubuit. Peregrinationem eam perfecisse videtur intra annos X. occubuisse anno Neronis ultimo.

*De morte &
supplicio Pauli*

In loco autem & genere mortis Pauli omnibus conuenit scriptoribus vetustis, in tempore non item. Romæ enim gladio Neronis obtruncatum esse Apostolum dicunt. Alij vero ponunt X III. alij X IIII. Neronis annum, forte quod alij finem spectant anni X III. alij vero principium X IIII. Hieronymus sequutus Eusebium in Viris ecclesiæ illustribus, Paulus, ait, X IIII. Neronis anno, eodem die quo Petrus, Romæ pro Christo capite truncatus, sepultusque est in via Ostiensi, anno post passionem Domini XXXVII. Erat is annus Natiuitatis Domini LXX. conuersionis Pauli XXXVII. Tanto videlicet tempore minister Iesu Christi prædicat in Oriente & Occidente salutare Christi Euangelium, maximis haud dubie cum ærumnis atque laboribus, quorum ipsemet compendium contexens in posteriore ad Corinthios & aduersarijs suis respondens, Ministri Christi sunt, ait, vt ego (vt minus sapiens dico) excellentius sum ego: in laboribus copiosus, in verberibus supra modum, in carcere abundantius, in mortibus frequenter. A Iudæis quinquies quadragenas vnà minus accepi plagas. Ter virgis cæsus fui, semel fui lapidatus. Ter naufragium feci. Noctem & diem in profundo egi. In itineribus sæpe, in periculis fluminum, periculis latronum, periculis ex genere, periculis ex gentibus, periculis in ciuitate, periculis in deserto, periculis in mari, periculis inter falsos fratres, in labore, in molestia, in vigilijs sæpe, in fame & siti, in ieiunijs sæpe, in frigore & nuditate: præter ea quæ extrinsecus accidunt, incumbens mihi quotidiana cura omnium ecclesiarum. Quis infirmatur & ego non infirmor? Quis offenditur & ego non vror? Hæc omnia leguntur in 2. ad Corinth. II. cap. Quis autem nesciat post hanc epistolam editam, Apostolum multo plura & maiora perpassum? Distant ergo omnes Christiani, ministri in primis ecclesiarum, fide, charitate, spe, zelo, diligentia, animo infracto fideli & patientissimo seruire Deo excello & Domino nostro Iesu Christo in hoc seculo, ac ea in re imitari exemplum beatissimi Apostoli Pauli, qui omnibus nobis exemplum, modis omnibus imitandum, quatenus videlicet ipse quoque imitator Christi fuit, à Deo nobis est propositus.

*Labores & e-
rumus Apo-
li Pauli.*

De causa mortis Pauli nihil traditum est à vetustis, nimirum quod apertissimum sit Paulum propter Christi fidem & prædicationem, sicuti & alios Christi prædicatores testes siue martyres, occubuisse. De causa quam Nero prætexuit suæ persecutioni, incendium videlicet vrbis, dicemus in capite ultimo, in Nerone. Quia tamē Ioannes Chrysostomus libro primo, aduersus vituperatores vitæ monast. singulare quiddam de causa mortis Pauli tradit, non grauabor verba authoris hisce nostris inferere, Paulus, inquit, pellicem Neronis, quam deperibat ac indelitijs habebat, cum ad fidem inducens, religionis sacramenta suscipere, simul etiam impurū congressum declinare persuaserat, Nero Paulum corruptorē nebulonem & flagitiosum hominem vocitans, primum quidem coniecit in vincula, deinde poscit vt puellæ eiusmodi consilia monitū dare desineret: quod cum à Paulo impetrare non posset, necauit tandem virum sanctissimum. Hæc Chrysostomus. Id si verum est, periit Paulus propter libidinem regis accusatam, perinde atq; sanctissimus ille Ioannes Baptista, propter incestas regis Herodis nuptias accusatas. At Paulus Orosius historiarum libro 7. cap. 7. simplicissime dicit, Auxit molem facinorū Neronis, temeritas impietatis in Deum. Nam primus Romæ Christianos supplicij & mortibus affecit, ac per omnes provincias pari persecutione exercitari imperauit, ipsumq; nomen extirpare conatus, beatissimos Christi Apostolos Petrum cruce, Paulum gladio occidit. Dominus Iesus quem prædicauit Paulus, cuius solius gloriam quæsiuit, concedat ecclesiæ suæ veram fidem & sanctissimam in fide constantiam. Amen.

De causa mortis Pauli.

C A P V T X V I I I.

De successione & imperio Romanorum Principum Octauij Augusti, Tiberij, Caij, Claudij & Neronis Cæs. quorum mentio ferè fit in literis Apostolicis.



Quoniam vero in opusculo hoc nostro Principum Romanorum Imperatorū aut Cæsarium mentio facta est creberrima, visum est in gratiam Lectorum, & quo plus lucis minusq; impedimenti habeant hætenus proposita, paucis perstringere successionem Romanorum Cæsarium & in successione aliquot etiam res ad vtilitatem Lectorum facientes, idq; non ex vulgaribus, sed classicis scriptoribus historiarum, Suetonio Tranquillo, Cornelio Tacito, Sexto Aurelio Victore, Flauio Iosepho, Eusebio Cæsarien. Paulo Orosio, & Eutropio.

Post Iulium Cæsarem trucidatum reipublica siue Regnum Romanum, quod is inuaserat ac obtinuerat, deuolutum est ad Octauianum, qui adoptione C. Cæsaris maioris auunculi C. Cæsaris dictus, ob victoriam vero Augustus cognominatus est. Huius anno Romani videlicet principatus XLII. natus est Saluator mundi in Bethlehem Iudææ. Id quod multis exposuit Lucas in historia euangelica cap. 2. Multa pace vsus & multis præclaris excellens victorijs, abusus legitur Dei beneficijs, & insolentia luxuriaq; peccauisse. Iecirco tam dira Romanos fames inuasit, vt Cæsar maximam hominum vim vrbe trudi præceperit. Deinde senem iam Augusto, vt Suetonius ait, Ianus patefactus, quem in natiuitate Christi clauserat, vsque ad Vespasiani patuit imperium. Nam Titus victor & cum patre Vespasiano triumphans, Ianum clausit rursus, supplicio nimirum sumpto de impijs Iudæis. Vixit Augustus annos LXXVI. Excessit Nolæ XLIII. Calend. Septemb. duobus Sextis Pompeio & Apuleio Coss. cum tenuisset rempub. cum M. Lepido & M. Antonio, & rursus cum M. Antonio tantum annos serè XII. nouissime solus per annos IIII. & XL. in vniuersum LVI.

Augustus Cæs.

Successit Octauio Augusto in repub. gubernanda imperator Augusti priuignus Claudius Tiberius Nero: qui ob vitium vinolentiæ dictus est per iocum Caldius Biberius Nero. Huius anno XV. cæpit salutaris prædicatio euangelij per Ioan. Baptistam. XVII. imperij eius anno Christus Dominus mortuus, resurrexit, ascendit in cælos, & S. Sanctum misit in discipulos, de qua re dixi in cap. huius opusculi primo. Pilatus Iudææ præses ad Tiberium & senatum Rom. retulit XIX. anno imperij eius de passionē & resurrectione Christi Domini eiusq; & discipulorum miraculis, sicut in historijs tradunt Orosius & Eutropius, ac Tiberius quidem retulit ad senatum, vt CHRISTVS haberetur pro Deo. Senatus, sicut scriptor vetustissimus Tertull. Apologeticus sui cōtra Gentes 5. cap. meminit, quia nō ipse probauerat (resq; ad ipsum primo delata fuerat) respuit. Ac Seianus quidē Tiberij præfectus, suscipiendæ religioni contradixit acerrime obstinatissimeq; edictoq; decreuit vt Christiani vrbe eijcerentur. Tiberius vero in sententiā suā mansit, comminatus periculum Christianorum persecutoribus accusatoribusq;.

Tiberius Cæs.

Tiberius vult Christum inter Deos coli. Ego ab hominē testimonij non accipio. Ioan. 5.

*Prodigia sua
funda sub Ti-
berio edidit.*

Permoerunt Cæsaris animum, haud dubie ingentia illa & stupenda prodigia sub morte Christi Domini per totum orbem facta. Orbis enim maximo terræmotu concussus est, saxa in montibus conscissa hauerunt, maximarumq; urbium plurimæ partes plus solita concussione ceciderunt. Et eadem die qua Dominus noster in crucē sublatus est, circa horam VI. quæ nobis est meridiæ XII. penderetq; viuis è stipite ad horam vsq; IX. vespèrarum, quæ nobis III. est, ac tum demum expiraret, ab hora, inquam, VI. vsq; in horam IX. sol in totum obscuratus, tetraq; nox subito induta est terris. Vique adeo autem neq; lunam lumini solis, neq; nubes obstitisse manifestum est, vt quartam decimā eo die lunam tota cœli regione interiecta longissime à conspectu solis abfuisse, & stellas tunc diurnis horis vel potius in illa horrenda nocte cœlo fulsisse, referatur. Quod non solum sanctorum euangeliorum fides, sed etiam Ethnici Græcorum libri attestantur, inter quos & Phlegonis numerat Eusebius in Chronicis, Eutropius in historia, & Lucianus martyr Christi ac presbyter Antiochenus in sua pro se apud Gentes Apologia.

*Tiberij interi-
tus.*

Porro cum Tiberius non perseveraret in fide, mansuetudine & modestia, ex principe tolerabili facta est truculenta bestia. Bonam enim senatus partem occidit. Filios proprios veneno su- stulit. Libidinem stupendam exercuit. Breuiter, exiit hominem, & diabolum prorsus induit. Seianum illum acerrimū Christianæ religionis hostem lupus lupū lacerans, interfecit, ipse præ- terea ambiguus veneni signis interfijt. Sic mutuis ceciderunt vulneribus impij, crudeles, fœdi & abominandi homines, qui noluerunt regem Christum super se regnare. Obijt in villa Lucullana anno ætatis LXXVIII. imperij sui XXXIII. Calend. Apriles XVI. Cn. Accerionio Proculo, C. Portio Nigro consulibus.

Caius Cæsar.

Post Tiberium regnum arripuit Caius Cæsar, Caligula cognominatus, Germanici filius, nepos Drusi fratris Tiberij. Propudium hic & sterquiliniū erat hominis omnium ante se scele- ratisima bestia, & qui vere dignus Romanis idololatriis & Iudæis blasphemis pertinacibusq; Christi persecutoribus & contemptoribus punitor adhibitus videretur. Ante principatum quidem omnibus erat charus acceptusq;, in principatu nemo vnquam illo extitit atrocior. Pri- mus diademate imposito dominū se appellari (quod nominis Augustus modis omnibus etiam edicto edito à se remouerat) ac pro Deo coli voluit.

*Superbia dia-
bolica Caij.*

*Caius voluit se
adorari pro
Deo.*

Arbitror autem me Lectori gratificaturum, & nihil à proposito nostro alienum allaturum, si huc ex Iosepho historiam de hoc Caio & stupenda eius impietate transferam. Caius Cæs. in- quit ille, in tantū contumeliose abusus est fortuna, vt etiam & Deum se putaret, & vellet vocari. Et hanc suam impietatem etiam in Iudæam extendit. Petronium denique cum exercitu Hiero- solymas direxit, præcipiens vt in templo statuas eius locaret, quas nisi susciperent Iudæi, con- tradicentes interficeret. Et Petronius quidem in Iudæam festinans cum exercitu Ptolemaidem peruenit. Quod cum Iudæi intellexissent processerunt Petronio supplicaturi obuiam cum vxoribus & liberis in campum, in quo sita fuerat Ptolemais. Petronius supplicantiū flexus multitu- dine, exercitum quidē & statuas reliquit in Ptolemaide, ipse vero descendit in Galilæam, conuo- catiq; Iudæis in Tiberiadem cœpit exponere mandatum & minas Cæsaris, addens insuper sup- plicationem Iudæorum esse contumeliosam, cum omnes gentes quæ obediant Romano impe- rio in suis urbibus inter reliquos deos, imagines quoq; Cæsaris locauissent, soli Iudæi istud re- spuerent. Id perinde esse, ac si deficerent ab imperio, & manifesta iniuria afficerent præsidētē. Illis vero contra hæc legem moresq; patrios allegantibus, & quia ne Dei quidem simulachrum, nedum hominis: nec solum in templo, sed neque in prophano aliquo totius regionis loco phas- si sibi esset locare: arripiens dictū, Petronius respondit, Sed & mihi lex Domini mei seruanda est. Cogam itaq; vos implere quæ mandata sunt. Ad id tota conclamauit multitudo, malle se semel in vniuersum interire, quàm temerare leges Dei. Sedato tandem clamore, Petronius rursus di- xit, Pugnare ergo aduersus Cæsarem estis parati? Responderunt se paratos esse pro Cæs. & pro Romanorum salute sacrificia immolare: at si pergat statuas ipsis collocare in templum, debere eum prius immolare, iugularēue totē gentem. Petronius permotus populi admiranda constan- tia, rem per literas retulit ad Cæsarem. Cæsar succensus, Petronio extrema minatus est, vi pergat statuas Cæsaris inferre templo. Sed epistolæ huius vectores per tres continuos menses contin- git, diuina prouidentia ita temperante res, tempestate retineri. Alij vero Cæsaris interitum nū- ciantes nauigarunt felicius & alios præuenerunt.

*Libido Caij
Cæs.*

Mirum autem est hominem spurcum, porcum, inquam, lutulentum, denique lupum huma- no madentem sanguine, cuius imaginem nemo mediocris vel in cloacā suam recepisset, ausum fuisse postulare in templa reciperent cordati. Verum tale merebantur illorum mores, qui Chri- stum Dei Filium sanctissimum recipere nolebant. Caius enim hic libidinis fuit portentum.

Nam

Nam tres sorores suas stupro commaculavit, stupratos misit in exilium. Matrimonia contraxerunt turpius, an dimiserit, an tenuerit, non est facile discernere. Adulteri sunt omnium qui vixerint impudētissimus. Tranquillus enim, illustriores feminas, inquit, plebsque cum maritis ad carnalem vocatas diligenter ac lente, mercantium more, considerabat, etiam si facerent inani releuans, si quæ pudore submitterent. Quoties deinde libauisset egressus trichinio, quia maxime plebs stami fecundasset, paulo post reuersus, vellauit palam vel vitæ perabat, singula numerans bona malae corporis, &c. Lupanar in palatio constituit, distinctisq; & instructis pro loci dignitate compluribus cellis, in quibus matronæ ingenuiq; starent, misit circum fora & basilicas nomenclatores ad inuitandos in libidinem iuuenes senesq;. Pudicitiae neq; suæ neq; alienæ peperit, sed & à virorum commercio non abstinuit sceleratus.

Sæuitiam incredibilem & exemplo carentem exercuit. Exclamasse fertur, Vtinam populus Romanus vnā ceruicem haberet. Propinquos & amicos, etiam senatores honestissimos trucidauit, & cum eos clam interemisset, citare nihilominus perseverauit, paucos post dies voluntaria morte perisse mentitus. Non temere in quenquam nisi crebris & minutis rebus animaduerti passus est, perpetuo notoq; iam præcepto, ita fieri, vt se mori sentiat. Multos honesti ordinis deformatos prius stigmatum notis ad metalla aut munitiones viarum, aut ad bestias condemnauit, aut bestiarum more quadrupedes cauea coereuit, aut medios ferra dissecuit. Parentes supplicio filiorum interesse cogebat. Quorum vni valetudinem causanti leſticam misit. Equitem Romanum obiectam feris, cum se innocentem proclamasset, reduxit, abscessaq; lingua rursus induxit. Si vixisset diutius longe crudeliora patraſſet. A morte enim eius inueniuntur libelli duo, quorum alteri pugio, alteri gladius inscriptus erat titulus, in quibus nomina morti destinatorum nobilitum continebantur. Inuenta est in secretis eius & arca ingens, variorum venenorum pocula conmens, qua demersa maria dicuntur infecta, non sine magno piscium exitio, quos enecatos per proxima littora paſſim æſtus erexit. Hæ scilicet erant virtutes Dei illius Romani, qui ab omnibus adorari, & pedes impurissimos sibi exosculari poscebat. Ea non temere hic commemoro, vt omnes intelligant qualia fuerint tempora, in quibus Euangelium prædicauit Apostoli, & cum qualibus monstris pugnandum fuerit p̄ys, quæ fuerit licentia & detestanda impiorum impia audacia.

Verum iam libet etiam mortem impurissimi canis subijcere, vt inde quoque iusta Dei iudicia intelligantur. Ergo IX. caled. Februarias ultimo imperij anno, cum ad ludum scenicum in spectandum prodiret scelus, inſectis aliquot vulneribus à Cassio Chærea, & Corn. Sabino prostratus est in terram. Iacentem vero & contractis membris clamantem se viuere, cæteri coniurati vulneribus triginta confecerunt. Quidam etiam per obscœna ferrum adegerunt. Cadauer eius clam in hortos Lamianos asportatum, & tumultuario rogo semibustum, leui cespite obrutum est. Atque hic est finis exitusq; Romani illius Dei ab ipso diabolo consecrati. Perijt vnâ vxor Cæsonia, luxuria & lasciuia perditâ mulier, quam ille amicis non raro nudam ostendit gladio a Centurione confossa, & filia parieti illisa, Iulia Drusilla, quam monstrum illud dum viveret per omnium dearum templa circumferens, Mineruæ gremio imposuit, alendamq; & insistentiam commendauit. Vixit Cæsar annis XXX. imperauit triennio X. mensibus & VIII. diebus, vt annotat iam est à Tranquillo. Sex. Aurel. Victor, & Eusebius Cæsariensis numerant ex integro fere annos. Illi quos in nostra supputatione sumus sequuti.

Extincto Cæsar imperium suscepit Tiberius Claudius Cæsar. Tamen enim multa de abrogando imperio, ac republica in antiquum ordinem restituenda euertendaq; penitus Cæsarem vniuersa familia Senatus & Coss. consultarent deſeruerentq;, perripit tamen eam ſactione sua Claudius. Hunc mater Antonia hominis monstrum appellare solebat. Nam ventri, vino, libidini fo de obediens, vecors & probè hebes, ignauus & pauidus. Libertorum & coniugis, primum quidem Messalinæ, deinde Agrippinæ imperijs subditus fuit: vt Tranquillus dicat illum egisse ministrum non principem. Cibi viniq; quocunq; & tempore & loco appetentissimus erat. Conuicia agitauit & ampla & alsida, ac fere patentissimis locis, vt plerūq; sexcenteni ſinal discumbere. Nec temere vniquam trichinio abſceſſit, nisi distentus ac madens, & vt statim supino ac per somnum hianti pinna in os inderetur ad exonerandum stomachum. Hæc autem eam ob cauſam maxime commemoro ex historijs, quo minus mireris Imperio Claudij orbem fame & ægestate vsque adeo preſſum laborauisse. Nam Isaias, Væ, inquit, his qui mane se accingunt vt ſeſtentur ebrietatem, prorogantes id ad crepusculum vsque. Ideo gloria huius populi fame maceratur & multitudo eius ſiti aret. Certe qualis erat princeps talis etiam aula, talis totus ferè populus. Claudius nihil æque quam timidus & diffidens fuit. Sæuum & sanguinarium natura

Scititia & interitus Claudij fuisse magnis minimisq; apparuit rebus. Senatores XXXV. equites Romanos CCC. leuissimis de causis trucidauit. Tandem venenum hausit gurges, temperante id Agrippina, excessitq; III. Idus Octobris Asinio Marcello, Acilio, Auiola Coss. LXIII. ætatis, imperij XIII. anno.

Nero Caesar. Nero Claudius, Claudio Tiberio in imperio protinus est surrogatus. Nam mox ab interitu Claudij Nero XVII. natus annos pro palatij gradibus imperator consalutatus est. Fuit is per initia princeps non malus, sed non diu talis perseuerauit, protinus enim ingenium sceleribus prodidit infandis, in feram omnino demutatus beluam. Tantis homo spurcissimus exagitabatur libidinibus, vt ne à matre quidem, sorore, aut ab vlla consanguinitatis reuerentia abstinuisset referatur. Puerum Sporum exectis testibus, etiam in muliebrem naturam transfigurare conatus est. Ipse à viro, amictus nubentium virginum specie, palam conuocato Senatu, dote dicta, cunctis se sua more frequentantibus vt vxor acceptus est.

Libido Nero- nis. Cæterum non diu inultam fuit exultare detestabilem Sodomiticam & abominandam libidinem iustum Dei iudicium. Equidem cum in vrbe tam famigerata nemo inueniretur qui sese opponeret infandis & pudendis adeo sceleribus, quin in desiderijs & abominandis cupiditatibus corda inflammata ab immundo spiritu, flagrant, lustrauit Dominus sordes illas, vt quondam incendio Sodomitico, ita nunc igni Neroniano id est, iustus Deus permisit vt bona pars vrbs per impurissimum hunc nebulonem & inflammaretur & periret. Suetonius enim, Nero quasi offensus, inquit, deformitate veterum ædificiorum & angustijs flexurisq; vicorum, incendit urbem. Voluit huius spectaculi imagine cernere qualiter olim Troia arserit: ideoq; incendium è turri Mæcenatiana prospectans, lætusq; flammæ (vt aiebat) pulchritudine, Siliij decantauit in illo suo scenico habitu. Arsit vrbs diebus continuis sex & noctibus septem. Nulla fuit clades quæ vrbi per ignium violentiam accidit grauior atque atrocior. De qua qui cupit copiose inspicere singula, legat Cornelium Tacitum Annal. libro 15.

Roma ignibus sicuti Sodoma afflicta. Quorum vero opes & ædes perierant incendio, Neroni, ceu auctori mali tanti, vehementer irascebantur. Nero vulgi odium metuens & sese per calumniam repurgare cogitans, suspitio nem tanti sceleris imponit Christianis, atq; hos protinus tanquam incendiarios persequitur. Horum alij tormentis fracti factum confitebantur quod nunquam fecerant: alij in innocentia sua moriebantur. Cæpit grauis hæc persecutio X. Neronis anno, & durauit quadriennio ad finem vsque vitæ & regni Neronis. Etenim incendium vrbs incidit in Consulatum C. Lexanij & M. Lucinij Coss. at hi Consulatum gessere X. Neronis anno. Non pigebit huc referre Cornelij Taciti hostis religionis nostræ impuriss. testimonium ex historia Augustali, de persecutione & calamitosa nostrorum afflictione. Scribit ergo libro 15. de hac ita.

Vera causa et origo persecutionis Neronianæ in Christianos. Ergo abolendo rumori Nero subdidit reos & exquisitisimis pœnis affecit, quos per flagitia inuiolos vulgus Christianos appellabat. Author nominis eius Christus qui Tiberio imperitante per Procuratorem Pontium Pilatum supplicio affectus erat. Repressaq; in præsens exitiabilis superstitio rursus erumpebat: non modo per Iudeam originem eius mali, sed per urbem etiam: quo cuncta vndique atrociora aut pudenda confluunt celebranturq; . Igitur primo correpti qui fatebantur, deinde indicio eorum multitudo ingens, haud perinde in crimine incendij quam odio humani generis conuicti sunt. Ea pereuntibus addita ludibria, vt ferarum tergis coniecti, laniatu canum interirent, aut crucibus affixi, aut flammandi, atque vbi defecisset dies in vsum nocturni luminis vrerentur. Hortos suos ei spectaculo Nero obtulerat, & Circense ludicrum edebat, habitu aurigæ permixtus plebi, vel circulo insistens. Vnde (quanquam aduersus fontes & nouissima exempla meritos) miseratio oriebatur, tanquam non utilitate publica, sed in scuitiam vnius absumerentur. Hæc Tacitus. Perstringit eadem in Nerone Suetonius hostis & ipse nostræ fidei, dicens, Multa sub eo & animaduersa seuerè & coercita, nec minus instituta. Afflicti supplicijs Christiani, genus hominum superstitionis nouæ & maleficæ. Hæc Tranquillus. Eodem anno & mox insequente sub consulatu Siliij Neruæ & Attici Vestini, præstantissimos quosque Romanæ vrbs viros trucidauit bestia, tanquam C. Pisoni fauentes. Ea qui cupiunt plenius cognoscere & pulcherrima videre exempla mortem contemnentium, legant Taciti Annal. lib. 15. & 16. &c.

Vide quanta passi sint innocentes Christiani. Eodem tempore optimam Senatus partem interfecit, equestrem ordinem penè destituit, præceptorem Senecam, item M. Anneum Lucanum, matrem denique Agrippinam, amitam quoque, fratrem Britannicum, sororem, vxores Octauiam & Poppæam Sabinam, & ex hac priuignam suam, cæterosq; sibi vel propinquitatē vel affinitate coniunctos crudelissimus parricida necauit. Quo minus mirandum arbitror, quod ne Apostolis quidem Christi Petro & Paulo ac reliquis Christianis pepercit. Nam bonis omnibus hostis fuit. Nullus, ait Tranquillus, adhibitus de-

Parricidia Neronis. lectus

lectus aut modus interimendi quoscunque libuisset, quacunque de causa. Rectissime ergo & venustissime in Apologetico suo contra Gentes scripserit legatur Tertullianus in hæc verba: Consultate Commentarios vestros, illic reperietis primum Neronem in hanc sectam, tum maximè Romæ orientem, Casariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest non nisi aliquod bonum grande a Nerone damnatū. Et mox: Tales nobis semper insequutores iniusti, impij, turpes, quos & ipsi damnare contecti, à quibus damnatos restituere soliti estis. Hæc Tertull. Apher.

Iam præstat etiam audire quem exitum sit fortitus truculenta bestia, & quid insequentum tot & tanta innocentium funera & parricidia: vt hinc quoque discamus iusta Dei iustissimi iudicii. Et cetera nusquam nec villo tempore dormitantis: simul etiam inelarescat quomodo interierit qui tantissimum Christi Apostolum Paulum obruneauit. De morte & intentu hominis scelesti si in hæc tradit Suet. Talem principem paulò minus per XIII. annos perpressus terrarum orbis tandem destituit, initium facientibus Gallis duce Iulio Vindice. Postquam etiam deinde Galliam & Hispanias descendiisse cognouit, collapsus animoq; male fracto diu & sine voce & prope inter mortuus iacuit, vtque resipuit, veste descissa capite contuerberato actum de se pronunciauit. Nunciata etiam interim cæterorum exercituum defectione, literas prandenti sibi redditas concerpfit, mensam subuertit, duos scyphos grauisissimi vsus, quos Homericos à calatura carminum Homeri vocabat, solo illisit, inde transijt in hortos Seruilianos. Ac cogitatione in posterum diem dilata, ad mediam ferè noctem excitatus, vt comperit stationem militum recessisse, prosiluit è lecto, misitque circum amicos. Et quia nihil à quoquam renunciabatur, ipse cum paucis hospicia figulorum adiit. Verum clausis omnium foribus, respondente nullo, in cubiculum redijt, vnde iam & custodes diffugerant. Ac statim percussorem, cuius manu periret, requisit. Et nemine reposito, Ergo ego, inquit, ne amicum habeo nec inimicum: procurritque quasi precipitaturus se in Tiberim. Sed reuocato rursus impetu, aliquid secretioris latebræ ad colligendum animum desiderauit, & offerente Phaonte liberto suburbanum suum, vt erat: nudo pede, atque tunicatus, penulam obsoleti coloris superinduit, adpertoque capite & ante faciem obstituto sudario, equum inscendit, quatuor solis comitantibus, inter quos & Sporus erat. Statimque tremore terræ & fulgure aduerso pauescens, audiit ex proximis castris clamorem militum. Vt ad diuerticulum ventum est, dimissis equis inter vepres, ipse diuisa sentibus penula, quadrupes per angustias effossæ cauernæ receptus in proximam cellam decubuit super lectum modicella culcitra vetere pallio strato instructum. Inter moras perlatus à cursore Phaontis codicillos præripuit legitque se hostem à senatu iudicatum, & quæ vt puniatur more maiorum. Inter rogauitque quale id esset genus pænæ. Et cum comperisset nudi hominis ceruicem inferi furcæ, corpus virgis ad necem cædi: conterritus duos pugiones quos secum extulerat, arripuit, tentataq; vtrinque acie rursus condidit, caussatus nondum adesse fatalem horam. Interdum segnitiam suam his verbis increpabat, Viuo deformiter & turpiter. Iamque equites appropinquant, quibus præceptum erat vt viuum eum attraherent. Quod vt sensit, trepidanter ferrum iugulo adigit, iuuante Epaphrodito à libellis: semianimisq; adhuc irrumpenti Centurioni & penula ad vulnus apposita in auxilium venisse simulanti, nō aliud respondit, quā SERO, &, HAEC EST FIDES. Atque in ea voce defecit, extantibus rigentibusque oculis vsq; ad horrorem formidinemque visentiam. Hæc omnia huc ex Suetonio transtulimus. Obseruet autem Lector extrema illa monstri verba, Sero, Hæc est fides. Sero enim & nunquam ea quæ vitæ erant curauit: & quod modo horribiliter sibi ipsi mortem consciruit, id ex eo habuit quod fidem Christianam sanguine humano voluit delere. Quod vt ex sententia non successit, ita prius semetipsum proprio perluit sanguine, ac interijt turpissime, viuente adhuc Christo & Christianis.

Porro de ijs quæ parricidia Neronis consequuta sunt, hæc refert in historijs Paulus Orotius, Mox aceruatim miseram ciuitatem obortæ vndique clades oppressere. Nam subsequente autumnino tanta vrbi pestilentia incubuit, vt triginta millia funerum in rationem libitinæ veniant. Britannica deinde clades è vestigio accidit, qua duo præcipua oppida magna ciuium sociorumque clade & cæde direpta sunt. Præterea in oriente magnis Armeniæ provincijs amissis, Romanæ legiones sub iugum Parthicum missæ, ægreque Syria retenta est. In Asia tres vrbes, hoc est Laodicea, Hierapolis & Colossæ terramotu conciderunt. Nunc vero non commemorabo quod Galba Ottho Vitellius & Vespasianus sese ciuili bello crudelissime lacerarunt atque prostrauerunt. Ita enim iustissimus Deus sanguinem Christianorum innoxium atrociter à Romanis casum, iustissimo æquissimoque suo iudicio, noxio ciuium & legionum Romanorum cruore viciis effuso vltus est.

*Terribilis iudicium
Neronis.*

*Horrores dispersi
rati & impij
hominis.*

*Ira Dei magna
in scelestum.*

*Deformiter vi
xi, pereoturus
pui.
Horrendus Ne
ronis interitus*

*Quæ infelicitas
consequuta
mortem Pauli
& persecuta
tionem Chris
tianorum.*

Obijt Nero anno ætatis suæ XXXII. iuxta Suetonium. Eutropius annos vitæ eius numerat XXXI. Imperauit annis XIII. Atque in eo omnis Augusti Neronumque familia consumpta est. Cæterum adeo cunctæ prouinciæ omnisque Roma in interitu eius exultauit, vt plebs tecta pileis manumissionum, tanquam sæuo exempta Domino triumpharet. Hoc fatum, hic finis fuit principis illius Romani, qui electissimum organum Dei Apostolum Paulum gladio ferie iussit, ac primus in Ecclesiam Christi persequutionem instituit.

Quare hæc de Roman. Cæs. copiosius sint consignata.

ET hæc quidem hætenus de V. Romanorum imperatoribus attuli. Ex quibus didicimus primum quidem integram esse supputationem, quam in annis Imperatorum consignandis sequuti sumus: deinde quàm corrupta fuerint tempora quibus ipse Dominus noster IESVS Christus, ac Apostoli eius salutarem Euangelij prædicationem mundo immundissimo prædicarunt: quam denique fuerit laboriosum, difficile & periculosum congredi cum huiusmodi monstris. Capitibus enim sic affectis facile est colligere qualia fuerint totius corporis membra. Claret hinc quoque quanta longanimitate Deus iustissimus diu multumque dissimularit foedissimos & execrandos impiorum mores: rursum quantum his beluis in sanctissimam sponfam suam fidem Ecclesiam permiserit Dominus: quanta denique cum clade optimorum & sanctissimorum hominum scelestissimi nebulones libidinem suam expleuerint, imò se quoque victores Domini nostri Iesu Christi esse crediderint. Claret hinc præterea quam inuicta nihilominus perstiterit veritas Euangelica, vicerit piorum fortis patientia, floruitque afflicta & tantum non malis infinitis oppressa Ecclesia: & quod postremo ipsa quoque lento pede Dei vindicta procedens, tarditatem grauitate supplicij compensarit.

Discant ergo omnes sancti in grauissimis periculis, in afflictionibus Ecclesiæ horrendis, in corruptela principum & omnium in orbe ordinum & statuum, constantes esse in profitenda vera religione, in allerenda veritate, & in malis varijs & grauibz perferendis. Tametsi auxilium & liberationem suam Deus diu multumque differat: tametsi prauis, audacibus & temerarijs hominibus multa in sanctos & veritatem sanctam permittat, ne ambigamus de bona eius in omnes fideles ac orthodoxos voluntate. Non nunc primum miseri & calamitosi in mundo visi sunt qui vni Christo Domino sese consecrarunt: vetustum aut antiquum hoc est, vt filij huius sæculi Dei regni; filijs non modo versutiores, sed & feliciores esse videantur. Verum viuunt & viuent æternum rex & triumphator noster IESVS Christus, qui vt Ecclesiæ suæ nunquam obliuiscitur, ita & iusto tempore affligentes sanctam suam Ecclesiam extinguit.

DE LAUDIBVS S. PAULI SELE-
cta quædam ex antiquis Ecclesiæ doctõribz.

Tertull. contra Martionem 5.

GENE. 49.

NONNE mihi Paulum etiam Genesis olim repromisit? Inter illas enim figuras & propheticas super filios suos benedictiones, Iacob cum ad Beniamin dixisset, Beniamin, inquit, lupus rapax ad matutinum comedet adhuc, & ad vesperam dabit escam. Ex tribu enim Beniamin oritur Paulum prouidebat, lupum rapacem ad matutinum comedentem, id est, prima ætate vastaturum pecora Domini, vt persequutorem Ecclesiarum: dehinc ad vesperam escam daturus, id est, demergente iam ætate oues Christi educaturum vt doctorem nationum. Nam & Saulis primò asperitas insectionis erga Dauid, dehinc pœnitentia & satisfactio bona pro malis recipientis, non aliud portendebat quàm Paulum in Saule secundum tribus, & Iesum in Dauid secundum virginis censum, &c.

Euseb. Cæsariensis Eccle. histo. lib. 3. cap. 24.

PAVLVS qui inter omnes Apostolos eruditior etiam in verbis videtur & in sensibus præpotens, non amplius quàm paruum Epistolarum suarum corpus reliquit: qui vtique immensa contineret intra se atque innumera sacramenta, vtpote qui etiam vsque ad tertium cælum raptus quæ gereretur inspexerat, & in ipsum quoque Deo dignum paradysum abductus audierat ibi ineffabilia verba & doctrinam (quæcunq; illa inibi est) siue corporeus, siue incorporeus, illius interim scholæ discipulus effectus, exceperat.

Hierony. ad Pammachium aduersus errores Ioannis Hierosoly.

Vbi est electionis vas, tuba Euangelij, rugitus leonis nostri, tonitruus Gentium, flumen eloquentiæ

quentiæ Christianæ, qui mysterium retrogenerationibus ignoratum & profundum dinitiarum sapientiæ & scientiæ Dei magis miratur quam loquitur?

Idem in Apologia pro libris contra Iovinianum.

Paulum Apostolum proferam. quem quotiescunq; lego videor mihi non verba audire sed tonitrua. Legite epistolas eius, & maxime ad Romanos, ad Galatas, ad Ephesios, in quibus totus in certamine positus est, & videbitis eum in testimonijs quæ sunt de veteri testamento, quam artifex, quam prudens, quam dissimulatio sit eius quod agit. Videntur quædam verba simplicia, & quasi innocentis hominis ac rusticani, & qui nec facere nec declinare nouerit insidias: sed quo cunque respexeritis fulmina sunt. Hæret in causa, capit omne quod tetigerit, tergum vertit ut superet, fugam simulat ut occidat.

Ioan. Chrysosto. de laudibus Pauli, Homilia 8.

Sæpe fulgido cæli globo delectatus oculus ad spectaculum oppositi è regione luminis sese violenter intendit: & licet sentiat aciem suam imparè radiorum esse certamini, desiderio tamè illius pulcherrimi luminis intuendi libenter inaccessibili radiantis orbis reluctatur corusco. Tale igitur quippiam ego ipse perpetior, qui cum videam propriæ mentis oculos ex radijs Apostolici fulgoris heberari, cupio tamè Pauli animam, miro fulgore virtutum rutilantem velut eminus intueri, & cœtra importabiles solis micatus contentiosa subire certamina. Sol enim quidam est hominibus Paulus, qui totum prorsus orbem fulgentibus linguæ suæ radijs illuminauit, quiq; vniuersas circumeundo Gentes cursu omnino solis imitatus est, ac mundi regiones omnes quasi libero a corpore animo peruolauit, & hoc cum ei amara vndiq; vulnera crebrius obuiarent. In duas namq; partes omne tunc ferè hominû scindebatur genus: in eorum scilicet qui horribili rabie erga idolorum cultum ferebantur, & in illorum quos legis zelus in Euangelij odia inflammauit. Ab utraq; vero parte grauissima in Paulû bella surgebant: cum Iudæi vndiq; illum quasi paternarum traditionum corruptorem fugarent: gentes vero quasi Deum mortuû prædicantem. Noli enim illum qui tunc fuit rerum reatum, huic qui modo est comparando magnitudinè Apostolici laboris attendere, sed ipsa adhuc prædicationis exordia mente perpende. Cõsidera prius pelagi sequitrentis furorem, & tum demum vim gubernatoris intelliges, sicut enim in quodam freto, ita Paulus in medijs fluctibus æstuabat ac mille discriminum vrgebatur procellis. Inter ipsa quippe Euangelij principia prædicationis nouitas vehementes ei tentationum turbites suscitauit. Iudæorum enim tunc populi mouebantur, quos ad hoc Mosaicæ videbantur præcepta compellere. Phariseorum quoq; perstrepebant gressus cum dudum à se crucifixi deitatem prædicari dolerent. Indignabatur etiam conspiratio sacerdotû cum audirent crucem quasi sceptrum quoddam regale celebrari. In huiusmodi bello Iudæi sociebantur & Gentes, quæ aris diuum ac templis puluinariumq; cineribus assuetæ pendè iam euelli sibi nescij amplectebantur errorem. Iudæi in prædicationem Euangelij sæuientes, suæ astabant cateruæ. Reges iugiter id ipsum bellum gerebant. Auditam crucem cuncti abominabantur exercitus: quâ sapientes recipere nesciebant, quasi signum utiq; damnati. Sed Paulo bellum hoc totius mundi omni erat pace iucundius. Delectabat enim quicunq; illum propter Euangelium vulnerabat. Hinc est quod ille Græciam atq; Barbariam cum illatis sibi vulneribus alicer circuibat, non minus plagis suis gaudens quàm regijs triumphis: haud alter delectatus naufragijs quàm ceteri acquisitis solent gaudere thesauris: luoribus, quos ei verbera sæpe inferebant, quàm quibusdam gloriabatur coronis: tribulationibus ut delitijs utebatur: squalore carceris ut paradysiam ænitatem gaudebat.

Cui te, ô beate Paule, iustorum veteris Testamenti vel noui ædeam comparare? Omnium quippe virtutem quasi in arca quadam sed cum multo prorsus cumulo condidisti. Denique si totum contra in aliquis sigillatim iustorum appendat chorum, inueniet trutinam virtutum ponderibus à tua parte depressam. Paulus enim secundus Abel, verum non semel sed per dies singulos immolatus. Paulus alter Noe, sed absque arca insurgentes aduersus se vndas impietatis enauigans. Paulus alter Abraham non modo à patria & gente, sed post vocationem suam ab ipsa etiam vita abscessus. Paulus alter Isaac spõte in hostiam colligatus. Paulus alter Iacob, quasi pro vno quodam totius mundi grege semper inuigilans. Paulus alter Ioseph spiritali fame tabescente mundo veritatis alimenta distribuens. Paulus alter Moyses qui omnes gentes à tyrannide diaboli reduxit ad Christum. Paulus alter Aaron totius mundi populis iunctus sacerdos. Paulus al-

ter Phinees impietatem Iudeorum atque gentilium, quasi fornicationem mentium vno fidei mucrone confodiens. Paulus alter David qui velut quendam Goliath in certamine diabolum provocat. Paulus alter Helias clarius raptus in cœlos. Paulus alter Helisæus qui Gentes ab interioro lepræ pollutione mundavit. Paulus alter Ezechias qui ad vnam fidem Christi diuersos populos attraxit. Paulus alter Iosias qui abominationes gentilium dissipauit & perdidit. Paulus alter Ioannes pro Christo capite truncatus. Paulus alter Petrus non de terra sed de cœlo vocatus ad credendum. Paulus alter Gabriel qui Christi ortum cunctis Gentibus nunciauit. Paulus alter Michael qui Christianorum dux esse sortitus est. Etiam si angelorum, etiam si iustorum hominum circumuolem choros, non inuenio comparisonem, cui non tamen cumulo meritorum Paulus occurrat. Acclamatio populi, & post acclamationem etiam mortuus Paulus ardentissima nobis theatra pietatis accendit.

Sed quamdiu versabo linguam nunci iustis viris Paulum, nunc etiam angelis comparando? Opulentissimum hunc igitur thesaurum in nostris auide pectoribus recodamus. Hauriamus certatim virtutes ex abundanti isto bonæ voluntatis fonte manentes, & cupiditate maxima feracissimæ huius arboris poma rapiamus, varijsq; floribus ac fructibus plenum Apostolicarum virtutum pratum metentes, sumamus è Paulo fulgentem rosam castitatis, eligamus fidei florem marcescere nescientem, decerpamus ex eo vberrimas patientiæ fructus, & virtutum omnium flores colligamus. Demus beato Paulo gloriam vt dicat de nobis in futurum, Ecce ego & pueri quos mihi dedit Deus. *Ipsi gloria in sæcula sæculorum Amen.*

Idem Homilia 1.

PROPHETA dicit, Qui facit angelos suos spiritus, & ministros suos ignem vrentem. Sed hoc etiam in Paulo possumus inuenire, qui veluti ignis & spiritus totum terrarum percurrit orbem, percurrentoq; purgauit. Sed necdum cœlum iste sortitus est: & hoc omnino mirabile, quia talis versabatur in terris & mortali adhuc carne circumdatus cum incorporalium virtutum potestate certabat. Quanta ergo sumus condemnatione digui, cum vno homine bona cuncta in se congregante, ne minimam quidem eorum partem studemus imitari? Hæc assidue mente voluentes, & nos ipsos inculpabiles præbeamus, & ad illius ze-

lum studeamus accedere, vt ad eadem bona peruenire mereamur gratia & misericordia Domini nostri Iesu Christi.

Cui gloria & imperium in sæcula sæculorum Amen.

F I N I S.



